

Yerli Romani: Bible for 1 Corinthians, 1 John, 1 Peter, 1 Thessalonians, 1 Timothy,  
2 Corinthians, 2 John, 2 Peter, 2 Thessalonians, 2 Timothy, 3 John, Acts,  
Colossians, Ephesians, Galatians, Hebrews, James, John, Jude, Luke, Mark,  
Matthew, Philemon, Philippians, Revelation, Romans, Titus

Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

Share — copy and redistribute the material in any medium or format. Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

Attribution — You must attribute the work as follows: "Original work available at <https://BibleInEveryLanguage.org>." Attribution statements in derivative works should not in any way suggest that we endorse you or your use of this work.

ShareAlike — If you remix, transform, or build upon the material, you must distribute your contributions under the same license as the original. No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



## Matthew

### Chapter 1

<sup>1</sup>О родословие на Иисуса Христа, чаво на Давид, чаво на Авраам. <sup>2</sup>Авраам биянгяс Исаак; Исаак биянгяс Яков; Яков биянгяс Юда тай лескере прален; <sup>3</sup>Юда биянгяс Фарес и Зара таро Тамар; Фарес биянгяс Есром: Есром биянгяс Арам; <sup>4</sup>Арам биянгяс Аминадав; Аминадав биянгяс Наасон; Наасон биянгяс Саламон; <sup>5</sup>Саламон биянгяс Вооз тари Раав; Вооз биянгяс Овид тари Рут; Овид биянгяс Есей; <sup>6</sup>а Есей биянгяс цар Давид, <sup>7</sup>Соломон биянгяс Ровоам; Ровоам биянгяс Авия; Авия биянгяс Аса; <sup>8</sup>Аса биянгяс Йосафат; Йосафат биянгяс Йоарам; Йоарам биянгяс Озия; <sup>9</sup>Озия биянгяс Йоатам; Йоатам биянгяс Ахаз; Ахаз биянгяс Езекия; <sup>10</sup>Езекия биянгяс Манасия; Манасия биянгяс Амон; Амон биянгяс Йосия; <sup>11</sup>а Йосия биянгяс Ехония тай лескере прален ко време на преселението андо Вавилон. <sup>12</sup>А след о преселение андо Вавилон Йехония биянгяс Салатиил; Салатиил биянгяс Зоровавел; <sup>13</sup>Зоровавел биянгяс Авиуд; Авиуд биянгяс Елиаким; Елиаким биянгяс Азор; <sup>14</sup>Азор биянгяс Садок; Садок биянгяс Ахим; Ахим биянгяс Елиуд; <sup>15</sup>Елиуд биянгяс Елеазар; Елеазар биянгяс Матан; Матан биянгяс Яков, <sup>16</sup>а Яков биянгяс Йосиф, е Мария коро ром, колатар бияндило Иисус, Който пенелпес Христос\*. <sup>17</sup>Тай чука, соси родовя таро Авраам джи ко Давид си дешушар; таро Давид джи ко преселение андо Вавилон-дешушар родовя; тай таро преселение андо Вавилон джи ко Христа-дешушар родовя. <sup>18</sup>А о рождение на Иисуса Христа\* сине чука: след като сине сгодиме Лескири дай и Мария за Йосиф, преди те киденас пес, ой араклии непразно таро Святия Дух. <sup>19</sup>А лакоро ром о Йосиф, понеже сине праведно, апа на мангелас те изложинел ла, намислингяс те мукел ла тайно. <sup>20</sup>Но като мислинелас давка, аке, ангели таро Дел явисало леске андо суно тай пенгяс: Йосифе, чаво е Давикескоро, мадара те лес те ромня е Мария; соскето означениме анде лате си таро Святия Дух. <sup>21</sup>Ой ка биянел мрушес, колес ка наречинес Иисус\*; соскето Ов си, ковато ка спасинел пе народос ленгере безехендар. <sup>22</sup>А всичко давка ачило, за те събъдинел пес о пендо таро Дел чрез о пророки, който пенел: <sup>23</sup>"Аке и девица ка заченинел тай ка биянел Мрушес: тай ка пенелпес Емануил" ковато значинел о Дел аменцар. <sup>24</sup>Тай Йосиф, като ухтинило андаро соиба, кергяс сар заповедингяс леске о ангели таро Дел тай приемингяс пе ромня; <sup>25</sup>но на пенджаргяс ла, жи кай ой на биянгяс пе първоне Мрушес; тай наречингяс лес Иисус.

### Chapter 2

<sup>1</sup>А като бяндило о Иисус андо Витлеем Юдейски, ко диеса е тагареске Ирод, аке, мъдреци таро изток але андо Йерусалим. <sup>2</sup>Тай пенде: кате си о Юдейско тагар, Ковато бяндило? Соскето диклам Лескири звезда на изток тай алам те поклонинас амен Леске. <sup>3</sup>Като шунгяс давка о тагар о Ирод, смутисало, тай цело Йерусалим лесар. <sup>4</sup>Затова кидингяс саворе народна главна свещеникия тай книжникя тай разлучелас лен кате требва те бянгиол о Помазаници. <sup>5</sup>А он пенде леске: Андо Витлеем Юдейски; соскето чука си пишими таро пророки: „Ту да, Витлееме, пув Юдова, нисар на синян най-цикни машкар о Юдова началства, соскето тутар ка проикол Вожди, ковато ка овел пастири Мере народоске Израил. <sup>7</sup>Тогава Ирод викингяс тайно мъдреците тай внимателно научингяс лендар о време, като явисали и звезда. <sup>8</sup>Тай като бичалгяс лен андо Витлеем, пенгяс ленг: Джан разлучен внимателно е Чавеске; тай като аракен Лес, известинен манге, за те джав меда те поклонинаман Леске. <sup>9</sup>А он, като шунде е тагарес, гелепеске; тай аке, и звезда, която диклесас на изток, пирелас англал ленде, жи кай авел тай спирисали ко тан, кате сине о Младенеци. <sup>10</sup>Като дикле и звезда, залошанде твърде бут. <sup>11</sup>Тай като дине андо кер, дикле е Чавес лескере Даясар и Мария, тай пеле, тай поклонисале Леске; тай пурренас пе съкровища, принесинде Леске даровия: злато, ливан тай смирна. <sup>12</sup>Тай понеже сине предопредиме таро Дел андо суно тена иринен пес ко Ирод, он гелеспеске авере дроместар пере странате. <sup>13</sup>А след като геле песке, аке, ангели таро Дел явисало андо суно на Йосиф тай пенгяс: Ухти, ле е Младенцос тай лескере дая тай наш андо Египет, тай ачов оте докато на пенав туке; соскето о Ирод ка родел е Чавес, за те погубинел Лес. <sup>14</sup>Тай чука Ов, ухтинило, лилас е Чавес тай Лескере дая машкар и рат тай гело андо Египет, <sup>15</sup>Кате ачило джикаи о Ирод на муло; за те събъдинел пес о пендо таро Дел чрез о пророки, който пенел: „ Таро Египет викингиом ме Чес. <sup>16</sup>Тогава Ирод, като дикляс, кай сине подигравиме таро мъдреци, разярисало твърде бут тай бичалгяс те погубинен соси мъжка чаве андо Витлеем тай андо соси лескере околностя, таро дуи бреш тай на теле, според о време, което бе внимателно сиклистило таро мъдреци. <sup>17</sup>Тогава испълнисало о пендо чрез о пророк Йеремия, който пенел: „ <sup>18</sup>, Гласос шунзиол в Рама, роиба тай баро ридание; Рахил оплаквинел пе чадонен, тай на мангел те утешинел пес, соскето нанаистале вече. <sup>19</sup>А като муло Ирод, аке, ангели таро Дел явисало андо суно на Йосиф андо Египет тай пенгяс: <sup>20</sup>Ухти, ле е Чавес тай Лескере дая тай джа анди Израилово пув; соскето муле окола, колато мангенас о животос е Чавескоро. <sup>21</sup>Тай чука, ов ухтинило, лилас е Чавес тай Лескере дая тай ало анди Израилово пув. <sup>22</sup>Но като шунгяс, кай над Юдея царувинел Архелай, наместо лескоро дад о Ирод, даралас те джал оте; тай предопредиме таро Дел андо суно, отеглисало андо Галилейска пределя, <sup>23</sup>тай ало, та заселисало еке градосте, наречиме Назарет; за те събъдинел пес о пендо таро пророкя, кай ка наречинел пес Назорей.\*

### Chapter 3

## Chapter 4

<sup>1</sup> Околе диесенде ало Йоан Кръстител тай проповединелас анди Юдейско пустиния, като пенелас: <sup>2</sup>Покайнен тумен, понеже наближингяс о небесно тагарипе. <sup>3</sup>Соскето давка сине, каскето хоратинелас пес чрез пророк Исаи; който пенел: „Гласос екескоро, който пищинел анди пустиния; приготвинен о дром е Девлеске! Права керен о пътекес за Леске!”<sup>4</sup>А давка Йоан пиравелас облекло камилсконе козинатар тай кожено пояси около кръста си; а лескоро хабе сине акриди\* тай диво авгин. <sup>5</sup>Тогава авенас паш лесте таро Йерусалим, цело Юдея тай цело Йорданско околност, <sup>6</sup>тай кръстиненас пес лестар анди река Йордан, като исповединенас пе безеха.<sup>7</sup> А като дикляс, кай бут таро фарисея тай садукея авенас те кръстинен пес лестар, пенгяс ленге: Рожби ехидни! кой предопредингяс тумен те нашен таро идещо гняви? <sup>8</sup>Затова, принесинен плодове, съответстваща на покаяние; <sup>9</sup>тай на мислинен те пенен: Авраам си амаро дад; соскето пенав туменгте, кай о Дел аши далке барендарда те въздвигнинел чавен на Авраам.<sup>10</sup> А о товер да пашлол вече ко корени е кащенге; тай чука всяко каш, ковато на дел лачо плоди, отсечинел пес тай анди яг чивел пес. <sup>11</sup>Ме кръстинав тумен паниеса за покаяние; но Окова, Който авел палал манде, си по силно мандар, комуто на синиом достоино те поднесинав Лескере сандаля; Ов ка кръстинел тумен с Светия Дух тай ягаса. <sup>12</sup>И лопата си андо вас Леске тай Ов здраво ка очистинел гумното, Си тай ка кидел По житос анди житница, а и плява ка тарел анди неугасимо яг.<sup>13</sup> Тогава Иисус ало тари Галилея ко Йордан ко Йоан, за те кръстинел пес лестар. <sup>14</sup>А Йоан въспиринелас Лес, каззвайки: Ман симан нижда те кръстинаман Тутар, а Ту ли авес паш манде?<sup>15</sup> Иисус в отговор пенгяс леске: Мук акана, соскето чука подобавинел те испълнинас всичко, ковато си право. Тогава Йоан муклас Лес.<sup>16</sup> Тай като кръстисало, Иисус веднага иклистило таро пани; тай аке, путердиле Леске о небеса тай дикляс е Девлескоро духос, кай ухлел сар кущи тай мукелас пес упран Лесте;<sup>17</sup> тай аке гласос таро небеса, който пенелас: Давка си мо възлюбиме Чаво, анде колесте си Моро благоволение.

## Chapter 4

<sup>1</sup> Тогава Иисус сине отведиме таро Духос анди пустиния, за те овел изкушиме таро бенг. <sup>2</sup>Тай след като постингяс саранда диес тай саранда ракя, най-после бокалило <sup>3</sup>тай, о искусители ало тай пенгяс Леске: Ако синян е Девлескоро Чаво, заповедин далка бара те ачон маренде. <sup>4</sup>А Ов във отговор пенгяс: Пишими си: „Ма само мареса ка живинел о мануш, но всеконе словоса, ковато иклол е Девлеске таро муи.”<sup>5</sup> Тогава о бенг ингалгяс Лес андо свято градос, поставингяс Лес ко крило е храмиескоро, тай пенгяс Леске: <sup>6</sup>Ако синян е Девлескоро Чаво, чив тут теле; соскето си пишими: „Ка заповядинел пе ангеленге за Туке; тай вастенде ка вазден тут, да не би те чалавес анде баресте те пире.”<sup>7</sup> Иисус пенгяс леске: Пишими си още: „Тена изпитвинес е Девлес, тере Девлес.” <sup>8</sup>Пак ингалгяс Лес о бенг еке бут уче планинате, покажингяс Леске соси царства е светоскере тай ленгери слава тай пенгяс Леске: <sup>9</sup>Всичко давка ка дав Тут, ако перес те поклонинес тут манг.<sup>10</sup> Тогава Иисус пенгяс леске: Махнин тут, Сатана; соскето си пишими: „Е Девлеске, тере Девлеске те поклонинес тут тай само Леске те служинес.”<sup>11</sup> Тогава о бенг муклас Лес; тай аке, ангеля але тай прислужвинде Леске.<sup>12</sup> А като шунгяс Иисус, кай Йоан сине предиме е властиенге, оттеглисало анди Галилея.<sup>13</sup> Тай като напуснингяс Назарет, ало тай заселисало андо Капернаум край о езерос\*, андо Завулонова тай андо Нефталимова пределя;<sup>14</sup> за те създаниел пес о пендо чрез пророк Исаи, който пенел: <sup>15</sup>, и Завулоново пув тай и Нефталимово пув, край о езерос, окотар Йордан, езическа Галилея., <sup>16</sup>народос, ковато бешелас анди тъмнина, дикляс бари светлина., тай околенге, кате бешенас анди страна е мрачноне сянкаса, ленге изгреингяс светлина.<sup>17</sup> Оттогава Иисус започнинягас те проповядвинел, пенелас: Покайнен тумен, соскето наближингяс о небесно царство.<sup>18</sup> Тай като пирелас край о Галилеиско езеро, дикляс дуе прален - Симон, наречиме Петър, тай лескоро прал Андрей, кай чиен мрежа андо езеро, понеже сине рибarya.<sup>19</sup> Тай пенел ленге: Пирен палал Манде тай Ме ка керав тумен ловци манушенгере.<sup>20</sup> Тай он веднага мукле о мрежес, тай геле палал Лесте.<sup>21</sup> Тай като отнаклияс оттар, диклес авере дуе прален - Яков Заведеев тай лескоро прал Йоан, кай кърпинен пе мрежес анди ладия пе дадеса Заведей; тай викингяс лен.<sup>22</sup> Тай он ко сахати мукле и ладия тай пе дадес, тай геле палал Лесте.<sup>23</sup> Тогава Иисус пирелас ки цело Галилея тай поучинелас андо синагогес ленгере, тай проповядвинелас о благовестие е тагарипнаскоро, като изцеринелас всянаква болестя тай всяко немощ машкар о народос.<sup>24</sup> Тай разнесисаило слухи за Леске ки цяло Сирия; тай аненас паш Лесте соси насовален, страдаша разноне болестиендар тай мъкендар, долде от бяс, епилептия тай парализирана; тай изцерингяс лен.<sup>25</sup> Тай палал Лесте пиренас баре множества тари Галилея тай Декапол, таро Йерусалим тай Юдея, тай окотар Йордан.

## Chapter 5

<sup>1</sup> А Иисус, като дикляс множества, искачисаило ко хълми; тай като бешло, Лескере ученикия але паш Лесте. <sup>2</sup>Тай като путергяс По муи, сикавелас лен, пенелас: <sup>3</sup>Блажена о чоре по дух, соскето си ленгоро о тагарипе небесно. <sup>4</sup>Блажена о скърбяща, соскето он ка утешинен пес.<sup>5</sup> Блажена о кротка, соскето он ка наслединен и пув. <sup>6</sup>Блажена, колато гладувинен тай жадувинен е правдаке, соскето он ка наситинен пес.<sup>7</sup> Блажена о милостива, соскето он ка овен помилвана.<sup>8</sup> Блажена о чиста по сърце, соскето он ка дикен е Девлес.<sup>9</sup> Блажена о миротворция, соскето он ка наречинен пес е Девлескере чаве.<sup>10</sup> Блажена о гониме заради е правдаке, соскето си ленгоро о тагарипе небесно. <sup>11</sup>Блажена синиен, като хулинен тумен тай гонинен тумен, тай хоратинен хохавнес против туменде всянакво

канилипе задари Манг; <sup>12</sup>лошанен тай веселинен тумен, сокето си бари тумари награда ко небеса; понеже чука гониненас е пророкиен, колато сине англал туменде. <sup>13</sup>Туме синиен о лон ки пув. Но ако о лон си би лондо, сосар ка осолинел пес? Ов вече нисоске на струвинел, освен те чивеллес аври тай те газинел пес таро народос. <sup>14</sup>Туме синиен и виделина ко светос. Градос, поставиме хълмиесте, наши гаравеллес. <sup>15</sup>Тай като тарен светилос, ма товен лес телал о шиники, но ко светилники, тай ов светинел саворенге, колато си кере. <sup>16</sup>Също чука нека светинел тумари виделина англал о народос, за те дикен тумаре лаче дела тай те прославинен тумаре Отециес, Който си го небеса. <sup>17</sup>Тена мислинен, кай алом те разрушинав о закони или е пророкиен? на алом те разрушинав, а те изгълниинав. <sup>18</sup>Сокето истина пенав туменге: Докато пренакел о небес тай и пув, ни иек ѹота, ни иек черта таро закони нанаи те пренакел, докато всичко на сбъдниинел пес. <sup>19</sup>Тай чука, който нарушиинел иек калкендар най-цикне заповедя тай сикавел чука е манушен, най-цикно ка пенеллес андо небесно тагарипе; а който изпълниинел лен тай сикавел чука е манушен, ов ка наречинел пес велико андо небесно тагарипе. <sup>20</sup>Сокето, пенав туменге, кай ако тумари правда на отнакел и правда е книжникиенгири тай е фарисенгири, нисар нанай те дел андо небесно тагарипе. <sup>21</sup>Шунгиен, как сине пендо е старовременоненг: „, Ма мудар; тай който мударел,изложинел пес на съд“. <sup>22</sup>Апа Ме пенав туменге,кай всекой който гневинел пес пе пралеске би причинакоро,излагинел пес на съд;тай който пенел пе пралеске Вас , излагинел пес ко Синедриони; а който пенел леске „, Канилея би гогяле“, ка овел виновно за ко огнено пъкали. <sup>23</sup>Тай чука, като принесинес то дари ко олтари,ако оте спомнинес туке кай те пралес си варесо против туте, <sup>24</sup>мук то дари оте англал о олтари тай жа първо помирине тут те пралеса, тай тогава ела,тай принесин то дари. <sup>25</sup>Помирине тут те противникиеса по сиго, джи кай синян ко дром леса карик о съдилище , данеби то противники те предел тут ко съдияс,а о съдияс те предел тут ко служители,тай те овес чивдо анди тъмница. <sup>26</sup>Истина пенав туке: Никак нанай те иклос отар, жи кай на исплатинес о последно кодрант. <sup>27</sup>Шунген кай, уло пендо:, „, Ма прелюбодействине.“ <sup>28</sup>Но Ме пенав туменге, кай всекой който дикел жувля,за те мангел ла,вече прелюбодействингяс да ласа ан пе сърцесте. <sup>29</sup>Ако ти десно як съблазнинел тут,икал ла тай чив ла;сокето по-лачес си туке те погининел иек те телесноне частиендар,а ма то цело телос те овел чивдо андо пъкали. <sup>30</sup>Тай ако то десно вас съблазнинел тут,чин лес тай чив лес;сокето по-лачес си туке те загининел иек те телесноне частиендар,а ма то цело телос те жал андо пъкали. <sup>31</sup>Още уло пендо: „, Който мукел пе ромня нека дел ла разводно писмо. “ <sup>32</sup>А пък Ме пенав туменге, кай всекой, който мукел пе ромня,освен по причина на прелюбодейство,керел ла те прелюбодействинел; тай който пранденел е ачавдияке,ов прелюбодействинел. <sup>33</sup>Шунгиен още,кай сине пендо е старовременоненг: „, Ма престъпвин ти клетва,но испълниин англал о Дел те клетвес“. <sup>34</sup>Но Ме пенав туменге: Никак тена хан совеля,нито ко небес,сокето си престоли е Девлеске; <sup>35</sup>нито ки пув, соксе си подножие Лескере пиренг; нито андо Йерусалим,сокето си градос е великоне Тагареске. <sup>36</sup>Нито тумаре шеренде те хан совеля;сокето нанащи те керен ни иек бал парно или кало. <sup>37</sup>Но тумаро хоратиба те овел: , Ва,ва! тай Нака,нака! а со си далkestар повече,си таро лукаво. <sup>38</sup>Шунгиен,кай уло пендо : „, як якаке,дант дандеске“. <sup>39</sup>А пък Ме пенав туменге: ма противинен тумен е каниле манушеске; но ако чалавел тут декой ки десно чам,ирине леске окоя да. <sup>40</sup>Далкеске,ковато мангел те съдинел пес туза тай те лел то гад, мук леске ти горнода дреха. <sup>41</sup>Който принудинел тут те пирес леса иек миля, жа леса дуи. <sup>42</sup>Де околос, който просинел туттар;тай ма отвратин тут далkestар,ковато мангел туке на заем. <sup>43</sup>Шунгиен, кай уло пендо: „, Дехе те близкенес, а мразин те неприятелес“. <sup>44</sup>Но Ме пенав туменге: Дехен тумаре неприятелен тай молинен тумен далкенге,колато гонинен тумен; <sup>45</sup>за товен чаве тумаре Отециеске, Който си ко небес; сокето Ов керел По кам те изгрениел упрали о каниле да упрали о лаче да тай дел бришим е праведноненг да е неправедноненг да. <sup>46</sup>Сокето,ако дехен само околен,колато дехен тумен,сави награда переллес туменге? На керен ли давка о бирникя? <sup>47</sup>Тай ако поздравинен само тумаре прален,со особено керен? На керен ли давка о езичника? <sup>48</sup>Тай чука, овен съвършена тумеда, карто си съвършено тумаро небесно Отеци.

## Chapter 6

<sup>1</sup>Внимавинен тена керен тумаре дела е правдакере англал о мануша ,за те дикен тумен; иначе нанай те овел тумен награда ко Отца тумаро, Ковато си ко небеса. <sup>2</sup>Тай, като керес милостиния,ма шуняр англал туте, сар керен о лицемерия ко синагогес тай ко улицес за те овен хвалиме таро мануша; Истина пенав туменге: Он получинде вече пери награда.<sup>3</sup> А като керес ту милостиния,нека то лево вас на жанел со керел то десно, <sup>4</sup>за те ачол тери милостиния в тайно;тай торо Отец,Който дикел в тайно ка въздел туке наяве. <sup>5</sup>Тай като молинен тумен,ма овен саро лицимерия;сокето он дехен те молинен пес,стояща ко синагогес тай ко ъгъля е уличенге,за те дикен лен о народос; истина пенав туменге,он получинде вече пери награда. <sup>6</sup>А ту, като молинес тут, де те вътрешноне стаичкате,тай като пандес то вудар,помолине тут тере Отециеске, Ковато си в тайно; тай то Отеци Който дикел в тайно,ка въздел туке наяве. <sup>7</sup>А като молинен тумен, ма хоратинен излишна думес, сар о езичника;сокето он мислинен,кай ка овен шунде пе буте хоратибнаксе. <sup>8</sup>Тай чука,ма овен сар ленде ;сокето тумаро Отеци жанел состар нуждаинен тумен,преди туме те мангел Леске. <sup>9</sup>А туме молинен тумен чука: Отче амаро, Който синян андо небеса, те светинел пес Торо алав! <sup>10</sup>Те авел Торо тагарипе; те овел Тери воля сар ко небеса, чука ки пув;<sup>11</sup>де амен авдиес о ежедневно маро; <sup>12</sup>тай простин аменге амаре дълговя,карто амеда простингям амаре дълъжниенге; <sup>13</sup>Тай ма въведене амен в изкушение,а избавине амен таро лукавя,сокето о тагарипе си Торо и

## Chapter 7

сила,тай и слава, жи ко векове. Амин.<sup>14</sup>Соскето,ако туме простилен е манушенге ленгере безеха ,то о Небесно Отеци ка простилен туменгеда <sup>15</sup>Но ако туме на простилен е манушенге ленгере съгрешения, Ов, тумаро да Отеци нанаи те простилен тумаре съгрешения.<sup>16</sup>А като простилен, ма овен унила,сар о лицемерия;соскето он помрачинен пе моя,за те дикен лен о народос кай простилен; истина пенав туменгено,он получинде вече пери награда. <sup>17</sup>А ту,като простилен, помажин то шеро тай истов то муй, <sup>18</sup>за тена дикен тут о мануша,каи простилен,но Отец ти,Който си в тайно; таи Отец Който дикел в тайно ка въздел туке наяве.<sup>19</sup>Ма киден туменгесъкровища ки пув, кате молецос тай ръжда разяждинен лен тай кате о чора подкопинен тай черен. <sup>20</sup>А киден туменгесъкровища ко небес, кате ни молец, ни ръжда разяждинен, тай кате чора на подкопинен, тай на черен; <sup>21</sup>соскето, кате си то съкровищес,оте ка овел то сърцесда.<sup>22</sup>И як си светилос е телоскири; тай, ако ти як си здраво,то цело телос ка овел осветиме; <sup>23</sup>но ако ти як си болнаво, то цело телос ка овел помрачиме. Тай ако и светлина туте си тъмнина, то кити бари ка овел и тъмнина! <sup>24</sup>Никои нащи слугувинел дуйе господариенге, соскето или ка мразинел иекес, а ка задехел околос, или карик иекесте ка привържинел пес,а околос ка презиринел. Нащи слугувинел е Девлеске тай е мамониеске!<sup>25</sup>Далкеске пенав туменг: Ма хан холи тумаре животоске,со ка хан или со ка пиен, нито те телоске, со ка уриес. Нанаи ли о животос повече таро хабе, таи о телос таро шеха? <sup>26</sup>Дикен о небесна птицес, кай на сеинен,нито жънинен,нито ко житницес киден; тай пак тумаро Небесно Отеци парварел лен. Туме на синиен ли бут по скъпа лендар?<sup>27</sup>Тай кои тумендар ащи с грижи те прибавинел иек лакът на ръста си?<sup>28</sup>Тай шехиенге соске хан холи? Раздикен о полска кремовия, сар барийон; на трудинен пес, нито предат; <sup>29</sup>но пенав туменг, кай дори о Соломон ки савори пери слава на уриелас пес сар иек лендар.<sup>30</sup>Но ако о Дел чука уриавел и полско чар, която авдиес иси ла, а тася чивен ла анди пещ, нанаи ли бут повече те уриавел тумен,маловери? <sup>31</sup>Тай чука ма хан холи тай ма пенен: Со ка хас? или: Со ка пияс? или: Со ка уряс?<sup>32</sup>(соскето всичко давка роден о езичникя); понеже о Небесно Отеци жанел, кай нуждаинен тумен всичко далкестар. <sup>33</sup>Но първо роден Лескоро тагарипе тай Лескири правда; тай всичко давка ка прибавинел пес. <sup>34</sup>Далкеске ма даран за тася, и тасярин ка хал холи песке. Достатъчно си е диеескесе лескоро зло.

## Chapter 7

<sup>1</sup>Ма съдинен,за тена овен съдиме. <sup>2</sup>Соскето саве присъдаса съдинен, салкаса ка съдинен тумен, тай саве меркаса меринен, салкаса ка меринелпес туменг. <sup>3</sup>Тай соске дикес и съчица анди як те пралеске,а на усетинес и греда тере якате? <sup>4</sup>Или сар ка пенес те пралеске: Мук ман те икалав и съчица те якатар; а аке, тере якате иси греда?

<sup>5</sup>Лицемерина, първо икал и греда тере якатар тай тогава ка дикес ясно, за те икалес и съчица те пралеске тари як. <sup>6</sup>Ма ден свето варесо е риконенге, нито чивен тумаре бисеря англал о баличе,тена стъпчинен лен пе пиренца тай като иринен пес, те разкъсинен тумен. <sup>7</sup>Манген, тай ка ден тумен; роден, тай ка аракен; чукинен, тай ка путрен туменг, <sup>8</sup>соскето саворе колато манген, получинен; който родел, ка аракел; тай далкеске кате чукинел, ка путрен. <sup>9</sup>Иси ли машкар туменде мануш,ковато ако мангел леското чаво маро,те дел лес бар, <sup>10</sup>или, ако мангел мачо, те дел лес сапес?<sup>11</sup>Тай чука, ако туме, колато синиен злобна, жанен те ден блага тумаре чавен,кити повече Отец Ковато си андо небеса, ка дел блага далкен кате мангел Лестар! <sup>12</sup>Тай чука, всичко со мангел те керен о мануша туменг, давка керен тумеда ленге; соскето давка си и същина е закониескири тай е пророкиенгири.

<sup>13</sup>Ден тари тесно порта, соскето бухли си и порта тай пространно си о дром, ковато ингалел в погибел, тай мнозина си далка кате накен лендар. <sup>14</sup>Понеже тесно си и порта тай стесниме си о дром ,ковато ингалел ко животос, тай малцина си далка кате аракен лен. <sup>15</sup>Пазинен тумен хохавне пророкиендар, колато авен туменде овчоне шехиенде, а андрал си вълця грабителя. <sup>16</sup>Таро плодове ленге ка пенджарен лен. Кидел ли пес дракин трънендар, или смокиня от репеи? <sup>17</sup>Също чука всеко лачо каш дел лачо плоди, а о канило каш дел каниле плодове.<sup>18</sup>Нанащи лачо каш те дел каниле плодове; или канило каш те дел лаче плодове. <sup>19</sup>Всеко каш, ковато на дел лачо плоди, чинел пес таи чивел пес анди ят. <sup>20</sup>Тай чука таро плодове ленге ка пенджарес лен. <sup>21</sup>Не секои, който пенел манг: Девла! Девла! ка дел андо небесно тагарипе, но който вършинел и воля на Отца ми, Който си ко небеса. <sup>22</sup>Далке диеессте бут ка пенен манг: Девла! Девла! ма тере алавесте ли прорукунгям, ма тере алавесте ли бесовиен гонингям таи ма тере алавесте ли извършигям велика дел?<sup>23</sup>Но тогава ка заявишав ленге: Нисар на пенджаргиом тумен; жан туменге мандар туме,колато вършинен беззаконие.<sup>24</sup>Тай чука, всекои, който шунел далка Мере думес тай изпълнинел лен, ка оприличинел пес разумноне манушесте, ковато построингяс по кер на канара; <sup>25</sup>тай задиняс бришими, але о реки, запудинде о балвала тай устремисале уптал далке кересте; но ов на пело, соскето сине основиме на канара.<sup>26</sup>Тай всекои, който шунел далка Мере думес тай нана изпълнинел лен, ка оприличинел пес на неразумно мануш, ковато построингяс по кер ки поши ; <sup>27</sup>тай задиняс бришими, але реки тай запудинде о балвала тай устремисале уптал далке кересте; тай ов пело, тай о периба лескоро уло баро.<sup>28</sup> Тай като о Иисус свършигяс далка думес, о народос чудинелас пес Лескере учениесте;

<sup>29</sup>соскето поучинелас лен сар иек, който исилес власт, а ма сар ленгере книжникя.

## Chapter 8

<sup>1</sup>А като ухлило таро хълми, последвинде Лес баре множества. <sup>2</sup>Тай аке, иек прокажено ало паш Лесте, тай поклонинел пес Леске тай пенел: Девла, ако мангес, ащи очистинес ман. <sup>3</sup>Тогава о Иисус простиригяс по вас,

доприсало жи лесте тай пенгяс: Мангав; ов очистиме. Тай ко сахати очистисали лескири проказа.<sup>4</sup>Тай о Иисус пенгяс леске: Дик тена пенес давка никаске; но за свидетелство ленге, жа покажине тут е свещеникиске тай принесине о дари ковато о Мойсей заповедингяс.<sup>5</sup>А като диняс андо Капернаум, иек стотники ало жи Лесте тай молинелас пес леске тай пенел: <sup>6</sup>Девла, мо слугас пашлол аменде парализириме тай бут мъчинел пес. <sup>7</sup>А ов пенгяс леске: Ка авав тай ка изцелинав лес.<sup>8</sup>О стотники в отговор пенгяс: Девла, на синиом достоино те дес телал ме стряхате; но пен само дума, тай мо слугас ка оздравинел. <sup>9</sup>Соскето меда синиом подвластно мануш, ковато пък симан подчинена мангे войника; тай пенав калкеске: Жа, тай ов жал; тай авереске: Ела!, тай ов авел; а ме слугаске: Кер давка!, тай ов керел лес.<sup>10</sup>О Иисус като шунгяс давка, чудисало тай пенгяс колкенге, кате авенас палал Лесте: Истина пенав туменге, андо Израил на араклом дики вяра.<sup>11</sup>Но пенав туменге, кай мнозина ка авен от изток и запад, тай ка бешен с Авраам, Исаак, тай Яков андо небесно тагарипе.<sup>12</sup>а о чада е тагарипнаскере ка овен чивте ки външно тъмнина; оте ка овел роиба тай скърдане данденца.<sup>13</sup>Тогава Иисус пенгяс е стотникискеске: Жа туке; сарто повервиян, чука нека те овел туке. Тай о слугас оздравингяс ко също сахати<sup>14</sup>Тай като ало Иисус ко кер на Петър, дикляс кай лескири сасуи пашлол насвали трескатар.<sup>15</sup>Тай доближисало жи ко вас лаке, тай и треска мукляс ла; тай ой ухтинили,тай прислужвинел лас Леске.<sup>16</sup>А като ратило, анде паш Лесте мнозина долде бесовиендар; Тай ов гонингяс е духовиен иеке думаса, тай изцелингяс саворе наслален ;<sup>17</sup>за те създнингиол о пендо таро пророк Исаия, който пенел: " Ов лилас упрад Песте амаре немощя, тай амаре болестя понесингяс".<sup>18</sup>Тай о Иисус, като дикляс покраи Песте бут народос, заповедингяс те накен отвъд о езерос.<sup>19</sup>Тай ало иек книжники тай пенгяс леске; Учителю, ка пирав палал Туте кате да те жас.<sup>20</sup>Иисус пенгяс леске: Е лисицен си леговища тай о небесна птицес -гнезда; а о Човешко Чаво нанай кате по шеро те подслонинел.<sup>21</sup>А авер таро ученика Леске пенгяс: Девла, позволине мангे първо те жав те паронав ме дадес.<sup>22</sup>Но Иисус пенгяс леске: Пир палал манде тай мук о муле те паронен пере мулен.<sup>23</sup>Тай като диняс иеке ладияте, о ученика Лескере дине палал Лесте.<sup>24</sup>Тай аке, бари буря ваздисали андо езерос,тай о вълни покриненас и ладия; а Ов совелас.<sup>25</sup>Тогава приближисале,ухъядре Лес тай пенде: Девла, спасине амен,загининас!<sup>26</sup>А Ов пенгяс ленге: Соске синиен даравне,маловерци? Тогава ухтинило, смъртингяс и балвал тай о вълни, тай ачили бари тишина.<sup>27</sup>А о мануша чудиненас пес,тай пененас: Саво си Давка,кай и балвал,тай о вълни покоринен пес Леске?<sup>28</sup>Тай като ало ки отвъдно рик, ки Гадаринско\* пув, ресле Лес дуи долде бесостар, колато иклонас таро миморя чука свирепа, кай никои нацине накел далке дроместар.<sup>29</sup>Тай аке, пищинде тай пененас: Со иси тут аменца,Ту, е Девлескоро Чаво? Нима алан ате преди време те мъчинес амен?<sup>30</sup>А дуре лендар исине баро стадос баличе,колато пасиненас.<sup>31</sup>Тай о бесове молиненас пес Леске: Ако гонинес амен,бичал амен андо стадос е баличенца.<sup>32</sup>Тай пенгяс ленге: Жан. Тай он,като иклиле,геле андо баличе; тай аке о цело стадос мукляс пес тари стръмнина андо езерос тай муле андо пани.<sup>33</sup>А о свинаря нашле тай като геле андо градос, разкажинде всичко, тай давка, кате ачило колкенца долде бесовиендар.<sup>34</sup>Тай аке, цело градос иклило те посрещнител Иисуса; тай като дикле Лес, помолинде Лес те жал песке ленгере пределендар.

## Chapter 9

<sup>1</sup>Тогава Ов диняс иеке ладияте тай накло, тай ало Пере градосте. <sup>2</sup>Тай аке анде паш Лесте иеке паралитикиес, товдо на постелка; тай о Иисус, като дикляс и вяра ленгири пенгяс е паралитикиеске: Дерзай, мочо простилен пес те безеха.<sup>3</sup>Тай аке, десаве таро книжники пенде песке: Кавка богохулствинел. <sup>4</sup>А о Иисус, като ахалило со мислинен, пенгяс: Соске мислинен канилипе ан тумаре сърцеденде?<sup>5</sup>Соскето со си по-лесно те пенав: ростинен пес те безеха, или те пенав: Ухти тай пир?<sup>6</sup>Но за те ахалон , кай о Човешко Чаво иси Лес власт ки пув те простилен грехове (тогава пенел е паралитикиеске): Ухти, взаде ти постелка тай жа туке туменде.<sup>7</sup>Тай ов ухтинило тай гело пе кересте.<sup>8</sup>А о множества, като дикле давка, дараниле тай прославинде е Девлес, Ковато диняс саика власт е манушен.<sup>9</sup>Тай о Иисус, като накелас отар, дикляс иеке манушес, лескоро алаб си Матей, бешелас ко бирничество; тай пенгяс леске: Пир палал Манде. Тай ов ухтинило тай последвингяс лес.<sup>10</sup>Тай като бешло ки софра андо кер, аке, мнозина бирници тай грешника але тай бешле е Иисусеса тай Лескере ученикиенца.<sup>11</sup>Тай о фарисея, като дикле давка, пенде Лескере ученикиенце: Соске хал тумаро Учители е бирнициенца тай е грешнициенца!<sup>12</sup>А Ов, като шунгяс давка, пенгяс: О здрава нанай лен нужда лекариестар, а о наслале.<sup>13</sup>А жан тай сиклон со значинел ""Милост мангав, а ма жертва", соскето на алом те призовинав е праведнен, а е грешнен на покаяние.<sup>14</sup>Тогава але паш Лесте е Йоанескере ученика тай пенде: Соске аме тай о фарисея постинаас бут, а Тере ученика на постинен?<sup>15</sup>Иисус пенгяс ленге: Ащи ли о свадбаря те жалинен, жикаи си ленца о жамутро? Ка авел обаче време, като ка лен е жамутрес; тай тогава ка постинен.<sup>16</sup>Никой на сивел пуране шея неве платоса; соскето и кръпка ка парагиол таро шея тай о паравдо ка ачол по-канило.<sup>17</sup>Нито чорен неви мол ко пуране меховя; иначе, о меховя парион, и мол изтечинел тай о меховя хабингион. А наливинен неви мол андо неве меховя, тай о дуи да запазингион.<sup>18</sup>Като хоратинелас ленге давка, аке, иек началники ало, поклонинелас пес Леске тай пенелас: Ми чай аке акана мули; но ела тай тов То вас упрад лате, тай ои ка уххиел.<sup>19</sup>Тай Иисус като ухтинило, гело палал лесте а също Лескере ученика да.<sup>20</sup>Тай аке, иек ромни,която сине ла кръвотечение дешудуи бреша, приближисали из палал тай допирисали жи ки пола ко шея Леске;<sup>21</sup>соскето пенелас песке: Ако само допиринаман жи ки шея Леске, ка оздравинав.<sup>22</sup>А Иисус като

ирисало тай дикляс ла, пенгяс: Дерзай, мичаи, тери вяра изцелингяс тут. Тай таро също сахати и ромни оздравингяс.<sup>23</sup> Тай като ало о Иисус ко кер е началникиеске, тай дикляс е свирачиен тай о народос разтревожиме пенгяс:<sup>24</sup> Жан туменге, соскето и чаи нана мули а совел. Тай он асанас Леске.<sup>25</sup> А като гонинде е народос, Ов диняс тай долгяс ла таро вас; тай и чай ухтинили.<sup>26</sup> Тай давка разшунгяс пес ки цело койка рик.<sup>27</sup> Тай като Иисус жалас песке отар, палал Лесте пиренас дуи коре, колато пищиненас: Смилине тут упран аменде, Сине Давидов!<sup>28</sup> Тай като диняс кере, о коре приближисале карик Лесте; тай о Иисус пенгяс ленгте: Верувинен ли кай ащи керав давка? Пенде Леске верувинас, Девла.<sup>29</sup> Тогава Ов доприсало жи ко яка ленгте тай пенгяс: Нека те овел туменге според тумаре вярате.<sup>30</sup> Тай ленгтере яка путердиле. А Иисус заръчингяс ленгте строго, като пенгяс: Внимавинен никои тена жанел давка.<sup>31</sup> А он, като иклиле, разгласинде и слава Лескири ки цело койка страна.<sup>32</sup> Тай като он иклонас, аке, анде паш Лесте иеке лалоре манушес, долдо бесостар.<sup>33</sup> Тай след като сине гониме о бесос, о лалоро захоратингяс; тай о множества чудиненас пес тай пененас: Нисар на дикляс пес савка варесо андо Израил.<sup>34</sup> А о фарисея пененас: Чрез о началники е бесовиен горо Ов гонинел бесовиен.<sup>35</sup> Тогава Иисус обикалянелас саворе градове тай гава тай поучинелас ко синагогес ленгте проповядвайки о благовестие е тагарипнаскоро; тай изцелинелас секакво болест тай секакво немощ.<sup>36</sup> А като дикляс о множества, смилисало упран ленде соскето сине отрудена тай пръсната сар овце, колато нанай лен овчари.<sup>37</sup> Тогава пенгяс Пе ученикиене: И жетва си изобилно, а о работника - хари;<sup>38</sup> далкеске, молинен тумен е Господариеске е жетвакоро те бичалел работника ки жетва Леске.

## Chapter 10

<sup>1</sup>Тай като викингяс Пе дешудо ученикиен, диняс лен власт упран о нечиста духовя, те гонинен лен тай те изцелинен всекакво болест тай всекакво немощ.<sup>2</sup> А аке о алова е дешудо апостоленгере: о първо, Симон ковато пенел пес Петър, тай Андрей, лескоро прал; Яков Зеведеев тай Йоан, лескоро прал; <sup>3</sup>Филип тай Вартоломей; Тома тай Матей о бирники; Яков Алфеев тай Тадей\*; <sup>4</sup>Симон Зилот\* тай Юда Искариотски, ковато прединяс Лес.<sup>5</sup> Калка дешудуи души изпратингяс Иисус тай заповедингяс ленгте: Ма пътувинен карик о езичникя тай андо самарянско градос ма ден;<sup>6</sup> но по-лачес жан ко нашалде бакре е Израилевиенге ко кер. <sup>7</sup>Тай като жан, проповединен, тай пенен: О Небесно тагарипе наблизингяс.<sup>8</sup> Насвален изцелинен, мулен възкресинен, прокаженонен очистинен, бесовиен изгонинен; даром приемингиен, даром ден. <sup>9</sup>Ма лен нито златос, нито сребро, нито медно монета тумаре поясиенде,<sup>10</sup> нито чанта дромеске, нито дуи гада, нито потиня, нито тояга; соскето о работники заслужинел пери прехрана.<sup>11</sup> Тай колесте да те овел градосте или гавесте, като ден, разпучен кои анде лесте си достоино тай оте ачон жи ки жантуменге.<sup>12</sup> А като ден андо кер, поздравинен лес.<sup>13</sup> Тай ако о кер си достоино, нека авел лесте тумаро мири; но ако нанаи достоино, тумаро мири нека иринел пес карик туменде.<sup>14</sup> Тай ако декои на приеминел тумен, нито шунел тумаре думес, като иклон таро кер леске, или колке градостар, тресинен о прахос тумаре пирендар.<sup>15</sup> Истина пенав туменгте: По-локо ка овел о наказание ки Содомско тай Гоморско пув ко съдно диес, отколкото колке градоске.<sup>16</sup> Аке, ме бичалав тумен сар овце машкар вълциенде; овен разумна сар о сапа тай незлоблива сар о кушя.<sup>17</sup> Тай пазинен тумен таро мануша, соскето ка ден тумен на събори тай пе синагогиенде ка марен тумен.<sup>18</sup> Ба! тай англал о управителя тай тагара ка изведенен тумен ашал Манге, за те свидетелствинен ленгте тай е народоске.<sup>19</sup><sup>20</sup> А като ка преден тумен, ма даран сар или со ка хоратинен, соскето ко също сахати ка дел пес туменгте со те керен. 20 Соскето на синиен туме, колато ка хоратинен, а о Духос на Отца ви, Ковато ка хоратинел ан туменде.<sup>21</sup> Прал пралес ка предел мерибнасте, тай дат чавес; тай чаве ка ухкиен против пе родителенде тай ка мударен лен.<sup>22</sup> Ка овен мразиме саворендар поради Мере алавесте; а които устоинел жи ко крайос, ов ка овел спасиме.<sup>23</sup> А като гонинен тумен иеке градостар, нашен averесте; соскето истина пенав туменгте: нанаи те пирен о Израилева градовя, жикаи авел о Човешко Чаво.<sup>24</sup> О ученики нанаи по-горно пе учителестар, нито о слугас по-горно пе господариестар.<sup>25</sup> Достатъчно си е ученикиеске те овел сар пе учителесте тай о слугас сар пе господариесте. Ако е стопаниес е керескоро наречинде Веелзевул, то кити повече о домашна лескере!<sup>26</sup> Тай чука, ма даран лендар; соскето нанай нищо покрито, савото нанаи те откригниол, тай тайно, савото нанай те ахалол.<sup>27</sup> Давка, кате хоратинав туменгте ко тъмно, пенен лес ко светло; тай со шунен канесте, прогласинен лес таро покривя.<sup>28</sup> Ма даран колкендар, кате мударен о телос, а и душа нанащи мударен; а по-скоро даран Колкестар, Ковато ащи и душа, тай о телос да те погубинел андо пъкали.<sup>29</sup> На бикнен лил пес дуи чириkle иеке асарийеске? Тай пак ни иек лендар нанай те перел ки пув без и воля на Отца ви.<sup>30</sup> А туменгте о бала да ко шеро си саворе генде.<sup>31</sup> Ма даран; туме синиен бут по-скъпъ таро чириkle.<sup>32</sup> Тай чука, всекои, който изповединел Ман англал о мануша, ка изповединав лес Меда англал о Отца ми, Ковато си ко небеса.<sup>33</sup> Но, всекои, който отречинел пес Мандар англал о мануша, ка отречинаман Меда лестар англал о Отец ми, Ковато си ко небеса.<sup>34</sup> Тена мислинен, кай алом те анав мири ки пув; нана алом те анав мири, а мечи.<sup>35</sup> Соскето алом те настроинав " мануш против пе дадесте, чаи против пе даяте, тай бори против пе сасате;<sup>36</sup> тай о неприятеля е манушескере ка овен о домашна лескере.<sup>37</sup> Който дехел дадес или дая повече Мандар, нанай достоино Манге; тай който дехел чес или чая повече Мандар, нанай достоино Манге.<sup>38</sup> Тай който на лел по кръстос тай на пирел палал Манде, нанай достоино Манге.<sup>39</sup> Който аракел по животос, ка нашалел лес; тай който нашалел по животос ашал Манге, ка аракел лес.<sup>40</sup> Който приеминел тумен, Ман приеминел; тай който приеминел Ман, приеминел

## Chapter 11

Калкес, Ковато бичалгяс Ман. <sup>41</sup>Който приеминел пророкиес, соскето си пророки, награда пророкиескири ка получинел; тай който приеминел праведникиес, соскето си праведники, награда праведникиескити ка получинел. <sup>42</sup>Тай който напоинел иекес калке цикнендар само иеке чашаса шудро пани, соскето си Моро ученици, истина пенав туменге, нисар нанай те нашалел пи награда.

## Chapter 11

<sup>1</sup>А Иисус, като свършингяс о наставления карик о дванадесет Пере ученика, занакло отар те поучинел тай те проповединел ко градовия ленге. <sup>2</sup>А Йоан, като шунгяс анди тъмница о деловия на Христа, бичалгяс пе ученикиендар те пенен Леске: <sup>3</sup>Ту ли синян Кавка, Който си те авел, или аверес те жарас? <sup>4</sup>Иисус в отговор пенгяс ленге: Жан, пенен е Йоанеске давка, кате шунен тай дикен: <sup>5</sup>Коре дикен, куца пирен, прокажиме очистинен пес тай кашуке шунен; мule сине възкрасиме тай е сиромасиенге проповединел пес о благовестие. <sup>6</sup>Тай блажено ковка, ковато на съблазнинел пес ашал Мантг. <sup>7</sup>Тай като он жанас песке, о Иисус почнингяс те хоратинел е народоске таро Йоан: Со иклилен те дикен анди пустиния? Тръстика ли тари балвал разлюлиме. <sup>8</sup>Но со иклилен те дикен? Мануш ковле шехиенде ли урявдо? Аке, далка кате пиравен ковле шехя, си царсконе дворециенде. <sup>9</sup>Но соске иклилен? Пророкиес ли те дикен? Ва, пенав туменге, тай по бут пророкиестар. <sup>10</sup>Давка си ковка за колеске си пищиме: " Аке Ме бичалав Ме вестителес англал Тере лицесте, ковато ка устроинел То дром англал Туте. <sup>11</sup>Истина пенав туменге: Машкар о биянде жувлендар нана ваздисало по-баро таро Йоан Кръстител; обаче о по-цикно андо небесно царство си по-баро лестар. <sup>12</sup>А таро диеса на Йоан Кръстител жи акана о небесно царство насила лел пес, тай колато насилиен пес, грабинен лес. <sup>13</sup>Соскето саворе пророкя тай о закони пророкувинде жи ко Йоан; <sup>14</sup>тай, ако манген те приеминен лес, кавка си о Илия, ковато сине те авел. <sup>15</sup>Кас иси канна те шунел, нека шунел. <sup>16</sup>А состе те опреличинав кавка поколение? Ов препел чавенде, бешле ко пазаря, колато пищинен пе другариенг: <sup>17</sup>Башалгям туменге, тай на келген; ридаингям, тай на жалингиен. <sup>18</sup>Соскето ало о Йоан, ковато ни халас ни пиелас, тай пенен: Бяс иси лес. <sup>19</sup>Ало о Човешко Чаво, Ковато хал тай пиел; тай пенен: Аке мануш лакомо тай винопиицос, амал е бирникиенгоро тай е грешниенгоро! Но и мъдрост оправдинел пес пе деловиендар. <sup>20</sup>Тогава почнингяс те коринел е градовиен, кате извършил пе по бут Лескере великоне деловиендар, коленге на покаясале: <sup>21</sup>Горко туке, Хоразине! горко туке, Витсаидо! Соскето, ако сине извършиме андо Тир тай Сидон о велика дела колато извършил пе туменде, он одавна ка покайненас пес в вретише тай пепел. <sup>22</sup>Но, пенав, туменге: на Тир тай Сидон о наказание ка овел по-леко ко съдно диес, отколкото туменге. <sup>23</sup>Тай ту Капернауме, жо ко небеса ли ка издигнинес тут? Нака! жи ко ади ка ухлес! Соскето ако сине извършиме андо Содом о велика дела, колато извършил пе анде туте, ов жи авдисе ка ачол. <sup>24</sup>Но пенав туменге, кай ко съдно диес о наказание е Содомиескере пув ка овел по-локо, отколкото туке. <sup>25</sup>Околе времесте Иисус захоратингяс, тай пенгяс: Благодаринаман Туке, Отче, Девла ко небес тай ки пув, соскето гарагян давка таро мъдра тай таро разумна, а открингян лес е младенциенг. <sup>26</sup>Ва, Отче, соскето чука дикляс пес Туке угодно. <sup>27</sup>Всичко си Мантг предиме Таро Моро Отец; тай никой на пенджарел е Чавес, освен о Отец; нито пенджарел декой Отца освен о Чаво тай окова, ковато о Чаво ка благоволинел те открил Лес. <sup>28</sup>Елан паш Манде саворе отрудена тай обременена, тай Ме ка успокоинав тумен. <sup>29</sup>Лен Моро иго упрали туменде тай сиковен Мандар; соскето синиом кротко тай смирене по сърце; тай ка аракен покой тумаре душенг. <sup>30</sup>Соскето Моро иго си благо, тай Моро бремес си локо.

## Chapter 12

<sup>1</sup>По колке времесте, иеке съботате, Иисус накелас турял о посивя; а о ученика Лескере, като бокалиле, започнинде те чинен класовя тай те хан. <sup>2</sup>А о фарисея, като дикле давка, пеенде Леске: Дик, Тере ученика керен со нанай позволиме те керел пес в събота. <sup>3</sup>А Ов пенгяс ленге: На четингиен ли со кергяс о Давид, като бокалило ов тай о рома, колато сине леса, <sup>4</sup>сар диняс в Божия дом тай халас таро присъствена маре, колато на сине позволиме те хал ни ов, ни колка, кате сине леса, а само о свещеникя? <sup>5</sup>Или на четингиен ко закони, кай ко съботно диес о свещеникя ко храми нарушинен и събота, тай пак нанай виновна? <sup>6</sup>Но пенав туменге, кай ате иси Иек, Който си повече таро храми. <sup>7</sup>Но ако жаненас со значинел: " Милост мантгав, а ма жертвa", нанайас те осъдинен е невиннонен. <sup>8</sup>Соскето о Човешко Чаво си Господари е съботакоро. <sup>9</sup>Тай като занакло отар, ало ки синагога ленге. <sup>10</sup>Тай аке, оте сине мануш шуке вастеса; тай за те обвининен е Иисусес, пучле Лес: Позволиме ли си те изцелинел пес в събота? <sup>11</sup>Тай Ов пенгяс ленге: Кова тумендар, ако си лес иек овца, тай ой ко съботно диес перел анди яма, нанай те долел ла тай те икалел ла? <sup>12</sup>А кити по-скъпо си о мануш тари овца! Затова позволено си те керел пес лачипе ко съботно диес. <sup>13</sup>Тогава пенгяс е манушеске: Протегине то вас. Тай ов протегнингяс лес; тай ов ачило здраво сар околесте. <sup>14</sup>А о фарисея, като иклиле, наговоринде пес против Лесте, сар те погубинел Лес. <sup>15</sup>Но Иисус, като ахалило давка, цидисало отар; тай мнозина геле палал Лесте, тай Ов изцелингяс лен саворен. <sup>16</sup>Тай заръчингяс ленге тена разгласинен за Леске; <sup>17</sup>за те събъдинел пес о пендо чрез о пророк Иая, ковато пенгяс: <sup>18</sup>Аке Моро служители, Колес избирингиом, Моро възлюбиме, анде Колесте си о благоволение Ме душакоро; ка положинав Мо Духос Лесте, тай Ов ка възвестинел правосъдие е народоске. <sup>19</sup>Нанай те споринел, нито ка пищинел, нито ка шунел декой Лескоро гласос ко площадя. <sup>20</sup>смажиме тръстика нанай те пагел, тай замъждало фитили нанай те угасинел, жи кай икалел правосъдие към победа. <sup>21</sup>Тай Лескере алавесте о народос ка

надявинен пес".<sup>22</sup>Тогава анде паш Лесте иекес долдо от бяс, коро тай лалоро; тай изцелингяс лес, тай чука о лалоро захоратингяс да, задикляс да.<sup>23</sup>Тай саворе множества смаисале; тай пененас: Тена овел Кавка о Давидово Чаво?<sup>24</sup>А о фарисея, като шунде давка, пенде: Кавка на гонинел е бесовиен, освен чрез о началини е бесовиенгоро, Веелзевул.<sup>25</sup>А Иисус, като жанелас ленгере мислес пенгяс ленге: Всеко тагарипе, разделиме против песте, запустинел; тай нисаво гради или кер, разделиме против песте, нанай те устоинел.<sup>26</sup>Ако Сатана гонинел Сатана, ов разделисало против песте; тогава сар ка устоинел лескоро царство?<sup>27</sup>Тай далкеске, ако Ме чрез Веелзевул гонинав бесовиен, чрез касте гонинен лен тумаре възпитаникя? Затова он ка овен туменге съдииес.<sup>28</sup>Но ако Ме чрез Божия Дух гонинав бесовиен, то о Божие царство ало упрали туменде.<sup>29</sup>Или, сар ащи те дел декой ко кер е силноне манушеске тай те ограбинел лескири покъщнина, ако първо на пандел е силнонес? Тай тогава ка ограбинел лескоро кер.<sup>30</sup>Който нанай Манца, ов си противив Манде; тай който на кидел Манца, разпилинел.<sup>31</sup>Далкеске пенав туменге: Всеко безех тай хула ка простишел пес е манушенге; но и хула против о Духос нанай те простишел пес.<sup>32</sup>Тай ако декои пенел дума против о Човешко Чаво, ка простишел пес леске; но ако декои пенел дума против о Свято Духос, нанай те простишел пес леске, нито калке светосте, нито ко бъдещо.<sup>33</sup>Или керен о каш лачо тай лескоро плоди лачо; или керен о каш канило тай лескоро плоди да канило; соскето таро плоди пенджаргиол о каш.<sup>34</sup>Рожбес ехидна! Сар ащи хоратинен лачо, като синиен каниле? Соскето далкестар, кате перел о сърцес, хоратинел о мui.<sup>35</sup>О лачо мануш пе лаче съкровищестар икалел лаче бука; а о канило мануш пе каниле съкровищестар икалел каниле бука.<sup>36</sup>Тай пенав туменге, кай секоне чуче хоратаке, която пенен о мануша, ка отговоринен ко съдно диес.<sup>37</sup>Соске те хоратендар ка оправдинес тут тай те хоратендар ка осъдинес тут.<sup>38</sup>Тогава десаве таро книжникя тай о фарисея отговоринде Леске: Учителю, мангас те дикас знамение Тутар.<sup>39</sup>А Ов в отговор пенгяс ленге: Нечестиво тай прелюбодейно поколение мангел знамение, но авер знамение нанай те дел пес леске, освен о знамение на пророк Йона.<sup>40</sup>Соскето, сарто о Йона уло андо воги е морсконе чудовищеске трин диес тай трин ракя, чука о Човешко Чаво ка овел андо сърцес е пувяке трин диес тай трин ракя.<sup>41</sup>О Ниневийска мруша ка явинен пес ко съдос далке поколениеса тай ка осъдинен лес, соскето он покаясале чрез и Йоново проповед; а аке, ате иси Иек, Ковато си повече таро Йона.<sup>42</sup>И Южно царица ка явинел пес ко съдос далке поколениеса тай ка осъдинел лес, соскето ой или таро крайща е пувяке, за те шунел и Соломоново мъдрост; а аке, ате иси Иек, Ковато си повече таро Соломон.<sup>43</sup>Като о нечисто духос иклол таро мануш, ов накел таро безводна тана те родел покой, но на аракел.<sup>44</sup>Тогава пенел: Ка иринав ман ме кересте, катар иклилом. Тай като авел, аракел лес чучо, шулавдо, тай наредиме.<sup>45</sup>Тогава жал тай лел паш песте ефта авер духовя, по-каниле лестар, тай като ден, живинен оте; тай о последно състояние колке манушеско ачол по-канило таро първо. Също чука ка овел далке да нечестивоне поколениеса.<sup>46</sup>Като Ов още хоратинел се народоске, аке, Лескири дай тай Лескере прала бешенас аври тай мангенас те хоратинен Леске.<sup>47</sup>Тай декои си пенгяс Леске: Аке, Ти дай тай Те прала бешен аври тай манген те хоратинен Туке.<sup>48</sup>А Ов в отговор калкеске, ковато пенгяс Леске давка пенгяс: Коя си Ми дай? Тай кола си Ме прала?<sup>49</sup>Тай като простоянгяс вас карик Пере ученициенде, пенгяс: Аке Ми дай тай Ме прала!<sup>50</sup>Соскето, който вършинел и воля на Отца Ми, Ковато си ко небеса, ов си Манге прал тай пен, тай дай.

## Chapter 13

<sup>1</sup>Ко също диес Иисус иклило керал тай бешло край о езерос. <sup>2</sup>Тай кидисале турял Лесте баре множества, затова Ов диняс тай бешло иеке ладияте; а о цело народи бешелас ко брегос.<sup>3</sup>Тай хоратинелас ленге бут притченца, пенелас: Аке, о сеячи иклило те сеинел; <sup>4</sup>тай като сеинелас, десаве зърна пеле карик о дром; таи о птицес але, тай изкълвинде лен. <sup>5</sup>А авер пеле ко канариста тана, кате на сине бут пръст; тай бут сиго поникнинде, соскето на сине дълбоко почва; <sup>6</sup>а като изгреингяс о кам, табиле тай понеже на сине лен корени шукиле.<sup>7</sup>Авер па пеле машкар о каре; тай о каре бариле тай заглушинде лен. <sup>8</sup>А аве пеле лаче пувяте тай дине плоди, кова стократно, кова шестдесет, кова тридесет. <sup>9</sup>Кас иси кане те шунел, нека шунел.<sup>10</sup>Тогава приближисале о ученикя тай пучле Лес: Соске хоратинес ленге притченца?<sup>11</sup>А Ов в отговор пенгес ленге: Туменге си дадено те жанен о тайнес на небесното царство, а ленге нанай дадено.<sup>12</sup>Соскето, кас иси, леске ка дел пес тай ка овел лес в изобилие; а кас нанай, лестар ка лел пес давка со иси лес.<sup>13</sup>Далкеске хоратинав ленге притченца, соскето, задикен, а на дикен; зашунен, а на шунен, нито ахалон.<sup>14</sup>Упрали ленде изпълнингиол о Исаево пророчество ковато пенел: " Каненца ка шунен, а нисар нанай те ахалон; тай якенца ка дикен, а нисар нанай те дикен.<sup>15</sup>Соскето о сърцес калке люденгоро си задебелиме, тай пе каненца паресте шунен, тай пе яка склопинде; да не би те дикен пе якенца тай те шунен пе каненца, тай те ахалон пе сърцеса, тай те иринен пес, тай Ме те изцелинав лен.<sup>16</sup>А тумаре яка си блажена, соскето дикен, тай тумаре кане - соскето шунен.<sup>17</sup>Соскето, истина пенав туменге, кай мнозина пророкя тай праведникя мангле те дикен давка, ковато туме дикен, но на дикле, тай те шунен давка, ковато туме шунен, но на шунде.<sup>18</sup>Тай чука, шунен со значинел и притча е сеячиескири.<sup>19</sup>Паш саворенде, колато шунен о слово е царствоско тай нана ахалол лес, авел о лукавия тай грабинел о посяно андо сърцес леске; ов си о посяно ко дром.<sup>20</sup>А о посяно ко канариста тана си давка, ковато шунел о слово тай веднага с радост приеминел лес;<sup>21</sup>корени обаче нанай лес анде песте, но си привременно; тай като ачол напаст или гонение поради о слово, ко сахати отперел.<sup>22</sup>А о посяно машкар о каре си давка, ковато шунел о слово; но о светска грижес тай и примамка е

барвалипнаскири заглушинен о слово тай ов ачол безплодно.<sup>23</sup> А о посяно ки лачи пув си давка, ковато шунел о слово тай ахалол лес, ковато да дел плоди, тай принесинел - кова стократно, кова шестдесет, кова тридесет.<sup>24</sup> Авер притча предложингяс ленге, като пенгяс: О небесно царство опреличингиол манушесте, ковато посейнгяс лачо семес пе нивате;<sup>25</sup> но като совенас о мануша, о неприятели ленгоро ало тай посейнгяс плевела машкар о житос, тай гело песке.<sup>26</sup> Тай като поникнингяс злакът тай панляс плоди, тогава появисале о плевела да.<sup>27</sup> А о слуги е домакиниескере але тай пенде леске: Господарю, на посейнгян ли лачо семес те нивате? Тогава катар си о плевела?<sup>28</sup> О пенгяс ленге: Десаво неприятели кергяс давка. А о слуги пенде леске: Ако си чука, мангес ли те жас те оплевинас лен?<sup>29</sup> А ов пенгяс: На мангав; тена сар плевинен о плевела, те оскубинен заедно ленца о житос да.<sup>30</sup> Муken те барион о дуида заедно жи ки жетва; а по време ки жетва ка пенав е жетвариенге: Киден първо о плевела тай панден лен на снопове тарибнаске, а о житос прибирирене ме житнициате.<sup>31</sup> Авер притча предложингяс ленге, като пенгяс: О небесно царство препел на синапово зърно, ковато мануш лилас тай посейнгяс пе нивате;<sup>32</sup> ковато наистина си по-цикно таро саворе семена, но, като бариол, си по-баро таро злаковя тай ачол каш, чука че о небесна птицес авен тай подслонинен пес ко клоня леске.<sup>33</sup> Авер притча пенгяс ленге: О небесно царство препел на квас, ковато иек ромни лилас тай замесингяс трине мериенде брашио, жи кай втасинел саворо.<sup>34</sup> Всичко давка Иисус пенгяс е народоске притченца, тай би притченгоро на хоратинелас ленге;<sup>35</sup> за те изпълнингиол о пендо чрез о пророки, ковато пенел: " Ка путрав Мо муи притченца; ка пенав о гаравдо още таро създание е светоскоро."<sup>36</sup> Тогава Ов муклас е народос тай ало кере. Тай о ученикя Лескере приближисале жи Лесте тай пенде: Обяснин аменге и притча е плевелентири ки нива.<sup>37</sup> А в отговор Ов пенгяс: О сеячи е лаче семескоро си о Човешко Чаво;<sup>38</sup> и нива си о светос; о лачо семес, давка си о чада е царствоскере; а о плевела си о чада на лукавя;<sup>39</sup> о неприятели ковато посейнгяс лен, си о бенг; и жетва си о свършеки е векоскоро; а о жетваря си ангела.<sup>40</sup> Тай чука сар киден о плевела тай тарен лен анди яг, чука ка овел ко свършеки е векоское.<sup>41</sup> О Човешко Чаво ка бичалел Пе ангелен, колато ка киден Лескере царствостар всичко ковато съблазнинел, тай колка, колато керен беззаконие,<sup>42</sup> тай ка чивен лен ки огнено пещ; оте ка овел роиба тай скърдане данденца.<sup>43</sup> Тогава о праведна ка блеснинен сар о кам андо царство на Отца си. Кас иси кане те шунел, нека шунел.<sup>44</sup> О небесно царство препел иманесте, гаравдо анди нива, ковато като аракел лес мануш, гаравел лес, тай пе лошаляте жал тай бикнел всичко, со иси лес, тай кинел даика нива.<sup>45</sup> О небесно царство препел още търговцoste, ковато роделас шукар бисера,<sup>46</sup> тай като аракел иек скъпоценено бисери, жал тай бикнел всичко, ковато сине лес, тай кинел лес.<sup>47</sup> О небесно царство препел още мрежате, чивти андо езерос, тай кидингяс маче секоне видостар,<sup>48</sup> тай като периол, цидинде ла ко брегос тай бешле, тай кидинде о лаче андо съдовя, а о каниле чивте.<sup>49</sup> Чука ка овел ко свършеки е векоское да; о ангела ка иклон тай ка отльчинен е нечистивонен машкар о праведна,<sup>50</sup> тай ка чивен лен анди огнено пещ; оте ка овел роиба тай скърдане данденца.<sup>51</sup> Иисус пенгяс ленге ахалилен ли всичко давка? Он пенде Леске: Ахалиам.<sup>52</sup> А Ов пенгяс ленге Затова всеко книжники, ковато ученигяс за е небесноне тагарипнаске, препел домакиниесте, ковато икалел таро съкровище поро нево тай пуррано.<sup>53</sup> Тогава Иисус, като свършингиас даика притча, занакло отар.<sup>54</sup> Тай като ало ки родина Пере, поучинелас лен ко синагогес ленгере, чука че он чудиненас пес тай пученас пес: Катар иси Калке манушес каика мъдрост тай далка чудотворна силес?<sup>55</sup> Нанай ли Ов о чо е дърводелцоскоро? Лескири дай на пенел ли пес Мария тай Лескере прала - Яков тай Йосиф Симон тай Юда?<sup>56</sup> Тай Лескере пения нанай ли саворе аменде? Катар си Лес всичко давка?<sup>57</sup> Тай съблазниненас пес анде Лесте. А Иисус пенгяс ленге: Нисаво пророки нанай без почит, освен Пере родинате тай Пере кересте.<sup>58</sup> Тай на керел оте бут велика дела таро неверие ленге.

## Chapter 14

<sup>1</sup>Андо ковка време о четверовластники Ирод шунгяс о слухи, ковато пиравелас пес е Иисусеске;<sup>2</sup>тай пенгяс пе слугенге: Давка си о Йоан Кръстител - ов възкръснингяс таро муле тай далкеске калка силес действинен чрез лесте.<sup>3</sup>Соскето о Ирод долгясас Йоан тай вържингяс лес тай панлас лес анди тъмница ашал и Иродиада, и ромни лескере пралескири о Филип;<sup>4</sup> понеже о Йоан пенелас леске: Нанай тuke позволиме те лес ла.<sup>5</sup> Тай мангелас те мударел лес, ама даралас таро народос, соскето мислиненас лес за пророк.<sup>6</sup> А като ало о рожден ден на Ирод, и Иродиадиново чаи келгяс англал о кидиме тай угодингяс е Иродиеске.<sup>7</sup> Затова ов совеласа обещингяс лаке те дел, ла со да те мангел леске.<sup>8</sup> А ой, сикавди пе даятар, пенгяс: Де ман ате на блюдо о шеро на Йоан Кръстител.<sup>9</sup> О цари наскърбисало; но ашал е совеленге тай ашал е бешленге леса заповедингиас те дел пес лаке.<sup>10</sup> Тай бичалгяс те обезглавинен е Йоанес анди тъмница.<sup>11</sup> Тай анде лескоро шеро на блюдо тай дине лес е чаяке, а ой ингалгяс лес пе даяке.<sup>12</sup> А лескере ученикя, като але, ваздинде о телос тай паронде лес; тай геле тай пенде е Иисусеске.<sup>13</sup> Тай Иисус, като шунгяс давка, цидисало отар е ладияса уединеноне танесте коркоро; а о народос, като ахалило, гело палал Лесте пеша таро градове.<sup>14</sup> Тай Ов като иклило, дикляс баро множество, смилисало уптал ленде тай изцелингяс ленгере наасвален.<sup>15</sup> А като ратило, о ученикя але паш Лесте тай пенде: О тан си уединено тай о времес напреднингяс: мук е народос те жан ко гава те кинен песке хабе.<sup>16</sup> А Иисус пенгяс ленге: Нанай нужда те жан; ден лен туме те хан.<sup>17</sup> А он пенде Леске: Иси амен ате само панч маре тай дуи маче.<sup>18</sup> А Ов пенгяс: Анен лен ате паш Манде.<sup>19</sup> Тогава, като заповедингиас е народоске те бешен ки чар, лилас о панч маре тай о дуи маче, дикляс карик о небес тай благословингяс; тай като пагляс о маре, диняс лен е ученикенге, а о ученикя - е

## Chapter 15

народоске<sup>20</sup> Тай саворе хале тай чаларде пес; тай ваздинде окола къшея -дванадесет перда коша.<sup>21</sup> А колка, кате хале, сине панч хилада рома освен ромня тай чаве.<sup>22</sup> Тай ко сахати Иисус традингяс е ученикиен те ден анди ладия тай те жан англал Лесте ки отвъдно рик, жи кай мукел е народос.<sup>23</sup> Тай като муклас е народос, качисало ки планина те молинел Пес коркоресте. Тай като ратило, Ов сине оте коркоро.<sup>24</sup> А и ладия сине вече машкар о езерос, бутиме таро вълни, соксето и балвал сине насрещно.<sup>25</sup> А ки четвърто стража машкаират Ов ало карак ленде, като пирелас упран о езерос.<sup>26</sup> Тай о ученикя, като дикле Лес кай пирел упран о езерос, смутисале тай пенде, кай си призраки, тай даратар пищинде.<sup>27</sup> А Иисус веднага захоратингяс ленге тай пенгяс: Дерзайнен! Ме синиом; ма даран!<sup>28</sup> Тай О Петър пенгяс леске: Девла, ако синян Ту, пен мангите авав паш Туте упран о пани.<sup>29</sup> А Ов пенгяс: Ела! Тай Петър ухлило тари ладия тай гело упран о пани, те жал ко Иисус.<sup>30</sup> Ама, като дикляс и балвал силно, даранило тай като потънинелас, пищингяс, тай пенгяс: Девла, избавине ман!<sup>31</sup> Тай о Иисус веднага протегнингяс по вас, долгяс лес тай пенгяс леске: Маловерецо, соксе усъмнисалян?<sup>32</sup> Тай като дине анди ладия, и балвал утихнингяс.<sup>33</sup> А колка, кате сине анди ладия, поклонисале Леске тай пенде: Наистина, Ту синян Девлескоро Чаво.<sup>34</sup> Тай като накле о езерос, але анди Генисаретско пув.<sup>35</sup> Тай като пенджарде Лес отар о мруша, бичалде ки цело окоя околност тай анде паш Лесте саворе насвален;<sup>36</sup> тай молиненас Лес те допиринен пес жи ки пола Лескере шехиенде; тай кити допиринде пес, изцелинде пес.

## Chapter 15

<sup>1</sup> Тогава але паш о Иисус фарисея тай книжникя таро Йерусалим тай пенде: <sup>2</sup> Соке Тере ученикя престъпинен о предиме е старейшинене, понеже на товен пе васта, като хан маро?<sup>3</sup> А Ов в отговор пенгяс ленге: Соке тумеда ашал тумаро предание, престъпинен и Божия заповед?<sup>4</sup> Сокето о Дел пенгяс: "Почитине те дадес тай те дая"; тай: "Който хоратинел зло пе дадеске или пе даяке, непременно те мударел пес."<sup>5</sup> Ама туме пенен: Който пенел пе дадеске или пе даяке: Кавка моро имане, колеса ащи те помагинес тухе, си подариме е Девлеске,<sup>6</sup> ов ащи тена почитинел пе дадес или пе дая. Чука ашал тумаре преданиеске осуетингиен е Девлескири дума.<sup>7</sup> Лицемери! Лачес пророкуингяс Исаия туменге, като пенгяс: <sup>8</sup>" Калка люде приближинен пес жи Манде пе моса, тай почитинен Ман пе вущенца; но о сърцес ленгоро бешел дуре Мандар.<sup>9</sup> Обаче напразно кланинен пес Манге, като преподавинен за поучения манушескере заповедя."<sup>10</sup> Тай като викингяс е народос, пенгяс ленге: Шунен тай ахалон!<sup>11</sup> Ма давка со дел андо муи, осквернинел е манушес; а давка ковато иклол таро муи, ов осквернинел е манушес.<sup>12</sup> Тогава приближисале о ученикя тай пенде Леске: Жанес ли, кай о фарисея възмутисале, като шунде далка думес?<sup>13</sup> А Ов в отговор пенгяс: Всеко растение, ковато Моро Небесно Отеци нана садингяс, ка изкоренингиол.<sup>14</sup> Муken лен; он си коре водача; а коро корес ако водинел, о дуида ка перен анди яма.<sup>15</sup> О Петър пенгяс Леске: Обяснине аменге кайка притча.<sup>16</sup> А Ов пенгяс: Тумеда ли още нана ахалон?<sup>17</sup> Нана ахалон ли, кай всичко ковато дел андо муи, накел андо воги тай чивел пес наври?<sup>18</sup> А ковка, кате иклол таро муи, иклол таро сърцес тай ов осквернинел манушес.<sup>19</sup> Сокето таро сърцес иклон каниле помислес, мударибе, прелюбодейства, блудства, чорибе, лъжесвидетелства, хулес.<sup>20</sup> Давка осквернинел манушес, а о хабе би истовде вастенца нана осквернинел лес.<sup>21</sup> Тай Иисус, като иклило отар, оттеглисало анди Тирска тай Сидонска пределя.<sup>22</sup> Тай аке, иек ханаанка иклили колке танендар тай пищингяс: Смилине тут упран манде Девла, Сине Давидов! ми Чай зле мъчинел пес, от бяс.<sup>23</sup> Но Ов на отговорингяс лаке нито дума. Тай о ученикя але, тай молиненас пес Леске, като пененас: Бичал ла, сокето пищинел палал аменде.<sup>24</sup> А Ов в отговор пенгяс: Ме синиом бичалдо само ко нашалде овце таро Израилово кер.<sup>25</sup> А ой али, тай кланинелас пес Леске тай пенелас: Девла, помогине манге.<sup>26</sup> Ов в отговор пенгяс: Нанай прилично те лелпес о маро е чавенгоро тай те чивел пес е риконенге.<sup>27</sup> А ой пенгяс: Ва, Девла; ама о риконе да хан таро трохес, колато перен тари софра ленгере господариенге.<sup>28</sup> Тогава Иисус в отговор пенгяс лаке: О, жено, бари си тери вяра; нека овел тухе според те желаниесте. Тай лакири чаи оздравингяс ко също сахати.<sup>29</sup> Тай Иисус, като занакло отар, ало ко Галилейско езерос; тай качисало ко хълми, тай бешелас оте.<sup>30</sup> Тай але паш Лесте баре множества, колато сине лен песа куца, коре, лалоре, недъгава тай бут авер, тай товдзе лен англал о пире Леске; тай Ов изцелингяс лен;<sup>31</sup> чука че о народос чудинелас пес, като дикелас лалоре те хоратинен, недъгава оздравинде, куца те пирен тай коре те дикен. Тай прославинде е Израилевоне Девлес.<sup>32</sup> А Иисус викингяс Пе ученикиен тай пенгяс: Жално си манге е народоске, сокето трин днес вече бешен паш Манде тай нанай лен со те хан; а на мангав те мукав лен бокале, тена прималинел ленге ко дром.<sup>33</sup> О ученикя Лескере пенде: Катар те овел амен ко уедиме тан дики маре, кай те парварас савка баро множество?<sup>34</sup> Иисус пенгяс ленге: Кити маре иси тумен? А он пенде: Ефта тай хари маче.<sup>35</sup> Тогава заповедингяс е народоске те бешен ки пув.<sup>36</sup> Тай като лилас о ефта маре тай о маче, благодарингяс тай пагляс; тай диняс ко ученикя, а о ученикя - е народоса.<sup>37</sup> Тай хале саворе, тай чаярде пес, тай ваздинде окола къшея, ефта перда кошницес.<sup>38</sup> А колка, кола хале, сине четири хиляди мруша, освен ромня тай чаве.<sup>39</sup> Тай като мукляс е народос, диняс анди ладия тай ало андо Магаданска пределя.

## Chapter 16

<sup>1</sup> Тогава о фарисея тай о садукея але паш о Иисус тай за те изпитвичен Лес, мангле Леске те покажинел ленге знамение таро небес.<sup>2</sup> А Ов в отговор пенгяс ленге: Като ракиол, пенен: О време ка овел шукар, сокето о небес

олиол;<sup>3</sup> а андявин: авдиес о време ка овел канило, соскето о небес лолиол намръщено. Туме жанен те разтълкувинен о мui е небескоро, а о знамения е времескере нанащи! <sup>4</sup>Зло тай прелюбодейно роди мангел знамение, но авер знамение, нанай те дел пес леске, освен о знамение на (пророк) Йона. Тай мукляс лен, тай гело песке.<sup>5</sup> А о ученикя, като накле и отвъдно рик, бистерде те лен маро. <sup>6</sup>Тай Иисус пенгяс ленге: Внимавинен тай пазинен тумен таро кваси е фарисеенгте тай е садуценге. <sup>7</sup>Тай он разисквиненас машкар песте, тай пененас: Давка си, соскето на лилам маро. <sup>8</sup>А Иисус, като ахалило давка, пенгяс: Маловерци, соске разисквинен машкар туменде, понеже нанай тумен маро?<sup>9</sup>Още ли нахалон тай на помнинен о панч маре на петте хиляди жене, тай кити коша кидингиен. <sup>10</sup>Нито о ефта маре на четирите хиляди жене тай кити кошницес кидингиен?<sup>11</sup>Сар нахалон, кай ма ашал мареске пенгиом туменгте пазинен тумен таро квасос е фарисеенгте тай е садуценге? <sup>12</sup>Тогава он ахалиле, кай нана пенгяс ленге тай пазинен пес таре марескоро кваси, а таро учение е фарисеенгте тай е садуценге.<sup>13</sup> А Иисус, като ало ко околноска на Кесария Филипова, пучляс Пе ученикien, тай пенгяс: Според о мануша о Човешко Чаво кой си?<sup>14</sup> А он пенде: Иек пенен, кай си о Йоан Кръстител; авер па - Илия; а авер - Еремия или иек таро пророка. <sup>15</sup>Пенел ленге: А според туменде кой синиом Ме?<sup>16</sup> Симон Петър в отговор пенгяс: Ту синян о Помазаници, о Чаво е живде Девлескоро.<sup>17</sup> Иисус в отговор пенгяс леске: Блажено синян, Симоне, чавея Йонов, соскето плът тай рат нана открингяс туке давка, а Отец Ми, Ковато си андо небеса. <sup>18</sup>Апа Меда пенав туке, кай ту синян Петър, тай калке канаратае ка съградинав Мери кантери; тай о портес е адоскере нанай те надделинен.<sup>19</sup> Ка дав тут о ключовя за ко небесно царство; тай со пандес ки пув, ка овел панло андо небеса, а со развържинес ки пув, ка овел развържиме ко небеса.<sup>20</sup> Тогава пенгяс е ученикienгте никаске тена пенен, кай Ов си Иисус о Помазаници.<sup>21</sup> Оттогава Иисус почнингяс те известинел Пе ученикienгте, кай требва те жал андо Йерусалим, тай бут те страдинел таро старейшинес, главна свещеникя тай о книжника, тай те овел мудардо, тай ко трето диес те овел възкръснime.<sup>22</sup> Тогава Петър лилас Лес ригате тай почнингяс те мъмринел Лес, като пенелас: О Дел те смилиниел пес туке, Господи; давка нанай те ачол Туса.<sup>23</sup> А Ов ирисало тай пенгяс на Петър: Махнин тут Мандар, Сатана; ту синян Манге съблазн; соскето на мислинес за Божиите неща, а е манушескере.<sup>24</sup> Тогава Иисус пенгяс Пе ученикienгте: Ако мангел декой те авел палал Манде, нека отрчинел пес пестар, нека ваздел по кръстос, тай чука нека те следвинел Ман.<sup>25</sup> Соскето, който мангел те спасинел по животос, ка нашалел лес; а а който нашалел по животос ашал Манге, ка аракел лес.<sup>26</sup> Понеже сави полза е манушеске, ако спечелинел цело светос, а по животос нашалел? Или со ка дел мануш в замяна пе животоске?<sup>27</sup> Соскето о Човешко Чаво ка авел анди слава на Отца Си Пере ангеленца; тай тогава ка въздел саворенгте според лескере деловя.<sup>28</sup> Истина пенав туменгте: Ате бешен десаве, колато нанай те вкусинен мериба, жи кай на дикен о Човешко Чаво, кай авел андо Поро царство.

## Chapter 17

<sup>1</sup> Тай палал о шесто диес Иисус лилас Петър, Яков тай лескере пралес Йоан, тай ингалгяс лен иеке уче планинате коркоресте. <sup>2</sup> Тай преобразисало англал ленде; Лескоро мui светингяс сар о кам, а Лескере шехя ачиле парне сар и светлина.<sup>3</sup> Тай аке, явисале ленге Мойсей тай Илия, колато хоратиненас пес Леса. <sup>4</sup> Тай Петър захоратингяс, тай пенгяс е Иисусеске: Девла, лачес си те овас ате; ако мангес, ка керав ате трин шатрес Туке иек, е Мойсейеске иек тай иек е Илияске.<sup>5</sup> А жикай ов още хоратинелас, аке, светло облаки засенингяс лен; тай аке, таро облаки гласос, ковато пенгяс: Кавка си Моро възлюбено Чаво, анде Колесте си Моро благоволение, Лес шунен. <sup>6</sup> Тай о ученикя, като шунде давка, пеле управл мосте тай бут дараниле. <sup>7</sup> А Иисус приближисало паш ленде, допирингяс пес жи ленде тай пенгяс: Ухкиен, ма даран!<sup>8</sup> Тай он, като ваздинде яка, на дикле никас, освен Иисус коркоро.<sup>9</sup> Тай като ухленас тари планина, Иисус пенгяс ленге: Никаске ма съобщинен далке видениеске, жикай о Човешко Чаво на възкреснел таро муле.<sup>10</sup> О ученикя Лескере пучле Лес: Соске тогава пенен о книжника, кай Илия требе първо те авел?<sup>11</sup> А Ов в отговор пенгяс: Наистина Илия авел тай ка възстановинел всичко.<sup>12</sup> Но пенав туменгте, кай Илия вече ало, тай на пенджарде лес, но керде леса со мантгле песке. Също чука о Човешко Чаво ка страдинел лендар.<sup>13</sup> Тогава о ученикя ахалиле, кай хоратинел ленге за Йоан Кръстител.<sup>14</sup> Тай като але ко народос, приближисало жи Лесте иек мануш, ковато пело кочиенде англал Лесте тай пенгяс:<sup>15</sup> Девла, смилине тут управл ме честе, соскето си епилептики тай зле страдинел; понеже перел анди яг тай често андо пани.<sup>16</sup> Тай анде лес паш Тере ученикienде; но он нащине изцеринен лес.<sup>17</sup> Иисус в отговор пенгяс: О, роде невярващо тай извратено, жи кана ка овав туменца, Жи кана ка търпинав тумен? Анен лес ате паш Манде.<sup>18</sup> Тай Иисус смъмрингяс е бесос, тай ов иклило лестар; тай о чаво оздравингяс таро също сахати.<sup>19</sup> Тогава о ученикя але паш о Иисус коркоресте тай пенде: Соске аме нащине гонинас лес?<sup>20</sup> Ов пенгяс ленге: Ашал тумаре маловериеске. Соскето истина пенав туменгте: Ако иси тумен вяра кити синапово сърнос, ка пенен калке планинаке: Местин тут атар оте, тай ой ка местинел пес; тай нищо нанай те овел туменгте невъзможно.<sup>21</sup> А кавка роди на иклол, освен молитваса тай постиеса.<sup>22</sup> Тай като бешенас анди Галилея, Иисус пенгяс ленге: О Човешко Чаво ка овел предиме андо васта е манушенгте,<sup>23</sup> тай ка мударен Лес; тай ко трето диес ка овел възкресиме. Тай он бут наскърбисале.<sup>24</sup> А като але андо Капернаум, о събираща е дуие драхменгере за ко храми приближисале паш о Петър тай пенде: Тумаро Учители на платинел ли о дуи драхмес?<sup>25</sup> Ов пенгяс: Платинел. Тай като диняс кере, Иисус изпреварингяс лес, тай пенгяс леске: Со мислинес, Симоне, О земна царе кастар киден данъки или налоги? Пе чавендар или таро чужда?<sup>26</sup> А като пенгяс: Таро чужда, Иисус

## Chapter 18

пенгяс леске: Като си чука, ленгере чаве си свободна.<sup>27</sup> Но за тена съблазнинас лен, жа ко езерос, чив въдица тай икал е мачес, ковато първо закачинел пес, тай като пуртрес о муи лакоро, ка аракес иек статири; ле лес тай де лес ленге Манге тай тuke.

## Chapter 18

<sup>1</sup>Ко съцо времес о ученика але паш о Иисус тай пенде: Кова си по - баро андо небесно царство?<sup>2</sup> А Ов викингяс иекес чавес, тай тогяс лес машкар ленде тай пенгяс:<sup>3</sup> Истина пенав туменге, ако на иринен тумен тай на ачон сар о чаворе, нанай те ден андо небесно царство.<sup>4</sup> Тай чука, който смиришел пес сар калке чавесте, ов си по - баро андо небесно царство.<sup>5</sup> Тай който приеминел иекес салже чавес Мере алавесте, Ман приеминел.<sup>6</sup> А който съблазниел иекес калке цикнендар, колато верувинен Манде, леске ка овел по лачес те закачинен ки мен леске баро водениично бар тай те потъниел андо морска дълбочини.<sup>7</sup> Торко е светоске ашал о съблазес! Соскето си неизбежно те авен съблазес; но горко колке манушеске, ашал колеске и съблазан авел!<sup>8</sup> Ако съблазниел тут то вас или те пире, чин ла тай чив ла; по-лачес си тuke те дес андо животос куцо или недъгаво, отколкото дуие вастенца или дуи пире те овес чивто анди вечно ят.<sup>9</sup> Тай ако съблазниел тут ти як, икал ла тай чив ла; по-лачес си тuke те дес андо животос иекес якаса, отколкото те овен тут дуи яка тай те овес чивто андо огнено пъкали.<sup>10</sup> Внимавинен тена презирилен ни иекес калке цикнендар; соскето пенав туменге, кай ленгере ангела андо небеса винаги дикен о муи на Отца Ми, Ковато си андо небеса.<sup>11</sup> Соскето о Човешко Чаво ало те спасинел о погинало.<sup>12</sup> Сар дикел пес туменге? Ако десаво мануш иси лес шел овце тай иек лендар заблудингиол, на мукел ли деветдесет и девет тай на жал ли ко планини те родел е заблудимена?<sup>13</sup> Тай като аракел ла, истина пенав туменге, ов лошанел лаке побут, отколкото за деветдесет и девет незаблудена.<sup>14</sup> Съцо чука нанай и воля на Отца Ви, Ковато си андо небеса, те загиниел ни иек калке цикнендар.<sup>15</sup> Тай ако съгрешинел тuke то прал, жа, покажине леске и вина лескири машкар туте тай лесте коркоро. Ако шунел тут, спечелингян те пралес.<sup>16</sup> Но ако на шунел тут, ле туза още иекес или дуиен, тай таро муи дуие, или трине свидетеленге те потвърдинел пес секо дума.<sup>17</sup> Тай ако на шунел лен, пен давка е кангеряке; но ако на шунел е кангеря да, овел тuke сар езичници тай бирники.<sup>18</sup> Истина пенав туменге: Со вържинен ки пув, ка овел вържиме ко небеса; тай со развържинен ки пув, ка овел развържиме ко небеса.<sup>19</sup> Пак пенав туменге, кай ако дуи тумендар съгласинен пес ки пув за соске да те овел варесо, ковато те манген, ка овел ленге дендо таро Отца Ми, Ковато си андо небеса.<sup>20</sup> Соскето, кате дуи или трин си кидиме Мере алавесте, оте синиом Меда машкар ленде.<sup>21</sup> Тогава Петър приближисало тай пенгяс Леске: Девла, кити дром, като съгрешинел манге мо прал, те простирав леске? Ефта дром ли?<sup>22</sup> Иисус пенгяс леске: На пенав тuke ефта дром, а дешуефта дром по ефта.<sup>23</sup> Далкеске о небесно царство препел иеке цариесте, ковато мантлас те предикел сметка пе слугенца.<sup>24</sup> Тай като почнингяс те преглединел, анде паш лесте иекес, ковато дължинелас леске десет хиляди талантя.<sup>25</sup> Тай понеже нанай соса платинел, лескоро господари заповедингяс те бикнен лес, лескере ромня тай лескере чавен, тай всичко, со сине лес, тай те платинел о дълги.<sup>26</sup> Далкеске о слугас пело, кланинелас пес леске тай пенелас: Господарю, ов търпеливо карик манде тай ка платинав тuke всичко.<sup>27</sup> Тай о господари далке слугас скоро, понеже жалинелас лес, муклас лес тай простиングяс леске о заеми.<sup>28</sup> Но давка слугас, като иклило, араклас иек пере съслужителендар, ковато дължинелас леске шел пеняза; тай долгяс лес, тай задушинелас лес, тай пенгяс: Платине давка, со дължинес манге.<sup>29</sup> Далкеске лескоро съслужители пело, молинелас пес леске тай пенгяс: Ов търпеливо карик манде тай ка платинав тuke.<sup>30</sup> Но ов на мангелас, а гело тай чикяс лес анди тъмница - те пашлод, жи кай изплатинел о дълги.<sup>31</sup> А о служителя лескере, като дикле со ачило, бут наскърбисале; тай але, тай пенде пе господареске всичко, со ачило.<sup>32</sup> Тогава о господари лескоро викингяс лес тай пенгяс леске: Нечестиви слugo! ме простирио тuke о цело ковка дългос, понеже молингян тут манге.<sup>33</sup> На требаше ли туда те смилинес тут упрана те служителесте, сар меда смилисало упран туте?<sup>34</sup> Тай о господари разгневисало леске, тай прединяс лес ко мъчителя те изтезавинен лес, жи кай изплатинел цело дълги.<sup>35</sup> Чука Моро Небесно Отеци ка постъпинел туменца, ако на простириен таро сърцес всекои пе пралеске.

## Chapter 19

<sup>1</sup>Тай Иисус, като свършингяс далка думес, тръгнингяс тари Галилея тай ало ко пределя на Юдея отвъд о Йордан.<sup>2</sup> Тай баре множества пиренас палал Лесте; тай Ов изцелингяс лен оте.<sup>3</sup> Тогава але паш Лесте фарисея, колато, изпитвиненас Лес, тай пенде: Позволиме ли си е манушеске те мукел пе ромня по всекакво причина?<sup>4</sup> А Ов в отговор пенгяс: На четингиен ли, кай Ковка Ковато сътворингяс лен, сътворингяс лен отначало ром тай ромни, тай пенгяс:<sup>5</sup> Далкеске ка мукел о мануш пе дадес тай пе дая тай ка привържинел пес карик пе ромняте; тай о дуи ка овен иек пътъ?<sup>6</sup> Чука че нанай вече дуи, а иек пътъ. Тай чука, давка, ковато о Дел съчетингяс, о мануш тена разльчвинел лес.<sup>7</sup> Пенен Леске: Тогава Мойсей соске заповедингяс лакоро ром те дел ла разводно писмо тай те мукел ла?<sup>8</sup> Пенел ленге: но Поради тумаре коравосърдечиесте Мойсей муклас тумен те мукен тумаре ромниен; отначало на сине чука.<sup>9</sup> Тай пенав туменге: Който мукел пе ромня, освен за прелюбодейство, тай пранденел авераке, ов прелюбодействинел, тай който пранденел е муклаке, ов прелюбодействинел.<sup>10</sup> Пенен Леске о ученика: Ако си савка о задължение е ромескоро карик и ромни, по - шукар тена пранденел.<sup>11</sup> А Ов пенгяс ленге: Нанащи саворе те приеминен давка слово, а далка каске си дадено.<sup>12</sup> Соскето иси скопция, колато

чука си бианде тари утроба пе даякири; иси па скопция, колато сине скопена таро мануша; а иси скопция, колато коркоре пес скопинде ашал о небесно царство. Който ащи приеминел давка слово нека те приеминел.

<sup>13</sup>Тогава анде паш Лесте чаворен, за те товел васта упрад ленде тай те молинел пес; а о ученикя смърмрингде лен.

<sup>14</sup>Но Иисус пенгяс: Муken е чаворен тай ма спиринен лен те авен паш Манде, сокето салкенгоро си о небесно царство. <sup>15</sup>Тай тогяс васта упрад ленде, тай занакло отар. <sup>16</sup>Тай аке, иек момъки ало паш Лесте тай пенгяс:

Учителю, саво лачипе те керав, за те овел ман вечно животос? <sup>17</sup>А Ов пенгяс леске: Соске пучес Ман е лачипнаске? Иек Дел иси, Ковато си лачо. Но ако мангес те дес андо животос, спазвине о заповедя. <sup>18</sup>Пенгяс леске: Кола? Иисус пенгяс: Калка: Ма мудар; ма прелюбодействине; ма чор; ма лъжесвидетствине; <sup>19</sup>почитине те дадес тай те дая; тай дехе те близкненес карто тут. <sup>20</sup>О момъки пенгяс Леске: Всичко давка спазвингиом от тернипнаст; со още на доресел мант? <sup>21</sup>Иисус пенгяс леске: Ако мангес те овес съвършено, жа, бикин то имоти тай де е чорен; тай ка овел тут съкровищес ко небеса; тай ела, тай следвине Ман. <sup>22</sup>Но о момъки, като шунгяс далка думес, гело песке наскърбиме; сокето сине мануш буте имотиенца. <sup>23</sup>А Иисус пенгяс Пе учениките: Истина пенав туменге, мъчно ка дел барвало андо небесно царство. <sup>24</sup>При това пенав туменге: По - лесно си камила те накел таро иглена канда, отколкото барвало те дел андо Божие царство. <sup>25</sup>А о ученикя, като шунде давка, чудисале бут тай пенде: Като си чука, кой ащи те спасинел пес? <sup>26</sup>А Иисус дикляс лен тай пенгяс ленге: Е манушенге давка си невъзможно, но е Девлеске всичко си възможно. <sup>27</sup>Тогава Петър в отговор пенгяс Леске: Аке, аме муклам всичко тай последвият Тут;amen со ка овел? <sup>28</sup>А Иисус пенгяс ленге: Истина пенав туменге, кай ко обновление всичконаске, като о Човешко Чаво ка бешел Пе славноне престолесте, туме, колато последвиян Ман, също ка бешен на дешдушие престоленде те съдинен е дешдуие Израилева племена. <sup>29</sup>Тай секои, ковато мукляс кера, или прален или пениен, или дадес, или дая, или ромня, или чавен, или нивес ашал Мере алавеске, ка получинел шелкратна тай ка наслединел вечно животос. <sup>30</sup>Обаче мнозина първа ка овен последна, а последна - първа.

## Chapter 20

<sup>1</sup>Сокето о небесно царство препел стопаниесте, ковато иклол ко зазоряване те наеминел работнициен пе лозеске. <sup>2</sup>Тай като условингяс пес е работнициенца по иек пенязи ко диес, бичалгяс лен пе лозесте. <sup>3</sup>Тай като иклило около трето сахати, дикляс аверен, кай бешенас ко пазари чуче; <sup>4</sup>тай ленге пенгяс: Жан тумеда ко лозес; тай со си право, ка дав тумен. Тай он геле. <sup>5</sup>Пак, като иклило около о шов тай около о еня сахати, кергяс о също. <sup>6</sup>А като иклило около дешшиек сахати, аракляс аверен, кай бешен, тай пенгяс ленге: Соске бешен ате цело диес чуче? <sup>7</sup>Он пенде леске: Сокето никой нана наемингяс amen. Пенгяс ленге: Жан тумеда ко лозес тай со си право, ка получинен. <sup>8</sup>Като ратило, о стопани е лозеско пенгяс пе настойникиеске: Викине е работнициен тай платине ленге и надница, като почнинес таро последна тай следвинес жи ко първа. <sup>9</sup>Тай чука, але о наемиме около о дешшиек сахати тай получинде по иек пенязи. <sup>10</sup>А като але о първа, мислиненас песке, кай ка получинен повече; но онда получинде по иек пенязи. <sup>11</sup>Тай като получинде лес, зароптаинде против о стопани, като пенде: <sup>12</sup>Калка о последна керде бути само иек сахати; тай пак приравнингян лен amenца, колато понесингям и тегота е диесескири тай о татипе. <sup>13</sup>А ов в отговор пенгяс иекеске лендар: Амала, нана онеправдинав тут. Нана условингян ли тут манца иеке пенязиесе? <sup>14</sup>Ле тухе торо тай жатуке; мери воля си те дав калке последнонес, карто тукеда. <sup>15</sup>Нанай ли манге позволиме те керав мереса, со мангав? Или тери як си зависливо, сокето ме синиом лачо?

<sup>16</sup>Чука о последна ка овен първа, а о първа - последна. <sup>17</sup>Тай Иисус, като делас андо Йерусалим, лилас дванадесете ученика коркоресте, тай ко дром пенгяс ленге: <sup>18</sup>Аке, дас андо Йерусалим тай о Човешко Чаво ка овел предиме ко главна свещеника тай книжника; тай он ка осъдинен Лес мерибнасте, <sup>19</sup>тай ка преден Лес ко езичникя, за те подигравинен, те марен Лес и те разпъниен Лес; тай ко трето диес ка овел възкресиме. <sup>20</sup>Тогава и даи е Зеведевиенгере чавенгири приближисали жи Лесте заедно пе чавенца, като кланинелас пес Леске тай мангелас варесо Лестар. <sup>21</sup>А ов пенгяс лаке: Со мангес? Пенгяс Леске: Заповедине калка мере дуи чаве те бешен, анде Тере царствосте - иек отдясно, а иек отляво. <sup>22</sup>А Иисус в отговор пенгяс: Нажанен со манген. Ащи ли пиен и чаша, която иси Me te пияв? или те кръстинен тумен е кръщениеса, колеса Me кръстинаман? Пенде Леске: Ащи. <sup>23</sup>Ов пенгяс ленге: Мери чаша наистина ка пиен тай е кръщениеса, колеса Me кръстинаман, ка кръстинен тумен; но те бешен отдясно Манде тай отляво Манде на зависинел Мандар те дав, а ка дел пес околкенге, за коленге сине пригответи таро Отца Ми. <sup>24</sup>Тай о дешшиек, като шунде давка, възнегодувинде против о дуи прала. <sup>25</sup>Но Иисус викингяс лен тай пенгяс: Туме жанен, кай о управителя е народоскере господарувинен упрад ленде тай о баре ленгере властвинен упрад ленде. <sup>26</sup>Но машкар туменде нанай те овел чука; но който мангел те ачол баро машкар туменде, ка овел туменге служители; <sup>27</sup>тай който мангел те овел първо машкар туменде, ка овел туменге слугас; <sup>28</sup>също сар о Човешко Чаво нана ало те служинен Леске, а те служинел, тай те дел По животос откупи за мнозина. <sup>29</sup>Тай като иклинас таро Ерихон, баро множество пирелас палал Лест. <sup>30</sup>Тай аке, дуи коре, бешле край о дром, като шунде, кай о Иисус накелас, пищинде: Смилине тут упрад аменде, Девла, Сине Давидов! <sup>31</sup>А о народос смърмрингяс лен, за те траниен; но он още по-силно пищиненас: Смилине тут упрад аменде, Девла, Сине Давидов! <sup>32</sup>Тай чука, Иисус спирингяс, викингяс лен тай пенгяс: Со манген те керав туменге? <sup>33</sup>Пенен Леске: Девла, те путергион амаре яка. <sup>34</sup>А Иисус смилисало тай допрингяс пес жи ко яка ленге; тай веднага задикле, тай цидинде палал Лесте.

## Chapter 21

<sup>1</sup>Тай като приближисале жи ко Йерусалим тай але андо Витфагия ко Елеонско хълми, тогава о Иисус бичалгяс дуие ученикиен тай пенгяс ленге: <sup>2</sup>Жан андо гав , ковато си мамуял туменде; тай веднага ка аракен панли ослица тай ослес ласа; отпурен лен тай анен лен Манг. <sup>3</sup>Тай ако декои пенел туменге варесо, пенен: Е Девлеске требен; тай веднага ка бичалел лен.<sup>4</sup>А давка ачило, за те сбъднигиол о пендо таро пророки, ковато пенгяс: <sup>5</sup>"Пенен е Сионовоне чаяке: Аке, торо Цари авел паш туте, кротко, тай бешло оселесте, тай ослесте, рожба е ослицакири."<sup>6</sup>Тай чука, о ученика геле тай керде, карто пенгяс ленге о Иисус: <sup>7</sup>"анде е ослица тай е ослес тай зачивте упраш ленде пе шехя; тай Ов бешло упраш ленде."<sup>8</sup>А и по-бари част таро множество бухларелас пе шехя ко дром; авер па чиненас клоня таро каща тай бухларенас лен ко дром.<sup>9</sup>А о множества, колато пиренас англал Лесте, тай колато следвиненас Лес, пищиненас: Осанна е Давидовоне Чавеске! Благословиме, ковато авел е Девлеске ко алаб! Осанна андо висини!<sup>10</sup>Тай като диняс андо Йерусалим, о цело градос раздвижисало ; тай пученас: Кова си кавка?<sup>11</sup>А о народос отговоринелас: Ов си о пророки, Иисус, Ковато си таро Назарет Галилейски.<sup>12</sup>Тай Иисус диняс андо Божио храми, гонингяс саворен, колато бикненас тай киненас андо храми, тай пречивякс о масес е среброменителенгере тай о столоя колкенгере, колато бикненас е кущиен, тай пенгяс ленге:<sup>13</sup>Пишиме си: "О кер Моро ка пенел пес молитвено кер", а туме керен лес разбойническо вертепи.<sup>14</sup>Тай десаве коре тай куца але паш Лесте андо храми; тай Ов изцелингяс лен.<sup>15</sup>А о главна свещеника тай книжникя, като дикле о чудесна дела, колато кергяс, тай о чаве, колато пищиненас андо храми: Осанна е Давидовоне Чавеске!, възнегодувинде тай пенде Леске: <sup>16</sup>"Шунес ли со пенен калка? А Иисус пенгяс ленге: Шунав. На четингиен ли нисар: " Таро мую е младенциенге тай е сучещоненге приготвян хвала"? "<sup>17</sup>Тай като мукляс лен, иклило аври таро градос жи ки Витания, кате да преношувишяг.<sup>18</sup>А ки андиавин, като иринелас пес андо градос, бокалило.<sup>19</sup>Тай като дикляс иек смокиня ко дром, ало паш лате, но нана араклас нищо лате, само иек листа; тай пенгяс лаке: От акана на оте тена овел плоди тутар жи ко векос. Тай и смокиня шукили ко сахати.<sup>20</sup>Тай о ученика, като дикле давка, почудисале тай пенде: Сар ко сахати шукили и смокиня?<sup>21</sup>А Иисус в отговор пенгяс ленге: Истина пенав туменг: Ако иси тумен вяра тай нана усьмнинен тумен, ма само ка керен о кердо е смокиняса, но даже ако пенен калке хълмиеске: Вазде тут тай чив тут андо морес, ка ачол.<sup>22</sup>Тай всичко, со да те манген в молитва, като верувинен, ка получинен.<sup>23</sup>Тай като ало андо храми, о главна свещеника тай о народна старейшинес але паш Лесте, жи кай поучинелас, тай пенде: Саве властяся керес калка бука? Тай кой диняс Тут дайка власт?<sup>24</sup>А Иисус в отговор пенгяс ленге: Ка пучав тумен Меда иек въпроси, колесте ако отговоринен Манг, то Меда ка пенав туменг саве властяся керав далка бука.<sup>25</sup>О Йоаново кръщение катар сине? Таро небес ли, или таро мануша? Тай он разисквиненас машкар песте, тай пененас: Ако пенас: Таро небес, Ов ка пенел аменг: Тогава соске на поверишиен лес?<sup>26</sup>Но ако пенас: Таро мануша, дарас таро народос; соскето саворе иси лен Йоан за пророк.<sup>27</sup>Тай чука, в отговор е Иисусеске, пенде: На жанас. Пенгяс ленге Ов: Нито Ме пенав туменг саве властяся керав далка бука.<sup>28</sup>Но сар дикелпес туменг: Иеке манушес сине дуи мруша; тай ало ко първо тай пенгяс леске: Мочно, жа кер бути авдис ко лозес.<sup>29</sup>А ов в отговор пенгяс: На мангав; ама после разкаисало тай гело.<sup>30</sup>Ало колкесте да, колеске пенгяс о също. Тай ов в отговор пенгяс: Ме ка жав, господарю! Ама на гело.<sup>31</sup>Кой таро дуи изпълнингяс пе дадескири воля? Пенде: О първо. Иисус пенгяс ленге: Истина пенав туменг, кай о бирникия тай о блудницес изпреваринен тумен андо Божие царство.<sup>32</sup>Соскето Йоан ало паш туменде те сикавел туменг о дром е правдакоро, а на поверишиен леске; о бирникия обаче тай о блудницес поверишиен леске; а туме, като диклен давка, даже на разкаисален по-късно палал далкесте, за те поверишиен леске.<sup>33</sup>Шунен авер притча. Исине иек стопани, ковато садингяс лозес, отградиняг лес с плет, хранилас лесте лини тай съградингяс кула; тай като диняс лес под наем земеделциенг, гело песке.<sup>34</sup>Тай като наближингяс о време е плодовиенг, бичалгяс пе слугиен жи ко земеделция те прибириинен лескере плодове.<sup>35</sup>А о земеделция долде лескере слуген, иекес марде, аврес мударде, а е третонес баренца замервиненас.<sup>36</sup>Пак бичалгяс авре слугиен, побут таро първа; ленгеда керде също.<sup>37</sup>Най-после бичалгяс паш ленде пе чес, като пенелас: Ка почетинен ме чес.<sup>38</sup>Но о земеделция, като дикле е чес, пенде машкар песте: Кавка си о наследници; елан те мударас лес тай те присвоинас о наследство лескоро.<sup>39</sup>Тай като долде лес , чивте лес аври таро лозес тай мударде лес.<sup>40</sup>Тай чука, като ка авел песке о стопани е лозескоро, со ка керел калке земеделциенг?<sup>41</sup>Пенде Леске: Е злосторниен люто ка погубинел, а о лозес ка дел под наем авре земеделциенг, колато ка ден лес на време о плодове.<sup>42</sup>Иисус пенгяс ленге: На четингиен ли нисар ко Писания: "О бар, ковато чивте о зидария, Ов ачило шеро ко ъгъли; таро Дел си давка, тай чудно си амаре якенде"?<sup>43</sup>Далкеске пенав туменг, кай о Божие царство ка лел пес тумендар тай ка дел пес ко народос, ковато принесинел о плодове Лескере.<sup>44</sup>Тай който перел упраш далке баресте - ка смажинел пес; а упраш касте перел, ка пръснинел лес.<sup>45</sup>Тай о главна свещеника тай о фарисея, като шунде о притчес Лескере, ахалиле кай хоратинел ленге;<sup>46</sup>ама, като мангле те долен Лес, дараниле таро народос, понеже считиненас Лес пророкиеске.

## Chapter 22

<sup>1</sup>Тай Иисус почнингяс пак те хоратинел ленге притченца, като пенелас; <sup>2</sup>О Небесно царство препел цариесте, ковато кергяс бияв пе ческе. <sup>3</sup>Ов бичалгяс пе слуген те викинен е канимениен ко бияв; ама он нана мангле те

авен.<sup>4</sup>Пак бичалгяс авере слуген, тай пенелас: Пенен е поканимененге: Аке, приготвингиом мо обеди; ме юнци тай ме угоена си заклана, тай всичко си готово; елан биявесте.<sup>5</sup>Ама он пренебрегнинде и покана тай загелепеске, иек пере нивате, а авер пе търговияте;<sup>6</sup>а около долде лескере слуген, тай билажаса оскъбинде лен тай мударде лен.<sup>7</sup>Тай о цари разгневисало, бичалгяс пе войски, тай мударгяс колке убишиен тай таргяс ленгоро градос.

<sup>8</sup>Тогава пенгяс пе слугенге: О бияв си готово, а о каниме насине достойна.<sup>9</sup>Далкеске жан ко кръстопътища тай кити аракен, канинен лен биявесте.<sup>10</sup>Тай чука, колка слуги иклиле ко дрома, тай кидинде саворен, кити аракле - каниле, тай лаче; тай о бияв пердило гостиенца.<sup>11</sup>А о цари, като диняс те предикел е гостиен, дикляс оте иеке манушес, ковато на сине урявдо биявескере шехиенца.<sup>12</sup>Тай пенгяс леске: Амала, ту сар динян ате, без те овен тут биявескере шехя? А ов траниелас.<sup>13</sup>Тогава о цари пенгяс е служителенге: Панден лескере пире тай лескере васта тай чивен лес анди външно тъмнина; оте ка овел роиба тай скърцане данденца.<sup>14</sup>Соскето мнозина си призвана, а малцина избрана.<sup>15</sup>Тогава о фарисея геле тай съветвиненас пес сар те долен Лес ко хоратиба Леске.

<sup>16</sup>Тай бичален паш Лесте пе ученикиен заедно е Иродианенца, те пенен: Учителю, жанас, кай синян искрено тай истински учинес андо Божио дром, тай нанай Тут грижа никастар, соскето на дикес о муй е манушенгоро.<sup>17</sup>Пен аменге, Ту сар мислинес? Право ли си те дас данъки е кесариес, или нака?<sup>18</sup>А Исус ахалило о лукавство ленгоро тай пенгяс: Соске изпитвинен Ман, лицемерия?<sup>19</sup>Покажинен Манг и данъчно монета. Тай он анде Леске иек пенязи.<sup>20</sup>Ов пенгяс ленге: Каскоро си кавка образи тай надписи?<sup>21</sup>Пенен Леске: Кесарево. Тогава пенел ленге: Като си чука, ден о кесарово е кесариес, а о Божие е Девлес.<sup>22</sup>Тай като шундe давка, он зачудисале тай като мукле Лес, геле песке.<sup>23</sup>Ко също диес але паш Лесте садукея, колато пенен, кай нанай възкресение; тай пучле Лес:

<sup>24</sup>Учителю, о Мойсей пенгяс: Ако декой мерел би чавенгоро, лескоро прал нека пранденел лескере ромняке тай те ваздел потомъки пе пралеске.<sup>25</sup>А машкар аменде сине ефта прала; тай о пъво прандесало, тай муло; тай като насине лес потомъки, муклас пе ромня пе пралеске;<sup>26</sup>също о второ, тай о трето - жи ко ефта.<sup>27</sup>А палал саворенде мули и ромни да.<sup>28</sup>Тай чука, ко възкресение каске таро ефта ка овел ромни, соскето он саворе уле ласа?<sup>29</sup>А Исус в отговор пенгяс ленге: Заблудинен тумен, като на жанен о Писания, нито е Девлескири сила.<sup>30</sup>Соскето ко възкресение нито женинен пес, нито омъжвинен пес, но си сар Божии ангела ко небес.<sup>31</sup>А за възкресение е муленге на четингиен ли ковка, ковато о Дел хоратинел туменге, като пенгяс:<sup>32</sup>Ме синиом Дел Авраамово, Дел Исааково тай Дел Яковово"? Ов нанай Дел е муленге, а е живденге.<sup>33</sup>Тай о множество, като шунгяс давка, чудинелас пес ко учение Лескоро.<sup>34</sup>А о фарисея, като шундe, смълчингяс е садукеиен, кидисале заедно.<sup>35</sup>Тай иек лендар, законники, за те изпитвинел Лес, задиняс лес въпроси:<sup>36</sup>Учителю, коя си и бари заповед андо закони?<sup>37</sup>А Ов пенгяс леске: "Те възлюбинес Господа, тере Девлес, те целоне сърцестар, те целоне душшатар, тай те целоне умиестар."<sup>38</sup>Дайка си и бари тай и първо заповед.<sup>39</sup>А второ, подобно сар лате, си кайка: "Те възлюбинес те близкенес сарто тут".<sup>40</sup>Калке дуие заповедиенде крепинен пес о цело закони тай о пророкя.<sup>41</sup>Тай като сине кидиме о фарисея, Исус пучляс лен:<sup>42</sup>Со мислинен е Помазаникиске? Каскоро чаво си? Пенен Леске: Давидово.

<sup>43</sup>Пенел ленге: Тогава сар о Давид чрез о Духос пенел Леске Дел, тай пенел:<sup>44</sup>Пенгяс о Дел мере Девлеске Беш отдясно Манде, докатоположинав Те враговиен Тере подносиесте"?<sup>45</sup>Ако о Давид пенел Леске Дел, сар си лескоро Чаво?<sup>46</sup>Тай никой нащине отговоринел Леске ни дума; нито па дръзнигяс декой далке диесестар те задел Леске въпрося.

## Chapter 23

<sup>1</sup>Тогава Исус захоратингяс е народоске тай Пе ученикиенге, тай пенгяс:<sup>2</sup>Ко Мойсеево седалище бешен о книжника тай о фарисея;<sup>3</sup>затова всичко, со заръчингяс туменге, керен тай пазинен, но според ленгере дела ма постъпинен; понеже хоратинен, а на керен.<sup>4</sup>Соскето свържинен паре тай непоносима бремена, тай налагинен лен уптал и пике е народоске; а коркоре он намантен нито пе наиеса те мърдинен лен.<sup>5</sup>Но вършинен пе саворе дела, за те дикен лен о мануша; соскето разширинен пе филактериес тай керен баре пе полес пе шехиенгере.<sup>6</sup>тай дехен о първо тан ко угощения, тай о първа столовя ко синагогес,<sup>7</sup>тай о поздравя ко пазаря, тай те пенен пес таро мануша учителя.<sup>8</sup>Но туме ма пенен тумен учителя; соскето иек си тумаро Учители, Христос, а туме саворе синиен прала.<sup>9</sup>Тай никак си пув па наречинен тумаро отец; соскето иек си тумаро Отеци - небесно.<sup>10</sup>Ма пенен тумен наставникя да; соскето иек си тумаро Наставники, Христос.<sup>11</sup>А о по - баро машкар туменде нека овел туменге слугас.<sup>12</sup>Но който възвишинал пес, ка смиринал пес; тай който смиринал пес, ка възвисинл пес.<sup>13</sup>Но горко туменге, книжника тай фарисея, лицемерия! Соскето панден о небесно царство англал о мануша; понеже коркоре туме на ден, нито иека кате ден мукен лен те ден.<sup>14</sup>Горко туменге, книжника тай фарисея, лицемерия, Соскето изхан о кера е вдовициенгере, даже като за показ керен дълга молитвес; далкеске ка приеминен по - баро осъждане.<sup>15</sup>Горко туменге, книжника тай фарисея, лицемерия! Соскето морес тай суша обикалянен, за те добийин иеке последователес; тай като ачол савка, керен лес рожба е пъкаleske дуи дром повече тумендар.<sup>16</sup>Горко туменге, коре водителя, колато пенен: Ако декой хал совела уптал о храми, нанай нищо; но ако декой хал совела уптал о златос е храмиеске, задължинел пес!<sup>17</sup>Безумна тай коре! Кай кова си по - баро, о златос ли, или о храми, ковато осветлингяс о златос?<sup>18</sup>Пенен още: Ако декой хал совела уптал о олтари, нанай нищо; но ако декой хал совела уптал о дари, ковато си уптал лесте, задължинел пес.<sup>19</sup>Безумна тай коре! Кай кова си по - баро, о дари ли, или о олтари, ковато освещинел о дари?<sup>20</sup>Тай чука, който хал совела уптал о олтари, хал

совела упраш лесте тай всичко, ковато си ипраш лесте.<sup>21</sup>Тай който хал совела упраш о храми, хал совела упраш лесте тай Колкесте, Ковато обитинел андо лесте.<sup>22</sup>Тай който хал совела упраш о небес, хал совела упраш о Божие престоли тай Колкесте, Ковато бешел лесте.<sup>23</sup>Горко туменге, книжникя тай фарисея, лицемерция! Соскето ден десятъки таро джоджени, копъри тай кимиони, а пренебрегнингиен о най - важна букя андо закони - о правосъдие, и милост тай и верност; но далка требаше те прилагинен, а окола тена пренебрегнинен.<sup>24</sup>Коре водителя, колато прецдинен комари, а и камила гълтинен!<sup>25</sup>Горко туменге, книжникя тай фарисея, лицемерция! Соскето чистинен о външно е чашакоро тай е блюдоскоро; а андрал си перда грабежия тай насилиство.<sup>26</sup>Коре фарисеино! Чистине първо о вътрешно е чашакоро тай о блюдос, тай те овел ленгири външност да чисто.<sup>27</sup>Горко туменге, книжникя тай фарисея, лицемерция! Соскето препен варосане гробнищенде, колато аврят дикион шукар, а андрал си перда муликане кокаленца тай всекаквоне нечистотаса.<sup>28</sup>Също чука тумеда аврят дикион е манушенге праведна, ама андрал перда лицемериеса тай беззакониеса.<sup>29</sup>Горко туменге, книжникя тай фарисея, лицемерция! Соскето зидинен о гробницес е пророкиенгере тай поправинен е миморя е праведненгере, тай пенен.<sup>30</sup>Аме, ако живинасас ко диеса амаре даденге, нанайас те съучастинасас ленца ко проливане о рат е пророкиенго.<sup>31</sup>Чука свидетелствинен против туменде, кай синиен чаве колкенгере, колато избинде е пророкиен.<sup>32</sup>Допълнинен тумеда и мярка тумаре даденгири.<sup>33</sup>Сапа! Рожбес ехидна! Сар ка избегнинен осъждането андо пъкали?<sup>34</sup>Далкеске, аке, Ме бичалав жи туменде пророкия, мъдреци тай книжникя; иекен лендар ка мударен тай ка разпънинен, а аверен лендар ка марен андо синагогес туменге тай ка гонинен лентаро градос жи ко градос;<sup>35</sup>за те авел упраш туменде саворо праведно рат, проливиме ки пув, таро рат е праведненеске Авел жи ко рат на Захария, е Варахиевеско чаво, колес мударгиен машкар о светилище тай о олтари.<sup>36</sup>Истина пенав туменге: Всичко давка ка авел упраш калке поколениесте.<sup>37</sup>Йерусалиме! Йерусалиме! Ту, ковато избинес е пророкиен тай баренца мударес е бичалден жи туте, кити дром манглом те кидав тере чада, сарто кокошка прибириинел пе пилциен телал пе криленде, ама на мангенас!<sup>38</sup>Аке, тумаро кер мукел пес пусто.<sup>39</sup>Соскето, пенав туменге, от акана нанай вече те дикен Ман, жи кай на пенен: Благословиме, Ковато авел е Девлескере алавесте.

## Chapter 24

<sup>1</sup>Тай като иклило Иисус таро храми, тай жалас песке, о ученикия Лескере приближисале те покажинен Леске о здания е храмиескер. <sup>2</sup>А Ов в отговор пенгяс ленге: На дикен ли всичко давка? Истина пенав туменге: Нанай те ачол ате бар упраш баресте, ковато тена сринингиол. <sup>3</sup>Тай като бешелас ко Елеонско хълми, о ученикия але паш Лесте коркоресте тай пенде: Пен аменге кана ка овел давка тай саво ка овел о белеги за Тере пришествиеске тай за о свършеки е векоскоро? <sup>4</sup>Иисус в отговор пенгяс ленге: Пазинен тумен тена заблудинел тумен декой; <sup>5</sup>соскето мнозина ка авен Мере алавесте, тай ка пенен: Ме синиом о Помазаници, тай ка заблудинен мнозина<sup>6</sup>Тай ка шунен за войни тай слуховя за войни; но внимавинен тена смутиленин тумен; понеже далка букя требва те ачон; но давка още нанай о свършеки. <sup>7</sup>Соскето ка ваздел пес народос против народосте тай царство против царство; тай разноне таненде ка овел бок тай трусовя. <sup>8</sup>Но всичко давка ка овел само начало на страдания. <sup>9</sup>Тогава ка преден тумен на осърбление тай ка мударен тумен; тай ка овен мразиме саворе народостар ашал Мере алавеске. <sup>10</sup>Тай тогава мнозина ка отстъпинен тари вяра, тай иек авресте ка преден пес, тай иек аврес ка мразинен пес. <sup>11</sup>Тай бут лъжепророкя ка появинен пес тай ка заблудинен мнозина. <sup>12</sup>Тай понеже ка умножиенгол о беззаконие, и любов е мнозинствоскири ка охладнинел. <sup>13</sup>Но който устоинел жи ко крайос, ов ка овел спасиме. <sup>14</sup>Тай давка благовестие е царствоско ка овел проповедиме ки цело вселена за свидетелство саворе народоске; тай тогава ка авел о свършеки. <sup>15</sup>Далкеске, като дикен и мерзост, която анел запустение, за колаке хоратинел пророк Даниил, бешли ко свято тан (който четинел, нека ахалол), <sup>16</sup>тогава колка, кате си анди Юдея, нека нашен андо планини; <sup>17</sup>ковато араклол е кереске ко покриви, тена ухлел те лел о букя пе керестар; <sup>18</sup>тай който араклол анди нива, тена иринел пес напапале те лел пе шехя.<sup>19</sup>А горко е непердонене тай кърмешите колке диесенде! <sup>20</sup>Далкеске, молинен тумен тена случинел пес о бягство тумаро евендеске или ко съботно диес; <sup>21</sup>соскето тогава ка овел бари скръб, кате нана ули таро началос е светоске жи акана, тай со да нанай те овел. <sup>22</sup>Тай ако на съкреминен колка диеса, нанай те избавинел пес нито иек плът; но ашал е избраноненге, колка диеса ка съкратинен пес.<sup>23</sup>Тогава ако декой пенел туменге: Аке, ате си о Помазаници, или оте си, ма верувинен; <sup>24</sup>соскето ка появинен пес лъжепомазаника тай лъжепророкия, колато ка покажинен баре знамения тай чудеса, чука че те заблудинен, ако си възможно е избранонен да.<sup>25</sup>Аке, предскажиенгол туменге.<sup>26</sup>Тай чука, ако пенен туменге: Аке, Ов си ки пустиния - ма иклион; или: Аке, Ов си андо вътрешна стаис - ма верувинен.<sup>27</sup>Соскето, сарто и светкавица иклол от изток тай дикиол чак до запад, чука ка овел о пришествие е Човешконе Чавескоро.<sup>28</sup>Кате овел и трупос, оте ка киден пес о орли да.<sup>29</sup>А веднага палал и скръб околке диесенде о кам ка потъмниенгол, и луна нанай те дел пи светлина, о звезди ка перен таро небес тай о небесна силес ка разклатингион.<sup>30</sup>Тогава ка явинел пес ко небес о знамение е Човешконе Чавескоро; тай тогава ка заровен саворе земна племена, като ка дикен е Човешконе Чавес те авел ко небесна облакя силаса тай баре славаса.<sup>31</sup>Ка бичалел Пере ангелен силноне тръбнене гласоса; тай он ка киден Лескере избранонен таро штар вертища, тари иек крайос е небескоро жи колкесте.<sup>32</sup>А сиклон и притча тари смокиня: Като о клоня лакере ковлон тай развинен листовия, жанен, кай си

паше о нилай.<sup>33</sup> Също чука тумеда, като дикен всичко давка, те жанен, кай Ов си паше жи ко вудар.<sup>34</sup> Истина пенав туменге: Давка поколение нанай те пренакел, жи кай нана съднингиол всичко давка.<sup>35</sup> О небес тай и пув ка пренакен, но Мере думес нанай те пренакен.<sup>36</sup> А колке диеесеске тай сахакиеске никой на жанел, нито о небесна ангела, нито о Чаво, а само о Отец.<sup>37</sup> Тай карто сине о Ноева диеса, чука ка овел о пришествие е Човешконе Чавескоро.<sup>38</sup> Соскето, карто колке диесенде англал о потопи ханас тай пиенас, жениненас пес тай омъжвиненас пес жи ко диес, като Ной диняс андо ковчеги,<sup>39</sup> тай нана усетинде, жи кай ало о потопи тай завлечингяс саворен, чука ка овел о пришествие е Човешконе Чавескоро.<sup>40</sup> Тогава дуи ка овен ко полес; иек лелпес, а окова мукелпес.<sup>41</sup> Дуи жувля ка мелинен анди мелница; иек лелпес а окоя мукелпес.<sup>42</sup> Затова бдинен, соскето на жанен кова диес ка авел тумаро Дел.<sup>43</sup> Но давка те жанен, кай ако о домакини жанел кова сахати ка авел о чор, ов ка бдинел тай нанай те мукел те подкопинен лескоро кер.<sup>44</sup> Затова, овен тумеда готова; соскето ко сахати ковато на мислинен, о Човешко Чаво ка авел.<sup>45</sup> Тай чука, кова си о верно тай разумно слугас, ковато о господари лескоро поставингяс упраle пе слугиенде; за те дел лен хабе навреме?<sup>46</sup> Блажено си ковка слугас, колескоро господари, като ка авел песке, аракел лес, кай керел чука.<sup>47</sup> Истина пенав туменге, кай ка поставинел лес упраle пе целоне имотиесте.<sup>48</sup> Но ако ковка слугас си канило, тай пенел ан пе сърцесте: Мо господари бависало,<sup>49</sup> тай ов почниел те марел пе служителен, тай те хал тай пиел е пияниценца,<sup>50</sup> о господари колке слугаскоро ка авел ко диес, като ов нана жарел лес, тай ко сахати, ковато нажанел,<sup>51</sup> тай като марел лес паресте, ка определиел лескири участ е лицемериенца; оте ка овел роиба тай скърдане данденца.

## Chapter 25

<sup>1</sup> Тогава о небесно царство ка опреличингиол деше девиценде, колато лиле пе светилника тай иклиле те посрещнинен е жамутрес.<sup>2</sup> А лендар панч сине неразумна тай панч разумна.<sup>3</sup> Соскето о неразумна, като лиле пе светилника, на лиле масло песа.<sup>4</sup> Но о разумна, заедно пе светилникиенца, лиле масло ан пе съдовиенде.<sup>5</sup> Тай жи кай бавинелас пес о жамутро, додремисало саворенге тай засуте.<sup>6</sup> А машкар и рат шунде пища: Аке о жамутро авел! Иклон те посрещнинен лес!<sup>7</sup> Тогава саворе колка девицес ухтиниле тай приготвиенде пе светилника.<sup>8</sup> А о неразумна пенде е разумненге: Ден амен тумаре маслостар; соскето амаре светилника мерен.<sup>9</sup> А о разумна в отговор пенде: Ако на ресел аменге да, туменге да; по - лачес жан ко продавачия тай кинен туменге.<sup>10</sup> Тай жи кай он жан те кинен, о жамутро ало; тай о готова дине леса ко бияв, тай о вудар панлило.<sup>11</sup> После але колкада девицес тай пенде: Девла, Девла, путер аменг!<sup>12</sup> А Ов в отговор пенгяс: Истина пенав туменге, нана пенджарарав тумен.<sup>13</sup> Тай чука, бдинен; соскето на жанен ни о диес, ни о сахати, колесте о Човешко Чаво ка авел.<sup>14</sup> Соскето си карто като мануш, ко жаиба анди чужбина, викинел пере слуги тай предел ленге по имане.<sup>15</sup> Иекес диняс панч талантя, аверес дуи, аверес иек, секас според и способност лескири; тай цидингяс.<sup>16</sup> Веднага кавка, кате получингяс о панч талантя, гело тай търгувингяс ленца, тай спечелингяс още панч талантя.<sup>17</sup> Също кавка да, ковато получингяс о дуи, спечелингяс още дуи.<sup>18</sup> А кавка, кате получингяс о иек, гело хранляс анди пув тай гарагяс о парес пе господариескере.<sup>19</sup> Като накло дълго време авел о господари калке слугенгоро тай мангел ленге сметка.<sup>20</sup> Тай като приближисало кавка, ковато получингяс о панч талантя, ангяс още панч талантя тай пенгяс: Господарю, ту динян ман панч талантя; аке, спечелингиом още панч.<sup>21</sup> О господари пенгяс леске: Шукар, лачо тай верно слугас! Ко хари улан верно, ко бут ка поставинав тут; де анди радост те господариеске.<sup>22</sup> Приближисало кавка да, ковато получингяс о дуи талантя, тай пенгяс: Господарю, ту динян ман дуи талантя; аке, спечелингиом още дуи талантя.<sup>23</sup> О господари пенгяс леске: Шукар, лачо тай верно слугас! Ко хари улан верно, ко бут ка поставинав тут; де анди радост те господариеске.<sup>24</sup> Тогава приближисало ковка, ковато получингяс иек таланти, тай пенгяс: Господарю ме жанавас тут, кай синян строго мануш; жънинес, кате на сеингян, гай кидес, кате на пръскингян;<sup>25</sup> тай като даранилом, гелом тай гарагиом о талантя анди пув; аке, иси тут торо.<sup>26</sup> А о господари лескоро в отговор пенгяс леске: Канило тай лениво слугас! Жанесас, кай жънинав, кате на сеингиом, тай кидав, кате на пръскингиом;<sup>27</sup> ту требеше те внесинес ме парес ко банкерия тай като аломас манг, ка лавас моро лихваса.<sup>28</sup> Далкеске, лен лестар о талантя тай ден лес колкеске, кате иси лес деш талантя.<sup>29</sup> Соскето всекас, кас иси, ка дел пес, тай лес ка овел в изобилие; а калкестар, кате нанай лес, лестар ка лел пес давка да, со иси лес.<sup>30</sup> А калке безполезнене слугас чивен анди външно тъмнина; оте ка овел роиба тай скърдане данденца.<sup>31</sup> А като ка авел о Човешко Чаво Пе славаса, тай саворе свята ангела Леса, тогава ка бешел Пе славнене престолесте.<sup>32</sup> Тай ка киден пес англал Лесте саворе народовя; тай ка отльчинел лен иек аврестар, карто о овчари отльчинел е овчен таро бузния;<sup>33</sup> тай ка поставинел е овчен Пе десноне ригатар, а е бузниен тари лево риг.<sup>34</sup> Тогава о Цари ка пенел колкенге, колато си Лескере десноне ригатар: Елан, туме благословиме таро Отца Ми, наслединен о тагарипе, приготвиме туменге таро създаване е светоскоро.<sup>35</sup> Соскето бокалилом, тай парваргиен Ман, ожаднингиом, тай напоингиен Ман; странники улом, тай прибирингиен Ман;<sup>36</sup> нанго улом, тай уряген Ман; насвало улом, тай посетингиен Ман; анди тъмница улом, тай споходингиен Ман.<sup>37</sup> Тогава о праведна в отговор ка пенен Леске: Девла, кана диклям Тут бокало, тай парваргиям Тут; или жадно, тай напоингиям Тут?<sup>38</sup> Тай кана диклям Тут странники, тай принирингям Тут; или нанго, тай урягиям Тут?<sup>39</sup> Тай кана диклям Тут насвало или анди тъмница, тай споходингиям Тут?<sup>40</sup> А о Цари в отговор ка пенел ленге: Истина пенав туменге: Понеже кергиен давка иекеске калкендар таро наи - скромна Мере прала, Манге кергиен лес.<sup>41</sup> Тогава ка пенел калкенгеда, колато си Лескере

лявоне ригатар: Жан Мандар, туме проклета, анди вечно ят, приготвиме е бенгеске тай лескере ангеленге.

<sup>42</sup>Соскето бокалилом, тай на парваргиен Ман; ожаднингиен, тай нана напоингиен Ман;<sup>43</sup>странники улом, тай на прибиралииен Ман; нанго улом, тай на урявгиен Ман; насвало тай анди тъмница улом, тай на посетилииен Ман.<sup>44</sup>Тогава онда в отговор ка пенен: Девла, кана диклям Тут бокало, или жадно, или странники, или нанго, или насвало, или анди тъмница, тай на послужиям Туке?<sup>45</sup>Тогава в отговор ка пенел ленге: Истина пенав туменге: Понеже на кергиен давка ни иекеске калкендар таро на - скромна, Манге да на кергиен лес.<sup>46</sup>Тай калка ка жан андо вечно наказание, а о праведна - андо вечно животос.

## Chapter 26

<sup>1</sup>Тай Иисус като свършил саворе далка думес, пенгяс Пе ученикиенге: <sup>2</sup>Жанен, кай след два дена ка овел и Пасха тай о Човешко Чаво ка овел предиме на разпятие.<sup>3</sup>Тогава о главна свещеникя тай о народна старейшинес кидисале андо дворос е първосвещеникеске, ковато пенелас пес Каиафа,<sup>4</sup>тай наговорисале те долен е Иисусес пирнипинаса, тай те мударен Лес; <sup>5</sup>но пенде: Тена овел ко празници, за тена ачол вълнение машкар о народос.<sup>6</sup>А като Иисус уло анди Витания, андо кер е прокаженонеске Симон,<sup>7</sup>приближисали жи Лесте иек ромни, която сине ла алабастрано съдос буте скъпоне мироса, ковато чорелас ко шеро Леске, като бешелас ки софра.<sup>8</sup>А о ученикия, като дикле давка, възнегодувинде, тай пенде: Соске прахосвинел пес давка?<sup>9</sup>Соскето давка мирос ачине те бикинел пес баре сумаке, която те раздел пес е сиромасиенге.<sup>10</sup>Но Иисус като пенджарягис давка, пенгяс ленге: Соске досадинен е ромняке? Ои кергяс лачо делос Манге.<sup>11</sup>Соскето о сиромася винаги араклон машкар туменде, но Ме не винаги араклиовав.<sup>12</sup>Соскето ои, като чоргяс давка мирос упрате Ме телосте, кергяс лес, за те приготвил ман паромнаске.<sup>13</sup>Истина пенав туменге: Кате да те проповедил пес кавка благовестие ко цело светос, ка разкажил пес лакере спомениеске тай давка, ковато ои кергяс.<sup>14</sup>Тогава иек таро дешудуи, наречиме Юда Искариотски, гело ко главна свещеникя тай пенгяс:<sup>15</sup>Со ка ден ман, тай ме ка предав Лес туменге? Тай он меринде леске триянда сребарника.<sup>16</sup>Тай от тогава ов роделас удобно случай те предел Лес ленге.<sup>17</sup>А ко първо днес е празникеске е безквасноне маренге о ученикия але паш о Иисус тай пенде: Кате мангес те приготвинас Туке, за те хас и Пасха?<sup>18</sup>Ов пенгяс: Жан ко градос паш еди-кой си тай пенен леске: О Учители пенгяс: Мо време си паше, туте ка празнуинав и Пасха Ме ученикиенца.<sup>19</sup>Тай о ученикия керде сарто пенгяс ленге о Иисус, тай приготвиле и Пасха.<sup>20</sup>Тай като ратило, Ов бешло ки софра е дешудо ученикиенца.<sup>21</sup>Тай като ханас, пенгяс: Истина пенав туменге, кай иек тумендар ка предел Ман.<sup>22</sup>А он, пренасърбена, почнинде саворе, иек по иек, те пенен Леске: Тена овав ме Девла?<sup>23</sup>Ов в отговор пенгяс: Кова топинел по вас заедно Манца андо блодос, ов ка прердел Ман.<sup>24</sup>О Човешко Чаво жал, сарто си пишими Леске; но горко колке манушеске чрез колесте о Човешко Чаво ка овел предиме! Лачес ка овелас далке манушеске, ако на биянгиолас.<sup>25</sup>Тай Юда, ковато прединял Лес, в отговор пенгяс: Тена овав ме Учителя? Иисус пенгяс леске: Ту пенгян.<sup>26</sup>Тай като ханас, Иисус лилас маро, благословингяс тай пагляс лес, тай като делас лес е ученикиенге, пенгяс: Лен, хан-давка си Моро телос.<sup>27</sup>Лиляс и чаша да, тай като благодарингяс, диняс лен тай пенгяс: Пиен латар саворе;<sup>28</sup>Соскето давка си Моро рат е (неве) заветиеске, ковато чориол за мнозина за прощаване е безехенге.<sup>29</sup>Но пенав туменге, кай от акана нанай вече те пияв далке плодиестар е лозяке жи колке днесесте, като ка пияв лес туменца нево андо тагарипе Мере Отециеске.<sup>30</sup>Тай като гилябинде химни, иклиле ко Елеонско хълми.<sup>31</sup>Тогава Иисус пенгяс ленге: Туме саворе ка съблазнинен тумен поради Манде кайка рат; соскето си пишими: " Ка поразинав е пастириес; тай о овци е стадоскере ка разпръснингион."<sup>32</sup>А след като ка овав възкръсниме, ка изпреваринав тумен анди Галилея.<sup>33</sup>А Петър в отговор пенгяс Леске: Дори саворе те съблазнинен пес поради Туте, ме нисар нанай те съблазнинаман.<sup>34</sup>Иисус пенгяс леске: Истина пенав туке, кай кайка рат, преди те загилябел о башно, трин дром ка отричинес тут Мандар.<sup>35</sup>Петър пенгяс Леске: Ако ачол нужда те мерав да Туса, пак нанай те отричинаман Тутар. О също пенде саворе ученикия.<sup>36</sup>Тогава Иисус гело ленца иеке танесте, наречиме Гетсимания; тай пенгяс Пе ученикиенге: Бешен ате, жи кай жав оте те молинаман.<sup>37</sup>Тай като лилас песа Петър тай е дуиен Зеведеева чаве, лилас те скърбинел тай те тъгувинел.<sup>38</sup>Тогава пенгяс ленге: Ми душа си прескръбно жи мерибнасте; побешен ате тай бдинен заедно Манца.<sup>39</sup>Тай като пристъпингяс хари нангле, пело упрате мосте тай молинелас пес, тай пенелас: Отче Моро, ако си възможно, нека отнакел Ман дайка чаша; ма обаче, сарто Ме мангав, но сарто Ту мангес.<sup>40</sup>Тай ирисало ко ученикия, тай аракляс лен засуте, тай пенгяс е Петреске: Сар, нанащине ли иек сахати да те бдинен Манца?<sup>41</sup>Бдинен тай молинен тумен, за тена перен в изкушение. О духос си подро, а о телос немощно.<sup>42</sup>Пак гело второ дром тай молисало, тай пенгяс: Отче Моро, ако нанай възможно те отнакел Ман кайка чаша, без те пияв ла, нека овел Тери воля.<sup>43</sup>Тай като ало пак, араклас лен засуте; соскето ленгере яка сине натегнала.<sup>44</sup>Тай пак муклас лен тай гело те молинел пес трето дром, като пенгяс пак о съща думес.<sup>45</sup>Тогава ирисало ко ученикия тай пенгяс ленге: Още ли совен тай почивинен? Аке, о сахати наближингяс, като о Човешко Чаво предел пес ко васта е грешнициенге.<sup>46</sup>Ухкиен те жас Аке, приближинел пес кавка, ковато предел Ман.<sup>47</sup>Тай докато Ов още хоратинелас, аке, о Юда, иек таро дешудуи, ало, тай леса- баро множество чуриенца тай сопиенца, бичалде таро главна свещеникя тай таро народна старейшинес.<sup>48</sup>А ковка, ковато пределас Лес, динясас лен знаци, тай пенгяс: Колес чумидав, Ов си; долен Лес.<sup>49</sup>Тай веднага приближисали жи ко Иисус тай пенгяс: Здравей, Учителя! Тай чумидингяс Лес.<sup>50</sup>А Иисус пенгяс леске: Амала, за соске алан, кер лес. Тогава пристъпинде, товдє васта ко Иисус тай

долде Лес.<sup>51</sup>Тай аке, иек калкендар, кате уле е Иисусеса, прострингяс вас, икалгяс по мечи тай като чалагяс е слугас е първосвещеникиескерес, чингяс лескоро кан.<sup>52</sup>Тогава Иисус пенгяс леске: Ирине то мечи лескере танесте; сокето саворе, колато дolen пес мечиеса, таро мечи ка загининен.<sup>53</sup>Или мислинес, кай наци молинаман на Отца Си, тай Ов ка бичалел Манге още акана по бут таро дешудуи легиона ангела?<sup>54</sup>Но сар ка съднинен пес о Писания, кай давка требе те овел чука?<sup>55</sup>Ко също сахати пенгяс Иисус е народоске: Сар мамуял разбойнициесте ли иклилен чуриенца тай сопиенца те дolen Ман? Секо диес бешавас тай поучинавас андо храми, тай на долгиен Ман.<sup>56</sup>Но всичко давка ачило, за те съднингион о пророческа писания. Тогава саворе ученикия мукле Лес тай разнашле.<sup>57</sup>А калка, кате долдесас Иисус, ингалде Лес ко първосвещеници Каиафа, кате уле кидиме о книжника тай старейшинес.<sup>58</sup>А Петър пирелас палал Лесте удурал жи ко дворос е първосвещеникиеске; тай като диняс андре, бешло е слугенца те дикел о крайос.<sup>59</sup>А о главна свещеника тай цело синедрион роденас хохавно свидетелство против Иисус, за те мударен Лес;<sup>60</sup>обаче нана аракле, макар кай але бут хохавне свидетеля. Но после але дуи тай пенде:<sup>61</sup>Кавка пенгяс: Ащи разрушиав е Девлескоро храми, таи трине дисенгне пак те съградинав лес.<sup>62</sup>Тогава о първосвещеници ухтинило тай пенгяс Леске: Нищо ли на отговоринес? Со свидетелствинен калка против Туте?<sup>63</sup>Но Иисус траинелас. О първосвещеници пенгяс Леске: Дав Тут совеля упрат о живдо Дел те пenes аменте, Ту ли синян о Помазаници, Божие Чаво?<sup>64</sup>Иисус пенгяс леске: Ту пенгян. Но пенав туменге: От акана на оте ка дикен е Човешконе Чавес, бешло отдясно ки Сила тай авел ко небесна облакя.<sup>65</sup>Тогава о първосвещеници чингяс пе шехя тай пенгяс: Ов богохулствинел! Сави нужда си амен вече таро свидетеля? Аке, акана шунгям богохулство. Туме со мислиnen?<sup>66</sup>А он в отговор, пенде: Изложисало мерибнаскоро наказание.<sup>67</sup>Тогава чунгаденас Лес андо муи тай бутиненас Лес; а авер чалавенас Лес шамаря тай пененас:<sup>68</sup>Пенджар, Помазаниче, кой чалагяс Тут.<sup>69</sup>А Петър бешелас аври андо дворос; тай иек слугиния или паш лесте гтай пенгяс леске: Туда улан е Иисусеса Галилееца.<sup>70</sup>А ов отречисало англал саворенде, тай пенгяс: Нанаахаловав со хоратинес.<sup>71</sup>Тай като иклило ко предверие, дикляс лес авер слугиня тай пенгяс калкенге, кате уле оте: Кавка да уло с Иисус Назарянина.<sup>72</sup>Тай Петър пак отречисало совеласа: Нана пенджараав е Манушес.<sup>73</sup>Още хари тай приближисале колка да, колато бешенас наблизо, тай пенде на Петър: Наистина туда синян лендар, сокето торо говори издел тут.<sup>74</sup>Тогава ов почнингяс те проклиниел пес тай те дел пес арманя: Нана пенджараав е Манушес. Тай ко сахати о башно забашляс.<sup>75</sup>Тай диняс пес годи Петър о думес на Иисус, Ковато пенгясас: Англал още о башно те забашляс, трин дром ка отречинес тут Мандар. Тай ов иклило аври, тай руно горко.

## Chapter 27

<sup>1</sup>А ки андиавин саворе главна свещеника тай народна старейшинес съвециенас пес против Иисус, за те мударен Лес. <sup>2</sup>Тай като панле Лес, ингалде Лес тай предине Лес ко управители Пилат.<sup>3</sup>Тогава Юда, ковато прединясан Лес, като дикляс кай Иисус уло осъдиме, разкаисало тай ирингяс о трияница сребърника ко главна свещеника тай старейшинес, тай пенгяс: <sup>4</sup>Съгрешингъом, кай прединиом невинно рат. А он пенде: Амен со си грижа? Ту мислине лес.<sup>5</sup>Тай като чикяс о сребърника андо храми, иклило тай гело, тай обесисало.<sup>6</sup>А о главна свещеника лиле о сребърника тай пенде: Нанай позволиме те товас лен ки храмово каса, понеже си цена ратескири. <sup>7</sup>Тай като съветвиенас пес, кинде ленца и грънчарово нива за паромнаске на чужденци. <sup>8</sup>Далкеске койка нива пенгяс пес Кръвно нива, сарто пенел пес жи авдиес.<sup>9</sup>Тогава изпълнисало о пендо чрез о пророк Еремия, ковато пенгяс: " Тай лиле о трияница сребърника, и цена на Оценения Колес оценинде десаве таро израиляния,<sup>10</sup>тай дине лен за грънчаровата нива, според сарто заповединяс манг о Дел".<sup>11</sup>А Иисус зачило англал о управители; тай о управители пучляс Лес, като пенгяс: Ту о Юдейско Тагар ли синян? А Иисус пенгяс леске: Ту пenes.<sup>12</sup>Тай като обвининенас Лес о главна свещеника тай о старейшинес, нищо на отговоринелас.<sup>13</sup>Тогава о Пилат пенгяс Леске: На шунес ли ките букиенге свидетелствинен против Туте?<sup>14</sup>Но Ов на отговорингяс леске ни иеке варесосте; чука че о управители чудинелас пес бут.<sup>15</sup>А секоне празнициесте е управителес сине обычай те мукел е народоске иекес таро затворника, колес манген.<sup>16</sup>А тогава сине лен иек прочуто затворники, ко алав Варава.<sup>17</sup>Тай чука като уле кидиме, Пилат пенгяс ленге: Кас манген те мукав туменге- Варава ли или Иисус пендо о Помазаники?<sup>18</sup>Понеже жанелас, кай от завист прединесас Лес.<sup>19</sup>Тай като бешелас ко съдийско престоли, лескири ромни бичалгяс жи лесте те пenen леске: Ма кер нищо Калке Праведниеске; сокето авдиес бут страдингион андо соиба ашал Леске.<sup>20</sup>А о главна свещеника тай о старейшинес убединде е народос те изпросинен Варава, а Иисус те погубинен.<sup>21</sup>О управители в отговор пенгяс ленге: Колес таро дуи манген те мукав туменге? А он пенде: Варава.<sup>22</sup>Пилат пучляс лен: Тогава со те керав с Иисус, пендо о Помазаники? Он саворе пенде: Те овел разпниме.<sup>23</sup>А ов пенгяс: Че со канило кергяс? А он още по бут запищинде: Те овел разпниме!<sup>24</sup>Тай чука Пилат, като дикляс, кай нисар нана помагине, а напротив, кай взадел пес размирие, лилас пани, товгяс пе васта англал о народос тай пенгяс: Ме синиом невино за е ратеске Калке Праведниеске; туме мислиnen лес.<sup>25</sup>Тай саворе народос в отговор пенгяс: О рат Лескоро нека те овел упрат аменде тай упрат амаре чадовиенде.<sup>26</sup>Тогава муклас ленге Варава; а Иисус маргяс тай прединясан Лес на разпятие.<sup>27</sup>Тогава о войникия е управителескере ингалде Иисус ки претория тай кидинде турял Лесте и цело дружина.<sup>28</sup>Тай като нангярде Лес, урявде Лес лоли мантия.<sup>29</sup>Тай кувде венеци таро каре, тай товде лес ко шеро Леске, тай товде тръстика ки десница Леске; тай като пеле кочиенде англал Лесте, асанас Леске, тай пененас: Зздравей, Тагара Юдейски!<sup>30</sup>Тай чунгаденас Лес, тай лиле и тръстика, тай чалавенас

Лес ко шеро.<sup>31</sup>Тай след като опетнинде Лес, нангярде Лескири мантия, тай урявде Лес, Лескере шехя, тай ингалде Лес те разпниен Лес.<sup>32</sup>А ко иклиба аракле иеке кириненецос, ко алав Симон; лес товде те пиравел о кръстос Лескоро.<sup>33</sup>Тай като ресле иеке танесте, пендо Голгота, ковато значинел Лобно тан,<sup>34</sup>дине Лес те пиел мол, ехмиме жълчкаса; но Ов като вкусингяс, на манглас те пиел.<sup>35</sup>Тай като разпниене Лес, разделинде песке Лескере шехя, като чивте жребий!\*.<sup>36</sup>Тай бешенас, тай пазиненас Лес оте.<sup>37</sup>Тай товде упраш о шеро Леске о обвинение Лескоро, пишиме ачука: Кавка си Исус, о Юдейско Тагар.<sup>38</sup>Тогава сине разпниене Леса дуи разбойника, иек отясно тай иек отляво.<sup>39</sup>А о колка кате накенас отар подигравиненас пес Леске, като клатиненас шере тай пененас:<sup>40</sup>Ту, Ковато разрушинес о храми, тай трине дисенге пак съградинес лес, спасине Тут; ако синян Божие Чаво, ухли таро кръстос!<sup>41</sup>Също о главна свещеника е книжникиенца тай о старейшинес асанас Леске, тай пененас:<sup>42</sup>Аверен избавингяс, апа Пес наши избавинел! Ов си о Израилево Тагар! Нека ухлел акана таро кръстос, тай ка повервинас Лесте.<sup>43</sup>Уповинелас пес ко Дел; нека избавинел Лес акана, ако си Леске угодно; понеже пенгяс: Божие Чаво синьом.<sup>44</sup>Е същоне укуриеса асанас Леске о разпната да Леса разбойника.<sup>45</sup>А таро шесто сахати тъмнина покринелас цело пув жи ко девето сахати.<sup>46</sup>А около о девето сахати Исус пищингяс силноне гласоса тай пенгяс: Или, Или, лама савахтани?, тоест: Девла Моро, Девла Моро, соске муклан Ман?<sup>47</sup>Десаве таро бешле оте, като шунде, пененас: Ов викинел Илия.<sup>48</sup>Тай веднага иек лендар прастанило, лилас гъба, топингяс ла андо шут тай като тогяс ла ки тръстика, диняс Лес те пиел.<sup>49</sup>А окола пенде: Мук! Те дикас дали ка авел Илия те избавинел Лес.<sup>50</sup>А Исус, като пищингяс пак силноне гласоса, издъхнингяс.<sup>51</sup>Тай аке, и завеса е храмиескири чиндили на две от упраш жи теле, и пув закелгяс, о скали париле,<sup>52</sup>о миморя путердиле тай бут теловя муле светиенгере уле възкресиме,<sup>53</sup>колато, като иклиле таро миморя палал Лескере възкръснениесте, дине андо свето градос тай явисале на мнозина.<sup>54</sup>А о стотники тай колка, кате заедно леса пазиненас Исус, като дикле о земетресение тай всичко, ковато ачило, дараниле бут, тай пенде: Наистина Кавка сине Чаво е Девлескоро.<sup>55</sup>Оте сине още тай дикенас удурал бут ромня, колато следвиненас Исус тари Галилея, тай служиненас Леске;<sup>56</sup>машкар коленде сине Мария Магдалина тай Мария, и дай на Яков тай на Йосий, тай и дай Зеведеевиенгере чавенге.<sup>57</sup>Тай като ратило, ало иек барвало таро Аритатея, ко алав Йосиф, ковато също чука учинелас пес ко Исус.<sup>58</sup>Ов ало ко Пилат тай манглас е Исусескоро телос. Тогава о Пилат заповедингяс те дел пес леске.<sup>59</sup>Йосиф като лилас о телос, пакяргяс Лес шуже плащаницаса,<sup>60</sup>тай положингяс Лес пере неве миморасте, ковато изсечингяс анди скала; тай като перагяс баро бар е мимораске ко будар, гело песке.<sup>61</sup>А оте сине Мария Магдалина тай окоя Мария, колато бешенас мамуял о мимори.<sup>62</sup>Тай ко следващо дис, ковато сине о дис палал о приготовление за ко празници, о главна свещеникия тай о фарисея кидисале ко Пилат тай пенде:<sup>63</sup>Господарю, динямамен годи, кай ковка измамники живдесте пенгяс: Слес трин диска ка възкресинав.<sup>64</sup>Заповедине о мимори те пазинел пес здраво жи ко трето дис, тена о ученикия Лескере авен тай те черен Лес, тай тай пенен е народоске: Възкръснингяс таро муле. Чука и последно измама ка овел по-канили тари първо.<sup>65</sup>Пилат пенгяс ленге: Лен стража; жан завардинен лес сар жанен.<sup>66</sup>Он геле тай завардине о мимори, като запечатинде о бар с помош тари стража.

## Chapter 28

<sup>1</sup>А като накли и събота, ко разсъмване е първоне дисескес таро курко але Мария Магдалина тай окоя Мария те дикен о мимори. <sup>2</sup>Тай, аке, ачило баро труси; соскето ангели таро Дел ухлило таро небес, тай пристъпингяс тай ухлягяс о бар, тай бешло лесте.<sup>3</sup>Лескоро изгледи сине сар светкавица тай лескере шехя парне сар ив. <sup>4</sup>Тай пе даратар лестар о стражаара издрanas тай ачиле сар муле.<sup>5</sup>А о ангели захоратингяс, като пенгяс е ромниенге: Туме ма даран, соскето жанав, кай роден е разпънатоне Исусес. <sup>6</sup>Нанайстало ате; соскето възкръснингяс, карто да пенгяс; елан, дикен о тан, кате пашлолас о Дел. <sup>7</sup>Жан бързо тай пенен е ученикиенге Лескеренге, кай възкръснингяс таро муле; тай аке, Ов жал англал туменде анди Галилея; оте ка дикен Лес; аке пенгиом туменге. <sup>8</sup>Тай он иклиле бързо таро мимори дараса тай баре лопшаласа, тай запрастаниле тай пенен е ученикиенге Лескеренге. <sup>9</sup>Тай аке, Исус ресло лен тай пенгяс: Здравейте! А он приближисале, долде пес ко пире Леске, тай поклонисале Леске. <sup>10</sup>Тогава Исус пенгяс ленге: Ма даран; жан, пенен Ме праленге тай пенен е ученикиенге Галилея, тай оте ка дикен Ман. <sup>11</sup>Жи кай он жан, аке, десаве таро стражес але андо градос тай пенен е главноне свещеникиенге всичко, ковато ачило. <sup>12</sup>Тай он, като кидисале е старейшиненца тай съвещиненас пес, дине е войнициен пердо парес тай пенде. <sup>13</sup>Пенен, кай о ученикия Лескере але машкар и рат тай чорде Лес, жи кай аме совасас.<sup>14</sup>Тай ако слухи далкесе ресел жи ко управители, аме ка убединас лес, а тумен ка избавинас тари грижа. <sup>15</sup>Тай чука, он лиле о парес тай керде, сар уле сикавде. Тай тогава, ковато он пенде, разнесисало машкар о юдея, тай продължинес даже жи авдис.<sup>16</sup>А о дешуиек ученикия геле анди Галилея, ки планина кате Исус определингяс ленге. <sup>17</sup>Тай като дикле Лес, поклонисале Леске; а десаве съмнявисале. <sup>18</sup>Тогава Исус приближисало паш ленде тай хоратингяс ленге, тай пенгяс: Диняс пес Манге всеко власт ко небес тай ки пув.<sup>19</sup>Тай чука, жан, сикавен саворе народос, тай кръстинен лен ко алав на Отца тай Сина, тай Святия Дух,<sup>20</sup>като сикавен лен тай пенен всичко, ковато заповедингиом туменге; тай аке, Ме синиом туменца презало саворе диса жи ко свършеки е вексоске. (Амин.)

## Mark

## Chapter 1

### Chapter 1

<sup>1</sup>О началос е благовестиеско на Иисуса Христа, е Девлеско Чаво; <sup>2</sup>сарто си пишиме андо пророк Исаия: " Аке, Ме бичалав англал Те лицесте Ме вестителес, ковато ка устроинел Торо дром англал Туте; <sup>3</sup>гласос иекеско, ковато пищинел анди пустиния: Приготвинен и дром е Девлеске. Права керен о пътекес Лескере."<sup>4</sup>О Йоан ало, ковато кръстинелас анди пустиния, тай проповединелас кръщение покайнаске за опостиба е безехенгоро.

<sup>5</sup>Тай иклолас паш лесте цело Юдейско риг тай о ерусалимция, тай саворе кръстиненас пес лестар анди река Йордан, като изповединенас пе безеха. <sup>6</sup>А о Йоан пиравелас шея тари камилско козина тай кожено пояси около пе думесте, тай халас акридес тай диво авгин.<sup>7</sup>Тай като проповединелас, пенелас: Палал манде авел Ковка, Ковато си по-силно мандар, Колеске на синиом достоинно те бандионав те путрав и ремъки Лескере потиниенгоро. <sup>8</sup>Ме кръстинав тумен паниеса; а Ов ка кръстинел тумен е Святоне Духоса.<sup>9</sup>Презал далке диеценде ало о Иисус таро Назарет Галилейски тай кръстисало таро Йоан андо Йордан. <sup>10</sup>Тай като иклило веднага таро пани, диклас, кай путергион о небеса, тай кай о Духос сар куши ухлел упрад Лесте. <sup>11</sup>Тай ало гласос таро небеса: Ту синян Моро възлюбиме Чаво; анде Туте си Моро благоволение.<sup>12</sup>Тай сиго о Духос ингалгяс Лес анди пустиния.

<sup>13</sup>Тай уло анди пустиния саранда диеса, изкушиме таро Сатана, тай уло е зверовиенца; тай о ангела служиненас Леске.<sup>14</sup>А след като о Йоанес уло предиме е власттиенге, о Иисусес ало анди Галилея тай проповединелас о благовестие за е Девлеско тагарипе, като пенелас: <sup>15</sup>О време изпълнисало тай е Девлеско тагарипе наближингяс; покайнен тумен тай верувинен андо благовестие. <sup>16</sup>А като накелас турял о Галилейско езерос\*, диклас е Симонес тай о прал е Симонеско, о Андрей, кай чивенас мрежес андо езерос, понеже уле рибария.

<sup>17</sup>Тай о Иисусес пенгяс ленге: Пирен палал Манде, тай Ме ка керав тумен те ачон ловци манушенгере. <sup>18</sup>Тай он веднага мукле о мрежес тай геле палал Лесте.<sup>19</sup>Тай като наклопес хари, диклас е Яковиес Зеведеев тай леско прал о Йоан, колато чука също уле ан пе ладияте тай кърпиненас о мрежес. <sup>20</sup>Тай веднага викингяс лен; тай он мукле пе дадес о Зеведей анди ладия е надничариенца тай цидинде палал Лесте.<sup>21</sup>Тай але андо Капернаум; тай незабавно анди събота о Иисус диняс анди синагога тай почнингяс те поучинел. <sup>22</sup>Тай он чудиненас пес Лескере учениеске; соскето поучинелас лен сар иек, ковато иси лес власт, а ма сар о книжникия.<sup>23</sup>Тай сиго палал далкесте араклолас анди синагога ленге мануш, долдо нечистоне духостар, ковато пищингяс, като пенгяс: <sup>24</sup>( Мук амен!) Со иси Тут аменца, Иисус Назарянине? Тена алан те погубинес амен? Пенджарав Тут Кова синян, о Свято е Девлеско. <sup>25</sup>Но о Иисус смъртингяс лес, като пенгяс: Трание тай икли лестар! <sup>26</sup>Тогава о нечисто духос, като сърчингяс лес, пищингяс силноне гласоса тай иклило лестар.<sup>27</sup>Тай саворе смаисале, чука кай разисквиенас машкар песте, като пенде: Со си давка? Иек нево учение! С власт заповединел е нечистоне духовиенге, тай он покоринен пес Леске!<sup>28</sup>Тай о слухи за Леске разнесисало сиго наред ки цело Галилейско околност.<sup>29</sup>Тай като иклиле тари синагога, але е Яковиеса тай е Йоанеса андо кер е Симонеске тай е Андрейеске. <sup>30</sup>А е Симонескири сасуи пашлолас насвали трескатар; тай веднага пенде Леске за лаке. <sup>31</sup>Тай Ов приближисало, тай като долгяс ла таро вас, ваздингяс ла; тай ( ко сахати) и треска муклас ла, тай ой прислужвинелас ленге.<sup>32</sup>Тай като ратило, като гаравгиол о кам, анде паш Лесте саворе насвален тай долде бесостар. <sup>33</sup>Тай цело градос кидисало англал о вудар.

<sup>34</sup>Тай Ов изцелингяс мнозинен, колато страдиненас разноне болестиендар, тай гонингяс буте бесовиен; тай нана позволинелас е бесовиенге те хоратинен, понеже пенджаренас Лес.<sup>35</sup>Тай андиавин, като сине още рат, ухтинило, тай иклило тай гело анде уединоне танесте, тай оте молинелас пес. <sup>36</sup>А о Симон тай колка, колато уле Леса, запрастаниле палал Лесте.<sup>37</sup>Тай като аракле Лес, пенде Леске: Саворе роден Тут.<sup>38</sup>А Ов пенгяс ленге: Те жас аврете, ко паше градовя, тай отеда те проповединав; соскето далкеске иклилом. <sup>39</sup>Тай Ов делас андо синагогес ленге ки цело Галилея, като проповединелас тай гонинелас бесовиен.<sup>40</sup>Тай ало паш Лесте иек прокажено, тай молинел пес Леске, пело кочиенде англал Лесте, тай пенгяс: Ако мангес, ащи те очистинес ман.<sup>41</sup>Тай о Иисус смилисало, протегнингяс вас, доприсало жи лесте тай пенгяс леске: Мангав; ов очистиме.<sup>42</sup>Тай веднага и проказа муклас лес, тай ов очистисало.<sup>43</sup>Тай ко сахати бичалгяс лес тай заръчингяс леске строго, като пенгяс леске:<sup>44</sup>Внимавин тена пенес никаске нищо; но свидетелствоске за ленге, жа покажине тут е свещеникеске, тай принесине те очистимнаске давка, ковато заповедингяс о Мойсей.<sup>45</sup>А ов, като иклило, почнингяс те разгласинел бут тай те разнесинел со ачило, чука че о Иисус нащине вече те дел явно анде десаве градосте, но араклолас аври анде уединоне таненде; тай авенас паш Лесте секатар.

### Chapter 2

<sup>1</sup>След неколко диеса Ов пак диняс андо Капернаум; тай разшундило, кай уло андо кер. <sup>2</sup>Тай мнозина кидисале, чука кай тай около о вудар нащине киден пес; тай Ов хоратинелас ленге о Словос.<sup>3</sup>Тай але, тай анде паш Лесте иеке паралитикиес. Штар пиравенас лес; <sup>4</sup>тай като нащине приближинен пес жи Лесте ашал о народос, разкринде о покриви е кереско, кате уло, тай путерде лес, тай мукле и постелка, колате пашлолас о паралитики.<sup>5</sup>А о Иисус, като диклас ленгири вяра, пенгяс е паралитикиеске: Мочно, простилен пес те безеха. <sup>6</sup>А сине оте десаве таро книжникия, колато бешенас тай размишлиненас анде пе сърценде: <sup>7</sup>Кавка соске хоратинел чука? Ов богохулствинел. Кой ащи простилен безеха, освен иек Дел?<sup>8</sup>Тай о Иисус, като ахалило ведна Пе духоса, кате чука размишлинен анде песте, пенгяс ленге: Соске размишлинен давка анде тумаре сърценде?<sup>9</sup>Кова си по-

лесно, те пенав е паралитикиеске: Простинен пес те безеха, или те пенав: Ухти вазде ти постелка тай пир?<sup>10</sup> Но за те пенджарен, кай и Човешко Чаво силес власт ки пув те простинел безеха (пенел е паралитикиеске):<sup>11</sup> Туке пенав: Ухти, вазде ти постелка тай жа те кересте.<sup>12</sup> Тай ов ухтинило, веднага ваздингяс и постелка тай иклило англал саворенде; чука кай саворе удивиненас пес тай славиненас е Девлес, тай пененас: Нисар на диклам савка варесо.<sup>13</sup> Тай пак иклило турял о езерос; тай о цело множествос авел паш Лесте, тай Ов поучинелас лен.<sup>14</sup> Тай като накелас, диклас е Леви Алфеев, бешло андо бирничество, тай пенгяс леске: Пир палал Манде. Тай ов ухтинило тай цидингяс палал Лесте.<sup>15</sup> Тай като о Иисус бешелас ки софра андо кер леске, заедно Леса бешенас о ученикия Лескере, тай бут бирникия тай грешникия; соккето уле мнозина тай пиренас палал Лесте.<sup>16</sup> Тогава о книжникия тай о фарисея, като дикле, кай Ов хал е грешнициенца тай е бирнициенца, пенде Лескере ученикиенге: Соске хал (тай пиел) е бирнициенца тай е грешнициенца?<sup>17</sup> Тай о Иисус, като шунгяс давка, пенгяс ленге: О састе нанай лен нужда лекариестар, а о насвале; нана алом те призовинав е праведнонен, а е грешнонен (покаимнасте).<sup>18</sup> А о Йоанова тай о фарисейска ученикия постиненас; тай але, тай пучле Лес: Соске постинен о Йоанова тай и фарисейска ученикия, а Тере ученикия нана постинен?<sup>19</sup> А о Иисус пенгяс ленге: Аци ли о свадбария те постинен, жи кай си ленца о жамутро? Жи кай о жамутро си ленца, нанащи постинен.<sup>20</sup> Ка авен обаче диеса, като о жамутро ка лел пес лендар, тай тогава, анде далке времесте, ка постинен.<sup>21</sup> Никой на пресивел кръпка нeve платостар пуране шешиесте; соккето и кръпка ка парагиол таро шехя, о нево - таро пурано, тай о паравдо ка ачол по-канило.<sup>22</sup> Тай никой нана наливинел неви мол андо пуране меховя; иначе, и неви мол ка парярел о меховя тай хабингион и мол, тай о меховя; но наливинен неви мол андо нeve меховя.<sup>23</sup> Тай анди иек събота\*, като накелас презал о посевя, Лескере ученикия, като пиренас ко дром, почнинде те чинен класовя.<sup>24</sup> Тай о фарисея пенде Леске: Дик! Соске керен анди събота со нанай позволиме?<sup>25</sup> А Ов пенгяс ленге: Нана четингиен ли нисар со кергяс о Давид, като уло анди нужда, тай бокалило ов тай о мруша, колато уле леса?<sup>26</sup> Сар диняс андо кер е Девлеске, като о Авиатар уло първосвещеници тай халияс о пристъствена маре, колато нанай позволиме никаските хан, освен е свещеникиенге, като диняс колкенда, колато уле леса?<sup>27</sup> Тай пенгяс ленге: И събота си керди е манушеске, а ма о мануш е съботаке;<sup>28</sup> чука кай о Човешко Чаво си господари е съботаке.

## Chapter 3

<sup>1</sup> Тай диняс пак анди синагога; тай оте сине мануш шукярде вастеса. <sup>2</sup> Тай наблюдиненас Лес дали ка изцелинел лес андо съботно диес, тай те обвининен Лес. <sup>3</sup> Ов пенгяс е манушеске е шуке вастеса: Изправине тут ко машкар. <sup>4</sup> Тогава ленге пенгяс: Позволиме ли си те керел пес лачипе андо съботно диес, или те керел пес зло? Те спасинел ли пес животос, или те погубинел пес? А он траниенас.<sup>5</sup> А като диклас лен гневиеса, наскърбиме ашал о закоравиме сърца ленгере, пенгяс е манушеске: Протегнине то вас. Ов протегнингяс лес; тай лескоро вас састило. <sup>6</sup> Тай о фарисея, като иклиле, веднага разберисале е иродианиенца против Лесте сар те погубинен Лес. <sup>7</sup> Тогава о Иисус цидисало Пе ученикиенца карик о езерос, тай баро множествос тари Галилея гело палал Лесте. <sup>8</sup> Тай тари Юдея, таро Ерусалим, таро Идумея, отвъд о Йордан, тай таро тана турял о Тир тай Сидон, иек баро множествос ало паш Лесте, като шунде кити бут чудеса керелас.<sup>9</sup> Тай поръчингяс Пе ученикиенге те услужинен Леске иеке ладиаса ашал о народос, за тена притискинен Лес. <sup>10</sup> Соккето изцелингясас мнозинен, чука кай, колао страдиненас болестиендар, натискиненас Лес, за те допириенен пес жи Лесте.<sup>11</sup> Тай о нечиста духовя, като дикенас Лес, перенас англал Лесте тай пищиненас, тай пененас: Ту синян е Девлескоро Чаво. <sup>12</sup> Но Ов строго заръчинелас ленге тена разгласинен Лес.<sup>13</sup> Палал далкесте качисало ко хълми тай викингяс паш Песте колкен, колен мангелас; тай он геле паш Лесте.<sup>14</sup> Тай определингяс дешудуи жене\*, за те овен Леса, тай за те бичалел лен те проповединен,<sup>15</sup> тай те овел лен власт те лекувинен болестя тай те гонинен бесовиен.<sup>16</sup> Определингяс: О Симон, колес диняс о алав Петър;<sup>17</sup> о Яков Зеведеев тай о Яково прал о Йоан, колес диняс о алав Воанергес, демек, о Гърмеца\*;<sup>18</sup> тай о Андрей тай о Филип, о Вартоломей тай о Матей, о Тома тай о Яков Алфеев, о Тадай тай о Симон Зилот,<sup>19</sup> тай о Юда Искариотски, ковато преддиняс Лес.<sup>20</sup> Тай диняс анде иеке кересте; тай о народос пак кидисало, чука кай Ов тай Лескере ученикия нащине те хан маро.<sup>21</sup> А Лескере близка, като шунде давка, иклиле, за те долен Лес; соккето пененас, кай нанай Песте.<sup>22</sup> Тай о книжникия, колато ухлилесас таро Ерусалим, пененас кай анде Лесте си о Веелзвул тай кай гонинел е бесовиен чрез о началники е бесовиен горо.<sup>23</sup> Но Ов, като викингяс лен, пенелас ленге притченца: Сар аци о Сатана те гонинел Сатана?<sup>24</sup> Ако иек тагарипе разделинел пес против песте, давка тагарипе нащи устоинел.<sup>25</sup> Тай ако иек кер разделинел пес против песте, давка кер нащи ка устоинел.<sup>26</sup> Тай ако о Сатана ухтинило против песте тай разделисало, ов нащи устоинел, но ало лескоро крайос.<sup>27</sup> Обаче никой нащи дел андо кер е силене манушеске те ограбинел лескири покъщнина, ако първо нана пандел е силенес, тай тогава ка ограбинел лескоро кер.<sup>28</sup> Истина пенав туменге, кай саворе безеха е човешконе чавенгере ка овен простииме, тай саворе хулем, коленца аци богохулствинен,<sup>29</sup> но ако декой похулинел о Свято Духос, за леске нанай прошка жи ко векос, а си виновно вечноне безехаке.<sup>30</sup> Давка пенгяс Ов, соккето пененас: Силес нечисто духос.<sup>31</sup> Тай але Лескири дай тай Лескере прала, тай като бешенас аври, бичалде жи Лесте те викинен Лес.<sup>32</sup> А турял Лесте бешелас иек множествос; тай пенде Леске: Аке, Ти дай тай Те прала аври, роден Тут.<sup>33</sup> Тай в отговор пенгяс ленге: Коя си Ми дай? Тай кола си Ме прала?<sup>34</sup> Тай като диклас е бешлен турял Лесте, пенгяс: Аке Ми дай тай Ме прала!<sup>35</sup> Соккето, ковато керел е Девлескири воля, ов си Манге прал, тай пен, тай дай.

## Chapter 4

<sup>1</sup>Тай пак почнингяс те поучинел турял о езерос. Тай кидисало паш Лесте иек твърде баро множествос, чука кай Ов диняс анде иеке ладияте тай бешелас андо езерос; а о цело множество уле ко шукипе турял о езерос. <sup>2</sup>Тай поучинелас лен бут притченца, тай пенелас ленге анде Пере учениесте.<sup>3</sup>Шунен: Аке, о сеячи иклило те сеинел. <sup>4</sup>Тай като сеинелас, десаве зърна пеле ко дром; тай о птицес але, тай изкълвинде лен. <sup>5</sup>Авер пеле ко канаристо тан, кате на сине бут пув, тай сиго никнинде, сокето на сине дълбоко почва,<sup>6</sup>а като иклило о кам, претабиле, тай понеже на сине лен корени, шукиле. <sup>7</sup>Тай авер пеле машкар о каре; тай о каре бариле тай заглушинде лен, тай нана дине плоди.<sup>8</sup>А авер пеле лаче пувяте тай денас плоди, ковато бариолас тай умножингиолас, тай принесинде кова триянда, кова пиндудеш тай кова шел. <sup>9</sup>Тай пентгяс: Кас иси кана те шунел, нека шунел.<sup>10</sup>Тай като ачило коркоро, колка, колато уле турял Лесте е дешудонца , пучле Лес е притченге. <sup>11</sup>Тай пентгяс ленге: Туменге си дендо те пенджарен и тайна е Девлескере тагарипнаскоро; а колкенге, о авруне, всичко си притчес; <sup>12</sup>чука кай кола дикен нека дикен, тай тена дикен, тай кола шунен те шунен, а тена ахалон; за тена иринен пес тай те простишел пес ленге (и безех).<sup>13</sup>Тай пенел ленге: Нана ахалон ли кайка притча? А сар тогава ка ахалон саворе притчес?<sup>14</sup>О сеячи сеинел о словос. <sup>15</sup>А колка ко дром, кате сеинел пес о Словос, си салка, колато, като шунен лес, о Сатана веднага авел тай грабинел о посяно анде ленде Словос.<sup>16</sup>Също о посяно ко канариста тана си калка, колато, като шунен о Словос, веднага лошаласа приеминен лес;<sup>17</sup>нанаи лен обаче корени анде ленде, а си кратковременна; после, като авел напаст или гонение ашал о Словос, веднага съблазнинен пес.<sup>18</sup>О посяно машкар о каре си колка, колато шунде о Словос;<sup>19</sup>но о грижес е светоскере, и примамка е барвалипнаскири тай о пожелания авере букиенгере, като ден анде ленде, заглушинен о Словос, тай ов ачол биплодно.<sup>20</sup>А о посяно ки лачи шув си калка, колато шунен о Словос, приеминен лес тай ден плоди, триянда, пиндудеш, тай шелкратно. <sup>21</sup>Тай пентгяс ленге: Далкеске ли анел пес о светилос, за те товен лес телал о шинники\* или телал о тан? Ма далкеске ли, за те товен лес ко светилники?<sup>22</sup>Сокето нанаи варесо тайно, ковато тена явинел пес; нито сине варесо спотаено, освен за те иклол наяве.<sup>23</sup>Ако си декас кана те шунел, нека шунел.<sup>24</sup>Пентгяс ленге също: Внимавинен анде далкесте, ковато шунен. Саве меркаса меринен, ка отмерингиол туменге, туменгеда, кова шунен ка прибавинел пес туменге.<sup>25</sup>Сокето, кас иси, леске ка дел пес, а кас нанай, лестар ка лел пес давкада, ковато си лес.<sup>26</sup>Тай пентгяс: Е Девлескоро тагарипе си също сарто като мануш чивел семес анди пув;<sup>27</sup>тай совел, тай ухкиел ират тай о диес; а сар никнинел тай бариол о семес, ов нажанел.<sup>28</sup>И пув коркори пестар произведенел, първо стрък, после класос, палал далкесте пълно зврнос андо класос.<sup>29</sup>А като узреинел и плоди, ко сахати бичалел о сърпи, сокето али и жетва.<sup>30</sup>Паш далкесте пентгяс: Состе те опреличинас е Девлескоро тагарипе, или саве притчата те представинас лес?<sup>31</sup>Ов препел синацовоне зърносте, ковато, като садинел пес анди пув, си по-цикно саворе семенонендар, колато си ки пув;<sup>32</sup>но като садинел пес, бариол тай ачол по-баро саворе злаковиендар, тай мукел баре клоня, чука кай телал и сянка леске ащи подслонинен пес о птицес таро небес.<sup>33</sup>Буте салке притченца прогласинелас ленге о Словос, според сарто ащине шунен.<sup>34</sup>А би притчакоро на хоратинелас ленге; но коркоресте обяснителас Пере ученикенге.<sup>35</sup>Тай андо също диес, като ратило, о Иисус пентгяс ленге: Те накас окоя рик.<sup>36</sup>Тай като размукле е народос, лиле Лес песа анди ладия, чука сарто сине; тай сине авер ладиес Леса.<sup>37</sup>Тай ваздисали бари бурия, тай о вълни дине анди ладия, чука кай ой вече периолас паниеса.<sup>38</sup>А Ов сине ки палуни риг, засуто шерандесте; тай он ухъярен Лес тай пенен Леске: Учителю, нима нанай Тут грижа, кай загивинас?<sup>39</sup>Тай Ов, като ухтинило, смъртингяс и балвал тай пентгяс е езероске: Трание! Утихнине! Тай и балвал спирингяс, тай ачили бари тишина.<sup>40</sup>Тай пентгяс ленге: Соке синиен дики даравне? Още ли нанай тумен вяра?<sup>41</sup>Тай бари дар долгяс лен; тай он пенде песке иек авереске: Кова си Кавка, кай и балвал, тай о езерос покоринен пес Леске?

## Chapter 5

<sup>1</sup>Тай чука, накле окоя рик ко езерос анди Гадаринско\* рик. <sup>2</sup>Тай като иклило тари ладия, ко сахати таро миморя ресло Лес иек мануш нечистоне духоса.<sup>3</sup>Ов живинелас ко миморя тай никой вече нацине пандел лес даже веригенца;<sup>4</sup>сокето бут дрома панденас лес окованца тай веригенца; но ов чинелас о веригес тай пагелас о оковес; тай никакас насине сила те укротинел лес.<sup>5</sup>Тай винаги, ират тай о диес, андо миморя тай ко хълмовя, ов пишинелас тай изпосечинелас пес баренца.<sup>6</sup>А като диклас е Иисусес удурал, прастанило тай поклонисало Леске;<sup>7</sup>тай пицингяс силнове гласоса, тай пентгяс: Со иси Тут манца, Иисусе, Чавея е Всевишноне Девлескоро? Дав тут совеля андо Дел, ма мъчине ман.<sup>8</sup>(Сокето о Иисус пентгяс леске: Икли таро мануш, духос нечисто.)<sup>9</sup>Тай о Иисус пучляяс лес: Сар си то алав? А ов пентгяс Леске: Легион си мо алав; сокето синям мнозина.<sup>10</sup>Тай бут молингяс пес Леске тена бичалел лен аври тари страна.<sup>11</sup>А оте, ко хълми, пасинелас баро стадос баличе.<sup>12</sup>Тай о бесовия молиненас пес Леске, като пененас: Бичал амен андо баличе, за те дас анде ленде.<sup>13</sup>О Иисус позволингяс ленге. Тай о нечиста духовя иклиле, тай дине андо баличе; тай о стадос, около дуи хиляда, муклас пес нателе ки стръмнина тай таслиле андо езерос.<sup>14</sup>А колка, колато пасиненас е баличен, нашле тай пенде давка андо градос тай андо гава. Тай о жителяя але те дикен со ачило.<sup>15</sup>Тай като але паш о Иисус, дикле е долдес по-преди таро бесовия, анде колесте сине о легиони, кай бешел урявдо тай сmisлено; тай дараниле.<sup>16</sup>Тай колка, колато диклесас,

расскажинде ленге со ачило е долдеса таро бесовия тай е баличене.<sup>17</sup> Тай он почнинде те молинен пес Леске те жал песке ленгере пределендар.<sup>18</sup> Тай като делас анди ладия, кавка, ковато уло долдо бесовиендар, молинелас пес Леске те овел заедно Леса.<sup>19</sup> Обаче о Иисус на муклас лес, но пенгяс леске: Жа туке кере тумаренде тай пен ленге саве велика букия кергяс туке о Дел тай сар смилисало упран туте.<sup>20</sup> Тай о мануш цидингяс тай почнингяс те разгласинел андо Декапол саве велика букия кергяс леске о Иисус; тай саворе чудиненас пес.<sup>21</sup> Като о Иисус пак накло е ладияса окоя рик, кидисало паш Лесте баро множествос; тай Ов сине турял о езерос.<sup>22</sup> Тай ало иек таро начальники е синагогаке, ко алаб Яир, тай като диклас Лес, пело англал Лескере пиренде,<sup>23</sup> тай бут молингяс пес Леске, като пенелас: Ми цикни чаи мерел; молинаман Туке те авес тай те положинес васта упран лате, за те саскиол, тай те живинел.<sup>24</sup> Тай Ов гело леса; тай иек баро множествос пирелас палал Лесте, тай о народос притискинелас Лес.<sup>25</sup> Тай иек ромни, колато сине кръвотечение дешудуи бреша,<sup>26</sup> тай бут пострадингяс множине лекариендар, тай пропилингяс по цело имоти, без те дикел десави полза, а напротив, ачилоас лаке по зле,<sup>27</sup> като шунгяс за е Иисусеске, али машкар о народос изпалал тай допирисало жи ко шехи Леске.<sup>28</sup> Соскето пенелас песке: Ако само допиринаман жи ко шехи Леске, ка саскиовав.<sup>29</sup> Тай ко сахати пресекнингяс лакоро кръвотечение, тай ой усетингяс ан пе телосте, кай изцелисало тари болест.<sup>30</sup> Тай веднага о Иисус, като усетингяс анде Песте, кай иклили Лестар сила, ирисало машкар о народос тай пенгяс: Кой допирисало жи Ме шехиенде?<sup>31</sup> О ученикия пенде Леске: Ту дикес, кай о народос притискинел Тут, а пучес: Кой допирисало жи Манде?<sup>32</sup> Но Ов раздикелас, за те дикел калка, която кергяс давка.<sup>33</sup> А и ромни, даранили тай издралас, като жанелас со ачило ласа, али тай пели англал Лесте, тай пенгяс Леске и цело истина.<sup>34</sup> А Ов пенгяс лаке: Мичаи, тери вяра изцелингяс тут; жа туке с мир, тай ов састи тере болестиатар.<sup>35</sup> Жи кай Ов още хоратинелас, авен таро кер е начальникиске е синагогакоро тай пенен: Ти чаи мули; соске още затруднинес е Учителес?<sup>36</sup> А о Иисус, като шунгяс о думес, колато хоратиненас, пенгяс е начальникиске е синагогакоро: Ма дара, само верувине.<sup>37</sup> Тай никасксе на позволингяс те приружинен Лес, освен е Петреске, е Яковиеске тай е Яковове пралеске о Йоан.<sup>38</sup> Тай като але жи ко кер е начальникиске е синагогакоро, Ов диклас вълнение тай множина, колато ровен тай пищинен бут.<sup>39</sup> Тай като диняс, пенгяс ленге: Соске вазден шуми тай ровен? О чаво нана муло, а совел.<sup>40</sup> А он асанас Леске. Но Ов, като икаляс наври саворен, лилас е дадес тай е дая е чавескерес, тай колка, колато уле Леса, тай диняс оте, кате сине о чаво.<sup>41</sup> Тай като долгяс е чавес таро вас, пенгяс леске: Талита куми; ковато значинел: Часе, туке пенав, ухти!<sup>42</sup> Тай и чаи веднага ухтинили, тай пирелас, соскето сине дешудуие брешенгири. Тай он смаисале твърде бут.<sup>43</sup> Тай бут заръчингяс ленге никой тена ахалол давка; тай заповедингяс те ден ла варесо те хал.

## Chapter 6

<sup>1</sup> Тай о Иисус иклило отар тай ало анде Пере родинате; тай Лескере ученикия пиренас палал Лесте. <sup>2</sup> Тай като ачило събота, почнингяс те поучинел анди синагога; тай множина, като шуненас Лес, чудиненас пес тай пененас: Катар иси Калке манушес всичко давка? Тай сави си Лескири денди мъдрост, тай саве си далка велика дела, керде таро васта Леске? <sup>3</sup> Кавка нанай ли о дърводелцос, чаво е Мариякоро, тай прал на Яков тай Йосий, е Юдаске тай е Симонеске? Тай Лескере пеня нанай ли ате машкар аменде? Тай он съблазнисале анде Лесте. <sup>4</sup> А о Иисус пенгяс ленге: Нисаво пророки нанай без почит, освен пере родинате, тай машкар пере сроднициенде, тай анде пере кересте. <sup>5</sup> Тай нащине керел оте нисаво велико делос, освен като положингяс васта малционе насовалене тай изцелингяс лен. <sup>6</sup> Тай чудинелас пес ленгере невериесте. Тай обикалянелас о околна гава тай поучинел. <sup>7</sup> Тай като викингяс е дешудон, почнингяс те бичален лен дуи по дуи, тай диняс лен власт упран о нечиста духовя. <sup>8</sup> Тай заповедингяс ленге тена лен нищо за ко дром, освен иек тояга; ни маро, ни торба, ни парес андо пояси;<sup>9</sup> но те поденен пес сандаля тай тена уриен дуи гада. <sup>10</sup> Тай пенгяс ленге: Кате да те ден анде варесаве кересте, ачон анде лесте, жи кай иклон туменгे отар. <sup>11</sup> Тай ако десаве танесте нана приеминен тумен, нито шунен тумен, като иклон отар, тресинен о прахос тумаре пирендар, свидетелствоске против ленде\*. <sup>12</sup> Тай он иклиле тай проповединенас, кай о мануша требе те покайнен пес. <sup>13</sup> Тай гониненас буте бесовиен, тай множина насовален помажиненас маслоса, тай изцелиненас лен. <sup>14</sup> Тай о тагар о Ирод шунгяс за е Иисусеске (соскето Лескоро алаб ачило известно) тай пенелас: О Йоан Кръстител възкръснингяс таро муле тай далкеске калка велика силес действинен чрез Лесте. <sup>15</sup> А авер пененас, кай си о Илияс. Авер па пененас, кай Ов си пророки, сар иек таро пурено време пророкия. <sup>16</sup> Но о Ирод, като шунгяс за Леске, пенгяс: Кавка си о Йоан, колес ме обезглавнигиом, ов възкръснингяс. <sup>17</sup> Соскето давка Ирод бичалгясас те долен е Йоанес тай те панден лес анди тъмница, ашал е Иродиадаке, ромни лескере пралескири о Филип, понеже лиласас ла ромняке. <sup>18</sup> Соскето о Йоан пенелас е Иродиеске: Нанай туке позволиме те овел тут те пралескири ромни. <sup>19</sup> А и Иродиада настроисали против лесте тай мангелас те мударел лес, но нащине;<sup>20</sup> соскето о Ирод даралас таро Йоан, като жанелас, кай ов си мануш праведно тай свято, тай пазинелас лес зоралесте; тай като шунелас лес, бут двоуминелас пес со те керел, тай с удоволствие шунелас лес. <sup>21</sup> Тай като ачило сгодно диес, като о Ирод за пе рождениеiske кергяс вечеря пе баренге тай е хилядникиенге, тай е галилейсконе старейшиненге, <sup>22</sup> тай и чаи е Иродиадакири диняс тай келгяс, ой угодингяс е Иродиеске тай о бешле леса; тай о тагар пенгяс е чаяке: Манг мандар со мангес, тай ка дав лес туке. <sup>23</sup> Тай халияс лаке совеля: Со да те мангес мандар, ка дав тут, даже екваш ме тагарипнастар. <sup>24</sup> А ой иклили тай

пенгяс пе даяке: Со те мангав? Тай ой пенгяс: О шеро на Йоан Кръстител.<sup>25</sup> Тай ко сахати и чай диняс сиго паш о тагар, тай манглас, като пенгяс: Мангав те дес ман още акана на блюдо о шеро на Йоан Кръстител.<sup>26</sup> Тай о тагар наскърбисало бут; но пак; ашал пе совеленге тай ашал е бешленге леса, на манглас те откаждинел лаке.<sup>27</sup> Тай веднага о тагар бичалгяс иеке палачиес, колеске заповедингяс те анел лескоро шеро; тай ов гело, тай обезглавингяс лес анди тъмница,<sup>28</sup> тай ангяс лескоро шеро на блюдо, тай диняс лес е чаяке; а и чай диняс лес пе даяке.<sup>29</sup> Тай лескере ученикия, като шунде давка, але тай ваздинде лескоро телос, тай положинде лес андо мимори.<sup>30</sup> Тай о апостола кидисале паш о Иисус тай разкажинде Леске всичко, со керде тай со поучинде.<sup>31</sup> Тай пенгяс ленге: Елан туме коркоре уединоне танесте тай почивинен туменге хари. Соскето мнозина авенас тай жанас; тай на сине лен време даже те хан.<sup>32</sup> Тай геле е ладиаса уединоне танесте коркоресте.<sup>33</sup> А като жанас, о люде дикле лен тай мнозина пенджарде лен; тай саворе градовиендер мужле пес оте пеша, тай изпреваринде лен.<sup>34</sup> Тай о Иисус, като иклило, диклас иек баро множествос, тай смилисало упран ленде, понеже сине сар овце, колен нанай овчари; тай почнингяс те поучинел лен бут букя.<sup>35</sup> Тай като ачило вече късно, Лескере ученикия приближисале паш Лесте тай пенде: О тан си уединено тай вече си късно;<sup>36</sup> мук лен, за те жан ко околна местностя тай гава тай те кинен песке маро, соскето нанай лен нищо хабнаске.<sup>37</sup> А Ов в отговор пенгяс ленге: Ден лен туме те хан. А он пенде Леске: Те жас ли те кинас за дуиштел пеняза маро тай те дас лен те хан?<sup>38</sup> А Ов пенгяс ленге: Кити маро иси тумен? Жан, дикен. Тай като ахалиле, пенде: Панч, тай дуи маче.<sup>39</sup> Тай заповедингяс ленге те бешен саворе групенде ки зелено чар.<sup>40</sup> Тай он бешле редиценде, пошел тай по пинда.<sup>41</sup> Тай като лилас о панч маре тай о дуи маче, о Иисус диклас карик о небес тай благословингяс; тай пагляс о маре, тай делас е ученикиен те товен англал ленде; разделингяс о дуи маче саворенг.<sup>42</sup> Тай саворе хале, тай чалярде пес.<sup>43</sup> Тай ваздинде къшея, дешудури перда кошовя, чука таро мачеда.<sup>44</sup> А колка, кате хале о маре, уле панч хиляда мруша.<sup>45</sup> Тай веднага традингяс Пе ученикиен те ден анди ладия тай те жан англал Лесте окоя рик карик и Витсаида, жи кай Ов размукел е народос.<sup>46</sup> Тай като простидало ленца, гело ко хълми те молинел пес.<sup>47</sup> Тай като ратило, и ладия сине машкарал ко морес, а Ов коркоро ко шкуипе.<sup>48</sup> Тай като диклас лен, кай мъчинен пес, като гребинен е весленца, соскето и балвал сине ленге мамуял, около и четвърто стража е ракякири ало паш ленде, като пирелас ко езерос; тай ка отнакелас лен.<sup>49</sup> А он, като дикле Лес те пирел ко езерос, мислинде песке, кай си призраки тай пищинде;<sup>50</sup> соскето саворе дикле Лес тай смутисале. Тай веднага Ов захоратингяс ленге, като пенгяс ленге: Дерзайнен! Ме синиом, ма даран!<sup>51</sup> Тай диняс паш ленде анди ладия, тай и балвал утихнингяс; тай он бут слисисале.<sup>52</sup> Соскето нана ахалилесас о чудос е маренца, но ленгере сърца сине закоравиме.<sup>53</sup> Тай като пренакле о езерос, але анди Генисаретско пув тай пристанинде ки сушая.<sup>54</sup> Тай като иклиле тари ладия, веднага о народос пенджарде Лес;<sup>55</sup> тай запрастаниле ки цело коика околност тай почнинде те анен анде таненде е насвален оте, кате шуненас, кай араклолас Ов.<sup>56</sup> Тай кате да те делас, андо гава или андо градовя, или андо колибес, икаленаас е насвален ко пазаря, тай молиненас пес Леске те допиринен пес он поне жи ко полес Лескере шехиенгере; тай кити допириненас пес, изцелиненас пес.

## Chapter 7

<sup>1</sup>Кидисале паш о Иисус о фарисея тай десаве таро книжникия, колато алесас таро Ерусалим.<sup>2</sup> Тай като дикле, кай десаве таро ученикия Лескере хан маро нечистоне вастенца, демек, битовде на одобринде.<sup>3</sup> (Соскето о фарисея тай саворе юдея, придържинен карик о предание е старейшиненгоро, нана хан, ако нана истовен пе васта жи ко лактия;<sup>4</sup> тай като иринен пес таро пазари; нана хан, ако нана истовен пес. Иси бут авер букя, колато приеминде те спазвинен - те товен чашес, шулдия тай медна чаре.)<sup>5</sup> Тай чука, о фарисея тай о книжникия пучле Лес: Соске на постъпинен Тере ученикия според о предание е старейшиненгоро, а хан маро нечистоне вастенца?<sup>6</sup> А Ов пенгяс ленге: Лачес пророкувингяс о Исаи за туменге, о лицемерия, карто си пишиме: "Калка люде почитинен Ман пе вущенца, но ленгоро сърцес бешел дуре Мандар."<sup>7</sup> Обаче напразно почитинен Ман, като преподавинен поучения манушескере заповедя".<sup>8</sup> Туме мукен е Девлескири заповед тай икерен е манушескоро предание (истоиба шулциенгоро тай чашенгоро; тай бут авер подобна букя керен).<sup>9</sup> Тай пенгяс ленге: Шукар! Туме отчiven\* е Девлескири заповед, за те спазинен тумаро предание!<sup>10</sup> Соскето о Мойсей пенгяс: "Почитине те дадес тай те дая," тай "Ковато злословинел дадес или дая, непременно те умъртвинел пес"<sup>11</sup> Но туме пенен: Ако пенел мануш пе дадеске или пе даяке: Кавка моро имане, колеса ащи помагинес туке, си курбани, демек подариме е Девлеске, тогава си различно;<sup>12</sup> туме нана мукен лес вече те керел варесо пе дадеске или пе даяке.<sup>13</sup> Тай чука, отчiven е Девлескоро словос ашал тумаре преданиеиске, ковато прединиен; тай керен бут салка букя, подобна далкесте.<sup>14</sup> Тай пак викингяс е народос тай пенгяс ленге: Шунен Ман саворе тай ахалон.<sup>15</sup> Нанай нищо аврят о мануш, ковато, като дел анде лесте, ащи осквернинел лес; но калка букя, колато иклон лестар, он осквернинен манушес. ( <sup>16</sup>Ако си декас кане те шунел, нека шунел.)<sup>17</sup> Тай като муклас е народос тай диняс андо кер, Лескере ученикия пучле Лес за е притчаке.<sup>18</sup> Тай пенгяс ленге: Нима синиен тумеда чука неразъдлива? Нана ахалон ли, кай нищо, ковато дел андо мануш аврят, нанащи осквернинел лес?<sup>19</sup> Соскето нана дел андо сърцес леске, а андо воги, тай иклол наври. (Като пенгяс давка, Ов кергяс саворе ястия чиста вече.)<sup>20</sup> Пенгяс още: Ковато иклол таро мануш, ов осквернинел е манушес.<sup>21</sup> Соскето андрал, таро сърцес е маанущенге, иклон зла помислес, блудства, чорибе, мударибе,<sup>22</sup> прелюбодеяства, користолюбие, нечество, коварство, сладострастие, лукаво як, хулиба,

гордост, безумство.<sup>23</sup>Саворе калка зла бука иклон андрал тай осквернинен е манушес.<sup>24</sup>Тай като ухтинило отар, гело андо Тирска (тай Сидонска предела); тай диняс анде иеке кересте, тай намангелас те жанел Лес никой; но нацине гаравел пес.<sup>25</sup>А веднага шунгяс за Леске иек ромни, колакири цикни чаи сине ла нечисто духос, тай ой али, тай пели англал о пире Леске.<sup>26</sup>( И ромни сине елинка, родом сирофиникианка.) Тай молинелас пес Леске те гонинел е бесос лакере чаятар.<sup>27</sup>А о Иисус пентяс лаке: Мук те настинен пес първо о чаве; сокето нанай прилично те лел пес о маро е чавенгоро тай те чивел пес е риконенге.<sup>28</sup>А ой в отговор пентяс Леске: (Ва,) Господи; но о риконеда телал и софра хан таро трохес, колато перен таро чаве.<sup>29</sup>Тай пентяс лаке: Калке думенге, жатуке; о бесос иклило те чаятар.<sup>30</sup>Тай като гели песке кере, араклас е чавес пашло ки постелка, тай о бесос иклило.<sup>31</sup>Тай като иклило пак ко Тирска предела тай Сидон карик о Галилейско езерос, презал о Декаполска предела.<sup>32</sup>Тай анен паш Леске иеке кашукас тай лалоре манушес, тай молинен пес Леске те положинел вас управл лесте.<sup>33</sup>Тай о Иисус, като ингалгяс лес таро народос коркоресте, вложингяс Пе ная андо кана леске тай като чунгадингяс, докоснингяс пес жи ки чиб леске;<sup>34</sup>тай диклас карик о небес, въздъхнингяс, тай пентяс леске: Еффата, демек, путер тут.<sup>35</sup>Тай лескере кана ко сахати путердиле, тай и връзка е чибакири развържисали, тай ов хоратинелас чисто.<sup>36</sup>Тай заръчингяс ленге никаске тена пенен давка; но кити по бут заръчинелас ленге, дики по бут разгласиненас лес;<sup>37</sup>сокето удивиненас пес твърде бут тай пененас: Всичко керел лачес; тай е кашуken керел те шунен, тай е лалорен те хоратинен.

## Chapter 8

<sup>1</sup>Презал колке диесенде, като пак кидисалосас баро множествос, тай на сине лен со те хан, о Иисус викингяс Пе ученикиен тай пентяс ленге: <sup>2</sup>Жално си манг е народоске, сокето трин диес вече бешен паш Манде, тай нанай лен со те хан; <sup>3</sup>тай ако размукав лен бокале ленгере керенде, ка прималинел ленге управл о дром; а десаве лендар але дурал. <sup>4</sup>Тай Лескере ученикия отговоринде Леске: Катар ка ащи декой те чалярел калкен мареса, анде калке уединоне танесте?<sup>5</sup>Тай пучлас лен: Кити маре иси тумен? А он пенде: Ефта. <sup>6</sup>Тай заповедингяс е народоске те бешен ки пув; тай като лилас о ефта маре, благодарингяс, пагляс тай делас Пе ученикиен, за те товен лен. Тай товде лен англал о народос. <sup>7</sup>Исине лен хари маче; тай като благословингяс лен, заповедингяс те товен ленда. <sup>8</sup>Тай хале, тай чалярде пес; тай ваздинде около къшея, ефта кошницес. <sup>9</sup>А колка, колато хале, уле около штар хиляда жене; тай размуклас лен. <sup>10</sup>Тай веднага диняс анди ладия Пе ученикиенца, тай ало андо Далманутанска предела. <sup>11</sup>Тай о фарисея иклило тай почнинде те препириинен пес Леса; тай като изпитвиненас Лес, мангле Лестар знамение таро небес. <sup>12</sup>А Ов въздъхнингяс дълбоко ан Пе духосте тай пентяс: Соске мангел кавка роди знамение? Истина пенав туменге: Калке родиеске нанай те дел пес знамение. <sup>13</sup>Тай муклас лен, като диняс пак анди ладия тай накло окоя рик.<sup>14</sup>Но Лескере ученикия бистерде те лен маро тай на сине лен анди ладия по бут иеке самуниестар. <sup>15</sup>Тай Ов заръчингяс ленге, тай пентяс: Внимавинен, пазинен тумен таро кваси е фарисеенге тай таро квасос е Иродиеске. <sup>16</sup>Тай он разисквиненас машкар песте, като пенде: Давка си, сокето нанай амен маро. <sup>17</sup>А о Иисус, като ахалило давка, пентяс ленге: Соске разисквинен, сокето нанай тумен маро? Още ли на дикен тай нана ахалон? Барестар ли си тумаро сърцес?<sup>18</sup>Като иси тумен яка, нана дикен ли? Тай като иси тумен кана, нана шунен ли? Тай нана помнинен ли?<sup>19</sup>Като паглом о панч маре е пандже хиляде жененге, кити кошовя, перда күшеиенца ваздингиен? Пенде Леске: Дешудуи.<sup>20</sup>А като о ефта маре - е штаре хиляде жененге, кити кошницес, перда къшеиенца ваздингиен? Пенде Леске: Ефта. <sup>21</sup>Тай пентяс ленге: Нана ахалон ли още?<sup>22</sup>Але андо Витсаида. Тай анде паш Лесте иеке корес, тай помолинде Лес те докоснинел пес жи лесте. <sup>23</sup>Тай Ов долгяс е корес таро вас, тай икалгяс лес аври таро гав тай като чунгадингяс ко яка лексе, положингяс лесте васта тай пучлас лес: Дикес ли варесо?<sup>24</sup>Тай ов, като ваздингяс пе яка, пентяс: Дикав е манушен; сокето дикав бука сар каща, колато пирен. <sup>25</sup>После пак положингяс васта ко яка леске; традингяс лес те втренчинел пе яка тай ов састило, тай дикелас всичко ясно. <sup>26</sup>Тай бичалгяс лес лескре кересте, тай пентяс: Ма те дес андо гав, (нито пен давка декаске андо гав).<sup>27</sup>Тай иклило о Иисус Пе ученикиенца ко гава на Кесария Филипова; тай ко дром пучлас Пе ученикиен: Според о народос кова синиом Me?<sup>28</sup>А он в отговор пенде Леске: Иекенге - о Йоан Кръстител; аверенге - о Илия; а аверенге - иек таро пророкия.<sup>29</sup>Тогава пучлас лен: А според туменде кова синиом? О Петрес в отговор пентяс Леске: Ту синян о Помазаници\*. <sup>30</sup>Тай заръчингяс ленге никаске тена пенен за Леске. <sup>31</sup>Тай почнингяс те учинел лен, кай о Човешко Чаво требе бут те страдинел, тай те овел отчивто таро старейшинес, главна свещеникия тай о книжникия, тай те овел мудардо, тай палал о трин диес те възкръсниел. <sup>32</sup>Тай открито хоратинелас давка. А о Петрес лилас Лес ки риг тай почнингяс те мъмринел Лес.<sup>33</sup>А Ов, като ирисалон тай диклас Пе ученикиен, смъмрингяс е Петрес, като пентяс: Махнин тут, Сатано, тай жа палал Манде, сокето нана дес ти годи е Девлескере букиенге, но е манушенгере букиенге. <sup>34</sup>Тай викингяс е народос заедно Пе ученикиенца тай пентяс ленге: Ако мангел декой те авел палал Мане, нека отречинен пес пестар, нека ваздел по кръстос тай чука нека следвинел Ман.<sup>35</sup>Сокето ковато мангел те спасинел по животос\*, ка нашалел лес; а ковато нашалел по животос ашал Манге тай е благовестие, ка спасинел лес. <sup>36</sup>Понеже сави полза е манушеске, ако спечелинел о цело светос, а нашалел по животос?<sup>37</sup>Сокето, со ка дел о мануш анди замяна пе животоске?<sup>38</sup>Сокето, ако лажал декой ашал Манге тай ашал Me хоратенге анде калке блудноне тай грешноне родиесте, ов о Човешко Чаво ка лажал лестар, като ка авел анди слава Пе Отециеске е святоене ангеленца.

## Chapter 9

<sup>1</sup>Тай о Иисус пентяг ленге: Истина пенав туменге: Иси декой атар таро бешле, колато нисар нанай те вкусинен мериба, жи кай нана дикен е Девлескоро тагарипе, ало анди сила. <sup>2</sup>Тай палал о шов диес о Иисус лилас е Петрес, о Яков тай о Йоан тай ингалгяс само лен иеке уче планинате коркоресте; тай преобразисало англал ленде.

<sup>3</sup>Лескере шехя ачиле бляскава, бут парне, савето никой който парнярел ки пув нанаци чука те парнярел. <sup>4</sup>Тай явисало ленге о Илия е Мойсейеса, колато хоратиненас е Иисусеса. <sup>5</sup>А о Петрес захоратингяс, тай пентяг е Иисусесе: Учителю, лачес си те овас ате, тай нека керас трин скиниес, Туке иек, е Мойсейесе иек тай иек е Илияске; <sup>6</sup>соксето нажанелас со те отговоринел, понеже почнинде те даран бут. <sup>7</sup>Тай явисало облаки, тай засенингяс лен; тай гласос ало таро облаки, ковато пентяг: Кавка си Моро възлюбено Чаво; Лес шунен. <sup>8</sup>Тай внезапно, като задикле пес, на дикле вече никас паш песте. освен е Иисусес. <sup>9</sup>Тай като ухленас тари планина, затъчингяс ленге тена пенен никаске давка, ковато диклесас, освен като о Човешко Чаво възкръснинел таро муле. <sup>10</sup>Тай он пазиненас даика поръка, като разисквиненас машкар песте со значинел те възкръснинел таро муле. <sup>11</sup>Тай пучле Лес: Соске пенен о книжникия, кай първо о Илияс требе те авел? <sup>12</sup>А Ов пентяг ленге: Наистина о Илияс първо ка авел тай ка възстановинел всичко. Тай сар си пишими е Човешконе Чавеске? Пишими си, кай требе те страдинел бут тай те овел унижиме. <sup>13</sup>Но пенав туменге, кай о Илияс вече ало, тай керде леса сар мангле, според сарто си пишими за леске. <sup>14</sup>Тай като але ко ученикия, дикле турял ленде баро множествос тай книжникия, колато препириренас пес ленца. <sup>15</sup>Тай веднага като диклас Лес о цело множество, смаисале тай мукле пес, тай поздравинде Лес. <sup>16</sup>Тай Ов пучляс лен: Соске препирирен тумен ленца? <sup>17</sup>Тай иек таро народос отговорингяс Леске: Учителю, антиом паш Туте ме чавес, колес иси лалоро духос. <sup>18</sup>Тай кате да те долел лес, тръшкинел лес; тай ов мукел пеня, скърцинел пе данденца тай вцепенингиол; тай хоратингиол Тере ученикиенге те гонинен е бесос, но нанащине. <sup>19</sup>А Ов в отговор пентяг ленге: О, роде невярваща, жи канна ка овав туменца? Жи канна ка търпинав тумен? Анен лес паш Манде. <sup>20</sup>Тай анде лес паш Лесте. Тай като диклас Лес о долдо таро бесос, веднага о духос стърчингяс лес; тай ов пело ки пув тай валянелас пес запениме. <sup>21</sup>Тай о Иисусес пучляс лескере дадес: Кити време си, от сар ачило леске чука? А ов пентяг: От цикнряла. <sup>22</sup>Тай бут дром чивел лес анди яг, тай андо пани, за те погубинел лес; но ако ащи керес варесо, смилине тут упрали аменде тай помагине аменг. <sup>23</sup>А о Иисус пентяг леске: Ако ащи (те повериинес)! Всичко си възможно далкеске, ковато верувинел.

<sup>24</sup>Веднага о дад е чавескоро пищингяс, като пентяг: Верувинав, (Девла)! Помагине мере невериеске. <sup>25</sup>А о Иисус, като диклас, кай мукел пес народос, смърмрингяс е нечистоне духос, като пентяг леске: Духос лалоро тай капушку, Ме заповединав туке: Икли лестар, тай тена дес вече анде лесте! <sup>26</sup>Тай о духос, като пищингяс тай стърчингяс лес силно, иклило; тай о чаво ачило сар муло, чука кай мнозина пененас, кай муло. <sup>27</sup>Но о Иисус долгяс лес таро вас тай ваздингяс лес; тай ов ухтинило. <sup>28</sup>Тай като диняс кере, Лескере ученикия пучле Лес коркоресте: Соске аме нащине гонинас лес? <sup>29</sup>Тай пентяг ленге: Кавка роди нисоса наци иклол, освен молитваса (тай пости). <sup>30</sup>Тай като иклиле отар, накенас презал и Галилея; тай Ов нана мангелас никой те ахалол давка. <sup>31</sup>Соксето учинелас Пе ученикиен, като пенелас ленге: О Човешко Чаво ка овел предиме андо васта манушенге, тай ка мударен Лес; тай след като ка мударен Лес, ко трин диеса ка възкръснинел. <sup>32</sup>Но он нана ахалиле далка думес тай даранас те пучен Лес. <sup>33</sup>Тай але андо Капернаум; тай като диняс кере, пучлас лен: Со разисквиненас ко дром? <sup>34</sup>А он траиненас, соксето ко дром денас пес машкар песте кова си по-баро? <sup>35</sup>Тай като бешло, викингяс е дешдууен тай пентяг ленге: Кова мангел те овел първо, ка овел саворендар последно тай саворенге служиели. <sup>36</sup>Тогава лилас иеке чавес, поставингяс лес машкар ленде тай, като гушингяс лес, пентяг ленге: <sup>37</sup>Ковато приеминел иеке салке чавес анде Мере алавесте, Ман приеминел; тай ковато приеминел Ман, приеминел ма Ман, а Калкес, Ковато бичалгяс Ман. <sup>38</sup>О Йоан пентяг Леске: Учителю, диклам иеке манушес те гонинел бесовиен анде Тере алавесте; тай забранингял леске, соксето на следвинелас амен. <sup>39</sup>А о Иисус пентяг: Ма забранинен леске; соксето нанай никой, ковато те керел велико делос анде Мере алавесте, тай те ащи сиго палал далкесте те злословинел Ман.

<sup>40</sup>Понеже ковка, ковато нанай против аменде, си карик аменде. <sup>41</sup>Соксето, който напоинел тумен иеке чашаса пани, понеже синиен Христова, истина пенав туменге, ов нисар нанай те нашалел пи награда. <sup>42</sup>А ковато съблазнинел иекес калкендар таро цикне, колато верувинен анде Манде, за леске ка овел по-лачес те закачинел песке баро воденично бар пе меняте, тай те овел чивто андо морес. <sup>43</sup>Тай ако съблазнинел тут то вас, отсечине лес; по-лачес си за туке те дес андо животос недъгаво, отколкото те овен тут те дузи васта тай те жас андо пъкали, анди неугасимо яг, <sup>44</sup>(кате "о кермо ленгоро на мерел тай и яг на мерел"). <sup>45</sup>Тай ако те пире съблазнинен тут, отсечине лен; по-лачес си за туке те дес андо животос куцо, отколкото те овен тут те дузи яка тай те овес чивто андо пъкали, <sup>46</sup>(кате "о кермо ленгоро на мерел, тай и яг на мерел"). <sup>47</sup>Тай ако ти як съблазнинел тут, икалла; по-лачес си за туке те дес андо Божие тагарипе иеке якаса, отколкото те овен тут те дузи яка тай те овес чивто андо пъкали, <sup>48</sup>кате "о кермо ленгоро на мерел тай и яг на мерел". <sup>49</sup>Соксето секой ка лонгярел пес ягаса (тай секо жертвта ка лонгярел пес лонеса). <sup>50</sup>Лачо варесо си о лон; но ако о лон ачол билондо, соса ка подправинен лес? Те овел тумен лон анде туменде, тай мири те овел тумен машкар туменде.

## Chapter 10

<sup>1</sup>Тай ухтинило отар тай ало андо Юдейска предела, тай о тана отвъд о Йордан; тай о народос пак кедисале паш Лесте; тай по Пере обичаиесте Ов пак поучинелас лен. <sup>2</sup>Тай десаве фариесея приближисале тай пучле Лес, за те изпитинен Лес: Позволиме ли си е мрушеске те мукел пе ромня? <sup>3</sup>В отговор Ов пенгяс ленге: Со заповедингяс туменге о Мойсей? <sup>4</sup>А он пенде: о Мойсей позволингяс те пишинел разводно писмо тай те напуснинел ла. <sup>5</sup>А о Иисус пенгяс ленге: Заради тумаре коравиме сърцеденге пишингяс туменге кайка заповед; <sup>6</sup>обаче таро началос е създаниско о Дел кергяс лен ром тай ромни. <sup>7</sup>Далкеске ка мукел о мануш пе дадес тай пе дая тай ка привържинел пес карик пе ромнят\*, <sup>8</sup>тай о дуи ка овен иек плът; чука кай нанай вече дуи, а иек плът. <sup>9</sup>Тай чука, ковка, ковато о Дел съчетингяс, мануш тена разльчинел. <sup>10</sup>Тай кере о ученикия пак пучле Лес за далкеске. <sup>11</sup>Тай Ов пенгяс ленге: Който напуснинел пе ромня тай пранденел авераке, прелюбодействинел против лате. <sup>12</sup>Тай ако ой напуснинел пе ромес тай пранденел авереске, ой прелюбодействинел. <sup>13</sup>Тогава анде паш Лесте чаворорен, за те докоснинел пес жи ленде; а о ученика смъмринде лен. <sup>14</sup>Но о Иисус, като диклас давка, възнегодувингяс тай пенгяс ленге: мукен е чавен те авен паш Манде; ма възирирен лен, соксето салкенгоро си о Божие тагарипе. <sup>15</sup>Истина пенав туменге: Който на приеминел о Божие тагарипе сар чаво, ов нисар нанай те дел анде лесте. <sup>16</sup>Тай гушкингяс лен, тай благословингяс лен, като положингяс Пе васта упраленде. <sup>17</sup>Тай като иклолос дроместе, декой запрастанило, пело кочиенде англал Лесте тай пучлас Лес: Гудлея Учителю, со те керав, за те наслединавечно животос? <sup>18</sup>А о Иисус пенгяс леске: Соске пенес Мангे гудлея? нокой нанай гудло, освен иек Дел. <sup>19</sup>Жанес о заповедя: „Ма мудар; Ма прелюбодействине; Ма чор; Ма лъжесвидетелствине; Ма увредине; Почитине те дая тай те дадес.“ <sup>20</sup>А ов пенгяс Леске: Учителина, всичко давка спазингиом ме тернипиастар. <sup>21</sup>А о Иисус, като диклас, възлюбингяс лес тай пенгяс леске: Иек на доресел туке; жа, бикин всичко, со иси тут, тай де е чорен, тай ка овен тут съкровища ко небес; тай ела следвине Ман. <sup>22</sup>Но лескоро муи посърнингяс далке думендар, тай ов грело песке наскърбиме, соксето сине мануш буте имотиенца. <sup>23</sup>А о Иисус озърнисало тай пенгяс е ученикиенге: Кити мъчно ка ден андо Божие тагарипе колка колато си лен барвалипе! <sup>24</sup>А о ученикия смаисале Лескере думендар. Но в отговор о Иисус пак пенгяс ленге: Чада, кити си мъчно те ден андо Божие тагарипе (колка „колато уповинен пес ко барвалипе“)! <sup>25</sup>По-лесно си камила те накел презал о иглена канка, отколкото барвало те дел андо Божие тагарипе. <sup>26</sup>А он удивисале твърде бут тай пенде Леске: Тогава кой аши спасинел пес? <sup>27</sup>О Иисус диклас лен тай пенгяс: Е манушене давка си невозможно, но ма е Девлеске да; соксето за е Девлеске всичко си възмоожно. <sup>28</sup>О Петър почнингяс те пенел Леске: Аке, аме муклам всичко тай последвиям Тут. <sup>29</sup>О Иисус пенгяс: Истина пенав туменге: Нанай мануш, ковато те муклас кер, или прален, или пениен, или дая, или дадес, или чавен, или нивес ашал Манге тай ашал о благовестие, <sup>30</sup>тай тена получинел стократно акана, андо настоящо време, кера тай прала, тай пения, тай даиен, тай чавен, тай нивес, заедно е гонибнаса, андо идещо светос\*-вечно животос. <sup>31</sup>Обаче мнозина първа ка овен последна, а о последна - първа. <sup>32</sup>А като уле дроместе за Ерусалим, о Иисус пирелас англал ленде; а он удивиненас пес, тай колка, колато следвиненас Лес, уле обзета даратар. Тай като кидингяс е дешудуиен, почнингяс те пенел ленге давка, ковато ка сполетинелас Лес: <sup>33</sup>Аке, аме иклас за Ерусалим, тай о Човешко Чаво ка овел предиме е главните свещеникиенге тай е книжникиенге; тай он, като осъдинен Лес мерибнасте, ка преден Лес е езичникиенге; <sup>34</sup>тай ка поругаинен пес упраил Лесте, ка чунгаден Лес, ка марен Лес тай ка мударен Лес; а палал о трин дис ка вазкръснинел. <sup>35</sup>Тогава приближисале жи Лесте о Яков тай о Йоан, о Зеведеева чаве, тай пенде Леске: Учителина, мангас те керес аменге, со да те мангас Тутар. <sup>36</sup>А Ов пенгяс ленге: Со манген те керав туменге? <sup>37</sup>Он пенде Леске: Де амен те бешас, иек Те десноне ригатар, а иек Те левонатар анде Тере славате. <sup>38</sup>А о Иисус пенгяс ленге: Нана жанен со манген. Аши ли пиен и чаша, която Ме пияв, или те кръстинен тумен е кръщениеса, колеса Ме кръстинаман? <sup>39</sup>Он пенде Леске: Аши. А о Иисус пенгяс ленге: И чаша, която Ме пияв, ка пиен, тай е кръщениеса, колеса Ме кръстинаман, ка кръстинен тумен; <sup>40</sup>но те бешен отдясно Манге или отляво Манге, нана зависинел Мандар, а ка дел пес колкенге, за коленге уло приготвиме. <sup>41</sup>А о деш, като шунде давка, задолде те негодувинен против о Яков тай о Йоан. <sup>42</sup>Но о Иисус викингяс лен тай пенгяс ленге: Туме жанен, кай колка, колато считинен пес управителене е народоске, господарувинен упраил ленде, тай ленгере баре властвинен упраил ленде. <sup>43</sup>Но машкар туменде нанай те овел чука; а ковато мангел те ачол баро машкар туменде, ка овел туменге слугас; <sup>44</sup>тай ковато мангел те овел първо машкар туменде, ка овел слугас саворенг. <sup>45</sup>Соксето наистина о Човешко Чаво нана ало, за те служинен Леске, но те служинел тай те дел По животос откупи мнозиненге. <sup>46</sup>Але андо Ерихон; тай като иклолос таро Ерихон Пе ученикиенца тай иек баро множествос, о Тимеево чаво о Вартиней, иек коро просяки, бешелас турял о дром. <sup>47</sup>Тай като шунгяс, кай сине о Иисус о Назаряни, почнингяс те пишинел, като пенелас: Иисусе, Чаво Давидово, смилине тут упраил манде! <sup>48</sup>Тай чука, о Иисус спирингяс тай пенгяс: Викинен лес. Викинде е корес тай пенде леске: Дерзайне, ухти, викинел тут. <sup>49</sup>Тай ов чивкяс по шехи тай хърпингяс, тай ало паш о Иисус. <sup>50</sup>Тай ов захоратингяс тай пенгяс леске: Со мангес те керав туке? О коро пенгяс Леске: Учителина, те диков. <sup>51</sup>А о Иисус пенгяс леске: Жатуке, тери вяра изцелингяс тут. Тай ов веднага задиклас, тай цидингяс палал Лесте ко дром.

<sup>1</sup>Тай като приближиненас пес карик о Ерусалим, жи ки Витфагия тай Витания паш о Елеонско хълми, бичалел дуиен таро ученикия Пере тай пенел ленге: <sup>2</sup>Жан андо гав, ковато си мамуял туменде, тай щом ден анде лесте, ка аракен панло осели, ковато нисаво мануш още на бешло лесте; пуртен лес тай анен лес. <sup>3</sup>Тай ако декой пенел туменге: Соске керен давка? Пенен: Е Девлеске требел; тай веднага ка бичалел лес ате. <sup>4</sup>Тай чука, он геле тай аракле иеке оселес, панло жи ко вудар, аври турял о дром, тай пуртерде лес. <sup>5</sup>Тай десаве таро стояща оте пенде ленге: Со керен, тай пуртен е оселес? <sup>6</sup>А он отговоринде ленге, карто пенгясас о Иисус; тай мукле лен. Тай анде е оселес паш о Иисус, тай чивте упраш лесте пе шехя; тай Ов бешло упраш лесте. <sup>7</sup>Тай мнозина бухлярде пе шехя ко дром, а авер - клоня, като чиненас лен таро каша. <sup>8</sup>Тай калка, кате пиренас англал, тай калка, колато авенас палал ленде, пищиненас: Осанна! Благословиме, Ковато авел анде Девлескоро алав! <sup>9</sup>Благословиме о тагарипе амаре дадескоро о Давид, ковато авел (анде Девлескоро алав); осанна андо висини! <sup>10</sup>Тай о Иисус диняс андо Ерусалим, андо храми, като раздиклас всичко, понеже вече ратилосас, гело анди Витания е дешудуиенца. <sup>11</sup>А ки андиавин, като иклиле тари Витания, Ов бокалило. <sup>12</sup>Тай като диклас удурал иек разлиstimе смокиния, ало, дане те аракел варесо лате; но като ало жи лате, нана араклас ницо, само иек листа, соскето на сине о времес е смокиненге. <sup>13</sup>Тай Ов захоратингяс, като пенгяс лаке: От акана на оте никой тена хал плоди тутар жи ко векос. Тай Лескере ученикия шунде давка. <sup>14</sup>Тай але андо Ерусалим; тай о Иисус, като диняс андо храми, почнингяс те гонинел колкен, колато бикиненас, тай колка, колато киненас андо храми, тай претурингяс о масес е среброменителенгере тай о столоя колкенгере, колато бикненас е кушиен. <sup>15</sup>Тай на позволилас те пренесинел декой саво да те овел съдос презал о храми. <sup>16</sup>Тай поучинелас, като пенелас ленге: Нанай ли пишими: „Мо кер ка пенел пес молитвено кер саворе народоске”? А туме кергиен лес „разбойническо вертепи”. <sup>17</sup>Тай о главна свещеникия тай о книжникия шунде давка; тай роденас начини сар те погубинен Лес, соскето даранас Лестар, понеже цело народос удивинелас пес Лескере учениесте. <sup>18</sup>А като ракиолас, Ов иклолос аври таро градос. <sup>19</sup>Тай чука, като накенас андиавин, дикле и смокиния шукили таро корени. <sup>20</sup>Тай о Петрес диняс пес годи тай пенгяс Леске: Учителина, дик, и смокиния, колато Ту проклинингян, шукили. <sup>21</sup>А о Иисус в отговор пенгяс ленге: Те овел тумен вяра андо Дел. <sup>22</sup>Истина пенав туменге: Който пенел калке планинаке: Вазде тут тай чив тут андо морес, тай нана съмниел пес анде пе сърцесте, но повервинел, кай ковка, ковато пенел, събъдниел пес, ов ка ачол. <sup>23</sup>Далкеске пенав туменге: Всичко, со манген анди молитва, верувинен, кай получингиен лес, тай ка събъднигиол туменге. <sup>24</sup>Тай като изправинен тумен молитвате, простилен, ако иси тумен варесо против декасте, за те простилен тумаро Отеци, Ковато си ко небеса, тумаре безеха. (<sup>25</sup>Но ако туме нана простилен, то о Отеци тумаро, Ковато си ко небеса, нанай те простилен туменге тумаре безеха.) <sup>26</sup>Тай але пак андо Ерусалим; тай като жалас андо храми, авен паш Лесте о главна свещеникия, о книжникия тай о старейшинес тай пенен Леске: <sup>27</sup>Саве властяса керес давка? Или кой диняс Тут дайка власт те керес давка? <sup>28</sup>О Иисус пенгяс ленге: Ка задав тумен Меда иек въпроси; отговоринен Манге, тай Меда ка пенав туменге саве властяса керав давка. <sup>29</sup>О Йоаново кръщение таро небес ли сине, или таро мануша? Отговоринен Манге. <sup>30</sup>Тай он разисквиненас машкар песте, като пененас: Ако пенас: Таро небес, ка пенел: Тогава соске на верувингиен лес? <sup>31</sup>Но ако пенас: Таро мануша... (даранас таро народос; соскето саворе искрено считиненас е Йоанес пророкиес). <sup>32</sup>Тай чука, в отговор е Иисусеске пенде: Нана жанас. О Иисус пенгяс ленге: Нито Ме ка пенав туменге саве властяса керав давка.

## Chapter 12

<sup>1</sup>Тай почнингяс те хоратинел ленге притченца: Иек мануш садингяс лозес, оградингяс лес плетиеса, хранлияс лини, тай съградингяс кула, тай диняс лес под наем земеделциенге, тай гело андо странство. <sup>2</sup>Тай ко време е плодиескоро бичалгяс иеке слугас жи ко земеделция те прибиришел лендар о плоди е лозескоро. <sup>3</sup>А он долде лес, марде лес тай бичалде лес без нишо. <sup>4</sup>Тай пак бичалгяс жи ленде авере слугас; тай леске да разбинде о шеро тай без те лажан оскърбинде лес. <sup>5</sup>Бичалгяс аверес, колес мударде; тай мнозина авер, колендар иекен марде, околен мударде. <sup>6</sup>Още иек сине лес, иек възлюбено чаво; лес бичалгяс последно жи ленде, като пенелас: Ка почетинен ме чавес. <sup>7</sup>А калка земеделция пенде машкар песте: Кавка си о наследники; елан те мударас лес, тай о наследство ка овел амаро. <sup>8</sup>Тай чука, долде лес, тай мударде лес тай чивте лес аври таро лозес. <sup>9</sup>Тай тогава со ка керел о стопани е лозескоро? Ка авел тай ка погубинел калке земеделциен, а о лозес ка дел аверенге. <sup>10</sup>Нана четингииен ли давкада Писание: „О бар, ковато отчivте о зидаря, Ов ачило о шеро е Ѹгълескоро; <sup>11</sup>таро Дел си давка, тай чудно си анде амаре якенде”? <sup>12</sup>Тай о първенци мангле те долен Лес (но дараниле таро народос), понеже ахалиле, кай за ленге пенгяс дайка притча. Тай мукле Лес, тай геле песке. <sup>13</sup>Тогава бичален паш Лесте десавен таро фарисея тай таро Иродиания, за те уловинен Лес андо думес Леске. <sup>14</sup>Тай он, като але, пенде Леске: Учителина, жанас, кай синян искрено тай нанай Тут грижа никастар; соскето нана дикес ко муй е манушенге, но учинес о Божие дром според и истина. Право ли си те дас данъки е кесариес, или нака? <sup>15</sup>Те дас ли, или тена дас? А Ов, като ахалило ленгоро лицемерие, пенгяс ленге: Соске изпитвинен Ман? Анен Манге иек пенязи те дикав лес. <sup>16</sup>Тай он анде Леске. Тогава пенгяс ленге: Каскоро си кавка образи тай надписи? Тай он пенде Леске: Е кесариескоро. <sup>17</sup>Тай о Иисус пенгяс ленге: Ден о кесарово е кесариес, тай е Девлескоро е Девлес. Тай он зачудисале Леске. <sup>18</sup>Палал далкесте але паш Лесте садукея, колато пенен, кай нанай възкресение; тай пучле Лес: <sup>19</sup>Учителина, о Мойсей пишингяс

аменге, кай ако декаске мерел прал тай мукел ромня, а чавес нана мукел, то лескоре прал те лел лескере ромня тай те ваздел потомъки пе пралеске.<sup>20</sup> Тай чука, исине ефта прала; тай о първо лилас ромня, тай като муло, нана мукляс потомъки.<sup>21</sup> Лилас ла о второ, муло, тай нана мукляс потомъки; също о трето.<sup>22</sup> Лиле ла о ефтада, тай нана мукле потомство. А палал саворенде мули и ромнида.<sup>23</sup> Андо възкресение\* каске лендар ка овел ромни? Соскето о ефтангеда ули ромни.<sup>24</sup> О Иисус пенгяс ленг: Ма далкеске ли заблудинен тумен, понеже нана жанен о Писания, нито е Девлескири сила?<sup>25</sup> Соскето, като ка възкреснинен таро муле, нито женинен пес, нито омъжвинен пес, но си сар ангела ко небес.<sup>26</sup> А за е муленге, кай овен възкресиме, нана четингиен ли анди книга е Мойсейеске, ко тан е къпинаке, сар о Дел хоратингяс леске, като пенгяс: „Ме синиом Дел Авраамово, Дел Исаково тай Дел Яково”?

<sup>27</sup> Ов нанай Дел е муленге, а е живденге. Туме бут заблудинен тумен.<sup>28</sup> А иек таро книжникия, ковато ало тай шунгяс лен, като препириненас пес, като диклас,, кай отговорингяс ленге лачес, получас Лес: Коя заповед си първо саворендар?<sup>29</sup> О Иисус отговорингяс: И първо си: „Шун, Израилю; о Дел, амаро Дел, си иек Дел;<sup>30</sup> тай те възлюбинес е Девлес, тере Девлес, те целоне сърцеса, те целоне душаса, те саворе гогяса тай те саворе силаса”.<sup>31</sup> А и второ (подобно лате) си: „Те възлюбинес те близонес сар туте”. Авер заповед по-бари калкендар нанай.<sup>32</sup> Тай о книжники пенгяс Леске: Превъзходно, Учителина! Ту право пенгян, кай о Дел си иек; тай нанай авер, освен Лесте;<sup>33</sup> тай те дехел Лес мануш все сърцестар, пе саворе гогяса, тай пе саворе силаса, тай те дехел пе близонес сар песте, давка си бут повече таро саворе всеизгарияния тай жертвес.<sup>34</sup> Тай о Иисус, като диклас, кай отговорингяс разумно, пенгяс леске: Насинян дуре таро Божие тагарипе. Тай никой вече на дръзнигяс те задел Леске въпрося.<sup>35</sup> Тай като поучинелас андо храми, о Иисус захоратингяс, като пенгяс: Сар пенен о книжникия, кай о Помазаници си Давидово Чаво?<sup>36</sup> Коркоро о Давид пенгяс чрез о Свято Духос: „Пенгяс о Дел\* мере Девлеске: беш отдясно Манг, жи кай положинав Те враговиен за Тере поднозиеске”.<sup>37</sup> Коркоро о Давид пенел Леске Дел; тогава сар те овел лескоре чаво? Тай баро множествос шунелас Лес удоловствиеса.<sup>38</sup> Тай анде Пе поучениесте пенелас: Пазинен тумен таро книжникия, колато дехен те пирен премениме тай те приеминен о поздравия ко пазаря,<sup>39</sup> тай о първа столовя ко синагогес, тай о първа тана ко угощния;<sup>40</sup> калка, колато хан о кера е вдовицентре даже като покажимнаксе принесинен дълга молитвес. Калка ка приеминен по-баро осъждение.<sup>41</sup> Тай о Иисус, като бешло мамуял и съкровищница, дикелас сар о народос мукел парес анди съкровищница; тай мнозина барвале мукенас бут.<sup>42</sup> А иек чорори вдовица али тай муклас дуи лептес, демек, иек кодранти.<sup>43</sup> Тай викингяс Пе ученикиен, тай пенгяс ленг: Истина пенав туменг: Кайка чорори вдовица муклас по бут саворендар, колато мукен анди съкровищница;<sup>44</sup> соскето он саворе мукен пе излишакестар, а ой пе немотиятар муклас всичко, со сине ла, по цело имоти.

## Chapter 13

<sup>1</sup>Като иклолас таро храми, иек Лескере ученикиендар пенгяс Леске: Учителина, дик, саве бара тай саве здания!<sup>2</sup> А о Иисус пенгяс леске: Дикес ли калка баре здания? Нанай те ачол ате бар баресте, ковато тена срининел пес.<sup>3</sup> Тай като бешелас ко Елеонско хълми мамуял о храми, о Петрес тай о Яков, тай о Йоан тай о Андрей пучле Лес коркоресте: <sup>4</sup>Пен аменге, кане ка овел давка? Тай саво ка овел о знаки, кане всичко давка ка предстоинел те изпълнигиол?<sup>5</sup> А о Иисус почнингяс те пенел ленг: Пазинен тумен тена подмаминал тумен декой. <sup>6</sup>Мнозина ка авен анде Мере алавесте тай ка пенен: Ме синиом о Помазаници, тай ка подмаминал мнозинен.<sup>7</sup> А като шунен войненге тай слуховия войненге, ма смутинен тумен; давка требе те ачол; но давка нанай още о свършеки.

<sup>8</sup>Соскето народос ка ваздел пес против народосте, тай тагарипе против тагарипнасте, ка овен трусовия разноне таненде, ка овел бок; а калка букя си само о началос е страдимнаскоро.<sup>9</sup> А туме внимавинен туменг: соскето ка преден тумен събориенде, тай андо синагогес ка марен тумен; тай англал о управителя тай тагара ка овен изправиме ашал Манг, за те свидетелствинен англал ленде.<sup>10</sup> Обаче требе първо те проповединел пес о благовестие саворе народоске.<sup>11</sup> А като ка ингален тумен, за те преден тумен, ма безпокойнен тумен англал далкесте со ка хоратинен; но со ка дел пес туменг анде далке сахатиесте, давка хоратинен; соскето на синиен туме, колато хоратинен, а о Свято Духос.<sup>12</sup> Прал пе пралес ка предел мерибнасте, тай дад- чавес; тай чаве ка вазден пес против пе родителенде, тай ка мударен лен.<sup>13</sup> Тай ка овен мразиме саворендар ашал Мере алавеске; но ковато устоинел жи ко крайос, ов ка овел спасиме.<sup>14</sup> Тай като ка дикен и мерзост която анел запустение (за колаке хоратинел о пророки о Даниил), стоящо оте, кате на подобинел (който четинел, нека ахалол), тогава колка, колато си анди Юдея, нека напен ко планини;<sup>15</sup> тай който си ко покриви пе кереске, тена ухлел анде пе кересте, нито те дел те лел варесо лестар;<sup>16</sup>тай който си ки нива, тена иринел пес напапале те лел по шехи.<sup>17</sup> А горко е нечученге тай е кърмешоненге презал далке диесенде!<sup>18</sup> Паш далкесте, молинен тумен тена ачол давка\* ко евент;<sup>19</sup> соскето презал колке диесенде ка овел скръбъ, небивало жи акана таро началос е създаниескоро, ковато о Дел създиняс, нито ка овел сайка.<sup>20</sup> Тай ако о Дел на съкратинелас колка диеса, нанайас те избавинел пес ни иек пътът; но ашал е избраноненге, колато Ов избиригяс, съкратингяс о диеса.<sup>21</sup> Тогава, ако пенел туменг декой: Аке, ате си о Помазаници, или: Аке, оте си, ма верувинен;<sup>22</sup> соскето ка появинен пес хохавне помазаникия тай хохавне пророкия, колато ка покажинен знамения тай чудеса, за те подмаминал, ако си възможно, е избраноненда.<sup>23</sup> А туме внимавинен; аке, предсказанието туменг всичко.<sup>24</sup> Но презал колке диесенде, палал колке скърбате, о кам ка тъмнонгиол, и луна нанай те дел пи светлина,<sup>25</sup> о звезди ка перен таро небес, тай о

силес, колато си ко небес ка разклатинен пес.<sup>26</sup> Тогава ка дикен е Човешконе Чавес, сар авел ко облакя, баре силаса тай славаса.<sup>27</sup> Тай тогава ка бичалел е ангелен тай ка киден Лескере избирименен таро щар вертища, таро крайос е пувяке жи ко крайос е небеске.<sup>28</sup> А сиклон и притча тари смокиния: Като лакере клоня вече ковлон тай развинен листа, жанен, кай си паше о нилай;<sup>29</sup> също чука тумеда, като дикен, кай ачол давка, те жанен, кай Ов си паше паш о вудар.<sup>30</sup> Истина пенав туменг: Кавка поколение нанай те пренакел, жи кай нана създнингиол всичко давка.<sup>31</sup> О небес тай и пув ка пренакен, но Мере хоратес нанай те пренакен.<sup>32</sup> А за колке диесеске или сахатиеске никой нажанел, нито о ангела ко небеса, нито о Чаво, а само о Отец.<sup>33</sup> Внимавинен, бдинен (тай молинен тумен); соскето нажанен кана ка ачол о времес.<sup>34</sup> Понеже давка ка овел, сарто като мануш, като жал анди чужбина, мукел по кер тай дел власт пе слуген, секас лескири бути, заповединел е вратариеске те бдинел.<sup>35</sup> Тай чука, бдинен (соскето нажанен кана ка авел о господари е керескоро - ират ли, или машкар ират, или като гилабен о башне, или андиавин),<sup>36</sup> тена, като ка авел неочеквано, те аракел тумен засуте.<sup>37</sup> А со пенав туменг, саворенге пенав: Бдинен!

## Chapter 14

<sup>1</sup> А палал о дуи диес ка овelas и Пасха тай о Празници е безквасноне марескоро; тай о главна свещеникия тай о книжникия роденас случай те долен Лес пирнипнаса тай те мударен Лес. <sup>2</sup> Соскето пененас: Тена ачол ко празници, за тена ваздел пес вълнение машкар о народос.<sup>3</sup> Тай като Ов уло анди Витания, тай бешелас ки софра ко кер е Симонеске о прокажено, али иек жувли, колато сине алабастreno съдос мироса чистоне тай скъпоценноне наредиеса; тай като паглас о съдос, чоргяс о мирос Лескере шересте.<sup>4</sup> А сине десаве, колато, негодуваща, пененас машкар песте: Соске чука прахосало о мирос?<sup>5</sup> Соскето давка мирос ащине бикнелпес за по бут таро трин шел пеняза, тай и suma te раздел пес е чороренге. Тай роптайненас против лате.<sup>6</sup> Но о Иисус пенгяс: Муken ла; соске досадинен лаке? Ой кергяс лачо делос Манг.<sup>7</sup> Соскето о чоре винаги араклон машкар туменде тай кана манген, ащи керен ленге лачипе; но Ме нана аракловав винаги машкар туменде.<sup>8</sup> Ой кергяс давка, ковато ащине; предварингяс те помажинел Мо телос за погребимнаске.<sup>9</sup> Истина пенав туменг: Катеда те проповединел пес о благовестие ко цело светос, ка разкажинел пес анде лакере паметяте давка, ковато ой кергяс.<sup>10</sup> Тогава о Юда Искариотски, ковка, ковато сине иек таро дешудуи, гело ко главна свещеникия, за те предел Лес ленге.<sup>11</sup> Он, като шунде, лошанде тай обещинде те ден лес парес. Тай ов роделас стгодно случай те предел Лес.<sup>12</sup> А ко първо диес е Празниеске е безквасноне марескоро, като колиненас жертвес за е пасхаке, Лескере ученикия пенде: Кате мангес те жас тай те приготвинас, за те хас и пасха?<sup>13</sup> Тай Ов бичалгяс дуиен Пе ученикиендар тай пенгяс ленге: Жан андо градос; тай ка ресел тумен мануш, ковато пиравел стомна паниеса; пирен палал лесте.<sup>14</sup> Тай кате дел, пенен е стопаниеске далке керескоро: О Учители пучел: Кате си и приготвиме за Манг и приемно стая, кате ка хав и пасха Ме ученикиенца?<sup>15</sup> Тай ов ка сикавел туменг иек бари упруни стая, бухлярди тай готово; оте приготвинен аменг.<sup>16</sup> Тай чука, о ученикия иклиле тай але андо градос; тай аракле, сарто пенгясас ленге; тай приготвиде о пасха.<sup>17</sup> Тай като ратило, Ов ало е дешудуиенца.<sup>18</sup> Тай като бешенас ки софра тай ханас, о Иисус пенгяс: Истина пенав туменг: Иек тумендар, ковато хал Манца, ка предел Ман.<sup>19</sup> Он почнинде те скърбинен тай те пенен Леске иек по иек: Тена овав ме?<sup>20</sup> А Ов пенгяс ленге: Иек таро дешудуи си, ковато топинел заедно Манца андо блюдос.<sup>21</sup> Соскето о Човешко Чаво жал, сарто си пишиме за Леске; но горко за калке манушеске, през колесте о Човешко Чаво пределпес! Лачес ка овел далке манушеске, ако нана бияндилосас.<sup>22</sup> Тай като ханас, о Иисус лилас маро, тай като благословингяс, пагляс, тай диняс лен ай пенгяс: Лен (хан); давка си Моро телос.<sup>23</sup> Лилас и чашада, благодарингяс тай диняс лен; тай он саворе пиле латар.<sup>24</sup> Тай пенгяс ленге: Кавка си Моро рат е (неве) заветискоро, ковато чориол мнозиненге.<sup>25</sup> Истина пенав туменг, кай нанай вече те пияв таро плоди е лозаке жи колке диесесте, като ка пияв лес нево андо Божие тагарипе.<sup>26</sup> Тай като гилябинде химни, иклиле ко Елеонско хълми.<sup>27</sup> Тай о Иисус пенгяс ленге: Туме саворе ка съблазнинен тумен (ашал Манг като кайка рат); соскето си пишиме: „Ка поразинав е пастириес, тай о овце ка разпръснингион.“<sup>28</sup> А палал Мере възкресениесте ка предваринав тумен анди Галилея.<sup>29</sup> А о Петрес пенгяс Леске: Ако савореда съблазнинен пес, ме обаче - нака.<sup>30</sup> Тай о Иисус пенгяс леске: Истина пенав тuke, кай авдиец, кайка рат, англал те гилабел о башно дуи дром\*, ту трин дром ка отречинес тут Мандар.<sup>31</sup> А ов твърде разпалиме пенелас: Ако ачол нужда те мeraвda Туса, пак нанай те отречинаман Тутар. О също пенде саворе.<sup>32</sup> Тай але иеке танесте, наречиме Гетсимания; тай пенгяс Пе ученикиенг: Бешен ате, жи кай помолинаман.<sup>33</sup> Тай лилас Песа е Петрес, е Яковес тай е Йоанес, тай задолгяс те тревожинел пес тай те тъгувинел.<sup>34</sup> Тай пенгяс ленге: Ми Душа си прескръбно жи ко мериба; побешен ате тай бдинен.<sup>35</sup> Тай като гело хари нангле, пело ки пув; тай молинелас пес, ако сине възможно, те отнакел Лес давка сахати, като пенелас:<sup>36</sup> Авва, Отче, за Туке всичко си възможно; отнак Ман калке чашаса; ма обаче со мангав Ме, но со Ту.<sup>37</sup> Тай авел, тай аракел лен засуте; тай пенел е Петреске: Симоне, совес ли? Нащине ли иек сахати те бдинес?<sup>38</sup> Бдинен тай молинен тумен, за тена перен андо изкушение; о духос си бодро, а о телос немощно.<sup>39</sup> Тай пак гело тай помолисало, като пенгяс о съща хоратес.<sup>40</sup> Тай като ало пак, араклас лен засуте, соскето ленгтере яка натегниндесас; тай нажаненас со те отговоринен Леске.<sup>41</sup> Тай трето дром ало, тай пенгяс ленге: Още ли совен тай почивинен? Достатъчно си! Ало о сахати! Аке, о Човешко Чаво предел пес андо васта е грешниенг.<sup>42</sup> Ухкиен те пирас; аке, приближинел пес ковка, ковато предел ман!<sup>43</sup> Тай веднага, жи кай

Ов още хоратинелас, ало о Юдас, иек таро дешудуи, тай леса иек множествос чуриенца тай сопиенца, бичалде таро главна свещеникия, книжникия тай о старейшинес.<sup>44</sup> А ковка, ковато пределас Лес, динясас лен знаки, като пенгяс: Колес чумидав, Ов си; долен Лес, тай ингален Лес, като пазинен Лес зоралесте.<sup>45</sup> Тай като ало, веднага приближисало жи Лесте тай пенгяс: Учителина! Тай чумидингяс Лес.<sup>46</sup> Тай он товде васта упраш Лесте тай долде Лес.<sup>47</sup> А иек таро бешле оте икалгяс пи чури тай чалагяс е първосвещеникиескере слугас, тай чингяс лескоро кан.<sup>48</sup> Тай о Иисус захоратингяс, като пенгяс ленге: Сар мамуял разбойнициесте ли иклилен чуриенца тай сопиенца те долен Ман?<sup>49</sup> Секо диес улом паш туменде тай поучинавас андо храми, тай нана долгиен Ман; но давка ачило, за те събъднингион о Писания.<sup>50</sup> Тогава саворе мукле Лес тай занашле.<sup>51</sup> Тай десаво си момъкъи следвинелас лес, пакърдо плащаницаса нангесте; тай он долде лес.<sup>52</sup> А ов, като муклас и плащаница, нашло нанго.<sup>53</sup> Тай ингаледе е Иисусес ко първосвещеници, паш колесте киден пес саворе главна свещеникия тай о старейшинес, тай о книжникия.<sup>54</sup> А о Петрес следвинелас Лес удурал жи ко дворос е първосвещеникиеске, тай бешелас андре заедно е служителенца, тай такярелас пес ки ят.<sup>55</sup> Тай о главна свещеникия, тай о цело синедриони роденас свидетелство против о Иисус, за те мударен Лес, но нана аракенас.<sup>56</sup> Сокето мнозина лъжесвидетелствинде против Лесте, но ленгере свидетелства на сине съща.<sup>57</sup> Палал далкесте десаве ухтиниле тай лъжесвидетелствинде против Лесте, като пенде:<sup>58</sup> Аме шунгям Лес те пенел: Ме ка разрушинав кавка храми кердо вастендар тай трине диесенге ка керав авер, ма вастендар.<sup>59</sup> Но чукада ленгере свидетелства на сине съща.<sup>60</sup> Тогава о първосвещеници изправисало машкарал тай пучлас е Иисусес, като пенгяс: Нищо ли нана отговоринес? Со свидетелствинен калка против Туте?<sup>61</sup> А Ов траинелас тай нана отговорингяс нищо. О първосвещеници пак пучлас Лес, като пенгяс Леске: Ту ли синян о Помазаници, Чаво е Благословименескоро?<sup>62</sup> А о Иисус пенгяс: Ме синиом; тай ка дикен е Човешконе Чавес, бешло отдясно е Силаче тай авел е небесноне облакиенца.<sup>63</sup> Тогава о първосвещеници парагяс пе шехя тай пенгяс: Сави нужда си амен вече свидетелстар?<sup>64</sup> Шунгтиен о богохулство; сар дикелпес туменге? Тай он саворе осъдинде Лес, кай заслужинел мерибнаскоро наказание.<sup>65</sup> Тай десаве почнинде те чунгаден Лес, те гаравен Лескоро муи, те бутинен Лес тай те пенен Леске: Ахалов. Тай о служителя, като долде Лес, чалавенас лес шамаря.<sup>66</sup> Тай като о Петрес сине теле ко дворос, али иек таро слугиниес е първосвещеникиеске;<sup>67</sup> тай като диклас е Петрес, кай такярел пес, задиклас пес анде лесте тай пенгяс: Туда улан е Назаринянеса, е Иисусеса.<sup>68</sup> А ов отречисало, като пенгяс: Нито жанав, нито ахаловав со хоратинес. Тай иклило аври ко предверие; тай о башно загилябиняс.<sup>69</sup> Но и слугиния диклас лес тай пак почнингяс те пенел е бешленге оте: Кавка си лендар.<sup>70</sup> А ов пак отречисало. След хари о бешле оте пак пенде е Петреске: Наистина синян лендар, сокето синян галилеяни (тай то хоратиба съответствинел).<sup>71</sup> А ов почниняяс те проклининел тай те хал совеля: Нана пенджараав калке манушес, за колеске хоратинен.<sup>72</sup> Тай ко сахати о башно загилябиняс второ дром\*. Тай о Петрес диняс пес годи о хоратес, колато о Иисус пенгясас леске: Англал те гилябел о башно дуи дром\*, трин дром ка отречинес тут Мандар. Тай като размислингяс далкеске, заруно.

## Chapter 15

<sup>1</sup>Тай ки андиавин о главна свещеникия е старейшиненца тай е книжникиенца, тай о цело синедриони незабавно съвешинде пес, тай като панле е Иисусес, ингалде Лес тай предине Лес ко Пилат. <sup>2</sup>Тай о Пилат пучлас Лес: Ти о Юдейско тагар ли синян? А Ов отговорингяс леске: Ту пенес. <sup>3</sup>Тай о главна свещеникия обвинениен Лес буте букиенде.<sup>4</sup> А о Пилат пак пучлас Лес, като пенгяс: Нищо ли нана отговоринес? Дик ките букиенге обвинениен Тут!<sup>5</sup> Но о Иисус нищо вече нана отговорингяс, чука кай о Пилат чудинелас пес.<sup>6</sup> А ко празнико ов мукелас ленге по иеке затворникиес, колес ка манген.<sup>7</sup> А анде колке времесте исине декой си ко алаб Варава, панло заедно колке бунтовникиенца, колато андо време ко бунти кердесас мудариба.<sup>8</sup> Тай о народос качисало тай почнингяс те мангел таро Пилат те керел ленге со сине обичай те керел.<sup>9</sup> А о Пилат в отговор пенгяс ленге: Манген ли те мукав туменге е Юдейсконе тагарес?<sup>10</sup> (Понеже жанелас, кай о главна свещеникия тари завист предине Лес.)<sup>11</sup> Но о главна свещеникия подбудинде е народос те манген по-лачес те мукел ленге е Варавиес.<sup>12</sup> О Пилат пак в отговор пенгяс ленге: Тогава со те керав Калкеса, Колеске пенен Юдейско тагар?<sup>13</sup> А он пак запищинде: Разпин Лес!<sup>14</sup> А о Пилат пенгяс ленге: Кай саво канилипе кергяс?<sup>15</sup> Тогава о Пилат, като мангелас те угодинел е народоске, муклас ленге е Варавас, а е Иисусес маргяс тай прединяс Лес ко разпниба.<sup>16</sup> Тай о войникия ингалде Лес андре андо дворос, демек, анди претория, тай викинде целионе дружина.<sup>17</sup> Тай урявде Лес пурпурно мантая, кувде венецида таро тръня, тай товде лес ко шеро Леске.<sup>18</sup> Тай почнинде те поздравинен Лес чука: Здравей, Тагара Юдейско!<sup>19</sup> Тай чалавенас Лес ко шеро тръстикаса, чунгаденас Лес, тай перенас кочиенде, тай кланиненас пес Леске.<sup>20</sup> Тай след като подигрависале Леске, нангядре Лес и пурпурно мантая, урявде Лес Лескере шехя, тай икалде Лес аври те разпинен Лес.<sup>21</sup> Тай традинде те пиравел Лескоро кръстос десаво си Симон Киринец, о дад е Александрескоро тай на Руф, ковато накелас ко ириба тари нива.<sup>22</sup> Тай ингаледе е Иисусес ко тан Голгота, ковато значинел Лобно тан.<sup>23</sup> Тай денас Лес мол, ехмиме смирнаса, но Ов нана приемингяс.<sup>24</sup> Тай като разпънице Лес, разделинде песке Лескере шехя тай чивенас жребий за ленге, кой со те лел.<sup>25</sup> А сине о трето сахати, като разпънице Лес.<sup>26</sup> А о надписи Лескере обвинениеескоро уло пишиме чука: О Юдейско Тагар.<sup>27</sup> Тай Леса разпънице дуие разбойнициен, иек отдясно Леске тай иек отляво Леске. (<sup>28</sup>Тай изпълнисало о Писание, ковато пенел: „Тай е беззаконициенца числисало,”)<sup>29</sup> Тай колато накенас отар хулиненас Лес, като клатиненас шеро тай пененас: Аиде, акана! Ту, ковато

разоринес о храми тай трине диесенге пах керес лес,<sup>30</sup> спасине Тут тай ухли таро кръстос.<sup>31</sup> Подобно тай о главна свещеникия е книжникиенца асанас Леске машкар песте, като пененас: Аверен избавингяс, апа Пес наши избавинел!<sup>32</sup> О Помазаники, о Израилево Тагар, нека ухлел акана таро кръстос, тай те дикас тай те повервинас. Тай и разпниме Леса хулиненас Лес.<sup>33</sup> Тай като ало о шесто сахати, ачили тъмнина ки цело пув, тай траингяс жи ко еня сахати.<sup>34</sup> Тай ко еня о сахати о Иисусес пицингяс силноне гласоса: „Елои, Елои, Лама Савахтани?”, ковато значинел: Боже моро, Боже моро, соске муклан Ман?<sup>35</sup> Тай десаве таро бешле оте, като шунде, пенде: Аке, викинел е Илияс.<sup>36</sup> Тай иек запрастанило, топингяс гъба андо шут, тогас ла ки тръстика тай диняс Лес те пиел, като пенелас: Муken Лес! Те дикас дали ка авел о Илияс те снеминел Лес.<sup>37</sup> А о Иисус, като издиняс силно гласос, издъхнингяс.<sup>38</sup> Тай и завеса е храмиескири паравдили донде от упран жи теле.<sup>39</sup> А о стотники, ковато бешелас мамуял Лесте, като диклас, кай чука (пицингяс тай) издъхнингяс, пенгяс: Наистина Кавка Мануш сине Чаво е Девлескоро.<sup>40</sup> Сине още жувля, колато дикенас удурал, машкар коленде сине и Мария Магдалина, тай и Мария, и дай е цикне Яковескири тай е Йосийскири, тай е Саломияскири,<sup>41</sup> колато, като уло анди Галилея, пиренас палал о Иисусес тай служиненас Леске; сине бут авер жувля, колато алесас Леса андо Ерусалим.<sup>42</sup> Тай като вече ратило, понеже сине Приготвително диес, демек, мамуял и събота,<sup>43</sup> ало о Йосиф тари Аrimатея, иек видно съветници, ковато коркоро жарелас о Божие тагарипе, тай осмелисало те дел паш о Пилат тай те мангел е Иисусескоро телос.<sup>44</sup> А о Пилат чудисало дали си вече муло тай като викингяс е стотникиес, пучлас лес дали вече си муло.<sup>45</sup> Тай като сиклило таро стотники, отстъпнингяс о телос е Йосифеске.<sup>46</sup> Тай ов кингяс плащаница тай като снемингяс Лес, пакяргяс Лес анди плащаница тай положингяс Лес андо мимори, ковато уло изсечиме анди скала, тай перагяс бар упран о вудар е мимораске.<sup>47</sup> А и Мария Магдалина тай и Мария, е Йосивеиескири дай, дикенас кате положинен Лес.

## Chapter 16

<sup>1</sup>А като накли и събота, и Мария Магдалина, и Мария, и Яковово дай, тай Саломия кинде ароматия, за те авен те помажинен Лес. <sup>2</sup>Тай андо първо диес е куркеске але ко мимори бут рано, като изгреингяс о кам.<sup>3</sup>Тай пененас машкар песте: Кой ка перавел аменге о бар таро вудар е мимораске? - соскето сине бут баро\*. <sup>4</sup>А като ваздинде яка, дикле кай о бар уло перавдо.<sup>5</sup>Тай като дине андо мимори, дикле, кай иек юноша бешел отдясно, урявдо анди парни одежда; тай бут удивисале.<sup>6</sup>А ов пенгяс ленге: Ма удивинен тумен; туме роден е Иисусес о Назаряни, о разпнато. Ов възкръснингяс; нанай Лес ате; аке отан, кате положинде Лес. <sup>7</sup>Но жан, пенен Лескере ученикинеге тай е Петреске, кай жал англал туменде анди Галилея; от ка дикен Лес, карто пенгяс туменге.<sup>8</sup>Тай он иклиле тай занашле таро мимори, понеже трепети тай ужаси долгяс лен; тай никаске на пенде нищо, соскето даранас.<sup>9</sup>Тай като възкръснингяс рано ко първо диес е куркескоро, о Иисус явисало първо е Марияке Магдалина, колатар гонингясас ефта бесовия.<sup>10</sup>Ой гели те известинел калкенге, колато придвижиненас Лес, тай колато жалиненас тай ровенас.<sup>11</sup>Но он, като шунде, кай уло живдо тай кай ой диклас Лес, нана верувинде.<sup>12</sup>Палал далкесте явисало авре образиеса дуиенге лендар, като пиренас, като жанас андо гав.<sup>13</sup>Тай он геле тай известинде околене; но ленгеда на верувинде.<sup>14</sup>После явисало е дешуиеке ученикинеге, като уле ки софра, тай смъмрингяс лен за е невериеске тай е жестокосърдечиеске ленгоро, соскето на верувинде колкенге, колато диклесас Лес възкръсиме.<sup>15</sup>Тай пенгяс ленге: Жан ко цело светос тай проповединен о благовестие секоне създаниеске.<sup>16</sup>Който повервинел тай кръстинел пес, ка овел спасиме; а който на повервинел, ка овел осъдиме.<sup>17</sup>Тай калка знамения ка придвижинен е повярвалонен; анде Мере алвесте бесовиен ка гонинен; неве чиба ка хоратинен;<sup>18</sup>сапен ка долен; а ако пиен варесо мерибнаскоро, ов нисар нанай те поврединел лен; насваленге ка възложинен васта, тай он ка саскион.<sup>19</sup>Тай чука, след като хоратингяс ленге, о Дел о Иисус възнесисало андо небес тай бешло отдясно е Девлеске.<sup>20</sup>А он иклиле тай проповединенас секате, като съдействинелас ленге о Дел, тай подкрепинелас о словос знамениенца, колато придвижиненас лес. Амин\*.

## Luke

## Chapter 1

<sup>1</sup>Понеже мнозина предприеминде те съчининен разкази за е съвършеноне потвърдимененге машкар аменде събития,<sup>2</sup> карто предине лен аменге колка, колато отначало уле очевидция тай служителия е евангелсконе словоске,<sup>3</sup> диклас пес лачес мангеда, ковато изследвинавас подробно всичко таро началос, те пишинав туке наред далкеске, почтени Теофиле,<sup>4</sup> за те пенджарес и достовереност е букиенгири, анде коленде улан поучавано.<sup>5</sup>Ко диеса е Юдейсконе тагареске о Ирод сине иек свещеники таро Авиево отреди, ко алав Захария; тай лескири ромни сине таро Ааронова потомция, тай наречинелас пес Елисавета.<sup>6</sup>Он о дуйда сине праведна англал о Дел, като пиренас непорочно андо саворе Господна заповедя тай наредбес.<sup>7</sup>Тай нана сине лен чадос, понеже и Елисавета сине неплодно, а о дуйда сине анди напреднало възраст.<sup>8</sup>Тай като свещенодействинелас ов, англал о Дел ко редос пере отредиеске,<sup>9</sup> ко обичаи е свещеничествоске, леске пело пес по жребий те дел андо Господно храми тай те покадинел.<sup>10</sup>Тай андо сахати е каденеске о цело множествос е люденге молинелас пес аври.<sup>11</sup>Тай явисало леске ангели таро Дел, бешло отдясно ко кадилно олтари.<sup>12</sup>Тай о Захария, като диклас лес, смутисало,

тай обземингяс лес дар .<sup>13</sup> Но о ангели пенгяс леске: Ма дара, Захария, соскето тери молитва си шунди тай ти ромни и Елисавета ка биянел тuke чавес, колес ка наречинес Йоан.<sup>14</sup> Ов ка овел тuke лошалаке тай за веселие; тай мнозина ка лошанен лескере бияннимнаске.<sup>15</sup> Соскето ка овел велико англал о Дел; мол тай спиртно пииба нанай те пиел; тай ка изпълнинел пес е Святоне Духоса още пе даяке тари утроба.<sup>16</sup> Тай още иринел мнозина таро израиляния карик о Дел, ленгоро Дел.<sup>17</sup> Ов ка пирел англал о мui Леске андо духос тай и сила е Илияскири, за те иринел о сърца е даденгере карик о чада, тай о непокорна карик и мъдрост е праведноненге, тай те приготвинел е Девлеске благоразположиме народос.<sup>18</sup> А о Захария пенгяс е ангелеске: По soste ка ахаловав давка, соскето ме синиом пуро, ми ромни да си анди напреднало възраст?<sup>19</sup> О ангели в отговор пенгяс леске: Ме синиом Гавриил, ковато бешел англал о Дел, тай синиом бичалдо те хоратинав тuke тай те благовествинав тuke давка.<sup>20</sup> Тай, аке, ка мълкнинес, тай нанай те ащи те хоратинес жи ко диес, като ка събъднингиол давка, соскето нана верувингян ме думес, колато ка събъднингион своевременно.<sup>21</sup> Тай о люде жаренас Захария тай чудиненас пес, кай бавинел пес андо храми.<sup>22</sup> А като иклило, нанащине те хоратинел ленге; тай он ахалиле, кай диклас видение андо храми, соскето ов керелас ленге знака тай ачолос лалоро.<sup>23</sup> Тай като навършисале о диеса лескере служениестар, ов гело пе кересте.<sup>24</sup> А палал далке диесенде лескири ромни и Елисавета камнили; тай тайнелас пес панч масек, като пенелас:<sup>25</sup> Чука кергяс манг е Дел ко диеса, като диклас милостиво, за те отнеминел таро мануша и причина те коринен ман.<sup>26</sup> А шов масек о ангели Гавриил уло бичалдо таро Дел андо галилейско гради, наречиме Назарет,<sup>27</sup> иеке девицате, сгодиме мрушеске, ко алаб Йосиф, таро Давидово кер; а о алаб е девицакоро сине Мария.<sup>28</sup> Тай като ало о ангели паш лате, пенгяс: Зздравей, благодатна! О Дел си туза, благословиме синян ту машкар о жувя.<sup>29</sup> А ой бут смутивали лескере думендар тай андо недоумение ули саво ли ка овел давка поздрави.<sup>30</sup> Тай о ангели пенгяс лаке: Ма дара, Марийо, соскето придобинян е Девлеско благоволение.<sup>31</sup> Тай аке, ка камниос анде те утробате тай ка биянес чавес, Колес ка наречинес Исус.<sup>32</sup> Ов ка овел велико тай ка наречинел пес Чаво е Всевишнонеско; тай Господ Бог ка дел Лес о престоли Лескере дадеско; о Давид.<sup>33</sup> Ка царувинел упран о Яковово кер жи ко векос; тай о тагарипе Леско нанай те овел лес крайос.<sup>34</sup> А и Мария пенгяс е ангелеске: Сар ка овел давка, след като мрушес нана пенджара.<sup>35</sup> Тай о ангели в отговор пенгяс лаке: О Свято Духос ка авел упран туте тай и сила е Всевишнонескири ка осениел тут; далеске о Свято, Ковато ка биянгиол тутар, ка наречинел пес Божие Чаво.<sup>36</sup> Тай аке, тери сродница и Елисавета, ой да пе пурбнасте камнили чеса; тай давка си о шов масек лаке, която си наречиме неплодно.<sup>37</sup> Соскето о Девлеске нанай невъзможно варесо\*.<sup>38</sup> Тай и Мария пенгяс: Аке е Девлескири слугиния; нека овел манг според сарто пенгян. Тай о ангели гело песке латар.<sup>39</sup> Презал калке диесенде и Мария ухтинили тай гели сиго карик и хълмисто риг, анде иеке юдейсконе градосте,<sup>40</sup> диняс андо Захариево кер тай поздравингяс е Елисавета.<sup>41</sup> Тай щом шунгяс и Елисавета е Марияко поздрави, о младенецос закелгяс анди утроба лаке; тай и Елисавета пердили е Святое Духоса,<sup>42</sup> тай като пицингяс силоне гласоса, пенгяс: Благословиме синян ту машкар о жувя, тай благословиме си о плоди тере утробакоро!<sup>43</sup> Тай состар си манг дайка чест те авел паш манде и дай мере Девлескири?<sup>44</sup> Соскето, аке, щом ресло о гласос тере поздравиеско жи ме каненде, о младенци закелгяс лошало ан ме утробате.<sup>45</sup> Тай блажено си кайка, която поврвингяс, кай ка събъднингиол о пендо лаке таро Дел.<sup>46</sup> Тай и Мария пенгяс: Величайнел ми душа е Девлес,<sup>47</sup> тай лошангияс мо духос андо Дел, Спасители моро,<sup>48</sup> соскето дикляс милостиво е нисконе положениеске Пе слугиняко; тай аке, от акана ка облажвинен ман саворе родовя.<sup>49</sup> Соскето о Силно извършингяс за манг велика дела; тай свято си Леско алаб.<sup>50</sup> Тай из рода андо рода Лескири милост си упран колкенде, колато даран Лестар.<sup>51</sup> Извършингяс силна дела Пере мищаса; разпръснингяс колкен, колато си горделива андо мислес пе сърцеске.<sup>52</sup> Ухлагяс владетелен ленгере престоленда тай ваздингяс смиренонен.<sup>53</sup> Е бокален пергяс с блага, а е барвален бичалгяс чуче.<sup>54</sup> Помагингяс Пе слугаске о Израил, за те помнинел те покажинел милост<sup>55</sup> (сарто хоратингяс амаре даденге) карик о Авраам тай карик лескере потомствосте жи ко векос.<sup>56</sup> А и Мария, като побешли ласа около трин масек, ирисали пе кересте.<sup>57</sup> А е Елисаветаке навършисало о време те биянел; тай биянгяс мрушес.<sup>58</sup> Тай като шунде о комшидес тай о ендания лакере, кай о Дел покажингяс карик лате велико милост, лошаненас ласа.<sup>59</sup> Тай ко охто диес але те обрежинен е чавес; тай ка наречиненас лес Захария, е дадеске ко алаб.<sup>60</sup> Но лескири дай в отговор пенгяс: Ма, но ка наречинел пес Йоан.<sup>61</sup> Тай пенде лаке: Нанай никой ан те родиесте, който наречинел пес далке алавеса.<sup>62</sup> Тай пученас лескере дадес знакиенца сар ка мангел ов те наречинен лес.<sup>63</sup> А ов манглес дъсчица тай пицингяс калка думес: Йоан си леско алаб. Тай он саворе почудисале.<sup>64</sup> Тай ко сахати пущердиле леско муй тай и чиб лескири пущердили, тай ов захоратингяс тай благословинелас е Девлес.<sup>65</sup> Тай дар долгяс саворе ленгере комшиден; тай всичко давка хоратинелас пес ки цело хълмисто риг ки Юдея.<sup>66</sup> Тай саворе, колато шунде, пазиненас давка пе сърцесте, тай пененас: Саво ли ка овел давка чаво? Соскето е Девлеско вас сине леса.<sup>67</sup> Тогава леско дад о Захария пердило е Святое Духоса тай пророкувинелас, тай пенел: <sup>68</sup> Благословиме о Дел, о Израилово Дел, соскето посетингяс Пере люден тай извършингяс изкупление за ленге.<sup>69</sup> Тай въздигнингяс роги на спасение аменге ко кер Пе слугаске о Давид,<sup>70</sup> (сарто хоратингяс чрез о муй Пе святоенге таро векос пророкия),<sup>71</sup> избавление таро неприятеля амаре тай таро вас саворенге, колато мразинен амен,<sup>72</sup> за те покажинел милост карик амаре даденде тай те помнинел о свято Поро завети,<sup>73</sup> и клетва, коласа заклевисало амаре дадеске Авраам,<sup>74</sup> те дел амен, те овас свободна таро вас амаре неприятеленге, те служинас Леске без те дарас,<sup>75</sup> анди святост тай правда англал Лесте, презал о саворе диеса.<sup>76</sup> Ва! Тай ту, чавеа, пророки е Всевишнонеско ка наречинес тут; соскето ка пирес англал о муй е Девлеске

## Chapter 2

те приготвинас о дрома за Леске.<sup>77</sup> За те дес Лескере люденге те пенджарен спасение чрез прощаване о безеха ленгере,<sup>78</sup> поради о милосърдие амаре Девлеско, колеса ка посетинел амен о зори таро свише,<sup>79</sup> за те осиянел о бешле анди тъмнина тай анди мрачно сянка; тай те насочинел амаре пире андо дром е мириеске.<sup>80</sup> А о чаво бариолас тай крепнинелас по дух; тай уло андо пустиниес жи ко диес, като явисало е Израилеске.

## Chapter 2

<sup>1</sup>А анде колке диесенде иклили заповед таро кесари о Август те керел пес пребояване ки цело пув. <sup>2</sup>Давка сине о първо пребояване, от карто о Квириний управлинелас и Сирия. <sup>3</sup>Тай саворе жанас те запишинен пес, секой пере градосте. <sup>4</sup>Тай чука, гело о Йосиф тари Галилея, таро градос Назарет, анди Юдея, андо Давидово градос, ковато наречинел пес Витлеем (понеже ов сине таро кер тай родос Давидово),<sup>5</sup> за те запишинел пес е Марияса, която сине сгодиме за леске тай сине непразно. <sup>6</sup>Тай като сине оте, навършинал лакере диеса те биянел. <sup>7</sup>Тай биянгяс пе първородните Чавес, пакяргас Лес, тай положингяс Лес анде иеке яслате, соскето нана сине тан за ленге анди гостилиница. <sup>8</sup>Тай ко също тан исине овчария, колато живиненас ко полес тай пазиненас стража ират около пе стадосте. <sup>9</sup>Тай ангели таро Дел зачило англал ленде, тай и Господно слава осиянгяс лен; тай он дараниле бут. <sup>10</sup>Но о ангели пенгяс ленге: Ма даран, соскето, аке, благовестинав туменге бари лошали, която ка овел саворе люденге. <sup>11</sup>Соскето авдиес бияндило туменге андо Давидово градос Спасители, Ковато си Христос Господ. <sup>12</sup>Тай давка ка овел туменге о знаци-ка аракен Младенцос, пакярдо тай товдо анде иеке яслате. <sup>13</sup>Тай внезапно, заедно е ангелеса, араклило множество небесно войнство, ковато хвалинелас е Девлес, тай пенел: <sup>14</sup>Слава е Девлеске андо висини. Тай ки пув мири машкар о мануша, анде коленде си Лескоро благоволение!<sup>15</sup>Щом о ангеля геле песке лендар андо небес, о овчаря пенде песке иек авереске: Нека те жас тогава жи ко Витлеем тай нека дикас давка, ковато ачило, ковато о Дел изявингяс аменге. <sup>16</sup>Тай але бързо тай аракле е Мария тай е Йосифиес, тай е Младенциес, пашло анди ясла. <sup>17</sup>Тай като дикле, разкажинде со уло ленге известиме калке Младенцоске. <sup>18</sup>Тай саворе, колато шунде, удивисале далkestар, ковато о овчария пенде ленге. <sup>19</sup>А и Мария скътинелас саворе далка думес ан пе сърцесте тай размишлинелас упран ленде. <sup>20</sup>Тай о овчария ирисале, славеща тай хвалеща е Девлес всичконасke, ковато шунде тай дикле, според карто уло ленге пендо. <sup>21</sup>Тай като навършинале охто диес, тай требавше те обрежинен е Чавес, дине Лес о алаб Исус, карто уло наречен таро ангели, преди те уло зачениме анди утроба. <sup>22</sup>Като навършинале о диеса за е очистибнасke ленге, според о Мойсеево закони, ингалде Лес андо Ерусалим, за те представинен Лес англал о Дел <sup>23</sup>(карто си пишиме андо Господно закони, кай "всеко първородно младенци от мъжки пол ка овел свято е Девлеске") <sup>24</sup>тай те принесинен жерва според о пендо андо Господно закони, "дуи тургулицес, или дуи терне кушя". <sup>25</sup>Тай аке, исине андо Ерусалим иек мануш ко алаб Симеон; тай кавка мануш сине праведно тай благочестиво, тай жарелас о утешение е Израилеско; тай о Свято Духос сине упран лесте. <sup>26</sup>Леске уло открииме таро Свято Духос, кай нанай те дикел мериба, жи кай нана дикел е Девлескере Помазаникес. <sup>27</sup>Тай по внушение е Духоске ов ало андо храми; тай като о родителята внесинде е Младенцос е Исусес, за те керен за Леске по обичаи е закониеско, <sup>28</sup>ов лилас Лес пе вастенде тай благословингяс е Девлес, като пенгяс: <sup>29</sup>Акана, Владико, мукес Те слугас мириеса, според Ти дума;<sup>30</sup>соскето дикле ме яка о спасение, <sup>31</sup>ковато приготвиян англал саворе люденде; <sup>32</sup>светлина те просветинел е езичнициен, тай слава Тере народоске о Израил. <sup>33</sup>А Лескоро дад тай Лескири дай чудиненас пес далкеске, ковато хоратинелас пес за Леске. <sup>34</sup>Тай о Симеон благословингяс лен тай пенгяс Лескере даяке е Марияке: Аке, кавка Чаво си поставиме за е перибнасke тай е ухтибнасke на мнозина андо Израил тай белегиеске, против колесте ка хоратинелес; <sup>35</sup>Ва! Тай тукеда мечи ка пронизинел ти душа, за те откриен пес о помислес буте сърцедене. <sup>36</sup>Сине десави пророчица да Анна, Фануилово чаи, таро Асираво племе,(ой сине анди бут напреднало възраст, като живингяс пе ромеса ефта бреш от цикньяла, <sup>37</sup>тай сине вдовица на охтодеш тай штар бреша) която нана отделинелас пес таро храми, като ират о диес служинелас е Девлеске в пост тай молитва. <sup>38</sup>Тай ой, като приближисали ко също сахати, благодаринелас е Девлеске тай хоратинелас за Леске саворенге, колато жаренас о изкупление на Ерусалим. <sup>39</sup>Тай като свършинде всичко, ковато сине според о Господно закони, ирисале анди Галилея, ан пе градосте Назарет. <sup>40</sup>А о Младенци бариолас, крепнинелас тай периолас с мъдрост; тай е Девлескири благодат сине упран Лесте. <sup>41</sup>Тай Лескере родителя жанас секо бреш андо Ерусалим за е празниеске и Пасха. <sup>42</sup>Тай като Ов уло дешудуи бреша, като геле по обичаи ко празници, <sup>43</sup>тай като икалде о диеса тай ириненас пес, о чаво Исус ачило андо Ерусалим, без те жанен Лескере родителя. <sup>44</sup>А он, понеже мислиненас, кай Ов си е дружинаса, накле иек диес дром, като роденас Лес машкар о ендания тай познайники пере. <sup>45</sup>Тай като нана аракле Лес, ирисале андо Ерусалим тай роденас Лес. <sup>46</sup>Тай палал о трин диес аракле Лес андо храми, бешло машкар о законоучителя, тай шунелас лен тай пучелас лен. <sup>47</sup>Тай саворе, колато шуненас Лес, удивиненас пес Лескере разумиеске тай Лескере отговориенг. <sup>48</sup>Тай като дикле Лес, смаинде пес; тай пенгяс Леске Лескири дай: Мочо, соске кергян чука аменца? Аке, То дад тай ме, наскърбиме, родасас Тут. <sup>49</sup>А Ов пенгяс ленге: Соске те роден Ман? Нана жаненас ли, кай требе те овав андо кер Ме Отцаске? <sup>50</sup>А он нана ахалиле о думес, колато пенгяс ленге. <sup>51</sup>Тай Ов ухлило ленца, тай ало андо Назарет, тай покоринелас пес ленге. А Лескири дай скътивинелас саворе калка думес ан пе сърцесте. <sup>52</sup>А о Исус напредвинелас анди мъдрост, андо учипе тай андо благоволение англал о Дел тай о мануша.

## Chapter 3

<sup>1</sup>Андо дешупанч бреша таро царуване е кесариескоро о Тиберий, като о Понтий Пилат сине управители на Юдея, а о Ирод четверовластници анди Галилея тай лескоро прал о Филип четверовластници анди Итурейско тай Трахонитско риг, тай о Лисаний четверовластници анди Авилиния, <sup>2</sup>ко първосвещенство на Анна тай Каиафа, о Божие словос ало карик о Йоан, о Захариево чаво, анди пустиния.<sup>3</sup>Тай ов обикалянгяс цело риг около о Йордан тай проповединелас кръщение на покаяние за прощение е безехенте,<sup>4</sup>сарто си пишиме анди книга е думенца е пророкиескере о Исаи: " Гласос иекескоро, ковато пищинел анди пустиния: Приготвинен о дром е Девлеске, права керен о пътекес за Леске.<sup>5</sup>Всеко долина ка периол. Тай всеко планина тай хълми ка сишингиол; о банге пътекес ка ачон права, тай о неравна тана гладка дрома;<sup>6</sup>тай всеко плът ка дикел е Девлескоро спасение".<sup>7</sup>Тай чука, ов пенелас е множествоскес, колато и克лонас те кръстинен пес лестар: Рожбес ехиднини! Кой предупредингяс тумен те нашен таро идещо гняви?<sup>8</sup>Принесинен плодове, съответстваща на покаяние; тай ма почнинен те пенен туменг: си амен о Авраам дадеске. Соскето пенав туменг, кай о Дел ащи калке барендар те ваздел чада е Авраамеске.<sup>9</sup>А о товер да пашлол вече ко корени е каштенг: тай чука, всеко каш, ковато нана дел лачо плоди, отсчинел пес тай анди яг чивеллес.<sup>10</sup>Тай о множества пученас лес, тай пенен: Тогава со те керас?<sup>11</sup>А ов в отговор пенгяс ленг: Кас иси дуи гада, нека те дел калкес, колес нанай; тай кас иси хабе, нека керел о също.<sup>12</sup>Але бирникия да те кръстинен пес, тай пенде Леске: Учителю, аме со те керас?<sup>13</sup>Ов пенгяс ленг: Ма манген нищо по бут далkestар, ковато си туменг определиме.<sup>14</sup>Пученас лес войники, тай пенен: А аме со те керас? Пенгяс ленг: Ма насиливинен никас, нито клеветинен; тай задоволинен тумен тумаре заплатендар.<sup>15</sup>Тай понеже о люде сине андо недоумение, тай саворе размишлиненас анде пе сърценде е Йоанеске, тена овел ов о Помазаници,<sup>16</sup> о Йоан отговорингяс саворенг, като пенгяс: Ме кръстинав тумен паниеса, но авел Ковка, Ковато си по-силно мандар, Колеске на синиом достоинно те развържинав о ремъки е потиниенгоро; Ов ка кръстинел тумен е Святоне Духоса тай ягаса.<sup>17</sup>Ов икерел и лопата ан Пе вастесте, за те очистинел лачес По гумно тай те кидел о житос анди житница Пери; а и плява ка тарел анди неугасимо яг.<sup>18</sup>Тай буте авере увеџиенца ов благовестинелас е люденг.<sup>19</sup>А о четверовластници о Ирод, ковато сине изобличиме лестар ащал и Иродиада, пе пралескири ромни, тай ашал саворенг злиненг, колато кергясас о Ирод,<sup>20</sup> прибавингяс карик о всичко авер давкада, кай панлас е Йоанес анди тъмница.<sup>21</sup>Тай като кръсисале саворе люде, като кръстисало о Исус тай молинелас пес, путердило о небес<sup>22</sup>тай о Свято Духос ухлило упран Лесте андо телесно образи сар куши, тай гласос ало таро небес, ковато пенелас: Ту синян Моро възлюбиме Чаво; анде Туте си Моро благоволение.<sup>23</sup>Тай о Исус сине на около триянда бреша, като почнингяс те поучинел, тай, като мислиненас, уло чаво на Йосиф, ковато уло чаво Илиево,<sup>24</sup>а Илий- Мататов; Матат, Левиев; Леви- Мелхиев; Мелхи- Яанаев; Яанай- Йосифов;<sup>25</sup>Йосиф- Мататиев; Мататия- Амосов; Амос- Наумов; Наум- Елиев; Если- Нагеев;<sup>26</sup>Нагей- Маатов; Маат- Мататиев; Мататия- Семеев; Семей- Йосифов; Йосиф- Юдав,<sup>27</sup>Юда- Йоананов; Йоанан- Рисов; Риса-Зоровавел; Зоровавел- Салатиилев; Салатиил-Нириев;<sup>28</sup>Нири- Мелхиев; Мелхи- Адиев; Ади-Косамов; Косам- Елмодамов; Елмодам- Иров;<sup>29</sup>Ир- Исус; Исус- Елиезеров; Елиезер- Йоримов; Йорим- Мататов; Матат- Левиев;<sup>30</sup>Леви- Симеонов; Симеон- Юдов; Юда- Йосифов; Йосиф- Йоананов; Йоанан- Елиакимов;<sup>31</sup>Елиаким- Мелеев; Майнан- Мататов; Матата-Натанов; Натан- Давидов;<sup>32</sup>Давид- Есеев; Есей- Овидов; Овид- Воозов; Вооз- Салмонов; Салмон-Наасонов;<sup>33</sup>Наасон- Аминадавов; Аминадав- Арамов; Арам- Есронов; Есрон- Фаресов; Фарес- Юдов;<sup>34</sup>Юда- Яковов; Яков- Исааков; Исаак- Авраамов; Авраам- Таров; Тара- Нахоров;<sup>35</sup>Нахор-Серухов; Серух- Рагавов; Рагав- Фалеков; Фалек- Еверов; Евер- Салов;<sup>36</sup>Сала- Каинанов; Каинан- Арфаксадов; Арфаксад- Симов; Сим- Ноев; Ноев- Ламехов;<sup>37</sup>Ламех- Матусалов; Матусала- Енохов; Енох- Яредов; Яред- Малелеилов; Малелеил- Каинанов;<sup>38</sup>Каинан- Еносов; Енос- Сит-Адамов; а Адам- Божий.

## Chapter 4

<sup>1</sup>А о Исус, пердо Святоне Духоса, като ирисало таро Йордан, уло водиме таро Духос ки пустиния саранда диеса, <sup>2</sup>кате уло изкушиме таро бенг. Тай нана халас нищо презал далке диесенде; тай като накле пес он, Ов бокалило. <sup>3</sup>Тай о бенг пенгяс Леске: Ако синян Божие Чаво, заповедине калке бареске те ачол маро. <sup>4</sup>А о Исус отговорингяс леске: Пишиме си: " Ма само мареса ка живинел о мануш ,но всеконе Божие словоса".<sup>5</sup>Тогава, като ингалгяс Лес иеке планинате учипнасте тай покажингяс Леске саворе тагарипнадес, е вселенакере андо иек мигос време, о бенг пенгяс Леске: <sup>6</sup>Туке ка дав савори власт тай слава калке тагарипнаске соскето мангес си предиме, тай ме дав ла, каске мангав. <sup>7</sup>Тай чука, ако поклонинес тут мангес, всичко ка овел Торо.<sup>8</sup>А о Исус в отговор пенгяс леске\*: Пишиме си: " Е Девлеске, торо Дел, те кланинес тут, тай само Леске те служинес".<sup>9</sup>Тогава ингалгяс Лес андо Ерусалим, поставингяс Лес ко крило е храмиеске тай пенгяс Леске: Ако синян Божие Чаво, чив тут атар теле ; <sup>10</sup>соскето си пишиме: " Ка заповединел Пе ангеленг за Туке те пазинен Тут; <sup>11</sup>тай вастенде ка вазден Тут, тена чалавес анде баресте те пире".<sup>12</sup>А о Исус в отговор пенгяс леске: Пендо си: " Тена изпитвинес е Девлес, торо Дел."<sup>13</sup>Тай като изчерпингяс всеко изкушение, о бенг оттеглисало Лестар жи десаво време.<sup>14</sup>А о Исус ирисало анди Галилея е силаса е Духоскири; тай слухи разнесисало за Леске ки цело околност. <sup>15</sup>Тай Ов поучинелас ко синагогес ленг; тай саворе прославиненас Лес.<sup>16</sup>Тай ало андо Назарет, кате ухло отхраниме, тай по Пере обичаиесте диняс анди синагога иек съботно диес, тай ухтинило те четинел. <sup>17</sup>Тай подине Леске и книга е

пророкиескири о Исаи; тай Ов, като путергяс и книга, араклас о тан, кате уло пишими:<sup>18</sup>" О Духос е Девлеско си упран Манде, сокето помажингяс Ман те благовестинав е сиромасиенг; бичалгяс Ман\* те прогласинав освобождение е пленникиенг, тай проглеждане е коренг, те мукав на свобода е угнетонен,<sup>19</sup>те прогласинав о благоприятно Господно бреш.<sup>20</sup>Тай като панлас и книга, ирингяс ла е служителеске тай бешло; а о яка саворенгере анди синагога уле впита анде Лесте.<sup>21</sup>Тай почнингяс те пенел ленге: Авдиес изпълнисало давка писание анде тумаре каненде.<sup>22</sup>Тай саворе засвидетелствинде Леске, тай чудиненас пес е благодатноне думенге, колато иклонас Лескере мостар. Тай пененас: Кавка нанай ли о Йосифово чаво?<sup>23</sup>Тай Ов пенгяс ленге: Без това ка пенен Манге кайка поговорка: Лекарю, изцерине тут; ковато шунгям, кай ачолос андо Капернаум, кер лес атеда анде Тере родинате.<sup>24</sup>Тай пак пенгяс: Истина пенав туменг, кай нисаво пророки нанай приемиме ан пе родинате.<sup>25</sup>А пенав туменге наистина: Бут вдовицес сине андо Израил ко диеса е Илияске, като панлило о небес трине брешенг тай шове масекиенг, тай ачили бари бок ки цело пув;<sup>26</sup>тай нито паш иекате лендар нана уло бичалдо о Илия, а само иеке вдовоцате андо Сарепта Сидонска.<sup>27</sup>Чука също бут прокажена сине андо Израил андо време е пророкиесе о Елисей; но никой лендар на сине очистиме, а само о сириицос о Нееман.<sup>28</sup>Като шунде давка, саворе, колато уле анди синагога, пердиле с гняв<sup>29</sup>тай, като ухтиниле, икалде Лес аври таро градос, тай ингалде Лес ки стръмнина е хълмиеске, колесте ленгоро градос сине съградиме, за те чивен Лес теле.<sup>30</sup>Но Ов накло машкар ленде тай гело песке.<sup>31</sup>Тай ухлило андо галилейско градос Капернаум, тай поучинелас лен андо съботно диес;<sup>32</sup>тай удивиненас пес Лескере учениеске, сокето Лескоро словос сине с власт.<sup>33</sup>Тай анди синагога сине мануш, долдо таро духос нечистоне бесостар; тай ов пищингяс силноне гласоса:<sup>34</sup>Ex, со иси Тут аменца, Исусе Назарянине? Нима алан те побубинес амен? Пенджараав Тут Кова синян- о Свято Божие.<sup>35</sup>Но о Исус смъмрингяс лес, тай пенгяс: Мълкнин тай икли лестар. Тай о бесос, като повалингяс лес англал саворенде, иклило лестар, без нисар те поврединел лес.<sup>36</sup>Тай саворе смаинде пес, тай хоратиненас машкар песте, тай пенде: Саво ди давка словос, кай Ов с власт тай сила заповедингяс е нечистоне духовиенг, тай он икльон?<sup>37</sup>Тай слухи разнесисало за Леске ко саворе околна тана.<sup>38</sup>Тай като ухтинило, тай иклило тари синагога, диняс андо Симоново кер. А и Симоново сасуи ули долди тари силно треска: тай молиненас Лес за лаке.<sup>39</sup>Тай Ов, като зачило упран лате, смъмрингяс и треска, тай и треска муклас ла; тай ко сахати ой ухтинили тай прислужвинелас ленге.<sup>40</sup>Тай като залезинелас о кам, саворе, колато сине лен наставле таро разна болестия, анде лен паш Лесте; а Ов, като положингяс васта всеконе иекеске лендар, изцелингяс лен.<sup>41</sup>Още бесовя да пищенца иклонас таро мнозина, тай пененас: Ту синян о Божие чаво. А Ов смъмринелас лен тай нана мукелас лен те хоратинен, понеже жаненас, кай си Помазаници<sup>42</sup>Тай като дислило, Ов иклило тай гело андо уединено тан; а о народос роделас Лес, авелас паш Лесте тай мангелас те задържинел Лес, за тена жал песке лендар.<sup>43</sup>Но Ов пенгяс ленге: Околе градовиенг да требе те благовестинав о Божие тагарипе, понеже далкеске синиом бичалдо.<sup>44</sup>Тай проповединелас андо галилейска синагогес.

## Chapter 5

<sup>1</sup>А иеквар, като о народос притискинелас Лес те шунел о Божие словос, Ов бешелас ко Генисаретско езерос. <sup>2</sup>Тай диклас дуи ладиес, спириме край о езерос; а о рибария иклилесас лендар тай товенас пе мрежес. <sup>3</sup>Тай като диняс иекате таро ладиес, която сине Симоново, помолингяс лес те отдалечинел ла хари тари суша; тай бешло, тай поучинелас е народос тари ладия.<sup>4</sup>Тай като престанингяс те хоратинел, пенгяс е Симонеске: Оттеглине и ладия карик о дълбоко тай чивен тумаре мрежес уловимнаске.<sup>5</sup>А о Симон в отговор пенгяс: Учитело, цело рат трудисалам тай нищо на уловингя; но Тере думате ка чивав о мрежес. <sup>6</sup>Тай като керде давка, уловинде твърде бут мачо, чука кай чинионас ленгере мрежес.<sup>7</sup>Тай кимнинде пе съдружниенге анде колке ладияте те авен ленге на помощ; тай он але, тай перде о дуида ладиес- дики, кай ка потъниненас.<sup>8</sup>А о Симон Петър, като диклас давка, пело англал о Исусова кочя тай пенгяс: Жатуке мандар, Девла, сокето синиом грешно мануш.<sup>9</sup>Понеже ов тай саворе, колато сине леса, удивисале е уловиеске таро мачо, ковато долде,<sup>10</sup>също о Яков тай о Йоан, чаве е Заведейескере, колато сине Симонова съдружниция. А о Исус пенгяс е Симонеске: Ма дара; от акана манушен ка ловинес.<sup>11</sup>Тай като извлечинде о ладиес ки суша, мукле всичко тай тръгнинде палал Лесте.<sup>12</sup>Тай като уло иекесте таро градовя, аке мануш, ковато уло цело прокажиме, като диклас е Исусес, пело пе мосте тай помолисало Леске, тай пенгяс: Господи, ако мангес, ащи те очистинес ман.<sup>13</sup>А Ов протегнингяс вас тай доприсало жи лесте, тай пенгяс: Мангав, ов очистиме. Тай ко сахати и проказа муклас лес.<sup>14</sup>Тай Ов пенгяс леске никаске тена пенел далкеске: Но за свидетелство ленге, жа, пенгяс, тай покажине тут е свещеникiesке, тай принесине те очистимнаске според сарто заповедингяс о Мойсей.<sup>15</sup>А и вест за Леске още по бут разнесинелас пес; тай баре множества киденас пес те шунен тай те изцелинен пес пе болестиендар.<sup>16</sup>А Ов оттеглинелас пес андо пустиниес тай молинелас пес.<sup>17</sup>Тай андо иек далке диесендар, като Ов поучинелас, оте бешенас фарисея тай законоучителя, але секоне гавестар на Галилея, Юдея тай Ерусалим; тай сила таро Дел сине Леса те изцелинел.<sup>18</sup>Тай аке, мруша, колато ингаленас постелката иеке манушес, ковато сине паралитики; тай опитисале те денгярен лес андре тай те товен лес англал Лесте.<sup>19</sup>Но понеже нана аракенас катар те денгярен лес андре ашал о народос, качинде пес ко покриви, тай презал о керемидес мукле лес е постелкаса англал о Исус.<sup>20</sup>Тай Ов, като диклас ленгири вяра, пенгяс: Човече, простиен пес те безеха.<sup>21</sup>Тогава о книжники тай о фарисея почнинде те препириенен пес, тай

пенен: Кова си Кавка, Ковато богохулствинел? Кой ащи те простишел безеха, освен иек Дел?<sup>22</sup> Но о Иисус, като диклас о разисквания ленгере, пенгяс ленге в отговор: Соске разисквинен анде тумаре сърценде?<sup>23</sup> Кова си по-лесно - те пенав: Простилен пес те безеха, или те пенав: Ухти тай пир?<sup>24</sup> Но за те пенджарен, кай о Човешко Чаво силес власт ки пув те простишел безеха (пенгяс е паралитикиескe:) Пенав туке: ухти, вазде ти постелка тай жа туке кере.<sup>25</sup> Тай ко сахати ов ухтинило англал ленде, ваздингяс кавка, состе пашлолас, тай гело пе кересте, като славинелас е Девлес.<sup>26</sup> Тай он саворе удивисале тай славиненас е Девлес, тай перда с боязън, пененас: Авдиес диклам пречудна бука.<sup>27</sup> Палал далжесте о Иисус, като иклило, диклас иеке бирникиес, ко алав Леви, бешло андо бирничество тай пенгяс леске: Пир палал Манде.<sup>28</sup> Ов муклас всичко тай като ухтинило, тръгнингяс палал Лесте.<sup>29</sup> А о Леви кергяс Леске баро угощение ан пе кересте; тай сине бут бирникия тай авер, колато бешенас ки софра ленца.<sup>30</sup> А о фарисея тай ленгере книжникия роптайненас против Лескере ученикиенде, тай пенен: Соске хан тай пиен е бирникиенца тай е грешниенца?<sup>31</sup> О Иисус в отговор пенгяс ленге: О здрава нанай лен нужда лекариестар, а о насвале.<sup>32</sup> Нана алом те призовинав е праведнонен, а е грешнонен на покаяние.<sup>33</sup> Тай он пенде Леске: О Йоанова ученикия често постилен тай керен молитвес, чука о фарисея да, а Тере хан тай пиен.<sup>34</sup> О Иисус пенгяс ленге: Ащи ли те траден е свадбариен те постилен, жи кай си ленца о жамутро?<sup>35</sup> Ка авен обаче диеса, като о жамутро ка отнеминел пес лендар; тогава, презал колке диесенде, ка постилен.<sup>36</sup> Пенгяс ленге още притча: Никой отдиринал кръпка неве шехиендар те товел ла пуране шехиенде; иначе о неве шея да съдирилен пес, тай и кръпка таро неве нана препел е пуранияса.<sup>37</sup> Тай никой нана наливинел неви мол андо пуране меховия; иначе и неви мол ка пръснинел о меховия, тай ов коркоро ка чориол, тай о меховия ка изхабинен пес.<sup>38</sup> Но требе те наливинел пес неви мол андо неве меховия.<sup>39</sup> Тай никой, след като пилас пурани мол, нана мангел неви, сокето пенел: О пурано си по лачо.

## Chapter 6

<sup>1</sup>Тай иек събота , и първо палал о дуи диес е Пасхаке , като накелас Ов презал о посевя, о ученикия Лескере чиненас класовя тай ханас, като стривиненас лен вастенца.<sup>2</sup> А десаве таро фарисея пенде: Соске керен давка, ковато нанай позволиме те керел пес събота?<sup>3</sup> О Иисус в отговор пенгяс ленге: Нана четингиен ли давка, ковато кергяс о Давид, като бокалило, ов тай о мруща, колато сине леса,<sup>4</sup> сар диняс андо Божие кер, лилас о присъствена маре, тай халас, тай диняс колкенда, колато уле леса- маре, колато нанай позволиме те хал никои, а само о свещеники?<sup>5</sup> Тай пенгяс ленге: О Човешко Чаво си господари е съботаке.<sup>6</sup> Койка да събота диняс анди синагога, тай поучинелас; тай оте сине иек мануш, колескоро десно вас шукилосас.<sup>7</sup> Тай о книжникия тай о фарисея наблюдавиненас Лес дали анди събота ка изцелинел лес, за те ащи обвининен Лес.<sup>8</sup> Но Ов жанелас ленгере помислес тай пенгяс е манушеске е шуке вастеса: Ухти тай изправине тут ко машкар. Тай ов ухтинило тай изправисало.<sup>9</sup> Тогава о Иисус пенгяс ленге: Пучав тумен: Со си позволиме те керел мануш анди събота- лачипе ли те керел, или канилипе, те спасинел ли животос, или те погубинел?<sup>10</sup> Тай като диклас саворен, пенгяс е манушеске: Протегнине то вас. Тай ов кергяс чука; тай лескоро вас оздравингяс.<sup>11</sup> А он пердиле дениле яростяса тай хоратиненас машкар песте со ащи керен е Иусеске.<sup>12</sup> Презал колке диесенде о Иисус иклило ки планина те молинел пес тай прекарингяс цело рат анди молитва карик о Дел.<sup>13</sup> Тай като дислило, викингяс Пе ученикиен тай избирингяс лендар дешудуи жене, колен наречингяс апостола:<sup>14</sup> Симон, колес наречингяс Петър, тай лескоро прал о Андрей, Яков тай Йоан, Филип тай Вартоломей,<sup>15</sup> Матей тай Тома, Яков Алфеев тай Симон, наречиме Зилот,<sup>16</sup> Юда, е Яковескоро прал, тай Юда Искариотски, ковато ачило предатели.<sup>17</sup> Тай като ухлило заедно ленца, Ов спирингяс иеке равнине танесте; спирисале оте баро множество таро ученикия Леске, тай бари навалица таро люде тари цело Юдея тай Ерусалим тай таро Тирско Сидонско крайморие, колато алесас те шунен Лес тай те изцелинен пес пе болестиендар;<sup>18</sup> също о измъчиме таро нечиста духовия изцелиненас пес.<sup>19</sup> Тай цело народос старайнелас пес те допиринел пес жи Лесте, сокето сила иклолас Лестар тай изцелинелас саворен.<sup>20</sup> Тай Ов ваздингяс яка карик Пе ученикиенде, тай пенгяс: Блажена туме, сиромасия; сокето си тумаро о Божие тагарипе.<sup>21</sup> Блажена, колато гладувинен акана; сокето ка наситинен тумен. Блажена, колато ровен акана; сокето ка заасан.<sup>22</sup> Блажена синиен, като мразинен тумен о мануша, тай като отльчинен тумен пестар тай хулинен тумен, тай отчiven тумаро алав сар канило, ашал о Човешко Чаво;<sup>23</sup> лошанен колке диесесте тай келен, сокето, аке, бари си и награда тумари андо небеса; понеже ленгере дада чука керенас е пророкиенца.<sup>24</sup> Но горко туменге, о барвале; сокето приемингиен вече тумари утеха.<sup>25</sup> Горко туменге, колато акана синиен наситета; сокето сиго ка бокалон. Горко туменге, колато акана асан, сокето ка жалинен тай ка ровен.<sup>26</sup> Горко туменге, като саворе мануша хвалинен тумен, сокето ленгере дада чука керенас е хохавне пророкиенца.<sup>27</sup> Но туменге, колато шунен, пенав: Дехен тумаре неприятелен, керен лачипе калкенге, колато мразинен тумен,<sup>28</sup> благословинен калкен, колато дентумен арманя, молинен тумен калкенге, колато керен туменге пакост.<sup>29</sup> Калкеске, ковато чалавел тут иеке ригатар, ирине окояда; тай калкеске, ковато лел то упруно шеши, ма откажине то гад да.<sup>30</sup> Де секас, които мангел туке; тай ма манк те бука колкестар, ковато лел лен.<sup>31</sup> Тай карто манген те керен о мануша туменге, чука тумеда керен ленгеле.<sup>32</sup> Понеже ако дехен само колкен, колато дехен тумен, сави благодарност перел пес туменгеле? Сокето о грешникия да дехен колкен, колато дехен лен.<sup>33</sup> Тай ако керен лачипе само колкенге, колато туменге керен лачипе, сави благодарност перел пес туменгеле? Сокето о грешникия да керен о също.<sup>34</sup> Тай

ако ден заеми само калкен, колендар надявинен тумен те получинен лес обратно, сави благодарност перел пес туменге? Соскето о грешна грешнонен ден заеми, за те лен лес песке напапале.<sup>35</sup> Но туме дехен тумаре неприятелен, керен лачиле тай назаем ден, без те жарен те лен напапале; тай тумари награда ка овел бари, тай ка овен чада е Всевишнонеске; соскето Ов си благо карик о неблагодарна тай каниле.<sup>36</sup> Овен милосърдна, сарто тумаро Отеци си милостърдно.<sup>37</sup> Ма съдинен, тай нанай те овен съдиме; ма осъждинен, тай нанай те овен осъждиме; просинен, тай ка овен простиме;<sup>38</sup> ден, тай ка деллес туменг; лачи мярка, натъпкано, стърсено, препълнено ка ден тумен анди пазва; соскето саве мяркаса меринен, салкаса ка отмервинел пес туменге.<sup>39</sup> Пенгяс ленге иек притча: Ащи ли о коро корес те водинел? Нанай ли те перен о дуида анди яма?<sup>40</sup> О ученики нанай по-упруно пе учителестар; а всеко ученики, като усъвършенствинел пес, ка овел сар пе учителесте.<sup>41</sup> Тай соске дикес и съчица те пралеске анди як, а на усетинес и греда ан тере якате?<sup>42</sup> Или сар ащи пенес те пралеске: Прала, мук ман те икалав и съчица те якатар, като ту коркоро нана дикес и греда, която си ан тере якате? Лицемерецо, първо икал и греда тере якатар, тай тогава ка дикес ясно, за гте икалес и съчица, която си те пралеске анди як.<sup>43</sup> Соскето нанай лачо каш, ковато дел канило плоди, нито па канило каш, ковато дел лачо плоди.<sup>44</sup> Понеже всеко каш пере плодиестар пенджарел пес; соскето нана киден смокинес таро каре, нито чинен драка тари къпина.<sup>45</sup> О лачо мануш таро лачо съкровищес пе сърцеске икалел лачиле; а о канило мануш пе каниле съкрошищестар икалел канилипе; соскето колкестар, ковато перел лескоро сърцес, хоратинел лескоро муи.<sup>46</sup> Тай соске зовинен Ман: Господи! Господи!, а на керен кавка, ковато пенав?<sup>47</sup> Всекой, които авел паш Манде тай шунел Мере думес тай изпълниел лен, ка покажинав туменге упраш кастане препел.<sup>48</sup> Препел манушесте, ковато, като строинел кер, о изкопинел тай задълбочинел, тай положинел о основес упраш и канара; тай като ачило наводнение, и река устремисали упраш далке кересте, но нанащине клатинел ла, соскето сине здраво построиме.<sup>49</sup> А които шунел тай нана изпълниел, препел манушесте, ковато строинел кер ки пув, би основенгоро; тай като упраш лате устреминел пес и река, ко сахати рухнингяс; тай о срутване лескоро сине баро.

## Chapter 7

<sup>1</sup> След като свършингяс саворе Пере речия карик о люде, колато шуненас Лес, о Иисус диняс андо Капернаум.<sup>2</sup> А десаве стотникиеско слугас, ковато сине леске мило, боледувинел жи мерибнасте.<sup>3</sup> Тай като шунгяс е Исусеске, бичалгяс жи Лесте десаве юдейска старейшинес те помолинен Лес те авел тай те изцелинел лескере слугас.<sup>4</sup> Тай он але паш о Иисус, тай молиненас пес Леске усрдно, като пененас: Ов заслужинел те керес леске давка;<sup>5</sup> соскето дехел амаре народос, тай ов построингяс аменге и синагога.<sup>6</sup> А като о Иисус пирелас ленца тай нана сине вече дуре таро кер, о стотники бичалгяс жи Лесте амален те пенен Леске: Господи, ма кер тухе трудос, соскето нана синиом достоинно те дес телал ме сряхате;<sup>7</sup> далкеске да на счетингиом ман достоинно те авав паш Туте; пен само дума, тай мо слугас ка оздравинел.<sup>8</sup> Соскето меда синиом мануш, поставиме под власт, тай иси ман подчинена мангес войники; тай пенав иекеске: Жа, тай ов жал; тай авереске: Ела!, тай авел; тай ме слугаске: Кер кавка!, тай керел лес.<sup>9</sup> Като шунгяс давка, о Иисус почудингяс пес леске, ирисало тай пенгяс е народоске колато пиренас палал Лесте: Пенав туменге, нито андо Израил араклом дики вяра.<sup>10</sup> Тай като о бичалде ирисале андо кер, аракле е слугас оздравяло.<sup>11</sup> А сиго палал далкесте о Иисус гело иеке градосте, наречиме Наин; тай Леса пиренас Лескере ученикия тай иек баро множество.<sup>12</sup> Тай като приближисало жи ки градско порта, аке, изнесиненас мулес, иек чаво пе даяке, която сине вдовица; тай ласа сине баро множество таро градос.<sup>13</sup> Тай о Дел, като диклас ла, смилисало упраш лате тай пенгяс лаке: Ма ров.<sup>14</sup> Тогава приближисало тай доприсало жи ко носилос; а о носачия спиринде. Тай пенгяс: Чавеа, пенав тухе, ухти.<sup>15</sup> Тай о муло ваздисало тай бешло, тай почнингяс те хоратинел. Тай о Иисус диняс лес лескере даяке.<sup>16</sup> Тай дар долгяс саворен, тай славиненас е Девлес, тай пенен: Велико пророки ваздисало машкар аменде; тай: О Дел посетингяс Пере люден.<sup>17</sup> Тай давка, ковато пененас, разнесисало за Леске ки цело Юдея гай ки цело околност.<sup>18</sup> Тай о ученикия е Йоанескере известинде леске всичко давка.<sup>19</sup> Тай о Йоан викингяс дуиен пе ученикиендар, тай бичалгяс лен ко Дел те пенен: Ту ли синян Ковка, Ковато иси те авел, или аверес те жарас?<sup>20</sup> Тай като але Лесте о мануша, пенде: О Йоан Кръстител бичалгяс амен жи Туте те пенен: Ту ли синян Ковка, Ковато иси те авел, или аверес те жарас?<sup>21</sup> Тай ко също сахати Ов изцелингяс мнозинатаро болестия тай язвес, тай зла духовя, тай мнозиненге подарингяс зрение.<sup>22</sup> Тогава в отговор пенгяс ленге: Жан тай съобщинен е Йоанескесе кавка, ковато диклен тай шунгиен, кай коре задикен, куца запирен, прокажена очистинен пес тай кашкуе зашунен; мule възкресинен тай е сиромасиенге проповединел пес о благовестие.<sup>23</sup> Тай блажено ковка, ковато нана съблазнинел пес ашал Манге.<sup>24</sup> А като геле песке о бичалде таро Йоан, о Иисус почнингяс те хоратинел е народоске таро Йоан: Со иклилен те дикен анди пустиния? Тръстика ли тари балвал разлюяно?<sup>25</sup> Но со иклилен те дикен? Манушес ли анде ковле шехиенде урявдо? Аке, о великолепно урявде тай колка, колато живинен разкошно, си андо тагаренгере дровци.<sup>26</sup> Но со иклилен те дикен? Пророкиес ли? Ва, пенав туменге, тай по бут таро пророки.<sup>27</sup> Кавка си ковка, за колеске си пишиме: "Аке, Ме бичалав Ме вестителес англал Тере мосте, ковато ка устроинел Мо дром англал Туте".<sup>28</sup> Пенав туменге: Машкар о биянде таро жувля нанай по-баро таро Йоан; обаче, о по-цикно андо Божие тагарипе си по-баро лестар.<sup>29</sup> ( Тай саворе люде тай о бирникия, като шунде давка, признавинде е Девлескири правда, соскето кръстиндесас пес е Йоанескере кръщениеса.<sup>30</sup> А о фарисея тай о законникия осуетинде е Девлескири воля

спрямо песте, понеже нана кръстинде пес лестар.)<sup>31</sup> А сесте те уподобинав е манушен калке поколениестар? Тай сесте препен?<sup>32</sup> Он препен чавенде, бешле ко пазари, колато пищинен иек авереске, тай пенен: Башалгя  
туменге, тай нана келгиен; ридаингям, тай нана руниен.<sup>33</sup> Соскето о Йоан Кръстител ало, ковато нито маро хал,  
нито мол пиел, а пенен: Бяс иси лес.<sup>34</sup> Ало о Човешко Чаво, ковато хал тай пиел, тай пенен: Аке мануш лакомо  
тай винопиицос, амал е бирникиенге тай е грешниенге.<sup>35</sup> Но пак и мъдрост оправдинел пес пе саворе  
чадовиендар.<sup>36</sup> Тай иек таро фарисея поканингяс Лес те хал леса; тай Ов диняс андо фарисеево кер тай бешло ки  
софра.<sup>37</sup> Тай аке, иек жувли таро градос, която сине грешница, като ахалили, кай бешел ки софра андо фарисеево  
кер, ангяс алабастрано съдос мироса.<sup>38</sup> Тай като зачили палал ко пире Леске, тай ровелас, почнингяс те  
обливинел Лескере пире асвенца. После коселас лен пе баленца, чумиделас лен тай макелас лен е мироса.<sup>39</sup> А  
като диклас давка о фарисеи, ковато поканингясас Лес, пенелас анде песте: Кавка ако сине пророки, ка жанелас  
коя тай сави си и жувли, която допиринал пес жи Лесте, кай си грешница.<sup>40</sup> А о Иисус в отговор пенгяс леске:  
Симоне, иси ман варесо те пенав туке. А о пенгяс: Учителю, пен!<sup>41</sup> Десаво си заемодавцос исине лес дуи  
дължникия; о иек дължинелас панч шел динария, а окова пинда.<sup>42</sup> Тай понеже нана сине лен соса те платинен  
леске, ов простиングяс е донгеда. Тай чука, кова лендар ка задехел лес по бут?<sup>43</sup> В отговор о Симон пенгяс:  
Мислинав, кай ковка, колеске простиングяс по бут. А Ов пенгяс леске: Право отсъдингян.<sup>44</sup> Тай като ирисало карик  
и жувли, пенгяс е Симонеске: Дикес ли калке жувля? Диниъм ан те кересте, тай ту пани Ме пиренге нана  
динян; а ой асвенца пергяс Ме пире, тай пе баленца кослас лен.<sup>45</sup> Ту целувка нана динян Ман; а ой, отсар  
диниъм, нана престанингяс те чумидел Ме пире.<sup>46</sup> Ту маслоса нана помажингян Мо шеро; а ой мирона  
помажингяс Ме пире.<sup>47</sup> Далкеске пенав туке: Простилен пес лаке бут безеха (соскето ой дехингяс бут); а каске  
хари простилен пес, ов хари дехел.<sup>48</sup> Тай пенгяс лаке: Простилен пес туке те безеха.<sup>49</sup> Тай калка, колато бешенас  
Леса ки софра, почнинде те пенен машкар песте: Кова си Кавка, ковато безеха да простилен?<sup>50</sup> Тай пенгяс е  
жувляке: Тере вяра спасингяс тут; жа туке мириеса.

## Chapter 8

<sup>1</sup>Тай сиго палал далкесте о Иисус пирелас градос градестар тай гав гавестар те проповединел тай те благовестинел  
о Божие тагарипе; тай Леса сине о дешудуи ученикия,<sup>2</sup> тай десаве жувля, колато уле изцелме таро зла духовия тай  
болестиендар: Мария, наречиме Магдалина, колатар иклиле ефта бесовия,<sup>3</sup> тай и Йоана, и ромни е Иродовне  
настойникиескири Хуза, тай Сусана, тай бут авер, колато услужвиненас лен пе имотиеса.<sup>4</sup> Тай понеже кидисало  
баро множество, тай авенас паш Лесте всеконе градостар, пенгяс притчаса:<sup>5</sup> О сеячи иклило те сениел по семес;  
тай като сениелас, иек пело ко дром; тай затъпкисало, тай о небесна птицес изкълвинде лес.<sup>6</sup> А авер пело ки  
канара; тай щом поникнингяс, шукило, соскето на сине влага.<sup>7</sup> Авр па пело машкар о каре; тай заедно леса  
бариле о каре тай заглушинде лес.<sup>8</sup> А авер пело лаче пувяте тай като барило, диняс шелкратно плоди. Като  
пенгяс давка, пищингяс: Кас иси канара те шунел, нека шунел.<sup>9</sup> А о ученикия Лескере пучле Лес о значение калке  
притчакоро.<sup>10</sup> Ов пенгяс: Туменге си дадено те жанен о тайнес е Девлескере тагарипнаскоро; а околене  
проповединел пес притченца, чука че, като дикен, тена дикен, тай като шунен, тена ахалон.<sup>11</sup> Аке о значение е  
притчакоро: О семес си о Божие словос.<sup>12</sup> А о посяно ко дром си калка, колато шуненас; тогава авел о бенг тай  
отнеминел о словос ленгере сърцедендар, тена повервинен тай те спасинен пес.<sup>13</sup> О пело ки канара си калка,  
колато, като шунен приеминен о словос лошаласа; но он, като нанай лен корени, за време верувинен, а като  
авел изпитание, отстъпинен.<sup>14</sup> О пело машкар о каре си колка, колато шуненас, тай като жанпеске, загълхвинен  
грижендар тай барвалипнастар, тай житетска удоволствия, тай нана ден зрело плоди.<sup>15</sup> А о посяно ки лачи пув  
си калка, колато, като шунен о словос, икерен лес андо искрено тай лачо сърцес, тай ден плоди постоянствоса.  
<sup>16</sup> Тай никой, като тарел светилос, нана учарел лес съдоса, нито товел лес телал о легло, но товел лес ко  
светилники, за те дикен и светлина калка, колато ден.<sup>17</sup> Соскето нанай варесо тайно, ковато нанай те ачол явно,  
нито потаено, ковато нанай те ахалол пес тай нанай те иклол наяве.<sup>18</sup> Далкеске, внимавайнен сар шунен; соскето,  
кас иси, леске ка дел пес; а кас нанай, лестар ка отнеминел пес давка да, ковато мислинел, кай си лес.<sup>19</sup> Тай але  
паш Лесте Лескири дай тай Лескере прала, но ашал о множество нанацине те приближинен пес жи Лесте.<sup>20</sup> Тай  
известинде Леске: Ти дай тай Те прала бешен аври тай манген те дикен Тут.<sup>21</sup> А Ов в отговор пенгяс ленге: Дай  
Мери тай прала Мере си калка, колато шунен о Божие словос тай вършинен лес.<sup>22</sup> А анде иеке колке диесенде Ов  
диняс анди ладия Пе ученикиенца тай пенгяс ленге: Те накас ки отвъдно рик е езероске. Тай отплавинде.<sup>23</sup> А  
като плавиненас, Ов засуто; тай бурно балвал устремисали уптал о езерос, тай о вълни заливиненас лен, чука че  
сине анди опасност.<sup>24</sup> Тай але, тай ухърененас Лес, тай пенде: Наставниче! Наставниче! Загининас! А ов ухтинило  
тай смъртингяс и балвла тай о развълнувиме пани; тай уталожисале, тай ачили тишина.<sup>25</sup> Тай пенгяс ленге:  
Кате си тумари вяра? А он, дараине, чудиненас пес тай пененас песке иек авресте: Кова ли ка овел Кавка. Ковато  
заповединел е балваленге да, е паниеске да, тай он покоринен пес Леске?<sup>26</sup> Тай пристигнинде анди Герасинско\*  
рик, която си мамуял и Галилея.<sup>27</sup> Тай като иклило ки суша, ресло Лес таро градос десаво мануш, колес исине  
бесовия, тай от дълго време нана ургясас шея, тай анде кересте нана живинелас, а андо мимория.<sup>28</sup> Ов, като  
диклас е Иисусес, пищингяс, пело англал Лесте тай силоне гласоса пенгяс: Со иси Тут манца, Иисусе, Чаво е  
Всевишоне Девлескоро? Молинав ман Туке, ма мъчине ман.<sup>29</sup> Соскето о Иисус заповедингясас е нечистоне

духоске те икльол таро мануш. Понеже бут дром долелас лес; тай панденас лес веригенца тай оковиенца, тай пазиненас лес; но ов чинелас о връзкес тай о бесос гонинелас лес ко пустиниес.<sup>30</sup> Тай о Иисус пучлас лес: Сар си то алав? А ов пенгяс: Легион; сокето бут бесова динесас анде лесте.<sup>31</sup> Тай молиненас Лес тена заповединел ленге те жан анди бездна.<sup>32</sup> А оте сине баро стадос свине, ковато пасинелас ки горичка, тай о бесова помолинде Лес те позволинел ленге те ден анде ленде. Тай позволингяс ленге.<sup>33</sup> Тай като иклиле о бесова таро мануш тай дине андо свине, о стадос муклас пес ки стръмнина андо езерос тай таслиле.<sup>34</sup> А о свинария, като дикле со ачило, нашле тай известинде далкеске андо градос тай андо гава.<sup>35</sup> Тай като иклиле те дикен со ачило, тай але паш о Иисус, аракле е манушес, колестар иклилесас о бесова, бешло е Иисусеско ко пире, урядво тай симислено; тай дараниле.<sup>36</sup> Тай калка, колато диклесас давка, разкажинде ленге сар изцелисало о бесно.<sup>37</sup> Тай о цело множествос тари Герасинско околност молиненас пес Леске те жал песке лендар, сокето уле обзета тари бари дар; тай Ов диняс анди ладия, тай завърнисало.<sup>38</sup> А о мануш, колестар иклилесас о бесова, молинелас пес Леске те овел Леса; но о Иисус бичалгяс лес, като пенгяс:<sup>39</sup> Ирине тут те кересте тай разкажине саве букя кергяс туке о Дел. Тай ов гело, тай разгласингяс ко цело градос саве букякержяс леске о Иисус.<sup>40</sup> А като ирисало о Иисус, о народос посрещнингяс Лес лошало, сокето саворе жаренас Лес.<sup>41</sup> Тай аке, ало иек мануш ко алав Яир, ковато сине началники е синагогакоро, тай пело англал о пире е Иисусеско, тай молинелас Лес те дел андо кер леске;<sup>42</sup> сокето сине лес иекори чаи, на около дешудуи бреша, тай ой сине мерибнасте. Тай като жалас, о народос притискинал Лес.<sup>43</sup> Тай иек жувли, колато сине кръвотечение таро дешудуи бреш, тай динясас лекариенге по цело имоти, без те аци излекувинел пес никастар,<sup>44</sup> приближисали изпалал, тай доприсали жи ки пола Лескере шхенигири; тай ко сахати престанингяс лакоро кръвотечение.<sup>45</sup> Тай пенгяс о Иисус: Кой доприсало жи Манде? Тай като саворе отричиненас пес, о Петър тай колка, колато сине Леса, пенде: Наставниче, о народос притискинал Тут тай гнетинел, а Ту пенес: Кой доприсало жи Манде?.<sup>46</sup> Но о Иисус пенгяс: Декой доприсало жи Манде, сокето Ме усетингиом, кай сила иклол Мандар.<sup>47</sup> Тай и жувли, като диклас, кай нанащи гаравел пес, али разтрепериме тай пели англал Лесте, тай пенгяс Леске англал саворе люденде по сави причина доприсалис жи Лесте, тай сар ко сахати оздравингясас.<sup>48</sup> А Ов пенгяс лаке: Мичаи, тери вяра изцелингяс тут, жа туке мириеса!<sup>49</sup> Жи кай Ов още хоратинелас, ало десаво таро кер е началникиске е синагогакоро тай пенгяс: Ти чай мули; ма затруднине е Учителес.<sup>50</sup> А о Иисус, като шунгяс давка, отговорингяс леске: Ма дара; само верувине, тай ой ка избавинел пес.<sup>51</sup> Тай като ало андо кер, нана муклас никас те дел Леса, освен о Петър, о Йоан, о Яков тай о дад, тай и даи е чаякири.<sup>52</sup> Тай саворе ровенас тай оплаквиненас ла. А Ов пенгяс: Ма ровен; сокето нана мули, а совел.<sup>53</sup> А он асанас Леске, понеже жаненас, кай мули.<sup>54</sup> Но Ов долгяс ла таро вас тай пипцингяс: Чае, ухти!<sup>55</sup> Тай ирисало лакоро духос, тай ой ко сахати ухтинили; тай Ов заповедингяс те ден ла варесо те хал.<sup>56</sup> Тай о родителя лакере удивисале; а Ов заръчингяс ленге тена пенен никаске со ачило.

## Chapter 9

<sup>1</sup> Тай като викингяс е дешудон, диняс лен сила тай власт упрат саворе бесовиенде, тай те изцелинен болестия.

<sup>2</sup> Тай бичалгяс лен те проповединен е Божие тагарипе тай те изцелинен е насвален.<sup>3</sup> Тай пенгяс ленге: Ма лен нищо за ко дром- ни тояга, ни торба, ни маро, ни парес, нито те овен тумен по дуи гада.<sup>4</sup> Тай анде коле кересте ден, оте бешен, тай отар тръгнинен дроместе.<sup>5</sup> Тай ако декой нана приеминел тумен, като икльон колке градостар, тресинен о прахос тумаре пирендар за свидетелство против ленде.<sup>6</sup> Тай он тръгнинде, тай жанас ко гава, тай проповединенас о благовестие, тай изцелиненас всекате.<sup>7</sup> А о четверовластники о Ирод шунгяс всичконаске, ковато ачолос, тай сине андо недоумение; сокето десаве пененас, кай о Йоан възкръснингяс таро муле;<sup>8</sup> авер па; кай о Илия явисало; а авер, кай иек таро старовременна пророкия възкръснингяс.<sup>9</sup> Тай пенгяс о Ирод: е Йоанес ме обезглавингиом; но кой си Кавка, за Колеске шунав салка букя? Тай мангелас те дикел Лес.

<sup>10</sup> Тай като ирисале о апостола, разкажинде е Иисусеско со извършилдесас; тай Ов лилас лен тай оттеглисале коркоресте анде уединоне танесте карик иеке градосте, наречиме Витсаида.<sup>11</sup> А о множества, като ахалиле давка, геле палал Лесте; тай Ов посрещнингяс лен с готовност, тай хоратинелас ленге е Девлескере тагарипнаске, тай изцелинелас колжен, колато сине лен нужда таро изцеление.<sup>12</sup> Тай като почнингяс о диес те превалинел, о дешудуи приближисале тай пенде Леске: Размук е народос, за те жан андо околна гава тай колибес те ношувилен тай те аракен песке хабе, сокето ате синям уединоне танесте.<sup>13</sup> Но Ов пенгяс ленге: Ден лен туме те хан. А он пенде: Нанай амен по бут таро панч маре тай дуи маче, освен ако на жас тай кинас хабе саворе каалке люденге?<sup>14</sup> (Сокето сине около панч хиляда мруша). Тай пенгяс Пе ученикиенге: Траден лен те бешен купчинкенде по около пинда жене.<sup>15</sup> Он керде чука тай традинде саворен те бешен.<sup>16</sup> А Ов лилас о панч маре тай о дуи маче, диклас карик о небес тай благословингяс лен; тай като паглас лен, диняс е ученикиен те товен англал о народос.<sup>17</sup> Тай хале, тай саворе наситисале; тай ваздинде о къшея, колато ачиле лен, дешудуи коша.<sup>18</sup> Тай иеквар, като Ов молинелас пес коркоресте, тай о ученикия сине Леса, пучляс лен: Според о народос кова синиом Ме?<sup>19</sup> А отговор он пенде: Иек пенен, кай синян о Йоан Кръстител; а авер - о Илия; авер па, кай иек таро старовременна пророкия възкръснингяс.<sup>20</sup> Тогава пенгяс ленге: А според туменде кой синиом? О Петър в отговор пенгяс: О Божие Помазаники\*.<sup>21</sup> А Ов заръчингяс ленге тай заповедингяс тена пенен давка никаске, като пенгяс:<sup>22</sup> О Човешко Чаво требе бут те страдинел, те овел отхвърлиме таро старейшинес, о главна свещеникия тай о

книжникия, те овел мудардо тай ко трин диес те овел възкресиме.<sup>23</sup> Пенгяс още саворенге: Ако мангел декой те авел палал Манде, нека те отречинел пес пестар, нека пиравел по кръстос секо диес тай нека следвинел Ман.<sup>24</sup> Соскето който мангел те спасинел по животос, ка нашалел лес; а който нашалел по животос ашал Манге, ов ка спасинел лес.<sup>25</sup> Понеже сави полза е манушеске, ако спечелинел цело светос, а нашалел или ощетинел пес?<sup>26</sup> Соскето, ако лажал декой Мандар тай Ме думендар, ов о Човешко Чаво да ка лажал лестар, като ка авел ан Пере славате тай анди слава на Отца, тай е святоне ангеленгири.<sup>27</sup> А пенав туменге и истина, иси декой таро ате стояща, колато нисар нанай те вкусинен мериба, жи кай на дикен о Божие тагарипе.<sup>28</sup> Тай около охто диес след като пенгяс давка, Ов лилас Песа Петър, Йоан тай Яков тай качисало ки планина те молинел пес.<sup>29</sup> Тай като молинелас пес, о види Лескере москоро изменисало, тай Лескоро облекло ачило парно тай бляскаво.<sup>30</sup> Тай аке, дуй мруша хоратиненас песке Леса; он сине о Моисей тай о Илия,<sup>31</sup> колато явисале анди слава тай хоратиненас Лескере мерибнаксе, която предстоинелас те изпълнингъль андо Ерусалим.<sup>32</sup> А о Петрес тай колка, колато сине леса, налегнингъс лен соиба; но като ухтиниле, дикле и слава Лескири тай е дуие мрушен, колато бешенас Леса.<sup>33</sup> Тай като он разделиненас пес Леса, о Петрес пенгяс е Иисусеске: Наставниче, лачес си те овас ате; тай нека те керас трин скиниес, Туке иек, е Мойсейеске иек, тай иек е Илияске, без те жанел со хоратинел.<sup>34</sup> Тай жи кай пенелас давка, ало облаки, тай засенингъс лен; тай о ученикия дараниле, като дине андо облаки.<sup>35</sup> Тай ало таро облаки гласос, ковато пенгяс: Кавка си Моро Чаво. Лес шунен!<sup>36</sup> Тай като престанингъс о гласос, о Иисус араклило коркоро. Тай он замълчинде тай презал колке диесенде нана пенде никаскне нишо далkestар, ковато диклесас.<sup>37</sup> Тай ко следващо диес, като ухлиле тари планина, ресло Лес баро множествос.<sup>38</sup> Тай аке, иек мануш таро народос пищингиас: Учителю, молинаман Туке те дикес ме чес, соскето си манге единствено чадос.<sup>39</sup> Духос долел лес тай ов изведнъж запицинел, тай о духос сгърчвинел лес чука, кай ов запенинел пес, тай като згърчинелес, едвам напуснинел лес.<sup>40</sup> Тай помолингъль Тере ученикиен те гонинен лес, ама нанащине.<sup>41</sup> О Иисус в отговор пенгяс: О, роде невярващо тай извратено! Жи канна ка овав туменца тай ка търпинав тумен? Ан те чавес ате.<sup>42</sup> Тай жи кай още авелас, о бесос тръшнингъс лес тай сгърчинигъс лес силно; а о Иисус смъртнингъс е нечистоне духос, изцелингиас е чес тай ирингъс лес лескере дадесте.<sup>43</sup> Тай саворе удивиненас пес е Девлеске ко величие. А жи кай саворе чудиненас пес всичконасье, ковато керелас, Ов пенгяс Пе ученикингте:<sup>44</sup> Вложинен ан тумаре каненде калка думес, соскето о Човешко Чаво ка овел предиме манушеске вастенде.<sup>45</sup> Но он нана ахалиле давка слово; ов сине покриме лендар; за тена ахалон лес; а даранас те пучен Лес далке словоске.<sup>46</sup> Тай ваздисало машкар ленде препиране кова лендар ка овел по-баро.<sup>47</sup> А о Иисус, като диклас со си ко сърцес ленге, лилас иеке чавес, поставингиас лес паш Песте тай пенгяс ленге:<sup>48</sup> Който приеминел калке чавес анде Мере алавесте, Ман приеминел; тай който приеминел Ман, приеминел Калкес, ковато бичалгъс Ман; соскето, ковато си най-цикно машкар саворенде туменде, ов ка овел баро.<sup>49</sup> А о Йоан захоратингиас, тай пенгяс: Наставниче, диклам иеке манушес те гонинел бесовиен анде Тере алавесте тай забранингъм леске, соскето на пирел аменца.<sup>50</sup> А о Иисус пенгяс леске: Ма забранинен леске; соскето, ковато нанай против туменде, карик туменде си.<sup>51</sup> Тай като навършиненас пес о диеса те възнесинел пес, Ов ирингъс По мui карик о Ерусалим.<sup>52</sup> Тай проводингъс англал Песте пратеникиен, колато геле тай дине иеке самарянсконе гавесте те приготвинен за Леске.<sup>53</sup> Но нана приеминде Лес, соскето Лескоро мui сине ириме карик о Ерусалим.<sup>54</sup> Като дикле давка, Лескере ученикия о Яков тай о Йоан пенде: Господи, мангес ли те заповединас те перел ят таро небес тай те изтребинел лен карто кергъс о Илия?<sup>55</sup> А Ов ирисало, тай смъртнингъс лен; тай пенгяс: Туме нана жанен саве духосте синиен; соскето о Човешко Чаво нана ало те погубинел човешка души, а те спасинел.<sup>56</sup> Тай геле аввере гавесте.<sup>57</sup> А като пиренас ко дром, иек мануш пенгяс Леске: Ка следвинав тут, кате да те жас.<sup>58</sup> О Иисус пенгяс леске: Е лисицен иси лен леговище тай о небесна птицес - гнездовя; а о Човешко Чаво нанай кате шеро те подслонинел.<sup>59</sup> А авереске пенгяс: Пир палал Манде. А ов пенгяс: Господи, позволине манге първо те жав те паронав ме дадес.<sup>60</sup> Но Ов пенгяс леске: Мук е мулен те паронен пере мулен; а ту жа тай разгласине о Божие тагарипе.<sup>61</sup> Пенгяс аверда: Ка авав палал Туте, Господи; но първо позволине манге те сбогувинаман ме домашноненца.<sup>62</sup> А о Иисус пенгяс леске: Никой, ковато тогяс по вас ко ралос тай дикел напапале, нанай за ко Божие тагарипе.

## Chapter 10

<sup>1</sup>Палал далkestе о Дел определингиас авер ефтадеш жене тай бичалгъс лен по дуй англал Песте всеконе градосте тай танесте, кате само Ов ка жалас. <sup>2</sup>Тай пенгяс ленге: И жетва си изобилно, а о работникия хари; далкеске молинен тумен е Господариеске е жетвакоро те бичалел работникиен Пе жетвате.<sup>3</sup>Жан: Аке, Ме бичалав тумен сар бакре машкар вълциенде. <sup>4</sup>Ма пиравен ни кесия, ни торба, ни потиня тай никас ко дром ма поздравинен. <sup>5</sup>Тай анде коле кересте ден, първо пенен: Мири калке кересте! <sup>6</sup>Тай ако си оте декой разположиме карик о мири\*, тумаро мири ка почивинел лесте; но ако нанай лес, ка иринел пес туменде. <sup>7</sup>Тай андо също кер бешен тай хан, тай пиен со товен туменге; соскето о работники заслужинел пери заплата. Ма местинен тумен кер керестар.<sup>8</sup>Тай како ден десаве градосте, ако приеминен тумен, хан со товен туменге, <sup>9</sup>тай изцелинен е насвален анде лесте, тай пенен ленге: О Божие тагарипе наближингъс жи туменде.<sup>10</sup>А като ден десаве градосте, ако нана приеминен тумен, иклон ко улицес леске тай пенен: <sup>11</sup>Тай о прахос, ковато полепнингъс амаре пиренде тумаре градостар, отърsvинас туменге; все пак обаче те жанен, кай о Божие тагарипе наближингъс.<sup>12</sup>Пенав туменге: По- локо ка

овел о наказание на Содом колке диесесте, отколкото калке градоске.<sup>13</sup>Горко туке, Хоразине! Горко туке, Витсаидо! Соскето, ако извършиндесас пес андо Тир тай Сидон о велика дела, колато извършил туменде, отдавна ка покайненас пес, бешле андо вретище тай пепел.<sup>14</sup>Но на Тир тай Сидон ка овел по- локо ко страшно съдос, отколкото туменге.<sup>15</sup>Тай ту, Капернауме, жи ко небеса ли ка ваздес тут? Жи ко ади ка смъкниес тут.<sup>16</sup>Който шунел тумен, Ман шунел; тай който отхвърлил тумен, Ман отхвърлил; а който отхвърлил Ман, отхвърлил Колкес, Ковато бичалгяс Ман.<sup>17</sup>Тай о ефтадеш ирисале лошаласа тай пенде: Господи, анде Тере алавесте о бесоведа покоринен пес аменге.<sup>18</sup>А Ов пенгяс ленге: Дикльом Сатана, пело таро небес сар светкавица.<sup>19</sup>Аке, дав тумен власт те газинен сапенде тай скорпиониенде, тай власт упрали и цело сила врагоскири; тай нищо нанай те поврединел тумен.<sup>20</sup>Обаче ма лошанен далкеске, кай о духовия покоринен пес туменге; а лошанен, кай тумаре алава си пишими ко небеса.<sup>21</sup>Ко също сахати о Иисус лошангяс чрез о Свято Духос тай пенгяс: Благодаринав Туке, Отче, Господи е небеске тай е пувяке, кай гарагян давка таро мъдра тай разумна, а открингяс лес е младенциенге. Ва, Отче, соскето чука дикляс пес Туке угодно.\*<sup>22</sup>Всичко си Манге предиме таро Отца Моро; тай освен Отец, никои нана жанел Кова си о Чаво; тай никои нана жанел Кова си о Отец, освен о Чаво тай ковка, колеске о Чаво ка благоволинел те открил Лес.<sup>23</sup>Тай като ирисало карик о ученикия, пенгяс ленге коркоресте: Блажена о яка, колато дикен кавка, ковато туме дикен.<sup>24</sup>Соскето пенав туменге, кай бут пророкия тай тагара мангле те дикен давка, ковато туме дикен, тай на дикле, тай те шунен давка, ковато туме шунен, тай на шунде.<sup>25</sup>Тай аке, десаво законники ухтилило тай изпитвинелас Лес, тай пенел: Учителю, со те керав, за те наслединав вечно животос?<sup>26</sup>А Ов пенгяс леске: Со си пишими андо закони, сар четинес?<sup>27</sup>А ов в отговор пенгяс: "Те възлюбинес е Девлес, тере Девлес, те всичконе сърцеса, те всичконе душатар, те всичконе силаса тай те всичконе умиеса, тай те близнонес, сар тут".<sup>28</sup>О Иисус пенгяс леске: Право отговорингяи; кавка кер, тай ка живинес.<sup>29</sup>Но ов, понеже мангелас те оправдинел пес, пенгяс е Иусесеке: А кова си моро близко?<sup>30</sup>В отговор и Иисус пенгяс: Десаво мануш ухлелас таро Ерусалим андо Ерихон; тай налетингяс разбойнициенде, колато нангярде лес тай ранинде лес, тай геле песке, като мукле лес полумуло.<sup>31</sup>А случайно десаво свещеници ухлелас колке дроместар тай като диклас лес, занакло песке ки отсрещно риг.<sup>32</sup>Също иек левити, като ресло далке танесте тай диклас лес, занакло песке ки отсрещно риг.<sup>33</sup>Но иек самарияни, като пътувинелас, ало ко тан, кате сине ов, тай като диклас лес, смилисало,<sup>34</sup>приближисало, тай превържингяс лескере ранес, като изливинелас ленде масло тай мол. После качингяс лес пе собственоне добичесте, ингалгяс лес анде иеке гостилниците тай погрижисало леске.<sup>35</sup>Тай около диесесте икалгяс дуи динария, тай диняс лен е гостиличариске тай пенгяс: Погрижине тут леске; тай со харчинес по бут, ко ириба ме ка платинав туке.<sup>36</sup>Кова калкендар таро трин дикел пес туке те покажингяс пес близко калкеске кате пело машкар о разбойниция?<sup>37</sup>Ов пенгяс: Ковка, ковато покажингяс леске милост. О Иисус пенгяс леске: Жа тай туда кер чука!<sup>38</sup>Тай като пиренас ко дром, Ов диняс иеке гавесте; тай десави ромни, ко алав Марта, приемингяс Лес пе кересте.<sup>39</sup>Ла исине пен, ко алав Мария, която бешли ко пире е Девлеске тай шунелас о словос Лескоро.<sup>40</sup>А и Марта, като залисвинелас пес буте шетимнаса, пристъпингяс тай пенгяс: Господи, нанай ли Тут грижа, кай ми пен муклас ман коркори те шетинав? Пен лаке те помагинел мангел.<sup>41</sup>Но о Дел в отговор пенгяс лаке: Марто, Марто, ту грижинес тут тай беспокоинес тут буте букиенге,<sup>42</sup>но иек си потребно; тай и Мария избирали о лачо дяли, ковато нанай те отнеминел пес латар.

## Chapter 11

<sup>1</sup>Тай като Ов молинелас пес иеке танесте, като престанингяс, иек Лескере ученикиндар пенгяс Леске: Господи сикав амен те молинас амен, сарто о Йоан сикавгяс пере ученикиен.<sup>2</sup>А Ов пенгяс ленге: Като молинен тумен, пенен: Отче амаро, Ковато синян андо небеса, те светинел пес Торо алав; те авел Торо тагарипе, те овел Тери воля, сарто ко небес, чука ки пув;<sup>3</sup>де амен всеко диес амаро ежедневно маро;<sup>4</sup>тай простиине амаре безеха, соскето аме коркоре простиинас всеконе амаре дължниеске; тай ма въведине амен андо изкушение но избавине амен таро лукавия.<sup>5</sup>Тай пенгяс ленге: Ако декас тумендар иси амал тай жал паш лесте машкар ират, тай пенел леске: Амала, де ман назаем трин маре,<sup>6</sup>понеже иек моро амал ало кере дроместар тай нанай со те товав англал лесте;<sup>7</sup>тай ако ов андрал в отговор пенел: Ма безпокойне ман; о вудар си вече заключиме тай ме чаве си манца андо тан; нанацци те ухкяв те дав тут;<sup>8</sup>пенав туменге, кай даже ако нана ухкиел те дел лес, соскето си лескоро амал, ов поради лескири настойчивост ка ухкиел тай ка дел лес кити требел леске.<sup>9</sup>Меда пенав туменге: Мантен, тай ка дел пес туменге; роден, тай ка аракен; хлопинен, тай ка пуртеллес туменге.<sup>10</sup>Соскето всекой, ковато мангел, получинел; ковато родел, аракел; тай калкеске, ковато хлопинел, ка пуртеллес.<sup>11</sup>Тай кова си давка дад машкар туменде, ковато, ако мангел леске лескоро чо маро, ка дел лес бар? Или, ако мангел леске мачо, наместо мачо, ка дел лес сап?<sup>12</sup>Или, ако мангел аро, ка дел лес скоприони?<sup>13</sup>Тай чука, ако туме, колато синиен каниле, жанен те ден блага тумаре чадовиен, кити по бут о Небесно Отеци ка дел о Свято Духос колкен, колато мангел Лестар!<sup>14</sup>Иеквар Ов гонинелас иеке лалоре бесос; тай като иклило о бесос, о лалоре захоратингяс, тай о народос почудисало.<sup>15</sup>А десаве лендар пенде: Чрез о началники е бесовиенгоро, о Веелзвул, гонинел е бесовиен.<sup>16</sup>А авер, като изпитвиненас Лес, мангеленас Лестар знамение таро небес.<sup>17</sup>Но Ов, като жанелас ленгере помислес, пенгяс ленге: Всеко тагарипе, разделиме против песте, запустинел, тай кер, разделиме против песте\*, перел.<sup>18</sup>Чука също, ако о Сатана разделинел пес против песте, сар ка устоинел лескоро тагарипе? Понеже пенен, кай гонинав е

бесовиен чрез Веелзевул,<sup>19</sup>тай ако Ме чрез о Веелзевул гонинав е бесовиен, тумаре последователя чрез касте гонинен лен? Далкеске он ка овен туменге съдиес.<sup>20</sup> Но ако Ме е Девлескере наеса гонинав е бесовиен, ов о Божие тагарипе ресло жи туменде.<sup>21</sup> Като о сильно въоражиме мануш пазинел по дворос, лескоро имоти си андо безопасност.<sup>22</sup> Но като иек по-сильно лестар нападнител тай надвинел, лел лескоро саворо оръжие, колесте надявинелас пес, тай разделинел со грабинел лестар.<sup>23</sup> Ковато нанай Манца, против Манде си; тай ковато нана кидел заедно Манца, ов разпилинел.<sup>24</sup> Като о нечисто духос иклол таро мануш, ов накел таро тана би паниескоро тай родел спокойствие; тай като нана аракел, пенел: Ка иринаман ме кересте, катар иклильюм.<sup>25</sup> Тай като авел, аракел лес шулавдо тай наредиме.<sup>26</sup> Тогава жал тай лел песа ефта авер духовя, по зла лестар, тай като ден, живинен оте тай о последно състояние колке манушескоро ачол по канило таро първо.<sup>27</sup> Като хоратинелас давка, иек ромни таро множество силноне гласоса пенгяс Леске: Блажено и утроба, която пирагис Тут, тай о гърди колато сучингян.<sup>28</sup> А Ов пенгяс: По-лачес пен: Блажена колка, колато шунен о Божие слово тай пазинен лес.<sup>29</sup> А като о народос киделас пес около Лесте, почингяс те пенел: Кавка поколение си нечестиво поколение; мангел знамение, но авер знамение нанай те дел пес леске, освен о знамение е пророкиескоро о Йона.<sup>30</sup> Сокето, карто о Йона ачило знамение е ниневийциенге, чука о Човешко Чаво ка овел калке поколениеске.<sup>31</sup> И южно царица ка явинел пес ко съдос е манушенца калке поколениестар тай ка осъдинел лен, сокето али таро крайща е пувякере те шунел и Соломоново мъдрост; а аке, ате иси по бут таро Соломон.<sup>32</sup> О ниневийска мруша каа явинен пес ко съдос калке поколениеска тай ка осъдинен лес, сокето покаясале чрез и Йоново проповед; а аке, ате иси по бут таро Йона.<sup>33</sup> Никой, като тарел светилос, нана товел лес андо зимники, нито телал и шиника, но ко светилники, за те дикен и светлина колка, колато ден.<sup>34</sup> О светилос те телоскоро си тери як. Като ти як си здраво, ов то цело телос си осветиме; а като си болнаво, то телос да си андо мраки.<sup>35</sup> Далкеске, внимавине да не би и светлина анде туте те овел тъмнина.<sup>36</sup> Ако о цела торо телос овел осветиме, без те овел лес тъмно част, ов цело ка овел осветиме, карто като о светилос осветинел тут пе сияниеса.<sup>37</sup> Като хоратинелас, иек фарисеи поканингяс Лес те обедвинел лесте; тай Ов диняс тай бешло ки софра.<sup>38</sup> А о фарисеи почудингяс пес, като диклас, кай Ов нана товгяс пес първо англал о обеди.<sup>39</sup> Тай о Дел пенгяс леске: Акан туме, о фарисея, чистинен о авруно е чашакоро тай е паницакоро; а тумаро андруниле си пердо грабежиенца тай нечестиеса.<sup>40</sup> Несмислен! Кавка, Ковато кергяс о авруно, нана кергяс ли о андрунода?<sup>41</sup> По-лачес чистинен о андруно; тай аке, всичко ка овел туменге шужо.<sup>42</sup> Но горко туменге, фарисея, сокето ден десятъки таро джожени, таро седефчес тай таро всекакво зеленчуки, а пренебрегвинен о правосъдие тай и Божия любов. Давка требаше те керен, а ковка да тена пренебрегвинен.<sup>43</sup> Горко туменге, фарисея! Сокето дехен о първа столовя андо синагогес тай о поздравия ко пазария.<sup>44</sup> Горко туменге! Сокето синиен сар миморя, колато на личинен, чука че о мануша, колато пирен ленде, нана жанен.<sup>45</sup> Тай иек таро законикия в отговор пенгяс Леске: Учителю, като пенес давка, аменда коринес.<sup>46</sup> А Ов пенгяс: Горко туменгеда, законикия, сокето товаринен е манушен бремеса, колато паресте пиравен пес; а коркоре туме нито иеке наеса нана допиринен тумен жи ко бремена.<sup>47</sup> Горко туменге! Сокето градинен о гробницес е пророкиенгере, а тумаре дада избинде лен.<sup>48</sup> Тай чука, туме свидетелствинен е деловиенге тумаре даденгеренге тай съгласинен тумен ленца; сокето он избинде лен, а туме градинен ленгере гробницес.<sup>49</sup> Далкеске и Божия премъдрост пенгяс: Ка бичалав ленге пророкия тай апостола, тай икен лендар ка мударен тай гонинен;<sup>50</sup> за те изискинел пес калке поколениестар о рат саворе пророкиенгоро, ковато си проливиме таро създаване е светоскоро -<sup>51</sup>таро рат е Авелеске жи ко рат на Захария, ковато загинингяс машкар о олтари тай о светилище. Ба! Пенав туменге, ка изискинел пес калке поколениестар.<sup>52</sup> Горко туменге, законикия! Сокето отнемингиен о ключос е знаниескоро; коркоре туме нана диниен, тай калкенге кате ден попречингиен.<sup>53</sup> Тай като иклило отар, о книжникия тай о фарисея почнинде яростно те преследвинен Лес тай те предизвикинен Лес те хоратинел за още буте букиенге,<sup>54</sup> като дебниненас Лес, за те уличинен Лес варесоске Лескере думендар.

## Chapter 12

<sup>1</sup>Машкар далкесте, като кидисало иек бутхиядно множествос, дики, кай иек аврес тъпчиненас пес, Ов почингяс те хоратинел Пе ученикиене: Англал всичконасте пазинен тумен таро фарисейско кваси, ковато си лицемерно.  
<sup>2</sup>Нанай нищо покрито, ковато нанай те открингъол, тай тайно, ковато нанай те ахалол пес.<sup>3</sup> Далкеске, ковато хоратингиен на тъмно, ка шунел пес ко светло; тай со пенгиен канесте андо андруне стаес, ка прогласинел пес таро покриви.<sup>4</sup> А туменге, Мере амала, пенав: Ма даран калкендар, колато мударен о телос тай палал далкесте нанащи нищо по бут те керен.<sup>5</sup> Но ка предупрединав тумен кастар те даран: Даран Колкестар, Ковато, след като мударгяс, иси лес власт те чивел андо пъкали. Ба! Пенав туменге, Лестар те даран.<sup>6</sup> Нана бикнен ли пес панч чирикле дуие асариенге? Тай ни иек лендар нанай бистердо таро Дел.<sup>7</sup> Но туменге о бала ко шеро си саворе генде. Ма даран; туме синиен бут по-скъпъ таро чирикле.<sup>8</sup> Тай пенав туменге: Секой, който изповединел Ман англал о мануша, ка изповединел лес о Човешко Чаво англал о Божия ангела;<sup>9</sup> но ако отречинел пес декой Мандар англал о мануша, ка овел отречиме англал о Божия ангела.<sup>10</sup> Тай всеконес, ковато ка пенел дума против о Човешко Чаво, ка простиинел пес леске; но ако декой похулинел е Святое Духос, нанай те простиинел пес леске.  
<sup>11</sup>Тай като ингален тумен андо синагогес тай англал о началства тай властя, ма беспокойнен тумен сар или со ка отговоринен, или со ка пенен.<sup>12</sup> Сокето о Свято Духос ка сикавел тумен ко също сахати со требе те пенен.<sup>13</sup> Тай

декой таро множествос пенгяс Леске: Учителю, пен ме пралеске те разделинел манца о наследство.<sup>14</sup> А Ов пенгяс леске: Човече, кой поставингяс Ман машкар туменде те съдинав или те делинав?<sup>15</sup> Тай пенгяс ленге: Внимавинен тай пазинен тумен всеконе користолюбиестар; сокето о животос е манушескоро нана съсоинел пес таро изобилие лескере имотиескоро.<sup>16</sup> Тай пенгяс ленге притча, като пенгяс: О нивес иеке барвалескере биянде бут плоди.<sup>17</sup> Тай ов размишлинелас анде песте: Со те керав, сокето нанай ман кате те кидав ме плодове?<sup>18</sup> Тай пенгяс- Аке со ка керав: Ка перавав ме житницес тай ка строинав по-баре, тай оте ка кидав ме саворе жита тай ме блага.<sup>19</sup> Тай ка пенав ме душаке: Душо, иси тут бут блага, натрупиме буте брешенге; успокойне тут, ха, пи, веселине тут.<sup>20</sup> А о Дел пенгяс леске: Глупецо! Кайка рат ка изисквинен ти душа; а кавка, ковато приготвиян, каскоро ка овел?<sup>21</sup> Чука ачол калкеса, ковато кидел имоти песке, тай нана барвалол андо Дел.<sup>22</sup> Пенгяс още Пе ученикиене: Далкеске пенав туменге, ма безпокойнен тумен тумаре животоске, со ка хан, нито те телоске, со ка уриен.<sup>23</sup> Сокето о животос си по бут таро хабе, тай о телос - таро облекло.<sup>24</sup> Раздикен е вранен, кай на сеинен, нито жънинен; лен нанай нито съкровищница, нито житница, но пак о Дел парварел лен. Кити по-скъпъ синиен туме таро птицес!<sup>25</sup> Тай кой тумендар ащи гриженца те прибавинел иек лакъти карик пе ръстиесте?<sup>26</sup> Тай чука, ако о най-цикно варесо нанащи керен, соке безпокойнен тумен авреске?<sup>27</sup> Раздикен о кремовия сар барион; нана трудинен пес, нито прединен; но пенав туменге, кай дори о Соломон анде саворе пере славате нана уриелас пес сар иек лендар.<sup>28</sup> Тай ако о Дел чука урявел и полско чар, която авдиес иси ла, а тася чивен ла анди пещ, кити по бут ка урявел тумен, маловерция!<sup>29</sup> Тай чука, ма роден со те хан тай со те пиен, тай тена овен тумен съмнения ан тумаре гогиенде;<sup>30</sup> сокето всичко давка роден о езичниция ко светос; а тумаро Отеци жанел, кай нуждаинен тумен далkestар.<sup>31</sup> Но роден о Божие тагарипе тай всичко давка ка прибавинел пес туменге.<sup>32</sup> Ма дара, цикно стадос, сокето тумаро Отеци благоволингяс те дел тумен о тагарипе.<sup>33</sup> Бикнен тумаро имоти тай ден милостиния; керен туменге кесиес, колато нана овехтинен, неизчерпаемо съкровищес ко небеса, кате чор нана приближинел пес, тай ковато молеци нана хал.<sup>34</sup> Сокето кате си тумаро съкровищес, оте ка овел тумаро сърцес.<sup>35</sup> Тумаро думо те овел препасиме тай тумаре светилникия тарде;<sup>36</sup> тай овен коркоре туме прилична манушенге, колато жарен пе господариес те иринел пес биавестар, за те путрен леске незабавно, щом авел тай похлопинел.<sup>37</sup> Блажена колка слуги, каскоро господари аракел лен жангала, като авел песке; истина пенав туменге, кай ка препасинел пес, ка традел лен те бешен ки софра тай ка авел те прислужвинел ленге.<sup>38</sup> Тай ако авел ки второ стража, или ки трето стража, тай аракел лен чука, блажена си колка слуги.<sup>39</sup> Но давка те жанен, кай ако о стопани е керескоро жанелас анде коле сахакиесте ка авел о чор, ка бинел тай нанай те мекел те подкопинен лескоро кер.<sup>40</sup> Овен, тумеда готова; сокето ко сахати, като на мислинен, о Човешко Чаво ка авел.<sup>41</sup> Тогава о Петър пенгяс: Господи, само аменге ли пенес кайка притча, или саворенге?<sup>42</sup> О Дел пенгяс: Тай чука, кова си ковка верно тай благоразумно настойники, колес лескоро господари ка поставинел упраle пе слугенде, те дел лен навреме о определено хабе?<sup>43</sup> Блажено ковка слугас, каскоро господари, като авел песке, аракел лес, кай керел чука.<sup>44</sup> Истина пенав туменге, кай ка поставинел лес упраle пе селоне имотиесте.<sup>45</sup> Но ако ковка слугас пенел ан пе сърцесте: Мо господари забависало, тай почниел те марел е чавен тай е чаинен, те хал, те пиел тай те макярел пес,<sup>46</sup> ов о господари колке слугаскоро ка авел андо дис, като ов на очаквинел лес, тай андо сахати, ковато на жанел, тай като марел лес паресте, ка определинел лескири участ е невернененца.<sup>47</sup> Тай ковка слугас, ковато жанелас и воля пе господариескири, но нана приготвисало, нито постъпингяс ки воля леске, ка овел бут мардо.<sup>48</sup> А ковка, ковато нана жанелас тай кергяс варесо, ковато заслужинел мариба, хари ка овел мардо. Тай секас, колес си бут дадено, бут ка изисквинел; тай каске бут повериинде, лестар по бут ка изисквинен.<sup>49</sup> Ят алом те чивав ки пув; тай со по бут те мангав, ако вече табили?<sup>50</sup> Но иси ман кръщение, колеса требе те кръстинаман; тай кити измъчинав ман, жи кай извършигиол!<sup>51</sup> Мислинен ли, кай алом те дав мири ки пув? Нака, пенав туменге, но по-скоро раздяла.<sup>52</sup> Сокето от акана наоте панч иеке кересте ка овен разделиме, трин против дуиенде, тай дуй против триненде.<sup>53</sup> Ка разделинен пес дад против о чаво тай чаво против пе дадесте; дай против и чай, тай чай против и дай; сасуй против и бори, тай бори против и сасуй.<sup>54</sup> Пенелас още е народоске: Като дикен облаки те взадел пес таро запад, веднага пенен: Бришим ка дел, тай чука ачол.<sup>55</sup> Тай като пудел южно балвал, пенен: Ка ачол жега, тай ачол.<sup>56</sup> Лищемерция! О муй е пувякоро тай е небескоро жанен те разтълкувинен, а кавка времес сар нана жанен те разтълкувинен?<sup>57</sup> А соке тумендар нана съдинен со си право?<sup>58</sup> Сокето, като жас те противнициесте те явинес тут англал о управители, постараине тут ко дром те помиринес тут леса, тена завлечинел тут ко съдияс тай о съдияс те предел тут ко служители, тай о служители те чивел тут анди тъмница.<sup>59</sup> Пенав туке, нисар нанай те иклос отар, жи кай нана изплатинес о най-последно петачес.

## Chapter 13

<sup>1</sup>Андо също времес присъствиненас десаве, колато известинде е Исусеске за е галилеянтиенге, каскоро рат о Пилат смесингяс ленгере жертвенца.<sup>2</sup>Тай Ов в отговор пенгяс ленге: Мислинен ли, кай калка галилеяния уле най-грешна саворе галилеиендар, понеже пострадинде чука?<sup>3</sup>Пенав туменге: Не; но ако нана покайнен тумен, саворе чука ка загининен.<sup>4</sup>Или мислинен ли, кай колка дешуюхто жене, упраle коленде пели и Силоамско кула тай мударгяс лен, уле престъпниция по бут саворе манушендар, колато живинен андо Ерусалим?<sup>5</sup>Пенав туменге: Не; но ако нана покайнен тумен, саворе чука ка загининен.<sup>6</sup>Пенгяс кайка притча: Десаво сине лес андо

лозес садиме смокиния; тай ало те родел плоди лате, ама нана араклас.<sup>7</sup> Тай пенгяс е лозариеске: Аке, трин бреш сар авав те родев плоди калке смокиняте, ама на аракав; отсечине ла; соске те изтощител и пув?<sup>8</sup> А ов в отговор пенгяс леске: Господарю, мук ла кавка нилай да, жи кай храндав около лате тай насишинав тори;<sup>9</sup> тай ако палал далкесте дел плоди, лачес, но ако не, ка отсечинес ла.<sup>10</sup> Тай иек събота Ов поучинелас анде иеке синагогате.<sup>11</sup> Тай аке иек ромни, колато сине духос, ковато причининелас лаке немощя от дешуохто бреш; ои сине сгърбиме тай нащине нисар те изправинел пес.<sup>12</sup> А о Иисус, като диклас ла, викингяс ла тай пенгяс лаке: Ромние, освободиме синян те немощятар.<sup>13</sup> Тай положингяс васта лате; тай ко сахати ои изправисали, тай славинелас е Девлес.<sup>14</sup> А о началники е синагогакоро, като негодувинелас, далкеске кай о Иисус анди събота изцелингяс ла, захоратингяс, тай пенгяс е народоске: Иси шов диес, анде коленде требе те керел пес бути; анде ленде авен тай лекувинен тумен, а ма ко съботно диес.<sup>15</sup> Но о Дел в отговор пенгяс леске: Лищемерция! Анди събота нана отвържинел ли секо иек тумендар по воли или о осели таро яслес тай ингалел лес, тай напоинел лес?<sup>16</sup> А кайка Авраамово чаи, колато о Сатана икерелас панли цела дешуохто бреша, на требваше ли те овел освободиме калке връзкатар андо съботно диес?<sup>17</sup> Тай като пенгяс давка, Лескере саворе противниния лажаниле тай о цело народос лошанелас саворе славноне деловиенге, колато вършиненас пес Лестар.<sup>18</sup> Тай пенгяс: Состе препел о Божие тагарипе тай состе те уподобинав лес?<sup>19</sup> Препел синаповоне зърносте, ковато мануш лилас тай посейнгяс пе градинате; тай ов бариолас тай ачило каш, тай о небесна птицес подслониненас пес ко клончета леске.<sup>20</sup> Тай пак пенгяс: Состе те уподобинав о Божие тагарипе?<sup>21</sup> Препел квасосте, ковато иек ромни лилас тай замесингяс трине меренде брашно, жи кай втасингяс саворо.<sup>22</sup> Тай Пе дроместе за Ерусалим накелас презал о градовя тай презал о гава тай поучинелас.<sup>23</sup> Тай декой си пенгяс Леске: Господи, малцина ли спасинен пес? А Ов пенгяс ленге:<sup>24</sup> Дикен те ден таро тесно вудар; соскето пенав туменге, мнозина ка стараинен пес те ден, тай нанай те ащи.<sup>25</sup> След като ухкиел о домакини тай пандел о вудар, а туме, ачилен аври, почнинен те хлопинен ко вудар тай пенен: Господи, путер; а Ов в отговор пенел туменге: Нана жанав тумен катар синиен,<sup>26</sup> тогава ка почнинен те пенен: халам тай пилам англал Туте, тай амаре улиценде поучинесас.<sup>27</sup> А Ов ка пенел: Пенав туменге, нана жанав катар синиен; жан туменге Мандар саворе туме, колато вършинен неправда.<sup>28</sup> Оте ка овел роиба тай скърциба данденца, като ка дикен е Авраамес, Исаак, Яков тай саворе пророкия андо Божие тагарипе, а тумен-изгъдиме аври.<sup>29</sup> Тай ка авен таро изток тай запад, таро север тай юг, тай ка бешен андо Божие тагарипе.<sup>30</sup> Тай аке, иси последна, колато ка овен първа, тай иси първа, колато ка овен последна.<sup>31</sup> Андо също сахати але десаве фарисея, колато пенде Леске: Икли таай жа тухе атар, соскето о Ирод мангел те мударел Тут.<sup>32</sup> Тай пенгяс ленге: Жан, пенен калке лисицаке: Аке, гонинав бесовиен тай изцелинав авдиец тай тася, тай ко трето диес свършина.<sup>33</sup> Обаче требе авдиец тай тася, тай потася те пътувинав; соскето нанай възможно пророки те загинел аври таро Ерусалим.<sup>34</sup> Ерусалиме! Ерусалиме! Ту, ковато избинес е пророкиен тай баренца мударес е бичалден жи туте, кити дром манглом те кидав тере чадовиен, сарто и кокошка прибиришел пе пилциен телал пе криленде, но на манглен!<sup>35</sup> Аке, тумаро кер мукел пес туменге пусто; тай пенав туменге, нанай те дикен Ман, жи кай на пенен: Благословиме, Ковато авел андо Господно алав.

## Chapter 14

<sup>1</sup>Иек събота, като диняс те хал маро андо кер иекеске таро фарисейска началниция, он наблюдавиненас Лес.<sup>2</sup> Тай аке, англал Лесте сине десаво мануш, наставо от воднянка.<sup>3</sup> Тай о Иисус, захоратингяс е законикиенге тай е фарисеиенге, пенгяс: Позволено ли си те целинел декой анди събота, или нака?<sup>4</sup> А он траниенас. Тай Ов, като долгяс е манушес, изцелингяс лес тай муклас лес.<sup>5</sup> Тай пенгяс ленге: Ако перелас о осели или о воли декаске тумендар андо кладенеци, нанаяс ли ов ко сахати те извлечинел лес андо съботно диес?<sup>6</sup> Тай нащине отговоринен далкесте.<sup>7</sup> Тай като забележинел сар о поканиме избириренас о първа столова, пенгяс ленге притча:<sup>8</sup> Като поканинел тут декой биявесте, ма беш ко първо столос, тена уло каниме десаво по-почетиме тутар,<sup>9</sup> тай те авел кавка, ковато поканингяс тут да лес да, тай пенел тухе: Отстъпине кавка тан калке манушеске; тай тогава ка почнинес лажаса те заеминес о последно тан.<sup>10</sup> Но като поканинен тут, жа тай беш ко последно тан, тай като ка авел кавка, ковато поканингяс тут, те пенел тухе: Амала, нак по-упре. Тогава ка овел тут почит англал саворенде калкенде, колато бешен туса ки софра.<sup>11</sup> Соскето всекой, ковато възвишениел пес, ка смиринел пес, а ковато смиринел пес, ка възвисинел пес.<sup>12</sup> Пенгяс калкескеда, ковато поканингясас Лес: Като дес обеди или вечеря, ма канине те амален, ни те прален, ни те енданиен, нито барвале компшиден, тена поканинен тут онда, тай те овел тухе отплатиме.<sup>13</sup> Но като дес угощение, поканине сиромасиен, недъгава, куща, коре;<sup>14</sup> тай ка овес блажено, соскето, понеже лен нанай соса те отплатинен тухе, ка овел тухе отплатиме андо възкресение е праведнененгоро.<sup>15</sup> Тай като шунгяс давка иек таро бешле Леса, пенгяс леске: Блажено ковка, ковато ка хал маро андо Божие тагарипе.<sup>16</sup> А Ов пенгяс леске: Десаво си мануш диняс бари вечеря тай канингяс мнозина.<sup>17</sup> Тай андо сахати е вечеряке бичалгяс пе слугас те пенел е поканименте: Елан, понеже всичко си вече готово.<sup>18</sup> А он саворе почнинде единодушно те извининен пес. О първо пенгяс леске: Кингиом манге нива тай требе те иклав те дикав ла; молинав тут, считине ман за извинено.<sup>19</sup> Авер пенгяс: Кингиом манге панч цифтя воловия тай жав те опитинав лен; молинав тут, считине ман за извинено.<sup>20</sup> А авер пенгяс: прандесалом, далкеске нанащи авав.<sup>21</sup> Тай о слугас ало тай пенгяс давка пе господариеске. Тогава о стопани, разгневиме, пенгяс пе слугаске: Икли скоро ко

градска улицес тай пътекес, тай ан ате е сиромасиен, недъгавонен, корен тай куцонен.<sup>22</sup> Тай о слугас пенгяс: Господарю, со заповедингян, ачило, тай още тан иси.<sup>23</sup> Тай о господари пенгяс е слугаске: Икли ко дрома тай ко оградес, тай кити аракес, убедине лен те ден, за те периол мо кер,<sup>24</sup> сокето пенав туменге, кай никой колке манушендар, колато уле поканиме, нанай те вкусинел ме вечерятар.<sup>25</sup> А баре множества пиренас заедно Леса; тай Ов ирисало, тай пенгяс ленге:<sup>26</sup> Ако авел декой пащ Манде тай нана намразинел пе дадес, пе дая, пе ромня, пе чадовиен, пе прален тай пе пениен, а още по собствено животос, нанащи овел Моро ученици.<sup>27</sup> Който на пиравел поро кръстос тай на пирел палал Манде, нанащи овел Моро ученици.<sup>28</sup> Сокето, кова тумендар, като мангел те съградинел кула, нана бешел първо те пресметнинел о разносес, дали ка овел соса те доикалел ла?<sup>29</sup> Тена, като положинел основа, а нанащи доикалел, саворе, колато дикен, те почнинен те асан леске тай те пенен:<sup>30</sup> Кавка мануш почнингяс те градинел, но нанащине доикалел.<sup>31</sup> Или кова тагар, като жал на война мамуял авере тагаресте, нанай те бешел първо те съветвинел пес, ащи ли с дешхиляда те устоинел против калкесте, ковато авел мамуял лесте с бишхиляда?<sup>32</sup> Иначе, жи кай ковка си още дуре, бичалел посланикиен те манген условия мириеске.<sup>33</sup> Тай чука, ако декой тумендар нана отречинел пес всичконастар, со иси лес, нанащи овел Моро ученици.<sup>34</sup> Лачо варесо си о лон, но ако о самото лон обезсолингъол, соса ка подправинел пес?<sup>35</sup> Ои нана струвинел нито е пувяке, нито ториеске; чивен ла аври. Кас иси кана те шунел, нека шунел!

## Chapter 15

<sup>1</sup> А саворе бирникия тай грешникия приближиненас пес пащ Лесте те шунен Лес. <sup>2</sup> А о фарисея тай о книжникия роптайненас, тай пенен: Кавка приеминел грешничен тай хал ленца.<sup>3</sup> Тай Ов пенгяс ленге кайка притча: <sup>4</sup> Кова тумендар, ако иси лес шел овце, тай нашалел пес леске иек лендар, нана мукел деветдесет и девет анди пустиния, тай нана жал палал и нашалди, жи кай аракел ла?<sup>5</sup> Тай като аракел ла, ваздел ла пе пикенде лошало. <sup>6</sup> Тай като авел песке кере, викинел пе амален тай пе комшиден тай пенел ленге: Лошанен манца, кай аракльом ме нашалде овца. <sup>7</sup> Пенав туменге, кай също чука ка овел по бут лошали ко небес иеке грешниеске, ковато кайнел пес, отколкото за деветдесет и девет праведникия, колен нанай лен нужда таро покаяние.<sup>8</sup> Или коя ромни, иси ла деш драхмес, тай нашалел иек драхма, нана тарел светилос, нана шулавел о кер тай на родел грижливо, жи кай аракел ла?<sup>9</sup> Тай като аракел ла, викинел пе амалиниен тай пе комшийкен тай пенел: Лошанен манца, сокето аракльом и драхма която нашалъомас.<sup>10</sup> Също чука, пенав туменге, иси лошали англал о Божия ангеля иеке грешниеске, ковато кайнел пес.<sup>11</sup> Пенгяс още: Десаво мануш сине лес дуи мруша.<sup>12</sup> Тай о по-цикно лендар пенгяс пе дадеске: Модат, де ман мо дяли, ковато перелпес манге таро имоти. Тай ов разделингяс ленге о имоти.<sup>13</sup> Тай ма палал о хари диеса о по-цикно чаво кидингяс песке всичко тай гело анде дуре ригате, тай оте прахосингяс по имоти пе разпуснене животоса.<sup>14</sup> Тай като пропилингяс всичко, ачили бари бок анде колке ригате; тай ов пело андо лишене.<sup>15</sup> Тай гело, тай присъединисало карик иеке гражданиесте колке ригакоро, ковато бичалгяс лес ко полета пере те пасинел баличен.<sup>16</sup> Тай мангелас те чаларел пес е рожковиенца, колендар ханас о баличе; но никой нана делас лес.<sup>17</sup> А като ало песте, пенгяс: Кити наемникия ме дадескере иси лен излишъки таро маро, а па ме мерав бокатар!<sup>18</sup> Ка ухяв те жав ме дадесте тай ка пенав леске: Модат, съгрешингиом против о небес тай англал тут;<sup>19</sup> нана синиом вече достоине те наречинаман торо чаво; кер ман сар иек те наемникиендар.<sup>20</sup> Тай ухтинило, тай ало пе дадесте. А като сине още дуре, диклас лес лескоро дад, смилисало тай като запрастанило, чивгяс пес ки мен леске, тай чумиделас лес.<sup>21</sup> Пенгяс леске о чаво: Модат, съгрешингиом против о небес тай англал туте; нана синиом вече достоине те наречинаман торо чаво.<sup>22</sup> Но о дад пенгяс пе слугенге: Сиго изнесинен и най-шукар премяна тай урявен лес, тай товен ангрусти ко вас леске тай потиня ко пире леске;<sup>23</sup> анен о угоено телес, тай заколинен лес тай нека те хас тай те веселинас амен;<sup>24</sup> сокето кавка моро чаво сине муло, тай оживингяс, нашалдо уло, тай араклило. Тай почнинде те веселинен пес.<sup>25</sup> А о побаро чаво лескоро сине ки нива; тай като авелас песке тай приближингяс жи ко кер, шунгяс гила тай хоровя.<sup>26</sup> Тай викингяс иекес таро слуги, тай пучлас со си давка.<sup>27</sup> А ов пенгяс леске: То прал ало песке тай то дад заколингяс е угоеноне телес, сокето приемингяс лес здраво.<sup>28</sup> Тай ов холангяс тай нана мангелас те дел; тай лескоро дад иклило, тай молинелас лес.<sup>29</sup> А ов в отговор пенгяс пе дадеске: Аке, дики бреша керав туке бути тай нисар нана престъпнгиом десави тери заповед; но пак манге дори ярес нана динян нисар те повеселинаман ме амаленца;<sup>30</sup> а щом ало песке кавка торо чаво, ковато халас то имоти е блудниценца, за леске заколингян о угоено телес.<sup>31</sup> А ов пенгяс леске: Мочо, ту синян винаги манца тай всичко моро си торо.<sup>32</sup> Но прилично сине те развеселинас амен тай те лошанас, сокето кавка торо прал сине муло, тай оживингяс, нашалдо уло, тай араклило.

## Chapter 16

<sup>1</sup> Пенгяс още пе ученикиенге: Десаво барвало сине лес настойникки, колес клеветинде англал лесте, кай разпилинел лескоро имоти. <sup>2</sup> Тай ов викингяс лес, тай пенгяс леске: Со си давка, ковато шунав за туке? Де сметка те настойничествоске; сокето нанащи вече те овес настойники.<sup>3</sup> Тогава о настойники пенгяс песке: со те керав, като мо господари отнеминел мандар о настойничество? Нанай ман сила те храндав, те просинав лажав.

<sup>4</sup> Диниоман годи со те керав, за те приеминен ман пе керенде, като ка овав отстраниме таро настойничество.<sup>5</sup> Тай

чука, като викингяс саворе дължнициен пе господариескере, пенгяс е първонескe: Кити дължинес ме господариескe? <sup>6</sup>А ов пенгяс: Шел мерес масло. Тай пенгяс леске: Ле то записи тай пеш сиго, тай пишине пинда. <sup>7</sup>После пенгяс аверескe: А ту кити дължинес? Тай ов пенгяс: Шел мерес житос. Пенел леске: Ле то записи тай пишине охтодеш. <sup>8</sup>Тай о господари лескоро похвалингяс е неверноне настойникиес, сокето остроумно постъпингяс; сокето о мануша калке векоскере си по-остроумна спрямо поро поколение таро просветена чрез и виделина. <sup>9</sup>Тай Ме пенав туменге, спечелинен туменге амален посредством неправедно барвалипе, тай, като привършинел пес, те приеминен тумен андо вечна жилища. <sup>10</sup>О верно андо най-хари тай андо бут си верно, а о неверно андо най-хари тай андо бут си неверно. <sup>11</sup>Тай чука, ако андо неправедно барвалипе нана улен верна, кой ка поверишел туменге о истинско барвалипе? <sup>12</sup>Тай ако андо чуждо нана улен верна, кой ка дел тумен тумаро? <sup>13</sup>Нисаво служители нанащи служинел дуие господариенг; сокето или ка намразинел иекес тай околос ка задехел, или ка привържинел пес карик иекесте, а околос ка презиришел. Нанащи служинен е Девлескe тай е мамониескe! <sup>14</sup>А всичко давка шуненас о фарисея, колато сине сребролюбция, тай асанас Леске. <sup>15</sup>Тай пенгяс ленге: Туме синиен, колато покажинен тумен праведна англал о мануша; но о Дел жанел тумаре сърца; сокето ковка, ковато ценинел пес учи машкар о мануша, си мерзост англал о Дел. <sup>16</sup>О закони тай о пророкия сине жи ко Йоан; отговара о Божие тагарипе благовестинел пес тай секой усилиеса дел анде лесте. <sup>17</sup>Но по-лесно си о небес тай и пув те пренакен, отколкото иек точка таро закони те перел. <sup>18</sup>Всекой, ковато напуснинел пе ромня тай пранденел авераке, прелюбодействинел; тай който пранденел напусниненаке роместар, ов прелюбодействинел. <sup>19</sup>Исине десаво барвало, ковато уриелас пес андо мораво тай висони, тай секо диес веселинелас пес бляскаво. <sup>20</sup>Исине иек сиромахи, ко алав Лазар, покрито струпениенца, колес товенас те пашлол англал и порта леске, <sup>21</sup>като мангелас те парварел пес таро пело тари софра е барвалескe; а о риконе авенас, тай лижиненас лескере ранес. <sup>22</sup>Тай о сиромахи муло; тай о ангеля ингалде лес андо Авраамово лоно. Муло о барвало да, тай уло пароме. <sup>23</sup>Тай андо ади, като сине ко мъкес тай ваздингяс яка, диклас удурал е Авраамес, тай е Лазарес анде лескере обятиенде. <sup>24</sup>Тай ов пицингяс, тай пенгяс: Отче Аврааме, смилине тут упран манде тай бичал е Лазарес те топинел о крайос пе наиескоро андо пани тай те разхладинел ми чиб, сокето синъм ко мъкес анде калке пламакиесте. <sup>25</sup>Но о Авраам пенгяс: Мочо, спомнине туке, кай ту получинян тере блага приживе, а о Лазар - о каннилие; но акана ов ате утешинел пес, а ту мъчинес тут. <sup>26</sup>Тай освен всичко давка, машкар аменде тай туменде си утвърдиме бари бездно, чука че колка, колато ка манген те накен атар карик туменде, тенащи, нито па отар те пренакен карик аменде. <sup>27</sup>А ов пенгяс: Като си чука, молинав тут, отче, те бичалес лес ме бащиноне кересте; <sup>28</sup>сокето иси ман панч прала, за те предупрединел лен, тена авен он да калке мъчителноне танесте. <sup>29</sup>Но о Авраам пенгяс: Иси лен о Мойсей тай о пророкия; нека шунен лен. <sup>30</sup>А ов пенгяс: Ма, отче Аврааме, но ако жал ленде декой таро муле, ка покайнен пес. <sup>31</sup>Тай ов пенгяс леске: Ако нана шунен е Мойсейес тай е пророкиен, ов таро муледа те възкръснинел декой, пак нанай те убединен пес.

## Chapter 17

<sup>1</sup>Тай пенгяс Пе ученикиенг: Нанай възможно тена авен о съблазнес; но горко коленде авен! <sup>2</sup>Полачес ка овел леске те окачинел пес иек баро воденично бар лескере меняте тай те овел чивдо андо морес, а ма те съблазнинел иек калкендар таро цикне. <sup>3</sup>Внимавинен туменге. Ако прегрешинал то прал, смъмрине лес; тай ако покайнел пес, простиине леске. <sup>4</sup>Тай ефта дром андо диес ако съгрешинал против туте, тай ефта дром иринел пес карик туте тай пенел: Покайнаман, простиине леске. <sup>5</sup>Тай о апостола пенде е Девлескe: Приде аменге вяра. <sup>6</sup>А о Дел пенгяс: Ако иси тумен вяра, кити синапово зърнос, ка пененас калке черницаке: Изкоренине тут тай насадине тут андо морес, тай ка шунел тумен. <sup>7</sup>А кова тумендар, ако иси лес слуга те оринел леске или те пасинел леске, ка пенел леске веднага, щом авел песке тари нива: Де те хас? <sup>8</sup>Напротив, нанай ли те пенел леске: Пригответине варесо те вечеринав, стегин тут, тай пошетине мантг, жи кай хав тай пияв, тай палал далkestе ту ка хас тай ка пиес? <sup>9</sup>Нима ка благодаринел пе слугаске, кай кергяс со уло заповедиме? На верувинав. <sup>10</sup>Също чука тумеда, като керен всичко, ковато си туменге заповедиме, пенен: Аме синям безполезна слуги; кергям само давка, ковато улам дължна те керас. <sup>11</sup>Тай андо Поро пътуване карик о Ерусалим Ов накелас и граница машкар и Самария тай Галилея. <sup>12</sup>Тай като делас иеке гавесте, ресле Лес деш прокажена, колато, като спиринде дурал, <sup>13</sup>пищинде силноне гласоса, тай пенде: Исусе Наставниче, смилине тут упран аменде! <sup>14</sup>Тай като диклас лен, пенгяс ленге: Жан, покажинен тумен е свещеникиенг. Тай като жанас, очистисале. <sup>15</sup>Тай иек лендар, като диклас, кай си изцелиме, ирисало тай силноне гласоса славинелас е Девлес, <sup>16</sup>тай пело мосте ко пире е Исусескe, тай благодаринелас Леске. Тай ов сине самарияни. <sup>17</sup>А о Исус в отговор пенгяс леске: Нана очистисале ли деш? А кате си окола еня? <sup>18</sup>Нана араклиле ли авер те иринен пес тай те възден слава е Девлескe, освен кавка другоплеменици? <sup>19</sup>Тай пенгяс леске: Ухти тай жа туке; тери вяра изцелингяс тут. <sup>20</sup>А о Исус, пучло таро фарисея кана ка авел о Божие тагарипе, в отговор пенгяс ленге: О Божие тагарипе нана авел чука, кай те забележинел пес; <sup>21</sup>нито ка пенен: Аке ате си! Или: Оте си! Сокето, аке о Божие тагарипе си андре анде туменде. <sup>22</sup>Тай пенгяс е ученикиенг: Ка авен диеса, като ка манген те дикен поне иек таро диеса е Човешконе Чавескере, тай нанай те дикен. <sup>23</sup>Тай като пенен туменг: Аке, оте си! Или: Аке, ате си! Тена жан, нито те прастан палал ленде. <sup>24</sup>Сокето, карто и светкавица, като блеснинел таро иек крайос е хоризонтиескоро, светинел жи околе крайосте е

хоризонтиескоро, чука ка овел о Човешко Чаво анде Пере диесесте.<sup>25</sup> Но първо Ов требе те пострадинел бут тай те овел отхвърлиме калке поколениесар.<sup>26</sup> Тай сарто ачило андо Ноева диеса, чука ка овел андо диеса е Човешконе Чавеске;<sup>27</sup> ханас, пиенас, прандененас жи ко диес, като о Ной диняс андо ковчеги, тай ало о потопи, тай погубингяс лен саворен.<sup>28</sup> Чука също, сарто ачило андо Лотова диеса; ханас, пиенас, киненас, бикненас, садиненас тай градиненас,<sup>29</sup> а андо диес, като о Лот иклило таро Содом, ят тай сяра навалинде таро небес тай погубинде лен саворен;<sup>30</sup> подобно калкесте ка овел андо диес, като о Човешко Чаво ка явинеллес.<sup>31</sup> Андо ковка диес, ковато аракльол ко покриви пе кереске, ако лескере вещя си кере, тена ухлел те лел лен; също ковато си ки нива, тена иринел пес напапале.<sup>32</sup> Помнинен е Лотиескере ромня.<sup>33</sup> Който мангел те спечелинел по животос, ка нашалел лес; а който нашалел лес, ка опазинел лес.<sup>34</sup> Пенав туменге, анде колке ракяте дуи ка овен иеке леглосте; иек ка лел пес, а окова ка мукел пес.<sup>35</sup> Дуй жувля ка мелинен заедно; иек ка лел пес, а окоя ка мукел пес.<sup>36</sup> Дуй ка овен ки нива; иек ка лел пес, а окова ка мукел пес.<sup>37</sup> Отговоринен леске, тай пенен: Кате, Девла? А Ов пенгяс ленге: Кате си о трупос, оте ка киден пес о орела.

## Chapter 18

<sup>1</sup>Пенгяс ленге иек притча далкеске сар требва всякога те молинен пес тай тена перен духом, тай пенгяс: <sup>2</sup>Анде десаве градосте исине иек съдияс, ковато таро Дел нана даралас тай е манушес на зачитинелас.<sup>3</sup> Андо също градос исине иек вдовица, която авелас лесте тай пенелас леске: Отде манге право спремо мо противники.<sup>4</sup> Но ов за известно време нана мангелас. А после пенгяс песке: При все, кай таро Дел нана дарав тай е манушес нана зачитинав,<sup>5</sup> пак, понеже кайка вдовица досадинел мангел, ка отдав лакоро право, тена изморинел ман пе безкрайно дохожданиеса.<sup>6</sup> Тай о Дел пенгяс: Шунен со пенгяс о неправедно съдияс! <sup>7</sup>Тай о Дел ли нанай те отдел о право Пере избраноненге, колато пищинен карик Лесте о диес тай ират, те бавинелда пес спрямо ленде?<sup>8</sup> Пенав туменге, кай ка отдел ленгоро право сиго. Обаче, като ка авел, о Човешко Чаво ка аракел ли вяра ки пув?<sup>9</sup> Тай декаске, колато уповиненас пес песте, кай си праведна, тай презириненас околен, пенгяс кайка притча:<sup>10</sup> Дуй жене дине андо храми те молинен пес, о иек фарисей, а окова бирники.<sup>11</sup> О фарисей, като изправисало, молинелас пес анде песте чука: Боже, благодаринаман Туке, кай нана синъом сар около манушенде, грабителя, неправедна, прелюбодеяция тай особено ма сар калке бирникисте.<sup>12</sup> Постибав дваж андо курко, дав десятъки всичконастар, ковато придобинав.<sup>13</sup> А о бирники, като бешелас дуре, нана мангелас дори пе яка те ваздел карик о небес, но чалевелас пес ан пе колиниесте тай пенелас: Боже, ов милостиво карик манде, о грешници.<sup>14</sup> Пенав туменге, кай кавка ухлило пе кересте оправдано, а ма ковка; соскето всекой, ковато възвишинел пес, ка смиринал пес, а ковато смиринал пес, ка възвисинел пес.<sup>15</sup> Анде още паш Лесте пе младенциен, за те докоснинел пес жи ленде; а о ученикия, като дикле, смъртинде лен.<sup>16</sup> Но о Иисус викингяс лен тай пенгяс: Муken е чавен те авен паш Манде тай ма спиринен лен; соскето салкенгоро си о Божие тагарипе.<sup>17</sup> Истина пенав туменге: който нана приеминел сар чаво о Божие тагарипе, ов нисар нанай те дел анде лесте.<sup>18</sup> Тай десаво си началники пучлас Лес, тай пенгяс: Благи Учителю, со те керав, за те наслединав вечно животос?<sup>19</sup> А о Иисус пенгяс леске: Соске наречинес Ман благо? Никой нанай благо, освен иек Дел.<sup>20</sup> Жанес о заповедя: " Ма прелюбодеяйсвие"; " Ма мудар"; " Ма чор"; " Ма лъжесвидетелствиене"; " Почитине те дадес тай те дая";<sup>21</sup> А ов пенгяс: Всичко давка пазингъм от тернярла.<sup>22</sup> О Иисус, като шунгяс лес, пенгяс леске: Иек още нана ресел туке. Бикин всичко со иси тут тай разде е сиромасиенге, тай ка овел тут съкровищес ко небес; ела тай следвине Ман.<sup>23</sup> Но ов, като шунгяс давка, наскърбисало бут, соскето сине бут барвало.<sup>24</sup> Тай о Иисус, като диклас лес, пенгяс: Кити мъчно ка ден андо Божие тагарипе колка, колато иси лен барвалипе!<sup>25</sup> Соскето по-лесно си камила те накел презал о иглена канна, отколкото барвало те дел андо Божие тагарипе.<sup>26</sup> А колка, колао шунде давка, пенде: Тогава кой аши спасинел пес?<sup>27</sup> А Ов пенгяс: О невъзможно е манушенге е Девлеске си възможно.<sup>28</sup> А о Петър пенгяс: Аке, аме муклам амаро тай последвият Гут.<sup>29</sup> А Ов пенгяс ленге: Истина пенав туменге, нанай никой, ковато те муклас кер или ромня, или прален, или родителен, или чадовиен ашал о Божие тагарипе,<sup>30</sup> ковато тена получинел многократно по бут андо сегашно времес, а андо идеющо светос - вечно животос.<sup>31</sup> Тай като лилас е дешдууиен паш Песте, пенгяс ленге: Аке, възлизинас андо Ерусалим тай ка изпълнингиол е Човешконе Чавеске всичко, ковато си пишими чрез о пророкия.<sup>32</sup> Соскето ка овел предиме ко езичникия, колато ка поругайнен пес упрали лесте тай безсръмно ка оскърбинен Лес, тай ка чунгаден Лес,<sup>33</sup> тай като марен Лес, ка мударен Лес; тай ко трето диес ка възкръснинел.<sup>34</sup> Но он нана ахалиле нищо далкестар; тай о смисели далке думакоро уло гаравдо ленге, тай нана ахалонас давка, ковато пенелас пес.<sup>35</sup> А като Ов приближинелас жи ко Ерихон, иек коро бешелас край о дром те просинел.<sup>36</sup> Тай като шунгяс, кай накел народос, пучлас со си давка.<sup>37</sup> Тай пенде леске, кай о Иисус о Назарияни накел.<sup>38</sup> Тогава ов пищингяс, тай пенгяс: Иисусе, Чаво Давидово, смилине тут упрали манде!<sup>39</sup> А калка, колато пиренас англал, смъртинде лес, за те траниел; но ов още по бут пищинелас: Чаво Давидово, смилине тут упрали манде!<sup>40</sup> Тай чука, о Иисус спирингяс тай заповедингяс те анен лес Леске. Тай като приближисало, пучлас лес:<sup>41</sup> Со мангес те керав туке? А ов пенгяс: Господи, те задикав.<sup>42</sup> Тай о Иисус пенгяс леске: Дик; тери вяра изцелингяс тут.<sup>43</sup> Тай ов веднага задиклас, тай тръгнингяс палал Лесте, като славинелас е Девлес. Тай саворе люде, като дикле давка, въздине хвала е Девлеске.

## Chapter 19

<sup>1</sup>Палал далкесте о Иисус диняс андо Ерихон тай накелас презал о градос. <sup>2</sup>Тай аке, иек мануш, ко алав Закхей, ковато сине началники е бирнициене тай барвало, <sup>3</sup>мангелас те дикел кова си о Иисус, но нанацине ашал о народос, сокето сине харно. <sup>4</sup>Тай запрастанило нангле, тай качисало иеке черницате, за те дикел Лес; понеже ка накелас презал колке дроместар. <sup>5</sup>О Иисус, като ало калке таnestе, диклас нупре тай пенгяс леске: Закхее, ухли сиго, сокето авдиец требе те престоинав те кересте. <sup>6</sup>Тай ов сигяргяс те ухлел, тай приемингяс Лес лошаласа. <sup>7</sup>Тай като дикле давка, саворе роптаиненас, тай пenen: Пащ грешноне манушесте диняс те бешел. <sup>8</sup>А о Закхей ухтинило тай пенгяс е Девлеске: Господи, аке от акана дав екваш ме имотиестар е сиромасиенге; тай ако десар ограбингъом декас, иринав леске четирикратно. <sup>9</sup>Тай о Иисус пенгяс леске: Авдиец ачило спасение калке кересте; сокето кавкада си Авраамово чаво <sup>10</sup>Понеже о Човешко Чаво ало те родел тай те спасинел о погинало. <sup>11</sup>Тай като шуненас давка, Ов прибавингяс иек притча, сокето сине паше жи ко Ерусалим, тай он мислиненас песке, кай о Божие тагарипе веднага ка явинел пес. <sup>12</sup>Далкеске пенгяс: Десаво благородники гело далечноне ригате те получинел за песке царско власт тай те иринел пес. <sup>13</sup>Тай викингяс дешен пе слугендар, тай диняс лен деш мнаес; тай пенгяс ленге: Търгувинчен далкеса, жи кай авав. <sup>14</sup>Но лескере граждания мразиненас лес тай бичалде палал лесте посланика те пenen: Нана мангас кавка те царувинел упран аменде. <sup>15</sup>А като получингяс и царско власт тай ирисало, заповедингяс те викинен колке слутен, коленге динясас о парес, за те ахалол со припечелинде чрез о търгуване. <sup>16</sup>Ало о първо тай пенгяс: Господарю, тери мнаса спечелингяс деш мнаес. <sup>17</sup>Тай пенгяс леске: Шукар, лачеа слugo! Понеже ко бут хари покажингян тут верно, нека овел тут власт упран деше градовиенде. <sup>18</sup>Ало о второ тай пенгяс: Господарю, тери мнаса принесингяс панч мнаес. <sup>19</sup>А пенгяс лескеда: Ов туда упран пандже градовиенде. <sup>20</sup>Ало авер тай пенгяс: Господарю, аке тери мнаса, която пазинавас скътано анди кърпа; <sup>21</sup>сокето даравас тутар, понеже синян строго мануш; ваздес давка, ковато нана положингян, тай жънинес, ковато нана посеингян. <sup>22</sup>О господари пенгяс леске: Ка съдинав тут те собственоне думенца, зло слугас. Жанесас, кай синиом строго мануш, ваздав давка, ковато нана положингъом, тай жънинав, ковато нана сеингиом; <sup>23</sup>тогава соске нана вложингян ме парес анди банка, тай ме, като ававас манге, ка прибириналас лен е лихваса? <sup>24</sup>Тай пенгяс е присъствицоненге: Лен лестар и мнаса тай ден ла калкесте, колес иси деш мнаес, <sup>25</sup>( Пенде леске: Господарю, лес вече иси деш мнаес!) <sup>26</sup>Пенав туменге, кай всекаске, кас иси, ка дел пес; а калкестар, колес нанай, лестар ка отнеминел пес давкада, ковато си лес. <sup>27</sup>А колка мере неприятеля, колато нана мангенас те царувинав упран ленде, анен лен ате тай посечинен лен англал манде. <sup>28</sup>Тай като пенгяс давка, о Иисус тръгнингяс нангле, като ухлелас за Ерусалим. <sup>29</sup>Тай като приближисало жи Витфагия тай Витания, жи ко хълми наречиме Елеонски, бичалгяс дуиен таро ученикия тай пенгяс ленге. <sup>30</sup>Жан андо гав, ковато си мамуял туменде, анде колесте като ден, ка аракен иеке оселес, панло, колес, нисаво мануш нана възседингяс; путрен лес тай анен лес. <sup>31</sup>Тай ако декой пучел тумен: Соске путрен лес? Пенен чука: Е Девлеске требел. <sup>32</sup>Тай о бичалде геле, тай аракле лес, карто пенгясас ленге. <sup>33</sup>Тай като путерде е оселес, лескере стопания пенде: Соске путрен е оселес? <sup>34</sup>А он пенде: Е Девлеске требел. <sup>35</sup>Тай анде лес жи ко Иисус; тай като наметнинде пе шехя ко осели, качинде е Иисусес. <sup>36</sup>Тай като накелас Ов, о люде бухларенас пе шехя ко дром. <sup>37</sup>Тай като вече наближинелас те превалинел о Елеонско хълми, о цело множествос ученикия починде те лошанен тай велегласно те славинен е Девлес саворе великоне деловиенге, колато диклесас, тай пенде: <sup>38</sup>Благословиме о Тагар, Ковато авел андо Господно алаб; мири ко небес тай слава андо висини! <sup>39</sup>А десаве таро фарисея машкар о народос пенде Леске: Учителю, смъмрине Те ученикиен. <sup>40</sup>Тай Ов в отговор пенгяс: Пенав туменге, кай ако калка траницен, ов о бара ка пищинен. <sup>41</sup>Тай като приближисало тай диклас о градос, туну леске, тай пенгяс: <sup>42</sup>Те жанесас ту, ва! Ту, поне анде калке тере диесете, давка, ковато служинел те мириеске; но понастоящем си гаравдо те якендар. <sup>43</sup>Сокето ка авен упран туте диеса, като тере неприятела ка вазден могила около туте, ка обсадинен тут, ка стеснинен тут отвред, <sup>44</sup>тай ка разоринен тут, тай ка избинен те жителен анде туте, тай нанай те мукен анде туте бар баресте; сокето ту на пенджаргян о времес, като улан посетиме. <sup>45</sup>Тай като диняс андо храми, почнингяс те гонинел колкен, колато бикненас; тай пенелас ленге: <sup>46</sup>Пишими си: " Тай мо кер ка овел молитвено кер", а туме кергиен лес " разбойническо вертепи". <sup>47</sup>Тай поучинелас секо диес андо храми. А о главна свещеникия, о книжникия тай о народна първенци стараиненас пес те погубинен Лес; <sup>48</sup>но нана аракенас со те керен, понеже саворе люде вслушвиненас пес те шунен Лес.

## Chapter 20

<sup>1</sup>Тай андо иек таро диеса, като поучинелас е люден андо храми тай проповединелас о благовестие, але о главна свещеникия тай о книжникия е старейшиненца тай хоратиненас, тай пenen Леске: <sup>2</sup>Пен аменге, саве властяса керес давка? Или кова си Ковка, Ковато диняс Тут каика власт? <sup>3</sup>Тай в отговор пенгяс ленге: Ка задав тумен Меда иек въпроси, тай отговоринен Манг: <sup>4</sup>О Йоаново кръщение таро небес ли сине, или таро мануша? <sup>5</sup>А он разисквиненас машкар песте, тай пенде: Ако пенас: Таро небес, ка пенел: Соске нана верувингиен лес? <sup>6</sup>Но ако пенас: Таро мануша, саворе люде ка мударен амен баренца, сокето си убедена, кай о Йоан сине пророки. <sup>7</sup>Тай отговоринде, кай нана жанен катар сине. <sup>8</sup>Тогава о Иисус пенгяс ленге: Нито Ме пенав туменге саве властяса керав давка. <sup>9</sup>Тай почнингяс те пенел е люденге кайка притча: Иек мануш насадингяс лозес, диняс лес под наем

земеделциенг тай гело андо странство за дълго време.<sup>10</sup> Тай андо време е кидибнаксе бичалгяс иеке слугас ко земеделция, за те ден лес таро плоди е лозеске; но о земеделция марде лес тай бичалде лес чучо.<sup>11</sup> Тай бичалгяс авре слугас; а он лесда марде, срамно оскърбинде лес тай бичалде лес чучо.<sup>12</sup> Бичалгяс третонес; он лесда наранинде тай чивте.<sup>13</sup> Тогава о стопани е лозеско пенгяс: Со те керав? Ка бичалав ме възлюбеноне чавес; ащи лес те почетинен.<sup>14</sup> Но о земеделция, като дикле лес, разисквиненас машкар песте, като пененас: Кавка си о наследники; нека мударас лес, за те ачол о наследство амаро.<sup>15</sup> Тай чивте лес аври таро лозес, тай мудард лес. Тай чука, со ка керел ленге о стопани е лозеско?<sup>16</sup> Ка авел тай ка погубинел калке земеделциен, тай ка дел о лозес авренге. А като шунде давка, пенде: Дано тена овел!<sup>17</sup> А Ов диклас лен тай пенгяс: Тогава со значинел кавка, ковато си пишими: "О бар, ковато отхвърлинде о зидаря, ов ачило шеро е ъгълеско?"<sup>18</sup> Секой, ковато перел упрат калке баресте, ка разбинел пес, а упрат касте перел, ка смажинел лес.<sup>19</sup> Тай ко също сахати о книжниция тай о главна свещеникия мангле те товен васта Лесте, сокето ахалиле, кай пенгяс кайка притча против ленде, но даранас таро люде.<sup>20</sup> Тай като наблюдавиненас Лес, бичалде съгледвачиен, колато преструвиненас пес, кай си праведна, за те уловинен десави Лескири дума, чука че те преден Лес ко началство тай ки власт е управителеске.<sup>21</sup> Тай он пучле Лес, тай пенде: Учителю, жана, кай право хоратинес тай учинес, тай анде Туте нанай лицемерие, но учинес о Божие дром според истина;<sup>22</sup> право ли си аменге те дас данъки е цезариес, или нака?<sup>23</sup> А Ов ахалило о лукавство ленгоро тай пенгяс ленге:<sup>24</sup> Покажинен манге иек динарий. Каскоро образи тай надписи иси? Тай в отговор пенде: Цезарево.<sup>25</sup> А Ов пенгяс: Тогава ден о цесарово е Цесариес, а о Божие е Девлес.<sup>26</sup> Тай нанащине уловинен варесо андо думес англал о люде; тай зачудиме Лескере отговориеске, траинде.<sup>27</sup> Тогава приближисале десаве таро садукея, колато твърдинен, кай нанай възкресение, тай пучле Лес, тай пенде:<sup>28</sup> Учителю, о Мойсей пишингяс аменге: "Ако мерел декаске леско прал, ковато си прандеме, но си бездетно, леско прал те лел е ромня тай те ваздел потомъки пе пралеске".<sup>29</sup> А сине ефта прала; тай о първо лилас ромня тай муло бездетно.<sup>30</sup> Тай о второ, тай о трето лиле ла;<sup>31</sup> чука също о ефта лиле ла тай муле, без те мужен чавен.<sup>32</sup> А после мули и ромни.<sup>33</sup> Тай чука, ко възкресение каске лендар ачол ромни? Сокето о ефта исине лен ромняке.<sup>34</sup> А о Исус пенгяс ленге: О мануша калке светоскере пранденен;<sup>35</sup> а колка, колато удостоинен пес те ресен ковка светос тай о възкресение таро муле, нито женинен пес, нито омъжвинен пес.<sup>36</sup> А тай нанащи вече мерен, понеже си равна е ангеленца; тай сар участниция андо възкресение, си чада е Девлеске.<sup>37</sup> А кай о муле възкръснинен, давка о Мойсей покажингяс андо тан, кате пишингяс е къпинаке, като наречингяс е Девлес "Дел Авраамоео, Дел Исааково тай Дел Яково".<sup>38</sup> Но Ов нанай Дел е муленгоро, а е живденгоро; сокето за Леске саворе си живде.<sup>39</sup> А десаве таро книжниция в отговор пенде: Учителю, Ту лачес пенгян.<sup>40</sup> Сокето на смеиненас вече за нищо те пучен Лес.<sup>41</sup> Тай пенгяс ленге: Сар пенен, кай о Помазаници си Давидово чаво?<sup>42</sup> Сокето коркоро о Давид пенел анди книга ко Псалмес: "Пенгяс о Дел\* мере Девлеске: Беш отдясно Манге,<sup>43</sup> жи кай положинав Те враговиен Тере подножиесте".<sup>44</sup> Тай чука, о Давид наречинел Лес Господ, тогава сар си леско чаво?<sup>45</sup> Тай като шуненас саворе люде, Ов пенгяс Пе ученикиене:<sup>46</sup> Пазинен тумен таро книжниция, колато дехен те пирен премениме тай дехен поздравя ко пазаря, о първа столовия андо синагогес тай о първа тана ко угощения;<sup>47</sup> колато хан о кера е вдовицентре тай за показ принесинен дълга молитвес. Он ка получинен по-баро осъждане.

## Chapter 21

<sup>1</sup> Тай о Исус, като ваздингяс яка, диклас е барвален, кай мужен пе даровя анди съкровищница.<sup>2</sup> А диклас иеке чоре вдовица, кай мужел оте дуй лептес.<sup>3</sup> Тай пенгяс: Истина пенав туменге, кай кайка чори вдовица муклас по бут саворендар;<sup>4</sup> сокето саворе калка мукле андо даровя е Девлеске пе излишъкиестар, а ой тари немотия пери муклас по цело имоти, ковато сине ла.<sup>5</sup> Тай като десаве хоратиненас е храмиеске, кай си украсиме шукаре баренца тай посветеноне приносиенца, пенгяс:<sup>6</sup> Ка авен диеса, като калкестар, кате дикен, нанай те ачол ате бар упраал баресте, ковато тена срининел пес.<sup>7</sup> Тай пучле Лес, тай пенде: Учителю, а канка ка овел давка? Тай саво ка овел о белеги, като предстоинел те ачол давка?<sup>8</sup> А Ов пенгяс: Внимавинен тена заблудинен тумен; сокето мнозина ка авен анде Мере алавесте тай ка пенен: Ме синьом о Помазаници; тай: О време наблизингяс. Тена жан палал ленде.<sup>9</sup> Тай като ка шунен за войни тай размирицес, тена даран; сокето далка бука требе първо те ачон, но нанай веднага о свършеки.<sup>10</sup> Тогава пенгяс ленге: Народос ка ваздел пес против народосте тай тагарипе против тагарипнасте;<sup>11</sup> тай ка овен баре трусовя, тай разноне таненде бок тай мори; ка овен ужася, тай баре знамения таро небес.<sup>12</sup> А англаал те ачол всичко давка, ка товен васта туменде тай ка гонинен тумен, като преден тумен синагогенде тай андо тъмницес, тай ка икален тумен англал тагаренде тай англал управителенде ашал Мере алавеске.<sup>13</sup> Давка ка служинел туменге за свидетелство.<sup>14</sup> Тай чука, решиен ан тумаре сърценде тена обмислинен предварително со те отговоринен,<sup>15</sup> сокето Ме ка дав тумен чука мъдро те хоратинен\*, кай саворе противници тумаре ка овен безсилна те противостоянен туменге или те противоречинен.<sup>16</sup> Тай ка овен предиме даже таро родителя тай прала, енданиендар тай амалендар; тай ка мударен декас тумендар.<sup>17</sup> Тай ка овен мразиме саворендар ашал Мере алавеске.<sup>18</sup> Но бал тумаре шерестар нанай те загининел.<sup>19</sup> Чрез тумари твърдост ка придобинен тумаре души.<sup>20</sup> А като дикен о Ерусалим, кай си заобиколиме таро войски, давка те жанен, кай наблизингяс леско запустяване.<sup>21</sup> Тогава колка, колато си анди Юдея, нека напен андо планини, а

колато си андо градос, нека иклон аври, а колато си андо околностя, тена ден анде лесте.<sup>22</sup> Соскето далка си диеса на въздаяние, за те изпълнингиол всичко, ковато си пишими.<sup>23</sup> Горко е непразноненгте тай е кърмешоненге презал колке диеценде! Соскето ка овел баро бедствие анди риг тай гняви упрали о люде.<sup>24</sup> Он ка перен телал о оstriес е мечиеске тай ка овен ингалде андо плени ко саворе народя; тай о Ерусалим ка овел тъпкиме таро народос, жи кай изпълнингион о времена е езичниенгере.<sup>25</sup> Тай ка ачон знамения ко кам, ки луна тай ко звезди, а ки пув - бедствие е народоске, като ка овен андо недоумение, ашал о бучене е мореске тай е вълненгте.<sup>26</sup> О мануша ка примириен дарата таро очакване е букиенгте, колато ка постигнинен и вселена, соскето о небесна силес ка разклатинен пес.<sup>27</sup> Тай тогава ка дикен е Човешконе Чавес, кай авел андо облаки, силаса тай баре славаса.<sup>28</sup> А като ка почнинел те ачол давка, изправинен тумен тай вазден тумаре шере, соскето тумаро изкупление наблизинел.<sup>29</sup> Тай пенгяс ленге притча: Дикен и смокиния тай саворе каща.<sup>30</sup> Като дикен, кай покаринен, жанен, кай о нилаи си вече паше.<sup>31</sup> Също чука тай като дикен, кай ачол давка, те жанен, кай си паше о Божие тагарипе.<sup>32</sup> Истина пенав туменгте, кай кавка поколение нанай те пренакел, жи кай нана сбъднингъол всичко давка.<sup>33</sup> О небес тай и пув ка пренакен, но Мере думес нанай те пренакен.<sup>34</sup> Но внимавинен туменгте, тена натегнинен тумаре сърца таро преляждане, пиянство тай житејска грижес, тай ресел тумен ковка диес внезапно, сар примка;<sup>35</sup> соскето чука ка авел упрали саворенде, колато живинен ко мui целоне пувяке.<sup>36</sup> Но бдинен всякоага, тай молинен тумен, за те сполучинен те избегнинен всичко, ковато предстоинел те ачол, тай те бешен англал о Човешко Чаво.<sup>37</sup> Тай секо диес Ов поучинел са андо храми; а секо рат иклолос тай ношуинел са ко хълми, наречиме Елеонски.<sup>38</sup> Тай саворе люде подриненен паш Лесте андо храми те шунен Лес.

## Chapter 22

<sup>1</sup> А наблизинел са о Празники е безквасноне маренгоро, ковато наречинел пес Пасха.<sup>2</sup> Тай о главна свещеникия тай о книжникия обмислинен сар те мударен Лес; соскето даранас таро люде.<sup>3</sup> Тогава диняс о Сатана андо Юда, наречиме Искариот, ковато сине таро число е дешудонгте; <sup>4</sup> тай ов гело тай хоратингяс е главноне свещеникиенца тай е началникиенца е стражакере сар те предел Лес ленге.<sup>5</sup> Тай он лошанде, тай обещинде те ден лес парес.<sup>6</sup> Тай ов съгласисало, тай роделас сгодно случай те предел Лес ленге, ма англал о множество.<sup>7</sup> Тай ачло о диес е безквасноне маренгоро, като требеше те жертвинал пес и пасха.<sup>8</sup> Тай о Иисус бичалгяс е Петрес тай е Йоанес, тай пенгяс: Жан тай приготвинен аменгте, за те хас и пасха.<sup>9</sup> А он пенде Леске: Кате мангес те приготвинас?<sup>10</sup> А Ов пенгяс ленге: Аке, като ден андо градос, ка ресел тумен мануш, ковато пиравел стомна паниеса; жан палал лесте андо кер, анде колесте дел,<sup>11</sup> тай пенен е стопаниеске е керескоро: О Учители пенел тухе: Кате си е гостиенгири стая, анде колате ка хав и пасха Ме ученикиенца?<sup>12</sup> Тай ов ка посочинел туменгте бари упруни стая, бухларди; оте приготвинен.<sup>13</sup> Тай като геле, аракле карто пенгясас ленге; тай приготвиде и пасха.<sup>14</sup> Тай като ало о сахати, Ов бешло ки софра, тай о апостола Леса.<sup>15</sup> Тай пенгяс ленге: Твърде бут мангълом те хав кайка пасха туменца, англал те страдинав;<sup>16</sup> соскето пенав туменгте, кай нанай вече те хав ла, жи кай ой нана изпълнингиол андо Божие тагарипе.<sup>17</sup> Тай като приемингяс чаша, благодарингяс тай пенгяс: Лен кавка тай разделинен лес машкар туменде;<sup>18</sup> соскето пенав туменгте, кай нанай вече те пияв таро плоди е лозаке, жи кай нана авел о Божие тагарипе.<sup>19</sup> Тай лилас маро, тай като благодарингяс, паглас лес, диняс лен, тай пенгяс: Кавка си Моро телос, ковато туменгте дел пес; кавка керен за Мере възпомениеске.<sup>20</sup> Чука лилас и чаша палал и вечеря, тай пенгяс: Кайка чаша си о нево завети анде Мере ратесте, ковато за туменгте проливинел пес.<sup>21</sup> Но аке, о вас калкескоро, ковато предел Ман, си Манца ки софра.<sup>22</sup> Соскето о Човешко Чаво наистина жал, според карто уло определиме; но горко калже манушеске, чрез колесте предел пес!<sup>23</sup> Тай он почнинде те пучен пес машкар песте кова ли лендар ка овел кавка, ковато ка керел давка.<sup>24</sup> Ачили още препирня машкар ленде кова лендар считинел пес за по-баро.<sup>25</sup> А Ов пенгяс ленге: О тагара е народоскере господарувинен упрали ленде тай калка, колато владеинен лен, наречинен пес благодетеля.<sup>26</sup> Но туме ма чука; а о по-баро машкар туменде нека ачол сар о по-цикно, тай ковато началствуинел - сар колкесте, ковато слугувинел.<sup>27</sup> Соскето кова си по-баро: ковка, ковато бешел ки софра ли, или ковка, ковато слугувинел? Нанай ли ковка, ковато бешел ки софра? Но Ме синьом машкар туменде, сар колкесте, ковато слугувинел.<sup>28</sup> А туме синиен колка, колато устоингиен Манца анде Мере изпитаниенде.<sup>29</sup> Далкеске, карто Моро Отеци завещингяс тагарипе Манге, Меда завещинав туменгте<sup>30</sup> те хан тай те пиен Ме софрате анде Мере тагарипнасте; тай ка бешен престоленде те съдинен о дешудуи Израилева племена.<sup>31</sup> Тай пенгяс о Дел : Симоне, Симоне, аке, о Сатана изискинел тумен саворен, за те пресеинел тумен сар житос;<sup>32</sup> но Ме молисалом тухе, тена отслабнинел тери вяра; тай ту, като иринес тут, утвърдине те прален.<sup>33</sup> О Петър пенгяс Леске: Господи, готово синьом те жав Туса анди тъмницаца, мерибиастеда.<sup>34</sup> А Ов пенгяс: Пенав тухе, Петре, о петели нанай те загилабел авдиес, жи кай нана отречисалан трин дром, кай пенджарес Ман.<sup>35</sup> Тай пенгяс ленге: Като бичалгиом тумен би кесиякоро, би торбакоро тай би потиниенгоро, ачилен ли лишиме варесостар? А он пенде: Нисостар.<sup>36</sup> Тай пенгяс ленге: Но акана, кас иси кесия, нека те лел ла, също торбада; тай кас нанай кесия, нека бикнел пе шехя тай те кинел песке чури;<sup>37</sup> соскето пенав туменгте, кай требе те изпълнинел пес упрали Манде давка писание: "Тай карик о беззаконикия уло причислиме", соскето о пишими за Манге наблизинел карик пере изпълнимнаст.<sup>38</sup> Тай он пенде: Господи, аке ате иси дуи чуря. А Ов пенгяс ленге: Достатъчна си.<sup>39</sup> Тай иклило те жал Пе обичаисте ко Елеонско хълми; палал Лесте геле о ученикияда.<sup>40</sup> Тай като араклило ко тан, пенгяс ленге:

Молинен тумен тена перен адно изкушение.<sup>41</sup>Тай Ов отделисало лендар, кити иек чивдо бар, тай като коленичингяс, молинелас пес, тай пенел: <sup>42</sup>Отче, ако мангес, отнак Ман калке чашаса; обаче ма Мери воля, но Тери те овел.<sup>43</sup>Тай явисало Леске ангели таро небес, тай подкрепинелас Лес. <sup>44</sup>Тай като изпитвинелас мъка, молинелас пес по-усърдно; тай Лес скоро поти ачило сар баре капкес рат, колао капиненас ки пув\*.<sup>45</sup>Тай като ухтинило тари молитва, ало ко ученикия тай араклас лен засуте тари скръб; тай пенгяс ленге: <sup>46</sup>Соске совен? Ухкиен тай молинен тумен, за тена перен андо изкушение.<sup>47</sup>Жи кай още хоратинелас, аке иек множество; тай кавка, ковато наречинелас пес Юда, иек таро дешудуи, пирелас англал ленде; тай приближисало жи ко Иисус, за те чумидел Лес.<sup>48</sup>А о Иисус пенгяс леске: Юдо, целувкаса ли предес е Човешконе Чавес?<sup>49</sup>Тай калка, колато сине около о Иисус, като дикле со ка ачолас, пенде: Господи, те чалавас ли чуряся?<sup>50</sup>Тай иек лендар чалагяс е първосвещеникескере слугас тай чингяс лескоро десно кан.<sup>51</sup>А о Иисус захоратингяс, тай пенгяс: Стига дики; тай допирисало жи ко кан леске, тай изцелингяс лес.<sup>52</sup>Тай о Иисус пенгяс калкенге кате але против Лесте о главна свещеникия, началникия е храмиескере стражаке тай старейшинес: Сар мамуял разбойнициесте ли иклилен мечовиенца тай сопиенца?<sup>53</sup>Като улом секо диес туменца андо храми, нана простиригиен васта против Манде. Но акана си тумаро сахати тай о властване е тъмнинаке.<sup>54</sup>Тай като долде Лес, ингалде Лес, тай денгярде Лес андо кер е първосвещеникеске. А о Петър следвинелас дурал.<sup>55</sup>Тай като тарде яг машкар ко дворос тай бешлесас около лате, ов о Петрес да бешло машкар лендар.<sup>56</sup>Тай иек слугиния, като диклас лес бешло жи ко пламъки, задиклас пес анде лесте тай пенгяс: Кавкада сине Леса.<sup>57</sup>А ов отречисало, тай пенгяс: Жено, нана пенджарав Лес.<sup>58</sup>След хари авер диклас лес тай пенгяс: Туда синян лендар. Но о Петър пенгяс: Човече, нана синиом.<sup>59</sup>Тай като накло пес около иек сахати, авер декой настоятелно пенелас: Наистина кавкада сине Леса, соскето си галилеяни.<sup>60</sup>А о Петър пенгяс: Човече, нажанав со пенес. Тай ко сахати, жи кай още хоратинелас, иек петели загилябингяс.<sup>61</sup>Тай о Де ирисало, тай диклас е Петрес. Тай о Петрес диняс пес годи о думес е Девлескере, сар пенгясас леске: Англал те загилябел о петели авдиес, ту трин дром ка отречинес тут Мандар.<sup>62</sup>Тай иклило аври, тай руно горко.<sup>63</sup>Тай о мруша, колато икеренас е Иисусес, ругаиненас Лес тай маренас Лес,<sup>64</sup>тай като закривиненас Лес (чалавенас Лес ко муй, тай) пученас Лес, тай пенен: Ахалов, кой чалагяс Тут.<sup>65</sup>Тай бут авер хулес хоратинде против Лесте.<sup>66</sup>Тай като дислило, кидисале о народна старейшинес, о главна свещеникия тай о книжникия тай ингалде Лес пе синедрионесте, тай пенде Леске:<sup>67</sup>Ако синян Ту о Помазаники, пен аменге. А Ов пенгяс: Ако пенав туменге, нанай те верувинен;<sup>68</sup>тай ако задав туменге въпроси, нанай те отговоринен.<sup>69</sup>Но от акана наоте о Човешко Чаво ка бешел отрясно е Девлескере славате.<sup>70</sup>Тай он саворе пенде: Тогава Божие Чаво ли синян Ту? А Ов пенгяс ленге: Туме право пенен, соскето синиом.<sup>71</sup>А он пенде: Сави нужда си амен вече таро свидетелство? Соскето коркоре аме шунгям Лескере мостар.

## Chapter 23

<sup>1</sup>Тогава о цело множество ленгере мануша ухтиниле тай ингалде Лес ко Пилат. <sup>2</sup>Тай почнинде те обвининен Лес. Араклам Калкес, кай развратинел амаре народос, забранинел те дел пес данъки е кесариеске тай пенел за Леске, кай си Помазаники Тагар.<sup>3</sup>А о Пилат пучлас Лес, тай пенел: Ту ли синян о Юдейско тагар? А Ов в отговор пенгяс леске: Ту право пенес. <sup>4</sup>Тай о Пилат пенгяс е главноне свещеникиенге тай е народоске: Ме нана аракав нисави вина анде Калке Манушесте.<sup>5</sup>А он по-настойчиво пенде: Ов вълнувинел е люден, понеже поучинел ки цело Юдея, като почнингяс тари Галилея тай ресло даже жи ате.<sup>6</sup>А о Пилат, като шунгяс давка, пучлас дали о мануш си галилеяни.<sup>7</sup>Тай като ахалило, кай си тари Иродово област, бичалгяс Лес жи ко Ирод, ковато също сине андо Ерусалим презал калке диесенде.<sup>8</sup>А о Ирод, като диклас е Иисусес, бут лошангяс, соскето отдавна мангелас те дикел Лес, понеже шунелас за Леске; тай надявинелас пес те дикел Лес те керел десаво знамени.<sup>9</sup>Тай пучелас Лес буте думенца, но Ов нищо нана отговорингяс.<sup>10</sup>А о главна свещеникия тай о книжникия бешенас тай силно обвининенас Лес.<sup>11</sup>Но о Ирод пере войнициенца, презиринелас Лес, след като подигрависало Леске, урявгяс Лес андо великолепно шехи тай бичалгяс Лес обратно ко Пилат.<sup>12</sup>Андо също диес о Ирод тай о Пилат сприятелисале машкаар песте, соскето англал далкесте враждувиненас иек против аввересте.<sup>13</sup>Тогава о Пилат викингяс е главноне свещеникиен, е началникиен тай е народос, тай пенгяс ленге.<sup>14</sup>Антиен манге Калке Манушес сар иек, ковато развратинел е люден; но аке, ме разпучлом Лес англал туменде, тай нана араклом анде Лесте нисави вина относно ковка, за колеске обвининен Лес.<sup>15</sup>Нито па о Ирод араклас; соскето бичалгяс Лес обратно жи аменде; тай аке, Ов нана кергяс нищо, ковато заслужинел мерибиаскоро наказание.<sup>16</sup>Тай чука, като накажинав Лес, ка мукав Лес. (<sup>17</sup>А ов задължинелас пес те мукел ленге секоне празнициесте по иеке затворниес.)<sup>18</sup>Но он саворе иеке гласосте пищинде, тай пенде: Махнин Калкес тай мук аменге Варава<sup>19</sup>( ковато, за десави размирица, ачили андо градос, тай за мударибнаске, уло чивто анди тъмница).<sup>20</sup>Тай о Пилат пак пищингяс ленге, като мангелас те мукел е Иисусес.<sup>21</sup>А он пищиненас, тай пенде: Разпние Лес! Разпние Лес!<sup>22</sup>А ов трето дром пенгяс ленге: Кай саво зло кергяс Ов? Ме нана аракав анде Лесте нищо достойно мерибиаское; тай чука, като накажинав Лес, ка мукав Лес.<sup>23</sup>Но он настоявииенас силноне гласовиенца, като мангенас те овел разпниме; тай ленгере гласовия надделинде.<sup>24</sup>Тай о Пилат решингяс те изпълнинел со манген.<sup>25</sup>Муклас колкес, колес мангенас, ковато за размирица тай мудариба уло чивто анди тъмница; а е Иисусес прединяс ки воля ленге.<sup>26</sup>Тай като повединде Лес, долде десаве Симонес Киринеец, ковато иринелас пес тари нива, тай товде лесте о кръстос, за те пиравел лес

палал о Иисус.<sup>27</sup>Тай палал Лесте пирелас баро множество таро люде тай таро жувля, колато ровенас тай жалиненас за Леске.<sup>28</sup> А о Иисус ирисало карик ленде тай пенгяс: Чая ерусалимска, ма ровен Манге, а ровен туменге тай тумаре чадовиенге;<sup>29</sup> соскето, аке, авен диеса, като пенен: Блажена о неплодна тай о утробес, колато нана бянде, тай о колин, ковато нана кърмингяс.<sup>30</sup> Тогава ка почнинен те пенен е планиненге: Перен упран аменде; тай е хълмиенге: Покринен амен.<sup>31</sup> Соскето, ако керен давка е сурвоне кащеса, со ка ачол е шукес?<sup>32</sup> Тай Леса ингаленас авере дуиен, колато сине злодейция, за те погубинен лен.<sup>33</sup> Тай като ресле ко тан, наречиме Лобно, оте разпинде Лес тай е злодейциен, о иек отдясно Леске, а окова отляво.<sup>34</sup> А о Иисус пенгяс: Отче, простиен ленге, соскето нажанен со керен. Тай като разделинде Лескере шехя, чивте жребий за ленге.<sup>35</sup> Тай о люде бешенас, тай дикенас. Още о началниния ругайненас Лес, тай пенен: Аверен избавингяс; нека избавинел Пес, ако Кавка си о Божие Помазаники, Лескоро Избрани.<sup>36</sup> Също о войниния подигравиненас пес Леске, като приближиненас пес тай поднесиненас Леске шут, тай пененас:<sup>37</sup> Ако синян о Юдейско тагар, избавине Тут.<sup>38</sup> А упран Лесте сине надписи: Кавка си о Юдейско тагар.<sup>39</sup> Тай иек таро увиснала ко кръстос злодейция хулиналас Лес, тай пенел: Нали Ту синян о Помазаники? Избавине Тут тай амен!<sup>40</sup> А окова в отговор смъртингяс лес, като пенгяс: Таро Дел да ли нана дарас ту, ковато синян телал о също осъждане?<sup>41</sup> А аме справедливо синям осъдиме, соскето получинас о заслужиме далкеске, ковато кергяма; а Кавка нана кергяс нищо канило.<sup>42</sup> Тай пенгяс: (Господи) Иисусе, де тут годи манге, като ка авес ан Те Тагарипнасте\*.<sup>43</sup> А о (Иисус) пенгяс леске: Истина певав туке, авдиец ка овес Манца андо рай.<sup>44</sup> А сине вече около о шов сахати, тай тъмнина покривинелас и цело пув жи ко еня сахати,<sup>45</sup> като потъмнингяс о кам; тай и завеса е храмиескири раздерингяс пес ко машкар.<sup>46</sup> Тай о Иисус пищингяс силноне гласоса, тай пенгяс: Отче, анде Тере вастенде предав Мо духос. Тай като пенгяс давка, издъхнингяс.<sup>47</sup> Тай о стотники, като диклас со ачило, прославингяс е Девлес, като пенгяс: Наистина Кавка Мануш сине праведно.<sup>48</sup> А саворе множества, але калке гледкаке, като дикле со ачило, ириненас пес, като маренас пес ан пе колиниенде.<sup>49</sup> А саворе Лескере познайниия тай о жувля, колато алесас палал Лесте тари Галилея, бешенас дурал тай дикенас давка.<sup>50</sup> Тай аке, иек мануш ко алаб Йосиф, ковато сине съветники, мануш лачо тай праведно,<sup>51</sup> ковато нана съгласингясас пес е намерениеса тай е делоса ленгоро - таро юдейско гради Аритимея, мануш, ковато очаквинелас о Божие тагарипе, -<sup>52</sup> гело ко Пилат тай манглас е Иисусескоро телос.<sup>53</sup> Тай като лилас лес, пакяргяс лес е плащаницаса тай положингяс лес андо мимори, изсечиме анди скала, кате никой още на сине положиме.<sup>54</sup> Тай сине Приготвително диец, тай и събота настъпинелас.<sup>55</sup> Тай о жувля, колато алесас Леса тари Галилея, пиренас палал тай дикле о мимори, тай сар сине положиме Лескоро телос.<sup>56</sup> Тай като ирисале, приготвиде ароматия тай миро; тай анди събота почивиненас песке според и заповед.

## Chapter 24

<sup>1</sup>А андо първо диец е куркескоро, андиавин рано, о жувля але ко мимори, аненас о ароматия, колато приготвиде сас. <sup>2</sup>Тай аракле о бар отвалиме таро мимори. <sup>3</sup>Тай като дине, нана аракле о телос е Девлескоро е Иисусескоро. <sup>4</sup>Тай като сине андо недоумение далкеске, аке, зачиле англал ленде дуи мруша ослепителноне облеклоса. <sup>5</sup>Тай обзета даратар, он навединде пе мухи жи ко пув; а о мруша пенде ленге: Соске роден е живидес машкар о муле?<sup>6</sup> Нанайстало ате, но възкръснингяс. Ден тумен годи со хоратинелас туменге, като сине още анди Галилея,<sup>7</sup> като пенелас, кай о Човешко Чаво требе те овел предиме андо васта грешноне манушенге, те овел разпиниме тай ко трето диец те възкръснинел.<sup>8</sup> Тай дине пес годи Лескере думес.<sup>9</sup> Тай като ирисале таро мимори, известинде всичко давка е дешуиекене тай саворенге околнене.<sup>10</sup> А он сине и Магдалина Мария тай и Йоана, тай и Мария, и Яково дай, тай окола жувля ленца, колато пенде далка букя е апостоленге.<sup>11</sup> А калка думес дикле пес ленге чуче приказкес, тай нана верувинде.<sup>12</sup> А о Петър ухтинило тай прастанило ко мимори, тай като надникнингяс, диклас само о савания; тай гело пе кересте, тай чудинелас пес со ачило.<sup>13</sup> Тай аке, андо също диец дуи лендар жанас анде иеке гавесте ко алаб Емаус, шовдеш стадиес дуре таро Ерусалим.<sup>14</sup> Тай он хоратиненас песке машкар песте всичконаске ковка, ковато ачилюсас.<sup>15</sup> Тай като хоратиненас тай разисквиненас, коркоро о Иисус приближисало тай пирелас ленца;<sup>16</sup> но ленгере яка удържисале тена пенджарен Лес.<sup>17</sup> Тай пенгяс ленге: Саве си далка думес, колато разменинен машкар туменде, като пътувинен? Тай он спирисале натъжиме.<sup>18</sup> Тай иек лендар, ко алаб Клеопа, в отговор пенгяс Леске: Само Ту ли синян пришълеци андо Ерусалим тай на жанес со ачило оте калка диеца?<sup>19</sup> Тай пенгяс ленге: Кова? А он пенде Леске: Со ачило е Иисусеса о Назаряни, Ковато сине пророки, силно андо делос тай андо словос англал о Дел, тай англал саворе люденде;<sup>20</sup> тай сар амаре главна свещеникия тай началниния предине Лес те овел осъдиме мерибнасте, тай разпинде Лес.<sup>21</sup> А аме надявенинаас амен, кай Ов си Ковка, Ковато ка изкупинел о Израил. Тай освен всичко давка, вече си трето диец, от сар ачило давка.<sup>22</sup> Паш далкесте десаве жувля машкар аменде смаинде амен, колато, като геле андиавин ко мимори<sup>23</sup> тай нана аракле Лескоро телос, але тай пенде, кай дикле видение ангеленго, колато пенде, кай Ов уло живдо.<sup>24</sup> Тай десаве колкендар, колато сине аменца, геле ко мимори, тай аракле чука, сарто пенде о жувля; а Лес нана дикле.<sup>25</sup> Тай Ов пенгяс ленге: О, немислена тай мудна ко сърцес те верувинен всичко, ковато хоратинде о пророкия!<sup>26</sup> Нана требеше ли о Помазаники те пострадинел чука тай те дел ан Пе славате?<sup>27</sup> Тай като почнингяс таро Мойсей тай саворе пророкиендар, ълкувинелас ленге о пишиме за Леске андо саворе писания.<sup>28</sup> Тай приближинде о гав, анде колесте жанас; а Ов икерелас пес, сар кай жал по-дуре.<sup>29</sup> Но он подканиненас Лес, тай

пенен: Ачов аменца, сокето си привечер, тай о диес вече превалингяс. Тай Ов диняс те ачол ленца.<sup>30</sup> Тай като бешло ленца ки софра, лилас о маро тай благословингяс, пагляс тай диняс лен. <sup>31</sup> Тай ленгере яка путердиле, тай пенджарде Лес; а Ов ачило невидимо за ленге.<sup>32</sup> Тай пенде машкар песте: На таблолос ли анде аменде о сърцес, като хоратинелас аменге ко дром, като тълкувинелас о Писания?<sup>33</sup> Тай андо също сахати ухтиниле тай ирисале андо Ерусалим, кате аракле кидиме е дешуиекен тай калкен, колато сине ленца,<sup>34</sup> колато пенде: О Дел наистина възкръснингяс тай явисало е Симонеске.<sup>35</sup> Он па разправиненас со ачило ко дром тай сар пенджарде Лес, като пагелас о маро.<sup>36</sup> Тай като хоратиненас за далкеске, коркоро о Иисус зачило машкар ленде тай пенгяс ленге: Мир вам!<sup>37</sup> А он стреснисале тай дараниле, като мислиненас, кай дикен духос.<sup>38</sup> Тай Ов пенгяс ленге: Соске смутинен тумен? Тай соске породинен пес салка мислес анде тумаре сърценде?<sup>39</sup> Дикен Ме васта тай Ме пире, кай синиом Ме о също; пипинен Ман тай дикен, сокето духос нанай маса тай кокала, сарто дикен, кай Ман иси.<sup>40</sup> Тай като пенгяс давка, покажингяс ленге Пе васта тай Пе пире.<sup>41</sup> Но понеже он лошалатар още нана верувиненас тай чудиненас пес, Ов пенгяс: Иси ли тумен ате варесо хабнаске?<sup>42</sup> Тай дине лес час таро пеко мачо( тай парчес медено пита).<sup>43</sup> Тай лилас, тай халас англал ленде.<sup>44</sup> Тай пенгяс ленге: Калка си о думес, колато хоратинавас туменге, като улом още туменца, кай требе те изпълнигиол всичко, ковато си пишиме Манге андо Мойсеево закони, таро пророкия тай андо псалмес.<sup>45</sup> Тогава путергяс ленгири годи, за те ахалон о писания.<sup>46</sup> Тай пенгяс ленге: Чука си пишиме, кай о Помазаники требе те страдинел тай те възкръснинел таро муле андо трето диес,<sup>47</sup> тай кай требе те проповединел пес анде Лескере алавесте покаяние тай опрошение е безехенге машкар саворе народосте, като почнинел пес таро Ерусалим.<sup>48</sup> Туме синиен свидетеля далкеске.<sup>49</sup> Тай аке, Ме бичалав упран туменде о обещано таро Отца Моро; а туме бешен андо градос (Ерусалим), жи кай урявен тумен силаса упран.<sup>50</sup> Тай ингалгяс лен жи иеке танесте мамуял и Витания; тай ваздингяс Пе васта те благословинел лен.<sup>51</sup> Тай като благословинелас лен, отделисало лендар, тай възнесисало андо небес.<sup>52</sup> Тай он поклонисале Леске, тай ирисале андо Ерусалим баре лошаласа;<sup>53</sup> тай уле постоянно андо храми, (хвалеща тай) благославяща е Девлес. (Амин)

## John

### Chapter 1

<sup>1</sup>Ко начало сине о Слово; тай о Словос сине андо Дел; тай о Словос сине о Дел. <sup>2</sup>Ов ко начало сине андо Дел.  
<sup>3</sup>Всичко чрез Лесте ачило; тай би Лескоро на ачило нищо далkestар, ковато ачило.<sup>4</sup> Анде Лесте сине о животос тай о животос сине светлина е манушенге.<sup>5</sup> Тай и светлина светинел анди тъмнина; а и тъмнина на схванингяс ла.  
<sup>6</sup>Явисало мануш, бичалдо таро Дел, ко алав Йоан.<sup>7</sup> Ов ало за свидетелство, те свидетелствинел е Светлинаке, за те повервинен саворе чрез лесте.<sup>8</sup> Нана сине ов и светлина, но ало те свидетелствинел е светлинаке.<sup>9</sup> И истинско Светлина, която осветлинал секоне манушес, авелас андо светос.<sup>10</sup> Ов сине андо светос; тай о светос чрез Лесте ачило; ама о светос нана пенджаргяс Лес.<sup>11</sup> Перенде ало, ама Лескере на приеминде Лес.<sup>12</sup> А колкенге, колато приеминде Лес, диняс право те ачон Божия чада, демек калкенге, колато верувинен Лескере алавесте;<sup>13</sup> колато бияндиле ма ратестар, нито тари плътско похот, нито тари мъжко похот, а таро Дел.<sup>14</sup> Тай о Словос ачило плът, тай живингяс машкар аменде; тай диклям и слава Лескири, слава сар на Единородния таро Отца, кай сине пердо с благодат тай истина.<sup>15</sup> О Йоан свидетелствинел за Леске тай пищинелас: Аке ковка, за Колеске пенгиом, Ковато авел палал манде, изпреварингяс ман, понеже сине по-нангле мандар.<sup>16</sup> Сокето аме саворе приеминям Лескере плънотатар тай благодат упран благодат;<sup>17</sup> понеже о закони сине дендо чрез о Мойсей, а и благодат тай и истина але чрез о Иисуса Христа.<sup>18</sup> Никой нисар на дикляс е Девлес; о Единородно Чаво, Ковато си андо лонос е Отцаске, Ов изявингяс Лес.<sup>19</sup> Тай аке о свидетелство, ковато о Йоан диняс, като о юдея бичалде жи лесте свещеникиен тай левитиен таро Ерусалим те пучен лес: Ту кова синян?<sup>20</sup> Ов изповедингяс, тай нана отречисало; ов изповедингяс: Нана синиом ме о Помазаники.<sup>21</sup> Тай пучле лес: Тогава кова? О Илия ли синян? Тай пенгяс: Нана синиом. О пророки ли синян? Тай отговорингяс: Нана синиом.<sup>22</sup> Тогава пенде леске: Кова синян, за те дас отговори колкен, колато бичалде амен; со пенес за тuke?<sup>23</sup> Ов пенгяс: Ме синиом "гласос иекескоро, ковато пищинел анди пустиния: Право керен о дром е Девлеске", сарто пенгяс о пророк Исаи.<sup>24</sup> А о бичалде сине таро фарисея.<sup>25</sup> Тай пучле лес, като пенде леске: А соске кръстинес, ако на синян о Помазаники, нито о Илия, нито о пророки.<sup>26</sup> В отговор о Йоан пенгяс ленге: Ме кръстинав паниеса. Машкар туменде бешел Иек, Колес туме на пенджарен,<sup>27</sup> Ковка, Ковато авел палал манде, (Ковато изпреварингяс ман), за Колеске на синиом достоинно те развържинав о ремъки е потиниенгоро.<sup>28</sup> Давка ачило анди Витания\*, отвъд Йордан, кате о Йоан кръстинелас.<sup>29</sup> Ко следващо диес о Йоан дикел е Иисусес, те авел карик лесте, тай пенел: Аке о Божие Бакро, Ковато пиравел и безех е светоскири!<sup>30</sup> Кавка си, за Колеске пенгиом: Палал манде авел мануш, Ковато изпреварингяс ман, сокето сине по-нангле мандар.<sup>31</sup> Тай ме на пенджараавас Лес; ама алом тай кръстинав паниеса за далкеске, за те овел Ов изявиме на Израил.<sup>32</sup> Тай о Йоан свидетелствуvinел, тай пенел: Диклом о Духос те ухлел сар куши таро небес тай те почивинел упран Лесте.<sup>33</sup> Тай ме на пенджараавас Лес; ама Ковка, Ковато бичалгяс ман те кръстинав паниеса, Ов пенгяс манг: Ковка, упран Колесте дикес те ухлел о Духос тай те почивинел упран Лесте, Ов си, Ковато кръстинел с Святия Дух.<sup>34</sup> Тай диклом, тай свидетелствинав, кай Кавка си Божие Чаво.<sup>35</sup> Ко следващо диес о Йоан пак бешелас дуиенца пе ученикиендар.<sup>36</sup> Тай като дикляс е Иисусес, като накелас, пенгяс: Аке о Божие Бакро!<sup>37</sup> Тай о дуи ученикия шунде лес те хоратинел чука, тай геле палал о Иисус.<sup>38</sup> Тай като ирисало о Иисус тай диклас, кай

## Chapter 2

авен палал Лесте, пенгяс ленге: Со роден? А он пенде Леске: Равви (ковато значинел Учителю), кате живинес?<sup>39</sup> Пенгяс ленге: Елан тай ка дикен. Але тай дикле кате живинел, тай ачиле паш Лесте давка диес. Сине около деш о сахати.<sup>40</sup> Иек таро дуи, колато шундe таро Йоан за Леске тай последвинde Лес, сине о Андрей, прал на Симон Петър.<sup>41</sup> Ов първо араклас пе пралес Симон тай пенгяс леске: Араклам Месия (ковато значинел Помазаник).<sup>42</sup> Като ингалгяс лес ко Исус, о Исус задикляс пес анде лесте тай пенгяс: Ту синян Симон, чаво Йоново; ту ка пенес тут Кифа (ковато значинел Петър\*).<sup>43</sup> Ко следващо диес о Исус манглас те жал анди Галилея; тай аракляс Филип, тай пенгяс леске: Ела палал Манде.<sup>44</sup> А о Филип сине тари Витсаида, таро градос на Андрей тай Петър.<sup>45</sup> О Филип араклас Натанаил тай пенгяс леске: Араклам Колкес, за Колеске пишигяс о Мойсей андо закони тай за Колеске пишинде о пророкя, Исус, о Йосифово чаво, Ковато си таро Назарет.<sup>46</sup> О Натанаил пенгяс леске: Таро Назарет ачи ли те иклол варесо лачо? О Филип пенгяс леске: Ела тай дик.<sup>47</sup> О Исус дикляс Натанаил те авел карик Лесте тай пенгяс за леске: Аке истинско израиляни, анде колесте нанай лукавство.<sup>48</sup> О Натанаил пенгяс Леске: Катар пенджарес ман? О Исус в отговор пенгяс леске: Англал те викинел тут о Филип, диклом тут като улан телал и смокиня.<sup>49</sup> О Натанаил отговорингяс Леске: Учителю, Ту синян Божие Чаво, Ту синян Израилево тагар.<sup>50</sup> О Исус в отговор пенгяс леске: Понеже пенгиом туке: Диклом тут телал и смокиня, верувинес ли? По бут далkestар ка дикес.<sup>51</sup> Тай пенгяс леске: Истина, Истина пенав туменге, (от акана) ка дикен о небес путердо, тай о Божия ангела те възлизинен тай те ухлен упрад о Човешко Чаво.

## Chapter 2

<sup>1</sup> Ко трето диес сине бияв анди Кана Галилейска тай е Исусескири дай сине оте. <sup>2</sup> Тай о Исус, тай Лескере ученикия сине каниме ко бияв.<sup>3</sup> Тай като свършигяс и мол, е Исусескири дай пенгяс Леске: Мол нанай лен. <sup>4</sup> А о Исус пенгяс лаке: Со иси машкар Манде тай туте, ромние? Мо сахати още нана ало. <sup>5</sup> Лескири дай пенгяс е слугенге: Со пенел туменге, керен.<sup>6</sup> А оте сине шов каменна делвес, поставиме истоибнаксе по юдейско обычай, колато киденас по дуи или трин мерес.<sup>7</sup> О Исус пенгяс ленге: Перен о делвес паниеса. Тай перде лен жи упре. <sup>8</sup> Тогава пенгяс ленге: Чорен акана тай ингален е настойникиеске е угощениескоро. Тай он ингалде.<sup>9</sup> Тай като о настойники е угощениескоро вкусингяс таро пани, акана ириме молате, тай на жанелас катар си (но о слуги, колато перде о пани, жаненас), о настойники е угощениескоро викингяс е жамутрес тай пенгяс леске:<sup>10</sup> Всеко мануш товел първо и лачи мол, а о по-долно- след като макярен пес; ту задържиняи и лачи мол жи акана.

<sup>11</sup> Давка извършигяс о Исус анди Кана Галилейска, сар начало Пе знамениенге, тай явингяс Пи слава; тай о ученикия Лескере повервинде анде Лесте.<sup>12</sup> Палал далkestе ухлило андо Капернаум, Ов тай Лескири дай, тай оте бешле ма бут диеса.<sup>13</sup> Тай като наблизинелас и Пасха е юдеиенгири, о Исус диняс андо Ерусалим.<sup>14</sup> Тай араклас андо храми е продавачиен е воловиенгере, овце тай кушя, тай калка кате бешенас тай размениненас парес;<sup>15</sup> тай кергяс бичи таро вървес, тай гонингяс лен саворен таро храми, сарто е овцен тай е воловиен; чоргяс о парес е среброменикиенгере тай прекатуригяс о масес ленгере;<sup>16</sup> тай калкенге, кате бикненас е кушиен пенгяс: Вазден калкен атар; ма керен Мо Бащино кер, кер на търговия.<sup>17</sup> Лескере ученикия спомнинде песке, кай си пишиме: "И ревност за Тере кереске ка хал Ман".<sup>18</sup> Ко поводи далкеске, о юдея, захоратинде, тай пенде Леске: Саве знамениеса ка сикавес аменге, кай иси тут власт чука те керес?<sup>19</sup> В отговор о Исус пенгяс ленге: Разрушинен кавка храми, тай трине диесенге ка ваздав лес.<sup>20</sup> А о юдея пенде: За четиридесет и шест бреша сине градиме кавка храми, а Ту трине диесенге ли ка ваздес лес?<sup>21</sup> Но Ов хоратинелас е храмиеске Пе телоскоро.<sup>22</sup> Тай чука, като уло възкресиме таро муле, Лескере ученикия спомнинде песке, кай пенгяс давка; тай повервинде ко Писание, тай ко словос, ковато о Исус хоратинелас.<sup>23</sup> Тай като сине андо Ерусалим, ки Пасха, презало празници мнозина повервинде Лескере алавесте, като дикенас о знамения, колато керелас.<sup>24</sup> Но о Исус на доверинелас пес ленге, соскето пенджарелас соси манушен<sup>25</sup> тай соскето Лес насине нужда те свидетелствинен Леске декой е манушеске, понеже коркоро жанелас со иси андо мануш.

## Chapter 3

<sup>1</sup> Машкар о фарисея исине иек мануш ко алав Никодим, юдейско началники. <sup>2</sup> Ов ало паш Исус ират тай пенгяс Леске: Учителю, жанав, кай таро Дел алан учители; соскето никой наши керел далка знамения, колато Ту керес, ако о Дел нанай леса.<sup>3</sup> О Исус в отговор пенгяс леске: Истина, истина пенав туке, ако на биянгиол декой упрад, наши дикел о Божие тагарипе.<sup>4</sup> О Никодим пенгяс Леске: Сар ачи пуро мануш те биянгиол? Ачи ли второ дром те дел ки утроба пе даяке тай те биянгиол?<sup>5</sup> О Исус отговорингяс: Истина, истина пенав туке, ако на биянгиол декой таро пани тай таро Духос, наши дел андо Божие тагарипе.<sup>6</sup> О бияндо тари плът си плът, а о бияндо таро Духос си духос.<sup>7</sup> Ма чудине тут, кай пенгиом туке: Требе те биянгион упрад.<sup>8</sup> И балвал пудел, кате мангел, тай шунес лакоро шуми; ама на жанес катар авел тай кате жал; чука си секаса, които биянгиол таро Духос.<sup>9</sup> О Никодим в отговор пенгяс Леске: Сар ачи овел давка?<sup>10</sup> О Исус в отговор пенгяс леске: Ту синян израилево учители, тай на жанес ли давка?<sup>11</sup> Истина, истина пенав туке, давка, ковато жанас, хоратинас, тай свидетелствинас за далкеске, ковато диклям, ама на приеминен амаро свидетелство.<sup>12</sup> Ако е земноне букиенгеле хоратингиом туменге тай на верувинен, сар ка верувинен, ако хоратинав туменге е небесноненге?<sup>13</sup> Тай никои нана възлизингяс андо небес, освен Кавка, Ковато ухлило таро небес, демек, о Човешко Чаво, Ковато си андо

небес.<sup>14</sup>Тай карто о Мойсей ваздингяс е сапес анди пустиния, чука требва те овел ваздиме о Човешко Чаво,<sup>15</sup>тай секои, които верувинел Лесте, (тена погининел, но) те овел лес вечно животос.<sup>16</sup>Сокето о Дел дики възлюбингяс о светос, кай диняс Пере Единородните Чавес, за тена погининел нито иек, ковато верувинел Лесте, но те овел лес вечно животос.<sup>17</sup>Понеже о Дел нана бичалгяс в Чавес андо светос те съдинел е светос, но за те овел о светос спасиме чрез Лесте.<sup>18</sup>Който верувинел Лесте, нанай осъдиме; който нана верувинел, си вече осъдиме, сокето на повервингяс андо алав е Единородните Божие Чавеске.<sup>19</sup>Тай давка си о остьждение: и светлина или андо светос, тай о мануша дехинде и тъмнина по-бут тари светлина, сокето ленгере дела сине зла.<sup>20</sup>Понеже секой, които керел зло, мразинел и светлина, тай нана жал карик и светлина, да не би те откриен пес лескере дела;<sup>21</sup>но който постъпинел според истина, жал карик и светлина, за те явинен пес лескере дела, понеже си извършиме таро Дел.<sup>22</sup>Палал далкесте ало о Иисус Пе ученикиенца анди Юдейско пув; тай оте живинелас ленца тай кръстинелас.<sup>23</sup>Също о Йоан кръстинелас андо Енон, паше до Салим, сокето оте исине бут пани; тай о люде авенас тай кръстиненас пес.<sup>24</sup>Понеже о Йоан още на сине чивто анди тъмница.<sup>25</sup>Тай чука, възникнингяс препирня тари рик е Йоанескере ученикиендар иеке юдеиеса относно о очистване.<sup>26</sup>Тай але паш о Йоан, тай пенде леске: Учителю, Ковка, Ковато сине туса отвъд Йордан, за Колеске ту свидетелствингян, аке, Ов кръстинел, тай саворе жан паш Лесте.<sup>27</sup>О Йоан в отговор пенгяс: Мануш нанащи лел упран песте нищо, ако нанай леске дендо таро небес.<sup>28</sup>Туме коркоре синиен мангес свидетеля, кай пентиом: На синиом ме о Помазаници, но синиом бичалдо англал Лесте.<sup>29</sup>О жамутро си, ковато силес невяста, а о амал е жамутрескоро, ковато бешел тай шунел лес, лошанел бут е жамутрескере гласоске; тай чука кайка мери лошали си перди.<sup>30</sup>Ов требва те бариол, апа ме те цикниовав.<sup>31</sup>Ковка, Ковато авел упран, си саворендар по-горно; който си тари пув, земно си, тай земно хоратинел. Който авел таро небес, си саворендар по-горно.<sup>32</sup>Со дикляс тай шунгяс, за леске свидетелствинел; но никои на приеминел о свидетелство Лескоро.<sup>33</sup>Който приемингяс Лескоро свидетелство, потвърдингяс, кай о Дел си истинно.<sup>34</sup>Сокето Кавка, Ковато о Дел бичалгяс, хоратинел е Девлескере думес; понеже Ов нана дел Лес о Духос с меркаса.<sup>35</sup>О Отец дехел е Чавес тай прединяс всичко Лескере вастесте.<sup>36</sup>Който верувинел андо Чаво, иси лес вечно животос; а който на приеминел е Чавес, нанай те дикел животос тай е Девлескоро гневи ачол упран лесте.

## Chapter 4

<sup>1</sup>Тай чука, като о Иисус ахалило, кай о фарисея шунде, кай Ов придобинел тай кръстинел по бут ученикия таро Йоан, <sup>2</sup>и макар коркоро о Иисус тена кръстинел, а Лескере ученикия), <sup>3</sup>напуснингяс Юдея тай гело пак анди Галилея.<sup>4</sup>Тай требваше те накел презал и Самария. <sup>5</sup>ай чука, ало андо иек самарийско градос, наречиме Сихар, паше жи ко землище, ковато о Яков диняс пе чес е Йосифес.<sup>6</sup>Оте сине о Яковово кладенеци. Тай о Иисус измориме таро пътуване, бешелас чука жи ко кладенеци. Сине около о шесто сахати.<sup>7</sup>Али иек самарянка те начерпинел песке пани. О Иисус пенгяс лаке: Де Ман те пияв.<sup>8</sup>(Сокето Лескере ученикия гелесас андо градос те кинен хабе.)<sup>9</sup>И самарянка пенгяс Леске: Сар Ту, Ковато синян юдеи, мангес пани мандар, която синиом самарянка? (Сокето о юдея нана общувинен е самаряниенца.)<sup>10</sup>О Иисус в отговор пенгяс лаке: Ако жанесас о Божие дарос тай Кова си давка, Ковато пенел тухе: Де Ман те пияв, ту ка мангесас Лестар, тай Ов ка дел тут живдо пани!<sup>11</sup>И ромни пенгяс Леске: Господине, нито почерпалос иси тут, а о кладенеци да си дълбоко; тогава катар иси тут о живдо пани?<sup>12</sup>Нима синян по-баро амаре дадестар таро Яков, ковато диняс амен о кладенеци, тай коркоро пиелас лестар, тай лескере чада, тай о добитаки лескоро?<sup>13</sup>О Иисус в отговор пенгяс лаке: Секой, който пиел далже паниестар, пак ка ожаднинел;<sup>14</sup>а който пиел таро пани, ковато Ме ка дав лес, нанай те ожаднинел жи ко вексос; но о пани, ковато ка дав лес, ка ачол анде лесте извори паниескоро, ковато извириенел вечноне животоске.<sup>15</sup>И ромни пенгяс Леске: Господине, де ман давка пани, за тена ожаднинав, нито те пирав дики дром жи ате те икалав.<sup>16</sup>О Иисус пенгяс лаке: Жа, викине те ромес тай ела ате.<sup>17</sup>В отговор и ромни пенгяс Леске: Нанай ман ром. Пенгяс лаке о Иисус: Право пенгян, кай нанай тут ром;<sup>18</sup>сокето пандже ромен ангян, тай кавка, кате акана иси тут, нанай тухе ром. Давка право пенгян.<sup>19</sup>Пенгяс Леске и ромни: Господине, дикав, кай Ту синян пророки.<sup>20</sup>Амаре дада анде калке хълмиесте кланиненас пес; а туме пенен, кай андо Ерусалим си о тан, кате требва те кланинас амен.<sup>21</sup>Пенгяс лаке о Иисус: Ромнине, верувине Ман, кай авел сахати, като нито само калке хълмиесте, нито андо Ерусалим ка поклонинен тумен на Отца.<sup>22</sup>Туме поклонинен тумен далкеске, ковато нажанен; аме поклонинас амен далкеске, ковато жанас; сокето о спасение си таро юдея.<sup>23</sup>Но авел сахати, тай ало да вече, като о истинска поклонника ка поклонинен пес на Отца с дух и истина; сокето салка мангел о Отец те овен о поклонника Лескере.<sup>24</sup>О Дел си духос; тай колка, колато кланинен пес Леске, с дух и истина требе те кланинен пес.<sup>25</sup>Пенгяс Леске и ромни: Жанав, кай ка авел Месия (ковато наречинел пес Помазаници); Ов, като ка авел, ка явинел амене всичко.<sup>26</sup>Пенгяс лаке о Иисус: Ме, Ковато хоратинав туса, синиом Месия.<sup>27</sup>Далке времесте але Лескере ученика тай почудисале, кай хоратинел ромняса; но никой на пенгяс: Со родес, или. Соке хоратинес ласа?<sup>28</sup>Тогава и ромни мукляс пи стомна, гели андо градос тай пенгяс е манушенге:<sup>29</sup>Елан те дикен мануш, ковато пенгяс мангес всичко, со кергиом. Тена овел Ов о Помазаници?<sup>30</sup>Он иклиле таро градос тай жанас карик Лесте.<sup>31</sup>Машкар далкесте, о ученика молиненас е Иисусес, тай пененас: Учителю, ха.<sup>32</sup>А Ов пенгяс ленге: Ман иси хабе те хав, за колеске туме на жанен.<sup>33</sup>Далкеске о ученика пененас машкар песте: Тена декой те ангяс Леске

варесо хабнаскуе?<sup>34</sup>Пенгяс ленге о Исус: Моро хабе си те керав и воля Колкескири, Ковато бичалгяс ман, тай те свършинав Лескири бути.<sup>35</sup>Нана пенен ли: Още щар масек, тай и жетва ка авел? Аке, пенав туменге, взден тумаре яка тай дикен, кай о нивес си вече парне жетваке.<sup>36</sup>Който жънинел, получинел заплата тай кидел плоди вечноне животоске, за те лошанен заедно, който сеинел да, който жънинел да.<sup>37</sup>Соскето далке отношениесте истинно си и дума, кай иек сеинел, а авер жънинел.<sup>38</sup>Ме бичалгиом тумен те жънинен давка, за колеске нана трудисален; авер трудисале, а туме диниен андо наследство ленгере трудостар.<sup>39</sup>Тай далке градостар бут самаряня повервинде анде Лесте ашал о думес е ромнякере, която свидетелствинелас: Ов пенгяс мангес всичко, со кергиом.<sup>40</sup>Тай чука, като але о самаряня паш Лесте, молинде Лес те ачол паш ленде; тай бешло оте дуи диес.<sup>41</sup>Тай още мнозина повервинде ашал Лескере учениесте;<sup>42</sup>тай е ромняке пенде: Аме верувинас ма само ашал далкеске, ковато пенгян аменге, понеже коркоре шунгям тай жанас, кай Ов си наистина (о Помазаници) о Спасители е светоскоро.<sup>43</sup>Палал о дуи диеса иклило отар тай гело анди Галилея.<sup>44</sup>Соскето коркоро о Исус заявингяс, кай пророкиес нанай почит анди родина леске.<sup>45</sup>Тай чука, като ало анди Галилея, о галиланя приеминде Лес, като дикле всичко ковато кергяс андо Ерусалим ко празници; соскето онда гелесас ко празници.<sup>46</sup>Тай чука, о Исус пак ало анди Кана Галилейска, като кергясас о пани молате. Тай сине иек царско чиновники, колескоро чо сине наставало андо Капернаум.<sup>47</sup>Ов, като шунгяс, кай о Исус ало тари Юдея анди Галилея, гело паш Лесте тай помолингяс Лес те ухлел тай те изцелинел лескере чес, соскето сине мерибнасте.<sup>48</sup>Тогава о Исус пенгяс леске: Ако на дикен знамения тай чудеса, нисар нанай те повервинен.<sup>49</sup>О царско чиновники пенгяс Леске: Господине, ела, жи кай нана муло мо чаво.<sup>50</sup>Пенгяс леске о Исус: Жатуке; то чо си живдо. О мануш повервингяс и дума, която пенгяс леске о Исус, тай гелопеске.<sup>51</sup>Тай като Ов ухлелас карик пе кересте, лескере слуги ресле лес тай пенде, кай лескоро чо си живдо.<sup>52</sup>А ов пучлас лен коле сахакиесте ачило леске по-локо. Он пенде леске: Ибли ко ефта о сахати и треска муклас лес.<sup>53</sup>Тай чукао дад ахалило, кай давка ачило ко също сахати, като о Исус пенгяс леске: То чо си живдо. Тай повервингяс ов, тай лескоро цело кер.<sup>54</sup>Кавка второ знамение кергяс о Исус, като ало пак тари Юдея анди Галилея.

## Chapter 5

<sup>1</sup>Палал далкесте сине юдеиско празници, тай о Исус диняс андо Ерусалим.<sup>2</sup>А андо Ерусалим, паше жи ки Овчо порта, араклол къпалня, наречиме по еврейски Витезда, колато сине панч предверия.<sup>3</sup>Анде ленде пашлонас множество наставале, коре, куца тай парализирана (колато жаренас о движение е паниескоро).<sup>4</sup>Соскето от време на време ангели ухлелас анди къпалня тай раздвиженелас о пани; а който първо делас палал о раздвижиба е паниескоро, оздравинелас саве болестиатар да те овелас наставало).<sup>5</sup>Тай оте сине иек мануш, наставало от трианда тай охто бреша.<sup>6</sup>О Исус, като дикляс лес те пашлол ахалило, кай от дълго време вече боледувинел, пенгяс леске: Мангес ли те оздравинес?<sup>7</sup>О наставало отговорингяс Леске: Господине, нанай ман мануш те мукел ман анди купално, като раздвижигиол о пани; жи кай авав ме, авер ухлел англал манде.<sup>8</sup>О Исус пенгяс леске: Ухти, взаде ти постелка тай пир.<sup>9</sup>Тай ко сахати о мануш оздравингяс, вздингяс пи постелка, тай лилас те пирел. А давка диес сине събота.<sup>10</sup>Далкеске о юдея пенде е изцелимиске: Събота си тай нанай тухе позволиме те взадес ти постелка.<sup>11</sup>Но ов отговорингяс ленге: Ковка, Ковато изцелингяс ман, Ов пенгяс мангес: Вазде ти постелка тай пир.<sup>12</sup>Пучле лес: Кова мануш пенгяс тухе: Вазде ти постелка тай пир?<sup>13</sup>А о изцелимe нажанелас кова си; соскето о Исус цидисалосас отар, тъй като сине множество народос далке танесте.<sup>14</sup>Палал далкесте о Исус араклас лес андо храми тай пенгяс леске: Аке ту синян здраво; ма съгрешине вече, за тена сполетинел тут варесо по-канило.<sup>15</sup>О мануш гело тай известингяс е юдеиенге, кай о Исус, Ковато изцелингяс лес.<sup>16</sup>Тай далкеске о юдея гониненас е Исусес, соскето керелас далка бука в събота.<sup>17</sup>А о Исус отговорингяс ленге: О Отец Моро кергяс бути жи акана, Меда керав бути.<sup>18</sup>Далкеске о юдея мангенас още побут те мударен Лес; соскето ма само нарушинелас и събота, но керелас е Девлес Поро Отец, тай чука керелас Пес равно е Девлеса.<sup>19</sup>Далкеске о Исус пенгяс ленге: Истина, истина пенав туменге: нанаци о Чаво те керел Коркоро Пестар нищо, освен давка, ковато дикел те керел о Отец; понеже со керел Ов, подобно о Чаво да керел лес.<sup>20</sup>Соскето о Отец дехел е Чавес тай покажинел Леске всичко, ковато керел Коркоро; ка покажинел Леске калкендар да по-баре бука, за те чудинен тумен туме.<sup>21</sup>Понеже, сар о Отец възкресинел е мулен тай съживинел лен, чука о Чаво съживинел калкен колато манген.<sup>22</sup>Соскето о Отец на съдинел никас, но диняс е Чавес те съдинел саворен,<sup>23</sup>за те почитинен саворе е Чавес сарто почитинен е Отециес. Който на почитинел е Чавес, на почитинел Отца, Ковато бичалгяс Лес.<sup>24</sup>Истина, истина пенав туменге: който шунел Моро учение тай верувинел анде Калкесте, Ковато бичалгяс Ман, иси лес вечно животос тай нанай те авел на съд, но пренакло таро мериба андо животос.<sup>25</sup>Истина пенав туменге: Авел сахати, тай ало да вече, като о муле ка шунен огласос е Девлескере Чавескоро, тай колато шунен лес, ка живинен.<sup>26</sup>Соскето, сар о Отец иси лес животос анде Песте, също чука диняс е Чавес да те овел Лес животос анде Песте;<sup>27</sup>тай диняс Лес власт те извършинал съдос, соскето си о Човешко Чаво.<sup>28</sup>Ма чудинен тумен далкеске; соскето авел сахати, като саворе, колато си андо миморя, ка шунен Лескоро гласос,<sup>29</sup>тай ка иклон; колка, колато керенас лачипе, ка възкресинен животоске, а колато керенас зло, ка възкресинен осъдимнаске.<sup>30</sup>Ме нанаци керав нищо Мандар; съдинав, сарто шунав; тай Ми присъда си справедливо, соскето намантгав Мери воля, а и воля на Отца, Ковато бичалгяс Ман.<sup>31</sup>Ако свидетелствинав Ме Манге, Мо свидетелство нанай истинно.<sup>32</sup>Авер си, Ковато свидетелствинел Мангес; тай

жанав, кай о свидетелство, ковато Ов дел Манге, си истинно.<sup>33</sup> Туме бичалгиен е Йоанеске; тай ов засвидетелствингяс е истинаке.<sup>34</sup> (Обаче о свидетелство, ковато Ме приеминав, нанай таро мануш; но пенав давка, за те спасинен тумен туме.)<sup>35</sup> Ов сине о светилос, ковато таблолос тай светинелас; тай туме манглен те лошанен за хари време лескере светибнаксе.<sup>36</sup> Но Ман иси свидетелство по-баро таро Йоаново; сокето о дела, колато о Отец диняс Ман те керав, самото о дела, колато керав, свидетелствинен Манге, кай о Отец бичалгиас Ман.<sup>37</sup> Тай о Отец, Ковато бичалгиас Ман, Ов свидетелствинел Манге. Нито Лескоро гласос шунггиен декана, нито Лескоро образи диклен.<sup>38</sup> Тай нанай тумен Лескоро слово постоянно анде туменде, сокето нана верувинен Калкес, Колес Ов бичалгиас.<sup>39</sup> Туме изследвинен о Писания, понеже мислинен чрез ленде те овел тумен вечно животос, тай он си, колато свидетелствинен Манге,<sup>40</sup> тай пак наманглен те авен паш Манде, за те овел тумен животос.<sup>41</sup> Почит таро мануша нана аракав;<sup>42</sup> но жанав, кай тумен нанай тумен анде туменде е Девлескири любов.<sup>43</sup> Ме аллом ко аллов Ме Отециеске, тай нана приеминен Ман; ако авел авер пере алвесте, лес ка приеминен.<sup>44</sup> Сар ащи те повервинен туме, колато приеминен почит иек аврестар, а на роден и почит, която си таро Едино Дел.<sup>45</sup> Ма мислинен, кай Ме ка обвининав тумен англал о Отца; иси иек, ковато обвининел тумен - о Мойсей, колесте туме облегниен тумен.<sup>46</sup> Сокето, ако верувиненас е Мойсейес, ка верувиненас Манда; понеже ов Манге пишигияс.<sup>47</sup> Но ако на верувинен лескере писаниенде, сар ка верувинен Мере думенде?

## Chapter 6

<sup>1</sup>Палал далкесте о Иисус гело ки отвъдно рик ко Галилейско, демек, о Тивериадско езерос. <sup>2</sup>Тай палал Лесте пирелас баро множество; сокето дикенас о знамения, колато керелас уптал о наслале. <sup>3</sup>Тай о Иисус изкачисало ко хълми, тай оте бешелас Пе ученикиенца.<sup>4</sup> А наближинелас о юдейско празници, и Пасха. <sup>5</sup>О Иисус като вздингияс яка тай диклас, кай авел карик Лесте народос, пенгияс е Филипеске: Катар те кинас маро те хан калка?<sup>6</sup> (А давка пенгияс, за те изпитинел лес; сокето Ов жанелас песке со ка керелас.)<sup>7</sup> О Филип отговорингияс Леске: За двеста динария маро нанай те ресел ленге, за те лен саворе по хари. <sup>8</sup>Иек таро ученикия Леске, о Андрей, прал на Симон Петър, пенгияс Леске: <sup>9</sup>Ате иеке чавесте араклон панч ечемична маре тай дуи маче; но со си он за дики манушенге.<sup>10</sup> О Иисус пенгияс: Траден е манушен те бешен. А далке танесте исине бут чар; тай чука, бешле около пет хиляди мруща на брой.<sup>11</sup> Тай о Иисус лилас о маре тай, като благодарингияс, раздиняс лен е ученикене а он е бешленге чука таро маче да, кити манген.<sup>12</sup> Тай като чаларде пес, пенгияс Пе ученикиенге: Киден о останала къшея, за тена нашалио нищо.<sup>13</sup> Тай чука, таро панч ечемична маре кидинде тай переде дешудуи коша къшиенца, ачила калкендар, кате хале.<sup>14</sup> Тогава о мануша, като дикле о знамение, ковато кергияс, пенде: Наистина, Кавка си о Пророки, Ковато ка авелас андо светос.<sup>15</sup> Тай чука, о Иисус като ахалило, кай ка авен те лен Лес насила, за те керен Лес тагар, пак цидисало коркоро ко хълми.<sup>16</sup> А като ратило, о ученикия Лескере ухлиле ко езерос<sup>17</sup> тай дине анди ладия, тай жанас отвъд о езерос андо Капернаум. Тай вече ратилосас, а о Иисус още нана алосас паш ленде;<sup>18</sup> тай о езерос вълнувинаелас пес, понеже пуделас силно балвал.<sup>19</sup> Тай като гребиндесас около бишупанч или трианда стадии, дикле е Иисусес, кай пирел уптал о езерос тай приближинел карик и ладия; тай дараниле.<sup>20</sup> Но Ов пенгияс ленге: Ме синиом; ма даран!<sup>21</sup> Тогава сине готова те лен Лес анди ладия; тай веднага и ладия араклили ки суша, карик колате жанас.<sup>22</sup> Ко следващо дисес о народос, ковато бешелас отвъд о езерос, като дикласас, кай оте нанай авер ладия, освен иек, тай кай о Иисус нана динясас Пе ученикиенца анди ладия, но кай о ученикия Лескере цидинесас коркоро<sup>23</sup> (обаче авер ладиес алесас тари Тивериада паше жи ко тан, кате халесас о маро, след като о Дел благодарингияс),<sup>24</sup> тай чука, о народос, като диклас, кай о Иисус нанай оте, нито Лескере ученикия, он коркоро дине анди ладия тай але андо Капернаум, тай роденас е Иисусес.<sup>25</sup> Тай като аракле Лес отвъд о езерос, пенде Леске: Учителю, кана алан ате?<sup>26</sup> В отговор о Иисус пенгияс ленге: Истина, истина пенав туменге, роден Ман ма сокето диклен знамения, а сокето хален таро маре тай чаларгиен тумен.<sup>27</sup> Керен бути ма хабнаске, ковато аравгиол, а хабнаске, ковато траинел вечно животоске, ковато о Човешко Чаво ка дел тумен; сокето Бог Отец Лес потвърдингияс Пе печатиеса.<sup>28</sup> Далкеске он пенде Леске: Со те керас, за те вършинас е Девлескере дела?<sup>29</sup> О Иисус в отговор пенгияс ленге: Давка си е Девлескоро делос, те повервинен анде Калкесте, Колес Ов бичалгиас.<sup>30</sup> Тогава пенде Леске: Кай Ту саво знамение керес, за те дикас тай те повервинас Туке? Со керес?<sup>31</sup> Амаре дада хале и манна анди пустиния, сарто си пишиме: " Маро таро небес диняс лен те хан".<sup>32</sup> Далкесте о Иисус пенгияс ленге: Истина, истина пенав туменге, ма о Мойсей диняс тумен маро таро небес; а Мо Отец дел тумен о истинско маро таро небес.<sup>33</sup> Сокето е Девлескоро маро си о маро, ковато ухлел таро небес тай дел животос е светос.<sup>34</sup> Он пенде Леске: Девла, де амен винаги давка маро.<sup>35</sup> О Иисус пенгияс ленге: Ме синиом о маро е животоскоро; който авел паш Манде, нисар нанай те бокалол, тай който верувинел Манде, нисар нанай те ожадниел.<sup>36</sup> Но пенав туменге, кай туме диклен Ман тай пак на верувинен.<sup>37</sup> Всичко, ковато дел Ман о Отец, ка авел паш Манде, тай който авел паш Манде, нисар нанай те гонинав лес;<sup>38</sup> сокето ухлилом таро небес ма Мери воля те вършинав, а и воля Калкескири, Ковато бичалгиас Ман.<sup>39</sup> Тай аке и воля Калкескири, Ковато бичалгиас Ман: всичконастар, со диняс Ман, тена нашалав нищо, но те възкресинав лес ко последно дисес.<sup>40</sup> Сокето давка си и воля Ме Отцаскири: всекой, който дикел е Чавес тай повервинел анде Лесте, те овел лес вечно животос, тай Ме те възкресинав лес ко последно дисес.<sup>41</sup> Тогава о юдея възроптиинде против Лесте, сокето пенгияс: Ме синиом о маро, ковато ухлило таро небес.<sup>42</sup> Тай пенде: Нанай ли кавка о Иисус, о Йосифово чаво,

колескере дадес тай дая аме пенджарас? Сар пенел Ов акана: Ме ухлилом таро небес?<sup>43</sup> О Иисус в отговор пенгяс ленге: Ма роптайнен машкар туменде.<sup>44</sup> Никой наци аве паш Манде, ако нана привлеинел лес о Отец, Ковато бичалгяс Ман, тай Ме ка възкресинав лес ко последно диес.<sup>45</sup> Пишими си андо пророкя: "Саворе ка овен сикавде таро Дел". Всекой който шунгяс таро Отца тай сиклило, авел паш Манде.<sup>46</sup> Ма кай диклас декой Отца, освен Ковка, Ковато си таро Дел. Ов диклас Отца.<sup>47</sup> Истина, истина пенав туменге: Който верувинел (анде Манде), иси лес вечно животос.<sup>48</sup> Ме синиом о маро е животоскоро.<sup>49</sup> Тумаре дада хале и манна анди пустиния тай все пак муле.<sup>50</sup> Кавка си о маро, ковато ухлел таро небес, за те хал декой лестар тай тена мерел.<sup>51</sup> Ме синиом о живдо маро, ковато ухлило таро небес. Ако хал декой далке марестар, ка живинел жи ко векос, ба! Тай о маро, ковато Ме ка дав, си Мери плът, (којто Ме ка дав) за е светоскере животоске.<sup>52</sup> Тогава о юдеа лиле те препирирен машкар песте, тай пененас: Сар ащи Кавка те дел амен те хас тари плът Леске?<sup>53</sup> Далкеске о Иисус пенгяс ленге: Истина, истина пенав туменге, ако нана хан и плът е Човешконе Чавескири тай на пиен о рат Лескоро, нанай тумен животос анде туменде.<sup>54</sup> Който парварел пес Мери плът тай пиел Мо рат, иси лес вечно животос; тай Ме ка възкресинав лес ко последно диес.<sup>55</sup> Соскето Мери плът си истинско хабе, тай Моро рат си истинско пииба.<sup>56</sup> Който парварел пес Мери плът, тай пиел Моро рат, ов пребъдвинел анде Манде тай Ме анде лесте.<sup>57</sup> Сарто о живдо Отеци бичалгяс Ман, тай Ме живинав чрез Отца, чука ковкада, ковато парварел пес Манца, ка живинел чрез Манде.<sup>58</sup> Кавка си о маро, ковато ухлило таро небес; ковка, ковато парварел пес далке мареса, ка живинел жи ко векос, а ма сар тумаре дада хале и манна тай муле.<sup>59</sup> Давка пенгяс о Иисус анди синагога, като поучинелас андо Капернаум.<sup>60</sup> Тай чука, мнозина таро ученикия Леске, като шунде давка, пенде: Паро си давка учение; кой ащи те шунел лес?<sup>61</sup> Но о Иисус, като жанелас анде Песте, кай о ученикия Лескере негодувинен против далкесте, пенгяс ленге: Давка ли съблазнител тумен?<sup>62</sup> Тогава со ка пенен, ако дикен о Човешко Чаво те дел оте, кате уло преди?<sup>63</sup> О Духос си, Ковато дел животос; и плът нищо на ползвинел; о думес, колато хоратингиом туменге, духос си тай животос си.<sup>64</sup> Но иси декой тумендар, колато на верувинен. Соскето о Иисус отначало жанелас кола си невярваща тай кова си давка, ковато ка пределас Лес.<sup>65</sup> Тай пенгяс: Далкеске пенгиом туменге, кай никой наци авел паш Манде, ако нанай леске диме таро Отца.<sup>66</sup> Ашал далкеске мнозина таро ученикия Леске отстъпинде тай на пиренас вече Леса.<sup>67</sup> О Иисус пенгяс е дешудонг: Тена манген тумеда те жан тумене?<sup>68</sup> О Симон Петър отговорингяс Леске: Господи, паш касте те жас? Тут иси думес вечно животоске<sup>69</sup> тай аме верувинас тай жанас, кай Ту синян (о Помазаници, Чаво е живде Девлескоро).<sup>70</sup> О Иисус отговорингяс ленге: Ма Ме ли избиригиом тумен е дешудон, тай иек тумендар си бенг?<sup>71</sup> Ов хоратинелас за Юда Симонов Искариотски; соскето ов, иек таро дешудуи, ка пределас Лес.

## Chapter 7

<sup>1</sup>Палал далкесте о Иисус пирелас ки Галилея; соскето на мангелас те пирел ки Юдея, понеже о юдея мангелас те мударен Лес. <sup>2</sup>А наблизинелас о юдейско празници Шатроразгъване.<sup>3</sup> Далкеске Лескере прала пенде Леске: Занак атар тай жа анди Юдея, чука че Тере да ученикия те дикен о дела, колато керес; <sup>4</sup>соскето никои, който мангел коркоро те овел известно, нана керел варесо скришно. Щом керес калка дела, явине Тут андо светос.<sup>5</sup> (Соскето нито Лескере прала верувиненас Лесте.) <sup>6</sup>О Иисус пенгяс ленге: Моро време още нана ало; а тумаро време винаги си готово.<sup>7</sup> Тумен о светос нанаци мразинел; а Ман мразинел, соскето Ме заявиинав за леске, кай лескере дела си нечестива.<sup>8</sup> Жан туме ко празници; Ме нанай още те жав калке празнициесте, соскето Мо време още нана ало.<sup>9</sup> Тай като пенгяс ленге давка, ачило песке анди Галилея.<sup>10</sup> А като Лескере прала геле ко празници, тогава Ов да гело, ма явно, а тайно десар си.<sup>11</sup> А о юдея роденас Лес ко празници тай пененас: Кате си Ковка?<sup>12</sup> Тай исине за Леске бут глъчка машкар о народос; иек пененас: Лачо мануш си; авер пененас: Нанай, ама заблудинел е народос.<sup>13</sup> Обаче никои на хоратинелас открито за Леске поради и дар таро юдея.<sup>14</sup> Но като преполовинелас пес вече о празници, о Иисус диняяс андо храми тай почнингяс те поучинел.<sup>15</sup> Тай о юдея чудиненас пес тай пененас: Сар жанел Кавка книга, като нана учингяс?<sup>16</sup> О Иисус в отговор пенгяс ленге: Моро учение нанай Моро, а Колкескоро, Ковато бичалгяс Ман.<sup>17</sup> Ако мангел декой те керел Лескири воля, ка ахаловел дали о учение си таро Дел, или Ме Мандар хоратинав.<sup>18</sup> Който хоратинел пестар, родел пери слава; а който родел и слава Колкескири, Ковато бичалгяс Лес, Ов си истинско тай анде Лесте нанай неправда.<sup>19</sup> Нана диняяс ли тумен о Мойсей о закони? Но пак никой тумендар нана изпълниел о закони. Соске манген те мударен Ман?<sup>20</sup> О народос отговорингяс: Бяс иси тут. Кой мангел те мударел Тут?<sup>21</sup> О Иисус в отговор пенгяс ленге: Иек делос кергиом тай саворе чудинен тумен Мангел ашал леске.<sup>22</sup> О Мойсей диняяс тумен о обрязване, (ма кай си таро Мойсей, но таро дада); тай събота обрязвинен е манушес.<sup>23</sup> Ако обрязвинел пес мануш в събота, за тена нарушигиол о Мойсееово закони, Мангел ли гневинен тумен, далкеске кай напълно изцелигиом манушес в събота.<sup>24</sup> Ма съдинен по изглед, а съдинен справедливо.<sup>25</sup> Тогава декой таро ерусалимция пенде: Нанай ли Кавка о мануш, Колес манген те мударен?<sup>26</sup> Аке, Ов явно хоратинел, тай нищо на пенен Леске. Да не би о първеници положително те жанел, кай Кавка си о Помазаници.<sup>27</sup> Обаче Кавка жанас катар си; а като ка авел о Помазаници, никой нанай те жанел катар си.<sup>28</sup> Далкеске о Иисус, като поучинелас андо храми, пищингяс, тай пенгяс: Ман да пенджарен, тай катар синиом жанен; тай Ме коркоро Мандар нана алом, но истинно си Кавка, Ковато бичалгяс Ман, Колес туме нана пенджарен.<sup>29</sup> Менденджараав Лес, соскето синиом Лестар, тай Ов бичалгяс Ман.<sup>30</sup> Тай чука, мангелас те долен Лес;

но никой на товгяс вас упрат Лесте, сокето о сахати Лескоро още нана алосас още.<sup>31</sup> Обаче мнозина таро народос повервиде анде Лесте, като пененас: Като ка авел о Помазаники, нима ка керел по бут знамения калкендар, колато Кавка кергяс?<sup>32</sup> О фарисея шунде, кай чука мъзвинел о народос за Леске; тай о главна свещеника тай о фарисея бичалде служителен те долен Лес.<sup>33</sup> А о Иисус пенгяс: Още хари време синиом туменца тай тогава каа жав паш Колкесте, Ковато бичалгяс Ман.<sup>34</sup> Ка роден Ман тай нанай те аракен Ман; тай кате синиом Ме, туме нанащи авен.<sup>35</sup> Далkestе о юдея пенде машкар песте: Кате ка жал Кавка, кай нанай те ащи те аракас Лес? Да не би те жал паш о разпръсната машкар о гърция тай те поучинел е гърциен?<sup>36</sup> Со значинен калка думес, колато пенгяс: Ка роден Ман тай нанай те аракен Ман; тай кате синиом Ме, туме нанащи авен?<sup>37</sup> А ко последно диес, о велико диес е празниеске, о Иисус зачило тай пищингяс, тай пенгяс: Ако декой си жадно, нека авел паш Манде тай те пие.<sup>38</sup> Който верувинел анде Манде, реки таро живдо пани ка затащен андрал лесте, сарто пенгяс о Писание.<sup>39</sup> А давка пенгяс за е Духоске, Колес о върваща анде Лесте ка приеминенас; сокето о (Свято) Духос още на сине дендо, понеже о Иисус още нана прослависалосас.<sup>40</sup> Тогава десаве таро народос, колато шунде далка думес, пенде: Наистина Кавка си о Пророки.<sup>41</sup> Авер пененас: Кавка си о Помазаники. Декой па пенелас: Нима тари Галилея ка авел о Помазаники?<sup>42</sup> На пенгяс ли о Писание, кай о Помазаники ка авел таро Давидово потомство тай таро градос Витлеем, катар сине о Давид?<sup>43</sup> Тай чука възникнингяс раздори ашал Леске машкар о народос.<sup>44</sup> Тай декой лендар мангенаас те долен Лес; но никой на товгяс васта упрат Лесте.<sup>45</sup> Тогава о служителя але ко главна свещеника тай ко фарисея; тай он пенде ленге: Соске нана антиен Лес?<sup>46</sup> О служителя отговоринде: Нисар мануш на хоратингяс чука (сарто Кавка мануш).<sup>47</sup> А о фарисея отговоринде ленге: Тумеда ли синиен заблудиме?<sup>48</sup> Повервингяс ли анде Лесте декой таро първенци или таро фарисея?<sup>49</sup> Но кавка простолюдие, ковато на жанел о закони, проклето си.<sup>50</sup> О Никодим, ковато сине иек лендар, (о също, ковато гелосас паш Лесте (ират) по-рано), пенгяс ленге:<sup>51</sup> Амаро закони осъдинел ли е манушес, ако първо на шунел лес тай нана ахалол со керел?<sup>52</sup> Он в отговор пенде леске: Тена овес туда тари Галилея? Роде тай дик, кай тари Галилея пророки нана ваздисало.<sup>53</sup> Тай секой гелопеске кере.

## Chapter 8

<sup>1</sup> А о Иисус гело ко Елеонско хълми.<sup>2</sup> Тай рано андиавин пак ало андо храми; а саворе люде авенас паш Лесте, тай Ов бешло, тай поучинелас лен.<sup>3</sup> О книжникя тай о фарисея анде (паш Лесте) иеке ромня, долди в прелюбодейство, тай като поставинде ла ко машкар, пенде Леске.<sup>4</sup> Учителю, кайа ромни сине долди андо делос на прелюбодейство.<sup>5</sup> А о Мойсей заповедингяс аменге андо закони те мударас салжен баренца; Ту со пенес за лаке?<sup>6</sup> Тай давка пенде те изпитинен Лес, за те овел лен за соске те обвининен Лес. А о Иисус бангило нателе тай пишинелас наеса ки пув.<sup>7</sup> Но като постоянствиненас те пучен Лес, Ов изправисало тай пенгяс ленге: Ковато тумендар си безгрешно\*, нека първо те чивел бар упрат лате.<sup>8</sup> Тай пак бангило нателе, тай пишинелас наеса ки пув.<sup>9</sup> А он, като шунде давка, иклонас песке иек по иек, като почнинде таро по-пуре тай следвинде жи ко последна; тай о Иисус ачило коркоро, тай и ромни, кате синепеске, ко машкар.<sup>10</sup> Тай като изправингяс пес, о Иисус пенгяс лаке: Ромнине, кагеле калка, (колато обвининенас тут)? Никой ли на осъдинягяс тут?<sup>11</sup> Тай ой отговорингяс: Никой Девла. О Иисус пенгяс: Нито Ме осъдинав тут; жа тuke тай от акана ма съгрешине вече.<sup>12</sup> Тогава о Иисус пак хоратингяс ленге, тай пенгяс: Ме синиом и светлина ко светос; който следвинел Ман, нанай те пирел анди тъмнина, но ка овел лес и светлина е животоскири.<sup>13</sup> Тогава о фарисея пенде Леске: Ту коркоро свидетелствинес за Туке; Торо свидетелство нанай истинно.<sup>14</sup> О Иисус в отговор пенгяс ленге: Ако те свидетелствинав да за Манге, пак Мо свидетелство си истинно; сокето жанав катар алом тай на кате жав; а туме нажанен катар авав или на кате жав.<sup>15</sup> Туме съдинен по плът; Ме на съдинав никас.<sup>16</sup> Тай даже ако съдинав, Мери присъда си истинно, сокето на синиом коркоро, но Ме синиом, тай о Отец, Ковато бичалгяс Ман.<sup>17</sup> Тай андо закони, ва, тумаре закониесте, си пишиме, кай о свидетелство дуие манушенгоро си истинно.<sup>18</sup> Ме синиом, Ковато свидетелствинав Манге; тай о Отец, Ковато бичалгяс Ман, свидетелствинел Манге.<sup>19</sup> Тогава пенде Леске: Кате си Торо Отеци? О Иисус отговорингяс: Нито Ман пенджарен, нито Ме Отециес; ако пенджаренас Ман, ка пенджаренас Ме Отециес да.<sup>20</sup> Далка думес Ов хоратингяс анди съкровищница, като поучинелас андо храми; тай никой на долгяс Лес, сокето о сахати Лескоро още нана алосас.<sup>21</sup> Тай пак пенгяс ленге о Иисус: Ме жаманге; тай ка роден Ман, но анди безех тумари ка мерен. Кате жав Ме, туме нанащи авен.<sup>22</sup> Далкеске о юдея пенде: Тена мударел пес, тай пенел: Кате жав Ме, туме нанащи авен?<sup>23</sup> Тай пенгяс ленге: Туме синиен калкендар, колато си теле; Ме синиом колкендар, кате си упре. Туме синиен калке светостар; а Ме на синиом калке светостар.<sup>24</sup> Дале причинаке пенгиом туменге, кай ка мерен анде тумаре безехенде; сокето, ако на повервинен, кай синиом давка, ковато пенав, анде тумаре безехенде ка мерен.<sup>25</sup> А он пенде Леске: Ту кова синян? О Иисус пенгяс ленге: Англал всичко, Ме синиом именно давка, ковато пенав туменге.<sup>26</sup> Бут буя исиман те хоратинав тай те съдинав за туменге; но Кавка, Ковато бичалгяс Ман, си истинско; тай со шунгиом Лестар, давка хоратинав е светоске.<sup>27</sup> Он нана ахалие, кай хоратинел ленге за Отца.<sup>28</sup> Тогава о Иисус пенгяс: Като ка вазден е Човешконе Чавес, тогава ка пенджарен, кай синиом кавка, ковато пенав, тай кай Мандар нищо на керав, но ковато сикавингяс Ман о Отец, давка хоратинав.<sup>29</sup> Тай Кавка, Ковато бичалгяс Ман, Манца си; Нана муклас Ман коркоро. Ме керав всякога давка, ковато си Леске угодно.<sup>30</sup> Като хоратинелас давка, мнозина на повервинде анде Лесте.<sup>31</sup> Тогава о Иисус пенгяс калкенге колато

поворвиде анде Лесте юдея: Ако пребъдинен Мере учениесте, наистина синиен Мере ученикия;<sup>32</sup> тай ка пенджарен истина, тай и истина ка керел тумен свободна.<sup>33</sup> Отговоринде Леске: Аме синям Авраамово потомство тай нисар жи акана нана улам никаске слуги; сар пенес Ту: Ка ачон свободна.<sup>34</sup> О Иисус отговорингяс ленге: Истина, истина пенав туменге, всекой, които керел безеха, слуга си е безехаке.<sup>35</sup> А о слугас нана ачол вечно андо кер; о чаво ачол вечно.<sup>36</sup> Ако о Чаво освободинел тумен, ка овен наистина свободна.<sup>37</sup> Жанав, кай синиен Авраамово потомство; но пак манген те мударен Ман, соскето Моро учение нана кидел пес анде туменде.<sup>38</sup> Ме хоратинав давка, ковато диклом анде Мере Отециесте; също тумеда керен давка ковато шунгиен тумаре дадестар.<sup>39</sup> Он в отговор пенде Леске: Амаро дад си о Авраам. О Иисус пенгяс ленге: Ако синиенас Авраамова чада, о Авраамова дела ка керенас.<sup>40</sup> А акана манген те мударен Ман, о Мануш, Ковато пенгиом туменге и истина, която шунгиом таро Дел. Давка о Авраам нана керелас.<sup>41</sup> Туме керен о дела тумаре дадескере. Он пенде Леске: Аме на синиам биянде таро блудство; иек Отеци иси амен, о Дел.<sup>42</sup> О Иисус пенгяс ленге: Ако сине о Дел тумаро Отеци, то туме ка дехенас Ман, соскето Ме таро Дел иклилом тай алом; понеже Ме нана алом Мандар, но Ов бичалгяс Ман.<sup>43</sup> Соске нана ахалон Моро словос? Соскето нанащи шунен Моро учение.<sup>44</sup> Тумаро дад си о бенг тай манген те керен о похоти тумаре дадескоро. Ов сине открайа човекубийцос тай нана устоингяс анди истина; соскето анде лесте нанай истина. Като хоратинел хохаиба, перестар хоратинел, соскето си хохавно, тай е хохаибнаскоро дад.<sup>45</sup> Но понеже Ме хоратинав и истина, туме нана верувинен Ман.<sup>46</sup> Кова тумендар обвининел Ман безехаке? Тай ако хоратинав и истина, соске нана верувинен Ман?<sup>47</sup> Ковато си таро Дел, ов шунел е Девлескере думес; туме затова нана шунен, соскето на синиен таро Дел.<sup>48</sup> О юдея в отговор пенде Леске: На синя ли права, като пенас, кай синян самаряни тай иси тут бяс?<sup>49</sup> О Иисус отговорингяс: Нанай Ман бяс; но Ме почитинав Ме Отцас, а туме позоринен Ман.<sup>50</sup> Но Ме нана родав слава Манге; иси Иек, Ковато родел тай съдинел.<sup>51</sup> Истина, истина пенав туменге: ако декой опазинел Моро учение, нанай те дикел мериба жи ко векос.<sup>52</sup> О юдея пенде Леске: Акана жанас, кай иси тут бяс. о Авраам муло, също о пророкя да; а Ту пенес: Ако декой опазинел Моро учение, нанай те вкусинел мериба жи ко векос.<sup>53</sup> Нима Ту синян по-баро амаре дадестар таро Авраам, ковато муло? О пророкя да муле. Ту саво керес тут?<sup>54</sup> О Иисус отговорингяс: Ако славинав Ме Ман, Ми слава си нищо; о Отеци Моро, си Ковато славинел Ман, за Колеске туме пенен, кай си тумаро Дел,<sup>55</sup> тай пак на пенджаргиен лес. Но Ме пенджарав Лес; тай ако пенав, кай на пенджарав Лес, ка овав сар туменде хохавно; но Ме пенджарав Лес тай пазинав Лескоро словос.<sup>56</sup> Тумаро дад о Авраам ликувинелас, кай ка дикел Моро диес; тай диклас лес, тай лошангяс.<sup>57</sup> О юдея пенде Леске: Пинда бреша още нанай тут, а е Авраамес ли диклян?<sup>58</sup> О Иисус пенгяс ленге: Истина, истина пенав туменге, преди те биангииол о Авраам, Ме синиом.<sup>59</sup> Тогава лиле бара те чивен упран Лесте; но о Иисус гарагяс пес тай иклило таро храми ( наклосас; тай чука гело песке).

## Chapter 9

<sup>1</sup>Тай като занакелас, дикляс иекес коро бияндо мануш. <sup>2</sup>Тай Лескере ученикия пучле Лес, тай пенде: Учителю, ашал каскири безех, лескири или лескере родителенгири, ов бияндило коро?<sup>3</sup> О Иисус отговорингяс: Нито ашал лескири безех, нито лескере родителенгири, но за те явинен пес анде лесте е Девлескере дела. <sup>4</sup>Аме требе те керас о дела Калкескере, Ковато бичалгяс Ман, бискаи си диес; авел и рат, като никой наши керел бути. <sup>5</sup>Като синиом андо светос, и светлина синиом ко светос.<sup>6</sup> Като пенгяс давка, чунгадингяс ки пув, кергяс чик е чунгадеса тай маклас е чикаса лескере яка ; <sup>7</sup>тай пенгяс леске: Жа, тов тут анди къпално Силоам( ковато значинел: бичалдо). Тай чука, ов гело, тогяс пес тай ало прогледнало.<sup>8</sup> А о комшидес тай колка, колато диклесас лес по-преди, кай сине коро, пененас: Нанай ли кавка, ковато бешелас тай просинелас?<sup>9</sup> Иек пененас: Ов си; авер пененас: Нака, а препел упран лесте. Ов пенгяс: Ме синиом.<sup>10</sup> Далкеске пенде леске: Тогава сар путердиле те яка?<sup>11</sup> Ов отговорингяс: О Мануш, Ковато пенел пес Иисус, кергяс чик, маклас ме яка тай пенгяс манге: Жа ки Силоам тай тов тут. Тай чука, гелом, тай като тогиом ман, задиклом. <sup>12</sup>Тогава пенде леске: Кате си Ов? Пенел: Нажанав.<sup>13</sup> Ингалде ко фарисея о някогашно коро. <sup>14</sup> А сине събота, като о Иисус кергяс и чик тай путергяс лескере яка. <sup>15</sup> Тай чука, пак пученас лес о фарисея сар задиклас. Тай ов пенгяс ленге: Чик тогяс ме якенде, тогиоман тай диков.<sup>16</sup> Далкеске десаве таро фарисея пененас: Кавка Мануш нанай таро Дел, соскето на пазинел и събота. А авер пененас: Сар ащи грешно мануш те керел салка знамения? Тай възникнингяс раздори машкар ленде.<sup>17</sup> Пенен пак е кореске: Ту со пенес за Леске, като путергяс те яка? Тай ов пенгяс: Пророки си.<sup>18</sup> Но о юдея на верувиненас, кай ов уло коро тай задиклас, жи кай нана викинде е родителен е продиклескере,<sup>19</sup> тай пучле лен, тай пенде: Кавка ли си тумаро чо, за колеске пенен, кай бияндило коро? А акана сар дикел?<sup>20</sup> О родителе в отговор пенде: Жанас, кай кавка си амаро чо тай кай бияндило коро;<sup>21</sup> а акана сар дикел, нажанас; или кой путергяс лескере яка, нажанас; лес пучен, ов си на възраст, коркоро нека хоратинел песке.<sup>22</sup> Давка пенде лескере родителя, соскето даранас таро юдея; понеже о юдея вече споразуминдесас пес машкар песте те отльчинен тари синагога колкес, ковато ка признавинел Лес, кай си Помазаники.<sup>23</sup> Далке причинаке лескере родителя пенде: Ов си на възраст, лес пучен.<sup>24</sup> Тай чука, викинде второ дром е манушес, ковато сине коро, тай пенде леске: Възде слава е Девлеске; аме жанас, кай Кавка Мануш си грешники.<sup>25</sup> А ов отговорингяс: Дали си грешники, нажанав; иек жанав, кай улом коро, а акана диков.<sup>26</sup> Далкеске пенде леске: Со кергяс туке? Сар путергяс те яка?<sup>27</sup> Отговорингяс ленге: Пенгиом туменге аке акана, тай на шунгиен; соске манген пак те шунен? Тена манген тумеда те ачон Леске ученикия?

## Chapter 10

<sup>28</sup>Тогава он изругинде лес, тай пенде: Ту синян Лескоро ученики; а аме синям Мойсеева ученикия. <sup>29</sup>Аме жанас, кай на Мойсей о Дел хоратингяс, а Кавка нажанас катар си.<sup>2829</sup> 28 Тогава он наругинделес тай пенде: Ту синян Лескоро ученики; а аме синям Моисеева ученики. 29 Аме жанас, кайн е Моисеске коркоро о Дел хоратингяс, а калкес нажанав катар си.<sup>30</sup> О мануш в отговор пенгяс ленге: Давка си о чудно, кай туме нажанен катар си, но пак путергяс ме яка.<sup>31</sup> Жанас, кай о Дел на шунел е грешникиен; но ако декой си благочестиво тай керел е Девлескири воля, лес шунел.<sup>32</sup> А па таро векос нана шундилоте путергяс декой о яка манушекере бяндо коро.

<sup>33</sup> Ако на сине Кавка Мануш таро Дел, нанай те аци нищо те керел.<sup>34</sup> Он в отговор пенде леске: Ту цело андо безеха синян бяндо, тай амен ли сикавес? Тай гонинде лес наври.<sup>35</sup> Шунгяс о Иисус, кай гонинде лес наври тай като араклас лес, пенгяс: Ту верувинес ли андо Божие Чаво?<sup>36</sup> Ов в отговор пенгяс: А кой си Ов, Девла за те верувинав Лесте?<sup>37</sup> О Иисус пенгяс леске: Тай диклан Лес, тай Който хоратинел туса, Ов си.<sup>38</sup> А ов пенгяс: Верувинав, Девла; тай поклонисало Леске.<sup>39</sup> Тай о Иисус пенгяс: Съдимнаске алом Ме калке светосте, за те дикен о невиждаща, а о виждаща те королон.<sup>40</sup> Колка таро фарисея, колато сине Леса, като шунде давка, пенде Леске: Тена овас амеда коре?<sup>41</sup> О Иисус пенгяс ленге: Ако синиенас коре, нанайас те овел тумен безех, но понеже акана пенен: Дикас, и безех ачол туменге.

## Chapter 10

<sup>1</sup>Истина, истина пенав туменге: Който нана дел таро вудар ки кошара е овценте, но прехърпинел авретар, ов си чор тай разбойники.<sup>2</sup> А който дел таро вудар, овчари си е овценте.<sup>3</sup> Леске о вратари пуртел; тай о овце шунен лескоро гласос; тай викинел пере овчен алавесте, тай икалел лен.<sup>4</sup> Като икалел саворен, пирел англал ленде; тай о овце следвинен лес, соскето пенджарен лескоро гласос.<sup>5</sup> А чуждоне манушес нанай те следвинен, но ка нашен лестар; соскето нана пенджарен о гласос е чуждоненгоро.<sup>6</sup> Кайка притча пенгяс ленге о Иисус; но он нана ахалиле со хоратинел ленге.<sup>7</sup> Тогава о Иисус пак пенгяс ленге: Истина, истина пенав туменге: Ме синиом о вудар е овценто.<sup>8</sup> Саворе, колато але англал Манде, си чора тай разбойници; но о овце нана шунде лен.<sup>9</sup> Ме синиом о вудар; презал Манде ако дел декой, ка овел спасиме тай ка дел, тай ка иклол, тай паша ка аракел.<sup>10</sup> О чор авел само те чорел, те заколинел тай те погубинел; Ме алом, за те овел лен животос, тай те овел лен изобилно.<sup>11</sup> Ме синиом о лачо пастири; о лачо пастири по животос дел е овценте.<sup>12</sup> Ковато си наемники, а ма овчари, тай нанай стопани е овценте, дикел е вълкиес, кай авел, тай като мукел е овчен, нашел; тай о вълки грабинел лен тай разпръснител.<sup>13</sup> Ов нашел, соскето си наемники, тай нанай лес грижа е овценте.<sup>14</sup> Ме синиом о лачо пастири тай пенджарав Мерен, тай Мере Ман пенджарен,<sup>15</sup> също сарто о Отеци пенджарел Ман, тай Ме пенджарав е Отециес; тай Ме дав Мо животос е овценте.<sup>16</sup> Авер да овце иси Ман, колато нанай калке кошаратар, тай лен требва те анав; тай ка шунен Мо гласос; тай ка ачон иек стадос иеке пастириеса.<sup>17</sup> Далкеске дехел Ман о Отец, соскето Ме дав Мо животос, за те лав лес пак.<sup>18</sup> Никой нана лел лес Манге, но Ме Мандар дав лес. Иси Ман право те дав лес, тай иси Ман право пак те лав лес. Кайка заповед получингиом Ме Отециестар.<sup>19</sup> Ашал калке думенге пак възникнингяс раздори машкар о юдея.<sup>20</sup> Мнозина лендар пененас: Бяс иси Лес тай денило си; соске шунен Лес?<sup>21</sup> Авер пененас: Калка думес нанай манушекере, долдо от бяс. Аци ли бесос те пуртел яка коренгере?<sup>22</sup> Тай настъпингяс андо Ерусалим о празници е освещениеско ко храми. Евент сине;<sup>23</sup> тай о Иисус пирелас андо Соломоново трени е храмиеске.<sup>24</sup> Тогава о юдея заобиколинде Лес тай пенде Леске: Жи канна ка икерес амен в съмнение? Ако синян Ту о Помазаници, пен амене ясно.<sup>25</sup> О Иисус отговорингяс ленге: Пенгиом туменге тай на верувинен. О дела, колато керав андо алав Ме Отцаске, он свидетелствинен Манге.<sup>26</sup> Но туме на верувинен, соскето на синиен Мере овцентар.<sup>27</sup> Мере овце шунен Мо гласос тай Ме пенджарав лен, тай он следвинен Ман.<sup>28</sup> Тай Ме дав ленечно животос; тай он нисар нанай те загининен, тай никой нанай те грабинел лен Ме вастестар.<sup>29</sup> Мо Отец, Ковато диняс лен Манге, си по-баро саворендар; тай никой наши грабинел лен таро вас на Отца.<sup>30</sup> Ме тай о Отец иек синям.<sup>31</sup> О юдея пак лиле бара, за те мударен Лес.<sup>32</sup> О Иисус отговорингяс ленге: Бут лаче дела сикавгиом туменге таро Отца; за кова калке деловиендар миген те мударен Ман баренца?<sup>33</sup> О юдея отговоринде Леске: Ма за лаче делоске мангас те мударас Тут баренца, а за богохулство тай соскето Ту, като синян мануш, керес Тут Дел.<sup>34</sup> О Иисус отговорингяс ленге: Нанай ли пишими анде тумаре закониесте: "Ме пенгиом, богове синиен туме"?<sup>35</sup> Ако си наречиме богове колка, карик коленде ало о Божие слово (тай о пишими наши те нарушишигиол),<sup>36</sup> то Калкеске, Колес о Дел осветингяс тай бичалгяс ко светос, пенен ли: Богохулствинес, соскето пенгиом: Ме синиом Божие Чаво?<sup>37</sup> Ако на керав о дела Ме Отцаске, ма верувинен Ман;<sup>38</sup> но ако керав лен, то, макар тена верувинен Ман, верувинен ко дела, за те пенджарен тай ахалон, кай о Отец си анде Манде тай Ме андо Отца.<sup>39</sup> Пак мангенас те долен Лес; но Ов нашло таро васта ленге.<sup>40</sup> Тай гело отвъд Йордан, ко тан, кате о Йоан по-преди кръстинелас, тай ачило оте.<sup>41</sup> Тай мнозина але паш Лесте; тай пененас: о Йоан на кергяс нисаво знамение; но всичко, ковато пенгяс о Йоан за Калкеске сине истинно.<sup>42</sup> Тай оте мнозина повервинане анде Лесте.

## Chapter 11

<sup>1</sup>Иек мануш ко алав Лазар, тари Витания, таро гав на Мария тай лакири пен и Марта, боледувинелас.<sup>2</sup> (А и Мария, колакаро прал о Лазар сине насвало, сине койка, която помажкингяс е Девлес мироса тай косляс Лескере<sup>4</sup> пире бе баленца.)<sup>3</sup> Тай чука, о пения бичалде жи Лесте те пенен Леске: Девла, аке, ковка, колес дехес, си насвало.<sup>4</sup> А

о Иисус, като шунгяс давка, пенгяс: Кайка болест нанай мерибнаскири, но си за е Девлескере славаке, за те прославинел пес о Божие Чаво през лате.<sup>5</sup> А о Иисус дехелас е Марта тай лакере пеня, тай е Лазарес.<sup>6</sup> Тогава, от сар шунгяс, кай сине насвало, ачило дуи диес ко тан, кате араклолас.<sup>7</sup> А палал далкесте пенгяс е ученикиенге: Те жас пак анди Юдея.<sup>8</sup> Пенде Леске о ученикия: Учителю, акана о юдея мангле те мударен Тут баренца, тай пак ли оте жас?<sup>9</sup> О Иисус отговорингяс: Нали иси дешудуи сахакя андо диес? Ако пирел декои о диес, нана препъвинел пес, сокето дикел и виделина калке светоскири.<sup>10</sup> Но ако пирел декой ират, препъвинел пес, сокето нанай осветлиме.<sup>11</sup> Давка хоратингяс тай после пенгяс ленге: Амаро амал о Лазар засуто; но Ме жав те ухкярав лес.<sup>12</sup> О ученикия пенде Леске: Девла, ако засуто, ка оздравинел.<sup>13</sup> Но о Иисус хоратинел лескере мерибнаске; а он мислиненас, кай хоратинел почивибнаске андо суно.<sup>14</sup> Далкеске о Иисус тогава пенгяс ленге ясно: О Лазарес муло.<sup>15</sup> Тай ашал туменге, лошанав, кай нана улом оте, за те повервинен; обаче нека те жас паш лесте.<sup>16</sup> Тогава о Тома, наречиме Близнак, пенгяс е съученикиенге: Те жас амеда, за те мерас Леса.<sup>17</sup> Тай чука, като ало о Иисус, аракляс, кай о Лазар сине штар диес андо мимори.<sup>18</sup> А Витания сине паше жи ко Ерусалим кити дешупанч стадиес;<sup>19</sup> тай мнозина таро юдея сине ки Марта тай Мария те утешинен лен ленгере пралеске.<sup>20</sup> Тай и Марта като шунгяс, кай о Иисус авелас, гели те посрещнител Лес; а й Мария още бешелас кере.<sup>21</sup> Тогава и Марта пенгяс е Иусеске: Господи, те овесас Ту ате, нанаяс те мерел мо прал.<sup>22</sup> А акана да жанав, кай со да те мангес таро Дел, о Дел ка дел Тут.<sup>23</sup> Пенгяс лаке о Иисус: То прал ка възкресинел.<sup>24</sup> Пенгяс Леске и Марта: Жанав, кай ка възкреснител е възкресениеса ко последно диес.<sup>25</sup> О Иисус пенгяс лаке: Ме синиом о възкресение тай о животос; който верувинел анде Манде, те мерел да, ка живинел,<sup>26</sup> тай никой, който си живдо тай верувинел анде Манде, нанай те мерел жи ко векос. Верувинес ли давка?<sup>27</sup> Пенел Леске: Ва, Господи, верувинав, кай Ту синян о Помазаники, о Божие Чаво, Ковато требавше те авел ко светос.<sup>28</sup> Тай като пенгяс давка, гели те викинел скришом пе пеня е Мария, тай пенелас: О Учители ало тай викинел тут.<sup>29</sup> Тай ой, щом шунгяс давка, ухтинили бързо тай гели паш Лесте.<sup>30</sup> О Иисус още нана ало андо гав, а сине ко тан, кате посрещнингяс Лес и Марта.<sup>31</sup> А о юдея, колато сине ласа кере тай утешиненас ла, като дикле, кай и Мария ухтинили бързо тай иклили, геле палал лате, като мислиненас кай жал ко мимори те ровел оте.<sup>32</sup> Тай чука, и Мария, като али оте, кате сине о Иисус, тай дикляс Лес, пели англал о пире Леске тай пенгяс Леске: Господи, те овесас Ту ате, нанаяс те мерел мо прал.<sup>33</sup> О Иисус, като диклас ла, кай ровел, тай о юдея, колато придржиненас ла, кай ровен, разтъжисало анде Пе Духосте тай смутисало.<sup>34</sup> Тай пенгяс: Кате положингиен лес? Пенен Леске: Господи, ела тай дик.<sup>35</sup> О Иисус просълзисало.<sup>36</sup> Тогава о юдея пененас: Дик кити дехелас лес!<sup>37</sup> А десаве лендар пенде: Нанащине ли Кавка, Ковато путергяс о яка е корескере, те керел, чука кай кавка да тена мерел?<sup>38</sup> А о Иисус като тъжинелас пак анде Песте, ало ко мимори. Сине пещера, тай лате сине привалиме бар.<sup>39</sup> О Иисус пенгяс: Местинен о бар.И Марта, и пен е мулескири, пенгяс Леске: Господи, кандел вече, сокето штар диес си андо мимори.<sup>40</sup> Пенгяс лаке о Иисус: Нана пенгиом ли тuke, кай ако повервинес, ка дикес е Девлескири слава?<sup>41</sup> Тай чука, местинде о бар. А о Иисус ваздингяс яка на упре тай пенгяс: Отче, благодаринаман Туке, кай шунгян Ман.<sup>42</sup> Межанавас, кай Ту винаги шунес Ман; но давка пенгиом ашал о народос, ковато бешел наоколо, за те повервинен, кай Ту бичалтян Ман.<sup>43</sup> Като пенгяс давка, пищингяс силноне глассоса: Лазаре, икли аври!<sup>44</sup> О муло иклило, о васта тай о пире пакърде андо саван тай лескоро муй забрадиме кърпаса. О Иисус пенгяс ленге: Отпакърен лес тай мукен лес те жал песке.<sup>45</sup> Тогава мнозина таро юдея, колато алесас ки Мария тай дикле давка, ковато кергяс о Иисус, повервине анде Лесте.<sup>46</sup> А десаве лендар геле ко фарисея тай пенде ленге со кергяс о Иисус.<sup>47</sup> Тогава о главна свещеника тай о фарисея кидинде съвети тай пенде: Со керас аме? Сокето Кавка Мануш керел бут знамения?<sup>48</sup> Ако мукас Лес чука, саворе ка повервинен анде Лесте; тай о римланя като ка авен, ка отнеминен и страна да амари, амари народност да.<sup>49</sup> А иек лендар ко алав Каиафа, ковато сине първосвещеници презал кавка бреш, пенгяс ленге: Туме нищо најканен,<sup>50</sup> нито мислинен кай туменге си по-лачес иек мануш те мерел е люденге, а ма те загининел о цело народос.<sup>51</sup> Давка нана пенгяс пестар, но понеже сине първосвещеници презал ковка бреш, предскажингяс, кай о Иисус ка мерел е народоске,<sup>52</sup> тай ма само е народоске, но за те кидел да иекесте о разпръсните Божия чада.<sup>53</sup> Тай чука, колке диесестар он съветвиненас пес те мударен Лес.<sup>54</sup> Далкеске о Иисус вече на пирелас явно машкар о юдея, но отар гело ки местност, паше жи ки пустиния иеке градосте, наречиме Ефраим, тай оте ачило е ученикиенца.<sup>55</sup> А наближинелас и юдеиско Пасха; тай мнозина тари провинция геле андо Ерусалим англал и Пасха, за те очистинен пес.<sup>56</sup> Тай чука, он роденас е Иусес тай като бешенас андо храми, хоратиненас машкар песте: Сар дикелпес туменге? Нанай ли те авел ко празници?<sup>57</sup> А о главна свещеника тай о фарисея издинесас запове, ако ахалол декой кате си, те пенел, за те долен Лес.

## Chapter 12

<sup>1</sup> А шов диес англал и Пасха о Иисус ало анди Витания, кате сине о Лазарес, колес Ов възкресингяс таро муле.<sup>2</sup> Оте приготвиде Леске вечеря тай и Марта прислугвинелас; а о Лазарес сине иек калкендар, колато бешенас Леса ки софра.<sup>3</sup> Тогава и Мария като лилас иек литьри мирис таро чисто тай скъпоценно нарди, помажингяс о пире е Иусескере, тай пе баленца косляс о пире Лескере; тай о кер пердило с благоухание таро мирис.<sup>4</sup> Но иек таро ученикия Леске, о Юда Искариотски, ковато ка пределас Лес, пенгяс:<sup>5</sup> Соске на бикиндило кавка мирис за триста динария, за те разден пес е сиромасиенге?<sup>6</sup> А давка пенгяс ма сокето сине лес грижа е сиромасиенге, а сокето сине чор, тай като икерелас и каса \*, лелас далкестар, ковато мукенас анде лате.<sup>7</sup> Тогава о Иисус пенгяс: Мукен ла;

понеже пазингяс лес за ко диес Ме погребениеске.<sup>8</sup> Соскето о сиромасия всякова араклон машкар туменде, но Ме нана аракловав всякова.<sup>9</sup> А баро множество таро юдея ахалиле, кай си оте; тай але ма само ашал е Иисусеске, но за те дикен е Лазарес да, колес възкресингяс таро муле.<sup>10</sup> А о главна свещеника нахоратинде пес те мударен е Лазарес да,<sup>11</sup> соскето ашал леске мнозина таро юдея жанас тари рик е Иисусеске тай верувиненас анде Лесте.<sup>12</sup> Ко следващо диес иек баро множество, ковато алосас ко празници, като шунде, кай о Иисус авел андо Ерусалим,<sup>13</sup> лиле палмова клоня тай иклиле те посрещнинен Лес, като пищиненас: Осанна! Благословиме Ковато авел анде Девлескоро алав, о Израилово тагар!<sup>14</sup> А о Иисус, като араклас иеке ослес, бешло упран лесте, според карто си пишиме:<sup>15n</sup> Ма дара, мичаи Сионова. Аке, торо Тагар авел, бешло на осле".<sup>16</sup> Лескере ученикия отначало нана ахалиле давка; а като прослависало о Иисус, тогава динепес годи, кай давка сине пишиме за Леске, тай кай давка керде Леске.<sup>17</sup> Тай о народос, ковато сине Леса като викингяс е Лазарес таро мимори тай възкресингяс лес таро муле, свидетелствиненас далке чудоске.<sup>18</sup> Ки също причина посрещнингяс Лес о народос да, соскето шунде, кай кергяс давка знамение.<sup>19</sup> Далкеске о фарисея пенде машкар песте: Дикен, кай нищо нана постигнинен! Аке, о светос жал палал Лесте.<sup>20</sup> А машкар колкенде, колато але на поклонение ко празници, исине десаве гърция.<sup>21</sup> Тай он але ко Филип, ковато сине тари Витсаида Галилейска, тай помолинде лес, тай пенде: Господине, мангас те дикас е Иисусес.<sup>22</sup> О Филип авел тай пенел на Андрей; а о Андрей тай о Филип па пенен е Иисусеске.<sup>23</sup> А о Иисус в отговор пенгяс ленге: Ало о сахати те прославинел пес о Човешко Чаво.<sup>24</sup> Истина, истина пенав туменге, ако о житно зърно на перел ки пув тай на мерел, ов ачол песке самотно; но ако мерел, дел бут плоди.<sup>25</sup> Който дехел по животос, ка изгубинел лес; тай който мразинел по животос калке светосте, ка запазинел лес вечните животоске.<sup>26</sup> Ако служинел декой Манг, Ман нека те последвинел; тай кате синиом Ме, оте ка овел Мо служители да. Който служинел Манг, лес ка почетинел Мо Отец.<sup>27</sup> АканА Ми душа си развълнувано; тай со те пенав? Отче, избавине Ман калке сахатиестар? Но далкеске алом калке сахатиесте.<sup>28</sup> Отче, прославине То алав! Тогава ало гласос таро небес: Тай прославингиом Лес, тай пак ка прославинав Лес.<sup>29</sup> Далкесте о народос, ковато бешелас оте, като шунгяс о гласос, пенгяс: Гръм си. Авер па пенде: Ангели хоратингяс Леске.<sup>30</sup> О Иисус в отговор пенгяс: Кавка гласос нана ало ашал Манг, но заради туменге.<sup>31</sup> АканА си съдос калке светосте; акана о князи далке светоскоро ка овел чивдо на аври.<sup>32</sup> Тай като ка овав Ме ваздиме тари пув, ка привлечинав саворен паш Манде.<sup>33</sup> А като пенелас давка. Ов диняас. те ахалол пес саве мерибнастар ка мерелас.<sup>34</sup> А о народос отговорингиас Леске: Аме шунгям таро закони, кай о Помазаници пребъдинел жи ко векос: тогава сар пенес Ту, кай о Човешко Чаво требе те овел ваздиме? Кова си Давка Човешко Чаво?<sup>35</sup> Тай о Иисус пенгяс ленге: Още хари време и светлина си машкар туменде. Пирен, бискай иси тумен и светлина, за тена ресел тумен и тъмнина. Който пирел ки тъмнина, нажанел кате жал.<sup>36</sup> Бискай иси тумен и светлина, верувинен ки светлина, за те ачон просветиме чрез и светлина. Давка хоратингяс о Иисус, гело тай гарагяс пес лендар.<sup>37</sup> Но кай кергясас да дики знамения англал ленде, он пак нана верувиненас анде Лесте;<sup>38</sup> за те изгълнингиол о пендо таро пророк Иая, ковато пенгяс: "Господи, кова амендар повервингяс колкесте, ковато шунгям"?<sup>39</sup> Он далкеске нащине верувинен, соскето о Иая още пенгяс:<sup>40</sup> Коряргяс о яка ленгере, тай закоравингяс ленгере сърца, за якенца тена дикен тай сърцеса те ахалон, тай те иринен пес тай те изцелинав лен.<sup>41</sup> Давка пенгяс о Иая, соскето дикляс и слава Лескири тай хоратинел Леске.<sup>42</sup> Но пак мнозина таро първенци повервиде. Лесте. Но ашал о фарисея нана изповединде Лес, за тена овен отльчиме тари синагога.<sup>43</sup> соскето дехинде и похвала таро мануша по бут тари похвала е Девлескири.<sup>44</sup> А о Иисус пищингиас тай пенгяс Който верувинел анде Манде, ма Манде верувинел; а Калкесте, Ковато бичалгяс Ман.<sup>45</sup> Тай който дикел Ман, дикел Колкес, Ковато бичалгяс Ман.<sup>46</sup> Ме алом сар светлина ко светос, за тена ачол анди тъмнина никой който верувинел анде Манде.<sup>47</sup> Тай ако шунел декой Ме думес тай нана пазинел лен, Ме нана съдинав лес; соскето нана алом те съдинав е светос, а те спасинав е светос.<sup>48</sup> Който отчивел Ман тай нана приеминел Ме думес, иси кой съдинел лес; о словос, ковато хоратингииом, ов ка съдинел лес ко последно диес.<sup>49</sup> Соскето Ме Мандар нана хоратинав; Но о Отец Ковато бичалгяс Ман, Ов диняас Ман заповед со те пенав тай со те хоратинав.<sup>50</sup> Тай жанав, кай ковка, ковато Ов заповедингяс, си вечно животос. Тай чука давка, ковато хоратинав, хоратинав лес чука, карто пенгяс Манг о Отец.

## Chapter 13

<sup>1</sup> А англал о празници на Пасхата о Иисус, жанелас, кай ало Лескоро сахати те пренакел калке светостар карик о Отца, като дехингясас Перен, колато сине ко светос, жи ко крайос дехингяс лен.<sup>2</sup> Тай като сине готово и вечеря като вече о бент внушингяс андо сърцес на Юда Симонов Искариотски те предел Лес.<sup>3</sup> като жанелас о Иисус, кай о Отец прединяс всичко ко васта Леске, тай кай таро Дел иклило тай ко Дел жал.<sup>4</sup> ухтинило тари вечеря, нангило Пи мантия, лилас кърпа тай препасингяс Пес.<sup>5</sup> После пергяс пани андо умивалники тай почнингяс те товел о пире е ученикингере тай те косел лен е кърпаса, коласа сине препасиме.<sup>6</sup> чука, авел ко Симон Петър. Ов пенел Леске: Господи, Ту ли ка товес ме пире?<sup>7</sup> О Иисус в отговор пенгяс леске: Давка, ковато Ме керав, ту акана нажанес, но после ка ахалос.<sup>8</sup> О Петър пенгяс Леске: Ту нанай те истовес мере пире жи ко векос. О Иисус отговорингиас леске: Ако нана истовав тут, нанай тут дяли Манца.<sup>9</sup> О Симон Петър пенел Леске: Господи, ма само ме пире, но мо шеро да.<sup>10</sup> О Иисус пенел леске: Който нанило, нанай лес нужда те товел авер, освен пе пире, но си цело чисто, тумеда синиен чиста, но ма саворе.<sup>11</sup> Соскето Ов жанелас колкес, ковато ка пределас Лес далкеске да пенгяс: Ма саворе

сииен чиста.<sup>12</sup>А като тогас ленгере пире тай лилас пи мантия, бешло пак тай пенгяс ленге: Жанен ли со кергиом туменгэ?<sup>13</sup>Туме пенен Манге Учители тай Дел; тай лачес пенен, соккето синиом савка.<sup>14</sup>Тай чука, ако Ме, Дел тай Учители, тогиом тумаре пире, то тумеда сииен длъжна иек авресте те товен тумаре пире.<sup>15</sup>Соккето диниом тумен примери те керен тумеда, карто Ме кергиом туменгэ.<sup>16</sup>Истина, истина пенав туменгэ: о слугас нанай по-горно пе господариестар, нито о бичалдо си по-горно колкестар, ковато бичалгяс лес.<sup>17</sup>Като жанен давка, блажена сииен, ако керен лес.<sup>18</sup>Нана хоратинав туменгэ саворенгэ; Ме жанав кас избiringиом; но давка ачило, за те събднингиол о Писание: "Който хал Мо маро, ов ваздингяс пери патум против Манде".<sup>19</sup>От акана пенав туменгэ давка варесо, англал те ачол, тай като ка ачол, те повервинен, кай синиом Ме давка, ковато пенгиом.<sup>20</sup>Истина, истина пенав туменгэ: кийто приеминел колкес, колес Ме бичалав, Ман приеминел; тай кийто приеминел Ман, приеминел Калкес, Ковато бичалгяс Ман.<sup>21</sup>Като пенгяс давка, о Иисус развълнувисало анде Пе духосте тай заявингяс, тай пенгяс: Истина, истина пенав туменгэ, кай иек тумендар ка предел Ман.<sup>22</sup>О ученикия дикенас пес машкар песте, недоуминенас за каске хоратинел.<sup>23</sup>А ки софра иек таро ученикия, колес о Иисус дехелас, облегнисалосас ко Иисусово коланос.<sup>24</sup>Далкеске о Симон Петър кимвинел леске тай пенел леске: Пен аменге за каске хоратинел.<sup>25</sup>А ов, като ирисало карик о Иисус, пучляс Лес: Господи, кова си?<sup>26</sup>О Иисус отговорингяс: Ов си ковка, за колеске ка топинав бука тай ка давла леске. Тай чука, като топингяс бука, лилас тай подиняс ла на Юда Симонов Искариотски.<sup>27</sup>Тай тогава, след и бука, Сатана диняс анде лесте; тай чука, о Иисус пенгяс леске: Со керес, кер лес по-сиго.<sup>28</sup>А никой таро бешле ки софра нана ахалиле сокке пенгяс леске давка;<sup>29</sup>соккето десаве мислиненас, понеже о Юда икерелас и каса, кай о Иисус пенел леске: Кин, со требел аменге за ко празници, или: Де варесо е сиромасиен.<sup>30</sup>Тай чука, като лилас и бука, ов веднага иклило; а сине ират.<sup>31</sup>А като иклило, о Иисус пенгяс: Акана прослависало о Човешко Чаво, тай о Дел прослависало анде Лесте;<sup>32</sup>тай о Дел ка прославинел Лес анде Песте, тай сиго ка прославинел Лес.<sup>33</sup>Чавален, още хари синиом туменца. Ка роден Ман тай карто пенгиом е юдеиенгэ, чука туменгэ да пенав акана: Кате жав Ме, туме нанащи авен.<sup>34</sup>Неви заповед дав тумен: Те дехен тумен иек авресте; карто Ме дехингиом тумен, чука тумеда те дехен тумен иек авресте.<sup>35</sup>Далкестар ка ахалон саворе, кай сииен Мере ученикия, ако иси тумен любов машкар туменде.<sup>36</sup>О Симон Петър пенгяс Леске: Господи, кате жас? О Иисус отговорингяс: Кате жав, нанащи акана те авес палал Манде, но после ка авес.<sup>37</sup>О Петър пенгяс Леске: Господи, сокке тенащи авав палал Туте акана? Мо животос ка дав за Туке.<sup>38</sup>О Иисус отговорингяс: То животос ли Манге ка дес? Истина, истина пенав туке, о башно нанай те загилабел, преди те отричинес тут трин дром Мандар.

## Chapter 14

<sup>1</sup>Тена смутинел пес тумаро сърцес; туме верувинен ко Дел, верувинен Манде да.<sup>2</sup>Ко кер Ме Отцаске иси бут обиталища; ако нана сине чука, Ме ка пенавас туменгэ, соккето жав те приготвинав туменгэ тан.<sup>3</sup>Тай като ка жав тай приготвинав туменгэ тан, пак ка авав тай ка лав тумен паш Манде, чука че, кате синиом Ме, те овен тумеда.<sup>4</sup>Тумеда жанен на кате жав тай о дром жанен.<sup>5</sup>О Тома пенел Леске: Господи, нажанас кате жас; а сар те жанас о дром?<sup>6</sup>О Иисус пенел леске: Ме синиом о дром тай и истина, тай о животос; никой нана авел паш о Отца, освен чрез Манде.<sup>7</sup>Ако пенджаргиенас Ман, ка пенджаренас Ме Отцас да; от акана пенджарен Лес тай диклен Лес.<sup>8</sup>О Филип пенел Леске: Господи, покажине аменге е Отцас тай достатъчно си аменге.<sup>9</sup>О Иисус пенел леске: Дики време синиом туменца тай на пенджарес ли Ман, Филип? Който диклас Ман, дикляс е Отцас; сар пенес ту: Покажине аменге е Отцас?<sup>10</sup>Нана верувинес ли, кай Ме синиом андо Отца тай кай о Отец си анде Манде? О думес, колато Ме пенав туменгэ, ма Мандар хоратинав лен; но о пребъдващо анде Манде Отеци керел Пере дела.<sup>11</sup>Верувинен Ман, кай Ме синиом андо Отца тай кай о Отец си анде Манде; или па верувинен Ман поради о дела.<sup>12</sup>Истина, истина пенав туменгэ, кийто верувинел анде Манде, о дела, колато керав Ме, ов да ка керел лен; тай по-баре лендар ка керел; соккето Ме жав ко Отца.<sup>13</sup>Тай со да те мангэн Мере алавесте, ка керав лес, за те прославинел пес о Отец андо Чаво.<sup>14</sup>Ако мангэн варесо Мере анде алавесте, давка ка керав.<sup>15</sup>Ако дехен Ман, ка пазинен Мере заповедя.<sup>16</sup>Тай Ме ка мангав таро Отца, тай Ов ка дел тумен авер Утешители, за те пребъдинел туменца жи ко векос.<sup>17</sup>О духос е истинакоро, Колес о светос нанащи те приеминел, соккето нана дикел Лес, нито пенджарел Лес. Туме пенджарен Лес, соккето Ов пребъдинел туменца тай анде туменде ка овел.<sup>18</sup>Нанай те мукав тумен сиракя; ка авав паш туменде.<sup>19</sup>Още хари, тай о светос нанай вече де дикел Ман, а туме ка дикен Ман; понеже Ме живинав, тумеда ка живинен.<sup>20</sup>Колке диеессте ка пенджарен, кай Ме синиом андо Отца Моро, тай туме анде Манде, тай Ме анде туменде.<sup>21</sup>Кас иси Мере заповедя тай пазинел лен, ов дехел Ман; а кийто дехел Ман, ка овел възлюбиме таро Отец Моро, тай Ме ка възлюбинав лес, тай ка явинав Ман леске.<sup>22</sup>О Йодас (ма Искариотски) пенгяс Леске: Господи, по сави причина ка явинес Тут аменге, а ма е светоске?<sup>23</sup>О Иисус в отговор пенгяс леск: Ако дехел Ман декой, ка пазинел Мо учение; тай о Отец Моро ка дехел лес, тай Аме ка авас паш лесте тай ка керас обиталище анде лесте.<sup>24</sup>Кийто нана дехел Ман, на пазинел Ме думес; тай о учение, ковато шунен, нанай Моро, а на Отца, Ковато бичалгяс Ман.<sup>25</sup>Давка хоратингиом туменгэ, жи кай синиом още туменца.<sup>26</sup>А о Утешители, о Свято Духос, Колес о Отец ка бичалел Мере алавесте, Ов ка сикавел тумен на всичко тай ка дел тумен годи всичко, ковато пенгиом туменгэ.<sup>27</sup>Мири мукав туменгэ; Моро мири дав тумен; Ме нана дав тумен, соккето о светос дел. Тена смутинел пес тумаро сърцес, нито те дарал.<sup>28</sup>Шунгиян сар Ме пенгиом туменгэ: Жаманге,

тай пак ка авав паш туменде. Ако дехенас Ман, ка лошаненас, кай жав ко Отца; сокето е Отец си по-баро Мандар.<sup>29</sup> Тай акана пенгиом туменге давка, преди те ачол, тай, като ка ачол, те повервинен.<sup>30</sup> Ме нанай вече бут те хоратинав туменца, сокето аве о князи (калке) светоскоро. Лес нанай нищо анде Манде;<sup>31</sup> но давка ачол, за те пенджарел о светос, кай Ме дехав Отца тай кай карто заповедингяс Манге о Отец, чука керав. Ухкиен те жасаменге атар.<sup>30</sup> Ме нанай още бут те хоратинав туменца, сокето аво о князи далке светоскоро. Лес нанай нищо лестар Манде.<sup>31</sup> Но давка ачол, за те ахалол о светос, кай Ме дехав Отца тай карто заповедингяс Манге Отца, чука керав. Ухкен, те жасаменге атар.

## Chapter 15

<sup>1</sup>Ме синиом и истинско лоза тай о Отеци Моро си о земеделцос. <sup>2</sup>Всеко пръчка анде Манде, която нана дел плоди, Ов отрежинел ла; тай всеко, която дел плоди, очистинел ла, за те дел повече плоди. <sup>3</sup>Туме синиен вече чиста чрез о учение, ковато хоратингиом туменге. <sup>4</sup>Пребъдвинен анде Манде, тай Ме анде туменде. Карто и пръчка нанащи дел плоди коркори пестар, ако нана ачол ки лоза, чука тумеда нанащи, ако нана пребъдвинен анде Манде. <sup>5</sup>Ме синиом и лоза, а туме синиен о пръчкес; който пребъдвинел анде Манде, тай Ме анде лесте, ов дел бут плоди; сокето, отделиме Мандар, нанащи керен нищо. <sup>6</sup>Ако декой нана пребъдвинел анде Манде, ов си чивто наври сар пръчка тай шукиол; тай киден лен, тай чивен лен анди яг, тай он таблон. <sup>7</sup>Ако пребъдвинен анде Манде тай Ме думес пребъдвинен анде туменде, манген со да те желайнен, тай ка овел тумен. <sup>8</sup>Анде далкесте прославинел пес о Отеци Моро те ден бут плоди; тай чука ка овен Мере ученикия. <sup>9</sup>Сар о Отец възлюбингяс Ман, чука Меда възлюбингиом тумен; пребъдвинен анде мере дехимнасте. <sup>10</sup>Ако пазинен Мере заповедя, ка пребъдвинен анде Ме дехимнасте, карто Меда опазингиом о заповедя Ме Отециескере тай пребъдвинав анде Лескере дехимнасте. <sup>11</sup>Давка хоратингиом туменге, за те овел Мери лошли анде туменде, тай тумари лошли те ачол перди. <sup>12</sup>Кайка си Мери заповед; те дехен тумен иек авресте, карто Ме дехингиом тумен. <sup>13</sup>Никас нанай по-бари любов далкестар те дел по животос пе амаленге. <sup>14</sup>Туме синиен Манге амала, ако керен давка, ковато заповединав туменге. <sup>15</sup>Нана пенав туменге вече слуги, сокето о слугас нана жанел со керел лескоро господари; а тумен наречинав амала, сокето явинав туменге всичко, ковато шунгиом Ме Отециестар. <sup>16</sup>Туме нана избирингиен Ман, но Ме избирингиом тумен тай определингиом тумен те иклон андо светос тай те принесинен плоди, тай тумаро плоди те овел траино; тай со да те манген таро Отца анде Мере алавесте, те дел тумен. <sup>17</sup>Давка заповединав туменге: те дехен тумен иек аврес. <sup>18</sup>Ако о светос мразинел тумен, жанен, кай Ман намразингяс англал туменде. <sup>19</sup>Ако синиенас таро светос, о светос ка дехелас поро; а понеже на синиен таро светос, но Ме избирингиом тумен таро светос, далкеске о светос мразинел тумен. <sup>20</sup>Помниен и дума, която пенгиом туменге: О слугас нанай по-горно пе господариестар. Ако Ман гониненас, туменда ка гонинен; ако опазинде Моро учение, тумарода ка пазинен. <sup>21</sup>Но всичко давка ка керен туменге ашал Мере алавеске, сокето нана пенджарен Колкес, Ковато бичалгяс Ман. <sup>22</sup>Ако нана ававас тай нана хоратинавас ленге, безех нанаяс те овел лен; акана обаче нанай лен извинение пе безехаке. <sup>23</sup>Който мразинел Ман, мразинел Ме Отцас да. <sup>24</sup>Ако нана керавас машкар ленде о дела, колато никой авер на кергяс, безех нанаяс те овел лен; но акана дикле тай намразинде Манда, Ме Отециес да. <sup>25</sup>Но давка ачол, за те изпълниел пес о пишими андо закони ленге слово: "Намразинде Ман би причинакоро". <sup>26</sup>А като ка авел о Утешители, Колес Ме ка бичалав туменге таро Отца, о Духос е истинакоро, Ковато иклол таро Отца, Ов ка свидетелствинел Манге. <sup>27</sup>Но тумеда свидетелствинен, сокето улен Манца таро началос.

## Chapter 16

<sup>1</sup>Давка пенгиом туменге, за тена съблазнинен тумен. <sup>2</sup>Ка отльчинен тумен таро синагогес; даже авел сахати, като секой, ковато мударел тумен, ка мислиниел кай принесинел служба е Девлеске. <sup>3</sup>Давка да ка керен, сокето нана пенджарде нито е Отециес, нито Ман. <sup>4</sup>Но Ме пенгиом туменге далка бука, тай като ка авел о сахати ленгоро, те помниен, кай пенгиом лен туменге. Отначало на пенгиомлен туменге, сокето улом туменца;<sup>5</sup> а акана жав паш Колкесте, Ковато бичалгяс Ман; тай никой тумендар нана пучел Ман: Кате жас? <sup>6</sup>Но понеже пенгиом туменге давка, скръб изпълният тумаре сърца. <sup>7</sup>Обаче Ме пенав туменге и истина, туменге си по-лачес те жав Ме, сокето, ако нана жав, о Утешители нанай те авел паш туменде; но ако жав, ка бичалав Лес туменге. <sup>8</sup>Тай Ов, като ка авел, ка обвининел е светос безехенге, правдаке тай съдоске;<sup>9</sup> безехенге, сокето нана верувинен Манде; <sup>10</sup>правдаке, сокето жав ко Отца, тай нанай те дикен Ман вече; <sup>11</sup>а съдоске, сокето о князи калке светоскоро си осъдиме. <sup>12</sup>Иси Ман още бут бука те пенав туменге; но нанащи те понесинен лен акана. <sup>13</sup>А като ка авел Ковка, о Духос е истинакоро, ка угътвинел тумен секоне истинаке; сокето нанай те хоратинел Пестар, но ковато шунел, давка ка хоратинел, тай ка известинел туменге е букиенге колато авен. <sup>14</sup>Ов Ман ка прославинел, сокето Мерестар ка лел тай ка известинел туменге. <sup>15</sup>Всичко, ковато си е Отециес, си Моро; далкеске пенгиом, кай Мерестар, като лел, ка известинел туменге. <sup>16</sup>Още хари, тай нанай те дикен Ман; тай пак хари, тай ка дикен Ман. <sup>17</sup>Далкеске десаве таро ученикия Леске пенде песке машкар песте: Со си давка, ковато пенел аменге: още хари, тай нанай те дикен Ман; тай пак хари, тай ка дикен Ман; тай кавка: сокето жав ко Отца? <sup>18</sup>Тай пенде: Со си давка, ковато пенел: Още хари? Нана жанас со мангел те пенел. <sup>19</sup>О Иисус, като ахалило, кай манген те пучен Лес, пенгяс ленге: Далкеске ли пучен тумен машкар туменде, сокето пенгиом: Още хари, тай нанай те дикен Ман;

тай пак хари, так ка дикен Ман? <sup>20</sup>Истина, истина пенав туменге, кай туме ка заровен тай ка заридаинен, а о светос ка лошанел; туме ка скърбинен, но тумари скръб ка ирингиол лошалате. <sup>21</sup>Жувли, като биянел, си в скръб, сокето ало лакоро сахати; а като биянел е чавес, нана помнинел вече пе мъкес ашал и лошали, кай бияндило мануш ко светос. <sup>22</sup>Тумеда акана синиен наскърбиме; но Ме пак ка дикав тумен тай тумаро сърцес ка лошанел, тай тумари лошали никой нанай те лел ла туменге. <sup>23</sup>Тай колке диесесте нанай те пучен Ман нисоске. Истина, истина пенав туменге: со да те манглен таро Отца анде Мере алавесте, Ов ка дел лес туменге. <sup>24</sup>Жи акана нищо нана манглен анде Мере алавесте; манглен, тай ка получинен, за те овел тумари лошали перди. <sup>25</sup>Давка хоратингиом туменге притченца. Ачол сахати, като нанай вече те хоратинав туменге притченца, а ясно ка известинав туменге е Отцаске. <sup>26</sup>Колке диесесте ка манглен анде Мере алавесте; тай нана пенав туменге, кай Ме ка мангав таро Отца туменге; <sup>27</sup>сокето коркоро о Отец дехел тумен, понеже туме възлюблингиен Ман тай повервингиен, кай Ме таро Отца иклилом. <sup>28</sup>Иклилом таро Отца тай алом ко светос; тай пак напуснинав о светос тай жав ко Отца. <sup>29</sup>Пенен Лескере ученикия: Аке, акана ясно хоратинес тай нисави притча нана пенес. <sup>30</sup>Акана синям увериме, кай Ту всичко жанес, тай нанай нужда те пучел Тут декой, за те отговоринес леске. Далкесте верувинас, кай иклилан таро Дел. <sup>31</sup>О Иисус отговорингяс ленг: Акана ли верувинен? <sup>32</sup>Аке, ачол сахати, даже ало да, те разпръснинен тумен секой перенде, тай Ман те мукен коркоро; обаче нана синиом коркоро, сокето о Отец си Манца. <sup>33</sup>Давка пенгиом туменге, за те овел тумен анде Манде мири. Андо светос иси тумен скръб; но дерзайнен: Ме победингиом о светос.

## Chapter 17

<sup>1</sup>Давка като хоратингиас о Иисус, ваздингиас Пе яка карик о небес тай пентгяс: Отче, ачило о сахати; прославине Те Чес, за те прославинел Тут о Чаво, <sup>2</sup>сарто динян Лес власт упран и всеко плът те дел вечно животос саворен, колен динян Лес. <sup>3</sup>А давка си вечно животос, те пенджарен Тут, о Единно Истинно Дел, тай Иисуса Христа, Колес бичалгян. <sup>4</sup>Ме прославингиом Тут ки пув, като свършигиом о делос, ковато Ту динян Ман те керав. <sup>5</sup>Тай акана прославине Ман, Отче, ан Туте е славаса, която синеман ан Туте англал о създание е светоскоро. <sup>6</sup>Извягингиом То алав е манушенге, колато динян Ман таро светос. Он сине Тере, тай Ту динян лен Манге, тай он опазинде Торо слово. <sup>7</sup>Акана жанен, кай всичко, со динян Ман, си Тутар; <sup>8</sup>сокето о думес, колато динян Ман Ту, ме прединиом лен ленге, тай он приеминде лен; тай наистина жанен, кай Тутар иклилом, тай верувинен, кай Ту бичалгян Ман. <sup>9</sup>Ме за ленге молинав ман; нана молинав ман е светоске, а за калкенге, колен динян Ман, сокето си Тере. <sup>10</sup>Тай всичко Моро си Торо, Торо Моро тай Ме прославинав Ман анде ленде. <sup>11</sup>Нана синиом вече андо светос, а калка си андо светос, тай Ме авав паш Туте, Отче Свято, пазине ан Те алавесте калкен, колен динян Ман, за те овен иек, сарто синям Аме. <sup>12</sup>Жи кай улом ленца, Ме пазинавас анде Тере алавесте калкен, колен динян Ман; опазингиом лен тай нито иек лендар нана погинингиас, освен о предиме\* на погибел, за те изпълниел пес о пишиме. <sup>13</sup>А акана авав паш Туте; но жи кай синиом още андо светос пенав давка, за те овел лен Мери лошали перди анде ленде. <sup>14</sup>Ме прединиом ленге Торо словос; тай о светос намразингиас лен, сокето он нанай таро светос, сарто Меда на синиом лестар. <sup>15</sup>Нана молинав Ман те лес лен таро светос, но те пазинес лен таро лукавия. <sup>16</sup>Он нанай таро светос, сарто Меда нана синиом таро светос. <sup>17</sup>Осветине лен чрез и истина; Торо словос си истина. <sup>18</sup>Сарто Ту бичалгян Ман андо светос, чука Меда бичалгиом лен андо светос; <sup>19</sup>тай ашал ленге Ме освещинав Ман, за те овен онда осветиме чрез и истина. <sup>20</sup>Тай ма само ленге молинав ман, но за колкенгеда, колато ка повервиненас анде Манде чрез о учение ленгора. <sup>21</sup>те овен саворе иек; сарто Ту, Отче, синяя анде Манде, тай Ме анде Туте, чука он да те овен анде Аменде, за те повервинел о светос, кай Ту бичалгян Ман. <sup>22</sup>Тай и слава, която Ту динян Ман, Ме диниом ла ленге; за те овен иек, сарто Амеда синям иек; <sup>23</sup>Ме анде ленде тай Ту анде Манде, за те овен съвършена андо единство; за те пенджарел о светос, кай Ту бичалгян Ман тай възлубингян лен, сарто възлубингян Манда. <sup>24</sup>Отче, мангав кате синиом Ме, те овен Манца калкада, колен динян Ман, за те дикен Мери слава, която динян Ман; сокето възлубингян Ман англал о създание е светоскоро. <sup>25</sup>Отче праведно, о светос нана пенджаргяс Тут, но Ме пенджаргиом Тут; тай калкада пенджарде, кай Ту бичалгян Ман. <sup>26</sup>Тай явингиом ленге Торо алав, тай ка явинав, тай и любов, коласа възлубингян Ман, те овел анде ленде, тай Ме анде ленде.

## Chapter 18

<sup>1</sup>Като хоратингиас давка, о Иисус иклило Пе ученикиенца отвъд о потоки Кедрон, кате сине градина, анде колате дине Ов тай Лескере ученикия. <sup>2</sup>А о Юдас, ковато пределас Лес, жанелас давка тан; сокето о Иисус често киделас пес оте Пе ученикиенца. <sup>3</sup>Тай чука, о Юдас, като лилас иек дружина войниния тай служител таро главна свещеника, тай фарисея, ало оте фенериенца, факленца тай оръжия. <sup>4</sup>А о Иисус, като жанелас всичко, ковато ка сполетинелас Лес, иклило тай пентгяс ленге: Кас роден? <sup>5</sup>Отговоринде Леске: Е Иисусес о Назаряни. О Иисус пентгяс ленге: Ме синиом. Ленца бешелас о Юдас да, ковато пределас Лес. <sup>6</sup>Тай като пентгяс ленге: Ме синиом, он цидисале напапале тай пеле ки пув. <sup>7</sup>Пак пучлас лен: Кас роден? А он пенде: Е Иисусес о Назаряни. <sup>8</sup>О Иисус отговорингиас: Пентгиом туменге, кай синиом Ме; тай чука, ако роден Ман, мукен калкен те жантеске; <sup>9</sup>(за те изпълнигиол и дума, пенди Лестар: Калкендар, колато динян Ман, нана нашалгиом ни иекес). <sup>10</sup>А о Симон Петър, като сине лес

чури, измъкнингяс лес, чалагяс е слугас е първосвещеникиескерес тай чингяс лескоро десно кан; а о алав е слугаскоро сине Малх.<sup>11</sup> Тогава о Иисус пенгяс е Петреске: Тов и чури анди ножница. И чаша, която диняс Ман о Отец, тена ли пияв ла?<sup>12</sup> Тай чука, и дружина, о хилядники тай о юдейска служителя долде е Иисусес тай панле Лес.<sup>13</sup> Тай ингалде Лес първо ко Анна; сокето ов сине о састро е Каифиескоро, ковато сине първосвещеници презал калке брешесте.<sup>14</sup> А о Каифа сине ковка, ковато съветвинелас е юдеиен, кай си по-лачес иек мануш те загининел е люденге.<sup>15</sup> Тай палал о Иисус пиренас о Симон Петър тай иек авер ученици; тай давка ученици, като сине познато е първосвещеникиеске, диняс е Иисусеса андо дворос е първосвещеникиеске.<sup>16</sup> А о Петър бешелас наври жи ко вудар; тай чука, окова ученици, ковато сине познато е първосвещеникиеске, иклило, тай пенгяс е вратаркаке тай денгяргяс е Петрес.<sup>17</sup> Тай и слугинка вратарка пенгяс е Петреске: Туда ли синян таро ученикия Калке манушескере? Ов пенел: Нана синиом.<sup>18</sup> А о слуги тай о служителя наклалинде о жарави, сокето сине шил, тай бешенас, тай такяренас пес; а о Петрес да бешелас ленца тай такярелас пес.<sup>19</sup> А о първосвещеници пучляс е Иисусес Лескере ученикиенте тай Лескере учениеске.<sup>20</sup> О Иисус отговорингяс леске: Ме хоратингиом явно е светоске, винаги поучингиом ко синагогес тай андо храми, кате саворе юдея киден пес, тай нищо нана хоратингиом скришно.<sup>21</sup> Соске пучес Ман? Пуч колкен, колато шуненас Ман, со хоратингиом ленге; аке, он жанен со пенавас.<sup>22</sup> Като пенгяс давка, иек таро служителя, ковато бешелас паше, чалагяс шамари е Иисусес тай пенгяс: Чука ли отговоринес е първосвещеникиеске?<sup>23</sup> О Иисус отговорингяс леске: Ако хоратингиом варесо канилипе, покажине о канилипе; но ако лачо - соске марес Ман?<sup>24</sup> Тай о Анна бичалгяс Лес вържиме ко първосвещеници Каифа.<sup>25</sup> А о Симон Петър бешелас тай такярелас пес; тай пенде леске: Нана синян ли туда Лескере ученикиендар? Ов отречингяс, тай пенгяс: Нана синиом.<sup>26</sup> Иек таро слуги е първосвещеникиеске, сродники колкеске, кате о Петрес чингяс лескоро кан, пенгяс: Нали диклом тут ме анди градина Леса?<sup>27</sup> Тай о Петрес пак отречисало; тай ко сахати загилябингиас башно.<sup>28</sup> Тогава ингалде е Иисусес таро Каифа анди претория; а сине рано. Но коркоро он нана дине анди претория, за тена осквернинен пес, тай те аши хан и пасха.<sup>29</sup> Тогава о Пилат иклило паш ленде тай пенгяс: Состе обвининен Калке Манушес?<sup>30</sup> В отговор пенде леске: Ако нана сине Ов злодеицос, нанаяс те предас Лес туте.<sup>31</sup> А о Пилат пенгяс ленге: Лен Лес туме тай съдинен Лес според тумаре закониесте. О юдея пенде леске: Аменге нанай позволиме те умъртвинас никакс<sup>32</sup> (за те изпулнингиол о словос, ковато пенгяс о Иисус, като делас те ахалол пес саве мерибнастар ка мерелас).<sup>33</sup> Тай чука, о Пилат пак диняс анди претория, викингиас е Иисусес тай пенгяс Леске: Ту о Юдейско Тагар ли синян?<sup>34</sup> О Иисус отговорингяс: Тутар ли пенес давка, или авер хоратинде тухе за Манг?<sup>35</sup> О Пилат отговорингяс: Кай ме юдеи ли синиом? Торо народос тай о главна свещеникия предине Тут манде. Со кергян?<sup>36</sup> О Иисус отговорингяс: Моро тагарипе нанай калке светостар; ако сине Мо тагарипе калке светостар, Ме служителя ка бориненас пес тена овав предиме ко юдея. А акана Мо тагарипе нанай атар.<sup>37</sup> Далкеске о Пилат пенгяс Леске: Тогава Ту тагар ли синян? О Иисус отговорингяс: Ту право пенес, сокето Ме синиом тагар. Ме далкеске бияндилом тай далкеске алом андо светос, те свидетелствинав е истинаке. Всекой, който си тари истина, шунел Моро гласос.<sup>38</sup> О Пилат пенгяс Леске: Со си истина? Тай като пенгяс давка, пак иклило ко юдея тай пенгяс ленге: Ме нана аракав нисави вина анде Лесте.<sup>39</sup> А туменде иси обичай те мукав туменге по иекес ки Пасха; манген ли те мукав туменге о Юдейско тагар?<sup>40</sup> Тогава он пак запищинде: Ма Калкес, а Варава. А о Варава сине разбойници.

## Chapter 19

<sup>1</sup> Тогава о Пилат лилас е Иисусес тай маргяс Лес.<sup>2</sup> Тай о войникия кувде венеци таро трънене, товде лес ко шеро Леске так като урявде Лес мораво шехи,<sup>3</sup> приближисале жи Лесте тай пененас: Здравей, Тагара Юдейско! Тай чалавенас Лес шамаря.<sup>4</sup> Тогава о Пилат пак иклило наври тай пенгяс ленге: Аке, икалав Лес туменге наври, за те пенджарен, кай нана аракав нисави вина анде Лесте.<sup>5</sup> Тай чука, о Иисус иклило наври, пиравелас о трънено венеци тай о мораво шехи. О Пилат пенгяс ленге: Аке о Мануш!<sup>6</sup> А като дикле Лес о главна свещеникия тай о служителя, пищицнде: Разпнине Лес, разпнине Лес! О Пилат пенгяс ленге: Лен Лес туме тай разпнинен Лес; сокето ме нана аракав вина анде Лесте.<sup>7</sup> О юдея отговоринде леске: Амен иси амен закони тай по далке закониесте Ов требе те мерел, сокето кергяс Пес Божие Чаво.<sup>8</sup> А о Пилат, като шунгяс дайка дума, още по бут даранило.<sup>9</sup> Тай пак диняс анди претория, тай пенгяс е Иисусеске: Ту катар синян? А о Иисус нана диняс лес отговори.<sup>10</sup> Далкеске о Пилат пенгяс Леске: Манге ли нана хоратинес? Нана жанес ли, кай иси ман власт те мукав Тут тай иси ман власт те разпнинав Тут?<sup>11</sup> О Иисус отговорингяс леске: Тут нанай те овел нисави власт упран Манде, ако нанай тухе дадено упран; далкеске по-бари безех иси колкес, ковато прединяс Ман туте.<sup>12</sup> Ашал далкеске о Пилат роделас начини те мукел Лес; о юдея обаче пищицненас, тай пененас: Ако мукес Калкес, нана синян кесарово амал; всекой, който керел пес тагар, си противники е кесариеске.<sup>13</sup> А о Пилат, като шунгяс далка думес, икалгяс е Иисусес наври тай бешло ко съдийско столос, ко тан, наречиме Камменно настлание. А по еврейски - Гавата.<sup>14</sup> О дис сине на приготовление е Пасхаке, около шов о сахати; тай ов пенгяс е юдеиене: Аке тумаро Тагар!<sup>15</sup> А он пищицнде: Махнине Лес, махнин, разпнине Лес! О Пилат пенгяс ленге: Тумаре Тагарес ли те разпнинав? О главна свещеникия отговоринде: Нанай амен авер тагар освен о кесари.<sup>16</sup> Тай тогава ов прединяс Лес ленге те разпнинен Лес.<sup>17</sup> Тай чука, лиле е Иисусес; тай Ов, коркоро като пиравелас По кръстос, иклило; тай ало ко тан, наречиме Лобно, ковато по еврейски пенел пес Голгота,<sup>18</sup> кате разпнинде Лес, тай Леса авер дуи,

иекатар тай околе ригатар, а о Исус ко машкар.<sup>19</sup> А о Пилат пишингяс надписи, ковато товгяс упран Лесте ко кръстос. А о пишими сине: Исус Назарянин, о Юдейско Тагар.<sup>20</sup> Давка надписи четинде мнозина таро юдея, сокето о тан, кате разпниде е Исусес, сине паше жи ко градос, тай о пишими сине по еврейски, по латински тай по гръцки.<sup>21</sup> А о юдеиска главна свещеника пенде на Пилат: Ма пишине: о Юдейско Тагар, а - Самозваният Юдейско Тагар.<sup>22</sup> О Пилат отговорингяс: Со пишингиом, пишингиом.<sup>23</sup> А о войника, кате разпниде е Исусес, лиле Лескере шея тай разделинде лен штаре деловиенде, всеконе войникиес по иек дяли; лиле о гат да. А о гат нана сине сивдо, а изтъкиме от упран жи теле;<sup>24</sup> тогава он пенде машкар песте: Тена раздеринас ла, а те чivas жребий за леске, каскоро те овел; за те изпълниел пес о Писание, ковато пенел: "Разделинде песке Ме шея, тай Ме облеклоске чивте жребий. Тай чука, о войника керде давка."<sup>25</sup> А ко кръстос е Исусеске бешенас Лескири дай тай Лескере даякири пен, и Мария Клеопова тай и Мария Магдалина.<sup>26</sup> А о Исус, като диклас пе дая тай е ученикиес, колес дехелас, ковато бешелас паше, пенгяс Пе даяке: Ромнине, аке то чо!<sup>27</sup> После пенгяс е ученикиеске: Аке ти дай! Тай колке сахакиестар о ученици прибiringяс ла пе кересте.<sup>28</sup> Палал далкесте о Исус, като жанелас, кай всичко вече си свършиме, за те събъдниел пес о Писание, пенгяс: Жадно синиом.<sup>29</sup> А като сине товдо оте съдос, пердо шутеса, товде ки исопово тръстика иек гъба, топиме ко шут, тай поднесинде ла ко муй Леске.<sup>30</sup> Тай о Исус, като приемингяс о шут, пенгяс: Свършиングяс пес; тай бангяргяс шеро, тай прединяс духос.<sup>31</sup> Тай понеже сине о Приготвително диес, за тена ачон о теловя ко кръстос в събота (сокето койка събота сине баро диес), о юдея помолинде е Пилатиес те марен пес о пищяла тай те вазден лен отар.<sup>32</sup> Далкеске але о войника тай марде о пищяла иекескере, тай околескере, колато сине разпната е Исусеса.<sup>33</sup> Но като але ко Исус тай дикле Лес вече муло, нана марде Лескере пищяла.<sup>34</sup> Обаче иек таро войника хевляргяс копиеса Лескере ребра; тай веднага заталингяс рат тай пани.<sup>35</sup> Тай кавка, ковато диклас, свидетелствуинел далкеске, тай лескоро свидетелство си верно; тай ож жанел, кай хоратинел и истина, за те повервинен тумеда.<sup>36</sup> Сокето давка ачило, за те изпълниел пес о пишими: "Кокали Лескоро нанай те пагиол";<sup>37</sup> тай пак авре танесте о Писание пенел: " Ка дикен Лесте, Колес хевлярде".<sup>38</sup> Палал далкесте о Йосиф тари Аритатея, ковато сине Исусово ученици, но тайно, ашал и дар таро юдея, помолингяс е Пилатиес те позволинел леске те лел е Исусеско телос; тай о Пилат позволингяс. Тай ож ало тай ваздингяс Лескоро телос.<sup>39</sup> Ало о Никодим да, ковато алосас по-рано паш Лесте ират, тай ангяс около шел литра смес тари смирна тай алой.<sup>40</sup> Тай чука, лиле е Исусеско телос тай пакярде Лес анди плащаница е ароматиенца според о юдейско обычай паромнасте.<sup>41</sup> А тан, кате сине разпниме, исине градина, тай анди градина нево мимори, анде колесте още никой нана сине положиме.<sup>42</sup> Оте положинде е Исусес ашал о юдейско Приготвително диес; сокето о мимори сине паше.

## Chapter 20

<sup>1</sup> Ко първо диес е курсеске и Мария Магдалина али ко мимори андиавин, жи кай сине още тъмно, тай диклас, кай о бар си ваздиме таро мимори. <sup>2</sup> Далкеске прастанили тай али ко Симон Петър тай околе ученикиесте, колес дехелас о Исус, тай пенгяс ленге: Ваздинде е Девлес таро мимори тай нана жанас кате положинде Лес.<sup>3</sup> Тай чука, о Петрес тай окова ученици иклиле тай геле карик о мимори; <sup>4</sup> О дуида прастанас заедно, но окова ученици изпредарингяс е Петрес тай ресло първо ко мимори. <sup>5</sup> Тай като надникнингяс, диклас о плащаницес товде, но нана диняс андре.<sup>6</sup> Палал лесте ало о Симон Петър тай диняс андо мимори; диклас о плащаницес товде,<sup>7</sup> а и кърпа, която сине Лескере шересте, насине товди е плащаниценца, а свииме отделно танесте.<sup>8</sup> Тогава диняс окова ученици, ковато първо ресло ко мимори; тай диклас, тай повервингяс. <sup>9</sup> Сокето още нана ахалилесас о Писание, кай Ов требаше те възкреснинел таро муле.<sup>10</sup> Тай чука, о ученикия ирисали пак пуменде.<sup>11</sup> А и Мария бешелас жи ко мимори аври тай ровелас; тай чука, като ровелас, надникнингяс андо мимори,<sup>12</sup> тай диклас дуие ангелен парне шехиенде, бешле оте, кате пашлолас е Исусеско телос, иек карик о шеро тай иек карик о пире.<sup>13</sup> Тай он пенен лаке: Ромнине, соске ровес? Пенел ленге: Сокето ваздинде мере Девлес тай нана жанав кате положинде Лес.<sup>14</sup> Като пенгяс давка, ой ирисали напапале тай диклас е Исусес, кай бешел, но нана пенджаргяс, кай сине о Исус.<sup>15</sup> Пенел лаке о Исус: Ромнине, соске ровес? Кас родес? Ой, като мислинелас, кай си о градинари, пенел Леске: Господине, ако ту изнесингян Лес, пен мангите кате положингян Лес, тай ме ка ваздав Лес.<sup>16</sup> Пенел лаке о Исус: Марийо! Ой ирисали тай пенгяс Леске на еврейски: Равуни! Ковато значинел: Учителю!<sup>17</sup> Пенел лаке о Исус: Ма допирине тут жи Манде, сокето още нана възнесисалом ко Отца; но же Ме праленде тай пен ленге: Възнесинаман Мере Отециесте тай тумаро Отеци, Мере Девлесте тай тумаро Дел.<sup>18</sup> И Мария Магдалина али тай известингяс е ученикиенге, кай диклас е Девлес тай кай Ов пенгяс лаке давка.<sup>19</sup> А ки ират ко съцо диес, о първо е курсеско, като о вудар е стаякоро, кате сине о ученикия, сине заключиме, ашал и дар таро юдея, о Исус ало, зачило ко машкар, тай пенгяс ленге: Мир вам!<sup>20</sup> Тай като пенгяс давка, покажингяс ленге Пе васта тай Пе ребра. Тай лошанде о ученикия, като дикле е Девлес.<sup>21</sup> Тай о Исус пак пенгяс ленге: Мир вам! Сарто о Отец бичалгяс Ман, чука Меда бичалав тумен.<sup>22</sup> Тай като пенгяс давка, пудингяс упран ленде тай пенгяс ленге: Приеминен о Свято Духос.<sup>23</sup> Каске простилен о безеха, простили си ленге, коленге задържинен, задържиме си.<sup>24</sup> А о Тома, иек таро дешудуи, наречиме Близнак, нана сине ленца, като ало о Исус.<sup>25</sup> Далкеске окола ученикия пенде леске: Диклам е Девлес. А ов пенгяс ленге: Ако нана дикав ко васта Леске о ранес таро гвоздея тай нана товав мо най ко ранес таро гвоздея, тай нана товав мо вас ко ребра Леске, нанай те верувинав.<sup>26</sup> Тай палал о охто диес

## Chapter 21

Лескере ученикия пак сине андре, тай о Тома ленца. А о Иисус ало, като сине заключиме о вудар, зачило машкар ленде тай пенгяс: Мир вам! <sup>27</sup>Тогава пенгяс е Томаске: Де то най ате тай дик Ме васта, тай де то вас тай тов лес Ме ребросте; тай ма ов невярващо, а вярващо. <sup>28</sup>О Тома в отговор пенгяс Леске: Господ моро тай Дел моро! <sup>29</sup>О Иисус пенгяс леске: Понеже диклан Ман (Тома), ту повервингян, блажена колка, колато, без те дикен, повервингене. <sup>30</sup>А о Иисус кергяс англал о ученикия още бут авер знамения, колато нанай запишиме калке книгате. <sup>31</sup>А калка си пишиме, за те поверишинен, кай о Иисус си о Помазаники, о Божие Чаво, тай като верувинен, те овел тумен животос анде Лескере алавесте.

## Chapter 21

<sup>1</sup>Палал далкесте о Иисус пак явисало е ученикиенге ко Тивериадско езерос; тай аке сар явисало ленге: <sup>2</sup>оте сине заедно о Симон Петър, о Тома, наречиме Близнак, о Натаанаил тари Кана Галилейска, о Зеведеева Чаве тай авер дуи таро ученикия Леске. <sup>3</sup>О Симон Петър пенгяс ленге: жав те долав мачен. Пенен леске: Ка авас амеда туся. Иклиле тай чивте пес анди ладия; тай презал колке ракяте нана долде нищо. <sup>4</sup>А като дислолас вече, о Иисус зачило ко брегос; о ученикия обаче нана пенджарде, кай си о Иисус. <sup>5</sup>О Иисус пенгяс ленге: Чавален, иси ли тумен маче? Отговоринде Леске: Нанай амен. <sup>6</sup>А Ов пенгяс ленге: Чивен и мрежа тари десно рик е ладият тай ка аракен. Тай он чивте; тай вече нанащине циден ла ашал о бут маче. <sup>7</sup>Тогава ковка ученики, колес дехелас о Иисус, пенел е Петреске: О Дел си. А о Симон Петър, като шунгяс, кай сине о Дел, ургяс по връхно шехи (сокето сине нанго) тай чивкяс пес андо езерос. <sup>8</sup>А около ученикия але анди ладия (сокето нана сине дуре тари суша, на около дуи шел лактес) тай влачиненас и мрежа е маченца. <sup>9</sup>Тай като иклиле ки суша, дикле оте жарави тай маче товде лесте, тай маро. <sup>10</sup>О Иисус пенгяс ленге: Анен таро маче, колато акана долгиен. <sup>11</sup>О Симон Петър качисало анди ладия, тай цидингяс и мрежа ки суша, перди едроне маченца, на брой шелупинда тай трин; тай кай сине дики, и мрежа нана чиндили. <sup>12</sup>О Иисус пенгяс ленге: Елан те закусинен. (Тай никой таро ученикия нана смеинелас те пучел Лес: Ту Кова синян? Понеже жаненас кай си о Дел.) <sup>13</sup>Ало о Иисус, лилас о маро тай диняс лен, също о мачо да. <sup>14</sup>Давка сине вече о трето дром, като о Иисус явисало е ученикиенге, след като възкръснингяс таро муле. <sup>15</sup>А като позакусинде, о Иисус пенел на Симон Петър: Симоне Йонов, дехес ли Ман по бут отколкото дехен Ман калка? Пенел Леске: Ва, Девла, ту жанес, кай дехав Тут. Ов пенел леске: Пасине Ме бакрен. <sup>16</sup>Пак пенел леске второ дром: Симоне Йонов, дехес ли Ман? Пенел Леске: Ва, Девла, Ту жанес, кай дехав Тут. Ов пенел леске: Пасине Ме овцен. <sup>17</sup>Пенел леске трето дром: Симоне Йонов, дехес ли Ман? О Петрес наскърбисало, сокето трето дром пенел леске: Дехес ли Ман? Тай пенгяс Леске: Девла, Ту всичко жанес; Ту жанес, кай дехав Тут. О Иисус пенел леске: Пасине Ме овцен. <sup>18</sup>Истина, истина пенав туке: като улан по-терно, ту коркоро опасвинесас тут тай присес, кате мангесас; но като ка пруиос, ка простириес те васта тай авер ка опасвинел тут, тай ка ингалел тут, кате нана мангес. <sup>19</sup>А давка пенгяс, като делас те ахалол пес саве мерибиностар о Петрес ка прославинелас е Девлес. Тай като пенгяс давка, пенгяс леске: Пир палал Манде. <sup>20</sup>О Петрес, като ирисало, диклас, кай авел палал ленде о ученики, колес дехелас о Иисус, ковка, ковато ки вечеря ирисало карик Лесте тай пучлас: Девла, кова си давка, ковато ка предел Тут? <sup>21</sup>Лес като диклас, о Петрес пенгяс е Иисусеске: Девла, а калкеске со ка ачол? <sup>22</sup>О Иисус пенгяс леске: Ако мангав те ачол ов, жи кай авав, туке со си? Ту пир палал Манде. <sup>23</sup>Тай чука, разнесисали машкар о прала дайка дума, кай кавка ученики нанай те мерел. О Иисус обаче нана пенгяс леске, кай нанай те мерел, но: Ако мангав те ачол ов, жи кай авав, туке со си? <sup>24</sup>Кавка си о ученики, ковато свидетелствинел калке букингенте, ковато пишингяс да далка бука; тай жанас, кай лескоро свидетелство си истинно. <sup>25</sup>Иси още бут авер дела, колато кергяс о Иисус; но ако пишиненас пес иек по иек, струвинел пес манге, кай цело светос нанай те кидел о пишинас книгес. (Амин.)

## Acts

### Chapter 1

<sup>1</sup>И първо повест пишиниом, о, Теофиле, за всичко, ковато о Иисус керелас тай учинелас, от сар почнингяс <sup>2</sup>жи ко диес, като възнесисало, след като диняс чрез о Святи Дух заповедя е апостолен, колен избiringyas; <sup>3</sup>коленге представингяс Пес живдо палал Пе страданиесте буте верноне доказателствоненца, като явинелас пес ленге през сааранда диеса тай хоратинелас ленге за о Божие тагарипе. <sup>4</sup>Тай като киделас пес ленца, пенгяс ленге тена напуснинен о Ерусалим, но те жарен о обещано таро Отца, за колеске, пенгяс Ов, шунгииен Мандар. <sup>5</sup>Сокето о Йоан кръстинелас паниеса, а туме ка овен кръстиме е Святоне Духоса не след бут диеса. <sup>6</sup>Тай чука, иеквар, като кидисале, он пучле Лес, тай пенде: Господи, акана ли ка иринес о тагарипе е Израилескоро? <sup>7</sup>А Ов пенгяс ленге. Нанай туменгте те жанен бреша или времена, колато о Отец положингяс Пе Собственоне властияте; <sup>8</sup>но ка приеминен сила, като ка авел упрат туменде о Свято Духос, тай ка овен свидетеля за Манте сарто андо Йерусалим, чука анди цело Юдея тай Самария, тай жи ко крайос е пувяжко. <sup>9</sup>Тай като пенгяс давка, тай он дикенас Лес, Ов възнесисало, тай облаки приемингяс Лес таро поглядя ленге. <sup>10</sup>Тай като дикенас карик о небес, като възлизинелас, аке дуи мануша парне шехиенца зачило паш ленде, <sup>11</sup>колато пенде да: Галилеяни, соске бешен тай дикен карик о небес? Кавка Иисус, Ковато възнесисало тумендар ко небес, чука ка авел, сарто диклен

Лес те жал ко небес.<sup>12</sup>Тогава ирисале андо Йерусалим таро хълми, наречиме Елеонски, ковато си паше жи ко Йерусалим, на разстояние иек съботно диес дром.<sup>13</sup>Тай като дине андо градос, качисале ки упруни стая, кате живиненас, о Петър тай Йоан, о Яков тай о Андрей, о Филип тай о Тома, о Вартоломей тай о Матей, о Яков Алфеев тай о Симон Зилот, тай о Юда Яковов.<sup>14</sup>Саворе калка единодушно сине в постоянно молитва (тай моление) десаве ромниенца тай и Мария, и дай е Исусескири, тай Лескере праленца.<sup>15</sup>Презал калке диесенде о Петър ухтинило машкар о прала( а сине кидиме множество, около шел тай биш жене) тай пенгяс:<sup>16</sup>Пralalen, требаше те изпълнингиол о пишиме, ковато о Свято Духос предскажингяс чрез о Давидово муи за Юда, ковато ачило водители калкенге, колато долде е Исусес.<sup>17</sup>Соскето ов числиналес пес машкар аменде тай получингяс дяли анде далке служениесте.<sup>18</sup>Тай чука ов придобингяс нива тари заплата пере неправдатар; тай като пело пе мосте, парило ко машкар тай лескере саворе поря чордиле.<sup>19</sup>Тай давка ачило известно саворе йерусалимсконе жителенге, чука че дайка нива наименувисали ленгере чибате Акелдама, демек Кръвно нива.<sup>20</sup>Соскето си пишиме анди книга е Псалменг: " Лескоро жилище те пустонел тай тена овел кой те живинел лесте"; тай : " Авер нека те лел мо чинос."<sup>21</sup>Тай чука, таро мануша, колато дружиненас аменца презало саворо време, като о Господ Исус делас тай икололас машкар аменде,<sup>22</sup>като почнингяс таро време, като о Йоан кръстинелас, тай следвинел жи ко диес, като възнесисало амендар, иек лендар треба те ачол свидетели аменца ко възкресение Леске.<sup>23</sup>Тай чука, поставинде дуиен: О Йосиф, наречиме Варсава, колескоро презиме сине Юст, тай о Матия.<sup>24</sup>Тай молинде пес тай пенде: Ту, Господи, сърцевидецо саворенге, покажине колкес таро калка о дуи, колес избiringян<sup>25</sup>те лел о тан анде калке служениесте тай апостолство, колестар отстъпингяс о Юдас, за те жал пере танесте.<sup>26</sup>Тай чивте жребий за ленге тай о жребий пело ко Матия; тай ов сине причисли ме карик о дешуиек апостола.

## Chapter 2

<sup>1</sup>Тай като ачило о диес на Петдесетница, он саворе сине иеке танесте. <sup>2</sup>Тай внезапно ачило шуми таро небес, сар о фучиба е силноне балвалакоро, тай изпълнингяс о цело кер, кате бешенас. <sup>3</sup>Тай явисале ленге чиба сар ягакере, колато разделиненас пес, тай бешло по иек секои лендар. <sup>4</sup>Тай он саворе изпълнисале е Святоне Духоса тай почнинде те хоратинен чужда чиба, според сарто о Духос делас лен способност те хоратинен.<sup>5</sup>А тогава андо Йерусалим прибивиненас юдея, благочестива мануша, всеконе народостар телал о небес. <sup>6</sup>Тай като шундило давка шуми, иек навалица кидисали; тай смутисале, соскето секо иек шунелас лен те хоратинен лескири чиб. <sup>7</sup>Тай саворе смаиме тай зачудиме, пененас песке: Аке, саворе калка, колато хоратинен, нанай ли галилеяния? <sup>8</sup>Тогава сар шунас лен те хоратинен секой амари собственно чиб, анде колате синям бянде? <sup>9</sup>Партиания, мидияния тай еламития, тай жителя тари Месопотамия, тари Юдея тай Кападокия, Понт тай Азия\*, <sup>10</sup>Фригия тай Памфилия, таро Египет тай колка страни тари Ливия, колато граничинен с Кирина, тай посетителя таро Рим - тай юдея, тай о прозелити, <sup>11</sup>критияния тай арабия, шунас лен те хоратинен амаре чиба е великоне Божие деловиенг.<sup>12</sup>Тай он саворе смаисале тай андо недоумение пученас пес иек аврес: Со значинел давка?<sup>13</sup>А авер асанас ленге, тай пененас: Он макярде пес гудле моласа.<sup>14</sup>А о Петър, като изправисало е дешуиекенца, ваздингяс по гласос тай захоратингяс ленге тай пенгяс: Юдея тай туме саворе, колато живинен андо Йерусалим, нека ачол туменге знайно давка, тай внимавинен мере думенде.<sup>15</sup>Соскето калка нанай мате, сарто туме мислинен, понеже си едва о трето сахати е диесескоро;<sup>16</sup>но давка си пендо чрез о пророки о Йоил: <sup>17</sup>" Тай ко последна диеса, пенел о Дел, ка излеинав Ме Духостар всеконе тварате; тай тумаре чаве тай тумаре чая ка пророкувинен, тумаре юношия ка дикен видения; тай тумаре пуре ка сънувинен суне.<sup>18</sup>Още пе слугенге да, тай Пе слутиненге ка излеинав Ме Духостар анде колке диесенде, тай ка пророкувинен.<sup>19</sup>Тай ка покажинав чудеса ко небес упре тай знамения ки пув теле - рат, тай яг тай кълба тувестар. <sup>20</sup>о Кам ка ирингиол тъмнинате тай и луна ратесте, англал те авел о велико тай бележито диес Господно. <sup>21</sup>Тай всекой, ковато призовинел е алав е Девлескоро, ка спасинел пес". <sup>22</sup>Израиляня, шунен калка думес: о Исусес о Назарет, засвидетелствиме машкар туменде таро Дел чрез мощна дела, чудеса, тай знамения, колато о Дел кергяс чрез Лесте машкар туменде, сарто туме коркоре жанен,<sup>23</sup>Лес, предиме според и определено воля е Девлескири тай предузнание, туме разпнингиен тай мударгиен чрез о вас е беззакоиникиенгро; <sup>24</sup>Като о Дел възкresингяс, като развържингяс о дука е мерибнаскере, понеже на сине възможно те овел долдо Ов латар.<sup>25</sup>Соскето о Давид пенел за Леске: " Винаги товав е Девлес англал манде; понеже Ов си отдясно манг, ме нанай те поклатинаман;<sup>26</sup>далкеске лошанел мо сърцес, тай развеселивали ми душа, а още ми плът ка простоявинел анди надежда;<sup>27</sup>соскето нанай те мукес ми душа андо шеол, нито ка допуснинес Торо Свято Чавоте дикел изтление.<sup>28</sup>Ка сикавес манг о дром е животоскоро; Торо присъствиесте Иси пердо веселба."<sup>29</sup>Пralalen, аци те пенав туменге свободно за е патриархиеске о Давид, кай муло, тай сине пароме, тай лескоро мимори си аменде жи калке диесесте.<sup>30</sup>Тай чука, понеже сине пророки тай жанелас, кай о Дел совеля са обещисало леске, кай лескере потомциендар по плът ка ваздел Христа, Лес те поставинел ко престоли Леске,<sup>31</sup>ов предвидинелас давка, хоратинел е възкresениеске на Христа, кай Ов нито сине мукло андо ади, нито Лескири плът диклас изтление.<sup>32</sup>Калке Исусес о Дел възкresингяс, колеске аме саворе синям свидетеля.<sup>33</sup>Тай чука, като възвисисало жи ки Божия десница, тай лилас таро Отца о обещано Свято Духос, Ов излеингяс давка, ковато туме дикен тай шунен.<sup>34</sup>Соскето о Давид нана възнесисало андо небеса; но коркоро ов пенел: ' Пенгяс о

### Chapter 3

Дел мере Девлеске: Беш отдясно Манге,<sup>35</sup> жи кай положинав Те враговиен Тере подножиесте".<sup>36</sup> Тай чука, нека жанел лачес цело Израилово кер, кай кавка Иисус, Колес туме разпнингиен, Лес о Дел кергяс Дел, таи Христос .<sup>37</sup> Като шунде давка, он, ужилиме ан пе сърцende, пенде е Петреск тай околе апостоленг: Со те керас, пралален?<sup>38</sup> А о Петрес пенгяс ленг: Покайнен тумен тай секой тумендар нека кръстинел пес андо алаб Иисус Христово за те простиинен пес тумаре безеха; тай ка приеминен кавка дари, о Свято Духос.<sup>39</sup> Соскето туменг си о обещание тай тумаре чадовиенг, тай саворе далечноненг, кити о Дел, амаро Дел ка призовинел паш Песте.<sup>40</sup> Тай буте авере думенца заявиналас тай увещинелас лен, тай пенелас: Избавинен тумен далке извратеноне поколениестар.<sup>41</sup> Тай чука, калка, колато приеминде о поучение лескоро, кръстинде пес; тай ко съцо диес прибависале около трин хиляда жене.<sup>42</sup> Тай он постоянствиненас андо поучение е апостоленгоро, андо общение, андо преломяване е мареске тай андо молитвес.<sup>43</sup> Тай дар долгяс всеконе душа; тай бут чудеса тай знамения ачонас чрез о апостола.<sup>44</sup> Тай саворе вярваща сине заедно, тай сине лен всичко общо;<sup>45</sup> тай бикненас и стока тай по имоти, так разделиненас о парес саворенг, според и нужда секаске.<sup>46</sup> Тай секо диес прекарвиненас единодушно андо храми тай пагенас маро пе керенде, тай приеминенас хабе лошаляса тай простосьрдчиеса,<sup>47</sup> като хвалиненас е Девлес, тай печелиненас о благоволение саворе народоске. А о Дел секо диес прибавинелас карик ленде, колжен колато спасиненас пес.

### Chapter 3

<sup>1</sup>Иек диес, като о Петър тай о Йоан жанас андо храми ко девето сахати, о сахати е молитваке,<sup>2</sup> десаве пиравенас иеке манушес, куцо пе биянибнастар. лес товенас секо диес ко чука наречиме Красно вудар е храмиеске, те просинел милостиния колкендар, колато денас андо храми.<sup>3</sup> Ов, като диклас е Петрес тай е Йоанес, като ка денас андо храми, попросингяс те ден лес милостиния.<sup>4</sup> А о Петрес заедно е Йоанеса задиклас пес анде лесте тай пенгяс: Дик амен.<sup>5</sup> Тай ов задиклас пес анде ленде, като жарелас те получинел варесо лендар.<sup>6</sup> Но о Петър пенгяс: Среброс тай златос ман нанай ман; но со иси ман, давка дав тут: андо алаб на Иисуса Христа о Назария,(ухти тай пир).<sup>7</sup> Тай като долгяс лес таро десно вас, ваздингяс лес; тай ко сахати о пире тай о глезеня лескере добинде сила.<sup>8</sup> Тай ов, като хърпингяс, изправисало тай запиргяс; тай диняс ленца андо храми, тай пирелас тай хърпинелас, тай славинелас е Девлес.<sup>9</sup> Тай саворе люде дикле лес те пирел тай те славинел е Девле,<sup>10</sup> тай пенджарде лес, кай сине о съцо, ковато бешелас милостиняке ко Красно вудар е храмиеске; тай пердиле учудибнаса тай с удивление далеске, со ачилосас леса.<sup>11</sup> Тай понеже о изцелиме куцо мануш долелас пес ко Петър тай ко Йоан, он саворе люде смаиме стечинде пес паш ленде андо чука наречиме Соломоново притвори.<sup>12</sup> А о Петър, като диклас давка, захоратингяс е народоске : Израиляни, соске чудинен тумен калке манушеске? или соске задикен тумен анде аменде, все едно амаре силатар или благочестиестар кергям лес те пирел?<sup>13</sup> О Дел Авраамово, Исаково, тай Яковово, о Дел амаре даденгоро, прославингяс пере чавес Иисусес, Колес туме предиинен тай Колестар отречисален англал о Пилат, като ов решингясас те мукел Лес.<sup>14</sup> Но туме отречисален таро Свято тай Праведно тай като манглен те мукел туменг иеке убийцос,<sup>15</sup> мударгиен е Начинателиес е животоскоро. Но о Дел възкресингяс Лес таро муле, за колеске аме синям свидетеля.<sup>16</sup> Тай ко основание ки вяра андо алаб Леске, Лескоро алаб укрепингяс калкес, колес дикен тай пенджарен. Ва! Кайка вяра, която си чрез Лесте, диняс лес англал саворенде туменде давка съвършено састипе.<sup>17</sup> Тай акана, пралален, ме жанав, кай туме, сарто о началника тумаре, кергиен давка таро незнание;<sup>18</sup> но о Дел далке начиниеса изпълнингяс давка, ковато предизвестингясас чрез о муй саворе пророкиенгере, кай Лескоро Помазаники ка пострадинел.<sup>19</sup> Далеске покайнен тумен тай иринен тумен, за те заличингион тумаре безеха, тай те авен освежителна времена таро муи е Девлеске<sup>20</sup> тай Ов те бичалел туменг о определено туменг Иисус Христос,<sup>21</sup> Колес требе те приеминен о небеса жи ко време, като ка възстановингиол всичко, за колеске хоратингяс о Дел таро векос чрез о муй Пе святоне Пророкиенгере.<sup>22</sup> Соскето о Мойсей пенгяс: "Господ Бог ка въздигнинел тумен тумаре пралендар Пророки, сарто въздигнингяс ман; Лес шунен в всичко, со ка пенел туменг;<sup>23</sup> тай всеко душа, която нанай те шунел калке Пророкиес, ка овел изтребиме таро люде".<sup>24</sup> Тай саворе пророкя таро Самуил тай нате, кити хоратинде, тай он известинде калке диесенг.<sup>25</sup> Туме синиен потомция е пророкиенгере тай наследникя е заветиескере, ковато о Дел кергяс амаре даденца, като пенгяс е Авраамеске: " Анде тере потомствосте ка благословинен пес саворе пувякере племена."<sup>26</sup> О Дел ,като възкресингяс Пере Чавес , първо жи туменде бичалгяс Лес, за те благословинел тумен, като иринел секас тумендар таро нечистие тумаро.

### Chapter 4

<sup>1</sup>Тай като он още хоратиненас е люденг, о свещеникя тай о началники е храмиескере стражакоро, тай о садукея але паш ленде,<sup>2</sup> възмутиме, далеске кай он поучинен е народос тай проповединен, андо алаб е Иисусеске, о възкресение таро муле.<sup>3</sup> Тай чука, товде васта уптал ленде тай поставинде лен телал стражате за ко следващо диес, соскето вече сине ират.<sup>4</sup> А мнозина колкендар, колато шунде о словос, повервинде; тай о число е повярвалоне мрушенгоро ресло жи ко панч хиляда.<sup>5</sup> Тай ко следващо диес кидисале андо Йерусалим о началникия ленгере, о старейшинес тай о книжникя;<sup>6</sup> тай о първосвещеници о Анна, тай о Каляфа, о Йоан, о Александър тай саворе, колато сине таро първосвещеническо роди.<sup>7</sup> Тай като поставинде е Петрес тай е Йоанес

ко машкар, пученас лен: Саве силаса, или анде коле алавесте кергиен давка?<sup>8</sup>Тогава о Петрес, изпълниме Святона Духоса, пенгяс ленге: Началникия е народоскере тай старейшинес,<sup>9</sup>ако изпитвинен амен авдиес иеке благодеяниеске, кердо немощноне манушеске, чрез состе ов сине изцелиме,<sup>10</sup>те жанен саворе туме тай саворе Израилева народос, кай чрез о алав на Иисус Христос о Назаряни, Колес туме разпнингиен, Колес о Дел възкресингяс таро муле, чрез далке алавесте кавка мануш тергиол англал туменде здраво.<sup>11</sup>Ов си о бар, ковато туме о зидаря презрингиен, ковато ачило шеро е ъгълескоро.<sup>12</sup>Тай чрез никасте авересте нанай спасение; сокето нанай телал о небес авер алав, дадено машкар о мануша, чрез колесте требе те спасинас амен.<sup>13</sup>А он, като дикенас и дързост е Петрескири тай е Йоанескири тай забележиндесас вече, кай си неграмотна тай неучена мануша, чудиненас пес; тай пенджарде, кай сине е Иисусеса.<sup>14</sup>А като дикле е изцелиме манушес, бешло ленца, нанаяс со възразинен.<sup>15</sup>Далкеске, като заповединде ленге те иклон аври таро синедриони, съвешиненас пес машкар песте, тай пененас:<sup>16</sup>Со те керас калке манушенге, сокето саворе ерусалимсконе жителенге си известно, кай бележито знамение ачило чрез ленде; тай нанащи опровергинас лен.<sup>17</sup>Но за тена разнесинел пес повече машкар о люде, нека заплашинас лен, за тена хоратинен вече никаске анде далке алавесте.<sup>18</sup>Тай чука, он викинде лен тай заръчинде ленге тена хоратинен нисар, нито те поучинен андо Иисусово алав.<sup>19</sup>А о Петрес тай о Йоанес в отговор пенде ленге: Право ли си англал о Дел те шунас тумен, а ма е Девлес, разъдинен;<sup>20</sup>сокето аме нанащи тена хоратинас давка, ковато диклам тай шунгяя.<sup>21</sup>А он, Като заплашинде лен отново, мукле лен, понеже нана жаненас сар те накажинен лен заради е люденге; сокето саворе славиненас е Девлес за далкеске со ачило.<sup>22</sup>Сокето о мануш, упрат колесте извършил давка изцелително знамение, сине по бут таро саранда бреша.<sup>23</sup>Тай като мукле лен, он але паш перенде, тай известинде всичко, ковато пенде ленге о главна свещеника тай о старейшинес.<sup>24</sup>А он, като шунде, издигнинде единодушно гласос карик о Дел тай пенде: Владико, Ту синян Дел, Ковато кергян о небес, и пув о морес тай всичко, ковато си анде ленде,<sup>25</sup>Ту чрез о Свято Духос, чрез о муи Те слугаскоро, амаро дад о Давид, пенгян: "Соске разяринен пес о народос тай о племена намислинен суети?"<sup>26</sup>Опълчвинен пес е пувякере тагара тай о управникя наговоринен пес заедно против о Дел тай против Лескере Помазаникиесте.<sup>27</sup>Сокето наистина о Ирод да, о Понтийски Пилат да, е езичнициенца тай о Израилева люде, кидисале калке градосте против Тере светоне Торо Свято Чаво о Иисус, Колес помажинян,<sup>28</sup>за те извършинен всичко, ковато Торо вас тай Тери воля определинде те ачол.<sup>29</sup>Тай акана, Девла, дик ленгере заплашваня тай де Тере слуген те хоратинен Торо словос тай перди дързост,<sup>30</sup>жи кай Ту простириес То вас те изцелинес тай те ачон знамения тай чудеса чрез о алав Тере светоне Торо Свято Чаво Иисус.<sup>31</sup>Тай като молисале, потресингяс пес о тан, кате уле кидиме; тай саворе изпълнисале е Святона Духоса тай с дързост хоратиненас е Девлескоро словос.<sup>32</sup>А о множество е повярвалоненгоро исине иек сърцес тай душа; тай ни иек лендар нана пенелас, кай варесо таро имоти леске си лескоро, но всичко сине ленге общо.<sup>33</sup>Тай о апостола баре силаса свидетелствинде за е възкресениеске е Девлескоро о Иисус; тай бари благодат почивинелас упрат ленде саворенде.<sup>34</sup>А тай никой лендар нана уло андо лишение; сокето саворе, колато сине стопания нивенге или керенге, бикненас лен тай аненас и цена е бикиндескири,<sup>35</sup>тай товенас ла ко пире е апостоленге; тай раззделас пес саворенге според кити сине лен нужда.<sup>36</sup>Чука о Йосиф, наречиме таро апостола Варнава (ковато значинел 'Чавоне увещениескоро'), левит, родом Кипар,<sup>37</sup>като исинелес пув, бикингяс ла, ангяс о парес тай тогяс лен ко пире е апостоленге.

## Chapter 5

<sup>1</sup>А десаво си мануш ко алав Анания, пе ромняса и Сапфира, бикингяс имоти<sup>2</sup>тай задържингяс варесо тари цена пе ромнякере знаниеса; тай ангяс иек част, тай товгяс ла англал о пире е апостоленге.<sup>3</sup>А о Петрес пенгяс: Анание, соке изпълнингяс о Сатана то сърцес, тай те хохавес е Святона Духос тай те задържинес тари цена е нивакири?<sup>4</sup>Жи кай бешелас небикинди, нана сине ли тери? Тай след като бикиндили, нана сине ли о парес анде тере властиите? Соске намислинян давка варесо ан те сърцесте? Нана хохагян манушен, но е Девлес.<sup>5</sup>Тай о Анания, като шунелас далка думес, пело тай издъхнингяс; тай бари дар долгяс саворен, колато шунде давка.<sup>6</sup>Тай о младежия ухтиниле, пакярде лес тай икалде лес, тай паронде лес.<sup>7</sup>Так като накле около трин сахакя, диняс лескири ромни да, без те жанел со ачило.<sup>8</sup>Тай о Петрес захоратингяс лаке: Пен манг, за зомкар ли бикинтиен и нива? Тай ой пенгяс: За зомкар.<sup>9</sup>А о Петрес пенгяс лаке: Соске съгласисален те изпитвинен е Девлескоро Духос?<sup>10</sup>Аке, о пире калкенгере, колато паронде те ромес, си ко вудар, тай ка изнесинен тут да.<sup>11</sup>Тай ой ко сахати пели ко пире леске тай мули; а о младежия, като дине, аракле ла мули, изнесинде ла тай паронде ла жи лакере роместе.<sup>12</sup>Тай бари дар обземингяс целоне кангеря тай саворен, колато шунде давка.<sup>13</sup>Тай чрез о васта е апостоленгере ачонас бут знамения тай чудеса машкар о люде (тай он саворе уле единодушно андо Соломоново треми),<sup>14</sup>а оклендар никой на смейнелас те присъединил пес карик ленде; о люде обаче величайненас лен,<sup>15</sup>тай още побаро множество повярвала андо Дел мруша тай жувля прибависале),<sup>16</sup>чука че даже изнесиненас е насвален таро улицес тай товенас лен ко постелкес тай то тана, тай, като накелас о Петрес, поне лескири сянка те засегнинел декас лендар.<sup>17</sup>Киделас пес още множество таро градовя около о Йерусалим тай пиравенас насвален тай измъчвименен таро нечиста духовя; тай саворе изцелиненас пес.<sup>18</sup>Тогава ухтиниле о първосвещеници тай саворе, колато уле леса, съставляваща и садукийско секта, тай, изпълниме със завист,<sup>19</sup>това васта упрат о апостола тай положинде лен ки общо тъмница.<sup>20</sup>Ама ангели таро Дел машкар и рат путергяс о вудар е

## Chapter 6

тъмницацакоро, икалгяс лен тай пенгяс:<sup>20</sup>Жан, зачон андо храми тай хоратинен е люденге саворе думес калке животоскере.<sup>21</sup>Он, като шунде давка, ки андиавин дине андо храми тай поучиненас. А о първосвещеници ало колкенца, колато уле леса, тай като свикинде о синедриони тай цело старейшинство е израиленго, бичалде анди тъмница те анен е апостолен.<sup>22</sup>Но о служителя, като геле, нана аракле лен анди тъмница; тай ирисале, тай известинде, тай пенде:<sup>23</sup>И тъмница араклам заключиме твърде здраво тай о стражаря, кате бешенас ко вудар; ама като путергям, нана араклам никас андре.<sup>24</sup>А о началники е храмовингере стражакере тай о главна свещеника, като шунде далка думес, уле в недоумение тай чудиненас пес со ка следвинел далkestар.<sup>25</sup>Ама але декой си тай известингяс ленге: Аке, о мануша, колен чикям анди тъмница, бешен андо храми тай поучинен е люден.<sup>26</sup>Тогава гело о началники е служителенца тай ангяс лен, обаче без насилие; сокето даранас таро люде, тена замервинен лен баренца.<sup>27</sup>Тай като анде лен, поставинде лен англал о синедриони; тай о първосвещеници пучлас лен:<sup>28</sup>Строго забранигям туменге те поучинен анде далке алавесте; но аке, пергиен о Йерусалим тумаре учениеса тай възнамеринен те анен упрат аменде о рат Калке Манушескоро.<sup>29</sup>А о Петрес тай о апостола в отговор пенде: Подобинел те покоринас амен е Девлеске, а ма е манушенге.<sup>30</sup>О Дел амаре даденгоро възкресингяс е Иисусес, Колес туме мударгиец, като повесингиен Лес ко капш.<sup>31</sup>Лес о Дел възвисингяс жи Пе десницате Началниеските тай Спасителеске, те дел покаяние е Израилес о опрощение таро безеха.<sup>32</sup>Тай аме синям Лескере свидетеля далке букингте, карто си о Свято Духос, Колес о Дел диняс колкенге, колато покоринен пес Лескес.<sup>33</sup>А он, като шунде давка, чинионас холатар, тай възнамериненас те мударен лен.<sup>34</sup>Ама иек фарисей ко алав Гамалиил, законоучители, почитиме саворе людендар, изправисало андо синедриони тай заповедингяс те икален аври е апостолен за хари време;<sup>35</sup>тай пенгяс е събориеске: Израилиания, внимавайнен лачес со ка керен калке манушенге.<sup>36</sup>Сокето ко предишна диеса въстанингяс о Тевда тай представинелас пес баре манушеске, карик колесте присъединисале около штаршел мруша на брой; ковато сине мудардо, тай саворе, колато покориненас пес лескес, разпиливсале тай изчезнинде.<sup>37</sup>Палал лесте въстанингяс о галилеяни о Юда, презал о време е запишимнаске, тай отвлечингяс палал песте десавен таро люде; ов да загинингяс, тай саворе, колато покориненас пес лескес, разпръснисале.<sup>38</sup>Тай акана пенав туменге, циден тумен далке манушендар тай мукен лен; сокето, ако давка намерение или давка делос си манушендар, ка повалинел пес;<sup>39</sup>но ако си таро Дел, нанай те аши те повалинен лес. Пазинен тумен тена аракен тумен богопротивника.<sup>40</sup>Тай он шунде лес; тай като викинде е апостолен, марде лен тай заръчинде ленге тена хоратинен андо Иисусово алав, тай мукле лен.<sup>41</sup>А он геле песке таро синедриони възрадвиме, за далкеске кай удостоинде пес те претърпинен опозоряване за е Иисусескоро алав.<sup>42</sup>Тай нито иек диес нана престаниненас те учинен тай те благовестинен, тай андо храми, тай пе керенде, кай о Иисусес си о Христос.

## Chapter 6

<sup>1</sup>А презал калке диесенде, като умножиненас пес о ученикия, възникнингяс ропоти таро гръцка юдея против о еврейска, за далкеске андо всекидневно раздаване е потребностиенге лентере вдовицес уле пренебрегните.  
<sup>2</sup>Тогава о дешудуи свикинде саворе ученикиен тай пенде: Нанай лачес аме те мукас о Боже словос тай те прислужвинас ко софрес. <sup>3</sup>Тай чука, пралален, избиринен машкар туменде ефта жене одобриме характеристиеса, изпълниме е Девескере Духоса тай с мъдрост, колес те поставинас калка нуждес.<sup>4</sup>А аме ка постоянствинас анди молитва тай андо служение е словоскоро.<sup>5</sup>Тай давка предложение харешингяс целоне множествоске; тай избиринде е Стефанес - мрущ, пердо вяраса тай Святое Духоса, тай о Филип, о Прохор, о Никанор, о Тимон, о Пармена тай Николай, прозелити тари Антиохия .<sup>6</sup>Лен поставинде англал о апостоля; тай он, като молинде, пес положинде васта ленде.<sup>7</sup>Тай о Божие учение барилас, тай о число е ученикиенго андо Йерусалим умножингиолас твърде бут; тай баро множество таро свещеникия подчинененас пес е вяраке.<sup>8</sup>А о Стефанес, пердо с благодат тай сила, керелас баре чудеса тай знамения машкар о народос .<sup>9</sup>Тогава десаве тари синагога, наречиме Синагога е либертиенциенгири тай таро киринейция тай о Александрийся, тай десаве тари Киликия тай Азия, ваздинде пес тай спориненас е Стефанеса.<sup>10</sup>Но нанацине устоинен мамуял и мъдрост тай о Духос, коленца хоратинелас.<sup>11</sup>Тогава сикавде манушен те пенен: Шунгям лес те хоратинел хулна думес против о Мойсей тай против о Дел.<sup>12</sup>Тай подбудинде е народос , е старейшинен тай е книжникиен, тай като налетинде упрат лесте, долде лес тай анде лес ко синедриони,<sup>13</sup>кате поставинде хохавне свидетелен, колато пенде: Кавка мануш непрестанно хоратинел думес против кавка свято тан тай против о закони;<sup>14</sup>сокето шунгям лес те пенел, кай кавка Иисус Назарянини ка разрушинел кавка тан тай ка изменинел о обредя колато о Мойсей прединяс аменгеге.<sup>15</sup>Тай саворе, колато бешенас ко синедриони, като задикле пес анде лесте, дикле лескоро муи, кай сине сар муи ангелескоро.

## Chapter 7

<sup>1</sup>Тогава о първосвещеници пеняся: Чука ли си давка?<sup>2</sup>А ов пенгяс: Прала тай дада, шунен: О Дел е славакоро явисало амаре Отцаске е Авраамеске, като уло анди Месопотамия, англал те заселенел пес андо Харан, тай пенгяс леске:<sup>3</sup>Икли таро отчество торо тай те родиестар тай ела ки пув, която за сикавав туке."<sup>4</sup>Тогава ов иклило тари Халдейско пув тай заселисало андо Харан. Тай отар, палал о мериба лескере дадескоро, о Дел

преселингяс лес калке пувяте, колате туме акана живинен.<sup>5</sup> Тай нана диняс лес наследство анде лате ни кити иек стъпка таро пире, а обещингяс те дел ла за притежание лескес тай лескере потомствоске палал лесте, жи кай лес още нана сине чадос.<sup>6</sup> Тай о Дел хоратингяс лескес в смисъл, кай лескере потомция ка овенас преселиме чуждоне пувяте, кате ка поробиненас лен тай ка притесниненас лен штаршел бреш.<sup>7</sup> Но Ме, пенгяс о Дел, ка съдинав е народос, колеске ка робувинен; тай палал далкесте ка иклон тай ка служинен Манге калке танесте.<sup>8</sup> Тай диняс лес в завет о обрязване; тай чука о Авраам бянгяс Исаак, тай обрежингяс лес ко охто диес, о Исаак бянгяс Яков, а о Яков - дешудуи патриарсия.<sup>9</sup> А о патриарсия завидинде е Йосифиеске тай бикинде лес андо Египет; о Дел обаче сине леса<sup>10</sup> тай избавингяс лес таро саворе беди лескере, тай диняс лес благоволение тай мъдрост англал о египетско тагар - Фараон, ковато поставингяс лес управители упран о Египет тай упран пе целоне кересте.<sup>11</sup> Тай али бок ки цело Египетско тай Ханаанско пув тай баро бедствие; а амаре дада нана аракенас прехрана.<sup>12</sup> А о Яков, като шунгяс, кай исине житос андо Египет, бичалгяс първо дром амаре даден; <sup>13</sup> тай ко второ дром о Йосиф открисало пе праленг, тай о Йосифово роди ачило известно е Фараониеске.<sup>14</sup> Тай о Йосиф бичалгяс те викинен лескере дадес о Яков тай леското цело роди, седемдесет и пет жене.<sup>15</sup> Тай чука, о Яков ухлило андо Египет, кате муло, ов тай амаре дада;<sup>16</sup> тай пренесинде лен андо Сихем тай положинде лен андо мимори ковато о Авраам кингясас ценаса в сребро таро чаве на Емор, дад на Сихем.<sup>17</sup> А като наблизинелас о време те изпълнигиол о обещиме, ковато о Дел динясас е Авраамес, о люде барилесас тай умножисале андо Египет,<sup>18</sup> жи кай ваздисало авер тагар упран о Египет, ковато нана пенджарелас е Йософес.<sup>19</sup> Ов, като проявинелас коварство против амаре родиесте, дики притеснинелас амаре даден, соске те чивен пе кърмачиен, за тена ачон живде.<sup>20</sup> Анде далке времесте бияндило о Мойсей, ковато сине прекрасно чаво, тай колес парварде трин масек андо бащино кер леске.<sup>21</sup> Тай като чивте лес, и фараоново чаи лилас лес тай парваргяс лес сар лакоро чаво.<sup>22</sup> Тай о Мойсей уло научиме савори египетско мъдрост тай уло силно андо словос тай андо делос.<sup>23</sup> А като навършинелас пе саранда бреша, ало леске ко сърцес те посетинел пе прален, е израилен.<sup>24</sup> Тай като диклас иекес лендар онеправдиме защитингяс лес тай отмъстингяс за притеснения, като поразингяс е египтяниес,<sup>25</sup> като мислинелас кай лескере прала ка ахалон, саво избавление дел лен о Дел чрез лескере вастесте; но он нана ахалиле.<sup>26</sup> Ко следващо диес ов явисало ленге, като дуи лендар маренас пес, тай като мангелас те помиринел лен, пенгяс: " Манушален, туме синиен прала, соске онеправдинен тумен иек аврес?"<sup>27</sup> А кавка, ковато онеправдинелас пе близкенес, отпъдингяс е Моисес тай пенгяс: Кой поставингяс тут началники тай съдияс упран аменде?<sup>28</sup> Манда ли мангес те мударес, карто мударгян ибло е египтяниес?<sup>29</sup> Ашал далке думенг о Мойсей нашло тай ачило пришълеци анди Мадиамско пув, кате биянгяс дуие мрушен.<sup>30</sup> Тай като навършинде пес саранда бреша, явисало леске Ангели Господно анди пустиния ки Синайско планина, машкар о пламъки иеке тарде къпинакоро.<sup>31</sup> А о Мойсей, като диклас и гледка, почудингяс пес лаке; но като приближисало те раздикел, ало гласос таро Дел:<sup>32</sup> "Ме синиом Дел те даденгоро, Дел Авраамово, Исааково тай Яковово". Тай о Мойсей за издрилило тай нана смеинелас те дикел.<sup>33</sup> Тай о Дел пенгяс леске: " Пинангиов о потиня те пирендар, соскето о тан, колесте бешес, си свято пув.<sup>34</sup> Диклом, диклом о злострадание Ме люденгоро, колато си андо Египет, шунгиом ленгоро стенание тай ухлилом, за те избавинав лен. Ела тай ка бичалав тут андо Египет."<sup>35</sup> Тогава о Мойсей, колес откажинделас те приеминен, като пенде леске: кой поставингяс тут началники тай съди?<sup>36</sup> лес о Дел, чрез о вас е Ангелеско, ковато явисало леске анди о бодливо каш, бичалгяс началникиес да, тай избавителеске.<sup>37</sup> Ов изведенгяс лен, като керел чудеса тай знамения андо Египит, андо Лоло морес тай анди пустиния през саранда бреша.<sup>38</sup> Давка си о също Мойсей, ковато пенгяс е израиленг: "О Дел ка въздигнинел тумен тумаре пралендар пророки, карто въздигнингяс ман."<sup>39</sup> Давка си ковка, ковато сине анди кангери анди пустиния заедно е Ангелеско, ковато хоратинелас леске анди Синайско планина, карто амаре даденца да, ковато приемингяс да животворна думес те предел лен аменг;<sup>40</sup> като амаре дада нана мангена тумен иеке леса.<sup>41</sup> Тай презал колке диесенде он керде песке телес, тай принесинде жертва е идолеске, тай веселисале англал далкесте, ковато ленгере васта кердесас.<sup>42</sup> Далкеске о Дел ирингяс пес лендар тай прединяс лен те служинен е небесноне войнствонеске, карто си пишиме ки книга е пророкиенг: "Кер Израилево, Манге ли принесиненас заклана животна тай жертвес саранда бреша анди пустиния?<sup>43</sup> Напротив, ингаленас и скиния е Молохиеске тай и звезда е девлеске Ремфан, изображения, колато кергиен туменг, за те кланиен тумен ленг; далкеске ка преселинав тумен окотар о Вавилон.<sup>44</sup> И скиния е свидетъвскири сине амаре даденца анди пустиния според карто заповедингяс Ковка, ковато пенгяс е Мойсейеске те керел ла ко образи, ковато дикласас;<sup>45</sup> която амаре дада пе редостар приеминде тай внесинде е Исусеса Нави андо владения е народоске, колен о Дел гонингяс англал амре даденде; тай чука бешелас жи ко диеса на Давид,<sup>46</sup> ковато придобингяс о Божие благоволение, тай манглас те аракел обиталище е Яковоне Девлеске.<sup>47</sup> А о Соломон строингяс леске кер.<sup>48</sup> Но о Всевишно нана обитавинел андо ръкотворна храмя, карто пенел о пророки:<sup>49</sup> О Небес си Манге престоли, а и пув си Моро подножие; саво кер ка строинен Манге- пенел о Дел,- или саво си о тан Мере покойеске?<sup>50</sup> Нана кергяс ли Моро вас всичко давка?<sup>51</sup> Коравратна тай необрязноне сърцеса так каненца! Туме всякова противинен тумен е Святоне Духоске; карто керенас тумаре дада, чука керен тумеда.<sup>52</sup> Колес таро пророкия нана гониненас тумаре дада? А тай още избинде колкен, колато предизвестинде кай авел кавка Праведники, Колеске

туме акана ачилен предателя тай убийця,<sup>53</sup> туме, колато приемингиен о закони чрез о ангелско служение тай нана опазингиен лес.<sup>54</sup> А като шуненас давка, ленгере сърца чинионас холятар тай он скърциненас данденца срещу лесте.<sup>55</sup> А о Стефанес, пердо Святона Духоса, диклас о небес тай диклас о е Девлескири слава тай о Иисус, бешло отдясно е Девлеске;<sup>56</sup> тай пенгяс: Аке, дикав о небеса путерде, тай о Човешко Чаво, ковата бешло отдясно е Девлеске.<sup>57</sup> Но он, като запицинде силноне гласоса, запушинде пе канна тай единодушно мукле пес упраш лесте.

<sup>58</sup> Тай като изтласкинде лес аври таро градос, чивенас бара упраш лесте. Тай о свидетеля товде пе шехя ко пире иеке момъкиеске, ко алав Савел.<sup>59</sup> Тай чивенас бара упраш о Стефанес, ковато призовинелас Христо, тай пенелас: Господи Иисусе, приемине мо духос.<sup>60</sup> Тай като коленичингяс, пищингяс силноне гласоса: Господи, ма считине ленге кайка безех. Тай като пенгяс давка, засуто.

## Chapter 8

<sup>1</sup> А о Савел одобринелас лескоро мудариба. Тай ко също диес ваздисало баро гонение против и кангери андо Ерусалим; тай он саворе, с изключение е апостоленге, разпръснисале ко юдейска тай самарийска околнностя.

<sup>2</sup> Тай десаве благочестива мануша паронде е Стефанес тай ридаинде за леске твърде бут. <sup>3</sup> А о Савел опустошиналас и кангери, като делас секоне кересте, завлечинелас мрушен тай жувлен, тай бичалолас лен анди тъмница.<sup>4</sup> А калка, колато разпръснинесас пес, обикаляненас тай разгласиненас о благовестие. <sup>5</sup> Чука о Филип ухлило андо градос Самария тай проповединелас ленге Христос.<sup>6</sup> Тай о народос единодушно внимавинелас далкесте, ковато о Филип хоратинелас ленге, като шуненас всичко тай дикенас о знамения, колато керелас.

<sup>7</sup> Соскето о нечиста духовя, като пищиненас силноне гласоса, и克лас таро мнозинендар, обладиме лендар; тай мнозина парализириме тай куца уле изцелиме,<sup>8</sup> чука че ачили бари лошали колке градосте.<sup>9</sup> А исине по нангле андо градост иек мануш ко алав Симон, ковато, като представинелас пес за десави велико личност, керелас магиес тай учудвинелас о население на Самария.<sup>10</sup> Ов превличинелас о внимание саворенгоро таро цикне жи ко баре, тай о народос пененас: Кавка си чука наречиме Велико Божия Сила.<sup>11</sup> Тай внимавиненас лескере думенде, понеже бут време учудвинелас лен пе магиенца.<sup>12</sup> Но като повервинде ко Филип, ковато

благовествувинелас е Божие тагарипнаске тай за Иисус Христово алав, кръстиненас пес мруша тай жувла.<sup>13</sup> Тай о самия Симон повервингяс тай като кръстингяс пес, постоянно придружинелас е Филипес тай удивинелас пес, като дикелас, кай ачон знамения тай велика дела.<sup>14</sup> А о апостола, колато уле андо Ерусалим, като шунде, кай и Самария приемингяс о Божие учение, бичалде ленге е Петрес тай е Йоанес,<sup>15</sup> колато, като ухлиле, молинде пес ленге, за те приеминен о Свято Духос;<sup>16</sup> соскето Ов нана ухлилосас още нито иекесте лендар; а само уле кръстиме андо Иисус Христово алав.<sup>17</sup> Тогава о апостола положиненас васта упраш ленде тай он приеминенас о Свято Духос.

<sup>18</sup> А о Симон, като диклас, кай е положиме вастенца е апостоленге делас пес о Свято Духос, предложингяс ленге парес, тай пенгяс:<sup>19</sup> Ден манда дайка сила, соске, каске полагинав васта, те приеминел о Свято Духос.<sup>20</sup> А о Петър пенгяс леске: Те парес туза заедно те погининен, соскето мислингян туке те придобинес о Божие дари паренца.

<sup>21</sup> Тут нанай тут нито участие, нито дяли калке букяке, соскето то сърцес нанай право англал о Дел.<sup>22</sup> Далкеске, покание тут далке тере нечестиестар тай молине тут е Девлеске дано простиел пес туке кайка помисъл те сърцескири;<sup>23</sup> понеже дикав, кай синян изпълниме горчиво жълч тай синян панло анди неправда.<sup>24</sup> А о Симон в отговор пенгяс: Молинен тумен туме е Девлеске за манг, тена ресел ман нищо далкестар, ковато пенгиен.<sup>25</sup> Тай он, след като заявиленас тай разгласиненас е Девлеските учение, ирисале андо Ерусалим, като ко дром проповединенас о благовестие буте самарийсконе гавене.<sup>26</sup> А ангели таро Дел хоратинел е Филипеске, тай пенел: Ухти, жа карик и юг, ко дром, ковато ухлел таро Ерусалим презал и пустиния за Газа.<sup>27</sup> Тай ов ухтинило тай гело. Тай аке, мануш тари Етиопия, скопецос, велможи е етиопсконе царицаке и Кандакия, ковато уло поставиме упраш всичконе съкровищесте тай алосас андо Ерусалим те поклонинел пес,<sup>28</sup> ко ириба бешлас анди колесница пери тай четинелас пророк Исаия.<sup>29</sup> А о Духос пенгяс е Филипеске: Приближине тут тай придружине кайка колесница.<sup>30</sup> Тай о Филип прастанило, тай шунгяс лес, като четинелас пророк Исаия, тай пенгяс: Ами ахалосли со четинес?<sup>31</sup> А ов пенгяс: Сар те ахаловав, ако нана упътниел ман декой? Тай помолингяс е Филипес та качинел пес тай те бешел леса.<sup>32</sup> А о тан таро Писание, ковато четинелас, сине давка: " Сар овца уло ингалдо на клане; тай сар бакро англал пе стригачиесте нана издел гласос, чука нана пуртел По мui.<sup>33</sup> Андо унижение Ов сине лишиме таро правосъдие, а Лескоро родос-кой ка опишинел? соскето Лескоро животос отнеминел пес тари пув."<sup>34</sup> Тай о евнухи захоратингяс тай пенгяс е Филипеске: Пен манг, моля ти се, за каске пенел давка о пророки-за песке ли или декаске авереске?<sup>35</sup> А о Филип путергяс муй, тай като почнингяс далке писаниестар,

благовестингяс леске е Иисусес.<sup>36</sup> Тай като пиренас андо дром, але жи иеке паниесте; тай о евнухи пенгяс: Аке, пани; со причинел манг те кръстинаман?<sup>37</sup> Тай о Филип пенгяс: Ако верувинес от все сърце, ащи. А ов в отговор пенгяс: Верувинав, кай о Иисус Христос си Божие Чаво.<sup>38</sup> Тогава заповедингяс те спиринен и колесница; тай о дуи жене ухлиле андо пани, о Филип, тай о евнухи, тай дине андо пани; тай ов кръстингяс лес.<sup>39</sup> А като иклиле таро пани, о Господно Духос грабингяс е Филипес; тай о вече на евнухи вече на диклас лес, а лошало продължингяс по дром.<sup>40</sup> А о Филип араклило андо Азот; тай като пренакелас, проповединелас о благовестие ко саворе градовия, жи кай ресло анди Цезарея.

## Chapter 9

<sup>1</sup>А о Савел, като още дишинелас заплахес тай мудариба против о Господна ученикия, гело ко първосвещеници  
<sup>2</sup>тай манглас лестар писма жи ко синагогес андо Дамаск, чука кай ако аракел декас те следвинел давка учение, мруша или живла, те анел лен панле андо Ерусалим.<sup>3</sup>Тай ко жаiba, като приближинелас о Дамаск, внезапно блеснингяс около лесте светлина таро небес. <sup>4</sup>Тай като пело ки пув, шунгяс гласос, ковато пенгяс леске: Савле, Савле, соске гонинес Ман?<sup>5</sup>А ов получас: „Кова синян ту, Господине?” Тай о Дел пенгяс: „Ме синиом о Иисус, Колес ту гонинес. Мъчно си за тuke те ритинес мамуял ръжен.“ Но ухти, де андо градос тай ка пенелпес тuke со требе те керес. <sup>6</sup>А о мруша, колато придружиненас лес, бешенас сар вцепениме, понеже шунде о гласос, а на дикле никас.<sup>7</sup>Тай о Савел ухтинило тари пув, тай като путергяс пе яка, нана дикелас нищо; тай ингаленас лес вастестар, тай ингалдe лес андо Дамаск. <sup>8</sup>Тай трин диес нана дикелас, тай нито халас, нито пиляс.<sup>9</sup>А андо Дамаск исине иек ученики ко алаб Анания; тай о Дел пенгяс леске андо видение: Анания! А ов пенгяс: Акеталом, Девла.  
<sup>10</sup>Тай о Дел пенгяс леске: Ухти, тай жа ки улица, която пенел пес Права, тай пуч ко кер е Юдаске иеке тарсаниеске ко алаб Савел; соскето, аке, ов молинел пес; <sup>11</sup>тай диклас иеке манушес ко алаб Анания, те дел тай те полагинел васта упраш лесте, за те задикел.<sup>12</sup>Но о Анания отговорингяс: Девла, шунгиом таро мнозина калке манушеске кити злини кергяс Тере светииенге андо Ерусалим. <sup>13</sup>Тай ате исине лес власт таро главна свещеникия те пандел саворен, колато призовинен Торо алаб. <sup>14</sup>А о Дел пенгяс леске: Жа, соскето ов си Манге съдос, избирииме те разгласинел Моро алаб англал о народос тай тагара, тай англал о израилания; <sup>15</sup>соскето Ме ка покажинав леске кити бут ов требе те страдинел Ме алавеске.<sup>16</sup>Тай чука, о Анания гело тай диняс андо кер; тай като положингяс васта упраш лесте, пенгяс: Прала Савле, о Дел бичалгяс ман - о също Иисус, Ковато явисало тuke ко дром, колесте ту авесас, - за те задикес тай те изпълнинес тут е Святоне Духоса.<sup>17</sup>Тай ко сахати пеле таро яка леске сар люспес, тай ов задиклас; тай ухтинило тай кръстисало.<sup>18</sup>А като халяс, добингяс сила тай бешла неколко диеса е ученикиенца андо Дамаск.<sup>19</sup>Тай веднага почнингяс те проповединел ко синагогес, кай о Иисус си о Божие Чаво.  
<sup>20</sup>Тай саворе, колато шуненас лес, удивиненас пес тай пененас: Нанай ли кавка, ковато андо Ерусалим съсишинелас калкен, колато призовинен кавка алаб, тай ало ате, за те ингалел салке панлен ко главна свещеникия?<sup>21</sup>А о Савел изпълнишелас пес все по буте силаса тай чивелас андо смути е юдеиен, колато живиненас андо Дамаск, като докажинелас, кай Кавка Иисус си о Христос.<sup>22</sup>Тай като накле доста диеса, о юдея наговоринде пес те мударен лес;<sup>23</sup>но ленгоро заговори ачило известно е Савелеске. Тай он даже дебниненас о портес о диес тай ират, за те мударен лес,<sup>24</sup>но лескере ученикия лиле лес ират тай ухлавде лес презал и стена, като мукле лес кошоса.<sup>25</sup>Тай като ало андо Ерусалим, ов стараинелас пес те дружинел е ученикиенца; ама саворе даранас лестар, понеже нана верувиненас, кай си ученики.<sup>26</sup>Но о Варнава лилас лес тай анггяс лес ко апостола, тай разкажингяс ленге сар диклас е Девлес ко дром, тай кай хоратингяс леске, тай сар андо Дамаск дързостно проповединелас андо Иисусово алаб.<sup>27</sup>Тай ов иклолос тай делас ленца андо Ерусалим, като дързостно проповединелас андо Господно алаб.<sup>28</sup>Тай хоратинелас тай препиринелас пес е гръцконе юдеиенца; а он роденас случай те мударен лес.<sup>29</sup>Ама о прала, като ахалиле давка, ингалдe лес анди Цезария тай бичалде лес андо Тарс.<sup>30</sup>Тай чука ки цело Юдея, Галилея тай Самария ки кангери исине мири тай назидинелас пес, тай като пирелас анди дар таро Дел тай анди утеха е Святоне Духосе, умножинелас пес.<sup>31</sup>Тай о Петър, като обикаланелас саворе вярващонен, ухлило жи ко светииес, колато живиненас андо Лида.<sup>32</sup>Тай оте араклас иеке манушес, ко алаб Еней, ковато сине анде танесте охто бреш, понеже сине парализираме.<sup>33</sup>Тай о Петър пенгяс леске: Еней, о Иисус Христос изцелинел тут; ухти, оприне то тан. Тай ов ухтинило веднага.<sup>34</sup>Тай саворе, колато живиненас андо Лида тай андо Саронско полес, дикле лес тай ирисале карик о Дел.<sup>35</sup>А андо Йопия исине иек ученичка, ко алаб Тавита (ковато значинел Сърна). Кайка живли керелас бут лаче дела тай благодеяния.<sup>36</sup>Тай презал калке диесенде ой насвалили тай мули; тай като нанядрде ла, положинде ла иеке упруне стаяте.<sup>37</sup>Тай понеже Лида сине паше жи ко Йопия, о ученикия, като шунде, кай о Петър сине оте, бичалде жи лесте дуие манушен те помолинен лес: Ма бавине тут те авес паш аменде.<sup>38</sup>Тай о Петър ухтинило тай гело паш ленде. Тай като ало, ингалдe лес ки упруни стая; тай саворе вдовицес бешенас около лесте тай ровенас, тай покажиненас леске о бут гада тай шея, колато керелас и Сърна, като сине ленца.<sup>39</sup>А о Петър икалгяс саворен наври, коленичингяс тай молисало, ирисало карик о телос тай пенгяс: Тавито, ухти. Тай ой путергяс пе яка тай като диклас е Петрес, бешли.<sup>40</sup>Тай ов подиняс вас тай изправингяс ла; после викингяс е светииен тай е вдовицен тай представингяс ла ленге живди.<sup>41</sup>Тай давка ачило известно ки цело Йопия; тай мнозина повервинде андо Дел.<sup>42</sup>А о Петър бешло дълго време андо Йопия десаве кожариесте Симон.

## Chapter 10

<sup>1</sup>Исине андо Цезарея иек мануш ко алаб Корнилий, стотники таро чука наречиме Италийско полки. <sup>2</sup>Ов сине благочество тай даралас таро Дел пе целоне кереса, разделас бут милостиинес е народоске тай непрестанно молинелас пес е Девлеске.<sup>3</sup>Около о еня сахати презал о диес ов диклас ясно андо видение иек ангели таро Дел, ковато диняс паш лесте тай пенгяс леске: Корнилий!<sup>4</sup>А ов, като задиклас пес анде лесте, даравно пенгяс: Со си, Девла? Тай о ангели пенгяс леске: Тере молитвес тай тере милостиинес ваздинде пес англал о Дел спомениеске.<sup>5</sup>Тай акана бичалгяс манушен андо Йопия те викинен е Симонес, колес наречинен още Петър.<sup>6</sup>Ов гостувинел

десаве кожариесте ко алав Симон, колескоро кер си край о морес, ов ка пенел туке со требе те керес.<sup>7</sup>Тай като гело песке о ангели, ковато хоратинелас леске, ов викингяс дуиен пе слугендар тай иеке благочестивоне войнициес калкендар, колато редовно служиненас леске;<sup>8</sup>тай като разкажиняс ленге всичко, бичалгяс лен андо Йопия.<sup>9</sup>А ко следващо диес, като он пътувиненас тай приближиненас о градос, около о шесто сахати о Петър качисало ко покриви е кереске те молинел пес.<sup>10</sup>Тай като бокалило, манглияс те хал; ама жи кай приготвиненас, ов отнесисало духом<sup>11</sup>тай диклас о небес путердо тай десаво съдос те ухлел сар баро платнище, мукло е штаре крайовиенге карик и пув.<sup>12</sup>Анде лесте исине секаква четирилога, зверовя тай небесна птицес.<sup>13</sup>Тай ало гласос карик лесте: Ухти, Петре, заколине тай ха!<sup>14</sup>А о Петър пенгяс: Нисар, Девла, сокето нисар нана халом нишо мръсно тай нечисто.<sup>15</sup>Тай пак ало карик лесте второ дром гласос: Ковато о Дел очистингяс, ту за мръсно ма считине лес.<sup>16</sup>Тай давка ачило трин дром, палал далкесте о съдос ваздисало веднага ко небес.<sup>17</sup>А жи кай о Петрес сине андо недоумение со значинелас о видение, ковато дикласас, аке, о бичалде таро Корнилий мануша, като разпучлесас е Симоновоне кереске, зачиле англал о вудар,<sup>18</sup>тай като повикинде аврят, пучле: Ате ли гостувинел о Симон, колес наречинен Петър?<sup>19</sup>Тай жи кай о Петрес още размишлинелас е видениеске, лескоро Духос пенгяс леске: Аке, трин мануша роден тут.<sup>20</sup>Ухти, ухли, тай жа ленца; тай нисар ма съмнявина тут, сокето Ме бичалгиом лен.<sup>21</sup>Тай чука, о Петър ухлило ко мануша тай пенгяс: Аке, ме синиом кавка, колес роден. Соске ален?<sup>22</sup>А он пенде: О стотники о Корнилий, мануш праведно тай ковато дарал таро Дел тай си лаче алавеса машкар о цело юдейско народос, сине уведомиме таро Дел чрез иеке святоне ангелесте те викинел тут пе кересте тай те шунел думес тутар.<sup>23</sup>Тогава ов поканингяс лен андре тай нагостиангяс лен. Тай ки андиавин ов ухтинило тай иклило ленца; а десаве таро прала таро Йопия придружиненас лес.<sup>24</sup>Тай ко следващо диес дине андо Цезарея; а о Корнилий жарелас лен, като свикингясас пе енданиен тай пе близконе амален.<sup>25</sup>Тай като делас о Петрес, о Корнилий посрещнингяс лес, пело англал лесте тай поклонисало.<sup>26</sup>А о Петрес ваздингяс лес, тай пенгяс: Ухти; меда синиом мануш.<sup>27</sup>Тай като хоратинелас леса, ов диняс тай араклас мнозина кидиме.<sup>28</sup>Тай пенгяс ленге: Туме жанен кити незаконно си юдеиеске те общувинел или те дружинел с другоплеменник; о Дел обаче покажингяс манге, кай нетребе те наречинав никак мръсно или нечисто.<sup>29</sup>Далкеске, щом викингиен ман, алом, без те възразинав; тай чука, пучав тумен, соске викингиен ман?<sup>30</sup>Тай о Корнилий пенгяс: Преди штар диеса прекарвинавас о девето сахати в молитва кере; тай аке, англал манде зачиле мануш светлоне облеклоса, ковато пенгяс:<sup>31</sup>Корнилий, тери молитва си шунди, тай тере милостиинес помнинен пес англал о Дел.<sup>32</sup>А акана, бичал анди Йопия те викинен е Симонес, колес наречинен Петър; ов гостувинел ко кер иеке кожариеске Симон край о морес, ов, като ка авел, ка хоратинел туке.<sup>33</sup>Тай чука, ко сахати бичалгиом жи туте тай ту кергян лачис, кай алан. Тай чука, аме саворе присъствинас ате англал о Дел, за те шунас всичко, ковато си туке заповедиме таро Дел.<sup>34</sup>А о Петър путергяс мui тай пенгяс: Наистина, дикав, кай о Дел нана дикел ко мui;<sup>35</sup>но андо секо народос ковка, ковато дарал Лестар так керел о право, угодно си Леске.<sup>36</sup>О словос, ковато Ов бичалгяс е израиленге тай благовестинелас ленге мири чрез о Иисус Христос ( Ковато си Господари саворенг),<sup>37</sup>кавка словос туме жанен, ковато палал о кръщение, проповедиме таро Йоан, разпространисало ки цело Юдея, като почнингяс тари Галилея,<sup>38</sup>Сар о Дел помажингяс Святоне Духоса тай силаса е Иисусес таро Назарет; Ковато обикаланелас те керел благодеяния тай те изцелинел саворе угнетонен таро бенг; сокето о Дел сине Леса.<sup>39</sup>Тай аме синям свидетеля всичконаске, ковато кергяс Ов тай анди Юдейско пув, тай андо Ерусалим; Колес мудардесас, като повесинде Лес каштесте.<sup>40</sup>Лес о Дел възкресингяс андо трето диес тай диняс Лес те явинел пес,<sup>41</sup>ма саворе народоске, а менеге о предварително избираме таро Дел свидетеля, колато халам тай пилам Леса, след като възкръснингяс таро муле.<sup>42</sup>Тай заповедингяс аменге те проповединас е народоске тай те свидетелствинас, кай Ов си определиме таро Дел Съдия е живдене тай е муленг.<sup>43</sup>За Леске свидетелствинен саворе пророкия, кай секой, който повервинел анде Лесте, ка получинел чрез Лескере алавесте оправдание пе безехенг.<sup>44</sup>Жи кай о Петрес още хоратинелас калка думес, о Свято Духос ухлило саворенде, колато шуненас о словос.<sup>45</sup>Тай о обрежиме вярваща, колато але е Петреса, смаинде пес, кай о дари, Свято Духос, излеингяс пес ко езичниция да,<sup>46</sup>сокето шуненас лен те хоратинен чужда чиба тай те величайнен е Девлес. Тогава о Петрес захоратингяс:<sup>47</sup>Ащи ли декой те забранинел о пани, тена кръстинен пес калка, колато приеминде о Свято Духос, карто амеда?<sup>48</sup>Тай заповедингяс те овен кръстиме андо алав на Иисуса Христа. Тогава примолинде пес леске те бешел неколко диеса ленде.

## Chapter 11

<sup>1</sup>Тай о апостола тай о прала, колато сине анди Юдея, шунде, кай о езичниция да приеминде о Божие словос. <sup>2</sup>Тай като о Петрес диняс андо Ерусалим, колка, колато сине таро обрежиме, укориненас лес, като пененас: <sup>3</sup>Паш необрежиме манушенде динян тай халан ленца.<sup>4</sup>А о Петрес долгяс тай изложингяс ленге наред со ачило, като пенгяс: <sup>5</sup>Ме улом на молитва андо градос Йопия тай отнесиме духом, диклом видение: иек съдос сар баро платнище ухлелас, мукло е штаре крайовиенге таро небес, тай ресло дори жи манде. <sup>6</sup>Анде лесте, като задикломан тай разсъждинавас, диклом е пувякере четирилога, зверовя тай влечугес, тай небесна птицес. <sup>7</sup>Шунгиом още гласос, ковато пенгяс манге: Ухти, Петре, заколине тай ха! <sup>8</sup>Но ме пенгиом: Нисар, Господи, сокето никога нана диняс ан ме мосте варесо мръсно или нечисто. <sup>9</sup>Обаче пак гласос таро небес отговорингяс: Ковато о Дел очистингяс, ту за мръсно ма считине лес. <sup>10</sup>Давка ачило трин дром, палал далкесте всичко цидисало

пак ко небес.<sup>11</sup>Тай аке, ко също сахати трин мануша, бичалде таро Цезарея жи манде, пристигнинде англал о кер, анде колесте улам.<sup>12</sup>Тай о Духос пенгяс манге те жав ленца тай нисар тена керав разлика машкар о мануша, а манца але калка шов прала, тай диням андо кер е манушеске.<sup>13</sup>Тай ов разкажингяс аменге сар диклас ангелес те бешел андо кер леске тай те пенел: Бичал манушен андо Йопия те викинен е Симонес, колес наречинен Петър,<sup>14</sup>ов ка пенел туке думес, чрез коленде ка спасинес тут ту тай то цело кер.<sup>15</sup>Тай като почнингиом те хоратинав, о Свято Духос ухлило ленде, сарто аменге да отначало.<sup>16</sup>Тогава диниоман годи о хоратес е Девлескере сар пенел: "О Йоан кръстинелас паниес; а туме ка овен кръстиме е Святона Духоса."<sup>17</sup>Тай чука, ако о Дел диняс о също дари ленгеда, като повервинде андо Господа Иисуса Христа, сарто аменгеда, кова улом ме, тай те попречинав е Девлеске?<sup>18</sup>Като шунде давка, он престанинде те възразинен тай славиненас е Девлес, като пененас: Е езичнициенгеда о Дел диняс о покаяние е животоскоро.<sup>19</sup>А андо колка диеса о разпръсните таро гонение, ковато ачило ко мудариба е Стефанеске, пътувиненас чак жи ко Финикия, Кипър тай Антиохия, като никакске авереске нана известиненас о словос, освен е юдеиенге.<sup>20</sup>Обаче машкар ленде исине десаве кипряния тай киринейция, колато, като пристигнинде анди Антиохия, хоратиненас е гърциенгеда, тай благовестиненас Господа Иисуса.<sup>21</sup>Е Девлескоро вас сине ленца тай баро брой мануша повервинде тай ирисале карик о Дел.<sup>22</sup>Тай ресло известие за ленге андо канта е кангеряке андо Ерусалим; тай он бичалде Варнава анди Антиохия,<sup>23</sup>ковато, като ало тай диклас о делос е Девлескири благодат, лошангяс тай увещинелас саворен те постоянствинен андо Дел непоколебимоне сърцеса.<sup>24</sup>Понеже ов сине лачо мануш, пердо Святона Духоса тай вяраса; тай значително множествос прибависало карик о Дел.<sup>25</sup>Тогава ов гело андо Тарс те родел е Савелес;<sup>26</sup>тай като араклас лес, ангяс лес анди Антиохия; тай като киденас пес е кангеряса цело бреш, поучиненас значително множествос. Тай първо анди Антиохия о ученикия наречисале християния.<sup>27</sup>Тай презал калке диесенде ухлиле пророкия таро Ерусалим анди Антиохия,<sup>28</sup>иек колендар, ко алав Агав, ухтинило тай обявингяс чрез о Духос, кай ка ачол бари бок ки цело пув; ковато ачило да е Клавдийске.<sup>29</sup>Далкеске о ученикия нарединде те бичален, секой според пе състояниесте, помош е праленге, колато живиненас анди Юдея;<sup>30</sup>ковато кердеда, тай бичалде ла жи ко презвитера чрез о вас на Варнава тай Савел.

## Chapter 12

<sup>1</sup>Около далке времесте о тагар о Ирод тогяс васта десавенге тари кангери, зате керел ленге зло.<sup>2</sup>Мударгяс мечиеса е Йоанескере пралес е Яковиес;<sup>3</sup>тай като диклас, кай си угодно е юдеиенге, уловингяс е Петрес да. Давка сине презал о диеса е безквасноне маренгере.<sup>4</sup>Тай като долгяс лес, чивгяс лес анди тъмница тай прединяс лес на четири четворки войникия те пазинен лес, намерениеса те изведенен лес англал о народос палал и Пасха.<sup>5</sup>Тай чука, он пазиненас е Петрес анди тъмница; а и кангери принесинелас англал о Дел устърдно молитва за леске.<sup>6</sup>Тай презал и също рат, като о Ирод ка изведенелас лес, о Петрес совелас машкар дуие войнициенде, оковиме дуие веригенца; тай стражаря англал о вудар пазиненас и тъмница.<sup>7</sup>Тай аке, иек ангели таро Дел зачило жи лесте тай светлина осиянгяс и килия; тай ов като бутингяс е Петрес ко ребра, жангавгяс лес тай пенгяс леске: Ухти бързо! Тай о веригес пеле таро васта леске.<sup>8</sup>Тай о ангели пенгяс леске: Опашине тут тай ури те сандала. Тай ов кергяс чука. Тогава пенгяс леске: Ури те шея тай ела палал манде.<sup>9</sup>Тай о Петрес иклило тай пирелас палал лесте, без те жанел, кай о кердо таро ангели си действителност, но мислинелас песке, кай дикел видение.<sup>10</sup>А като пренакле и първо тай и второ стража, але жи ки железно порта, която ингалел андо градос, тай ой путердили ленге коркори; тай като иклиле презал лате, накле иек улица, тай о ангели веднага оттеглисало лестар.<sup>11</sup>Тай о Петрес, като ало песте, пенгяс: Акана наистина жанав, кай о Дел бичалгяс Пе ангелес тай избавингяс ман таро вас е Иродеске, тай всичконастар, ковато о юдейска люде очаквиненас.<sup>12</sup>Тай като поразмислингяс, ало ко кер е Марияке, и дай е Йоанескири, колес наречиненас Марк, кате уле кидиме мнозина те молинен пес.<sup>13</sup>Тай като похлопингяс ки порта, иек слугиня ко алав Рода иклили те шунел кой си.<sup>14</sup>Тай щом пенджаргяс е Петрескоро гласос, лошалатар нана путергяс и порта, а прастанили тай известингяс, кай о Петрес бешел англал и порта.<sup>15</sup>А он пенде лаке: Ту синян денили. Но ой настоявинелас, кай давка, ковато пенел, си верно. Тогава он пенде: Кавка си лескоро ангели\*.<sup>16</sup>А о Петрес продължинелас те хлопинел; тай като путерде, дикле лес тай смаисале.<sup>17</sup>А ов махингяс ленге вастеса те траниен тай разкажингяс ленге сар о Дел икалгяс лес тари тъмница. Тай като пенгяс ленге: Обадинен далкеске е Яковеске тай е праленге, иклило тай гело авре танесте.<sup>18</sup>А като дислило, ачило машкар о войникия смути - со ли ачило е Петрес.<sup>19</sup>Тай о Ирод, като родингяс лес тай нана араклас лес, разпитвингяс е стражариен тай заповедингяс те погубинен лен. Тай ухлило тари Юдея анди Кесария, тай оте живинелас.<sup>20</sup>А о Ирод сине бут разгневиме таро тирция тай таро сидонция; тай он але заедно паш лесте, тай като спечелинде и пере ригате е о Власт, ковато грижинелас пес за е царескере покоенге, молиненас помирение, соскето ленгири област парварелас пес таре тагарескири.<sup>21</sup>Тай иеке определиме диесесте о Ирод, урявдо анди царско одежда, бешло ко престоли тай икергяс англал ленде реч.<sup>22</sup>А о народос пищингяс: Гласос е Девлескоро, а ма манушескоро!<sup>23</sup>Тай понеже нана въздиняс слава е Девлеске, ко сахати иек ангели таро Дел поразингяс лес, тай уло хало таро керме тай муло.<sup>24</sup>А е Девлескоро слово бариолас тай умножингиолас.<sup>25</sup>А о Варнава тай о Савел, като свършинде пи служба, ирисале таро Ерусалим анди Антиохия тай лиле песа е Йоанес, колес наричиненас Марк.

## Chapter 13

<sup>1</sup>А анди Антиохийско кангери исине пророкия тай учителя: о Варнава, о Симеон, наречиме Нигер, о киринейцос Луций, о Манаин, ковато сине възпитиме заедно е четверовластникиеса о Ирод, тай о Савел. <sup>2</sup>Тай като служиненас е Девлеске тай постиненас, о Свято Духос пентгяс: Отделинен манге о Варнава тай о Савел е букаяке, колаке призовингиом лен. <sup>3</sup>Тогава, като постиненас тай молиненас пес, положинде васта упраш ленде тай бичалде лен. <sup>4</sup>Тай чука, он, бичалде таро Свято Духос, ухлиле анди Селевкия, тай отар отплувинде андо Кипър. <sup>5</sup>Тай като уле андо Саламин, проповединенас е Девлескоро словос андо юдеиска синагогес; тай исине лен о Йоанес за пумаре прислужнике. <sup>6</sup>Тай като пренакле о цело острови жи ко Пафос, аракле десаве магъсникиес, хохавно пророки, юденини, ко алаб Варисус, <sup>7</sup>ковато сине е управителеса о Сергей Павел, иек разумно мануш. Кавка о последно викингяс Варнава тай Савел тай манглас те шунел е Девлескоро словос. <sup>8</sup>Ама о магъсники о Елима (соскето чука превединел пес лескоро алаб) противинелас пес ленге тай стараинелас пес те отвърниел е управителес тари вяра. <sup>9</sup>Ама о Савел, ковато си о също Павел, изпълниме е Святоне Духоса, задиклас пес анде лесте тай пентгяс: <sup>10</sup>О, ту, пердо всекаквоне лукавщинена тай всекакво коварство, бенгикано чаво, врагос всичконаске, ковато си право, нанай ли те престанинес те извратинес о права дрома е Девлескере? <sup>11</sup>Тай акана аке, е Девлескоро вас си упраш туте; ту ка королос тай нанай те дикес о кам за известно време. Тай ко сахати пело лесте помрачиба тай тъмнина; тай ов лутинелас пес, тай роделас те водинелес декой таро вас. <sup>12</sup>Тогава о управители, като диклас со ачило, повервингяс, смаиме таро Господно учение. <sup>13</sup>А о Павел тай лескири дружина, като отплувинде таро Пафос, але анди Перга Памфилийска; а о Йоан отделисало лендар тай ирисало андо Ерусалим. <sup>14</sup>А он занакле таро Перга тай ресле анди Антиохия Писидийска; тай ко съботно диеес дине анди синагога тай бешле. <sup>15</sup>Тай палал о четибиа е закониескоро тай о пророкия началникия е синагогакере бичалде жи ленде те пенен ленге: Пралален, ако иси тумен десави увещателно дума е люденге, пенен. <sup>16</sup>Тай о Павел ухтинило, махингяс вастеса, тай пентгяс: Израиланя тай туме, колато даран таро Дел, шунен. <sup>17</sup>О Дел калке израилсконе народоске избирингяс амаре даден тай възвисингяс е народос, като престоиненас анди Египетско пув, тай ваздиме мишицаса изведнияс лен латар. <sup>18</sup>Тай около саранда бреша водинелас лен тай парварелас лен анди пустиния. <sup>19</sup>Тай като изтребингяс ефта народовиен анди Ханаанско пув, разделингяс ленге ленгири пув те овел ленге наследство за около штаршел тай пинда бреша. <sup>20</sup>Палал далкесте делас лен съдииес жи ко пророки о Самуил. <sup>21</sup>После мангле тагарес; тай и Дел диняс лен о Саул, о Кишово чаво, мруш таро Вениаминово племес, за саранда бреша. <sup>22</sup>Тай лес като махнингяс, ваздингяс ленге тагареске о Давид, за каске свидетелствинел, като пенел: "Араклом е Давидес, о Есеево чаво, мануш според ме сърцесте, ковато ка изпълниел ми савори воля." <sup>23</sup>Лескере потомствостар о Дел според Пе обещаниесте ваздингяс\* е Израилеске Спасителес, о Иисус, <sup>24</sup>след като о Йоан, англал ов те авел, проповединелас о кръщение на покаяние целоне израилсконе народоске. <sup>25</sup>Тай като свършинелас по дром, о Йоан пенелас: Според карто мислинен, кова синиом ме? Нана синиом Ковка, Колес очаквинен; ама аке, авел палал манде Иек, Колеске на синиом достоинно те развържинав и потини ко пире. <sup>26</sup>Пралален, потомция таро Авраамово роди, тай колато машкар туменде даран таро Дел, аменге бичалгяс пес и вест далке спасениеске. <sup>27</sup>Соскето о ерусалимска жителя тай ленгере началники нана пенджарде Лес тай, без те ахаловен о пророческа думес, колато четинен пес секо събота, изпълниене лен, като осъдинде Лес. <sup>28</sup>Без те аракен анде Лесте варесо достойно мерибнаксе, пак мангле таро Пилат те овел мудардо. <sup>29</sup>Тай като изпълниене всичко, ковато сине пишиме за Леске, лиле Лес таро каш тай положинде Лес андо мимори. <sup>30</sup>Но о Дел възкресингяс Лес таро муле. <sup>31</sup>Тай Ов в продължение буте диеенде явинелас пес калкенге, колато възлизинде Леса тари Галилея андо Ерусалим, колато акана си свидетеля за Леске англал о народос. <sup>32</sup>Тай аме ангям туменге и благо вест е обещаниеске, диме амаре даденге, <sup>33</sup>кай о Дел изпълниенгяс лес упраш ленгере чадовиенде, като възкресингяс е Иисусес; карто си пишиме ко второ Псаломи: "Ту синян Моро Чаво, Ме авдииес биянгиом Тут." <sup>34</sup>А кай възкресингяс лес таро муле, нисар вече тена иринел пес андо изтление, пенел чука: " Ка дав тумен о верна милостя, обещана е Давидесе." <sup>35</sup>Соскето авере да Псаломиесте пенел: " Нанай те мекес Те Светециес те дикел изтление". <sup>36</sup>Обаче о Давид след като анде пере поколениесте послужингяс е Девлескере намерениеске, засуто тай уло положиме пе даденде, тай диклас изтление. <sup>37</sup>А Кавка, Колес о Дел възкресингяс, нана диклас изтление. <sup>38</sup>Тай чука, пралален, нека те овел туменге известно, кай чрез Лесте проповединел пес туменге опрощение е безехенге; <sup>39</sup>тай кай всекой, който верувинел, оправдинел пес чрез Лесте всичконастар, колестар нанащине оправдинен тумен чрез о Мойсеево закони. <sup>40</sup>Далкеске внимавинен тена ресел тумен о пендо таро пророкя: <sup>41</sup>"Дикен, о презрителя, учудинен тумен тай погининен; Соскето Ме ка керав иек делос анде тумаре диеенде, делос, ковато нисар нанай те верувинен, те разкажинел да лес туменге декой". <sup>42</sup>Като иклонаас песке тари юдейско синагога, о езичници молиненас лен те проповединел пес ленге далка думес и следващо да събота. <sup>43</sup>Тай като размуклас пес о събрание, мнозина таро юдея тай таро благочестива прозелития цидинде палал о Павел тай о Варнава; колато, като хоратиненас ленца, увешиненас лен те постоянствинен е Девлеске ки благодат. <sup>44</sup>Анди следващо събота кидисало почти цело градос те шунел е Девлескоро словос. <sup>45</sup>А о юдея, като дикле о множествос, пердиле с завист, опровергиненас давка, ковато хоратинелас о Павел, тай хулиненас. <sup>46</sup>Но о Павел тай о Варнава хоратиненас дързостно тай пенде: Нужно сине те възвестинел пес първо туменге е Девлескоро слово, но понеже отчiven лес тай считинен тумен недостойна е вечноне животоске, аке, иринаман карик о езичници. <sup>47</sup>Соскето чука

## Chapter 14

заповедингяс аменгес о Дел, тай пенгяс: " Поставингиом Тут светлина е народоске, за те овес за спасение жи ко крайос е пувяке."<sup>48</sup>Тай о езичника, като шуненас давка, лошаненас тай славиненас е Девлеско учение; тай повериинде саворе, колато сине отредиме вечноне животоске.<sup>49</sup>Тай о Господно учение разпространинелас пески цело даика страна.<sup>50</sup> А о юдея подбудинде е набожноне високопоставиме живлен тай о градска първенци, тай като ваздинде гонение против о Павел тай о Варнава, изпъдинде лен пе пределендар.<sup>51</sup> А он отърсинде против ленде о прахос пе пиренданар тай але андо Икония.<sup>52</sup> А о ученикия пердила лошаласа тай е Святое Духоса.

## Chapter 14

<sup>1</sup>А андо Икония он дине заедно анди юдейско синагога тай чука хоратиненас, кай повериингяс баро множествос юдея тай гърция.<sup>2</sup> А о непокорна е Девлеске ко учение юдея подбудинде тай раздразнинде о души е езичнициенгере против о прала.<sup>3</sup> Но он пак бешле оте доста време тай дързостно хоратиненас е Девлеске, Ковато свидетелствинелас е словоске за Пере благодатаке, като делас те керен пес знамения тай чудеса чрез ленгере вастенде.<sup>4</sup> Тай о множествос андо градос раздвоисало; иек сине е юдеенца, а авер е апостоленца.<sup>5</sup> Тай като породисало стремежи андо езичниция тай о юдея, ленгере началнициенца, те опозоринен лен тай те мударен лен баренца,<sup>6</sup> он ахалиле тай нашле андо ликаонска градовя Листра тай Дервия тай ленгере околноне таненде,<sup>7</sup> тай оте проповединенас о благовестие.<sup>8</sup> А анди Листра бешелас десаво мануш, немощно ан пе пиренде, куцо от таро бяниба, ковато нисар нана пиргяс.<sup>9</sup> Ов шунелас е Павелес, като хоратинелас; а о Павел, като задиклас пес анде лесте тай диклас, кай иси лес вяра те овел изцелиме,<sup>10</sup> пенгяс силноне гласоса: Ухти право те пиренде! Тай ов хърпингяс тай пирелас.<sup>11</sup> А о народос, като диклас со кергяс о Павел, пицингяс силноне гласоса, тай пенгяс по ликаонски: О Богове, оприличиме манушенде, ухлиле паш аменде.<sup>12</sup> Тай наречиненас о Варнава Зевс, а е Павелес Хермес, понеже ов сине о главно говорители.<sup>13</sup> Тай о жреци ко Зевово капице, ковато сине англал о градос, тай ангяс теловя тай ангяс венци ко портес, тай заедно е народоса канинелас пес те принесинел жертва.<sup>14</sup> Като шунде давка о апостола о Варнава тай о Павел, раздеринде пе шея, хърпинде машкар о народос тай пищинде, тай пенде:<sup>15</sup> О, мрушален, соске керен давка? Амеда синям мануша същоне естествостар сар туменде, тай благовестинас туменгте иринен тумен калке суитетандар карак о живдо Дел, Ковато създиняс о небес, и пув, о морес, тай всичко, ковато иси анде ленде;<sup>16</sup> Ковато презал о минала поколения мукелас саворе народос те пирен пере дроменде,<sup>17</sup> ако тена да престанинелас те свидетелствинел за Песке, като керелас лачипе тай делас тумен таро небес бришимда тай родовита времена, тай перелас тумаре сърца хабнаса тай веселбаса.<sup>18</sup> Тай като пененас давка, он едват спириндe о множествос тена принесинел ленге жертва.<sup>19</sup> Машкар далкесте, але юдея тари Антиохия тай Икония, колато убединде е народос; тай он марде е Павелес баренца, тай извлечинде лес наври таро градос, като мислиненас, кай муло.<sup>20</sup> А като о ученикия още бешенас около лесте, ов ухтинило тай диняс андо градос; тай ки андиавин гело е Варнаваса андо Дервия.<sup>21</sup> Тай след като проповединенас о благовестие анде калке градосте тай придобинде бут ученикия, иринде пес андо Листра, Икония тай Антиохия,<sup>22</sup> тай утвърдиненас о души е ученикиенгере, като увещиненас лен те постоянтинен анди вяра, тай учиненас лен, кай презал буте скърбенде требе те дас андо Божие тагарипе.<sup>23</sup> Тай след като ръкоположинде ленге презвитерия всеконе кангеряте тай помолинде пес постиеса, препоръчинде лен е Девлеске, анде Колесте повериинде.<sup>24</sup> Тай като накле презал и Писидия, але анди Памфилия;<sup>25</sup> тай възвестинде о учение анди Перга, тай ухлиле анди Аталия.<sup>26</sup> Отар отплувинде карак и Антиохия, катар уле препоръчиме е Девлескере благодатаке за е делоске, ковато акана кердесас.<sup>27</sup> Тай като пристигнинде тай кидинде и кантери, он разкажинде всичко, ковато кергяс о Дел чрез ленде, тай сар путергяс е езичнициенге вудар, за те повериинен.<sup>28</sup> Тай оте бешле доста време е ученикиенца.

## Chapter 15

<sup>1</sup>А десаве ухлиле тари Юдея тай учиненас е прален, тай пененас: Ако нана обрежинен тумен според о Мойсеево обреди, нанащи те спасинен тумен.<sup>2</sup> Тай чука като ачили ма хари препирня тай разискване машкар ленде тай о Павел тай Варнава, о прала нарединде о Павел тай о Варнава, тай десаве авер лендар те ден далке въпросиеске андо Ерусалим жи ко апостола тай о презвитеря.<sup>3</sup> Тай он, бичалде тари кантери, накенас презал и Финикия да тай презал и Самария, като разкажиненас за е ирибнаске е езичнициенгро тай породиненас бари лошли андо саворе прала.<sup>4</sup> А като ресле андо Ерусалим, уле приемиме тари кантери тай таро апостола тай о презвитеря, тай разкажиненас всичко, ковато о Дел керелас чрез ленде.<sup>5</sup> Но, пенде он, десаве таро повярвала машкар и фарисейско секта ухтиниле тай пенде: Нужно си те обрежинен пес о езичниция тай те заръчинел пес ленге те пазинен о Мойсеево закони.<sup>6</sup> Тогава о апостола тай о презвитеря кидисале те разисквинен давка въпроси.<sup>7</sup> Тай след бут разискваня о Петрес ухтинило тай пенгяс ленге: Пралален, туме жанен сар ко ранна диеса о Дел избиригяс машкар туменде ман, сокето о езичниция чрез мере мосте те шунен о евангелско учение тай те повериинен.<sup>8</sup> Тай о сърцевиддос о Дел засвидетелствингяс ленге пери милост, като диняс ленда о Святое Духос, сарто амен;<sup>9</sup> тай нана кергяс нисави разлика машкар аменде тай ленде, като очистингяс ленгере сърца чрез и вяра.<sup>10</sup> Тай акана соске изпитвинен е Девлес, тай те налагинен ки шия е ученикинге хомоти ковато нито амаре дада, нито аме ащине пира vas?<sup>11</sup> Но верувинас, кай аме ка спасинас амен чрез и благодат е Девлескири е

Исусескири, също карто он да.<sup>12</sup> Тогава о цело множествос млъкнингяс тай шунелас Варнава тай Павел те разкажинен саве знамения тай чудеса о Дел кергяcas чрез ленде машкар о езичниция.<sup>13</sup> Тай след като свършинде те хоратинен, о Яков лилас и дума тай пенгяс: Пралален, шунен ман.<sup>14</sup> О Симон обяснянгяс по саво начини о Дел по нангле посетингяс е езичнициен, за те лел машкар ленде люде за Пере алавеске.<sup>15</sup> Далкеса си съгласна о пророческа думес, карто си пишими:<sup>16</sup> След далкесте ка иринав ман тай пак ка въздигнинав и паднало Давидово скиния, тай пак ка издигнинав лакере развалини, тай ка изправинав ла;<sup>17</sup> за те роден е Девлес о останала мануша тай саворе народос, колато пенен пес мере Алавеса,<sup>18</sup> пенел о Дел, Ковато керел те овел известно давка таро векос.<sup>19</sup> Далкеске ме синиом ко мнение тена създас трудностия далкенге машкар о езичниция, колато иринен пес карик о Дел;<sup>20</sup> Но те пишинас ленге те въздържинен пес таро осквернение чрез о идола, чрез о блудство тай чрез о удавиме хабе\* тай о рат.<sup>21</sup> Соскето още таро пурano време ко саворе градовия сине салка, колато проповединде е Мойсееско закони, ковато четинел пес всеко събота андо синагогес.<sup>22</sup> Тогава о апостола тай о презвитеря е целоне кангеряса аракле лачес те избиринен машкар песте манущен тай те бичален лен анди Антиохия е Павелеса тай е Варнаваса, а именно: о Юда, наречиме Варсава, тай Сила, водителя машкар о прала.<sup>23</sup> Тай пишинде ленге лендар о следно: Таро апостола тай таро по-туре прала поздрави жи ко прала, колато си таро езичниция анди Антиохия, Сиря тай Киликия.<sup>24</sup> Понеже шунгям, кай десаве, колато иклиле амендар, разтревожинде тумен пе думенца, тай смутинде тумаре души, карто пенен туменге те обрежинен тумен тай те пазинен и закони, без те приеминде заповед амендар,<sup>25</sup> то аме, като алам жи ко единодушие, араклам за лачес те избиринас мрущен тай те бичалас лен жи туменде заедно амаре любимциенца о Варнава тай о Павел,<sup>26</sup> мануша, колато рискувиде по животос за е алавеске амаре Девлескоро Иисус Христос<sup>27</sup> Тай чука, бичалас Юда тай Сила те съобщинен туменге он да устно о съща букя.<sup>28</sup> Соскето диклас пес лачес е Святоне Духоске тай аменге тена налагинас туменге десави авер тегота, освен о следна необходима букя:<sup>29</sup> Те въздържинен тумен таро хабе на идоложертвено, рат тай удавено\*, също таро блудство; колендар, ако пазинен тумен, лачес ка овел туменге. Здравейте!<sup>30</sup> Тай чука, о бичалде ухлиле анди Антиохия тай като кидинде саворе вярващонен, дине лен о послание.<sup>31</sup> Тай он, като четинде лес, лошанде е успокоимнаске, ковато делас лен.<sup>32</sup> А о Юда тай Сила, колато сине пророкия да, увещиненас е прален буте хоратенца тай утвърдинде лен.<sup>33</sup> Тай след като бешле оте известно време, о прала мукле лен мириеса те иринен пес колкенде, колато бичалдесас лен.<sup>34</sup> Но о Сила араклас за лачес те бешел още оте.<sup>35</sup> А о Павел тай о Варнава ачиле анди Антиохия тай заедно авере мнозинствоса поучиненас тай проповединенас о Господно учение.<sup>36</sup> А след няколко диеценде о Павел пенгяс на Варнава: Те иринас амен акана ко саворе градовия, кате проповединям о Господно учение, тай те дикас о прала сар си.<sup>37</sup> Тай о Варнава сине ко мнение те лен песа е Йоанес, наречиме Марк;<sup>38</sup> а о Павел нана аракелас за лачес те лен песа калкес, ковато отделисалосас лендар още тари Памфилия, тай нана гело ленца ко делос.<sup>39</sup> Тай чука, възникнингяс разпра машкар ленде, чука че он разделисал иек аврестар; тай о Варнава лилас Марк тай отплувингяс андо Кипър,<sup>40</sup> а о Павел избирингяс песке Сила тай тръгнингяс, препоръчиме таро прала е Девлескири благодат.<sup>41</sup> Тай накелас презал и Сиря тай Киликия тай утвърдинелас о кангеря.

## Chapter 16

<sup>1</sup>После пристигнингяс анди Дервия да, тай анди Листра; тай аке, оте исине иек ученици, ко алаб Тимотей, чаво иеке повярвалоне еврейкакоро, тай о дад гръкос.<sup>2</sup> Калке ученикиес исине характери, одобриме таро прала анди Листра тай Икония.<sup>3</sup> Лес о Павел манглас те лел песа, далкеске лилас, тай обрежингяс лес поради о юдея, колато сине колке таненде; понеже саворе жаненас, кай лесскоро дад сине гръкос.<sup>4</sup> Тай като пиренас ко градовия, преденас ленге о наредбес, определиме таро апостола тай о презвитеря андо Ерусалим, за те пазинен лен.<sup>5</sup> Чука о кангеря утвърдиненас пес анди вяра тай таро диец андо диец умножиненас пес числено.<sup>6</sup> Тай о апостола пренакле и Фригийско тай и Галатийско пув, като забранисало ленге таро Свято Духос те проповединен о словос анди Азия;<sup>7</sup> тай като але жи ки Мизия, опитисале те жан анди Витания, но о Иисусово духос нана позволингяс ленге.<sup>8</sup> Тай чука, като накле и Мизия, ухлиле анди Троада.<sup>9</sup> Тай явисало е Павелеске машкар и рат видение: Иек македонцос бешелас тай молинелас пес леске, тай пенелас: Ела анди Македония тай помагине аменге.<sup>10</sup> Тай като диклас о видение, веднага родингям случай те жас анди Македония, като алам до заключение, кай о Дел призовинел амен те проповединенас о благовестие оте.<sup>11</sup> Тай чука, като отплувингям тари Троада, отправингям амен право карик о Самотраки, ко следващо диец андо Неапол,<sup>12</sup> тай отар андо Филипи, ковато си о главно гради койка част тари Македония, тай римско колония. Анде калке градосте бешлам няколко диеса.<sup>13</sup> А събота иклилам аври тари порта иеке танесте край иеке рекате, кате предположинасас кай ачол молитва; тай бешлам, тай хоратингям е ромниенге кате уле кидиме.<sup>14</sup> Тай десави си богоязливо живули ко алаб Лидия, таро градос Тиатир, продавачка моравоне платовиенге, шунелас; тай о Дел путергяс лакоро сърцес те внимавинел далкеске, ковато о Павел хоратинелас.<sup>15</sup> Тай като кръстисали ой тай лакоро кер, помолингяс амен, тай пенгяс: Ако признавинен ман верно е Девлеске, ден ан ме кересте тай бешен. Тай принудингяс амен.<sup>16</sup> Тай иек диец, като жасас ко молитвено тан, ресли амен иек слугиния, която сине ла предсказвателно духос тай чрез пе врачувимнасте анелас бари печалба пе господариенге.<sup>17</sup> Ой пирелас палал о Павел тай палал аменде тай пищинелас, тай пенелас: Калка мануша си слуги е Всевишноне Девлеске, колато проповединен туменге дром за спасение.<sup>18</sup> Давка ой керелас бут

диеса нангле. А понеже бут дотегнингяс е Павелеске, ов ирисало тай пенгяс е духоске: Заповединав туке андо алав на Иисуса Христа те иклос латар. Тай иклило ко също сахати.<sup>19</sup> А о господария лакере, като дикле, кай иклили лентири надежда печалбаке да, долде е Павелес тай Сила тай ингалде лен ко пазари англал о началника.<sup>20</sup> Тай като ингалде лен ко градска съдииес, пенде: Калка мануша си юдея тай бут смутинен амаро гради,<sup>21</sup> като проповединен обичаи, колато нанай позволиме аменге, сар римляния, те приеминас или е пазинас.<sup>22</sup> Тогава и талпа вкупом ваздисале против ленде тай о градска съдииес разкъснине ленгере шехя, тай заповединде те марен лен тоягенца.<sup>23</sup> Тай като марде лен бут, чивте лен анди тъмница тай заповединде е тъмничнияне началниеске те пазинел лен здраво;<sup>24</sup> а ов като получингяс сайка заповед, чивгяс лен ки по-андруни тъмница тай стегингяс лачес ленгере пире андо клади.<sup>25</sup> Но машкар и рат, като о Павел тай Сила молиненас пес тай гилябенас химня е Девлеске, а о затворника шуненас лен,<sup>26</sup> внезапно ачило баро труси, чука че о основес е тъмницакере поклатисале; тай веднага саворе вудара путердиле, тай о оковес саворенгере развържисале.<sup>27</sup> Тай о началники, като ухтинило тай диклас о тъмнична вудара путерде, измъкнингяс по мечи тай ка мударелас пес, като мислинелас кай о затворника нашле.<sup>28</sup> Но о Павел пищингяс силноне гласоса: Ма кер нисаво зло туке, соскето саворе синям ате.<sup>29</sup> Тогава о началники манглес светилос, хърпингяс андре тай като издралас пело англал о Павел тай Сила;<sup>30</sup> тай ингалгяс лен аври, тай пенгяс: Господа, со требе те керав, за те спасинав ман?<sup>31</sup> А он пенде: Повервие андо Дел Иисуса Христа, тай ка спасинестут-ту тай то кер.<sup>32</sup> Тай хоратиненас е Девлеско учение леске тай саворенге, колато сине андо кер леске.<sup>33</sup> Тай ов лилас лен ко също сахати машкар и рат, тай истогяс ленгере ранес; тай без забава кръстингяс пес, ов тай саворе лескере.<sup>34</sup> Тай като ингалгяс лен пе кересте, товгяс ленге софра; тай повярвало андо Дел, лошангяс пе целоне кереса.<sup>35</sup> А като разсъмнисало, о градска съдииес бичалде е палачиен те пенен: Мук колке манушен.<sup>36</sup> Тай о началники съобщингяс о думес е Павелеске, тай пенел: О градска съдииес бичалде те мукас тумен; акана иклон тай жан туменге мириеса.<sup>37</sup> Но о Павел пенгяс ленге Марде амен публично, без те овас осъдиме, амен, колато синям римляния, тай чивте амен анди тъмница; тай акана тайно ли икален амен? Чука нана ачол; но он нека авен те икален амен.<sup>38</sup> Тай о палачия съобщинде далка думес е градсконе съдиенге; а он, като шунде, кай уле римляния, дараниле;<sup>39</sup> тай але, тай помолинде лен те овен слизходителна, тай като икалде лен, поканинде лен те жан песке таро гради.<sup>40</sup> А он, като иклиле тари тъмница, дине андо Лидиини, тай като дикле е прален, увещинде лен, тай занакле песке.

## Chapter 17

<sup>1</sup>Тай като накле презал о Амфипол тай Аполония, пристигнинде андо Солун, кате исине синагога е юдеиенге.

<sup>2</sup>Тай по пе обичаиесте о Павел диняс паш ленде тай трин съботес наред разисквинелас ленца таро писания,<sup>3</sup> тай пояснинелас ленге тай докажинелас, кай о Христос требавше те страдинел тай те възкръснинел таро муле, тай кай Кавка Иисус, Ковато, пенгяс ов, ме проповединав туменге, си о Христос.<sup>4</sup> Тай десаве лендар убедисале тай дружиненас е Павелеса тай Сила, чука баро множествос таро набожна гръкя, тай ма хари таро по-първа жувля.

<sup>5</sup>Но о юдея, подбудиме тари завист, лиле песке неколко каниле манушен таро мързеливця ко пазари тай като кидинде тълпа, размирененас о градос; нападнинде о Ясоново кер тай роденас е Павелес тай Сила, за те икален лен англал о народос.<sup>6</sup> Но като нана аракле лен, завлечинде е Ясониес тай десавен таро прала англал о

градоначалникия тай пищиненас: Калка, колато иринде о светос, але ате да;<sup>7</sup> тай о Ясон приемингяс лен; тай он саворе действинен против о цезарска указая, като пенен, кай иси авер тагар, о Иисус.<sup>8</sup> Тай о народос тай о

градоначалникия, като шунде давка, смутисале.<sup>9</sup> Но като лиле поръчителство таро Ясон тай околендар, мукле лен.<sup>10</sup> А о прала незабавно бичалде е Павелес тай Сила машкар и рат андо Берия; тай он, като ресле оте, геле анди юдейско синагога.<sup>11</sup> Тай о беряния уле по-благородна таро солунция, соскето приеминде о учение би секакво предразсъдаки тай всеко диес изследвиненас о Писания те дикен дали ов си верно.<sup>12</sup> Тай чука мнозина лендар повервиде, тай таро високопоставена гъркинес, тай таро мруша ма хари.<sup>13</sup> Но о солунска юдея, като ахалиле, кай анди Берия да проповединел пес таро Павел о Божие учение, але оте да, тай подбудинде тай смутинде е народос.<sup>14</sup> Тогава о прала веднага бичалде е Павелес те жал карик о морес; а Сила тай о Тимоей ачила още оте.<sup>15</sup> А

колка, колато придружиненас е Павелес, ингалде лес жи ки Атина; тай като получинде лестар заповед жи ко Сила тай Тимотей те авен кити ацине по сиго паш лесте, занакле песке.<sup>16</sup> А като жарелас лен о Павел анди Атина, о духос лескоро възмутинелас пес дълбоко, като дикелас о гради, пердо идоленца.<sup>17</sup> Тай чука,

разисквинелас анди синагога е юдеиенца тай е набожнененца, тай ко пазари всеко диес колкенца, коленца случинелас пес те ресен пес.<sup>18</sup> Също десаве таро епикурейска тай стоическа философия препириненас пес леса;

тай о иек пенде: Со мангел пе пенел кавка празнословцос? А авер: Дикел пес, кай си проповедници чуждоне боговиенге; соскето проповединелас е Иисусес тай о възкресение.<sup>19</sup> Тай чука, лиле тай ингалде лес ко ареопаги, като пененас: Ачи ли те жанас саво си давка нево учене, ковато ту проповединес?<sup>20</sup> Соскето внесинес варесо странно анде амаре каненде; мангас те жанас со си давка.<sup>21</sup> (А саворе атинияния тай чужденци, колато бешенас оте, нана прекарвиненас по време нисоса авреса, освен те разкажинен или те шунен варесо нево.)<sup>22</sup> Тай чука, о Павел ачило машкар о ареопаги тай пенгяс: Атинияни, по всичко дикав, кай синиен бут набожна.<sup>23</sup> Соскето, като накавас тай раздикавас о предметия, коленге кланинен тумен, араклом иек жертвеници да, колесте сине пишими: Е непознатоне Девлеско. Кавка, Колеске кланинен тумен, без те жанен Лес, Лес проповединав

туменге.<sup>24</sup> О Дел, Ковато създиняс о светос тай всичко, ковато си анде лесте, като си Господари е небеске тай е пувяке, нана обитавинел андо ръкотворна храмовя,<sup>25</sup> нито си Леске потребна служение манушескере вастестар, като те овел лес нужда варесостар, понеже Коркоро Ов дел саворен животос тай дишива, тай всичко;<sup>26</sup> тай кергяс иеке ратесар саворе човешка народос те живинен ко цело муи е пувяке, като определингяс ленге положиме времена тай о пределя ленгере заселищенге,<sup>27</sup> за те роден е Девлес, тай дано те усетинен Лес тай те аракен лес, ако тена да овел Ов дуре всеконе иекестар амандар;<sup>28</sup> сокето анде Лесте живинас, движинас амен тай съществуинас; карто десаве тумаре поетиендар пендесас: "Сокето дори Лескоро роди синям." <sup>29</sup> Тай чука, карто синям е Девлескоро роди, на треба те мислинас, кай о Божество си подобно златосте или сребросте, или баресте, изработиме човешконе изкуствостар тай измислицес.<sup>30</sup> О Дел обаче, без те икерел сметка за е времеске на невежество, акана заповедингяс саворе манушенге секате те покайнен пес,<sup>31</sup> сокето назначонгяс дис, като ка съдинел е светос справедливо чрез о мануш, Колес определингяс; за колеске диняс уверение саворенге, като възкресингяс Лес таро муле.<sup>32</sup> А като шунде за е възкресениеске е муленге, иек подигравиненас пес, а авер пенде: Далкеске пак мангас те шунас тут.<sup>33</sup> Тай чука, о Павел иклило песке машкар ленде.<sup>34</sup> А десаве мруша прилеписале паш лесте тай повервиде, машкар коленде сине о Дионисий Ареопагит, още иек ромни да, ко алав, Дамар, тай авер ленца.

## Chapter 18

<sup>1</sup>Палал далкесте о Павел цидингяс тари Атина тай ало андо Коринт,<sup>2</sup> кате араклас иеке юдеиес, ко алав Акила, бияндо андо Понт, тай ма отдавна пристигнингяс тари Италия пе ромняса и Прискила, сокето о Клавдий заповедингясас те махнинен пес саворе юдея таро Рим; тай о Павел ало паш ленде.<sup>3</sup> Тай понеже исине лес о също занятие, бешелас ленде тай керенас бути; сокето о занятие ленгоро сине те керен шатрес.<sup>4</sup> Тай всеко събота разисквинелас анди синагога юдеиенца тай гърциенца, тай стараинелас пес те убединел лен.<sup>5</sup> А като о Сила тай о Тимотей ухлиле тари Македония, о Павел усетинелас подтики те хоратинел о словос тай заявиналес е юдеиенге, кай о Иисус си о Помазаници.<sup>6</sup> Но понеже он противиненас пес тай хулиненас, ов треингяс пе шехя тай пенгяс: О рат тумаро те овел тумаре шеренде; ме синиом чисто лестар; от акана ка жав машкар о езичниция.<sup>7</sup> Тай като преместисало отар, ало андо кер десавеске, ко алав Тит Юст, ковато кланиналес пес е Девлеске тай колеско кер сине жи ки синагога.<sup>8</sup> А о Крисп, о началники е синагогакоро, повервингяс андо Дел пе целоне кереса; тай мнозина таро коринтияния, като шуненас, верувиненас тай кръстиненас пес.<sup>9</sup> Тай о Дел пенгяс е Павелеске машкар и рат андо видение: Ма дара, а хоратине тай ма трание;<sup>10</sup> сокето Ме синиом туса тай никои нанай те нападнинел тут те керел туке зло; сокето иси ман бут люде калке градосте.<sup>11</sup> Тай ов бешло оте иек бреш тай шов масек, като поучинелас лен андо Божие словос.<sup>12</sup> А като о Галион сине управители анди Ахая, о юдея ваздисале единодушно против о Павел, анде лес англал о съдилище тай пенде:<sup>13</sup> Кавка убединел е манушен те кланиналес пес е Девлеске, несъгласно е закониеса.<sup>14</sup> Но като о Павел ка пуртелас муи, о Галион пеняг е юдеиенге: Ако сине въпроси десаве неправдаке или грозноне злодеяниеске, о, юдеи, разбирасе, требе те търпинав тумен;<sup>15</sup> но ако о въпросия си за учение, за алавенге тай за тумаре закониеске, дикен туменге коркоре, ме нана мангав те овав съдия салке букиенге.<sup>16</sup> Тай изпъдингяс лен таро съдилище.<sup>17</sup> Тогава он саворе\* долде е началникиес е синагогакоро Состен, тай марде лес англал о съдилище; но о Галион нана мангелас те жанел далкеске.<sup>18</sup> А о Павел като бешло оте още доста време, простингяс пес е праленца тай отплувингяс за Сиря (тай леса и Прискила тай Акила), като острижингяс по шеро андо Кенхрея, сокето динясас оброки.<sup>19</sup> Като ресле андо Ефес, ов муклас лен оте, а коркоро диняс анди синагога тай разисквинелас е юдеиенца.<sup>20</sup> А като замолинде лес те бешел по бут време, ов нана склонингяс;<sup>21</sup> но простисало ленца, тай пенгяс: Но ако о Дел мангел, пак ка иринав ман паш туменде. Тай отплувингяс таро Ефес.<sup>22</sup> Тай като ухлило анди Цезарея, диняс андо Ерусалим, тай поздравингяс е кангеря тай после ухлило анди Антиохия.<sup>23</sup> Тай като побешло оте известно времес, иклило тай обикалянелас наред и Галатийско тай и Фригийско пув, тай утвърдинелас саворе ученикиен.<sup>24</sup> Тай десаво юдеи, ко алав Аполос, бияндо анди Александрия, мануш учено тай силно андо писания, ало андо Ефес.<sup>25</sup> Ов сине наставиме ко Господно дром тай като сине ко духос усьрдно, хоратинелас тай поучинелас прилежно е Исусеске, а пенджарелас само о Йоаново кръщение.<sup>26</sup> Тай почнингяс те хоратинел дързостно анди синагога; но и Прискила тай Акила, като шунде лес, прибириnde лес тай изложинде леске по-точно е Девлескоро дром.<sup>27</sup> Тай като канинела пес ов те занакел андо Ахая, о прала настърчинде лес тай пишинде жи ко ученикия те приеминен лес; тай ов, като ало, помагингяс бут е повярвалоненге чрез и благодат;<sup>28</sup> сокето силно опровергинелас е юдеиен, и то публично, като докажинелас таро писания, кай о Иисус си о Христос.

## Chapter 19

<sup>1</sup>А като о Аполос сине андо Коринт, о Павел, след като наклосас о упруне рига, ало андо Ефеас, кате аракляс десаве ученикен.<sup>2</sup> Тай пенгяс ленге: Приеминген ли о Свято Духос, като повервинген? А он отговоринде леске: Даже на шунгям дали иси Свято Духос.<sup>3</sup> Тай пенгяс: А анде состе кръстисален? А он пенде: Андо Йоаново кръщение.<sup>4</sup> А о Павел пенгяс: О Йоан кръстинелас е кръщениеса на покаяние, като пенелас е люденге те верувинен Калкесте, Ковато ка авел палал лесте, демек, андо, Иисус.<sup>5</sup> Тай като шунде давка, кръстинде пес андо алав на Господа Иисуса.

<sup>6</sup>Тай като положингяс о Павел васта ленде, о Свято Духос ало упран ленде; тай хоратиненас авер чиба, тай прокувиненас. <sup>7</sup>Тай он саворе сине около дешудури мруша.<sup>8</sup>Тай ов диняс анди синагога, кате хоратинелас дързостно; тай андо разстояние ко трин масек разисквинелас е люденца тай увещинелас лен за е Девлеско тагарипе. <sup>9</sup>А понеже десаве закоравиненас пес тай нана верувиненас, но злословиненас о учение англал о народос, ов оттеглисало лендар тай отделингяс е ученикиен, тай разисквинелас всеко диес анди училище ко Тиран. <sup>10</sup>Тай давка продължингяс дуи бреш, чука че саворе, колато живиненас анди Азия, юдея да, гърция да, шунде о Господне учение.<sup>11</sup>Паш далкесте о Дел керелас особена велика дела чрез о васта е Павелескере;<sup>12</sup>борка, кай като пиравенас ко наслале кърпес или престилкес, жи коленде докасвало лескоро телос, о болестия махниненас пес лендар, тай о зла духовя иклонас.<sup>13</sup>А десаве таро скитаща юдея да заклинателя предприеминде те произнесинен о алаб на Господа Иисуса упран калкенде, колен исине зла духовя, като пенен: Дав тумен совела андо Иисус, Колес о Павел проповединел. <sup>14</sup>Тай машкар калкенде, колато керенас давка, сине о ефта чаве десаве юдиеескере Скева, главно свещенини.<sup>15</sup>Но иеквар о зло духос в отговор пентяс ленге: е Иисусес признавинав, е Павелес да жанав; но туме кола синиен?<sup>16</sup>Тай о мануш, анде колесте сине о зло духос, хърпингяс упран ленде тай завладингяс лен, тай надвингяс упран ленде, чука че нанге тай раниме нашле колке керестар.<sup>17</sup>Тай давка ачило известно саворе ефесконе жителене-тай юдея тай гърция; тай дар обземингяс саворен лен, тай о алаб на Господа Иисуса възвеличинелас пес.<sup>18</sup>Тай мнозина таро повярвала авенас, тай изповединенас пес тай изкажиненас пе дела.<sup>19</sup>Мнозина още калкендар да, колато керенас магиес, аненас пе книгес тай таренас лен англал саворенде; тай като пресметнинде и цена ленгири, аракле, кай сине пинда хиляди сребърникия.<sup>20</sup>Чука силно бариолас тай преобладинелас о Господно учение.<sup>21</sup>Тай като свършингяс давка, о Павел чрез о Духос решингяс те жал андо Ерусалим, след като обикалангяс и Македония тай Ахая, като пенелас: Като побешав оте, требва те дикав о Рим.<sup>22</sup>Тай бичалгяс анди Македония дуиен калкендар, колато помагиненас леске, о Тимотей тай о Ераст; а ов ачило още известно време анди Азия.<sup>23</sup>А колке времесте ваздисало баро размирие относно о Господно дром.<sup>24</sup>Соскето иек златари ко алаб Димитри, ковато керелас сребърна моделя е Дианакере капищеске\* тай анелас ма хари печалба е занячидене,<sup>25</sup>като кидингяс лен да, тай колкен, колато керенас подобна букя, пентяс: О, мрушален, туме жанен, кай калке букятар авел амаро барвалипе.<sup>26</sup>Тай туме дикен тай шунен, кай ма само андо Ефес, но попчти анди цело Азия, кавка Павел убедингяс тай ирингяс баре множества, като пенел, кай нанай богове калка, колато си вастестар керде.<sup>27</sup>Тай иси опасност ма само давка амаро занятие те перел андо презрение, но о капище да е великоне богинияко и Диана те считинел пес нисоске, тай даже те перел таро величие поро койка, колаке и цело Азия тай и вселена кланиел пес.<sup>28</sup>Като шунде давка, он пердише с гняв тай пищиненас, тай пенен: Велико си и Ефеско Артемида!<sup>29</sup>Тай безредие обхванингяс е градос; тай като долде е македонциен Гай тай Аристрах, о Павлова спътникя, он мукле пес единодушно андо театъри.<sup>30</sup>А като о Павел мангелас те дел машкар о народос, о ученикия нана мукле лес.<sup>31</sup>Чука десаве таро азийска началникя, понеже сине лескере амала, бичалде жи лесте те помолинен лес тена покажинел пес андо театъри.<sup>32</sup>Тай чука, иек пищиненас иек, а авер пищиненас авер; соскето и навалица сине разбъркиме тай по бут нана жаненас соске стечисале.<sup>33</sup>А десаве таро народос икалде е Александрес те хоратинел, понеже о юдея посочинде лес; тай о Александър маҳингяс вастеса тай ка делас обяснение англал о народос.<sup>34</sup>Но като пенджарде лес, кай си юдеи, саворе иеке гласосте пищиненас за около дуи сахакя: Велико си и Ефеско Диана!<sup>35</sup>Тогава о градско писари, като въдворингяс тишина машкар о народос, пентяс: Ефесяни, кова си ковка мануш, ковато нана жанел, кай о градос Ефес си пазачи е великоне Артемидаке тай о пело таро Зефс идоли?<sup>36</sup>Тай чука, понеже давка си неоспоримо, туме требе те мирувинен тай тена керен нищо несмислено.<sup>37</sup>А туме антиен ате калке манушен, колато нито си светотация, нито хулинен амаре богиния.<sup>38</sup>Ако о Димитри тай о занячидес, колато си леса, иси лен спори декаса, о съдилища засединен, иси съдийка чиновникя, нека съдинен пес иек авресте.<sup>39</sup>Но ако роден варесо авер, ов ка решингиол ко редовно събрание.<sup>40</sup>Соскето иси опасност те обвининен амен поради о размирие авдис, понеже нанай нисави причина за леске; тай аме нанай те ащи оправдинас давка сберище.<sup>41</sup>Тай като пентяс давка, размуклас о събрание.

## Chapter 20

<sup>1</sup>Палал о утихване е размирицако о Павел викингяс е ученикиен тай като диняс лен наставление простингяс пес ленца, тай гело анди Македония. <sup>2</sup>Тай като накло презал колке таненде тай увещингяс е ученикиен буте думенца, ало анди Гърция. <sup>3</sup>Тай като побешло оте трин масек, понеже о юдея керде заговори против лесте ко време като тръгнингяс анди Сирия, ов решингяс те иринел пес презал и Македония. <sup>4</sup>Тай приджужинде лес жи ки Азия о беряни о Сопатър Пиров тай таро солунция о Аристарх тай Секунд; тай още о Гай тари Дервия тай о Тимотей, а тари Азия о Тихик тай о Трофим. <sup>5</sup>А калка геле сас по-нангле тай жаренас амен андо Троада; <sup>6</sup>тай аме отплавингям таро Филипи палал о диеса е безквасноне маренгер, тай пандже диесенге алам паш ленде анди Троада, кате бешлам ефта диеса.<sup>7</sup>Тай ко първо диес е куркеске, като улам кидиме за о разчузване е мареске, о Павел бешелас ленца, понеже ка отпътуваниелас андиавин; тай продължингяс по словос жи машкар и рат. <sup>8</sup>Тай исине бут светила ки упруни стая, кате улам кидиме.<sup>9</sup>Тай иек чо ко алаб Евтих, ковато бешелас ко жами, засутосас дълбоко, тай като о Павел беседвинелас още по-надълго, като сине обладиме соибнастар, пело теле

таро трето етажи; тай ваздинде лес муло.<sup>10</sup> Но о Павел ухлило тай като пело упраle лесте, гушингяс лес тай пенгяс: Ма безпокойнен тумен, соскето лескорo животос си анде лесте.<sup>11</sup> Палал далкесте ов качисало упре, пагляс о маро, тай халис тай приказвингяс пак надълго до зори, тай чука тръгнингяс.<sup>12</sup> А е чес анде живдо, тай бут утешисале.<sup>13</sup> А аме тръгнингям по-нантgle е корабиеске тай отплувингям за Акос, кате ка прибиринаасе e Павелес; понеже чука поръчингясас, като ка жалас пеша.<sup>14</sup> Тай като кидисало аменца андо Акос, прибирингям лес тай алам андо Митилин.<sup>15</sup> Тай отар, като отплувингиям около диеесете алам мамуял о Хиос, а околесте- пристигнингям андо Самос; тай като побешлам андо Трогилия ко следващо диеес алам андо Милит.<sup>16</sup> Соскето о Павел решингясас те отнакел о Ефес, за тена бавинел пес анди Азия; понеже сигярелас, ако сине леске възможно, те араклол андо Ерусалим за е диеесеске на Петдесетница.<sup>17</sup> А таро Милит бичалгяс андо Ефес те викинен е кантериенгере презвитериен.<sup>18</sup> Тай като але паш лесте, пенгяс ленг: Туме жанен по саво начини, таро първо диеес, като стъпнгиом анди Азия, прекарнгиом саворо време машкар туменде<sup>19</sup> андо служение е Девлеске с пердо смиреномъдрие, асвенца тай напастиенца, колато сполетинде ман таро заговоря е юдеиенг; <sup>20</sup> сар на въздържнгиоман те изявинав туменге всичко, ковато сине полезно, тай те поучинав тумен публично таро кера,<sup>21</sup> като проповединавас юдеиенгеда, гърциенгеда покаяние спрямо о Дел тай вяра спрямо амаро Дел о Иисус Христос.<sup>22</sup> Тай аке акана, заставиме духом, жав андо Ерусалим, без те жанав со ка сполетинел ман оте,<sup>23</sup> освен кай о Свято Духос заявинел манге анде секоне градосте, като пенел, кай оковес тай скърбес жарен ман.<sup>24</sup> Но нана скъпинаман ме животоске тай нана свидинел пес манге за леске, стига само те икалав мо дром тай мо служение, ковато приемингии таро Дел о Иисус, те проповединав о благовестие е Девлескере благодаттаке.<sup>25</sup> Тай аке акана, ме жанав, кай ни иек тумендар, машкар коленде наклом тай проповеднгиом о Божие тагарипе, нанай вече ти дикел мо муи.<sup>26</sup> Далкеске заявинав туменге калке диеесете, кай ме синиом чисто таро рат саворенг;<sup>27</sup> соскето нана въздържнгиоман те изявинав туменге савори Божие воля.<sup>28</sup> Овен бдителна туменге тай целоне стадоске, анде колесте о Свято Духос поставнгяс туменге епископия, те пасинен и кантереи е Девлескири, която Ов придобингяс Пе собственоне ратеса.<sup>29</sup> Ме жанав, кай палал мере занакибаасте ка ден машкар туменде свирепа вълция, колато нанай те жалинен о стадос;<sup>30</sup> тай тумендар ка вазден пес мануша, колато ка хоратинен изопачиме тай ка отвлечинен е ученикиен палал песте.<sup>31</sup> Далкеске бдинен тай помнинен, кай трин бреш, о диеес тай ират, нана престанингиом те поучинав асвенца всеконе иекес тумендар.<sup>32</sup> Тай акана, препоръчинав тумен е Девлеске тай е словоске Лескири благодат, ковато ащи те назидавинел тумен тай те дел тумен наследство машкар саворе осветеноненде.<sup>33</sup> Никаскоро сребро или златос, или о шехя нана манглом.<sup>34</sup> Туме коркоре жанен, кай калка мере васта послужинде мере нуждене тай е нуждене колкенге, колато уле манца.<sup>35</sup> Всичконасте покажнгиом туменге, кай чука трудеща требва те помагинен е немощноненге, тай те помнинен о думес е Девлескере о Иисус, саро Ов пенгяс: По-блажено си те дел о мануш, отколкото те приеминел.<sup>36</sup> Като пенгяс давка, коленичингяс тай помолисало саворенца.<sup>37</sup> Тай саворе руне бут; тай пеле ки мен е Павелеске, тай чумиденас лес,<sup>38</sup> наскърбиме най-бут е думенге, колато пенгяс, кай нанай вече те дикен о муи лескорo. Тай изпратинде лес жи ко кораби.

## Chapter 21

<sup>1</sup> Като разделисалам лендар тай отплувингям, алам право ко Кос, а ко следващо диеес ко Родос, тай отар ко Патара.  
<sup>2</sup> Тай като араклам кораби, ковато занакелас за Финикия, качисалам лесте тай отплувингям.<sup>3</sup> Тай като вече о Кипър покажисало, муклам лес отляво, плавинаасе карик и Сирия, тай ухлилам андо Тир; соскето оте о кораби ка разтоваринелас пес.<sup>4</sup> Тай като роднгиом е ученикиен, побешлам оте ефта диеес; тай он чрез о Духос пененас е Павелеске тена стъпнинел андо Ерусалим.<sup>5</sup> Като далка диееса накле, тръгнингям тай продължнгям амаро дром; тай он саворе, пе ромниенца тай пе чавенца, изпратинде амен извън о градос; тай коленичиме ко брегос, помолнгям амен.<sup>6</sup> Тай като простидалам иек авреса, аме качисалам ко кораби, а он ирисале пе кересте.<sup>7</sup> Тай аме, като преплувингям о разстояние таро Тир, реслам андо Птолемаида, кате поздравнгям е прален тай бешлам ленде иек диеес.<sup>8</sup> А ко следващо диеес тръгнингям тай реслам анди Цезарея; тай диням андо кер е благовестителеске о Филип, ковато сине иек таро ефта дякония, тай ачилам лесте.<sup>9</sup> А лес исине штар чая девицес, колато пропокувиненас.<sup>10</sup> Тай след като побешлам оте бут диееса, иек пророки, ко алав Агав, ухлило тари Юдея.<sup>11</sup> Тай като ало паш аменде, лилас о Павлово пояси, тай панляс пе пире тай пе васта тай пенгяс: Аке со пенел о Свято Духос: Чука о юдея андо Ерусалим ка панден е манушес, колескоро си кавка пояси, тай ка преден лес ко васта е езичниенг.<sup>12</sup> Тай като шунгям давка, амеда, отарда, молинаасе e Павелес тена жал андо Ерусалим.<sup>13</sup> Тогава о Павел отговорингяс: Со керен туме, соске ровен, тай съкрушинен мо сърцес? Соскето ме синиом готово ма само те овав панло, но те мерав да андо Ерусалим е Девлескере алавеске о Иисус.<sup>14</sup> Тай понеже ов сине неумолимо, аме траингям тай пенгям: Те овел е Девлескири воля.<sup>15</sup> Тай палал далке диеесенде приготвингям амен дромеске, тай гелам андо Ерусалим.<sup>16</sup> А аменца але десаве таро ученикия анди Цезария, тай ингалдеамен десавесте Мнасон, киприянини, отдавнашно ученики, колесте ка овасас гостя.<sup>17</sup> Тай като реслам андо Ерусалим, о прала приеминде амен лошаласа.<sup>18</sup> Тай околе диеесете о Павел диняс аменца ко Яков, кате присъствиненас саворе презвитеря.<sup>19</sup> Тай като поздравнгяс лен, разкажнгяс ленге иек по иек всичко, ковато о Дел кергяс машкар о езичниия чрез лескере служениесте.<sup>20</sup> А он, като шунде, прославинде е Девлес. Тогава

пенде леске: Ту дикес, прала, кити десетки хиляди повярвала юдея иси, тай он саворе ревностно поддържинен о закони.<sup>21</sup> А за тuke си уведомиме, кай учингян саворе юдеин, колато си машкар о езичниция, те отстъпинен таро Мойсеево закони, като пenes ленге тена обрежинен пе чавен, нито те икерен о пуране обредя.<sup>22</sup> Тай чука, со те керел пес? Сигорно ка кидел пес тълпа, соксето он непременно ка шунен, кай алан.<sup>23</sup> Далкеске кер со пенас туке. Машкар аменде иси штар мруша, колато иси лен оброки;<sup>24</sup> лен, кер то очистване заедно ленца тай платине ленгере разносеке те муравен пе шере; тай чука саворе ка жанен, кай нанай истина давка, ковато шунде за туке, но кай туда постъпинес порядъчно тай пазинес о закони.<sup>25</sup> А кити е повярвалоне езичнициене, аме пишигям амаро решение те пазинен пес хабнастар таро идоложертвено, рат тай удавиме\*, също таро блудство.<sup>26</sup> Тогава о Павел лилас е мрушен паш песте; тай ко следващо диес, като кергяс по очистване заедно ленца, диняс андо храми тай обявингяс каня ка свършинен пес о диеса, определиме за ко очистване, като ка принесинел пе о приноси всеконе иекеске лендар.<sup>27</sup> Тай като о ефта диеса свършиненас, о юдея тари Азия, като дикле лес андо храми, възбудинде е целоне народос, товде васта упрад лесте тай пищиненас:<sup>28</sup> О, израиляния, помагинен! Кавка си о мануш, ковато на всекъде учинел саворен против амаре народосте, против о закони тай против кавка тан; а освен давка въведингяс гърциен андо храми тай осквернингяс кавка свято тан.<sup>29</sup> (Соксето англал далкесте диклесас леса е ефесяниес о Трофим тай мислиненас, кай о Павел ангяс лес андо храми.)<sup>30</sup> Тай цело градос раззвълнувисало, тай о люде прастаниле; тай като долде е Павелес, икалде лес аври таро храми; тай веднага панлиле о будара.<sup>31</sup> Тай като ка мударенас лес, ресло известие жи ко хилядники е полкаке, кай цело Ерусалим си размириме;<sup>32</sup> тай ов веднага лилас войнициен тай стотнициен, тай муклас пес мамуял ленде. А он, като дикле е хилядникиес тай е войнициен, престанинде те марен е Павеле.<sup>33</sup> Тогава о хилядники приближисало, тай долгяс лес тай заповедингяс те оковинен лес дуие веригенца, тай разлучелас кова си ов тай со кергяс.<sup>34</sup> А машкар и навалица о иек пищиненас иек, а авер-авер; тай понеже нанащине ахалол и същност е букякири поради о смущение, заповедингяс, заповедингяс те ингален лес анди крепост.<sup>35</sup> А като ресло жи ко стъпала, о войниция ваздинде лес тай пираавде лес ашал о насилие е навалицакоро;<sup>36</sup> соксето саворе люде пиренас палал тай пищиненас: Премахнине лес!<sup>37</sup> Тай като ка ингаленас е Павелес анди крепост, ов пенгяс е хилядникиеске: Позволиме ли си мангите пенав туке варесо? А ов пенгяс: Ту жанесас гръцки!<sup>38</sup> Нана синян ли тогава ковка египтяни, ковато преди известно време размириингяс тай ингалгяс анди пустиния о штар хиляда мруша убийция?<sup>39</sup> А о Павел пенгяс: Ме синиом юдеи таро Тарс Киликийски, граждани калке знаменитоне градоске; тай молинаман туке те позволинес те хоратинав е люденге.<sup>40</sup> Тай като позволингяс леске, о Павел зачило ко стъпала тай маҳингяс вастеса е люденге; а като въдворисали бари тишина, почнингяс те хоратинел ленге на еврейски, като пенгяс:

## Chapter 22

<sup>1</sup>Пralalen тай дада, шунен акана мери защита англал туменде.<sup>2</sup> (Тай като шунде, кай хоратинел ленге на еврейски, он пазиненас още по-бари тишина; тай ов пенгяс:) <sup>3</sup>Ме синиом юдеи, бияндо андо Тарс Киликийски, а възпитиме калке градосте паш о Гамалиилова пире, изучиме строго андо предиме амаре дадендар закони. Тай улом ревностно е Девлеске, сарто синиен саворе туме авдииес;<sup>4</sup> тай гонинавас жи мерибнасте е последователен калке учениескере\*, като пандавас тай предавас панлибнасте мрущенда, жувленда;<sup>5</sup> сарто свидетелствинел мангите о първосвещеници да, о цело старейшинство да, кастар лиломас писма жи ко прала еврея андо Дамаск, кате жавас, за те ингалав панлен андо Ерусалим, за те накажинен лен.<sup>6</sup> Тай като улом дроместе тай приближингиом о Дамаск, карик о пладне, внезапно блеснингяс таро небес бари светлина около манде.<sup>7</sup> Тай пелом ки пув, тай шунгиом гласос, ковато пенгяс мангите: Савле, Савле, соксе гонинес ман?<sup>8</sup> А ме отговорингиом: Кова синян ту Девла? Тай пенгяс мангите: Ме синиом о Иисус о Назаряни, Колес ту гонинес.<sup>9</sup> А ме другария дикле и светлина, но нана шунде о гласос Калкескоро, Ковато хоратинелас мангите.<sup>10</sup> Тай пенгиом: Со те керав, Девла? Тай о Дел пенгяс мангите: Ухти, жа андо Дамаск тай оте ка пенелпес туке всичконаске, ковато си туке определиме те керес.<sup>11</sup> Тай понеже таро бляськи колке светлинакоро изгубингиом ме зрение, ме другария повединде ман вастестар, тай чука диниом андо Дамаск.<sup>12</sup> Тай десаво си Анания, мануш благочестиво ко закони, характериеса, одобриме саворендар оте живяща юдея,<sup>13</sup> ало паш манде тай като зачило тай бангило упрад манде, пенгяс мангите: Прала Савле, задик. Тай ме ко сахати получингиом мо зрение, тай диклом карик лесте.<sup>14</sup> А ов пенгяс: О Дел амаре даденгоро предназначингяс тут те пенджарес Лескири воля тай те дикес е Праведнициес, тай те пenes гласос Лескере мостар;<sup>15</sup> соксето ка овес свидетели за Леске англал саворе манушенде далкеске, ковато диклан тай шунгян.<sup>16</sup> Тай акана, соксе бавинес тут? Ухти, кръстине тут тай истов тут те безехендер, тай призовине е Девлескоро алав.<sup>17</sup> Тай като ирисалом андо Ерусалим, като молинавас ман андо храми, алом в изстъпление,<sup>18</sup> тай диклом Лес те пенел мангите: Сигяр те иклос сиго таро Ерусалим; соксето нанай те приеминен тутар свидетелство за Мангите.<sup>19</sup> Тай ме пенгиом: Господи, он жанен, кай ме пандавас тай маравас ко синагогес колжен, колато верувиненас анде Туте;<sup>20</sup> тай като чориолас о рат Тере мъченициеско о Стефан, ме улом оте тай одобринавас, като пазинавас о шея калкенгере, колато мударенас лес.<sup>21</sup> Но Ов пенгяс мангите: Жа, соксето ка бичалав тут дуре машкар о езичниция.<sup>22</sup> Жи калке думате шуненас лес; а тогава пищинде силноне гласоса, като пене: Те махнинел пес савка тари пув! Соксето нанай достоинно те живинел.<sup>23</sup> Тай понеже он пищиненас, чивенас пе шея

тай чивенас прахос андо въздухи,<sup>24</sup> о хилядники заповедингяс те ингален лес анди крепост тай заръчингяс те изпитинен лес марибнаса, за те ахалол по сави причина пищинен чука против лесте.<sup>25</sup> Тай като разтегниндесас лес ремакиенца, о Павел пенгяс е стотниескe, ковато бешелас оте: Законно ли си туменге те биувинен иеке римлияниес, и то неосъдиме?<sup>26</sup> Като шунгяс давка, о стотники гело, тай известингяс е хилядникиескe, тай пенгяс: Со керес? Соскето кавка мануш си римлияни.<sup>27</sup> Тогава о хилядники приближисало тай пенгяс леске: Пен манге, римлияни ли синян? А ов пенгяс: Римлияни.<sup>28</sup> О хилядники отговорингяс: Буте паренца добингиом давка гражданство. А о Павел пенгяс: Но ме бияндилом да анде лесте.<sup>29</sup> Тогава калка, колато ка разптивиненас лес, веднага мукле лес. А о хилядники даранило, като ахалило, кай си римлияни, понеже панласас лес.<sup>30</sup> Ки андиавин, като мангелас те ахалол и същинско причина, поради колате о юдея обвининенас лес, ов путергяс лес, заповедингяс те киден пес о главна свещеникия тай ленгоро цело синедриони, ангяс е Павелес теле тай поставингяс лес англал ленде.

## Chapter 23

<sup>1</sup>Тай о Павел като задиклас пес андо синедриони, пенгяс: Пралален, жи калке диесесте ме живингиом англал о Дел съвършеноне чистоне съвестяса. <sup>2</sup> А о първосвещеници о Анания заповедингяс е бешленге жи лесте те чалавен лес ко мui. <sup>3</sup> Тогава о Павел пенгяс леске: О Дел ка чалавел тут, стено варосана; тай ту бешлан те съдинес ман ко закони, а против о закони заповединес те чалавен ман!<sup>4</sup> А о бешле наоколо пенде: Е Девлескере първосвещеникиес ли хулинес? <sup>5</sup> Тай о Павел пенгяс: Нана жангиом, пралален, кай си първосвещеници, соскето си пишими: "Тена злословинес началникиес те народоскоро."<sup>6</sup> А като о Павел пенджаргяс кай и иек част си садукея, а окола фарисея, пищингяс андо синедриони: Пралален, ме синиом фарисей, чаво фарисейескоро; съдинен ман поради и надежда тай о учение за е възкръсениескe е муленгоро. <sup>7</sup> Тай като пенгяс давка, възникнингяс разпра машкар о фарисея тай о садукея; тай о събрание разделисало. <sup>8</sup> Соскето о садукея пенен, кай нанай възкресение, нито ангели, нито духос; а о фарисея признавинен о дуи да. <sup>9</sup> Тай чука възникнингяс бари гълчка; тай десаве книжникия тари фарисейско риг ухтиниле, тай препириненас пес, като пенде: Нисаво зло нана аракас анде калке манушесте; тай ако хоратингяс леске духос или ангели, тена противинас амен е Девлеске. <sup>10</sup> Тай понеже и разпра ачили бари, о хилядники, като даралас тена разкъсиен е Павелес, заповедингяс е войниенге те ухлен те грабинен лес, тай те ингален лес анди крепост.<sup>11</sup> Тай презал и следващо рат о Дел зачило жи лесте, тай пенгяс: Дерзайне, соскето, карто свидетствингян за Манге андо Ерусалим, чука требе те свидетелствинес андо Рим. <sup>12</sup> Тай като дислило, о юдея керде заговори, обвържисале совеласар тай пенде, кай нанай те хан, ни те пиен, жи кай нана мударен е Павелес. <sup>13</sup> Калка, колато керде давка заговори, сине по бут таро саранда мануша.<sup>14</sup> Он але ко главна свещеникия тай ко старейшинес тай пенде: Диням клетва тена вкусинас нищо, жикай на мударас е Павелес. <sup>15</sup> Акана туме е синедриониеса заявиен е хилядникиескe те анел лес теле паш туменде, уж кай мантен те изучинен по-точно лескоро делос; а аме, англал те приближинел ов, синям готова те мударас лес.<sup>16</sup> Но е Павелескере пеняжко чо, като заварингяс лен, шунгяс о заговори тай диняс анди крепост; тай обадингяс е Павелескере. <sup>17</sup> Тогава о Павел викингяс иекес таро стотниция тай пенгяс леске: Ингал калке чавес ко хилядники, соскето иси те пенел леске варесо.<sup>18</sup> Тай ов лилас лес, ингалгяс лес ко хилядники тай пенгяс: О задържиме Павелес викингяс ман тай помолингяс пес манге те анав калке чавес паш туте, соскето исиине те пенел тухе варесо. <sup>19</sup> А о хилядники лилас лес вастестар тай като оттеглисало ригате, пучлас лес коркоресте: Со иси те пенес мантен?<sup>20</sup> А ов пенгяс: О юдея нагласисале те замолинен тут те ингалес е Павелес тася теле андо синедриони, като че ли манген те разпучен по-точно за леске.<sup>21</sup> Но ту ма шун лен; соскето жарен лес повече таро саранда жене лендар, колато дине клетва, задължисале тена хан тай тена пиен, жи кай на мударен лес. Он още акана си готова тай жарен само те обещинес тут ленге.<sup>22</sup> Тай чука, о хилядники муклас е чавес те жал песке, като заръчингяс леске: Никаске тена пенес, кай обадингян манге давка.<sup>23</sup> Тогава викингяс дуиен таро стотниция тай пенгяс ленг: Приготвинен дуи шел пехотинция, ефтадеш конниция тай дуи шел копиеносция те занакен за Кесария ко трето сахати презал ират.<sup>24</sup> Приготвинен добитъки да, колесте те възкачинен е Павелес, тай те одведенен лес безопасно жи ко управители о Феликс.<sup>25</sup> Ов пишингяс писмо да, ковато исиине лес о следно съдржание:<sup>26</sup> Таро Клавдий Лисий жи лескоро превъзходителство о управители о Феликс, поздрви.<sup>27</sup> Кавка мануш уло уловиме таро юдея, колато ка мударенас лес; но ме пристигнингиом е войниенца тай избавингиом лес, понеже научингиом, кай уло римлияни.<sup>28</sup> Тай като мантлом те ахаловав и причина, колате обвининенас лес, ингалде лес теле ко синедриони ленг; <sup>29</sup> тай араклом, кай обвининен лес възпросиенге ленгере закониестар; нана сине обаче нисаво обвинение за варесо достойно мерибнаске или оковиенге.<sup>30</sup> Тай понеже пендеманге, кай ка овел заговори против далке манушесте, веднага бичалгиом лес паш туте, като заръчингиол лескере обвинителенге да те изкажинен пес англал туте против лесте. Ачов с састипнаса.<sup>31</sup> Тай чука, о войникия, според и дадено заповед ленг, лиле е Павелес тай ингалде лес машкар и рат анди Антипатрида.<sup>32</sup> Тай ки андиавин мукле о конницес те жан леса, а он ирисале анди крепост.<sup>33</sup> А о конницес като дине анди Цезарея тай връчинде о писмо е управителеске, представинде леске е Павелес да.<sup>34</sup> А като четингяс лес, пучлас коле областиятар си; тай като ахалило, кай си тари Киликия, пенгяс:<sup>35</sup> Ка шунав тут, като ка авен те обвинителя. Тай заповедингяс те пазинен лес анди Иродово претория.

## Chapter 24

### Chapter 24

<sup>1</sup>Тай палал о панч дис о първосвещенники о Анания ухлило десаве старейшиненца тай иеке адвокатиеса, ко алав Тертил, колато подине е управителеске жалба против о Павел. <sup>2</sup>Тай като викинде лес, о Тертил почнингяс те обвининел лес, като пенелас: Понеже чрез туте, честити Феликс, лошанас баре спокойствиеске тай понеже чрез тери предвидливост поправинен пес злини анде калке амаре народосте, <sup>3</sup>то аме пердоне благодарностиенца по секакво начини тай признавинас давка. <sup>4</sup>Но за тена отекчинав тут по бут, молинав тут те овел тут слизходжение тай те шунес амен накратко; <sup>5</sup>понеже араклам, кай кавка мануш си заразители тай размиричи машкар саворе юдеиенде ки вселена, още водители да е назарейсконе ересаке; <sup>6</sup>ковато опитисало о храми да те осквернишел; но аме уловингям лес тай манглам те съдинас лес амаре закониесте; <sup>7</sup>но о хилядники о Лисий ало тай баре насилиствоса изтръгнингяс лес амаре вастендар, тай заповедингяс лескере обвинителенге те авен паш туте.] <sup>8</sup>А ту, като коркоро изпитинес лес, ка ащи ахалос лестар всичко давка, за соске обвининас лес. <sup>9</sup>О юдея да потвърдинде, като пенен, кай давка си верно. <sup>10</sup>А като о управители кимнингяс е Павелеске те лел и дума, ов отговорингяс: Понеже жанав, кай от бут бреша ту улан съдия калке народоске, ме на драго сърцес хоратинав анде мере защитаке; <sup>11</sup>сокето ащи те научинес, кай нанай по бут таро дешудуи диса, отсар възлизингиом ко поклонение андо Ерусалим. <sup>12</sup>Тай нана аракле ман нито андо храми, нито андо синагогес, нито андо градос, те препиринаман декаса или те размиринаш е народос. <sup>13</sup>Тай он нанащи те докажинен англал туте давка, за колеске обвининен ман акана. <sup>14</sup>Но давка изповединаш англал туте, кай според о учение\*, ковато он наречинен ерес, чука служинав амаре даденгере Девлесте, като верувинав всичко, ковато си ко закони тай си пишиме андо пророкия, <sup>15</sup>тай кай надявинаман ко Дел, кай ка овел възкресение праведнонене тай неправеднонене, ковато он коркоро да приеминен. <sup>16</sup>Далкеске меда стараинаман те овел ман всяко непорочно съвест тай спрямо о Дел, тай спрямо о мануша. <sup>17</sup>А палал о изтичане е буте брешенге алом те анав милостиинес ме народоске тай принося. <sup>18</sup>А като принесинавас лен, он аракле ман андо храми очистиме, без те овел навалица или размирие; <sup>19</sup>но исине десаве юдея тари Азия, колато требаваше те представинен пес англал туте тай те обвининен ман, ако исине лен варесо против манде. <sup>20</sup>Или он коркоро нека пенен сави неправда аракле анде манде, като зачилом англал о синедриони, <sup>21</sup>освен само кавка вики, ковато изданиом, като бешавас машкар ленде: Поради о учение за е възкръсение е муленгоро съдинен ман авдииес. <sup>22</sup>А о Феликс, като пенджарелас доста лачес кавка учение \*, отложингяс о делос, тай пенгяс: Като ка ухлел о хилядники о Лисий, ка разрешишел тумаро делос. <sup>23</sup>Тай заповедингяс е стотниеске те пазинен е Павелес, но те ден лес известно свобода тай тена спирирен никас лескере амалендар те прислужвинел леске. <sup>24</sup>Палал неколко диса о Феликс ало пе ромняса и Друзила, която сине юдейка, тай бичалгяс те викинен е Павелес, колестар шунел е вяраке андо Христа Иисуса. <sup>25</sup>Тай като ов хоратинелас за правда, за себеобузздание тай за е бъдещоне съдоске, о Феликс даравно отговорингяс: За акана жатуке; тай като ка аракав време, ка викинав тут. <sup>26</sup>Машкар далкесте, ов надявинелас пес, кай ка получинел парес таро Павелес; далкеске по-честичко викинелас лес, тай приказвинелас леса. <sup>27</sup>Но като навърписале дуи бреш, о Феликс уло заместиме таро Порций Фест; а понеже мангелас о благоволение е юдеиенгоро, о Феликс муклас е Павелес андо оковес.

### Chapter 25

<sup>1</sup>Тай о Фест, като заемингяс пи област, палал о трин дис гело тари Цезарея андо Ерусалим. <sup>2</sup>Тогава о главна свещеникия тай о юдейска първенци подине паш лесте жалба против о Павел, <sup>3</sup>тай като молиненас лес, мангенас те склонинел далкесте против лесте - те бичалел те анен лес андо Ерусалим; като възнамериненас те поставинен засада те мударен лес ко дром. <sup>4</sup>О Фест обаче отговорингяс, кай о Павел вече пазинел пес анди Кесария тай кай ов коркоро сито ка тръгнинел оте; <sup>5</sup>далкеске, пенгяс ов, о влиятелна машкар туменде нека те ухлен манца; тай ако иси варесо банго андо мануш, нека обвининен лес. <sup>6</sup>Тай като побешло машкар ленде ма побут таро охто или деш дис, ов ухлило анди Цезарея, тай около дисесте бешло ко съдийско столос, тай заповедингяс те анен е Павелес. <sup>7</sup>Тай като ало, о юдея, колато ухлилесас таро Ерусалим, обикалянде лес тай обвининенас лес буте тай паре обвинениенца, колато обаче нанащине докажинен; <sup>8</sup>но о Павел анди за защита пери пенелас: Нито против о юдейско закони, нито против о храми, нито против о кесари извършилииом десаво престъпление. <sup>9</sup>Но о Фест, понеже мангелас те спечелинел о благоволение е юдеиенгоро, андо отговори е Павелеске пенгяс: Мангес ли те възлизинес андо Ерусалим тай оте те съдинес тут далкеске англал манде? <sup>10</sup>А о Павел пенгяс: Ме бешав англал о цезарево съдилище, кате требе те овав съдиме. Е юдеиенге нана кергиом нисави вреда, сарто тута твърде лачес жанес. <sup>11</sup>Сокето, ако синиом вредители тай кергиом варесо достойно мерибнаксе, нана нашав таро мериба; но ако ни иек таро неща, за коленге калка обвининен ман, нанай истина, никой нанащи предел ман, за те угодинел ленге. Отнасинаман жи ко цезари. <sup>12</sup>Тогава о Фест, след като поразискингяс о въпроси е съветиеса, отговорингяс: Отнесисалан жи ко цезари; ко цезари ка жас. <sup>13</sup>А като накле неколко диса, о тагар Агрипа тай Верникия але анди Цезарея те поздравинен Фест. <sup>14</sup>Тай като бавиненас пес оте доста време, о Фест доложингяс о Павлово делос англал о тагар, тай пенгяс: Иси иек мануш, мукло таро Феликс андо оковес. <sup>15</sup>За леске, като улом андо Ерусалим, о главна свещеникия тай о юдейска старейшинес подине манге

жалба тай мангена се съдинав лес.<sup>16</sup> Но отговорингиом ленге, кай о римляния нанай лен обичай за угода декаске те преден десаве манушес (мерибнасте, англал о обвиняемо те уло поставиме мииеса пе обвинителенца, тай те дел пес леске случай те хоратинел андиperi защита относно о обвинение.<sup>17</sup> Тай чука, като але ате заедно манца, незабавно ко следно диес, бешлом ко съдийско столос тай заповедингиом те анен е манушес.<sup>18</sup> Но като о обвинителя лескере зачиле, нана обвининде лес нисаве каниле деловиенге, саве ме предположинавас; <sup>19</sup> но исине лен против лесте десаве разисквания за ленгере вървания тай за десаво Иисус, Ковато муло, за Колеске о Павел търдинелас, кай си живдо.<sup>20</sup> Тай ме, понеже улом андо недоумение сар те изпитвинав салке букиенге, пучлом дали ка жал андо Ерусалим, оте те съдинел пес далкеске.<sup>21</sup> Но понеже о Павел манглас те отнесинел пес жи ко решение е Августиеске, заповедингиом те пазинен лес, жи кай бичалав лес паш о кесари.<sup>22</sup> Тогава Агрипа пенгяс на Фест: Мангеласпес мангте шунав меда калке манушес. Тай ов пенгяс: Тася ка шунес лес.<sup>23</sup> Тай чука, около диесесте, като Агрипа тай Верникия але баре великолепиеса тай дине анди съдебно зала е хиляднициенца тай и повидна граждания, о Фест заповедингиом те анен е Павелес.<sup>24</sup> Тогава о Фест пенгяс: Тагара Агрипа, тай саворе, колато присъствинен аменца, аке о мануш, за колеске о цело юдейско народос обжалвинел мангте, тай андо Ерусалим, тай ате, като пищиненас, кай ов не требе вече те живинел.<sup>25</sup> Но ме араклом, кай нана кергяс нишо достойно мерибнаске; тай понеже ов коркоро отнесисало жи ко Август, решингиом те бичалав лес.<sup>26</sup> А за леске нанай ман нишо положително те пишинав ме господариеске; далкеске икалгиом лес англал туменде, тай особено англал туте, тагара Агрипа, тай, като ачол лескоро разлучиба, те овел ман со те пишинав.<sup>27</sup> Соскето дикел пес мангте неразумно, като бичалав манушес панло, тена изложинав о обвинения против лесте.

## Chapter 26

<sup>1</sup> Тогава о Агрипа пенгяс е Павелеске: Позволинел пес туке те хоратинес за туке. Тай чука, о Павел простиригяс вас тай почнингиас те хоратинел пере защитаке: <sup>2</sup> Считинаман за честито, тагара Агрипа, за далкеске англал туте ка защитинаман авдиес относно всичко, за колеске обвининен ман о юдея, <sup>3</sup> а най-вече, соскето синян вещ андо саворе обредя тай разисквания машкар о юдея; далкеске молинаман туке те шунес ман търпениеса.<sup>4</sup> Тай чука, саво сине моро животос от тернярла, давка саворе юдея жанен, понеже живинавас отначало машкар ме народосте андо Ерусалим. <sup>5</sup> Соскето пенджарен ман отначало (ако мангена се свидетелствувинен), кай според и най-строго секта\* амаро вероизповедание живингиом фарисей. Тай акана бешав англал о съдос ашал и надежда за о обещание, ковато о Дел диняс амаре даден, <sup>6</sup> жи ко изпълнение колеске амаре дешдури племена надявинен пес те достигнинен, като служинен е Девлеске усърдно о диес тай ират. За далке надеждаке, тагара Агрипа, обвининен ман о юдея! <sup>8</sup> Соске те сметнинел пес машкар туменде за невероятно, кай о Дел възкръснел е мулен? Тай ме мислинавас мангте, кай требе те вършинав бут бука против о алабе о Иисусесе о Назаряни;<sup>10</sup> ковато керавас андо Ерусалим, понеже пандавас андо тъмниес мнозина таро светиес, като снабдисалом с власт таро главна свещеникия, тай за ленгере мударибнаске давас гласос против ленде.<sup>11</sup> Тай като мъчинавас лен бут дрома андо саворе синагогес, стараинавас ман те традав лен те хулинен; тай анди прекомерно ярост против ленде гонинавас лен даже ко чужда градовия.<sup>12</sup> По която бути, като пътувинавас за Дамаск с власт тай препоръка таро главна свещеникия,<sup>13</sup> ко пладне, тагара, диклом ко дром светлина таро небес, която отнакелас е камескоро бляськи, тай осиянгяс манда, тай калкен, колато пътувиненас манца.<sup>14</sup> Тай като пелам саворе ки пув, шунгиом гласос, ковато пенелас мангте на еврейски: Савле, Савле, соске гонинес Ман? Мъчно си туке те ритинес мамуял оsten.<sup>15</sup> Тай ме пенгиом: Кова синян Ту, Девла? А о Дел пенгяс: Ме синиом о Иисус, Колес ту гонинес.<sup>16</sup> Но ухти тай изправине тут те пиренде, понеже далкеске явисалом туке, те назначинав тут служители тай свидетели далкесте, ковато диклан, тай ковка, ковато ка откринав туке,<sup>17</sup> като избавинав тут таро юдейско народос тай таро езичниция, машкар коленде бичалав тут<sup>18</sup> те птурес ленгере яка, за те иринен пес тари тъмнина карик и светлина, тай тари власт е Сатанаке карик о Дел, тай те приеминен опрощение пе безехенге тай наследство машкар о осветиме чрез и вяра анде Манде.<sup>19</sup> Далкеске, тагара Агрипа, нана улом непокорно е небесноне видениеске;<sup>20</sup> но проповедингиом първо е юдеиенге андо Дамаск, андо Ерусалим тай ки цело Юдейско пув, а после е езичнициенге, те покайвинен пес тай те иринен пес карик о Дел, като вършинен дела съответствена пе покайбнаске.<sup>21</sup> По дайка причина о юдея уловинде ман андо храми тай опитисале те мударен ман.<sup>22</sup> Но е помощяса, която получингиом таро Дел, бешав жи калке диесесте, тай свидетелствинав англал скромнонесте, тай англал високопоставиме, без те хоратинав нишо авер освен давка, ковато о пророкия тай о Мойсей хоратиненас, кай ка ачол<sup>23</sup> а именно, кай о Помазаники ка пострадинел тай кай Ов като възкреснел първо таро муле, ка проповединел светлина е юдейсконе народоске тай е езичнициенге.<sup>24</sup> Като ов чука защитинелас пес, о Фест пищингиас силноне гласоса: Денилилан, Павле; ти бари ученоност анел тут жи денилипнасте.<sup>25</sup> А о Павел пенгяс: Нана денилилом, честити Фесте, но таро зорало разуми пенав истинна думес.<sup>26</sup> Соскето о тагар, колеске хоратинав дързостно, жанел далкеске; понеже синиом убедиме, кай нишо далkestар нанай гаравдо лестар, соскето ов нана ачило десаве кътиесте.<sup>27</sup> Тагара Агрипа, верувинес ли андо пророкия? Жанав, кай верувинес.<sup>28</sup> А о Павел пенгяс: Ка молинавман е Девлеске, било хари думенца мангес те убединес ман те ачовав християни!<sup>29</sup> А о Павел пенгяс: Ка молинавман е Девлеске, било хари думенца, било бутенца, ма само ту, но саворе, колато шунен ман авдиес, те

ачон салка, саво синиом ме, но би калке оковенгоро.<sup>30</sup> Тогава о тагар ухтинило, е управителиеса тай Верникуия, тай о бешле ленца.<sup>31</sup> Тай като оттеглисале ригате, хоратиненас машкар песте, тай пенде: Кавка мануш нана вършинел нищо достойно мерибнаске или оковенге.<sup>32</sup> А о Агрипа пенгяс на Фест: Кавка мануш ацине те мукел пес, ако нана отнесинелас пес жи ко црзари.

## Chapter 27

<sup>1</sup> Тай като сине решиме те отплавинас за Италия, прединиом е Павелес тай десаве авере панлен иеке стотникиеске, ко алав Юлий, таро Августово полки. <sup>2</sup> Тай като качисалам иеке адрамитсконе корабиесте, ковато ка отплавинелас за ко тана покрай о азийско брегос, тръгнингям; тай аменца сине о Аристарх, македонцос таро Солун.<sup>3</sup> Околе диесесте реслам андо Сидон; тай о Юлий икерелас пес човеколюбиво карик о Павел, тай позволингяс леске те жал пе амаленде, за те погрижинен пес леске. <sup>4</sup> Тай отар, като тръгнингям, плавиналас на завет телал о Кипър, соксето о балваля сине противна. <sup>5</sup> Тай като преплавингям о Киликийско тай о Памфилийско морес, реслам андо ликийско гради Мира. <sup>6</sup> Оте о стотники араклас иек Александрийско кораби, ковато плавинелас за Италия, тай качингяс амен лесте. <sup>7</sup> Тай след като плавиналас бавно бут диеса, едват реслам мамуял о Книд, понеже и балвал нана позволинелас аменге те дас оте, тай плавиналас на завет телал о Крит мамуял о нак Салмон. <sup>8</sup> Тай като пренаклам лес мъкаса, реслам иеке танесте, ковато пенел пес Лаче Пристаница, паше жи колесте сине о градос Ласей<sup>9</sup> Но като наклосас пес бут време тай о плавиба сине вече опасно, соксето о пости\* вече наклосас, о Павел съветвинелас лен, тай пенелас ленге: <sup>10</sup> Чавален, дикав, кай о плаване ка овел приджумие повреденца тай бари загуба ма само е товариеске тай е корабиеске, но тай амаре животоске. <sup>11</sup> Но о стотники доверинелас пес по бут е кормчиеске тай е стопаниеске е корабиескоро, отколкото е Павелескере думенде.<sup>12</sup> Тай понеже о пристанице нана сине сгодно за презимуване, по бут изкажинде по мнение те вазден пес отар, за те ресен, ако сине възможно, жи ко Феникс, критско пристанице, ковато дикел карик о югозапад тай северозапад, тай оте те презимувинен. <sup>13</sup> Тай като пудингяс южно балвал, мислиненас, кай сполучинде пи цел, он ваздинде котва тай плавиненас паше жи ко Крит.<sup>14</sup> Но след хари муклас пес таро острови бурно балвал, наречиме евроквилон,<sup>15</sup> тай като о кораби сине настигниме тари балвал, тай мамуял лесте нанащине устоинел, муклас амен ко вълни те пиравен амен. <sup>16</sup> Тай като наклам на завет телал иеке острозвесте, наречиме Клавда, сполучингям мъкаса те запазинас и ладия;<sup>17</sup> тай като икалде ла, употребиненас всекаква средства, тай препасвиненас о кораби телал; тай даранас тена овен тласниме упрали о Сиртис, свининде о платна тай ингаленас пес чука. <sup>18</sup> Тай понеже улам анди бари беда тари бурия, ко следно диес долде те чивен о товари.<sup>19</sup> Тай ко трето диес амаре вастенца чивкям о букя е корабиескере. <sup>20</sup> Тай понеже бут диеса нана дикиолас ни кам, ни звезди, тай и силно бурия напиринелас, ов изчезнингяс всеко надежда те овас спасиме.<sup>21</sup> А палал о дълго гладуване о Павел зачило машкар ленде тай пенгяс: Чавален, пралален, требеше те шунен ман тена тръгнинен тари Крит, за тена постигниел амен кайка повреда тай загуба.<sup>22</sup> Но акана да съветвинав тумен те овен бодра, соксето ни иек душа тумендар нанай те нашалгиол, но само о кораби;<sup>23</sup> соксето ангели таро Дел, Колескоро синиом ме тай Колескесе служинав, зачило жи манде кайка рат тай пенгяс:<sup>24</sup> Ма дара, Павле, ту требва те зачос англал о цезари; тай аке, о Дел подарингяс туке саворен, колато плавинен туса.<sup>25</sup> Далкеске, пралален, овен бодра; соксето верувинав е Девлес, кай ка овел чука, саро уло мангепендо.<sup>26</sup> Обаче аме требва те овас чивте десаве островиесте.<sup>27</sup> А като ачили и читринайсто рат тай аме тласкинаас амен нате-ноте ко Адриатическо морес, около машкар и рат о морякия усетинде, кай приближинен пес жи ки десави суша.<sup>28</sup> Тай като меринде и дълбочина, аракле кай си биш разтегя: тай геле по ноте, тай пак меринде тай аракле, кай си дешупанч разтегя.<sup>29</sup> Далкеске, даранас тена овен чивте ко тана е баренца, мукле штар котвес кари задница тай жаренас те дислол.<sup>30</sup> Тай понеже о морякия възнамериненас те нашен таро кораби, тай ухлавдесас и ладия андо морес телал о предлоги, кай ка мукенас котвес кари и предница,<sup>31</sup> о Павел пенгяс е стотникиеске тай е войникиенте: Ако калка нана ачон андо кораби, туме нанащи избавинен тумен.<sup>32</sup> Тогава о войникия чинде о шеле е ладиякере тай мукле ла те носинел пес таро морес.<sup>33</sup> А ко разсъмване о Павел канинелас саворен те хан, тай пенел: Авдиес си о дешупштар диес сар жарен тай бешен бокале, без те въксинтиен варесо.<sup>34</sup> Далкеске молинав тумен те хан, соксето давка ка помагинел умаре избавлениееске; понеже никаске тумендар бал таро шеро нанай те перел.<sup>35</sup> Тай като пенгяс давка, лилас маро, благодарингяс е Девлеске англал саворенде, пагляс лес тай почнингяс те хал.<sup>36</sup> Далkestар саворе ободрисале тай хале онда.<sup>37</sup> Тай андо кораби улам всичко дуи шел ефтадеш тай шов жене.<sup>38</sup> Тай като нахранисале, облекчинде о кораби, като чивте о житос андо морес.<sup>39</sup> Тай като дислило, он нана пенджарде и пув; обаче забележинде иек заливи песъчивоне брегоса, анде колесте възнамериненас те тласнинен о корабои, ако сине възможно.<sup>40</sup> Тай като откачинде о котвес, мукле лен андо морес, развържинде още о връзкес е кормилонгере, развинде о цикно платно ки посока е балвалакири тай отправисале карик о брегос.<sup>41</sup> Но попаднинде иеке танесте, кате о морес марелас дуие ригендар, тай оте о кораби заседнингяс; и предница забисали тай нана мърдинелас, а и задница лилас те разглобинел пес таро напори е вълненге.<sup>42</sup> Тай о войникия съветвиненас те избинен пес о запреня, тена изплувинел декой тай те нашел.<sup>43</sup> Но о стотники, като мангелас те избавинел е Павелес, спирингяс лен далке намерениестар тай заповедингяс те хърпинен андо морес първо колка, колато жаненас те плувинен, тай те

иклон ко шукипе,<sup>44</sup> а около те спасинен пес кой ко дъски, кой па варесосте таро кораби. Тай чука ачило, кай саворе иклиле безопасно ки суша.

## Chapter 28

<sup>1</sup>Тай като избавингям амен, ахалилам, кай о острови наречинел пес Малта.<sup>2</sup> А о местна жителя покажинде аменге маобикновено човеколюбие; сокето приеминде саворе амен тай понеже делас бришим тай сине шил, накладинде ят.<sup>3</sup> Тай като о Павел натрупингяс иек купос храстия, тай чивкяс лес анди ят, иек островно сап иклило таро татипе тай залеписало лескере вастесте.<sup>4</sup> А о туземция, като дикле сар о сап висинел лескере вастесте, пененас машкар песте: Без съмнение кавка мануш ка овел убийцос, ковато, ако те избавингяс пес таро морес, пак о правосъдие нана мукел лес те живинел.<sup>5</sup> Но ов трескингяс е сапес анди ят на почувствингяс нисаво зло.<sup>6</sup> А он очаквиненас, кай ка отечинел, или внезапно ка перел муло; но като жаренас бут време тай дикенас, кай нана ачол леске нисаво зло, променинде по мнение тай хоратиненас, кай си дел.<sup>7</sup> А около далке танесте араклонас о имения е първенциеске е островиескоро, каскоро алав сине Поплий, ковато приемингяс амен тай гощингяс приятелски трин диес.<sup>8</sup> Тай случисало о Поплиево дад те пашлол насвало трескатар тай от дизентерия; а о Павел диняс паш лесте тай като молисало, положингяс васта лесте тай изцелингяс лес.<sup>9</sup> Като ачило давка, околада таро острови, колато сине лен болестя, авенас тай изцелиненас пес;<sup>10</sup> като покажиненас аменге бут почестя, тай като тръгнингям, товде андо кораби о потребно амаре нужденте.<sup>11</sup> Тай чука, палал о трин масек отплавингям иеке александрийсконе корабиеса, ковато презумувингясас ко острови, тай ковато сине лес знаикиеске о Близнакия\*.<sup>12</sup> Тай като реслам андо Сиракуза, побешлам оте трин диес.<sup>13</sup> Тай отар, като лъкатушинасас, реслам анди Ригия; так палал иек диес, като повеингяс южно балвал, ко второ диес аلام андо Потиоли,<sup>14</sup> кате арааклам прален, колато замолинде амен те бешас ленде ефта диес. Чука аلام андо Рим,<sup>15</sup> катар о прала, като шунде аменге, алесас жи ко Апиево тържище тай жи ко Трин кръчмес те посрещнинен амен; тай о Павел, като диклас лен, благодарингяс е Девлеске тай ободрисало.<sup>16</sup> А като диням андо Рим, о стотници прединяс о запрения е началникиеске е стражакоро\*; а позволисало е Павелеске те живинел отделно е войникиеса, ковато пазинелас лес.<sup>17</sup> Тай палал о трин диес ов свикингяс е по-първонен таро юдея тай като кидисале, пенгяс ленге: Пралален, без те кергиом ме варесо против о народос амаро или против амаре бащиноне обичаиенде, пак таро Ерусалим предине ман панло андо васта е римлияниенге;<sup>18</sup> колато, като изпитинде ман, ка мукенас ман, сокето анде манде нана сине нищо достойно мерибнаксе.<sup>19</sup> Но понеже о юдея възпротивисале далкесте, принудингиоман те отнесинаман жи ко кесари, а ма кай сине ман те обвининав варесосте ме народос.<sup>20</sup> Тай чука, по даика причина викингиом тумен, за те диков тумен тай те хоратинав туменге; сокето ашал далкеске, за колеске о Израил надявинел пес, синиом панло калке веригаса.<sup>21</sup> А он пенде леске: Нито получингиам аме писма таро Юдея за туке, нито ало декой таро прала те известинел аменге или те пенел аменге варесо канило за туке.<sup>22</sup> Но мангас те шунас тутар со мислинес; сокето си аменге известно, кай навсекъде хоратинен против каика секта\*.<sup>23</sup> Тай като определинде леске диес, мнозина лендар але паш лесте оте, кате живинелас; тай от андиавин жи ират ов излагинелас ленге доказателствоненца е Девлескоро тагарипе тай уверинелас лен е Исусеске тай е Мойсеевоне закониеске, тай таро пророкия.<sup>24</sup> Тай иек повервинде давка, ковато хоратинелас, а авер на верувиненас.<sup>25</sup> Тай он, несъгласна машкар песте, лиле те жан песке, след като о Павел пенгяс ленге калка думес: Лачес хоратинелас о Свято Духос чрез о пророк Исаи амаре даденге, като пенгяс:<sup>26</sup> Жа пен народоске: Каненца ка шунен, но нисар нанай те схванинен; тай якенца ка дикен, но нисар нанай те ахалон;<sup>27</sup> сокето затъстингяс о сърцес калке люденгоро, тай о кана ленгере натегнинде ленге, тай пе яка панле, да не би те дикен пе якенца, тай те шунен пе каненца, тай те ахалон пе сърцеса, тай те иринен пес, тай те изцелинав лен.<sup>28</sup> Тай чука, те жанен, кай давка Божие спасение бичалгяс пес е езичнициенге; он ка шунен.<sup>29</sup> Тай като пенгяс давка, о юдея геле песке, препираща се машкар песте.<sup>30</sup> А о Павел побешло цела дуи бреша отделноне кересте под наем, кате приеминелас саворен, колато авенас паш лесте,<sup>31</sup> като проповединелас в Девлескоро тагарипе тай пердо с дързост поучинелас за е Девлеске Иисус Христа, без те забраниел леске никой.

## Romans

## Chapter 1

<sup>1</sup>О Павел, слугас на Иисуса Христа, призвано апостолеске, отделиме те проповединел о благовестие таро Дел (ковато по нангле Ов обещингясас чрез Пе пророкиенде андо свята Писания)<sup>3</sup> за Лескере Чавеске, амаро Дел о Иисус Христос, Ковато ки плът бияндило таро Давидово потомство,<sup>4</sup> а ко Духос на святост уло силаса обявиме сар Божие Чаво чрез о възкресение таро муле о Иисус Христос, амаро Дел; <sup>5</sup> чрез Колесте получингиам благодат тай апостолство те привединас анди послушност карик и вяра ашал Лескере алавеске манушен саворе народиендар; <sup>6</sup> машкар коленде тумеда синиен, призвана таро Иисус Христос;<sup>7</sup> жи саворенде андо Рим, колато си възлюбена таро Дел, призвана те овен светиес: Благодат тай мири те овен туменца таро Дел, амаро Отеци, тай о Дел Иисус Христос.<sup>8</sup> Най-нангле благодавинав мере Девлеске чрез о Иисус Христос за туменге саворенге, сокето тумаре вяраке хоратинел пес ко цело светос. <sup>9</sup>Понеже о Дел, Колеске служинав ме духоса андо благовестие Лескере

Чавескоро, си манге свидетели, кай непрестанно споменинав тумен ме молитвенде,<sup>10</sup> молинавман вингаи, дано е Божие воляса благоуспеинав най-после акана те авав туменде.<sup>11</sup> Соскето копнеинав те дикав тумен, за те предав туменге десави духовно дарба за тумаро утвърждаване,<sup>12</sup> демек, за те утешинел пес машкар туменде, взаимно туменца, чрез и общо вяра, която си тумари, тай мери.<sup>13</sup> Тай мангав, пралален, те жанен, кай бут дром канинавас ман те авав паш туменде, за те овел ман десаво плоди машкар тумендела, карто машкар около народосте; но жи акана улом възпираме.<sup>14</sup> Иси ман дължност карик о гърция тай карик о варваря, карик о учена тай неучена;<sup>15</sup> тай чука, кити зависинел мандар, готово синиом те проповединав о благовестие туменгеда, колато синиен андо Рим.<sup>16</sup> Соскето нана лажав таро благовестие Христово; понеже си Божия сила спасибнаске саворенге, колато верувинен- първо е юдиеиске, а после е езичниеске.<sup>17</sup> Соскето анде лесте откринал пес и правда, която си таро Дел чрез и вяра карик и вяра, карто си пишими: "О праведно чрез и вяра ка живинел".<sup>18</sup> Соскето о Божие гняви откринал пес таро небес против всеконе нечестиесте тай неправда е манушенге, колато икерен и истина анди неправда.<sup>19</sup> Понеже давка, ковато си възможно те жанел пес е Девлеске, ленге си известно, соскето о Дел изявингяс лес ленгте.<sup>20</sup> Понеже таро създание е светоскоро кавка, ковато си невидимо анде Лесте, и вечно сила Лескири тай и Божественост, дикиол ясно, разбирамо чрез о творения; чука че, о мануша ачон без извинение.<sup>21</sup> Соскето, като пенджарде е Девлес, нана прославинде Лес сар Дел, нито благодаринде Леске; но извратинде пес чрез пере мъдруваниенца, тай ленгоро несмислено сърцес помрачисало.<sup>22</sup> Като представинена пес мъдроненге, он глупеиненас<sup>23</sup> тай и слава е безсмъртное Девлескири разменинде мамуял о подобие е образиеско смъртное манушеске, птиценге, четириногенге тай гадиненге.<sup>24</sup> Далкеске, според о страстия ленгере сърценге, о Дел прединяс лен на нечистота, за те обезчестинен пес ленгере телова машкар ленде,<sup>25</sup> он, колато заменинде и истина е Девлескири хохаибнаса тай поклонисале тай служинде е творениеске, а ма е Творециеске, Ковато си благословиме жи ко векос. Амин.<sup>26</sup> Далкеске о Дел прединяс лен лажакере страстиенде, като ленгере ромня изменинде о естествено употребление е телоскоро андо противоестествено.<sup>27</sup> Чука о мруша, като мукле о естествено употребление е женсконе полескоро, разтабиле анди страст иек карик авересте, струвинел безобразие мруш мрушеса, тай приеминенас анде песте о заслужиме въздаяние пере нечестиестар.<sup>28</sup> Тай понеже откажиненас те пенджарен е Девлес, о Дел прединяс лен развратноге гогяке те керен давка, ковато нанай прилично,<sup>29</sup> изпълнена всекаквоне видиеса неправда, нечество, лакомство, омраза; перда завистяса, мудариба, раздоря, измамес тай злоба;<sup>30</sup> клюкаря, клеветникия, богоненавистникия, нахална, горделива, самохвалция, измислителя канилипнаске, непокорна пе родителенге,<sup>31</sup> безразсъдна, вероломна, без семично обич, немилостива;<sup>32</sup> колато, жанен и Божие справедливо присъда, кай калка, колато керен салка букя, заслужинен мериба, ма само керен лен, но одобринен колкен, колато керен лен.

## Chapter 2

<sup>1</sup>Далкеске туда синян без извинение, о, човече, ковато да те овес, като съдинес аверен; соскето анде состе съдинес околос, тут осъдинес; понеже ту, ковато съдинес, керес о също.<sup>2</sup> А жанас, кай о Божие съдос против калкенде, колато керен салка букя, си според и истина.<sup>3</sup> Тай ту, човече, ковато съдинес колкен, колато керен салка букя, мислинес ли, кай ка избегнинес о съдос е Девлескоро, като керес туда о също?<sup>4</sup> Или презиринес Лескири барвали благост, кротост, тай дълготърпение, без те жанес, кай и Божия благост си назначиме те водинел тут карик и покаяние?<sup>5</sup> Но те упорствоса тай те непокаяное сърцеса трупинес тухе гняви за ко диес е гнявиеске, като ка открингиол о праведно съдос таро Дел,<sup>6</sup> Ковато ка въздел саворенге според ленгере дела:<sup>7</sup> вечно животос калкенге, колато постоянствоса андо лаче деловия роден слава, почест, тай безсмъртие;<sup>8</sup> а па гняви тай негодувание колкенге, колато си твърдоглава тай нана покоринен пес е истинаке, а покоринен пес е неправдаке;<sup>9</sup> скръб тай неволя всеконе манушескере душаке, която керел зло, първо е юдиеиске, после е гъркоске,<sup>10</sup> а слава, тай почест, тай мири секаскесе, ковато керел лачипе, първо е юдиеиске, после е гъркоске.<sup>11</sup> Понеже о Дел на дикел ко муй.<sup>12</sup> Соскето калка, колато съгрешинде, без те овел лен закони, би закониеско ка погининен; тай колато съгрешинде телал о закони, телал закониесте ка овен съдиме.<sup>13</sup> Соскето ма о законослушателя си праведна англал о Дел; но о законоизпълнителя ка овен оправдиме.<sup>14</sup> (Понеже, като о езичникия, колато нанай лен закони, по природа керен давка, ковато изисквинел пес таро закони, то без те овел лен закони, он коркоре си закони песке,<sup>15</sup> по давка, кай он покажинен о действие е закониеско пишими ленгере сърценде, за колеске свидетелствинел ленгири съвест, а ленгере помислес или осъдинен лен, или оправдинен лен)<sup>16</sup> кавка ка ачол ко диес, като о Дел чрез Исус Христос ка съдинел о тайна дела е манушенгере, според мере благовестиестие.<sup>17</sup> Но ако ту наречинес тут юдии облегнинес тут е закониеске, хвалинес тут е Девлеса,<sup>18</sup> жанес Лескири воля, тай ахалос о по-лачо, понеже сиклос таро закони,<sup>19</sup> ако паш далкесте синян увериме анде туте, кай синян водители е коренге, светлина калкенге, колато си анди тъмнина,<sup>20</sup> наставники е простоненге, учители е младенциенге, понеже иси тут андо закони олицетворение е знаниеске тай е истинаке,<sup>21</sup> тогава ту, ковато учинес аверес, учинес ли тут? Ту, ковато проповединес тена чорен, чорес ли?<sup>22</sup> Ту, ковато пенес тена прелюбодействинен, прелюбодействинес ли? Ту, ковато гнусинес тут таро идола, светотатствинес ли?<sup>23</sup> Ту, ковато хвалинес тут е закониеса, опозоринес ли е Девлес, като престъпинес о закони?<sup>24</sup> Пучав давка, соскето, според карто си пишими, ашал туменге хулимел пес е Девлескоро алав машкар о езичникия.<sup>25</sup> Понеже о

## Chapter 3

обрязване наистина си полезно, ако изпълнинес о закони; но ако синян престъпници е закониескоро, тогава торо обрязване ачол необрязване.<sup>26</sup>Тай чука, ако о необрязано пазинел о наредбес е закониескере, нанай ли лескоро необрязване те сменинел пес за обрязване?<sup>27</sup>Тай ковка, ковато ачол андо природно състояние необрежиме, но пак изпълнинел о закони, нанай ли те осъдинел тут, ковато иси тут пишими закони тай обрязване, но синян престъпници е закониескоро?<sup>28</sup>Соскето нанай юдеи ковка, ковато ки външност си савка, нито си обрязване ковка, ковато си авруно, анди плът;<sup>29</sup>но юдеи си кавка, ковато си савка андрал; а обрязване си давка, ковато си ко сърцес, ко духос, а ма ки буква; каскири похвала нанай таро мануша, а таро Дел.

## Chapter 3

<sup>1</sup>Тогава, саво предимство си е юдеиес или сави полза иси таро обрязване?<sup>2</sup>Баро, си о предимство андо всеко отношение, но първо, соскето е юдеиенге поверисале о Божествена писания.<sup>3</sup>Понеже, ако десаве сине би вяракоро, со далkestар? Ленгоро безверие ка унищожинел ли и Божия вярност?<sup>4</sup>Да не бъде! Но о Дел нека овел признато вернонеске, а всеко мануш хохавно, според карто си пишими: "За те оправдинес тут ан те думенде тай те побединес, като съдинес тут".<sup>5</sup>Но ако амари неправда изтькинел и Божия правда, со иси те пенас?  
Несправедливо ли си о Дел, като гневинел пес.( Манушканесте хоратинав).<sup>6</sup>Да не бъде! Понеже тогава сар ка съдинел о Дел е светос?<sup>7</sup>Обаче, пенес ту, ако мере невярностяса и Божие вярност ачол по-явно, за Лескере славаке, то соске меда, въпреки давка, те овав осъдиме сар грешники?<sup>8</sup>Тай соске тена керас зло, за те авел лачипе. ?Карто десаве клеветническа твърдинен, кай аме чука хоратинас.) Салженге о осъждане си справедливо.<sup>9</sup>Тогава, со следвинел? Иси ли амен десаво предимство упрат о езиникия? Нисар; соскето вече обвинигям юдеиен, тай гърциен, кай он саворе си телал и безех<sup>10</sup>Карто си пишими: "Нанай праведно ни иек;<sup>11</sup>нанай никой разумно, нанай кой родел е Девлес.<sup>12</sup>Саворе отклонисале, заедно развратисале; нанай кой те керел лачипе, нанай нито иек".<sup>13</sup>Мимори путердо си ленгоро кърло; пе чибенца ласкаинен". "Аспидово отрова иси телал о вуща ленге".<sup>14</sup>Ленгере муха си перда клеветаса тай горест".<sup>15</sup>Ленгере пире сигярен те проливинен рат;<sup>16</sup>опустошение тай разорение иси ленгере дроменде; <sup>17</sup>тай он нана жанен о дром е мириескоро".<sup>18</sup>Англал о яка ленге нанай дар таро Дел".<sup>19</sup>А жanas, кай со пенел о закони, пенел лес колкенге, колато си телал о закони; за те панлон о муха секаскере, тай цело светос те анел пес телал о съдос е Девлеске.<sup>20</sup>Соскето нито иек плът нанай те оправдинел пес англал Лесте чрез деловиенде, изисквиме таро закони, понеже чрез о закони ачол само о пенджариба е безехакоро.<sup>21</sup>А акана независимо таро закони явисали и Божие правда, за колаке свидетелствинен о закони тай о пророкия,<sup>22</sup>демек, и правда таро Дел чрез вяра андо Иисус Христос, за саворенге тай на саворенге, колато верувинен; соскето нанай разлика.<sup>23</sup>Понеже саворе съгрешинде тай нана заслужинен те прославинен пес таро Дел,<sup>24</sup>а Лескере благостиаса оправдинен пес даром чрез о изкупление, ковато си андо Христа Иисуса,<sup>25</sup>Колес о Дел поставингяс за умилостивяване чрез Лескере ратесте посредством вяра. Кавка кер, за те покажинел Пи правда андо оправдаване е безехенге, извършиме по-нангле, като о Дел дълго търпинелас,<sup>26</sup>за те покажинел, пенав Пи правда андо настояще време, тай те пенджарел пес, кай Ов си праведно тай кай оправдинел калкес, ковато верувинел андо Иисус.<sup>27</sup>Тай чука, кате ачол и хвалба? Изключиме си. Чрез саво закони ?Чрез о закони е деловиенге ли? Нака, но чрез о закони е вяракоро.<sup>28</sup>Тай чука, аме заключавинас, кай мануш оправдинел пес чрез и вяра, би е деловиенгоро е закониескоро.<sup>29</sup>Или о Дел си Дел само е юдеиенге, а ма е езичниенге? Ва, е езичникингеда.<sup>30</sup>Понеже о също Дел ка оправдинел е обрежименен чрез и вяра тай о необрежиме чрез вяра.<sup>31</sup>Тогава чрез и вяра аравас ли о закони? Да не бъде! Но утвърдинас о закони.

## Chapter 4

<sup>1</sup>Тай чука, со ка пенас, кай амаро отеци о Авраам придобингяс по плът?<sup>2</sup>Соскето, ако о Авраам оправдисало деловиенца, иси соса те хвалинел пес, само ма англал о Дел.<sup>3</sup>Понеже, со пенел о Писание: "О Авраам повервингяс андо Дел тай давка сменисало лескесе правдаке."<sup>4</sup>А калкеске, ковато керел дела, лескири награда нана считингиол сар благодеяние, а сар дълги;<sup>5</sup>а калкеске, ковато на керел дела, а верувинел анде Колкесте, Ковато оправдинел е нечестивонес, лескири вяра сменинел пес лескесе правдаке.<sup>6</sup>Карто о Давид хоратинел е блаженствоске е манушескоро, каске о Дел сменинел правда независимо таро дела:<sup>7</sup> Блажена колка, каскере беззакония си простираме, каскере безеха си покрита.<sup>8</sup>Блажено ковка мануш, колес о Дел нанай те сменинел безех".<sup>9</sup>Впрочем, давка блаженство само е обрежимене ли си или е необрежимене? Понеже пенас: "Е Авраамеске и вяра смениали правдаке".<sup>10</sup>То сар смениали лескесе? Като сине вече обрежиме ли, или още необрежиме? Ма като сине обрежиме, а необрежиме.<sup>11</sup>Тай ов приемингяс о обрязване сар знаци тай печати е правдаке чрез и вяра, която сине лес, като сине необрежиме, за те овел о отеци саворенге, колато верувинен, макар необрежиме, за те сменинел пес и правда ленгеда,<sup>12</sup>тай отеци колкенге о обрежиме, колато ма само си обрежиме, но пирен андо стълкес колке вяраке, която амаро отеци о Авраам исине лес, като сине необрежиме.<sup>13</sup>Понеже обещание карик о Авраам или карик о потомство лескесе, кай ка овел наследници е светоске, нана диняс пес чрез о закони, а чрез о оправдаване посредством и вяра.<sup>14</sup>Соскето ако си наследниция калка, колато облегнинен пес ко закони, то и вяра си чучи тай о обещание -осуетено;<sup>15</sup>понеже о закони анел ма обещание, а гняв; но кате нанай закони, оте нанай престъпление.<sup>16</sup>Далкеске о наследство си тари вяра, за те овел по благодат,

## Chapter 5

чука че о обещание те овел осигуриме саворе потомствоске, ма само калкеске, ковато облегнинел пес ко закони, но за колкескеда, ковато си тари вяра е Авраамеске, ковато си отеци саворенге аменгте<sup>17</sup>(сарто си пишими: "Кергиом тут отеци буте народоске") англал о Дел, Колесте повервингян, Ковато съживинел е мулен; тай викинел андо действително съществува боядиска, ковато нана съществувинел.<sup>18</sup>О Авраам надявинел пес, без те овел причина за надежда, повервингяс, за те ачол отеци буте народоске, според о пендо: "Дики ка овел торо потомство".<sup>19</sup>Без те отслабнинел анди вяра, ов делас пес сметка, кай лескоро телос си вече замъртвиме, понеже сине на около шел бреша, сарто сине замъртвиме е Саракири утроба,<sup>20</sup>обаче относно е Девлеско обещание нана усъмнисало чрез неверие, а закреписало анди вяра, тай отдиняс слава е Девлеске,<sup>21</sup>увериме, кай давка, ковато о Дел обещингяс, Ов си силно те изпълнил лес.<sup>22</sup>Далкеске сменисало леске правдаке.<sup>23</sup>Давка па, кай сменисало леске правдаке, нана пишисало само леске,<sup>24</sup>но аменгеда, коленге ка сменинел пес правдаке, като верувиас анде Калкесте, Ковато възкресингяс таро муле е Иисусес, амаро Дел,<sup>25</sup>Ковато сине предиме амаре прегрешениенте тай сине възкресиме амаре оправданиеске.

## Chapter 5

<sup>1</sup>Тай чука, оправдана чрез и вяра, иси амен мири е Девлеса чрез амаро Дел о Иисус Христос,<sup>2</sup>посредством Колес аме чрез и вяра придобингям амаро входи анде далке благодатете, анде колате бешас, тай лошанас ашал и надежда е Божие славаке.<sup>3</sup>Тай ма само давка, но нека хвалинас амен андо скърбес амаре, като жанас, кай и скръб произведенел твърдост,<sup>4</sup>а и твърдост - изпитано правда, а и изпитано правда - надежда.<sup>5</sup>А и надежда нана лажавкярел, сокето е Девлескири любов си изляно анде амаре сърцеденде чрез о дадено амаро Свято Духос.<sup>6</sup>Понеже като аме улам още немощна, андо определено време о Христос муло е нечестивоненге.<sup>7</sup>Сокето едва ли ка араклол декой те мерел даже праведно манушеске (при все кай си възможно те дръзниел декой те мерел е благонеске).<sup>8</sup>Но о Дел покажинел Пери любов карик аменде анде далкесте, кай като улам още грешникия, о Христос муло аменгте.<sup>9</sup>Тай акана, като оправдисалам чрез Лескере ратесте, бут повече ка избавинас амен таро Божие гняви чрез Лесте.<sup>10</sup>Сокето ако като улам неприятеля е Девлеса, улам примириме Леса чрез о мериба Лескере Чавеско, кити по бут акана, като синям примириме Леса, ка избавинас амен чрез Лескере живоосте!<sup>11</sup>Тай ма само давка, но хвалинас амен андо Дел чрез амаре Девлесте о Иисус Христос, чрез Колесте получингяма акана давка примирение.<sup>12</sup>Далкеске, сарто чрез иеке манушесте и безех диняс андо светос тай чрез и безех о мериба, тай по давка начини о мериба накло анде саворе манушенде, понеже саворе съгрешинде.<sup>13</sup>Сокето англал о закони и безех сине андо светос безех обаче нана сменинел пес, като нанай закони.<sup>14</sup>При все давка таро Адам жи ко Мойсей о мериба царувинел упран колкенеда, колато нана съгрешиндесас според о престъпление е Адамеско, ковато си образи е Бъдешеске.<sup>15</sup>Но о дари нанай савка, саво сине о прегрешение; сокето, ако ашал о прегрешение иекеско мулозина, то кити по бут е Девлескири благодат тай о дари, ало чрез и благодат е Иеке манушеско, о Иисус Христос, преумножисало е мнозиненге!<sup>16</sup>Тай чука, о дари нанай сар о осъждане ашал о съгрешение иекеско; сокето о съдба сине тари иек безех за осъдибнасче, а о дари - буте прегрешениандар за оправдивнасче.<sup>17</sup>Сокето, ако чрез о прегрешение иекеско о мериба царувинел чрез далке иекесте, то кити по бут калка, колато получинен о изобилие е благодатакоро тай о дари е оправданиеско, ка царувинен андо животос чрез о Иек, Иисус Христос.<sup>18</sup>Тай чука, сарто чрез иек прегрешение ало о осъждане саворе манушенге, чука чрез иек праведно делос ало саворе манушенге о оправдание, ковато анел животос.<sup>19</sup>Сокето, сарто чрез о непослушание е иеке манушеско ачиле грешна о мнозина, чука чрез о послушание е Иекеско о мнозина ка ачон праведна.<sup>20</sup>А упран далкесте ало о закони, тай умножисало о прегрешение; а като умножисали и безех, преумножисали и благодат;<sup>21</sup>чука че, сарто и безех царувинел тай ангяс мериба, чука те царувинел и благодат чрез и правда тай те анел вечно животос чрез о Иисус Христос, амаро Дел.

## Chapter 6

<sup>1</sup>Тогава со? Те пенали ли: Нека ачовас анди безех, за те умножингиол и благодат?<sup>2</sup>Да не бъде! Аме, колато мулам е безехаке, сар ка живинас вече анде лате?<sup>3</sup>Или на жанен, кай аме саворе, колато кръстисалим андо Иисус Христос, кръстисалим андо мериба Леске?<sup>4</sup>Далкеске чрез о кръщение аме паронгям амен Леса андо мериба, тай, като о Христос сине възкресиме таро муле чрез и слава е Отцаске, чука амеда те пираш андо нево животос.<sup>5</sup>Сокето ако съединисалим Леса чрез о мериба, подобно сар Леско, ка съедининас амен чрез о възкресение, подобно сар Леско;<sup>6</sup>Като жанас давка, кай амаро пуррано естество уло разпните Леса, за те унищожингиол о телос е безехакоро, тай тена робувиас вече е безехаке.<sup>7</sup>Сокето, ковато муло е безехаке, ов си оправдиме таро искания леске.<sup>8</sup>Но ако мулам с Христа, верувиас, кай ка живинасда Леса,<sup>9</sup>като жанас, кай о Христос, като уло възкресиме таро муле, на мерел вече; о мериба нанай лес власт упран Лесте.<sup>10</sup>Сокето, о мериба, колеса муло, леса Ов муло е безехаке иеквар завинаги; а о животос, ковато живинел, живинел лес е Девлеске.<sup>11</sup>Чука тумеда считинен тумен муле е безехаке, а живде е Девлеске андо Христа Иисуса.<sup>12</sup>Тай чука, тена царувинел и безех анде тумаре смъртно телосте, тай те покоринен тумен лескере страстиенде.<sup>13</sup>Нито представинен тумаре телесна частя сар оръдия е неправдаке; но представинен тумен е Девлеске сар оживяла таро муле, тай тумаре телесна

## Chapter 7

частя е Девлеске сар оръдия е правдаке.<sup>14</sup> Соскето и безех нанай те владеинел тумен, понеже на синиен телал о закони, а телал и благодат.<sup>15</sup> Тогава со? Те грешинас ли, соскето на синям телал о закони, а телал и благодат? Да не бъде!<sup>16</sup> Нана жанен ли, кай каске преден тумен сар послушна слуги, слуги синиен колкеске, колеске покоринен тумен- било е безехаке, която анел мериба, или е послушниеске, ковато анел правда?<sup>17</sup> Но благодарение е Девлеске, туме, като улен слуги е безехаке, покорисален таро сърцес колке видиеске учение, анде колесте улен обучиме,<sup>18</sup> тай освободиме тари безех, ачилен слуги е правдаке.<sup>19</sup> (По манушканесте хоратинав ашал и немощ тумаре естествоске.) Тай чука, карто преденас тумаре телесна частя сар слуги е нечистотаке тай е беззакониеске, ковато анел още беззаконие, чука акана преден тумаре частия сар слуги е правдаке, която анел святост.<sup>20</sup> Соскето, като улен слуги е безехаке, нана улен обуздаиме тари правда.<sup>21</sup> Саво плоди сине тумен тогава колке букиендар? Букя, за коленге акана лажан, соскето ленгоро крайос си мериба.<sup>22</sup> Но акана, като освободисален тари безех тай ачилен слуги е Девлеске, иси тумен плодиеске кавка, кай жан карик и святост, колаке о крайос си вечно животос.<sup>23</sup> Соскето и заплата е безехакири си мериба; а о Божие дари си вечно животос андо Христа Иисуса, амаро Дел.

## Chapter 7

<sup>1</sup>Или нана жанен, пралален ( соскето хоратинав манушенге, колато жанен со си закони), кай о закони владеинел упрали о мануш само жи кай ов си живдо?<sup>2</sup> Соскето прандеме ромни си свържиме чрез о закони за ко ром, жи кай си живдо; но като о ром мерел, ой освободинел пес далке закониестар.<sup>3</sup> Тай чука, ако паш ко животос пе ромеске ой пранденел авереске ромеске, ачол блудница; но ако мерел лакоро ром, свободно си далке закониестар тай нана ачол блудница, ако пранденел авере ромеске.<sup>4</sup> Тай чука, пралален мере, тумеда мулен спрямо о закони чрез о Христово телос, за те свържинен тумен Авереса, е Възкръсименеса таро муле, за те принесинас плоди е Девлеске.<sup>5</sup> Соскето, като улам плътска, о греховна страстия, колато възбудиненас пес чрез о закони, действиненас анде амаре телесноне частиенде, за те принесинас плоди, ковато анел мериба;<sup>6</sup> но акана, като мулям за далкеске, ковато икерелас амен, освободисалам таро закони; чука че аме служинас неве духосте, а ма по пурани буква.<sup>7</sup> Тогава со? Тен пенас ли, кай о закони си безех? Да не бъде! Но напротив, нанай те пенджарав и безех освен чрез о закони, соскето нанай те пенджарав, кай о пожелание си безех, ако о закони нана пенелас: "Ма пожелавине".<sup>8</sup> Но и безех, понеже лилас поводи тари заповед, произведингяс анде манде секакво пожелание; соскето би е закониеско и безех си мули.<sup>9</sup> Меда улом живдо декана би закониеско, но като али и заповед, и безех оживингяс, а па ме мулом:<sup>10</sup> тай араклом, кай и самото заповед, която ули назначиме те анел животос, ангяс манг мериба.<sup>11</sup> Соскето и безех, като лилас поводи тари заповед, измамингяс ман тай мударгяс ман чрез лате.<sup>12</sup> Чука че о закони си свято тай и заповед - свято, праведно тай лачи.<sup>13</sup> Тогава, кавка ли, ковато си лачо, ачило мериба манг? Да не бъде! Но и безех причининел манг мериба чрез давка лачо варесо, за те покажинел пес, кай си безех, чука че чрез и заповед и безех те ачол бут грешно.<sup>14</sup> Соскето жанас, кай о закони си духовно; а па ме синиом тари плът, бикиndo телал и безех.<sup>15</sup> Соскето нана жанав со те керав; понеже нана керав давка, ковато мангав, но ковка, ковато мразинав, лес керав.<sup>16</sup> Обаче, ако керав кавка, ковато нана мангав, съгласно синиом е закониеса, кай си лачо.<sup>17</sup> Далкеске ма ме акана керав давка, но и безех, която живинел анде манде.

<sup>18</sup> Соскето жанав, кай анде манде, демек анди плът мери, нана живинел лачо; понеже желание лачипнаске иси ман; но ма сила те керав лес.<sup>19</sup> Соскето нана керав о лачипе, ковато мангав; а о зло, ковато нана мангав, лес керав.

<sup>20</sup> Но ако керав давка, ковато нана мангав, то вече нана керав лес ме, а и безех, която живинел анде манде.<sup>21</sup> Тай чука, аракав анде манде кавка закони, кай паш манде, като мангав те керав лачипе, о зло си паше.<sup>22</sup> Соскето, кити ме андруне естествоске, ме насладинаман андо Божие закони;<sup>23</sup> но анде ме телесноне частиенде дикав различно закони, ковато воювинел против о закони ме гогякоро тай заробинел ман телал о греховно закони, ковато си ан ме частиенде.<sup>24</sup> Окаяно ме мануш! Кой ка избавинел ман далке телостар е мерибнаскоро?<sup>25</sup> Благодаринав е Девлеске! Иси избавление чрез о Иисус Христос, амаро Дел. Тай чука, коркоро ме гогяса служинав е Девлескере закониеса, а е плътяса- е греховнонне закониеске.

## Chapter 8

<sup>1</sup> Тай чука, акана нанай нисаво осъждане калкенге, колато си андо Христа Иисуса, колато пирен ма по плът, а по Дух.<sup>2</sup> Соскето о закони е живототворящоне Духоско освободингяс ман андо Христа Иисуса таро закони е безехаке тай е мерибнаскре.<sup>3</sup> Понеже кавка, ковато сине невъзможно е закониеске, ашал далкеске, кай отслабнингяс чрез и плът, о Дел кергяс лес, като бичалгяс Пе Чавес анди плът, подобно ки греховно плът тай анди жертва безехаке, тай осъдингяс и безех анди плът,<sup>4</sup> за те изпълнингион о изисквания е закониескере анде аменде, колато пирас ма ки плът, а ко Духос.<sup>5</sup> Соскето калка, колато си плътска, копнейинен е плътсконеске; а калка, колато си духовна - е духовнонеске.<sup>6</sup> Понеже о плътско копнежи значинел мериба, а о копнежи е Духоско значинел животос тай мири.<sup>7</sup> Соскето о плътско копнежи си враждебно е Девлеске, понеже нана покоринел пес е Девлескере закониеске, нито па ащи;<sup>8</sup> тай калка, колато си плътска, нанащи угодинен е Девлеске.<sup>9</sup> Туме, обаче, нана синиен плътска, а духовна, ако живинел анде туменде е Девлескоро Духос. Но ако декас нанай о Христово Духос, ов нанай Лескоро.<sup>10</sup> Обаче ако о Христос си анде туменде, о телос си муло ашал и

безех, но о духос си живдо ашал и правда.<sup>11</sup>Тай ако живинел анде туменде о Духос Калкескоро, Ковато възкресингяс е Иисусес таро муле, то о Също, Ковато възкресингяс Христа Иисуса таро муле, ка съживинел тумаре муле теловя чрез Пе Духосте, Ковато обитавинел анде туменде.<sup>12</sup>Тай чука, пралален, амен иси длъжност, обаче ма карик и плът, тай те живинас плътски.<sup>13</sup>Сокето, ако живинен плътски, ка мерен; но ако чрез о Духос умъртвинен о телесна действия, ка живинен.<sup>14</sup>Понеже, колато управлинен пес е Девлеске таро Духос, он си Божия чаве.<sup>15</sup>Сокето нана приемингиен духос робствоске, тай пале те живинен дараса, но приемингиен Духос на осинование, чрез Колесте пицинас: Авва, Отче!<sup>16</sup>Чука о самото Духос свидетелствинел заедно амаре духоса, кай синям Божия чада.<sup>17</sup>Тай ако синям чада, то синям наследники- наследники е Девлеске, а сънаследники с Христа; тай ако страдинас Леса, те прославинасда амен заедно Леса.<sup>18</sup>Понеже сметниав, кай акана о временна страдания нана заслужинен те сравниен пес е славаса, която ка откринал пес анде аменде.<sup>19</sup>Сокето о създание нетърпениеса очаквинел о откриване амаро сар Божия чаве.<sup>20</sup>Понеже о създание уло подчинено ки немощ ма своеолно, но чрез Калкесте, Ковато подчинингяс лес,<sup>21</sup>надеждаса, кай коркоро о създание ка освободингиол таро робство е тлениеско тай ка пренакел ки славно свобода е Божие чадовиенге.<sup>22</sup>Понеже жанас, кай о цело създание въздишинел тай мъчинел пес жи акана.<sup>23</sup>Тай ма само ов, но амеда, колато иси амен о Духос андо начатък, тай коркоро аме въздишинас анде аменде тай очаквинас о осинование амаро, демек о изкупване амаре телоске.<sup>24</sup>Сокето далке надеждаса аме спасисалам ; а и надежда, като дикиол изпълниме, нанай вече надежда; сокето кой ка надявинел пес калкеске, ковато дикел?<sup>25</sup>Но, ако надявинас амен колкеске, ковато нана дикас, тогава търпениеса жарас лес.<sup>26</sup>Чука също о Духос помагинел аменгеге ан амаре немощите- понеже нана жанас те молинас амен сар требе; но о самото Духос ходатайствинел анде амаре неизговоряма стенания;<sup>27</sup>а Кавка, Ковато изпитвинел о сърца, жанел сави си и годи е Духоскири, сокето Ов ходатайствинел е светиенге ки Божие воля.<sup>28</sup>Но жанас, кай всичко съдействинел лачипнаске калкенге, колато дехен е Девлес, колато си призвана според Лескоро намерение.<sup>29</sup>Сокето ковато предузнингяс, лен тай предопределингиас те овен съобразна е образиеса Лескере Чавеско, за те овел Ов първородно машкар буте праленде;<sup>30</sup>а ковато предопределингиас, лен тай призовингяс; а ковато призовингяс, лен тай оправдингиас; а ковато оправдингиас, лен тай прославингяс.<sup>31</sup>Тай чука, со те пенас далкеске? Ако о Дел си карик аменде, кай ка овел против аменде?<sup>32</sup>Ковка, Ковато нана жалингиас Пере Чавес, но прединяс Лес аменгеге саворенге, сар нанай те подаринел аменгеге заедно Леса всичко?<sup>33</sup>Кой ка обвининел е Девлескере избраникиен? О Дел ли, Ковато оправдинел лен?<sup>34</sup>Кова си ковка, ковато ка осъдинел лен? О Христос Иисус ли, Ковато муло, но още уло възкресиме таро муле, Ковато си тари десно риг е Девлеске, тай Ковато ходатайствинел аменгеге?<sup>35</sup>Кой ка отльчинел амен тари Христово любов? И скръб ли, или о утеснение, о гонение или бок, и голота, и беда или о мечи?<sup>36</sup>Сокето, сарто си пишиме: " Мударде синям ашал Туке цело диес; считиме синям сар овце за клане".<sup>37</sup>Нака; анде всичконасте далкесте ачовас по бут таро победителя чрез Калкесте, Ковато възлюбингяс амен.<sup>38</sup>Понеже синиом увериме, кай нито мериба, нито животос, нито ангела, нито властя, нито о настояще, нито о бъдеще, нито и сила,<sup>39</sup>нито учипе, нито дълбочина, нито ковато да те овел създание ка ащи отльчинел амен тари Божие любов, която си андо Христа Иисуса, амаро Дел.

## Chapter 9

<sup>1</sup>Пенав и истина андо Христа, нана хохавав, тай ми съвест свидетелствинел манца андо Свято Духос, <sup>2</sup>кай иси ман бари скръб тай непрестанно мъка ан ме сърцесте.<sup>3</sup>Сокето мангав коркоро ме те овав отльчиме таро Христа ашал мере праленге, мере ки плът ендания, <sup>4</sup>колато си израилания, коленге принадлежинел о осинование тай и слава, о завети тай о даване е закониеско, о богослужение тай о обещания, <sup>5</sup>каскере си о отцидес , тай колендар бияндило ки плът о Христос, Ковато си упраз саворенде Дел, благословиме жи ко векос. Амин.<sup>6</sup>Обаче давка нана значинел, кай пропело о Божие слово. Сокето ма саворе колато проиклон таро Израил си Израил, <sup>7</sup>нито си саворе чада, понеже си Абраамово потомство; но " андо Исаак" пенгяс о Дел: " ка наименувинел пес торо потомство."<sup>8</sup>Значи, ма о чада, биянде ки плът, си Божия чада; но о чада, биянде според о обещание, считинен пес потомствоске. <sup>9</sup>Сокето давка уло варесо обещиме, понеже пенгяс: " Ка авав по давка време, тай е Сара ка овел чаво".<sup>10</sup>Тай ма само давка, но като и Ревека заченингиас иекестар- амаре отециестар о Исаак, <sup>11</sup>макар кай о близнакия нана уле още биянде тай нана кердесас още варесо лачо или канило, ов, за те почивинел о Божие ко избори намерение, ма ко деловя, но Колкеске, Ковато призовинел,<sup>12</sup>пенгяс пес лаке: " О по-баро ка слугувинел е по-цикнеске"; <sup>13</sup>сарто си пишиме: " Е Яковес възлюбингиом, а е Иисавес намразингиом."<sup>14</sup>Тай чука, со? Те пенас ли, кай иси неправда андо Дел? Да не бъде!<sup>15</sup>Сокето пенел е Мойсейеске: " Ка покажинав милост, карик касте ка покажинав, тай ка покажинав, кас ка покажинав." <sup>16</sup>Тай чука, нана зависинел калкестар, ковато мангел, нито калкестар, ковато прастал, а таро Дел, Ковато покажинел милост.<sup>17</sup>Сокето о Писание пенел е Фараониеске: " Именно далкеске ваздингиом тут, за те покажинав анде тут Ми сила тай те шуниол Мо алав ко цело светос".<sup>18</sup>Тай чука, карик касте мангел , Ов покажинел милост, тай кас мангел- закоравинел.<sup>19</sup>Далкесте ту ка пенес: А соске още обвининел? Кой ащи противстоинел ки воля Леске?<sup>20</sup>Но, о, човече, ту кова синян, кай отговоринес против о Дел? О кердо варесо ка пенел ли колкеске, ковато кергяс лес: Соке чука кергян ман?<sup>21</sup>Или е грънчарис нанай власт упраз и глина, частяся тари също буза те керел съдос за почит, а авере частяся - съдос за непочтеноне употребаке?<sup>22</sup>Тай со ка пенас, ако о Дел при все, кай манглас те покажинел По гневи тай те

## Chapter 10

изявинел Pi сила, пак понасинелас баре дълготърпениеса о съдовя, предметя Pe гневиеске, приготвиме за погубване,<sup>23</sup> тай търпингяс, за те изявинел о барвалипе Pe славакоро упрад о съдовя, предметя Pe милостяке, колато приготвингяс отанглал за славаке -<sup>24</sup> упрад аменде, колен призовингяс, ма само машкар о юдея, но машкар о езичниция?<sup>25</sup> Сарто анди Осия пенел: " Ка наречинав Моро народос колкен, колато нана уле Моро народос, тай възлюбенона- колка, която нана сине възлюбено".<sup>26</sup>" Тай ко също тан, кате пенел пес ленгте: " Нана синиен Моро народос, оте ка наречинен пес чада е живде Девлеске".<sup>27</sup> А Исаи пищинел е Израилеске: " Ако те овел о число е израиленгоро сар и морско поши, само остатъки лендар ка спасинел пес;<sup>28</sup> соскето о Дел ка изпълнинел ки пув о пендо ки правда Лестар", като извършинел лес тай свършинел сиго .<sup>29</sup> Тай сарто о Исаи пенгяс ко по-предишно тан: " Ако о Дел е силенгоро нана мукелас аменге потомство, сар о Содом ка ачовас тай на Гомор ка оприличинас амен".<sup>30</sup> Тай чука, со те пенас? Давка, кай о езичниция, колато нана роденаас правда, получинде правда, тай то правда, която си чрез вяра; <sup>31</sup> а о Израил, ковато роделас закони за те придобинел правда, нана ресло жи салке закониесте.<sup>32</sup> Соске? Далкеске, кай нана родел лес чрез и вяра, а десар си чрез о дела. Он препънисале ко Бар, за препъване;<sup>33</sup> сарто си пишиме: " Аке, положинав андо Сион бар, анде колесте те препънинен пес, тай канара, анде колате те съблазнинен пес; тай ковато верувинел анде Лесте, нанай те лажавкярел пес".

## Chapter 10

<sup>1</sup> Правален, моро сърдечно желание тай ми молба карик о Дел си за о спасение е Израилеско. <sup>2</sup> Соскето свидетелствинав за ленге, кай лен иси ревност за е Девлеске, само че нанай според о пердо знание. <sup>3</sup> Понеже, сарто нана жанен и правда, която си таро Дел, тай мангтен те поставинен пери, он нана покорисале е правдаке таро Дел. <sup>4</sup> Понеже о Христос изпълнинел и цел е закониескири, те оправдинел пес секой, ковато верувинел. <sup>5</sup> Соскето о Мойсей пищинел, кай о мануш, ковато керел и правда, която си чрез о пазиба е закониеско, ка живинел чрез лате. <sup>6</sup> А и правда, която си чрез вяра, хоратинел чука: " Тена пенес ан те сърцесте: Кой ка възкачинел пес ко небес, демек, те ухлавел Христа? <sup>7</sup> или : Кой ка ухлевел анди бездна, демек, те икалел Христа таро муле?" <sup>8</sup> Но со пенел ой? Пенел, кай, " о словос си паше жи туте, анде те мосте тай ан те сърцесте", демек, о слово е вяракоро, ковато проповединас. <sup>9</sup> Соскето ако изповединес те моса, кай о Иисус си Дел, тай повервинес те сърцеса, кай о Дел възкресингяс Лес таро муле, ка спасинес тут. <sup>10</sup> Соскето сърцеса о мануш верувинел тай оправдинел пес, тай моса керел изповед тай спасинел пес. <sup>11</sup> Соскето о Писание пенел: " Никой, ковато верувинел анде Лесте, нанай те посранинъол". <sup>12</sup> Понеже нанай разлика машкар юдеисте тай гръкосте, соскето о също Дел си Дел саворенге, барвало карик саворенде, колато призовинен Лес. <sup>13</sup> Соскето, " секой, ковато призовинел е Девлеско алав, ка спасинел пес".<sup>14</sup> Но, сар ка призовинен Калкес, анде Колесте нана повервинде? Тай сар ка повервинен анде Калкесте, за Колеске нана шунде? А сар ка шунен би проповедникиеско? <sup>15</sup> Тай сар ка проповединен, ако нанай бичалде? Сарто си пишиме: " Кити си прекрасна о пире калкенгере, колато благовестинен о лачипе!".<sup>16</sup> Но ма саворе шунде о благовестие; соскето о Исаи пенел: " Господи, кова амендар повервинес колкесте, ковато шунгиям"? <sup>17</sup> Тай чука, о верувиба си таро шуниба, а о шуниба - таро Христово словос.<sup>18</sup> Но пенав: Он нана шунде ли? Наистина шунде: " Ки цело пув иклило ленгоро гласос, тай ленгере думес-жико краища е вселенаке".<sup>19</sup> Но пак пенав: О Израил нана ахалило ли? Ахалило, соскето първо о Мойсей пенел: " Ме ка раздразнинав тумен жи ко ревнувиба калкенца, колато нанай народос; несмисленоне народоса ка разгневинав тумен".<sup>20</sup> А о Исаи смело те пенел: " Аракло улом колкендар, колато нана роденаас Ман; явно ачилом колкенге, колато на пученас Манге";<sup>21</sup> а е Израилеске пенел: " Простиринавас Me васта цело диес карик народосте непокорно тай упорито".

## Chapter 11

<sup>1</sup> Тай чука, пенав: Отхвърлингяс ли о Дел Пере народос? Да не бъде! Соскето меда синиом израиляни, таро Авраамово потомство, таро Вениаминово племес. <sup>2</sup> Нана отхвърлингяс о Дел Pe народос, колес предузнанингяс. Или нана жанен со пенел о Писание е Илияске - сар пищинел карик о Дел против о Израил, тай пенел:<sup>3</sup> Господи, избинде Те пророкиен, разкопаинде Те олтаря тай ме ачилом коркоро; но морода животос мангтен те лен".<sup>4</sup> Но со пенел леске о Божествено отговори? " -Муклом Манге ефта хиляда мрушен, колато нана преклонинде кочя англал о Баал".<sup>5</sup> Чука андо акана о времес иси остатъки, избириме по благодат.<sup>6</sup> Но ако си по благодат, нанай вече ко деловя, иначе и благодат нанай вече благодат ако си ко дела, нанай вече благодат, иначе о делос нанай вече делос. <sup>7</sup> Тогава со? Ковка, ковато о Израил роделас, давка на получинде лес, а около закорависале, даже жи авдies; <sup>8</sup> сарто си пишиме: : О Дел диняс лен духос на безчувствие, яка - тена дикен, тай канана - тена шунен".<sup>9</sup> Тай о Давид пенгяс: " Ленгири софра нека ачол ленге примка тай уловка, съблазан тай въздаяние; <sup>10</sup> Те помрачинен пес ленгере яка, тай тена дикен, тай сгърбингяс ленгоро думо завинаги".<sup>11</sup> Тогава пенав: Спънисале ли, тай те перен? Да не бъде! Но чрез ленгоро отклонение ало спасение е езичнициенге, за те подбудинел лен карик и ревност. <sup>12</sup> А ако ленгоро отклонение значинел барвалипе е светоске, тай ленгоро отпадане - барвалипе е езичнициенге, кити по бут - ленгоро пердо възстановяване!<sup>13</sup> Соскето аменге, колато улам езичниция, пенав, кай доколкото синиом апостоли е езичнициенге, ме славинав мери служба,<sup>14</sup> тай дано по

## Chapter 12

десаво начини подбудинав карик и ревност калкен, колато си мери пълт, тай те спасинав декас лендар.<sup>15</sup> Соскето, ако ленгоро отхвърляне значинел помирение е светоске, саво ка овел ленгоро приемане, ако ма оживяване таро мул?<sup>16</sup> А ако о първо таро тесто си свято, ов о цело месиба си свято; тай ако о корени си свято, ов о клоняда си свята.<sup>17</sup> Но, ако десаве клоня уле чинде тай ту, те овес диво маслина, улан присадиме машкар ленде, тай ачилан съучастници ленца андо корени тай анди тълстина е маслинаке,<sup>18</sup> ма хвалине тут англал о клоня; а ако хвалинес тут, жан , кай ма ту икерес о корени, а о корени - тут.<sup>19</sup> Но ка пенес: Чиндиле о клоня, за те присадинаман ме.<sup>20</sup> Лачес, ашал о неверие он чиндиле, а ту ашал и вяра бешес. Ма високоумствине, но дара.<sup>21</sup> Соскето, ако о Дел ако нана пощадинел о естествена клоня, тутда нанай те пощадинел.<sup>22</sup> Дик и благост тай и строгост е Девлескири; строгост карик о отпеле, а Божествено благост карик туте, ако ачос анди даика благост; иначе туда ка овес отсечиме.<sup>23</sup> Чука онда, ако нана ачон андо неверие, ка присадинен пес; соскето о Дел ачи пак присадинел лен.<sup>24</sup> Понеже, ако ту улан отсечиме тари маслина, ко естество диво, тай, против о естество, улан присадиме питомноне маслинате, то кити по бут колка, колато си естествена клоня, ка присадинен пес пере маслинате!<sup>25</sup> Соскето, пралален, за тена мислинен тумен мъдра, мангав те жанен кайка тайна, кай частично закоравяване сполетингяс е Израелес, само жи кай дел пердо число е езичниенге.<sup>26</sup> Тай чука о цело Израил ка спасинел пес, сарто си пишиме: " Избавители ка авел таро Сион; Ов ка отвърниел о нечестие таро Яков;<sup>27</sup> тай аке о завети Мандар карик ленде, като ка отнеминав о безеха ленгере".<sup>28</sup> Кити за о благовестие, он си неприятеля, ковато си тумаре ползаке, а кити за е избориеске, он си възлюбена ашал е даденге.<sup>29</sup> Соскето о даровя тай о призвание таро Дел си неотнемана.<sup>30</sup> Соскето, сарто туме декана нана покориненас тумен е Девлеске, но акана чрез ленгере непокорствостар придобингиен милост,<sup>31</sup> също чука он акана нана покоринен пес , тай чрез и покажиме карик туменде милост онда акана те придобинен милост.<sup>32</sup> Соскето о Дел панлияс саворен андо непокорство, тай карик саворенде те покажинел милост.<sup>33</sup> О, кити си дълбоко о барвалипе е премъдростиакор тай о знание е Девлескоро! Кити си непостижима Лескере закония тай неизследима Лескере дрома!<sup>34</sup> Соскето: " Кой пенджаргяс и годи е Девлескири, или, кой уло Леске съветники?"<sup>35</sup> или: " Кой таро по-нангле диняс Лес варесо, тай Ов те отплатинел пес леске?"<sup>36</sup> Соскето всичко си Лестар, чрез Лесте тай за Леске, Леске те овел слава жи ко векос. Амин.

## Chapter 12

<sup>1</sup>Тай чука, молинав тумен, пралален, ашал и Божие милост, те представинен тумаре теловя анди жертва живди, свято, благоугодно е Девлеске, сар тумаро духовно служение. <sup>2</sup>Тай ма съобразинен тумен калке векоса, но преобразинен тумен чрез о обновяване те гогяке, за те пенджарен таро опити сави си и Божие воля - кавка, ковато си лачо, благоугодно Леске тай съвършено.<sup>3</sup> Соскето чрез и дадено манге благодат пенав секоне иекеске машкар туменде, ковато си по-видно, тена мислинел песке по-учипнасте, отколкото требе те мислинел, но те разсъждинел чука, кай те мислинел скромно, според о дела е вяраке, колато о Дел секаске разпределингяс.

<sup>4</sup>Соскето, сарто иси амен бут частя иеке телосте, а ма саворе частя иси лен и също служба,<sup>5</sup> чука амеда о мнозина синям иек телос андо Христа, а синям частя, секой амандар, иек авереске.<sup>6</sup> Тай понеже иси амен дарбес, колато различинен пес според и дадено амари благодат, ов ако иси амен пророчество, нека пророкувинас съразмерно е вяраса; <sup>7</sup> ако ли служение, нека прилежинас андо служени; ако декой поучинел, нека прилежинел андо поучаване; <sup>8</sup> ако увещинел - андо увещаване; ковато раздел, те раздел щедро; ковато управлинел- те управлинел усьрдиеса; ковато покажинел милост- те покажинел ла доброволно.<sup>9</sup> И любов те овел нелицемерно; отратинен тумен таро зло, а прилепинен тумен карик о лачипе.<sup>10</sup> Дехен тумен иек аверес пралескере дехибнаса, надпреварвинен тумен те отден туменге почит иек авереске.<sup>11</sup> Андо усьрдие овен нелинива; пламенна ко духос, като служинен е Девлеске.<sup>12</sup> Лошанен анди надежда, анди скръб овен зорале, анди молитва - постоянна.

<sup>13</sup> Помагинен е светиенге андо нуждес ленгере; преден тумен ко гостолюбие.<sup>14</sup> Благословинен колкен, колато гонинен тумен, благословинен, а ма ден арманя.<sup>15</sup> Лошанен колкенца, колато лошанен; ровен колкенца, колато ровен.<sup>16</sup> Овен единомислена иек карик авересте; ма ден тумари годи уче букиенде, но преден тумен скромноне букиенде; ма считинен тумен мъдроненг.<sup>17</sup> Никаске ма иринен зло за зло; залягинен калкеске, ковато си лачо англал саворе манушенде,<sup>18</sup> ако си възможно, доколкото зависинел тумендар, живинен андо мири саворе манушенца.<sup>19</sup> Ма отмъстинен туменге, любезна, но ден тан е Божие гневиеске; соскето си пишиме: " Манге принадлежинел о възмездие, Ме ка керав въздаяние, пенел о Дел".<sup>20</sup> Но: " Ако си бокало то неприятели, парвар лес; ако си жадно- напоине лес; соскето давка като керес, ка трупинес жарос ко шеро леске".<sup>21</sup> Ма мук тут те побединел тут о зло; но ту победине о зло чрез о лачипе.

## Chapter 13

<sup>1</sup>Всеко мануш те покоринел пес е властиенге, колато си упраал лесте; соскето нанай власт, която тена овел таро Дел, тай кити властя иси, он си отредиме таро Дел.<sup>2</sup> Далкеске, ковато противинел пес е властиенге, противинел пес е Девлескере наредбаке; а колато противинен пес, ка навлечинен осъждение упраал песте.<sup>3</sup> Соскето о владетеля нана причининен дар е добротворцоске, а е злоторврцоске. Тай чука, мангес ли тена дарас тари власт? Кер лачипе, тай ка овес хвалиме латар;<sup>4</sup> понеже о владетели си Божие служители тере ползаке. Но ако керес зло,

те дарас; сокето ов нана анел напразно о мечи, понеже си Божие служители, мъздовъздатели за те анел гняви упран калкесте, ковато керел зло.<sup>5</sup> Далкеске нужно си те покоринен тумен ма само ашал и дар таро гняви, но ашал и съвест.<sup>6</sup> Понеже по дайка причина данъки платинен. Сокето о владетеля си Божия служителя, колато постоянно занимавинен пес далке длъжностяся.<sup>7</sup> Отден саворенге о дължимо: каске дължинел пес данъки- о данъки; каске мито - о митос; каске дар - и дар; каске почит - и почит.<sup>8</sup> Ма ачовен никаске длъжна нищонасте, освен иек аверес те дехен тумен, сокето, ковато дехел околес, изпълнинел о закони.<sup>9</sup> Понеже о заповедя: " Ма прелюбодействине"; " Ма мудар"; " Ма чор"; " Ма пожелавине"; тай която да те овел авер заповед заключавинен пес анде калке думенде: " ТЕ дехес те ближнонес, сарто тут".<sup>10</sup> И любов нана керел зло е ближнонеске; следователно и любов изпълнинел о закони.<sup>11</sup> Тай давка керен, като жанен о време, кай о сахати вече ачило те ухкиен таро соиба; сокето о спасение си по-паше жи аменде акана, отколкото, като повервингям.<sup>12</sup> Ират накли, а о диес наближингяс: тай чука, нека отхвърлинас о дела е тъмнинакере, тай те урясамен е оръжиеса е светлинакоро.<sup>13</sup> Сарто андо парно диес, нека пирас благопристойно ма ко пировя тай ко пиянства, ма ко блудство тай страстолюбие, ма ко крамола тай завистя.<sup>14</sup> Но уриен тумен е Девлеса о Иисус Христос тай ма грижинен тумен е страстиенге е плътиакоро.

## Chapter 14

<sup>1</sup> Е слабонес анди вяра приеминен, но ма за те препиринен тумен лескере съмнениенца.<sup>2</sup> Иек верувинел, кай ащи всичко те хал; а ковато си слабо анди вяра, хал само зеленчуки.<sup>3</sup> Ковато хал, тена презиринал калкес, ковато нана хал; тай ковато нана хал, тена осъдинел калкес, ковато хал; сокето о Дел приемингяс лес.<sup>4</sup> Кова синян ту, ковато съдинес чуждоне слугас? Англал пере Господариесте ов бешел или перел. Но ка бешел, сокето о Дел си силно те изправинел лес.<sup>5</sup> Иек мануш уважинел иек диес по бут авере диесстар; а авер мануш уважинел всеко диес еднакво. Sekoy te овел напълно увериме ан пере гогяте.<sup>6</sup> Който пазинел о диес, е Девлеске пазинел лес, а който нана пазинел о диес, е Девлеске нана пазинел лес ; ковато хал, е Девлеске хал, сокето благодаринел е Девлеске; тай ковато нана хал, е Девлеске нана хал, тай благодаринел е Девлеске.<sup>7</sup> Сокето никой амандар нана живинел песке, тай никой нана мерел песке.<sup>8</sup> Понеже, ако живинас, е Девлеске живинас, тай ако мерас, е Девлеске мерас: тай чука, живинас ли, мерас ли Господна синям.<sup>9</sup> Сокето о Христос далкеске муло тай оживингяс - те господствинел упран о муледа, упран о живдеда.<sup>10</sup> Тай чука, ту соке съдинес те пралес? А па ту соке презиринес те пралес? Понеже аме саворе ка зачовас англал о Божие съдилище.<sup>11</sup> Сокето си пишиме: " Хав совела анде Ме животосте, пенел о Дел, кай всеко коч ка коленичинел англал Манде, тай всеко чиб ка прославинел е Девлес".<sup>12</sup> Тай чука, секой амандар за песке ка отговоринел англал о Дел.<sup>13</sup> Като си чука, тена съдинас вече иек аверес; но по-лачес разсъдинен калкеске - никой тена поставинел пе пралеске спънка или съблазан.<sup>14</sup> Жанав тай увериме синиом андо Дел о Иисус, кай нищо нанай коркоро пестар нечисто; само колкеске, ковато считинел варесо за нечистонеске, леске си нечисто.<sup>15</sup> Сокето, ако то прал осъкърбинел пес ашал калкеске, ковато хас, ту вече нана постъпвинес ки любов. Те хабнаса ма погубине колкен, за коленге муло о Христос.<sup>16</sup> Тай чука, тена хулинел пес кавка, ковато туме считинен лачипнаске.<sup>17</sup> Сокето о Божие тагарипе нанай хабе тай пиибе, а правда, мири тай лошли андо Свято Духос.<sup>18</sup> Понеже, ковато чука служинел е Христаске, овел угодно е Девлеске тай одобриме таро мануша.<sup>19</sup> Тай чука, нека родас кавка, ковато служинел мириеске тай за взаимно назидание.<sup>20</sup> Ашал хабнаске ма съсизвине е Девлескири бути. Всичко наистина си чисто; но канило си е манушеске пе хабнаса те причининел съблазан.<sup>21</sup> Лачес си тена хас мас, нито те пиес мод, нито те керес варесо, чрез колесте препънинел пес то прал или съблазнинел пес, или изнемощинел.<sup>22</sup> О убеждение, ковато иси тут калке букиенге, иси лес туке анде туте англал о Дел. Блажено ковка, ковато нана осъдинел пес калкеске, ковато одобринел.<sup>23</sup> Но ковка, ковато съмнинел пес, осъдинел пес, ако хал, сокето нана хал таро убеждение; а всичко, ковато нана ачол таро убеждение, си безех.

## Chapter 15

<sup>1</sup> Аме, о силна, синям длъжна те пирашас о немощя е слабоненгере тай тена угодинас аменге.<sup>2</sup> Секой амандар те угодинел пе ближнонеске за лескере лачипнаске, за лескоро назидание.<sup>3</sup> Понеже о Христос нана угодингяс Песке, но, сарто си пишиме: " О укоря колкенгере, колато укориненас Тут, пеле упран Манде".<sup>4</sup> Сокето всичко, ковато уло по-нангле пишиме, пишиме уло амаре поучениеске, тай чрез и твърдост тай и утха таро Писания те овел амен надежда.<sup>5</sup> А о Дел е твърдостиакоро тай е утхакоро те дел тумен единомислие машкар туменде ко примери на Христа Иисуса,<sup>6</sup> тай единодушно тай иеке моса те славинен е Девлес тай е Отециес амаре Девлеско о Иисус Христос.<sup>7</sup> Далкеске приеминен тумен иек аверес, сарто о Христос приемингяс тумен, за е Божие славаке.<sup>8</sup> Сокето пенав, кай о Христос ашал и Божия вярност, ачило служители е обрежимененге, за те утвърдинел о обещания, дадена е даденге,<sup>9</sup> тай за те прославинен о езичниция е Девлес за Лескири милост, сарто си пишиме: " Далкеске ка хвалинав Тут машкар о народос, тай Те алавеске ка гилябав".<sup>10</sup> Тай пак пенел: " Развеселинен тумен, народя, с и любов Лескири".<sup>11</sup> Тай пак: " Хвалинен е Девлес, саворе народя, тай те славословинен Лес саворе люде".<sup>12</sup> Тай пак о Исая пенел: " Ка явинел пес о Есево корени", тай: " Ковато ка взадел пес те владеинел упран о народос; Лесте ка надявинен пес о народос".<sup>13</sup> А о Дел е надеждакоро те перел тумен пердоне лошаласа тай мири анди вяра,

чука кай чрез и сила е Святона Духоскири те преуможинел пес тумари надежда.<sup>14</sup> Тай коркоро ме синиом увериме за туменге, пралален мере, кай коркоре туме синиен перда благостиса, изпълниме всеконе знаниеса, тай кай ащи наставлинен тумен иек аверес.<sup>15</sup> Но за те дав тумен годи, пишинав туменге жи декате по-дързостно ашал и дадено манг таро Дел благодат<sup>16</sup> те овав служители на Иисуса Христа машкар о езичниия тай те свещенослужинав андо Божие благовестие, за те овен о езичниия благоприятно приноси, осветиме таро Свято Духос.<sup>17</sup> Тай чука, кити за калкеске, ковато отнесинел пес жи ко Дел, ман иси ман за соске те хвалинав ман андо Христа Иисуса.<sup>18</sup> Соскето нанай те осмелинаман те хоратинав за варесоске, освен ковка, ковато о Христос кергяс чрез манде за привеждане е езичнииен анди покорност е вяраке чрез моро словос тай делос,<sup>19</sup> е силаса е знамениенг тай е чудесенг, е силаса е Святона Духоскири Божий, чука кай таро Ерусалим тай о околностя лескере, дори жи ко Илирик, напълно проповедингиом о Христово благовестие.<sup>20</sup> Обаче сине ман за цел те проповединав о благовестие чука - ма оте, кате сине вече известно о Христово алав, тена градинав чуждоне основате;<sup>21</sup> но, карто си пишими: "Колка ка дикен, коленг нана възвестисало за Леске; тай колка ка ахалон, колато нана шунде".<sup>22</sup> Кавка възпириналас ман бут дрома, тай нана алом туменде.<sup>23</sup> Но акана, като нанай вече тан за мере букие калке ригенде, тай понеже таро бут бреша манглом те авав паш туменде,<sup>24</sup> като тръгнинав за Испания, ка авав, соскето надявинаман те дикав тумен, като накав, тай туме те изпратинен ман за оте, след като наситинаман жи декате чрез общение туменца.<sup>25</sup> А акана жав андо Ерусалимте послужинав е светиенг.

<sup>26</sup> Соскето и Македония тай и Ахая благоволинде те ден известно помош за е черенге машкар о светиес андо Ерусалим.<sup>27</sup> Благоволинде наистина, но тай дължна си ленге, соскето, ако о езичниия участвинен ленца андо духовна букя, дължна си те послужинен ленге андо телеснада.<sup>28</sup> Тай чука, като свършинав кавка, като осигуриналь ленге давка плоди, ка накав презал туменде ко дром за Испания.<sup>29</sup> Тай жанав, кай като ка авав туменде, ка авав изобилное благословениеса таро о благовестване на Христа.<sup>30</sup> А молинав ман туменге, пралален, ашал амаре Девлеске о Иисус Христос тай ашал и любов, която си плоди е Духоско, те приджинен ман анди усърдно молитва карик о Дел за манг,<sup>31</sup> тай те избавинав ман таро противника е вяракере анди Юдея, тай мери служба андо Ерусалим те овел благоприятно е светиенг;<sup>32</sup> тай е Божие воляса те авав лошало туменде, тай те почивинав манг машкар туменде.<sup>33</sup> А о Дел е мириеско те овел саворенца туменца. Амин.

## Chapter 16

<sup>1</sup> Препоръчинав туменге амаре пения и Фива, която си служителка ки кангери анди Кенхрея,<sup>2</sup> те приеминен ла андо Дел, карто препел е светиенца, тай те помагинен лаке, анде сесте ка овел ла нужда тумендар; соскето ойда помагингяс мнозиненг, карто мангеда.<sup>3</sup> Поздравинен ме съработнииен андо Христа Иисуса, Прискила тай Акила,<sup>4</sup> колато мере животоске положинде пе меня телал и чури, коленг ма само ме благодаринав, но тай саворе кангеря машкар о езичниия; поздравинен и домашно ленгири кангери.<sup>5</sup> Поздравинен ме любезнонес о Епенет, ковато си о първо плоди тари Азия е Христеске.<sup>6</sup> Поздравинен е Мария, която трудисали бут туменге.

<sup>7</sup> Поздравинен Андроник тай Юний, мере сродники тай декана заедно манца затворникия, колато машкар о апостола считинен пес бележита тай колато още англал манде уле андо Христа.<sup>8</sup> Поздравинен ме любезнонес андо Дел о Амплий.<sup>9</sup> Поздравинен амаре съработнииес андо Христа о Урван тай мо любезноз Стах.<sup>10</sup> Поздравинен е одобрименес вернонеске андо Христа о Апелий. Поздравинен колкен, колато си таро Аристовулово семейство.

<sup>11</sup> Поздравинен ме енданес о Иродион. Поздравинен таро Наркисово семейство калкен, колато си андо Дел.

<sup>12</sup> Поздравинен е Трифена тай е Трифоса, колато керен бути е Девлеске. Поздравинен е любезнозе Персида, която кергяс бути бут е Девлеске.<sup>13</sup> Поздравинен е избраноес таро Дел о Руф тай лескири дай, която си мерида.

<sup>14</sup> Поздравинен о Асинкрит, о Флегонт, Хермий, Петрова, Херм тай о прала колато си ленца.<sup>15</sup> Поздравинен о Филолог тай и Юлия, о Нирей тай лескири пен, тай о Олимпан, тай саворе светие, колато си ленца.

<sup>16</sup> Поздравинен тумен иек аверес святона целувкаса. Поздравинен тумен саворе Христова кангеря.<sup>17</sup> Тай молинав ман туменге, пралален, те забележинен калкен, колато причининен раздоря тай съблазес, противно е учениеске ковато сиклилен, тай отстранинен тумен лендар.<sup>18</sup> Соскето салка мануша на служинен амаре Девлеске Иисус Христос, а пере охотаке, тай благоне тай ласкавоне думенца хохавен о сърца е простодушненгере.<sup>19</sup> Соскето тумари послушност си известно саворенге, далкеске ме лошанав туменге. Но мангав те овен мъдра е лачипнаске тай приста е канилипнаске.<sup>20</sup> А о Дел е мириеско сиго ка смажинел е Сатанас телал тумаре пиренде. И благодат амаре Девлескири о Иисус Христос те овел туменца.<sup>21</sup> Поздравинен тумен ме съработнико о Тимотей тай ме сродника о Луций, Ясон тай Сосипатър.<sup>22</sup> Ме, о Тертий, ковато пишингиом давка послание, поздравинав тумен андо Дел.<sup>23</sup> Поздравинел тумен о Гай, о гостоприемники моро тай целоне кангеряко. Поздравинел тумен о градско ковчежники о Ераст тай о прал Кварт.<sup>24</sup> И благодат амаре Девлескири о Иисус Христос те овел саворенца туменца. Амин. А Калкеске, Ковато ащи теутжърдинел тумен според мере благожестиесте тай и проповед за о Иисус Христос, според о откриване е тайнакоро, която ули замълчиме таро таро вечна времена. А акана явиса ли чрез о пророческа Писания ки заповед е вечнонес Девлескири тай ачили пенджарди саворе народоске за ленгоро покоряване е вяракоро. Е иеке премъдроне Девлеске те овел слава чрез о Иисуса Христа жи ко веков. Амин

## 1 Corinthians

## Chapter 1

### Chapter 1

<sup>1</sup>О Павел, е Божие воляса призвано те овел апостоли е Исусеске Христеске, тай о прал Состен , <sup>2</sup>жи ки Божие кангери андо Коринт, жи ко осветиме андо Христа Иисуса, призвана те овен светиес, заедно саворенца, колато призовинен секоне танесте о алав на Иисуса Христа, амро Дел, Ковато си ленгорода, тай амаро: <sup>3</sup>Благодат тай мири туменге таро Дел, амаро Отеци, тай таро Дел о Иисуса Христа.<sup>4</sup>Винаги благодаринав мере Девлеске за туменге, за е Божие благодатаке, която сине туменге денди андо Христа Иисуса, <sup>5</sup>кай барвалиле чрез Лесте във всичконаса - всеконе словоса тай всеконе знаниеса, <sup>6</sup>по коле начиниесте потвърдисало о свидетелство за Христа машкар туменде, <sup>7</sup>чуга кай туме на ачовен напалпале анди десави дарба, като жарен о явление амаре Девлескоро о Иисус Христос, <sup>8</sup>Ковато жи ко крайос ка утвърдинел тумен, тай те овен безупречна андо диеа амаре Девлескоро о Иисус Христос. <sup>9</sup>Верно си о Дел, чрез Колесте улен призвана андо общение Лескере Чавеса Иисус Христос, амаро Дел.<sup>10</sup>Молинав тумен, пралален, андо алав амаре Девлескоро о Иисус Христос, саворе те хоратинен андо съгласие тай тена овен раздория машкар туменде, но те овен съвършено съединиме анде иеке гогяте тай анде иеке мислате. <sup>11</sup>Соскето декой таро домашна Хлоинес явинде манг за туменге, пралален мере, кай машкар туменде сине разправиес. <sup>12</sup>Далкеса мангав те пенав, кай секой тумендар пенел:; Ме синиом Павлово";; а ме - Аполосово":; а ме - Кифов";,,а па ме - Христово". <sup>13</sup>Нима разделисало о Христос? О Павел ли разпнисало туменге? Или андо Павлово алав кръстисален?<sup>14</sup>Благодаринав е Девлеске, кай нана кръстингиом никас тумендар, освен о Крисп тай о Гай, <sup>15</sup>тена пенел декой, кай улен кръстиме анде мере алавесте. <sup>16</sup>Кръстингиом още о Стефаниново кер; освен калкен, нана помнинав те кръстингиом декас аверес.<sup>17</sup>Соскето о Христос нана бичалгяс ман те кръстинав, а те проповединав о благовестие; ма мъдроне думенца, за тена лишинел пес о Христово кръстос пе силатар.<sup>18</sup>Соскето о словоса е кръстоскоро си глупост калкенге, колато погининен: а за аменге, колато спасинас амен, ов си Божия сила. <sup>19</sup>Понеже си пишими: "Ка унищожинав и мъдрост е мъдроненентири, тай о разуми е разумнененгоро ка отхвърлиниав."<sup>20</sup>Кате си о мъдреци? Кате си о книжники? Кате си о философи калке векоскоро? Нана ирингяс ли о Дел анди глупост и светско мъдрост? <sup>21</sup>Понеже анди Божия премъдрост о светоса пе мъдростяся на пенджаргяс е Девлес, о Дел благоволингяс чрез и глупост калкеске, ковато проповединел пес, те спасинел е вярващен. <sup>22</sup>Понеже о юдея манген знамения, а о гърция роден мъдрост; <sup>23</sup>а аме проповединас иеке разпъните Христос, е юдеиенге - съблазан, а е езичниенге - глупост;<sup>24</sup>но за е призваноненге, тай юдея, тай гърция, о Христос, Божия сила тай Божия премъдрост. <sup>25</sup>Соскето о Божие глупаво си по-мъдро таро мануша тай о Божие немощно си по-силно таро мануша.<sup>26</sup>Понеже, пралален, дикен саве синиен туме, о призвана, кай машкар туменде нанай мнозина мъдра според о мануша, нито мнозина силна, нито мнозина благородна. <sup>27</sup>Но о Дел избиригяс о глупава, бука е светоскере, за те лажавкярел е мъдронен; също избиригяс о Дел о немощна бука е светоскере, за те лажавкярел е силнен; <sup>28</sup>О Дел избиригяс адавка, ковато още о должна тай о презряна бука е светоскере си нищо, унищожинел оковка колато си варесо, <sup>29</sup>за тена похвалинел пес нито иек създание англал о Дел.<sup>30</sup>А Лестар синиен туме андо Христа Иисуса, Ковато ачило аменге мъдрост таро Дел тай правда, тай освещение, тай изкупление; <sup>31</sup>чуга кай карто си пишими: "ковато хвалинел пес, е Девлеса те хвалинел пес".

### Chapter 2

<sup>1</sup>Тай ме, пралален, като алом паш туменде, нана альом с превъзходно хоратибе или мъдрост те известинав туменге и Божия тайна; <sup>2</sup>соскето решингиомас тена жанав машкар туменде варесо авер, освен Иисуса Христа, и то о Христос разпъните.<sup>3</sup>Ме ульом немощно машкар туменде, даравас тай бут изздравас. <sup>4</sup>Тай мо хоратиба, тай мо проповедиба нана ачонас е убедително думес е мъдростякякере, но доказателствоса таро Духос тай тари сила; <sup>5</sup>за те овел тумари вяра основиме ма ки човешко мъдрост, а ки Божие сила.<sup>6</sup>Обаче аме поучинас мъдрост машкар о зрела, но ма мъдрост калке светостар, нито таро първенци калке светостар, колато пренакен; <sup>7</sup>а поучинас и Божие тайнствено премъдрост, която ули гаравди, която ули предопределиме таро Дел англал о вековя те анел аменге слава.<sup>8</sup>Никой таро първенци калке векоскере нана пенджаргяс ла; соскето, ако пенджардесас ла, нанаяс те разпинен е Девлес е славакоро. <sup>9</sup>А според карто си пишими: " Ковато и як нана диклас, тай кан нана шунгяс, тай е манушеске ко сърцес нана ало, всичко давка приготвингяс о Дел калкенге, колато Дехен Лес."<sup>10</sup>А аменге о Дел откринал кавка чрез о Духос; понеже о Духос издирвинел всичко, даже о Божие дълбочини. <sup>11</sup>Соскето кова мануш жанел со иси андо мануш, освен о духос е манушескоро, ковато си анде лесте? Чуга никой нана жанел со иси андо Дел, освен о Божие Духос.<sup>12</sup>Аме получингям ма о духос е светоскоро, а о Духос, Ковато си таро Дел, за те пенджарас кавка, ковато о Дел благоволингяс те подаринел аменге; <sup>13</sup>ковато възвестиинас ма думенца, научиме тари човешко мъдрост, а думенца, научиме таро Духос, като пояснинас о духовна бука е духовноне манушенге. <sup>14</sup>Но о естествено мануш нана възприеминел давка, ковато си таро Божие Духос, соскето за леске си глупост; тай нанаци ахалол лес, понеже ов изпитвинел пес духовно. <sup>15</sup>Но о духовно мануш изпитвинел всичко; а лес никой нажанел те изпитвинел. <sup>16</sup>Соскето, " Кова пенджаргяс и годи е Девлескири, за те ащи сикавел Лес?" А амен иси и годи е Христоскири.

### Chapter 3

<sup>1</sup>Тай ме, пралален, нанащине хоратинав туменге сар духовноненге, а сар пълтсконенге, сар младенциенге андо Христа. <sup>2</sup>Тудеса парваргиом тумен, ма зорале хабнаса; сокето още нанащине приеминен лес, а тай акана още нанащи. <sup>3</sup>Понеже жи акана синиен пълтска: сокето, жи кай си машкар туменде завист тай разпра, нана синиен ли пълтска, тай нана постъпинен ли манушканесте? <sup>4</sup>Сокето, щом иек пенел: Ме синиом Павлово, а авер: Ме синиом Аполосово, нана синиен ли сар мануша слаба? <sup>5</sup>Со си о Аполос тай со си о Павел? Он си служителя, чрез коленде повервингиен, и то карто о Дел диняс всеконес лендар. <sup>6</sup>Ме насадингиом, е Аполос напоингяс, но о Дел керел те барйол. <sup>7</sup>Тай чука, нито ковато садинел си варесо, нито ковато поинел, а о Дел, Ковато керел те барйол. <sup>8</sup>Тай чука, кавка, ковато садинел, тай кавка, ковато поинел, си равна, обаче секой според пе трудосте ка получинел пери награда; <sup>9</sup>сокето синям съработниция е Девлеске, карто туме синиен Божие нива, Божие здание. <sup>10</sup>Според и денди мангे Божие благодат, сар изкусно строители, ме положингиом основа; а авер градинел лате. Но секой нека внимавинел сар градинел лате. <sup>11</sup>Сокето никой нанащи положинел авер основа, освен и положиме, която си о Иисус Христос. <sup>12</sup>Тай ако декой градинел далке основате златоса, среброса, скъпоценоне баренца, каща, сенос, слама, <sup>13</sup>секаскири бути ка ачол явно сави си; сокето о Господно днес ка изявинел ла, понеже ой чрез и яг откринал пес; тай и самото яг ка изпитинел сави си и бути секаскири. <sup>14</sup>Кавка, колескири бути, която градингяс, устоинел, ка получинел награда. <sup>15</sup>А кавка, колескири бути табул, ка претърпинел загуба; а коркоро ов ка избавинел пес, но чука, карто презал и яг. <sup>16</sup>Нана жанен ли, кай синиен храми е Девлескоро, тай кай о Божие Духос живинел анде туменде? <sup>17</sup>Ако декой осквернинел о Божие храми, лес о Дел ка аравел; сокето о Божие храми си свято, ковато храми синиен туме. <sup>18</sup>Никой тена хохавел пес. Ако декой машкар туменде мислинел, кай си мъдро според калке светосте, нека ачол глупаво, за те овел мъдро. <sup>19</sup>Сокето и мъдрост калке светоскири си глупост англал о Дел; понеже си пишими: "Уловинел е мъдронен андо лукавство ленге"; <sup>20</sup>тай пак: "О Дел жанел, кай о разъждения е мъдроненгере си суетна". <sup>21</sup>Далкеске никой тена хвалинел пес е манушенца. Сокето всичко си тумаро: <sup>22</sup>било о Павел или о Аполос, или о Кифа, или о светос, или о животос, или о мериба, или о сегашно, или о бъдещо, всичко си тумаро; <sup>23</sup>а туме синиен Христова, а о Христос - Божие.

## Chapter 4

<sup>1</sup>Чука те считинел амен секо мануш - сар Христова служителя тай настойникия е Девлескере тайненге. <sup>2</sup>Паш далкесте таро настойникия изисквинел пес секой те докажинел пес верно. <sup>3</sup>А за мангे си твърде хари варесо те овав съдиме тумендар или андо днес човешконе съдоске; даже ме нана съдинав коркоро ман. <sup>4</sup>Сокето, при все кай ми съвест анде нисосте нана изобличинел ман, пак далкеса нана синиом оправдиме; сокето о Дел си, Ковато ка съдинел ман. <sup>5</sup>Далкеске ма съдинен нищо преждевременно, жи кай нана авел о Дел, Ковато ка икалел виделосте о гаравдо анди тъмнина тай ка изявинел о намерения е сърценире; тай тогава секой ка получинел и подобаващо за леске похвала таро Дел. <sup>6</sup>Тай давка, пралален, приложингиом карик манде тай карик о Аполос ашал туменге, за те сиклон чрез аменде тена престъпвинен и граница, е пишибнаскири, тена гордеинел пес декой тумендар англал околенде, кай си различно. <sup>7</sup>Сокето, кой керел тут те отличинес тут околендар? Тай со иси тут, ковато тена получинян? Но ако получинян лес, соке хвалинес тут, сар кай нана получинян лес? <sup>8</sup>Чалярде синиен вече, обогатисален вече, царувинен, и то би амаро. Тай дано царувинен, тай амеда заедно туменца те царувинас; <sup>9</sup>сокето, струвинел пес манге, кай о Дел поставияс амен, е апостолен, най-последна, сар мануша, осьдиме мерибнасте; сокето ачилам за показ е - светоске ангеленге тай манушенге: <sup>10</sup>аме - безумна ашал о Христа, а туме - разумна андо Христа: аме - немощна, а туме - силна, туме - славна, а аме - опозориме. <sup>11</sup>Ме жи калке сахатиесте гладувинас, тай жадувинас, тай синям нангте, марде синям тай скитинас, <sup>12</sup>трудинас амен, керас бути те парварасамен. Като подигравинен амен, благословинас, като гонинен амен - търпинас, <sup>13</sup>като хулинен амен - отнасинен амен кротко. Ачилам сар измети андо светоске - тай жи акана саворе ленамен за отрепки. <sup>14</sup>Нана пишинав кавка, за те лажавкярав тумен, но те увещинав тумен сар любезна мере чада. <sup>15</sup>Сокето, ако иси тумен деш хиляда наставникия андо Христа, пак мнозина дада нанай тумен; понеже ме биянгиом тумен андо Христа Иисуса чрез о благовестие. <sup>16</sup>Далкеске молинав тумен, овен мангे подражателя. <sup>17</sup>По далке причинате бичалгиом туменге е Тимотей, ковато си манге любезно тай верно чадос андо Дел; ов ка сикавел туменге мере дрома андо Христос, салка дрома, савото поучинав секоне кангеряте. <sup>18</sup>Но десаве възгордисале, сар кай нанайас те авав паш туменде. <sup>19</sup>Но ако си е Девлескири воля, ме сиго ка авав паш туменде тай ка изпитинав - ма о думес, а и сила колкенгири, колато възгордисале. <sup>20</sup>Сокето о Божие тагарипе нана състоинел пес андо думес, а анди сила. <sup>21</sup>Со манген? Тоягаса ли те авав паш туменде? Или с любов тай духос на кротост?

## Chapter 5

<sup>1</sup>Дори шунас, кай машкар туменде иси блудство, савото машкар о езичникия нана араклол, а именно, кай иек тумендар иси лес лескере дадескири ромни. <sup>2</sup>Тай туме възгордисален, вместо те скърбинен, за те отлъчингио машкар туменде кавка, ковато кергяс давка варесо. <sup>3</sup>Сокето ме, тена да овав телесно туменде, но като синиом туменде ме духоса - като че ли синиом туменде, - отсъднгиом вече, андо алаб амаре Девлеске о Иисус Христос, за калкеске, ковато кергяс давка <sup>4</sup>като кидисало моро духос туменца е силаса амаре Девлескири о Иисус -, <sup>5</sup>те предав

салке манушес е Сатанаскe те погубинел лескири плът, за те спасинел пес лескорo духос андо диес e Девлеске о Исус.<sup>6</sup> Тумари хвалба нанай лачи. Нана жанен ли, кай хари кваси заквасинел саворо тесто?<sup>7</sup> Очиствинен о пурano кваси, за те овен нево тесто, чука кай синиен безквасна; соскето амари Пасха, о Христос, уло заклано (аменгте).<sup>8</sup> Далкеске нека празнувинас - ма пуране квасоса, нито квасиеса злобакорo тай нечестие, а безквасноне мареса от искреност тай истинакорo.<sup>9</sup> Пишигийом туменге ме посланиесте тена сношинен тумен блудниценца - <sup>10</sup>ма кай манглом те пенав е блудниценгe калке светосте, или е сребролюбциенгe тай о грабителя, или за е идолопоклоникиенгe, понеже тогава би требвало те иклон таро светос, <sup>11</sup>но андо действително пишигийом туменге тена сношинен тумен никаса, ковато наречинел пес прал, ако си блудники, или сребролюбцос, или идолопоклонники, и грабители, салкеса дори тена хан заедно.<sup>12</sup> Соскето, сави бути иси ман те съдинав e аврунe манушен? Нана съдинен ли туме e андрунен,<sup>13</sup>жи кай e аврунен о Дел съдинел? Отлъчинен e нечестивоне манушес машкар туменде.

## Chapter 6

<sup>1</sup> Като декас тумендар иси варесо против околесте, смеинел ли те съдинел пес англал о неправедна, а ма англал o светиес? <sup>2</sup> Или нана жанен, кай o светиес ка съдинен e светос? Тай чука, ако туме ка съдинен e светос, на синиен ли достойна те съдинен най-цикне буя? <sup>3</sup> Нана жанен ли, кай аме ка съдинас ангелиен? А кити по бут житеиска буя.<sup>4</sup> Тогава, ако иси тумен житеиска тъжби, поставинен ли за съдии колкен, колато тари кантери считинен пес нишонасke? <sup>5</sup> Пенав давка, за те традав тумен te лажан. Истина ли си, кай нанай машкар туменде иек мъдро мануш, ковато ащи отсъдинел машкар пе праленде,<sup>6</sup> а прал пралеса съдинел пес, и то англал o невърваща?<sup>7</sup> Даже англал всичконасте си баро тумаро недостатьки, кате иси тумен тъжби машкар туменде. Соске по-лачес нана ачон онеправдиме? Соске по-лачес на овен ограбиме?<sup>8</sup> А напротив туме коркore онеправдинен тай ограбинен, о то e прален.<sup>9</sup> Или нана жанен, кай o неправедна нанай te наслединен o Божие тагарипе? Ма заблудинен тумен. Нито о блудницес, нито о идолопоклоникия, нито о прелюбодейция, нито о преластителя ко юношия, нито хомосексуалистия.<sup>10</sup> нито о чора, нито о сребролюбция, нито о пияницес, нито о хулителя, нито о грабителя ка наслединен o Божие тагарипе.<sup>11</sup> Тай салка уле десаве тумендар; но туме истовгиен тумен салке букиендар, но осветисален, но оправдисален андо алав e Девлеске о Исус Христос тай e Духоса амаре Девлескоро.<sup>12</sup> Всичко си манге позволиме, но нанай всичко полезно; всичко си манге позволиме, но нана мангав te овав обладиме нисостар.<sup>13</sup> О хабе си e vogieske, тай o vogи си e хабнаске; но о Дел ка унищожинел лесда, лесда. А о телос нанай блудствонеске, но за e Девлеске, тай o Дел си e телоске;<sup>14</sup> а о Дел, Ковато възкресингяс Господа, ка възкресинел аменда Pe силаса.<sup>15</sup> Нана жанен ли, кай тумаре теловя си частя e Христаске? Тай чука, те лав ли таро Христа Лескере частя тай te керав лен частя блудницакере? Да не бъде!<sup>16</sup> Или нана жанен, кай ковато съвокуплиел пес блудницаса, си иек телос ласа? Соскето "ка овен", пендо си, "о дуи иек плът."<sup>17</sup> Но ковато съедининел пес e Девлеса, си иек духос Леса.<sup>18</sup> Нащен таро блудство. Всеко авер безех, ковато ащи керел мануш, си аври таро телос; но ковато блудствинел, съгрешинел против пере телосте.<sup>19</sup> Или нана жанен, кай тумаре телос си храми e Святона Духоске, Ковато си анде туменде, Колес иси тумен таро Дел? Тай туме нана синиен тумаре,<sup>20</sup> соскето улен ценаса кинде; далкеске прославинен e Девлес тумаре теловиенца тай тумаре душенца, колато си Божия.

## Chapter 7

<sup>1</sup> А относно давка, ковато пишигииен манге: Лачес си мануш тена докосвинел пес жи жувляте.<sup>2</sup> Но за te избегвинен пес o блудства, всеко мруш нека te овел лес лескири ромни, тай всеко ромни нека овел la лакоро ром.<sup>3</sup> О ром нека овел лес e ромняса o дължимо карик лате сношение; подобно и ромни e ромеса.<sup>4</sup> И жувли нана владениел по телос, а о мруш; чука о мруш нана владениел по телос, а и жувли.<sup>5</sup> Ма лишинен тумен иек аверестар таро съпружеска сношения, освен ако си по съгласие за хари време, за te преден тумен молитвате\*, тай пак овен заедно, тена o Сатана изкушинел тумен чрез тумари невъзможност te въздържинен тумен.<sup>6</sup> Но давка пенав сар позволение, а ма сар заповед.<sup>7</sup> Обаче мангавас саворе мануша te овен савото синиом me. Но секас иси лескорo особено дари таро Дел, иек - чука, а авер - инак.<sup>8</sup> А e непрандемененгe тай e вдовиценте пенав: Лачес си за ленгe, ако ачон песке салка, савото синиом me.<sup>9</sup> Но ако нанащи въздържинен пес, нека пранденен: соскето по лачес си te пранденен, отколкото te разтаблон.<sup>10</sup> А e прандемененгe пенав, тай то ma me, а o Дел: Ромни тена мукел пе ромес;<sup>11</sup> ( но ако мукел лес, нека ачол непрандеме, или нека помиринел пес пе ромеса;) тай ром тена мукел пе ромня.<sup>12</sup> А околенгe пенав me, ма o Дел: Ако десаво прал иси лес невърващо ромни тай oй si сугласно te живинел леса, нека тена мукел la.<sup>13</sup> Тай ромни, колато иси невърващо ром, тай ов si съгласно te живинел ласа, нека тена мукел пе ромес.<sup>14</sup> Соскето o невърващо ром осветинел пес чрез и ромни тай и невърващо ромни осветинел пес чрез о прал, лакоро ром; иначе тумаре чада ка овенас нечиста, а акана si свята.<sup>15</sup> Но ако o невърващо напуснинел, нека напуснинел; андо савка случай о прал или и пен нанай поробиме таро брачно закони. О Дел обаче призовингяс амен карик o мири.<sup>16</sup> Соскето, катар жанес, ромние, дали нанай te спасинес te ромес? Или катар жанес, рома, дали нанай te спасинес te ромня?<sup>17</sup> Само нека секой постъпвинел чука, карто o Дел отделингяс леске сила, тай секой, карто o Дел призовингяс лес; тай чука заръчвинав ко саворе кангеря.<sup>18</sup> Обрежиме ли уло призвано декой анди вяра, тена гаравел о обрежиба. Необрежиме ли уло декой

призвано, тена обрежинел пес.<sup>19</sup> О обрязване си нищо таи о необрязване си нищо, но важно си о пазиба е Девлескере заповедиенгоро.<sup>20</sup> Всекой нека ачол песке анде далке званиесте, анде колесте уло призвано анди вяра.<sup>21</sup> Андо положение робиеске ли улан призвано? Тена овел тут грижа ( но ако ащи свободно те ачос, по-лачес използвине о случаи);<sup>22</sup> соскето, ковато уло призвано андо Дел сар роби, си свободно мануш е Девлеске; чука тай ковато уло призвано сар свободно мануш, си роби е Христаске.<sup>23</sup> Ценаса улен кинде; ма ачон робия манушнене.<sup>24</sup> Правален, всекой анде состои уло призвано анди вяра, анде лесте нека ачол песке е Девлеса.<sup>25</sup> Относно о девицес нанай ман заповед таро Дел; но дав мнение сар иек, ковато получингяс милост таро Дел те овел верно.<sup>26</sup> Тай чука, ашал и настоящо неволя, аке со мислинав лачипнаске, именно, кай си лачес е манушеске чука те ачол, карто си песке.<sup>27</sup> Панло ли синян ромняса, ма роде развързване. Отвържиме ли синян ромнятар, ма роде ромния.<sup>28</sup> Но ако пранденес, на съгрешинес; тай девица, ако пранденел, на съгрешинел: но салка ка овен лен житетска скърбес, а ме ка жалинав тумен.<sup>29</sup> Давка само пенав, правален, кай о останаalo време си кратко; далкеске калка, колен иси ромня, нека овен се едно нанай лен;<sup>30</sup> тай колато ровен, се едно кай на ровен; колато лошанен, се едно кай на лошанен; колато кинен, се едно кай нищо нана притежинен;<sup>31</sup> тай колато служинен песке е светоса, се едно кай нанай леске предана; соскето о сегашно състояние\* калке светоскоро си преходно.<sup>32</sup> А ме мангав туме те овен безгрижна. О бипрандеме грижинел пес далкеске, ковато си светско, сар те угодинел е Девлеске;<sup>33</sup> а о прандеме грижинел пес далкеске, ковато си светско, сар те угодинел пе ромняке.<sup>34</sup> Чука също машкар ромнятите тай девицате иси разлика. И бипрандеме грижинел пес далкеске, ковато си Господно, за те овел свято андо телос, тай андо духос; а и прандеме грижинел пес далкеске, ковато си светско, сар те угодинел пе ромеске.<sup>35</sup> Тай давка пенав тумаре собственоне ползаке, ма те икерав тумен оглавнициеса, а ашал о благоприличие тай за те служинен е Девлеске без отвличане е гогяке.<sup>36</sup> Пак, ако декой мислинел, кай постъпвинел неприлично карик и девица, за колаке си сгодиме, тай ако накли лакири цветущо възраст, тай ов чувствинел, кай требе те пранденел, нека керел со мангел. На съгрешинел. Нека пранденен.<sup>37</sup> Но ковато бешел зорало ан пе сърцесте тай на изпитвинел нужда, но иси лес власт упраде воляте, тай решингяс ан пе сърцесте тена пранденел девицаке, ка керел лачес.<sup>38</sup> Чука кай ковато пранденел девицаке, лачес керел; а ковато нана пранденел лаке, ка керел по-лачес.<sup>39</sup> И ромни си панли\*, жи кай си живдо лакоро ром; но ако о ром мерел, свободно си те пранденел, каске мангел, само те овел андо Дел.<sup>40</sup> Но по мере мнениесте, по-щастливо си, ако ачол песке чука; а мислинав, кай манда си Божие Духос.

## Chapter 8

<sup>1</sup>А относно о идоложертвено: Жанас, кай аме саворе уж иси амен знание те разрешинас о въпроси! Но о знание възгординел, а и любов назидавинел. <sup>2</sup>Ако декой мислинел, кай жанел варесо, ов още нана пенджаргяс, карто требе те ахалйовел. <sup>3</sup>Но ако декой дехел е Девлес, ов си пенджардо Лестар.<sup>4</sup> Тай чука, относно о хабе е идоложертвонескоро, жанас, кай нисаво дел, изобразиме идолестар, нанай андо светос, тай кай нанай авер Дел, освен иек. <sup>5</sup>Соскето, ако иси чука наречиме божове, било андо небес или ки пув ( карто иси бут божове, тай господария бут), <sup>6</sup>аменге иси само иек Дел, о Отец, Колестар си всичко, тай аме за Леске, тай иек Дел, о Иисус Христос, чрез Колесте си всичко, тай аме чрез Лесте.<sup>7</sup> Но давка знание нанай лес анде саворенде; тай десаве, карто жи акана иси лен съзнание е идоленге, хан о мас сар жертвта е идоленге; тай ленгири съвест, като си слабо, осквернинел пес.<sup>8</sup> А кавка, ковато хас, на приближинел амен жи ко Дел; нито, ако нана хас, нашалас варесо; нито, ако хас, печелинас варесо. <sup>9</sup> Но внимавинен да не би по десаво начини кайка тумари свобода те ачол спънка е слабоненге. <sup>10</sup> Соскето, ако декой дикел, кай ту, ковато иси тут знание, бешес ки софра ко идолско капище, нанай ли лескири съвест те одързовингиол, ако си слабо, тай овда те хал идоложертвено?<sup>11</sup> Тай ашал тере знаниеске о слабо погининел, о прал, за колеске муло о Христос.<sup>12</sup> А като съгрешинен чука против о прала тай дукавен лентири слабо съвест, туме съгрешинен против о Христа.<sup>13</sup> Далкеске, ако давка, ковато хав, съблазнинел ме пралес, ме нисар нанай те хав мас, за тена съблазнинав ме пралес.

## Chapter 9

<sup>1</sup>На синиом ли свободно? На синиом ли апостоли? На диклом ли е Иисусес, амаро Дел? На синиен ли туме моро делос англал о Дел?<sup>2</sup> Аверенге ако на синиом апостоли, то поне туменге синиом; соскето андо Дел туме синиен о печати мере апостолствоске.<sup>3</sup> Аке моро оправдание англал калкенде, колато осъдинен мо поведение;<sup>4</sup> нанай ли амен право те хас тай те пияс е кангериенгере сметкаке?<sup>5</sup> Нанай ли амен право амеда, сар околе апостоленде тай о прала е Девлеске, тай Кифа, те водинас ромня таро пеня?<sup>6</sup> Или само ме тай о Варнава нанай амен право тена керас бути амаре прехранаке.<sup>7</sup> Кова войники служинел декана пере разносченде? Кой насадинел лозес тай нана хал лескоро плоди? Или кой пасинел стадос тай нана хал таро тут е стадоске?<sup>8</sup> По манушканесте ли хоратинав давка? Или на пенел о също о законида?<sup>9</sup> Соскето андо Мойсеево закони си пишими: " Тена пандес е волескоро муи като вършениел". За е воловиенге ли ате грижинел пес о Дел,<sup>10</sup> или пенел лес несъмнено ашал аменге? Ва, ашал аменге си пишими давка; соскето, който оринел, надеждаса требе те оринел; тай ковато вършениел, требе те вършениел надеждаса, кай ка участвинел анди подялба е плодиеске.<sup>11</sup> Ако аме посейнгям анде туменде о духовно, баро варесо ли си, ако пожънинас тумендар о телесно?<sup>12</sup> Ако авер участвинен анде далке правосте упрад

туменде, на участвинас ли аме по бут? Обаче аме на използвингиам давка право, но търпинас всичко, за тена причининас нисави пречка е Христаскере благовестие. <sup>13</sup>Нана жанен ли, кай калка, колато свещенодействинен, парварен пес таро светилище, кай калка, колато служинен е олтариеске, лен дяли таро олтари? <sup>14</sup>Чука о Дел наредингяс, о проповедникия е благовестие ске те живинен таро благовестие. <sup>15</sup>Но ме нана използвингиом нито иек калке наредбендар, нито пишинав давка, за те керел пес за манге чука; соскето за манге си по-лачес те мерав, отколкото те осуетинел декой мери похвала. <sup>16</sup>Соскето, ако проповединав о благовестие, ман нанай соса те хвалинав ман; понеже нужда налагинел пес манге; соскето, горко манге, ако на благовестинав. <sup>17</sup>Понеже, ако керав давка доброволно, иси ман награда, ако по принуда, то само изпълнинас мо поверено настойничество. <sup>18</sup>Тай чука, сави си мери нааграда? Кайка, кай като проповединав о благовестие, те ащи керав о благовестие безплатно, чука кай тена използвинав напълно моро право андо благовестие. <sup>19</sup>Соскето, при все кай синиом свободно саворе манушендар, ме ачилом робос саворенге, за те придобинав по-мнозина. <sup>20</sup>Е юдеиенге ачилом сар юдеи, за те придобинав юдеиен; за калкенге, колато си телал о закони, ачилом сар телал о закони (при все кай коркоро ме на синиом телал о закони), за те придобинав калкен, колато си телал о закони. <sup>21</sup>За калкенге, колен нанай закони, ачилом, сар кай нанай ман закони( при все кай на синиом би закониеско спрямо о Дел, соскето синиом телал о закони спрямо о Христа), за те придобинав калкен, колен нанай закони. <sup>22</sup>Е слабоненге ачилом слабо, за те придобинав е слабонен. Саворенге ачилом всичко, тай по секакво начини те спасинав неколцина. <sup>23</sup>Всичко давка керав ашал о благовестие, за те учасвинав меда анде лесте. <sup>24</sup>Нана жанен ли, кай колато прастан ко игрище, саворе прастан, а само иек получинел и награда? Чука прастан, кай те получинен ла. <sup>25</sup>Тай всеко състезатели въздръжинел пес всичконастар. Он керен давка, за те получинен тлено венеци, а аме - нетлено. <sup>26</sup>Тай чука, ме чука прастав, ма сар карик варесо неизвестно; чука чалавав, ма сар кай марав о въздухи; <sup>27</sup>но уморинав мо телос тай поробинав лес, да не би, като проповедингиом аверенге, коркоро ме те ачовав неодобриме.

## Chapter 10

<sup>1</sup>Соскето, пралален, мангав те жанен, кай макар те уле амаре дада саворе телал о облаки, тай саворе те накле презал о морес, <sup>2</sup>тай андо облаки, тай андо морес саворе те уле кръстиме андо Мойсей, <sup>3</sup>тай саворе те хале таро също духовно хабе, <sup>4</sup>тай саворе те пиле таро също духовно пииба( соскето пиенас тари иек духовно Канара, която придружинелас лен; тай дайка Канара сине о Христос), <sup>5</sup>пак карик по бут лендар о Дел на благоволингяс; далкеске изморингяс лен анди пустиния. <sup>6</sup>А анде калке букиенде он ачиле аменге примери, тай тена овас похотлива за зло, сарто он уле похотлива. <sup>7</sup>Нито овен идолопоклоникия, сарто десаве лендар, според о пишиме: "О люде бешле те хан тай те пиен, тай ухтиниле те келен". <sup>8</sup>Нито те блудствинас, сарто блудствиненас десаве лендар, тай пеле анде иеке диесесте бишутрин хиляда жене. <sup>9</sup>Нито те изпитвинас е Девлес, сарто десаве лендар изпитвинде Лес тай погининде таро сапа. <sup>10</sup>Нито роптайнен, сарто възроптайнде десаве лендар тай погининде таро изтребители. <sup>11</sup>А всичко давка случисало ленге примериеске тай пишисало за поука аменге, упраз коленде ресле о последна времена. <sup>12</sup>Чука кай, ковато мислинел, кай бешел, нека внимавинел тена перел. <sup>13</sup>Нисаво изпитание нана ресло тумен, освен давка, ковато ащи пиравел мануш; обаче о Дел си верно, Ковато нанай те мукел тумен те овен изпитиме повече, отколкото си тумари сила, но заедно е изпитаниеса ка дел изходно дром, чука кай те ащи издържинен лес. <sup>14</sup>Далкеске, любезна мере, нашен таро идолопоклонство. <sup>15</sup>Хоратинав сар разумноне манушенге; коркоро туме съдинен далкеске, ковато пенав. <sup>16</sup>И чаша, която сине благословиме, тай която аме благословинас, нанай ли давка те овел амен общение андо Христово рат? О маро, ковато пагас, нанай ли те овел амен общение андо Христово телос? <sup>17</sup>Чука като аме, те овасда мнозина, синям иек маро, иек телос, понеже саворе андо иек маро участвинас. <sup>18</sup>Дикен народос Израил\*; калка, колато хан о жертвес, нанай ли лен общение андо олтари? Тогава со? <sup>19</sup>Пенав ли ме, кай о идоложертвено си варесо, или кай о идоли си варесо? Нака. <sup>20</sup>Но пенав, кай ковка, ковато жертвенин о езичникия, жертвенин лес е бесовиенге, а ма е Девлеске; но ме на мангав тумен те овел общение е бесовиенца. <sup>21</sup>Нанацци пиен и Господно чаша тай и бесовско чаша; нанацци участвиен анди Господно софра тай анди бесовско софра. <sup>22</sup>Или мангас те подбудинас е Девлес карик и ревност? Аме по-силна ли синям Лестар? <sup>23</sup>Всичко си позволиме, но ма всичко си полезно; всичко си позволиме, но ма всичко си назидателно. <sup>24</sup>Никой тена родел пери лично полза, но секой - и полза околоскири. <sup>25</sup>Всичко, ковато бикнел пес ки месарница, хан, без те изпитинен за леске тумари съвест; <sup>26</sup>соскето " Господно си и пув тай всичко, со иси анде лате". <sup>27</sup>Ако декой таро невярваща канинел тумен на угощение тай туме манген те жан, хан, со товен англал туменде, без те изпитвинен за леске тумари съвест. <sup>28</sup>Но ако декой пенел туменгеге: Кавка уло принесиме жертвса, - ма хан ашал калкеске, ковато известингяс туменгеге, тай ашал и съвест - <sup>29</sup>съвест, пенав, ма тери, но околоскири; ( понеже, соске те съдинел пес мери свобода тари авер съвест? <sup>30</sup>Ако ме с благодарение карик о Дел участвиен андо хабе, соске те злословинен ман за колкеске, за колеске благодаринав?)<sup>31</sup>Тай чука, хан ли, пиен ли, керен ли варесо, всичко керен за е Девлескере славаке. <sup>32</sup>Ма ачон съблазан нито юдеиенге, нито гърциенге, нито е Девлескере кангеряке; <sup>33</sup>сарто меда угодинав саворенге андо всичко, като родав, ма мери полза, а и полза е мнозинствоскири, за те спасинен пес.

## Chapter 11

<sup>1</sup>Овен мере подражатела, сарто синиом ме е Христоске . <sup>2</sup>А похвалинав тумен, кай помнинен ман за всичконаске, като икерен о предания, сарто предниот лен туменгте. <sup>3</sup>Но мангав те жанен, кай шеро всеконе мрушеско си о Христос, а шеро е жувляко си о мруш, а шеро па е Христеско си о Дел. <sup>4</sup>Всеко мруш, ковато молинел пес или пророкувинел покритоне шереса, лажавкярел по шеро.<sup>5</sup>А всеко жувли, която молинел пес или пророкувинел нанге шереса, лажавкярел по шеро; сокето давка си иек тай също, като те овел муравде шереса. <sup>6</sup>Сокето, която жувли нана покринел пес, нека чинел пе бала. Но ако си лажаке жувляке те чинел пе бала, или те муравел по шеро, то нека те покринел пес.<sup>7</sup>Сокето о мrush на требе те покринел по шеро, понеже си образи тай слава е Девлескири; а и жувли си слава е мрушескири. <sup>8</sup>(Сокето о мrush нанай тари жувли, а и жувли си таро мrush; <sup>9</sup>понеже о мrush нана уло създиме е жувляке, а и жувли е мрушеске.) <sup>10</sup>Далкеске и жувли си длъжно те овел ла ко шеро белеги е мрушеске тари власт ашал о ангелай.<sup>11</sup>( Обаче нито и жувли си би е мрушескири, нито о мrush би е жувляко андо Дел; <sup>12</sup>сокето сарто и жувли си таро мrush, чука о мrush си чрез и жувли; а всичко си таро Дел.)<sup>13</sup>Коркоре анде туменде съдинен: Прилично ли си и жувли те молинел пес е Девлеске нанге шереса? <sup>14</sup>Нана сикавел ли тумен о самото естество, кай ако мrush мукел пе бала те барион, давка си позори за леске,<sup>15</sup> но ако жувли мукел пе бала те барион, давка си слава за лаке, сокето о бала си лаке денде за покривало?<sup>16</sup>Но ако декой мислинел те препиринел пес далкеске, амен нанай савка обичай, нито о Божия кангеря.<sup>17</sup>А като заръчинав туменге о следно, нана похвалинав тумен; сокето киден тумен ма за по-лачо, а за по-канило.<sup>18</sup>Сокето, първо, шунав, кай като киден тумен кангеряке, ачон разделения машкар туменде; (тай отчасти верувинав давка; <sup>19</sup>сокето си нужно те овел разцепление машкар туменде, за те сикавел пес кола си о одобриме машкар туменде); <sup>20</sup>тай чука, като киден тумен заедно, нанай възможно те хан и Господно вечеря;<sup>21</sup>сокето ко хабе секой сигярел те лел пери вечеря англал околенде; тай чука иек ачол бокало, а авер макярел пес. Со?<sup>22</sup>Кера ли нанай тумен, кате те хан тай те пиен? Или презириен и Божие кангери тай лажавкярен калкен, колен нанай нищо? Со те пенав туменге? Те похвалинав ли тумен далкеске? Нана хвалинав тумен.<sup>23</sup>Сокето ме таро Дел приемингиом давка, ковато предниот туменге, кай о Дел о Иисус презал и рат, като уло предиме, лилас маро,<sup>24</sup>тай като благодарингя, пагляс тай пенгя: Кавка си Моро телос, ковато си (паго) за туменге; давка керен Мере възпомениеске.<sup>25</sup>Чука лилас и чаша палал и вечеря, тай пенгя: Кайка чаша си о нево завети анде Мере ратесте; давка керен всеко дром, като пиен, за Мере възпомениеске.<sup>26</sup>Сокето всеко дром, като хан кавка маро тай пиен (кайка) чаша, възвестинен о мериба е Девлеско, жи кай авел Ов.<sup>27</sup>Далкеске, ковато хал о маро или пиел и Господно чаша недостойно, ка овел виновно безехаке против о телос тай о рат е Девлеске.<sup>28</sup>Но те изпитвинел мануш пес, тай чука те хал таро маро тай те пиел тари чаша;<sup>29</sup>сокето, ковато хал тай пиел, без те пенджарел о Господно телос, ов хал тай пиел осъждение песке.<sup>30</sup>По дайка причина мнозина машкар туменде си слаба тай болнава, а доста муле.<sup>31</sup>Но ако пенджарас коркоре амен, нанаяс те оvas съдиме.<sup>32</sup>А като синям съдиме, далкеса накажинас амен таро Дел, за тена оvas осъдиме заедно е светоса.<sup>33</sup>Далкеске, пралален мере, като киден тумен те хан, жарен тумен иек аверес.<sup>34</sup>Ако декой си бокало, нека хал песке пе кересте, за тена овел тумаро кидиба осъждениеске. А за околните букиенге ка нарединав лен, като авав.

## Chapter 12

<sup>1</sup>Паш далкесте, пралален, мангав те ахалон е духовноне дарбенгте. <sup>2</sup>Туме жанен, кай като улен езичниция, отвлечиненас тумен ко лалоре идола, сарто да те водиненас тумен. <sup>3</sup>Далкеске уведоминав тумен, кай никой, като хоратинел е Божие духоса, нана пенел: Те овел проклето о Иисус! Тай никой наши наречинел е Иисусес Дел, освен е Святона Духоса.<sup>4</sup>О дарбес си различна; но о Духос си също. <sup>5</sup>О службес си различна; но о Дел си също. <sup>6</sup>Различна си о действия; но о Дел си също, Ковато керел всичко андо саворе мануша.<sup>7</sup>А секаске делпес о проявяване е духоско общоне ползаке. <sup>8</sup>Сокето иекеске дел пес чрез о Духос словос на мъдрост, а аверес - словос на знание чрез о също Духос;<sup>9</sup>аверес - вяра чрез о също Духос, а па аверес - изцелителна дарбес чрез о Едино Духос; <sup>10</sup>аверес - те керел велика дела, а аверес - те пророкувинел; аверес - те пенджарел е духовиен; аверес - те хоратинел разна чиба; а па аверес - те тълкувинел чиба.<sup>11</sup>А всичко давка керел пес иеке същоне Духостар, Ковато разделинел секаске поотделно, сарто угодно.<sup>12</sup>Сокето, сарто о телос си иек, а иси лес бут частя, тай саворе частя е телоскере, макар кай си бут, пак си иек телос, чука си о Христос.<sup>13</sup>Сокето аме саворе, било юдея или гърция, било робя или свободна, кръстисалам анде иеке Духосте те съставлинас иек телос, тай саворе иеке Духосар напоисалам.<sup>14</sup>Сокето о телос нана състоинел пес иеке частятар, а бутендар.<sup>15</sup>Ако о пире пенен: Понеже на синиом вас, на синиом таро телос, давка на керел лен тена овен таро телос.<sup>16</sup>Тай ако о кан пенел: Понеже на синиом як, на синиом таро телос, давка на керел лес тена овел таро телос.<sup>17</sup>Ако о цело телос сине як, кате ка овелас о шуниба? Ако о цело телос сине шуниба, кате ка овелас о обоняние?<sup>18</sup>Но акана о Дел поставингяс о частя, всеко иек лендар, андо телос, сарто уло Леске угодно.<sup>19</sup>Тай ако саворе он сине иек част, кате ка овелас о телос?<sup>20</sup>Но акана он си бут частя, а иек телос.<sup>21</sup>Тай и як наши пенел е вастеске: На требес мангте; или па о шеро е пиренгте: На синиен мангте потребна.<sup>22</sup>Напротив, калка частя е телоскере, колато дикион аменгте по-слаба, си незаменима;<sup>23</sup>тай калка частя е телоскере, колато дикион аменгте с по-хари почит, ленгте отдас по бут почит; тай о неблагоприлична амаре частя получинен по-баро благоприличие.<sup>24</sup>А о благоприлична частя амаре нанай лен

нужда далkestар. Но о Дел сглобингяс о телос чука, кай диняс по-бари почит колке частя, която нана притежинел,<sup>25</sup> за тена овел раздори андо телос, но лескере частя те грижинен пес еднакво иек авераке.<sup>26</sup> Тай като иек част страдинел, саворе частя страдинен ласа; или ако славинел пес иек част, саворе частя лошанен заедно ласа.<sup>27</sup> А туме синиен Христово телос, тай поотделно частя Лестар.<sup>28</sup> Тай о Дел поставингяс десавен анди кантери те овен: първо апостола, второ пророкия, трето учителя, после деятеля великоне деловиенге, после иек изцелителноне дарбенца, авер дарбенца помагибнаске, управлениеиске, хоратибнаске разноне чибенде.<sup>29</sup> Саворе апостола ли си? Саворе пророкия ли си? Саворе учителя ли си? Саворе ли керен велика дела?<sup>30</sup> Саворен ли си изцелителна дарбес? Саворе ли хоратинен чиба? Саворе ли тълкувинен?<sup>31</sup> Копнейинен е по-баре дарбенге. А акана ка покажинав туменге иек по-превъзходно дром.

## Chapter 13

<sup>1</sup>Ако хоратинав манушкане тай ангелсконе чибенде, а любов нанай ман, ме ачилом авгин, со звънтинел, или кимвали, со дрънкинел.<sup>2</sup> Тай ако си ман пророческо дарба тай жанав саворе тайнес тай секо знание, тай ако си ман пълно вяра, чука кай о планини те местиинав, а любов нанай ман, нищо на синиом.<sup>3</sup> Тай ако раздав мо саворе имане за те хан о сиромася, тай ако предав мо телос тарибнаске, а любов нанай ман, сави полза?<sup>4</sup> И любов дълго търпинел тай си милостиво; и любов на завиждинел; и любов на превъзнесинел пес, на гордеинел пес,<sup>5</sup> на безобразничинел, на родел поро, на раздразнинел пес, на икерел сметка за зло,<sup>6</sup> на лошанел неправдаке, а лошанел заедно е истинаса,<sup>7</sup> всичко премълчинел, всичконасте долел вяра, всичконасте надявинел пес, всичко търпинел.<sup>8</sup> И любов нисар на отперел; окола дарбес обаче пророчества ли си, ка прекратине пес; чиба ли си, ка престанинен; знание ли си, ка прекратинел пес.<sup>9</sup> Соскето отчасти жанас тай отчасти пророкувиас;<sup>10</sup> но като авел о съвършено, давка ковато си частично, ка прекратинел пес.<sup>11</sup> Като улом чаво, сар чаво хоратинавас, сар чаво чувствинавас, сар чаво разсъждавинавас; от сар ачилом мруш, напуснингиом, ковато си чавикано.<sup>12</sup> Соскето акана дикас неясно, сар андо аняс, а тогава ка дикас муи анде мосте; акана пенджарарав отчасти, а тогава ка пенджарарав напълно, сарто улом напълно пенджардо.<sup>13</sup> Тай чука, ачон калка о трин: и вяра, и надежда, тай и любов; но най-бари лендарси и любов.

## Chapter 14

<sup>1</sup>Следвинен и любов; но копнейинен е духовноне дарбенге, а особено е дарбаке те пророкувинен.<sup>2</sup> Соскето, който хоратинел непознатоне чибате, на хоратинел манушенге, а е Девлеске, соскето никой нана ахалол лес, понеже пе духоса ов хоратинел тайнес.<sup>3</sup> А ковато пророкувинел, ов хоратинел манушенге за назидание, увещание тай утешение.<sup>4</sup> Ковато хоратинел непознатоне чибате, назидинел пес; а ковато пророкувинел, назидинел е кантеря.<sup>5</sup> Мангавас саворе туме те хоратинен чиба, а още по бут те пророкувинен; тай ковато пророкувинел, си по-упруно калkestар, ковато хоратинел разна чиба, освен ако тълкувинел, за те назидавинел пес и кантери.<sup>6</sup> Пенен акана, пралален, ако авав туменде тай хоратинав непозната чиба, сави полза ка принесинав, ако на съобщинав туменге или десаво откровение, или знание, или пророчество, или поучение?<sup>7</sup> Даже о бездушна предметя, сар свирка тай китара, като изден гласос, ако на изден отличителна звуковия, сар ка пенджаргиол давка, ковато башален е свиркаса или е китараса?<sup>8</sup> Соскето, ако и тръба изделас неопределено звуки, кой ка приготвинел пес марибнаске?<sup>9</sup> Също чука, ако тумеда на хоратинен тумаре чибаса думес разбираема, сар ка жанелпес со хоратинен? Соскето ка хоратинен е балвалаке.<sup>10</sup> Иси например дики видя чиба андо светос; тай ни иек лендар нанай без значение.<sup>11</sup> Тай чука, ако нана ахаловав о значение е гласос скоро, ка овав другоезично за калкеске, ковато хоратинел; тай кавка, ковато хоратинел, ка овел другоезично манг.<sup>12</sup> Чука тумеда, понеже копнейинен е духовноне дарбенге, старанин тумен те преумножигтион он анде туменде за назидание е кантеряке.<sup>13</sup> Далкеске, ковато хоратинел непознатоне чибате, нека молинел пес е дарбаке те тълкувинел.<sup>14</sup> Соскето, ако молинаман непознатоне чибате, мо духос молинел пес, а ми годи на дел плоди.<sup>15</sup> Тогава со? Ка молинаман ме духоса, но ка молинаман ме гогясада; ка гилябав ме духоса, но ка гилябав ме гогясада.<sup>16</sup> Иначе, ако ту славословинес те духоса, сар ка пенел: Амин, тере благодарениесте ковка, ковато си таро просттолодие, като на жанел, со хоратинес?<sup>17</sup> Соскето ту наистина благодаринес лачес, но окова на назидавинел пес.<sup>18</sup> Благодаринав е Девлеске, кай ме хоратинав по бут чиба саворендар тумендар;<sup>19</sup> обаче анде кантеряте предпочитинав те хоратинав панч думес ме гогяса, за те наставинав аверен, а ма деш хиляда думес непознатоне чибате.<sup>20</sup> Пралален, ма овен чаве ко гогя, но овен чаве ки злоба, овен пълнолетна ки годи.<sup>21</sup> Андо закони си пишиме: "Чрез о другоезична мануша тай чрез о вуща е чужденциенге ка хоратинав калке люденге; но тай чука нанай те шунен Ман", пенел о Дел.<sup>22</sup> О чиба си белеги ма е вярващоненге, а за е невярващоненге; а о пророчество си белеги ма за е невярващоненге, а за е вярващоненге.<sup>23</sup> Тай чука, ако кидел пес и цело кантери тай саворе хоратинен непознатоне чибенде, тай ден народос праста или невярваща, нанай ли те пенен, кай туме денилилен?<sup>24</sup> Но ако саворе пророкувинен, тай дел декой невярваща или невежо, ов обвининел пес саворендар, ов съдинел пес саворендар;<sup>25</sup> о тайнес лескере сърдескере ачон явна; ай чука, ов ка перел пе мосте, ка поклонинел пес е Девлеске тай ка изповединел, кай наистина о Дел си машкар туменде.<sup>26</sup> Тогава, пралален, со ачол машкар туменде? Като киден тумен, секас иси те предлагинел псаломи, иси поучение, иси откровение, иси те хоратинел непознато чиб, иси тълкуване. Всичко

те ачол за назидание.<sup>27</sup> Ако декой хоратинел непознато чиб, нека хоратинен по дуи, или най-бут по трин, тай то редоса; а иек те тълкувинел.<sup>28</sup> Но ако нанай тълкуватели, савка нека траницел анди кангери, тай нека хоратинел песке тай е Девлеске.<sup>29</sup> Таро пророкия нека хоратинен само дуи или трин, а около те разсъждинен.<sup>30</sup> Ако авел откровение декаске авереске таро бешле, о първо нека мълкнинел.<sup>31</sup> Соскето иек палал авересте саворе ащи пророкувинен, за те поучинен пес саворе тай саворе те насьрчинен пес;<sup>32</sup> о духовя е пророкиенгере покоринен пес коркоре е пророкиенг. <sup>33</sup> Соскето о Дел нанай Дел е безредиеско, а е мириеско, сарто поучинав ко саворе кангеря е светиенг.<sup>34</sup> О жувля нека траницел андо кангеря, соскето нанай ленге позволиме те хоратинен; а нека подчининен пес, сарто пенел о закони.<sup>35</sup> Ако манген те сиклон варесо, нека пучен пе ромен кере; соскето си лажаке жувляке те хоратинел анди кангери.<sup>36</sup> Възразинел ли декой калкесте? Тогава пучав: О Божие словос тумендар ли иклило? Или само жи туменде ресло?<sup>37</sup> Ако декой мислинел, кай си пророки или духовно, нека признавинел, кай кавка, ковато пишинав туменг, си заповед таро Дел.<sup>38</sup> Но ако декой на мангел те признавинел, нека тена признавинел.<sup>39</sup> Далкеске, пралален мере, копнейнен е дарбаке те пророкувиненж тай ма забранинен те хоратинен пес чиба.<sup>40</sup> Обаче всичко нека ачол благоприлично тай порядъчно.

## Chapter 15

<sup>1</sup>Още, пралален, дав тумен годи о благовестие, ковато проповедингиом туменг, ковато приемингиен, анде колесте бешен,<sup>2</sup> чрез колесте спасинен тумен, ако икерен лес, според сарто благовестингиом лес туменг - освен ако напразно повервингиен.<sup>3</sup> Соскето първо прединиом туменг ковка, ковато приемингиом - кай о Христос муло амаре безехенг според о Писания;<sup>4</sup> кай уло пароме; кай уло възкресиме ко трето днес според о Писания;<sup>5</sup> тай кай явисало е Кифаске, после е дешудонг, <sup>6</sup>кай палал далкесте явисало по бут таро панчшел прала изведенъж, колендар по бут жи акана си живде, а десаве муле;<sup>7</sup> кай после явисало е Яковеске, палал далкесте саворе апостоленг;<sup>8</sup> тай кай най-после саворендар явисало мангеда, сар иекеске бияндо палал о сроки. <sup>9</sup> Соскето ме синиом най-нищожно таро апостола тай на синиом достоинно апостолида те наречинаман, понеже гонинавас и Божие кангери.<sup>10</sup> Но е Девлескере благодатаса синиом, савото синиом; тай ми денди Лескири благодат на ули напразно, но трудисалом по бут саворендар лендар - ма ме обаче, но и Божие благодат, която сине манца.<sup>11</sup> Тай чука, било ме, било он, чука проповединас, чука тумеда повервингиен.<sup>12</sup> Ако проповединел пес, кай о Христос си възкресиме таро муле, сар пенен десаве машкар туменде, кай нанай възкресение е муленг?<sup>13</sup> Ако нанай възкресение е муленг, то о Христос на уло възкресиме;<sup>14</sup> тай ако о Христос на уло възкресиме, то чучи си амари проповед, чучи си тумари вярада.<sup>15</sup> Паш далкесте, аме окажинас амен лъжесвидетеля относно о Дел; соскето свидетелствиям е Девлеске, кай възкресингяс е Помазаникиес; Колес на възкресингяс, ако си верно, кай о муле на възкресинен.<sup>16</sup> Соскето, ако о муле на възкресинен, то о Христос на уло възкресиме;<sup>17</sup> тай ако о Христос на уло възкресиме, суетно си тумари вяра, туме синиен още андо безеха тумаре.<sup>18</sup> Тогава калкада, колато муле андо Христа, погининде.<sup>19</sup> Ако само анде калке животосте надявинас амен ко Христа, то таро саворе мануша аме синям най-окаяна.<sup>20</sup> Но о Христос наистина\* уло възкресиме, о първо плоди е муленгоро.<sup>21</sup> Понеже, като чрез о мануш ало о мериба, чука чрез о мануш ало о възкресение е муленгоро.<sup>22</sup> Соскето, сарто андо Адам саворе мерен, чука андо Христа саворе ка оживинен.<sup>23</sup> Но секой пере редосте: о Христос - първо плоди, после, ко пришествие е Христаске, калка, колато си Лескере.<sup>24</sup> Тогава ка овел о крайос, като ка предел о тагарипе е Девлеске тай е Отециеске, след като унищожинел всеко началство тай всеко власт тай сила.<sup>25</sup> Соскето Ов требе те царувинел, жи кай положинел саворе враговиен телал Пе пиренде.<sup>26</sup> Тай о мериба, най-последно враги, ой да ка овел унищожиме,<sup>27</sup> соскето о Дел " покорингяс всичко телал о пире Леске". А като пенел пес, кай всичко си Леске вече покориме,(явно изключинел пес Кавка, Ковато покорингяс Леске всичко).<sup>28</sup> Като всичко ка овел Леске покориме, тогава коркоро о Чаво ка покоринел пес Калкеске, Ковато покорингяс Леске всичко, за те овел о Дел всичко анде саворенде.<sup>29</sup> Иначе со ка керен калка, кате кръстинен пес ашал е муленг? А ко о муле нисар на възкресинен пес, соске кръстинен пес ашал ленг?<sup>30</sup> Соске амеда изложинас амен бедствиенде всеко сахати?<sup>31</sup> Пралален, давка си ми похвала, коласа гордейнаман за туменг андо Христа Иисуса, амаро Дел, ме секо днес мерав.<sup>32</sup> Ако, по манушканесте пендо, борисалом зверовиенца андо Ефес, сави полза? Ако о муле на възкресинен, „ нека хас тай пияс, соскето тася ка мерас”.<sup>33</sup> Ма хохавен тумен. „ О каниле другаря покваринен о лаче нравия.”<sup>34</sup> Отрезнинен според и правда, тай ма съгрешинен, соскето десаве тумендар на пенджарен е Девлес. Давка пенав, за те традав тумен те лажан.<sup>35</sup> Но декой ка пенел: Сар възкресинен пес о муле? Тай саве телоса ка авен?<sup>36</sup> Глупецо, кавка, ковато ту сеинес, на оживинел, ако на мерел.<sup>37</sup> Тай като сеинес лес, на сеинес о телос, ковато ка изникнинел, а нанго зърно, со случингиол, пшенично или десаво авер;<sup>38</sup> но о Дел деллес телос, савото си Леске угодно, тай секоне семес лескоро собственно телос.<sup>39</sup> Всеко плът нанай еднакво; но иек си и плът е манушениги, а авер - е животнонениги, авер па - е мачениги тай авер - е птицениги.<sup>40</sup> Иси небесна теловя, тай земна теловя, иек обаче си и слава е небеснонениги, а авер - е земнонениги.<sup>41</sup> Иек си о блясъки е камеско, авер - о блясъки е лунакоро, тай авер - о блясъки е звезденгоро; а тай звезда тари звезда различингиол таро блясъки.<sup>42</sup> Чука си о възкресение е муленгоро. О телос сеинел пес андо тление, възкресинел андо нетление;<sup>43</sup> сеинел пес андо безчестие, възкресинел анди слава; сеинел пес анди немощ, възкресинел анди сила;<sup>44</sup> сеинел пес одушевено телос, възкресинел духовно телос. Ако иси одушевено телос, то иси духовнода телос.<sup>45</sup> Чука си пишиме: О първо

мануш о Адам "ачило живди душа", а о последно Адам ачило животворящо духос.<sup>46</sup> Обаче нанай първо о духовно, а о одушевено, тай после о духовно.<sup>47</sup> О първо мануш си тари пув, пръстно; о второ мануш си таро небес.<sup>48</sup> Савого си о пръстно, салка си о пръстна; тай саво си о Небесно, салка си о небесна.<sup>49</sup> Тай сарто урятам амен андо образи е пръстненеске, ка уряс амен андо образи е Небесненеске.<sup>50</sup> А давка пенав, пралален, кай плът тай рат нанацни наслединен о Божие тагарипе, нито о тленно наслединел о нетленно.<sup>51</sup> Аке, иек тайна пенав туменге: Ма саворе ка мерас, но саворе ка изменинас амен,<sup>52</sup> анде иеке минутате, андо миги е якаке, ки последно тръба; сокето ой ка затръбинел тай о муле ка възкресинен нетленна, а аме ка изменинас амен.<sup>53</sup> Сокето о тленно требе те уриел пес андо нетление, тай о смъртно те уриел пес андо безсмъртие.<sup>54</sup> А като кавка о тленно уриел пес андо нетление, тай кавка о смъртно уриел пес андо безсмъртие, тогава ка събъдинел пес о пишиме словос: "Погълнато уло о мериба победоносно".<sup>55</sup> О, мериба, кате си ти победа? О, мериба, кате си то жилос?<sup>56</sup> О жилос е мерибнаскоро си и безех, тай и сила е безехакири си о закони;<sup>57</sup> но те благодаринас е Девлеске, Ковато дел амен победа чрез амаре Девлесте о Иисус Христос.<sup>58</sup> Далкеске, любезна мере прала, овен зорале, непоколебима, тай преизобилствинен всекога андо Господно делос, като жанен, кай андо Дел тумаро трудос нанай напразно.

## Chapter 16

<sup>1</sup>А относно о кидиба е милостиняжко е светиенге, керен тумеда, сарто наредингиом андо галатийска кангеря.<sup>2</sup> Андо първо диец е куркеске всекой тумендар те отделинел според о успехи пе букиенгоро тай те овел лес паш песте, за тена киден, като ка авав.<sup>3</sup> Тай като ка авав, ка бичалав писменца колкен, колен ка одобринен, те ингален тумаро подаръки андо Йерусалим;<sup>4</sup> тай ако заслужинав те жав меда, он ка жан манца.<sup>5</sup> Сокето ка авав паш туменде, след като накав презал и Македония (понеже презал и Македония накав);<sup>6</sup> а ащи те побешав туменде или даже те презимувинав, за те изпратинен ман туме на кате жав.<sup>7</sup> Сокето нана мангелес мангте дикав тумен акана ко занакиба; но надявинаман те ачовав туменде десаво време, ако позволинел о Дел.<sup>8</sup> А ка бавинаман андо Ефес жи ки Петдесетница;<sup>9</sup> сокето путердило мангте баро вудар буяке, иси бут противникияда.<sup>10</sup> Ако авел о Тимотей, внимавинен тена стеснинел пес машкар туменде; сокето ов да керел бути о Господно делос, сарто меда;<sup>11</sup> далкеске, никой тена презиринал лес. Но изпратинен лес мириеса те авел манде, сокето жарав лес е праленца.<sup>12</sup> А кити е пралеске о Аполос, бут молингиоман леске те авел туменде е праленца; но нисар на мангелес леске те авел акана; ка авел обаче, като аракел случай.<sup>13</sup> Бдинен, бешен зоралесте анди вяра, овен мъжествена, укрепинен тумен!<sup>14</sup> Всичко анде туменде те ачол с любов.<sup>15</sup> Още молинав тумен, пралален: Туме жанен, кай семейство таро Стефанас си о първо плоди анди Ахая тай кай он посветинде пес те служинен е светиенге;<sup>16</sup> салкенге те подчининен тумен тумеда, тай секаске, ковато помагинел андо делос тай трудинел пес.<sup>17</sup> Лошанав кай авен о Стефанас, о Фортунат тай о Ахайк, сокето он запълниnde мо лишение тумендар;<sup>18</sup> понеже успокойнде мо духос тай тумаро; далкеске признавинен салке манушен.<sup>19</sup> Поздравинен тумен о кангеря, колато си анди Азия.Иситумен поздравия таро Дел тай и Акила тай и Прискила, пе домашните кангеряса.<sup>20</sup> Поздравинен тумен саворе прала. Поздравинен тумен иек аверес святоне целувкаса.<sup>21</sup> О поздрави пишинав ме, о Павел, ме собственоне вастеса.<sup>22</sup> Който на дехен е Девлес, те овел проклето. О Дел амаро авел.<sup>23</sup> И благодат е Девлескири о Иисус Христос те овел туменца.<sup>24</sup> Ми любов те овел саворенца туменца андо Христа Иисуса. Амин.

## 2 Corinthians

## Chapter 1

<sup>1</sup>О Павел, е Божие воляса апостоли на Иисуса Христа, тай о прал о Тимотей, жи ки Божие кангери, кате си андо Коринт, тай жи саворе светиенде, колато си ки цело Ахая :<sup>2</sup> Благодат тай мири туменге таро Дел, амаро Отеци, тай Дел о Иисуса Христа.<sup>3</sup> Благословиме о Дел тай о Отец амаре Девлеско о Иисус Христос, Отеци е милосърдиеiske тай Дел е пердоне утехако.<sup>4</sup> Ковато утешинел амен анде секакво амари скръб, за те аши амеда те утешинас калкен, колато араклон анди сави да те овел скръб, утехаса, коласа амеда коркоре утешинас амен таро Дел.<sup>5</sup> Сокето, сарто аме изобилно страдинас е Христаске, чука амари утеха изобилствинел чрез Христа.<sup>6</sup> Но ако наскърбинен амен, давка си тумаре утехаке тай спасениеiske, или ако утешинен амен, давка си тумаре утехаке (тай спасениеiske), ковато създел анде туменде търпеливо понасиба е същоне страданиенге, колато понасинас амеда.<sup>7</sup> Тай и надежда амари за туменге си зорали; понеже жанас, кай сар синиен участникия андо страдания, чука синиен анди утеха.<sup>8</sup> Сокето мангас те жанен, пралален, е скръбяке, която сполетингяс амен анди Азия, кай улам изключително притесниме, аври амаре силатар, чука кай отчаисалам дори амаре животоске;<sup>9</sup> даже аме коркоре счетингям, кай приемингям мерибнаскири присъда анде аменде, за тена уповинас амен аменде, а ко Дел, Ковато възкресинел е мулен.<sup>10</sup> Тай Ов избавингяс амен таро дики паше мерибнастар, тай още избавинел, тай надявинас амен Лесте, кай пак ка избавинел амен;<sup>11</sup> като съдействинен амнеге туме чрез молитва, чука, поради и дадено амнеге чрез молитва благодат, те благодаринас саворенге<sup>12</sup> Сокето амари похвала си кайка, о свидетелство амаре съвестяжко, кай аме живингям андо светос, а най-бут машкар туменде, святостияса тай искреностяса англал о Дел, ма плътсконе мъдростияса, а е Божие благодатаса.<sup>13</sup> Сокето на

## Chapter 2

пишинас туменге авер, освен давка, ковато четинен , тай ахальон, тай ковато, надявинаман, кай жи ко крайос ка признавинен <sup>14</sup>( сарто отчасти ахальовен), кай синям похвала туменге, сарто туме да си ен аменге, андо дис амаре Девлеске о Иисус. <sup>15</sup>Далке увереностиаса мангавас те авав първо паш туменде, за те овел тумен двойно полза, <sup>16</sup>като презал туменде накав анди Македония; тай пак тари Македония авав туменде, тай тогава туме те изпратинен ман за Юдея. <sup>17</sup>Лачес, като сине ман давка намерение, лекоумно ли постъпингиом? Или мо намерение уло манушескоро\* намерение, тай те пенав ту: Ва, ва, ту: Нака, нака? <sup>18</sup>Но сарто о Дел си верно, чука амаро словос карик туменде на уло "ва" тай "нака". <sup>19</sup>Соскето о е Девлескоро Чаво, о Иисус Христос, Ковато уло проповедиме машкар туменде амандар ( мандар, о Сила тай о Тимотей), на ачило "ва" тай "нака", но анде Лесте ачило "ва"; <sup>20</sup>понеже саворе Божия обещания , анде Лесте си "ва", тай анде Лесте "амин", за е Божие славаке чрез аманде . <sup>21</sup>А Кавка, Ковато утвърдинел амен заедно туменца андо Христа, тай Ковато помажингяс амен, си о Дел: <sup>22</sup>Ковато запечатингяс амен, тай диняс анде амаре сърценде о Духос андо залоги. <sup>23</sup>Но ме призовинав е Девлес свидетелеске мере душаке, кай за те пощадинав тумен, въздържкиом ман те авав андо Коринт; <sup>24</sup>соскето на господарувинас упран тумаре вярате, но синям помощникия тумаре лошалаке; понеже, кити е вяраке, туме бешен зорале.

## Chapter 2

<sup>1</sup>Обаче давка решингиом анде маңде- тена авав паш туменде отново със скръб. <sup>2</sup>Соскето, ако ме наскърбинав тумен, то ман кой ка развеселинел, ако нанай кавка, ковато уло наскърбиме мандар?<sup>3</sup>Тай давка пишиниги нарочно, да не би, като авав, те овав наскърбиме колкендар, колато требе те лошакърен ман, като иси ман уверение анде саворенде туменде, кай мери лошали си лошали саворенге туменге. <sup>4</sup>Соскето тари бари скръб тай тари сърдечно тъга пишиниги туменге буте асвенца ма за те наскърбинен тумен, а за те пенджарен и любов, която питайнав особено карик туменде. <sup>5</sup>Но ако декой наскърбингяс ман, нана наскърбингяс само ман, но саворен тумен отчасти (тена пенав пребут). <sup>6</sup>За салке иекеске доста си о наказание, ковато уло леске наложиме таро по бут тумендар; <sup>7</sup>чука кай акана вече\* си по-лачес те простилен леске тай те утешинен лес, да не би савка те овел погълните тари прекомерно скръб. <sup>8</sup>Далкеске молинав тумен те уверинен лес анде тумари любов карик лесте. <sup>9</sup>Понеже далкеске пишиниги, за те пенджарав тумен чрез о опити, дали синиен послушна андо всичко. <sup>10</sup>А каске туме простилен варесо, простилен меда; соскето, ако простилигиом варесо, простилигиом лес ашал туменге англал о Христа, <sup>11</sup>да бе би о Сатана те използвинел о случаи против аманде; соскето аме жанас лескере замислес. <sup>12</sup>А като алом андо Троада те проповединав о Христово благовестие, тай путердило манге вудар андо Господно делос, <sup>13</sup>мо духос на успокоисало, понеже на араклом ме пралес и Тит, а като простисалом ленца, отпътувингиом за Македония. <sup>14</sup>Но те благодаринав е Девлеске, Ковато винаги водинел амен андо победно шествие андо Христа на насекате изявинел чрез аманде о благоухание е познаниескоро за Леске. <sup>15</sup>Соскето англал о Дел аме синям Христово благоухание за калкенге, колато спасинен пес, тай околенге, колато погининен. <sup>16</sup>Иекенге синям мерибнаскоро ухание, ковато анел мериба, а околенге - животворно ухание, ковато анел животос. Тай далке делоске кой си способно? <sup>17</sup>Аме синям; соскето на синям сар мнозина, колато прекерен о Божие словос, но хоратинас искрено андо Христа, като таро Дел, англал о Дел.

## Chapter 3

<sup>1</sup>Пак ли почнинас те препоръчвинас амен? Или иси амен нужда, сарто декой, таро препоръчителна писма жи туменде или тумендар? <sup>2</sup>Туме синиен амаро писмо, пишими анде амаре сърценде, узнавиме тай четиме саворе манушендар; <sup>3</sup>тай явинен тумен, кай синиен Христово писмо, проикилио чрез амаро служение, пишими ма мастилоса, а е Духоса е живде Девлескоро, ма плоченде барестар, а плочендар тари пълт - е сърдеске. <sup>4</sup>Саика увереност иси амен спрямо о Дел чрез о Христа. <sup>5</sup>Ма кай синям способно коркоре амандар те съдинас варесоске сар амандар; но амари способност си таро Дел, <sup>6</sup>Ковато кергяс амен способна сар служителя иеке неве заветиеске, ма е букваке, а е духоске; соскето и буквa мударел, а о духос оживотворинел. <sup>7</sup>Но ако о служение колкеске, ковато анел мериба, пишими буквенца, издълбана баресте, ачило салке славаса, кай о израилиния нащине дикен е Мойсейес андо муи ашал о бляськи лескере москоро. ковато впрочем уло преходно, <sup>8</sup>сар нанай те овел о служение е Духоскоро по-баре славаса? <sup>9</sup>Соскето, ако о служение колкеске, ковато анел осъждане, ачило славаса, о служение колкеске, ковато анел правда, отнакел лес бут повече анди слава. <sup>10</sup>(Тай наистина ковка, ковато уло прославиме, нашалел пи слава далке отношениесте ашал и слава, която превъзходинел.) <sup>11</sup>Соскето, ако кавка, ковато пренакелас, уло славно, то бут по-славно си о трайно. <sup>12</sup>Тай чука, като иси амен саика надежда, хоратинас баре откровеностяса, <sup>13</sup>тай на синям сар о Мойсей, ковато товелас покривалос пе мосте, за тенащи о израилиния те дикен о изчезване калкеске, ковато пренакелас. <sup>14</sup>Но ленгере гогя уле корярде; соскето жи авдис, като четинен о Пурано Завети, о също покривалос ачол, соскето ов снеминел пес само андо Христа. <sup>15</sup>Тай жи авдис ко четиба е Мойсейеское покривалос , пашлол ко сърцес ленге., <sup>16</sup>Но като о Израил иринел пес карик о Дел, о покривалос ка снеминел пес. <sup>17</sup>А о Дел си о Духос; тай кате си о Господно Духос, оте си свобода. <sup>18</sup>А аме саворе, колато непокритоне миенца отразинас\* и Господно слава сар анде анясте, преобразинас амен анде Лескере образиесте тари слава анди слава, сарто таро Духос Господно.

## Chapter 4

### Chapter 4

<sup>1</sup>Далкеске, като иси амен давка служение, сарто придобингям милост, нана обезърчинас амен; <sup>2</sup>но отречисалам тайнендар тай лажавне дела, тай на постъпвинас лукаво, нито изопачинас о Божие словос, но като изявинас и истина, препоръчинас амен ки съвест всеконе манушеске англал о Дел.<sup>3</sup> Но ако амаро благовестие си покрито, ов си покриме калкенге, колато погивинен, <sup>4</sup>калкенге, о невярваща, каскири годи о дел калке светоскоро коряргяс, за тена озаринел лен и светлина таро славно благовестие е Христоске, Ковато си образи е Девлеске.<sup>5</sup>(Соскето аме на проповединас амен, а Христа Иисуса сар Дел, а амен - сар тумаре слуги ашал е Иисусесе.) <sup>6</sup>Понеже о Дел, Ковато пенгяс е светлинаке те изгрениел тари тъмнина, Ов си, Ковато огреингяс анде амаре сърценде, за те просветинел пес о светос е пенджарибнаса е Божие славакири андо лицес на Иисуса Христа.<sup>7</sup> А амен иси давка съкровище андо пръстна съдовя, за те дикиол, кай и превъзходно сила си таро Дел, а ма амендар. <sup>8</sup>Угнетена синям отсекатар, но на синям сломена; андо недоумение синям, но ма жи ко отчаяние; <sup>9</sup>гониме синям, но ма мукле; повалиме синям, но ма погубиме. <sup>10</sup>Винаги пиравас анде амаре теловиенде о мериба е (Девлескоро) о Иисус, за те араклол анде амаре телосте о животос е Иисусеско.<sup>11</sup> Соскето аме, о живде, винаги синям предиме ко мериба за е Иисусеске, за те изявинел пес о животос е Иисусеско анде амаре мерибиаскири плът.<sup>12</sup> Чука кай о мериба действинел анде аменде, а о животос - анде туменде.<sup>13</sup> А като иси амен о също духос вяракоро според о пишиме: "Повервингиом, далкеске хоратингиом", то амеда, понеже верувинас, далкеске хоратинас; <sup>14</sup>понеже жанас, кай Кавка, Ковато възкресингяс е Девлес е Иисусес, ка възкресинел аменда заедно е Иисусеса, тай ка представинел амен заедно туменца.<sup>15</sup> Соскето всичко давка си ашал туменге, чука кай и благодат, увеличиме чрез о мнозина, те преумножинел о благодарение, за е Божие славаке.<sup>16</sup> Далкеске аме на обезърчинас амен; но ако те тлеинел о авруно амаро мануш, пак о андруно секо диес обновинел пес.<sup>17</sup> Соскето амари временно локи скръб спечелинел аменге вечно слава, която дуре превишинел ла,<sup>18</sup> като на дикас ко видимо, а ко невидимо; соскето о видимо си временно, а о невидимо - вечно.

### Chapter 5

<sup>1</sup>Соскето жанас, кай ако арагиол амаро кер ки пув, и телесно скиния, иси амен таро Дел здание ко небеса, кер неръкторно, вечно. <sup>2</sup>Понеже анде далке кересте стенинас, като очаквинас те уряс амен амаре небесноне жилищеса, <sup>3</sup>стига само, урявде леса, тена аракловас нанге.<sup>4</sup> Соскето аме, колато синям анди каика телесно скиния, сар обремениме стенинас; ма кай мангас те нангиовас, но те уряс амен още по бут, за те овел о муликано погълнато таро животос. <sup>5</sup>А о Дел си, Ковато създиняс амен тъкмо далкеске, тай диняс амен о Духос андо залоги. <sup>6</sup>Тай чука, понеже винаги одързостинас амен, като жанас, кай жи кай синям кере андо телос, аме синям отдалечиме таро Дел <sup>7</sup>(соскето верувибнаса пирас, а ма дикибнаса), - <sup>8</sup>понеже, пенав, одързостинас амен, то предпочтитинас те овас отстраниме таро телос тай те овас кере ко Дел.<sup>9</sup> Далкеске ревностно стараинас амен, било кере или отстраниме, те овас угодна Леске.<sup>10</sup> Соскето саворе требе те зачовас открита англал о Христово съдилище, за те получинел секой според со кергяс андо телос, било лачо или канило.<sup>11</sup> Тай чука, като пенджарас и дар таро Дел, убединас е манушен; а е Девлеске синям позната, надявинаман още, кай тумареда съвестиенге синям позната.<sup>12</sup> Далкеса нана препоръчинас амен туменге отново, а дас тумен поводи те хвалинен тумен аменца, за те овел тумен со те отговоринен колкенге, колато хвалинен пес далкеса, ковато си ко мui, а ма далкеса, ковато си андо сърцес.<sup>13</sup> Соскето, ако гелам жи ко крайностя, ов уло за е Девлеске; или ако умерено мъдрувинас, ов си ашал туменге.<sup>14</sup> Соскето и Христово любов принудинел амен, като разсъждинас чука, кай понеже иек муло саворенге, то саворе мule;<sup>15</sup> Ов муло саворенге, за тена живинен вече о живде за песке, а за Калкеске, Ковато муло тай възкресингяс за ленге.<sup>16</sup> Далкеске аме от акана наоте на пенджарас никас ки плът; ако пенджартиям Христа ки плът, пак акана вече чука на пенджарас Лес.<sup>17</sup> Далкеске, ако си декой андо Христа, ов си нево създание; о пуррано отнаклас; аке, (всичко) ачило нево.<sup>18</sup> А всичко си таро Дел, Ковато примирингяс амен Песа чрез (Иисуса) Христа тай диняс амен о служение е примирениеско,<sup>19</sup> демек, кай о Дел андо Христа примирингяс е светос Песа, като на вменинелас е манушенге ленгере претрещения, тай кай поверингяс аменге о послание е примирениеско.<sup>20</sup> Тай чука, тари Христово риг синям посланикия, сар кай о Дел чрез аменде умолинел; молинас тумен тари Христово риг, примиринен тумен е Девлеса,<sup>21</sup> Ковато аменге кергяс грешно\* Колкес, Ковато нана жанелас безех, за те ачовас аме чрез Лесте праведна англал о Дел.

### Chapter 6

<sup>1</sup>Тай аме, като съдействинас е Девлеса, също умолинас тумен тена приеминен напразно и Божие благодат. <sup>2</sup>Соскето пендо си: " Андо благоприятно време шунгиом тут, тай андо спасително диес помагингиом тuke."; Аке, акана си благоприятно времес, аке, акана си спасително диес.) <sup>3</sup> Аме нисосте на дас нисави причина за съблазан, тена злословингиол амаро служение,<sup>4</sup> но андо всичко представинас амен, сар Божия служителя, баре зоралипнаса, андо скърбес, анди нужда, андо утеснения, <sup>5</sup>андо бичувания, андо панлиба, андо смутовя, андо трудовя, андо безсъзния, андо неядения, <sup>6</sup>андо шужипе, андо благоразумие, андо дълготърпение, анди благост, андо Свято Духос, анди нелицемерно любов, <sup>7</sup>андо хоратиба и истина, анди Божие сила, чрез о оръжие е

## Chapter 7

правдакере андо десно вас тай андо лево;<sup>8</sup> машкар и слава тай опозорение, машкар о хулиба тай и ппохвала; считиме сар измамникия, но пак истинна; <sup>9</sup> сар непозната, а пак лачес пенджкарде; сар мерибнасте, а аке, живинас; сар накажиме, а ма умъртвиме; <sup>10</sup> сар наскърбиме, а винаги лошале; сар сиромася, но обогатяваща мнозинен; сар кай нищо нанай амен, но притежаваща всичко.<sup>11</sup> О, коринтяни, о думес амаре карик туменде си откровена\*, амаро сърцес бухлило. <sup>12</sup> Туменге нанай тесно анде аменде, но анде туменде си тесно аменге. <sup>13</sup> Тай чука, за равноне отплатаке (сар чадоненге хоратинав), бухларен тумеда тумаре сърца. <sup>14</sup> Ма впрегинен тумен несходно е невярващененца; сокето, саво общо иси е правда тай е беззакониес? Или саво общение иси е светлина тай е тъмнина?<sup>15</sup> Тай саво съгласие иси е Христас е Сатанаса\*? Или саво съучастие иси е вярващенес е невярващенеса?<sup>16</sup> Тай саво споразумение иси е Божие храмиес е идоленца? Сокето туме синиен храми е живде Девлеске, сарто пенгяс о Дел: " Ка заселинаман машкар ленде тай машкар ленде ка пирав; тай ка овав ленге Дел, тай он ка овен Манге люде".<sup>17</sup> Далкеске: " Иклон машкар лендар тай отделинен тумен," пнел о Дел, " Тай ма допиринен тумен жи ко нечисто"; тай: " Ме ка приеминав тумен,<sup>18</sup> тай ка овав туменге Отеци, тай туме ка овен Манге чаве тай чая", пнел о Всемогъщо Дел.

## Chapter 7

<sup>1</sup> Тай чука, любезна, като иси амен далка обещания, нека очистинас амен всеконе пълтсконе тай духовноне нечистотатар, като усьвършенствинас амен анди святост дараса таро Дел. <sup>2</sup> Керен тан анде тумаре сърцеденде за аменге; никак на онеправдингям, никак на развратингям, никастар на възползвингям амен. <sup>3</sup> На пенав давка, за те осъдинав тумен: сокето по-нангле пенгиом, кай синиен анде амаре сърценде, за те овас заедно като каа мерас, тай като живинас. <sup>4</sup> Баро си моро доверие анде туменде, бут хвалинаман туменца, пердо синиом утексас; анди секакво амари скръб ми лошали си преизобилно. <sup>5</sup> Сокето, отсар алам анди Македония, на сине амен\* нисаво спокойствие, но секатар улам утеснена: аврят о борби, андрал и дар. <sup>6</sup> Но о Дел, Ковато утешинел е смиренонен, утешингям амен е Титиескере пристигнимнаса; <sup>7</sup> тай ма просто лескере пристигнимнаса, но ашал и утеха, коласа туме утешингиенас лес, като известингяс аменге тумаро копнежи, тумаро роиба, тумари ревност за манге; чука кай още по бут лошаниом.<sup>8</sup> Сокето, при все кай наскърбингиом тумен ме посланиеса, нана разкайваниаман; макар те пораскайнавас ман, като диклом, кай ковка писмо наскърбингиас тумен, но само за хари време. <sup>9</sup> Акано лошанав, ма за тумаре наскърбимнаске, но сокето тумаро наскърбяване ангяс тумен жи ко покаяние; понеже скърбиненас палал о Дел, тай тена понесинен нисави вреда амендар нисосте. <sup>10</sup> Сокето и скръб палал о Дел биянел спасително покаяние, ковато ингалел жи ко спасение тай на мукел разкаяние, а и светско скръб биянел мериба.<sup>11</sup> Сокето, аке кавка тумаро скърбиба палал о Дел, саво усьрдие породингяс анде туменде, саво себеочистване, саво негодувание, сави дар, саво очакване, сави ревност, сави готовност те дикен възмездие! Всичконасте туме покажингиен, кай синиен чиста анде далке делосте. <sup>12</sup> Тай чука, ако пишигиом туменге давка, на пишигиом лес ашал о оскърбители, нито ашал о оскърбиме, а за те ачол туменге ясно англал о Дел кити синиен аменге предана. <sup>13</sup> Далкеске утешисалам; тай анде далке амаре утехате още по бут залошангям ашал и лошали на Тит, сокето туме саворе успокоингиен лескоро духос. <sup>14</sup> Сокето, ако похвалингиоман лескес хари туменца, нана лажанилом; но сарто всичко, ковато хоратингям туменге, уло истинно, чука и похвала амари туменца англал о Тит иклили истинно.<sup>15</sup> Тай ов още по бут миленел туменге, като дел пес годи и послушност саворенгири, сар приемингиен лес дараса тай трепетиеса. <sup>16</sup> Лошанав, кай анде всичконасте ащи доверинав ман туменде.

## Chapter 8

<sup>1</sup> Паш далкесте, пралален, известинав туменге и Божие благодат, денди ко кангеря анди Македония, <sup>2</sup> кай макар те търпинен баро утеснение, пак ленгири изобилно лошали тай ленгири дълбоко сиромашия керде те преливинел о барвалипе ленгере щедростатар.<sup>3</sup> Сокето свидетелствинав, кай он дине доброволно според пи сила, тай даже аври пе силатар, <sup>4</sup> като умолиненас амен баре настоящиеса, относно давка деиба\*, дано те участвинен онда андо служение е светиенг. <sup>5</sup> Тай он ма само дине, сарто надявинасас амен, но първо предине пес е Девлеске тай, ки Божие воля, аменг; <sup>6</sup> чука кай помолингям е Титиес те довършинел машкар туменде давка благодеяние, сарто започнингясас лес. <sup>7</sup> Тай чука, сарто изобилствинен андо всеко варесо: анди вяра, андо словос, андо знание, андо пердо усьрдие, тай анди любов карик аменде, чука те преизобилствинен анде далке благодеяниесте.<sup>8</sup> На пенав давка сар заповед, а за те изпитвинав и искреност тай любов чрез о усьрдие околнего. <sup>9</sup> Сокето жанен и благодат амаре Девлескири о Иисус Христос, кай като уло барвало, за туменге ачило чоро, за те обогатинен тумен туме чрез Лескере чорипнасте.<sup>10</sup> А относно давка ме дав кавка съвети, кай чука те керен лес си полезно туменге, колато окова бреш улен първа ма само те керен лес, но те манген те керен лес. <sup>11</sup> А акана керен лес ко делос, чука кай сарто улен усьрдна андо желание, чука те овен андо довършване, според со иси тумен. <sup>12</sup> Сокето, ако иси усьрдие, ов си приемиме, според кити иси е манушес, а ма според кити нанай лес.<sup>13</sup> Понеже на мангав авер те овен облекчиме, а туме утесните; <sup>14</sup> но те овел равенство, сар тумаро сегашно изобилие пергяс ленгири оскъдност; тай ленгоро изобилие послужингиас тумаре оскъдностиаке; тай те овел равенство, <sup>15</sup> според сарто си пишиме: " Ковато кидингясас бут, на сине лес излишъки; тай ковато кидингясас хари, на сине леске оскъдно".

## Chapter 9

<sup>16</sup>Те благодаринас е Девлеске, Ковато вложинел андо сърцес на Тит о също усърдие за туменге, ковато иси амenda; <sup>17</sup>сокето наистина приемингяс амари молба, а паш далжесте, като уло коркоро бут усърдно, тръгнингяс каrik туменде доброволно.<sup>18</sup>Бичалгам леса е пралес, колескири похвала андо делос е благовестиеско си известно андо саворе кангеря; <sup>19</sup>тай ма само давка, но още уло избириме таро кангеря те пътувинел аменца за е делосе далке благодеяниеско, колеске служинас за е Девлескере славаке, тай за те покажинел пес амаро усърдие,<sup>20</sup>като избегвинас давка, декой те упреквинел амен относно давка щедро подаръки, ковато си повериме амаре служениеске; <sup>21</sup>понеже грижинас амен далкеске, ковато си честно ма само англал о Дел, но англал о манушада.<sup>22</sup>Бичалгам ленца околе амаре пралес, колеско усърдие бут дрома тай анде буте букиенде опитвингям, тай колато акана си бут по-усърдно ашал лескоро баро доверие каrik туменде.<sup>23</sup>Кити за е Титиеске, ов си моро другари тай съработники машкар туменде; а кити амаре праленге, он си пратеникия е кангериенгере, слава е Христаске.<sup>24</sup>Далкеске, покажинен ленге англал о кангеря доказателство за тумари любов тай за амаре похвалаке за туменге.

## Chapter 9

<sup>1</sup>А наистина излишно си те пишинав туменге за те ден помоща е светиенге; <sup>2</sup>понеже жанав тумаро усърдие, за колеске хвалинаман туменца англал о македонция, кай и Ахая още от окова бреш си приготвиме; тай тумари ревност подбудингяс по бут лендар.<sup>3</sup>А бичалтиом е прален, за тена иклол чучи амари похвала за туменге андо давка отношение, тай те овен, карто пенавас, приготвиме; <sup>4</sup>тена, ако авен манца македонция тай аракен тумен неприготвиме, те ачовас лажаке аме, тена пенав туме, анди даика увереност. <sup>5</sup>Тай чука, араклом за нужно те помолинав е прален те авен по-нангле паш туменде тай те приготвиен предварително тумари отрано обещиме милостиния, за те овел готово сар милостиния, а ма сар изнудване.<sup>6</sup>А давка пенав, кай ковато дел хари , хари ка лел, ковато дел бут , бут ка лел.<sup>7</sup>Всекой те дел, според карто решингяс ан пе сърцесте, без те скъпинел пес, тай ма по принуда; сокето о Дел дехел колкес, ковато дел на драго сърце.<sup>8</sup>А о Дел си силно те преуможинел туменге секакво благо, чука кай като иси тумен всякога тай андо всичко достатъчно андо всеко отношение, те изобилствинен андо всеко лачо делос; <sup>9</sup>карто си пишиме: "Раздиняс бут, диняс е черен , Лескири правда траинел жи ко векос."<sup>10</sup>А Кавка, Ковато дел семес е сеячиеске тай маро хабнаксе, ка дел тай ка умножинел тумаро семес за сейтбаке, тай ка керел изобилна о плодове тумаре правдакере,<sup>11</sup>за те овен барвале андо всеко отношение тай щедра андо всеко поводи, тай чрез аменде тумари щедрост ка породинел благодарност каrik о Дел.<sup>12</sup>Сокето о извършване калке служениеско ма само перел о нуждес е светиенге, но тай чрез о бут благодарностя изливинел пес англал о Дел;<sup>13</sup>понеже ашал о служение, чрез колесте докажингиен тумен, он славинен е Девлес за тумаре послушаниеске, съпътстващо о изповядване е Христескере благовестиеско, тай и щедрост тумаре споделимнаксе ленца тай саворенца.<sup>14</sup>А тай андо молитвес ленге за туменге ленгере сърца ка закопнеинен туменге ашал и денди туменге изобилно Божие благодат.<sup>15</sup>Те благодаринас е Девлеске за Лескоро неизказано дари!

## Chapter 10

<sup>1</sup>Тай коркоро ме, о Павел, молинав тумен е Христескере кротостяса тай нежностяса, ме, ковато синиом смиreno, като синиом машкар туменде, а като отсъствинав, ачовав смело каrik уменде,<sup>2</sup>молинав ман туменге, като синиом паш туменде, тена принудинаман те употребинав смелост колке увереностяса, коласа мислинав те одързостинаман против декасе, колато мислинен, кай аме постъпвинас пътски.<sup>3</sup>Сокето, ако те живинасда анди път, ки път на воювинас.<sup>4</sup>Сокето о оръжия, коленца воювинас, нанай пътска, но чрез о Дел си силна пераибнаксе е крепостиенге.<sup>5</sup>Понеже перавас помислес тай всичко, ковато взадел пес учипнасте против о познание е Девлеско, тай пленинас всеко разуми те покоринел пес е Христаске.<sup>6</sup>Тай синям готова те накажинас секакво непослушание, щом ачол пердо тумаро послушание.<sup>7</sup>Туме дикен о авруно. Ако декой си увериме анде песте, кай си Христово, то нека размислинел още иеквар анде песте, кай карто , ов си Христово, чука амеда синям Христова.<sup>8</sup>Сокето, ако похвалинавас ман варесо по бут амаре властиса, която о Дел диняс за тумаре назиданиеске, а ма за тумаре разорибнаксе, нанай те лажав.<sup>9</sup>Обаче нека тена дикиол, кай мангав те заплашвинас тумен ме посланиенца.<sup>10</sup>Понеже, пенен десаве, лескере послания си паре тай силна, но лескоро лично присъствие си слабо тай лескири реч - нищожно.<sup>11</sup>Савка нека овел лес предвид давка, кай саве синям ко словос амаре посланиенде, като синям дуре тумендар, салка синям ко делос, като синям паш туменде.<sup>12</sup>Сокето на смеинас те считинас или те сравнинас амен декаса колкендар, колато препоръчвинен коркоре пес; но он, като меринен пес песа, тай като сравнинен пес песа, на постъпинен разумно.<sup>13</sup>А аме нанай те хвалинас амен далкеса, ковато си аври амаре пределендар, а ка ограничинас амен е областяса, която о Дел определингяс аменге, област, която ресел дори жи туменде.<sup>14</sup>Сокето аме нана жас твърде дуре е хвалбенца амаренца, като че ли на реслам жи туменде; сокето реслам жи туменде е Христаскере благовестиеса.<sup>15</sup>Тай на хвалинас амен далкеса, ковато си аври амаре пределендар, демек, чуждоне трудоса, но иси амен надежда, кай с нарастване тумаре вяраса, ка разширигиол и област амари за букиже машкар туменде, тай то пребут,<sup>16</sup>чука кай те проповединас о благовестие тумендар по-ноте. Сокето на мангас те хвалинас амен е извършиме букися анди

чуждо област.<sup>17</sup> А който хвалинел пес, е Девлеса нека хвалинел пес. <sup>18</sup> Соскето нанай одобриме кавка, ковато коркоро пес препоръчвинел, а кавка, колес о Дел препоръчвинел.

## Chapter 11

<sup>1</sup> Дано те аци търпинен хари моро безумие! Ва ! потърпинен ман, <sup>2</sup> соскето ревнувинав за туменге божественоне ревностяса; понеже сгодингиом тумен иеке мрушеса, те представинел тумен сар шузи девица е Христаске.<sup>3</sup> Но дараф тена, карто о сап хохавгяс е Ева пе хохамнаса, те нашальъл тумари годи тай отперел тари простота тай чистота, която дължинен е Христаске. <sup>4</sup> Соскето, ако авел декой тай проповединел туменге авере Иисусес, Колес аме на проповедингям, или ако получинен авер духос, ковато на получингиен, или авер благовестие, ковато на приемингиен, туме лесно търпинен лес.<sup>5</sup> Обаче мислинав, кай ме на синиом андо нищо по-долно калке превъзходноне апостолендар!<sup>6</sup> А па, те овавда анде ме речяте просто, андо знание на синиом; дори аме по секакво начини покажингям туменге давка андо всичко.<sup>7</sup> Безех ли кергиом, като смиринаас ман, за те вазден тумен туме, като проповедингиом туменге о Божие благовестие даром?<sup>8</sup> Авр кангеря оберингиом, като лавас заплата лендар, за те служинав туменге; <sup>9</sup> а като улом паш туменде тай пелом анди нужда, на дотегнингиом никаске, соскето о прала, колато але тари Македония, задоволинде ми нужда, Чука андо всичко опазингиом ман, тай ка пазинав ман, тена дотегнинав туменге.<sup>10</sup> И Христово истина, която си анде манде, свидетелствинел, кай никой нанай те отнеминел манте дайка похвала андо Ахайска тана.<sup>11</sup> Соскето нана дехав ли тумен? Жанел о Дел!<sup>12</sup> А со керав, давка ка керав, за те пресечинав о поводи калкенгоро, колато роден поводи против манде, тай андо давка, колеса хвалинен пес, те окажинен пес сар аменде.<sup>13</sup> Соскето салка мануша си хохавне апостола, лукава работника, колато прекерен пес Христова апостола.<sup>14</sup> Тай нанай чудно; соскето коркоро о Сатана прекерел пес светоне ангелесте;<sup>15</sup> чука кай нанай баро варесо, ако лескере служиеля прекерен пес служителя е правдакере. Но ленгоро крайос ка овел според ленгере деловиенде.<sup>16</sup> Пак пенав, никой тена считинел ман безумнонеске; ако ли не, приеминен ман сар безумно, кай те похвалинав ман меда хари варесо.<sup>17</sup> (Давка, ковато пенав салке самоувереноне хвалбаса, на пенав лес сар ко Дел, а сар безумцос.<sup>18</sup> Чука кай мнозина хвалинен пес ки пътът, ка похвалинав ман меда.)<sup>19</sup> Соскето туме, като синиен разумна, готовностяса търпинен е безумнонен;<sup>20</sup> понеже търпинен, ако декой поробвинел тумен, ако ограбинел тумен, ако използвинел тумен, ако превъзнесинел пес, ако марел тумен ко мун.<sup>21</sup> Лажаке пенав лес, се едно кай улам слаба! Но соса осмелинел пес декой те хвалинел пес (сар безумцос хоратинав), осмелинав ман меда.<sup>22</sup> Еврея ли си? Меда синиом. Израилияния ли си? Меда си ом. Авраамово потомство ли си? Меда.<sup>23</sup> Служителя Христова ли си? (сар безумцос хоратинав), ме по бут: улью по бут андо трудос, андо бичувания прекомерно, андо тъмнищес още по бут, бут дрома мерибаистеда.<sup>24</sup> Панч дром о юдея чалавде мангите по саранда без иек ударя;<sup>25</sup> трин дром улом мардо тоягаса, иеквар марде ман баренца, трин дром претърпингиом корабокрушение, иек рат тай иек дие улом ко морска дълбочини.<sup>26</sup> Бут дрома улом андо пътешествия; андо опасностя таро реки, анди опасност таро разбойники, анди опасност таро съотечественики, анди опасност таро езичници, анди опасност андо градос, анди опасност анди пустиния, анди опасност ко морес, анди опасност машкар о хохавне прала;<sup>27</sup> андо трудос тай мъка, бут дром андо безсъние, анди бок тай жажда, бут дром андо неядене, андо шил тай андо нангиба;<sup>28</sup> тай освен около букя, упран манде тежинел секо дие и грижа саворе кантериентири.<sup>29</sup> Кой изнемощинел, без те изнемощинав меда? Кой съблазнинел пес, без те разтабъловав меда?<sup>30</sup> Ако требе те хвалинав ман, ка похвалинав ман далкеса, ковато отнесинел пес жи ме немощяте.<sup>31</sup> О Дел тай о Отец е Девлеске о Иисуса (Христа), Ковато си благословиме жи ко вексос, жанел, кай на хохавав.<sup>32</sup> (Андо Дамаск о областно управители е тагареске о Аreta поставингяс стража андо градос Дамаск, за те уловинел ман;<sup>33</sup> тай презал о жами ки стена мукле ман кошоса, тай нашлом таро васта леске.)

## Chapter 12

<sup>1</sup> Принудиме синиом те хвалинав ман, при все кай нанай ползаке; но акана ка авав жи ко видения тай откровения таро Дел. <sup>2</sup> Пенджараав иеке манушес андо Христа, ковато преди дешуштар бреша ( андо телос ли, на жанав, аври таро телос ли, на жанав; о Дел жанел) уло ингалдо жи ко трето небес.<sup>3</sup> Тай салке манушес пенджараав (андо телос ли, би е телоскоро ли, на жанав; о Дел жанел), <sup>4</sup> ковато уло ингалдо андо рай тай шунгяс неизразима думес, колато манушеске нанай позволиме те хоратинел. <sup>5</sup> Салке манушеска похвалинав ман; а манца нанай те похвалинав ман, освен ме немощиенца.<sup>6</sup> (Соскето, даже ако мангав те похвалинав ман, нанай те овав безумно, понеже ка хоратинав истина; но икерав ман, тена декой мислинел мангите по бут, состар дикел или шунел мандар.)<sup>7</sup> А за тена превъзнесинав ман ашал о пребудят откровения, диняс пес мангите каро\* анди пътът, пратеници таро Сатана, те мъчинел ман, за тена превъзнесинав ман.<sup>8</sup> Далкеске трин дром молисалом е Девлеске те отстранинел лес мандар; <sup>9</sup> тай Ов пенгяс мангите: Ресел туке Мери благодат; соскето Ми сила анди немощ покажинел пес съвършено. Тай чука, е пребудите лошаласа по-лачес ка похвалинав ман ме немощиенца, за те вселинел пес анде манде и Христово сила.<sup>10</sup> Далкеске аракав удоволствие андо немощя, андо укоря, андо лишение, андо гонения, андо притеснения за е Христаске; соскето, като синиом немощно, тогава синиом силно.<sup>11</sup> Ачилом безумцос. Туме принудингиен ман, соскето туме требеше те препоръчвинен ман; понеже на улом по-

долно калке превъзходно апостолендар, макар те овав нищо.<sup>12</sup>Наистина о признакя иеке апостолескере - знамения, чудеса тай велика делова, покажинде пес машкар туменде пердоне постоянствоса.<sup>13</sup>Сокето, анде состе улен поставиме по-теле околе кангериендар, освен анде далkestе, кай на дотегнитиом туменге? Простилен манге дайка неправда!<sup>14</sup>Аке, готово синиом те авав паш туменде трето дром тай нанай те дотегнинав туменге, сокето на мангав тумаро, а тумен; понеже о чада нанай дължна те киден имоти пе родителенге, а о родителя - е чадовиенте.<sup>15</sup>А па ме пребуте лошаласа ка жертвина тай цело ка жертвина ман за тумаре душенге. Ако ме дехав тумен по бут, туме по-хари ли ка дехен ман?<sup>16</sup>Но, печен туме, чука те овел - на дотегнитиом туменге, обаче сар пирно долгиом тумен измамаса. Чука ли си?<sup>17</sup>Възползвисалом ли тумендар чрез декасте колкендар, колато бичалгиом жи туменде?<sup>18</sup>Помолингиом е Титиес те авел паш туменде тай леса бичалгиом иеке пралес. О Тит ли припечелингяс варесо тумендар? На пирас ли анде иеке същоне духосте? Андо иек тай съща стъпкес?<sup>19</sup>Още ли мислинен, кай аме оправдинас амен англал туменде? Нака; англал о Дел хоратинас давка андо Христа, тай то всичко, любезна мере, за тумаре назиданиеске.<sup>20</sup>Сокето дарав тена, като авав, те аракав тумен ма саве мангав тумен, тай ме те аракловав туменге ма саво манген ман, тай тена овел машкар туменде раздори, завист, гняв, партизанство, одумвания, клюкарство, високомерие, безредицес.<sup>21</sup>Тена, като ка авав пак, те смиринал ман моро Дел машкар туменде, тай те оплаквинав мнозинен, колато англал далkestе съгрешинде тай нана покаянде пес е нечистотаке, о блудство тай о сладострастие, коленде предине пес.

## Chapter 13

<sup>1</sup>Аке, трето дром авав паш туменде." Таро муи донге или трине свидетеленге требе те потвърдинел пес всеко делос".<sup>2</sup>Сарто, като улом паш туменде о второ дром, предупредингиом тумен, чука акана, като на синиом туменде, предупрединав калкен, колато преди съгрешинде, тай саворен околен, кай ако авав пак, нанай те пощадинав;<sup>3</sup>чука като роден доказателство, кай чрез манде хоратинел о Христос, Ковато карик туменде нанай немощно, но си силно машкар туменде;<sup>4</sup>сокето, при все кай Ов уло разпниме анди немощ, пак живинел чрез и Божие сила. Подобно Леске амеда синям немощна, но ка живинас Леса машкар туменде чрез и Божие сила.

<sup>5</sup>Изпитвинен тумен дали синиен анди вяра; опитвинен тумен. Или на съзнавинен, кай о Иисус Христос си анде туменде - освен ако синиен неодобриме?<sup>6</sup>А надявинаман, те пенджарен, кай аме синям одобриме.<sup>7</sup>Тай молинав е Девлес тена керен нисаво зло ма за те покажинас амен, кай синям одобриме, а за те керен туме давка, ковато си лачо, те дикиолда кай аме синям неодобриме.<sup>8</sup>Сокето наши керас нищо против и истина, но за е истинаке ащи.<sup>9</sup>Понеже лошанас, като аме синям немощна, а туме синиен силна; тай далкеске молинас амен - тумаре усьвършенствоске.<sup>10</sup>Аке соске, като отсъствинав, пишинав давка, тай като синиом туменде, тена отнесинаман строго, според и власт, която диняс ман о Дел за съзидание, а ма те перавав.<sup>11</sup>Най-после, пралален, Сар си ен. Усьвършенствинен тумен, утешинен тумен, овен единомислена, живинен андо мири; тай о Дел на любовта тай е мириеско ка овел туменца.<sup>12</sup>Поздравинен тумен иек аверес святоне целувкаса.<sup>13</sup>Поздравинен тумен саворе светиес. 14 И Благодат е Девлескири Иисус Христос тай любов е Девлескири, тай о общение е Свете Духоскоро, те овел саворенца туменца. Амин.

## Galatians

## Chapter 1

<sup>1</sup>О Павел, апостоли ма таро мануша, нито чрез о мануш, но чрез о Иисуса Христа тай о Дел о Отец, Ковато възкресингяс Лес таро муле,<sup>2</sup>тай саворе прала, колато си манца, карик о галатийска кангеря:<sup>3</sup>Благодат тай мири туменге те овел таро Дел о Отца тай амаре Девлестар о Иисус Христос,<sup>4</sup>Ковато диняс Пес амаре безехенге, за те избавинел амен таро настоящо нечестиво светос, според и воля амаре Девлескири тай Отеци,<sup>5</sup>Колеске те овел и слава жи ко вечна векове. Амин.<sup>6</sup>Чудинав ман сар туме чука сиго пренакен Колкестар, Ковато призовингяс тумен чрез и Христово благодат, карик авере благовестиесте,<sup>7</sup>ковато нанай авер благовестие, а си делос на неколцина, колато смутинен тумен тай манген те изопачинен о Христово благовестие.<sup>8</sup>Но ако тай аме коркоре или ангели таро небес проповединел туменге авер благовестие, освен ковка, ковато проповедиям туменге, нека овел проклето.<sup>9</sup>Сарто пенгям преди, пак пенав лес акана: Ако декой проповединел туменге авер благовестие, освен ковка, ковато приемингиен, нека овел проклето.<sup>10</sup>Сокето манушенге ли мангав те угодничинав акана или е Девлеске? Или мангав те угодинав манушенге? Ако угодинавав още манушенге, нанаяс те овав Христово слугас.<sup>11</sup>Сокето известинав туменге, пралален, кай о проповядано мандар благовестие нанай манушеско;<sup>12</sup>понеже не нито таро мануш приемингиом лес, нито сиклилом лес таро мануш, а чрез о откровение таро Иисуса Христа.<sup>13</sup>Сокето шунгииен за о някогашно моро поведение анди юдейско религия, сар прекомерно гонинавас и Божие кангери тай разоринавас ла.<sup>14</sup>Тай напреднинавас анди юдейско религия по бут таро мнозина мере връснишка машкар о съотечествениния мере, тай улом бут ревностно за о предания мере даденгере.<sup>15</sup>А като о Дел, Ковато още тари утроба ме даякири, отделингясас ман тай призовингяс ман чрез Пери благодат,<sup>16</sup>благоволингяс те откринал манге Пе Чавес, за те проповединав Лес машкар о езичниния, ме на

## Chapter 2

допучломан жи ки път тай рат,<sup>17</sup> нито възлизингиом андо Ерусалим паш колкенде, колато уле апостола англал манде, а занаклом веднага за Арабия тай пак ирисалом андо Дамаск.<sup>18</sup> Тогава, палал о трин бреша, гельом андо Ерусалим, за те запенджкарав ман е Кифаса, тай ачилом паш лесте дешупанч диеса;<sup>19</sup> аверес таро апостола на диклом освен о Яков, Господно прал.<sup>20</sup> А за калкеске, ковато пишинав туменге, аке, англал о Дел уверинав тумен, кай на хохавав.<sup>21</sup> После алом андо обласкя Сиря тай Киликия.<sup>22</sup> Тай лично на улом още познато е Христовоне кантериенге анди Юдея,<sup>23</sup> а само шуненас, кай ковка, ковато по иеке времесте гонинелас лен, акана проповединел и вяра, която декана разоринелас.<sup>24</sup> Тай славиненас е Девлес ашал манг.

## Chapter 2

<sup>1</sup> После, палал дешущар бреша, пак гельом андо Ерусалим е Варнаваса, като лильом манца е Титиес.<sup>2</sup> А гельом по откровение. Тай изложингъом англал о прала о благовестие, ковато проповединав машкар о езичникя, но коркоресте англал о по-именита лендар, тена прастав или те прастанилом напразно.<sup>3</sup> Но даже о Тит, ковато сине манца, макар гръкос, на уло принудиме те обрежинел пес.<sup>4</sup> Кити жи ко хохавне прала, колато промъкниндесас пес машкар аменде те дебнинен и свобода, която иси амен андо Христа Иисуса, за те поробинен амен,<sup>5</sup> ленге нито сахакиеске на отстъпнгям те покоринас амен ленге, за те пребъдвинел туменца и истина е благовестиискири.<sup>6</sup> А калка, колато считиненас пес варесоске (саве да те уле, манге си все иек; о Дел на дикел ко муй е манушеске), калка, о по-видима, пенав, на прибавинде нищо по бут карик моро учение;<sup>7</sup> а, напротив, като дикле, кай манге уло поверииме те проповединав о благовестие машкар о необрежиме, сарто е Петреске машкар о обрежиме,<sup>8</sup> (сокето Ковато действинел андо Петрес за апостолство машкар о обрежиме, действинел анде манде за апостолство машкар о езичникия),<sup>9</sup> тай като пенджкарде и денди манге благодат, то о Яков, о Кифа тай о Йоан, колато считиненас пес стълбовиенге, дине десницес общувибнаске манге тай е Варнаваске, за те жас аме машкар о езичникия, а он - машкар о обрязана.<sup>10</sup> Мангенас само те помнинас е сиромасиен - ковато, ревностно мангенас те керав.<sup>11</sup> А като о Кифа ало анди Антиохия, ме лично възпротивингиоман леске, сокето провинисалосас.<sup>12</sup> Понеже, англал те авен десаве таро Яков, ов халас заедно е езичнициенца, а като але, оттеглисало тай странинелас лендар, сокето даралас таро обрежиме.<sup>13</sup> Тай заедно леса лицемерствиненас околада юдея, чука кай о Варнава увлечисало ленгере лицемерствостар.<sup>14</sup> Но като диклом, кай на постъпинен право ки истина е благовестиискири, пенгиом е Кифасе англал саворенде: Ако ту, ковато синян юдеи, живинес сар о езичникия, а ма сар о юдея, сар принудинес е езичнициен те живинен сар о юдея?<sup>15</sup> Аме, колато синям по природа юдея, а ма грешники таро езичникия,<sup>16</sup> като жанас, кай мануш на оправдинел пес чрез о дела ко закони, а само чрез и вяра андо Иисуса Христа, тай аме повервингям андо Христа Иисуса, за те оправдинас амен чрез и вяра андо Христа, а ма чрез о дела ко закони; сокето чрез о дела ко закони нанай те оправдинел пес нисаво мануш.<sup>17</sup> Но кана мангасас те оправдинас амен андо Христа, коркоре окажисалам грешна, нима о Христос си служители е безехаке? Да не бъде!<sup>18</sup> Сокето, ако градинав наново ковка, ковато арагъом, покажинав ман престъпници.<sup>19</sup> Сокето ме чрез о закони мулом спрямо о закони, за те живинав е Девлеске.<sup>20</sup> Съразпънингъоман е Христоса тай акана вече ме на живинав, но о Христос живинел анде манде; а о животос, ковато акана живинав андо телос, живинав лес е вяраса, която си андо Божие Чаво, Ковато възлюбиягяс ман тай прединяя Пес за манге.<sup>21</sup> На отчивав и Божие благодат; сокето, ако и правда придобинел пес чрез о закони, тогава о Христос муло напразно.

## Chapter 3

<sup>1</sup> О, неразумна галатия, кой омаингяс тумен, англал каскере якенде о Иисус Христос уло ясно изобразиме сар разпнато?<sup>2</sup> Давка само мангав те ахаловав тумендар: Чрез о дела ко закони ли получингиен о Духос, или чрез и вяра андо евангелско послание?<sup>3</sup> Дики ли синиен неразумна, кай като почнингиен андо Духос, акана усьвършенствинен тумен анди път?<sup>4</sup> Напразно ли дики страдингиен? Ако наистина уло напразно!<sup>5</sup> Кавка, Ковато дел тумен о Духос тай керел велика дела машкар туменде, чрез о дела ко закони ли керел давка, или чрез и вяра андо послание,<sup>6</sup> сарто о Авраам, повервингяс андо Дел тай вменингяс пес леске правдаке?<sup>7</sup> Тогава жанен, кай калка, колато упражнинен вяра, он си Авраамова чада;<sup>8</sup> тай о Писание, сар предвид, кай о Дел чрез и вяра ка оправдинел е езичнициен, предизвестингяс о благовестие е Авраамеске, тай пенгяс: "Анде туте ка благословинен пес саворе народос."<sup>9</sup> Чука кай калка, колато упражнинен вяра, благословинен пес заедно е вярващоне Авраамеса.<sup>10</sup> Сокето саворе, колато облегнинен пес деловиенде ко закони, си телал клетвате, понеже си пишите: "Проклето всекой, ковато на постоянствинел те изпълнинал всичко, пишите анди книга е закониескири".<sup>11</sup> А кай никой на оправдинел пес англал о Дел чрез о закони, си явно, сокето "о праведно чрез и вяра ка живинел";<sup>12</sup> а о закони на действинел чрез и вяра, но пенел: "Ковато керел давка, ковато заповединел о закони, ка живинел чрез лесте".<sup>13</sup> О Христос искупингяс амен таро проклятие е закониеске, като ачило проклето аменте; сокето си пишите: "Проклето всекой, ковато висинел кащесте";<sup>14</sup> чука кай о благословение, дендо е Авраамеске, те авел чрез о Христа Иисуса е езичнициенг, за те приеминас о обещими Духос чрез и вяра.<sup>15</sup> Правален, ( манушканесте хоратинав) иек завещание, даже ако си само манушеско, иеквар потвърдинел ли пес, нана аравиол, нито карик лесте прибавинел пес.<sup>16</sup> А о обещания изречинде пес е Авраамеске тай лескеро

## Chapter 4

потомство. На пенел: "тай е потомциенге", сар за саворенге, но сар иекеске: "тай тере потомъкиеске", Ковато си о Христос.<sup>17</sup> Тай давка пенав, кай завети, предварително потвърдиме таро Дел, наши овел аравдо таро закони, въведиме штар шел тай триянда бреша по-късно, тай те унищожингиол о обещание.<sup>18</sup> Соскето, ако о наследство си по закон, то нанай вече по обещание; а о Дел дарингяс лес е Авраамеске по обещание.<sup>19</sup> Тогава соске диняс пес о закони? Прибавингяс пес с цел те изявинен пес о престъпления, жи кай авел о Потомъки, Колеске уло дендо о обещание; тай уло постановено таро ангеля чрез о вас иеке ходатайескоро.<sup>20</sup> Но о ходатай неходатайствинел само иекеске; а о Дел, Ковато дел обещание, си иек.<sup>21</sup> Тогава о закони противно ли си е Божие обещаниенге? Да не бъде! Соскето, ако уло дендо закони, ковато те аци оживотворинел, то наистина и правда ка овела таро закони.<sup>22</sup> Но о Писание панлас всичко телал и безех, тай о обещание, изпълниме чрез и вяра андо Иисуса Христа, те дел пес калкенге, колато верувинен.<sup>23</sup> А англал те авел и вяра, аме улам телал и стража е закониескири, панле жи ко време е вяраке, която исине те откринал пес.<sup>24</sup> Чука о закони ачило аменге детеводител, те анел амен паш о Христа, за те оправдинас амен чрез и вяра.<sup>25</sup> Но англал те авел и вяра на синям вече телал о ръководство леске.<sup>26</sup> Соскето саворе синиен Божия чаве чрез и вяра андо Иисуса Христа.<sup>27</sup> Понеже саворе туме, колато кръстисален андо Христа, е Христаса урявгиен тумен.<sup>28</sup> Нанай вече юдеи, нито гръкос, нанай робос, нито свободно, нанай мрушескоро поли, ни жувляжоро; соскето туме саворе синиен иек андо Христа Иисуса.<sup>29</sup> Тай ако синиен Христова, то синиен Авраамово потомство, наследниция по обещание.

## Chapter 4

<sup>1</sup>Пенав още: Жи тогава, жи кай о наследници си малолетно, ов на различинел пес нисостар таро роби, макар те овел господари всичконаске,<sup>2</sup> но си телал надзирателенде тай настойникиенде жи ко назначиме таро дад сроки.<sup>3</sup> Чука амеда, като улам малолетна, улам поробиме телал о първоначална учения е светоскере;<sup>4</sup> а като изпълниши о времес, о Дел бичалгяс Пе Чавес, Ковато бияндило жувлятар, бияндило телал о закони,<sup>5</sup> за те изкупинел колкен, колато уле телал о закони, тай те получинас о осинование.<sup>6</sup> Тай понеже синиен чаве, о Дел бичалгяс анде амаре сърценде о Духос Пе Чавескоро, Ковато пищициел: Авва, Отче!<sup>7</sup> Далкеске на синян вече робос, а чаво; тай ако синян чаво, то синян наследници чрез о Дел.<sup>8</sup> Но тогава, като на пенджаренас е Девлес, туме робувиненас колкенге, колато по естество нанай богове;<sup>9</sup> а акана, като пенджаргиен е Девлес, или по-лачес - като ачилен позната таро Дел, сар иринен тумен пак карик о слаба тай окаяна първоначална учения, коленге отново манген те робувинен?<sup>10</sup> Туме пазинен диеса, масекя, сезона тай бреша.<sup>11</sup> Дарав туменге, тена напразно трудисалом машкар туменде.<sup>12</sup> Молинав тумен, пралален, ачон сар манде, соскето меда ачилом сар туменде. На кергиен мангне нисави неправда,<sup>13</sup> но коркоре жанен, кай о първо дром проповедингиом туменге о благовестие вследствие телесноне слабостяже,<sup>14</sup> но пак, давка, ковато уло туменге изпитание анде мере телосте, туме на презрингиен лес, нито погнусисален лестар, но приемингиен ман сар Божий ангели, сар о Христа Иисуса.<sup>15</sup> Тогава кай гело окова тъмаро изповедиме блаженство? Свидетелствинав туменге, кай ако сине възможно, тумаре яка ка икаленас тай ка денаслен мангн.<sup>16</sup> Тай чука, неприятели ли ачилом туменге, понеже хоратинав туменге и истина?<sup>17</sup> Калка учителя роден тумен ревностно по нелачо начини; даже он манген те отлъчинен тумен амендар, за те роден лен ревностно.<sup>18</sup> Но лачес си те овен родиме ревностно далкеске, ковато си лачо, тай то винаги, а ма само като аракловав машкар туменде.<sup>19</sup> Чавален мере, за коленге синиом пак андо биянибнаскере дука, жи кай изобразингиол о Христос анде туменде,<sup>20</sup> мангавас те овав акана паш туменде тай те променинав мо гласос, соскето синиом андо недоумение за туменге.<sup>21</sup> Пенен мангн, туме, колато манген те овен телал о закони, на шунен ли со пенел о закони?<sup>22</sup> Соскето си пишиме, кай е Авраамес исине дуи чаве- иек тари робиния тай иек тари свободно;<sup>23</sup> но кавка, ковато сине тари робиния, бияндило естествено, а ковка, ковато сине тари свободно-по обещание.<sup>24</sup> Тай давка си иносказание, соскето калка жувля представинен дуи заветя- о иек тари Синайско планина, ковато биянел чада робствоске, тай ов си Агар.<sup>25</sup> А и Агар представинел и планина Синай анди Арабия тай съответствинел е днешноне Йерусалимске, соскето си андо робство пе чадовиенца.<sup>26</sup> А о упруно Йерусалим си свободно, ковато си саворенге дай;<sup>27</sup> соскето си пишиме: "Веселине тут, биплодно, която на биянес; възгласине тай пищице, ту, която на улан андо биянибнаскере дука, соскето по бут си о чада е самотнонакере, отколкото о чада е прандеменакере".<sup>28</sup> А аме, пралален, сарто о Исаак, синям чада по обещание.<sup>29</sup> Но сарто тогава о бияндо естествено гонинелас е бияндес по Дух, чука си аканада.<sup>30</sup> Обаче, со пенел о Писание? - "Изпълниши е робиния тай лакере чавес; соскето о чаво е робинияжоро нанай те наслединел заедно е чавеса е свободнонакереса".<sup>31</sup> Далкеске, пралален, аме на синям чада е робинияжоре, а е свободнонакере.

## Chapter 5

<sup>1</sup>Тай чука, бешен зоралесте анди свобода, за колаке о Христос освободингяс амен, тай ма заплетинен тумен отново андо робско игос.<sup>2</sup> Аке ме, о Павел, пенав туменге, кай ако обрежинен тумен, нанай те овел тумен нисави полза таро Христа.<sup>3</sup> Ва, повторно заявинав секоне манушеске, ковато обрежинел пес, кай си длъжно те изпълниши о цело закони.<sup>4</sup> Туме, колато манген те оправдинен тумен чрез о закони, отлъчинел таро Христа, отпелен тари благодат.<sup>5</sup> Соскето чрез о Духос аме очаквиш о оправдание чрез и вяра, за колеске надявинас амен.<sup>6</sup> Понеже андо Христа Иисуса нито о обрязване иси лес десави сила, нито о необрязване, а и вяра, която

действинел чрез и любов.<sup>7</sup> Туме верувиненас лачес; кой попречингяс туменгте покоринен тумен е истинаке?<sup>8</sup> Кавка убеждаване на сине Колкестар, Ковато призовингяс тумен.<sup>9</sup> Хари квасос заквасинел саворо тесто.<sup>10</sup> Ме синиом увериме за туменгте андо Дел, кай нанай те мислинен аверячес; а ковка, ковато смутинел тумен, ка понесинел поро наказание, ковато да те овел ов.<sup>11</sup> Тай ме, пралален, соске още те овав гониме, ако продължинав те проповединав обрежиба? Соскето тогава и съблазан ко кръстос ка премахнинеласпес.<sup>12</sup> Дано скопинен пес колка, колато разколебинен тумен.<sup>13</sup> Соскето туме, пралален, карик и свобода улен призвана; само ма употребинен тумари свобода поводиеске те разпустиналес и плът, но с любов служинен туменгте иек авереске.<sup>14</sup> Соскето о цело закони изпълнинел пес анде иеке думате, анде калкате: "Те дехес те близконес, саро тут".<sup>15</sup> Но ако данделен тумен тай хан тумен иек аверес, пазинен тумен тена иек аверес те изтребинен тумен.<sup>16</sup> Тай чука, пенав: Пирен по Дух тай нанай те угодинен е плътсконе страстиенг.<sup>17</sup> Соскето и плът силно мангел о противно е Духоске, а о Духос - о противно е плътяке; понеже он противопоставинен пес иек аверес, за тенащи керен давка, ковато манген.<sup>18</sup> Но ако водинен тумен таро Духос, на синиен телал о закони.<sup>19</sup> А о дела е плътякере си явна, тай он си: блудство, нечистота, сладострастие,<sup>20</sup> идолопоклонство, чародейства, враждес, разпрес, къскандиба, яростя, партизанства, раздория, разцепления,<sup>21</sup> завистя, пиянства, пирувания тай авер подобна; за коленге предупрединав тумен, сарто предупредингиом тумен, кай колато керен салка букя, нанай те наслединен о Божие тагарипе.<sup>22</sup> А о плоди е Духоско си: любов, лошали, мири, дълготърпение, благост, милосърдие, вярност,<sup>23</sup> кротост, себеобуздание; против салке букиенде нанай закони.<sup>24</sup> А колато си Христова, разпинде и плът заедно е страстияса тай е похотиенца лакере.<sup>25</sup> Ако ко Духос живинас, ко Духос те пирасда.<sup>26</sup> Тена ачовас тщеславна, тай те дразнинас амен иек аверес тай те завиждинас аменге иек авереске.

## Chapter 6

<sup>1</sup>Пralален, даже ако перел мануш анде десаве прегрешениесте, туме, о духовна, поправинен салкес кротконе духоса; но секаске пенав: Пазине тут, тена овес туда изкушиме.<sup>2</sup> Иек авересте тумаре теготиес пиравен, тай чука изпълнинен о Христово закони.<sup>3</sup> Соскет, ако декой мислинел пес варесоске, а нанай нищо, ов хохавел пес.<sup>4</sup> Но секой нека изпитвинел пере дела тай тогава ка ащи те хвалинел пес само пеша, а ма андо сравнение авереса;<sup>5</sup> соскето секой иси те пиравел поро товари.<sup>6</sup> А кавка, ковато поучинел пес андо Божие словос, нека делинел пе саворе блага калкеса, ковато учинел лес.<sup>7</sup> Ма хохавен туме: О Дел нанай подигравибнаске: понеже, со посеинел о мануш, давка ка пожъниел.<sup>8</sup> Соскето ковато сеинел пе плътяке, тари плът ка пожъниел тление, а ковато сеинел е Духоске, таро Духос ка пожъниел вечно животос.<sup>9</sup> Тена дотегнинел аменге те керас лачипе; соскето, ако нана уморинас амен, ко време ка пожънинас.<sup>10</sup> Тай чука, паш ко случай, нека керас лачипе саворенге, а особено колкенге, колато си таро семейство е вяраке.<sup>11</sup> Дикен кити едроне буквенца пишигииом туменгте ме собственоне вастеса!<sup>12</sup> Колка, колато мангел те керен лачо впечатление ки плът, он заставинен тумен те обрежинен тумен; он роден само тена овен гониме е Христовоне кръстоске.<sup>13</sup> Соскето коркоре колка, колато обрежинен пес, на пазинен о закони, но мангел те обрежинен тумен туме, за те ащи хвалинел пес тумаре плътсконе животоса.<sup>14</sup> А дуре мандар те хвалинав ман авереса, освен е кръстоса амаре Девлескоро о Иисус Христос, чрез колесте за мангел светос си разпниме, тай ме е светоске.<sup>15</sup> Соскето нито о обвязване си варесо, нито о необвязване си варесо, а о нево създание.<sup>16</sup> Тай саворенге, колато живинен далке правилосте, мири тай милост те овел ленге тай е Божие Израилеске.<sup>17</sup> От акана наоте никой тена досадинел мангел, соскето ме пиравав ме толосте о белегя е Девлескоро о Иисус.<sup>18</sup> Пралален, и благодат амаре Девлескири о Иисус Христос те овел тумаре духоса. Амин.

## Ephesians

## Chapter 1

<sup>1</sup>О Павел, е Божие воляса апостоли Иисус Христово, жи ко светиес тай о верна андо Христа Иисуса, колато си андо Ефес: <sup>2</sup>Благодат тай мири те овел туменде таро Дел, амаро Отеци, тай таро Дел о Иисуса Христа.<sup>3</sup> Благословиме те овел о Дел тай Отец амаре Девлескоро о Иисус Христос, Ковато андо Христа благословингяс амен секоне духовноне благословениеса андо небесна тана; <sup>4</sup>като избиригяс амен анде Лесте англал о създание е светоско, те овас свята тай би недостатъкиескоангал Лесте анди любов;<sup>5</sup> като предопределигяс амен те осиновинел амен чрез о Иисуса Христа, ко благоволение Пере воляке,<sup>6</sup> похвалаке Пе славноне благодатаке, коласа обдарингяс амен анде Пере Възлюбенонесте.<sup>7</sup> Анде Лесте иси амен амаро изкупление чрез Лескере ратесте, о опрощение амаре прегрешениенгоро, според о барвалипе Лескере благодатакоро,<sup>8</sup> която дарингяс аменге изобилено целоне мъдростяса тай разумиеса,<sup>9</sup> като открингяс аменге и тайна Пере волякири според По благо намерение, ковато вложингяс анде Песте,<sup>10</sup> ковато те приложингъол, като изпълнинъон о времена, демек те кидел андо Христа всичко - давка, ковато си андо небеса, тай давка, ковато си ки пув.<sup>11</sup> Анде Лесте, анде Колесте ачилиам наследство, като улам предопределиме далкеске според о намерение е Девлескоро, Ковато керел всичко ко решение Пере волякоро,<sup>12</sup> чука кай те овас похвалаке Лескере славаке - аме, колато първа надявинааса амен ко Христа.<sup>13</sup> Анде Колесте тумеда, като шунгиен о словос е истинакоро, демек, о благовестие тумаре

## Chapter 2

спасибнаскоро, тай като повервингтиен анде Лесте, улен запечатиме е обещиме Святоне Духоса,<sup>14</sup> Ковато си залоги амаре наследствоске, жи кай овел изкупиме о притежание е Девлескоро похвалаке Лескере славаке.  
<sup>15</sup> Далкеске меда, като шунгиом тумаре вяраке андо Дел о Иисус тай за тумари любов, карик саворе светиенде,  
<sup>16</sup> непрестанно благодаринав е Девлеске за туменге тай споменинав тумен анде ме молитвенде,<sup>17</sup> дано о Дел амаре Девлескоро о Иисус Христос, о славно Отеци, дел тумен духос на мъдрост тай откровение, за те пенджарен Лес,  
<sup>18</sup> тай те просветлинал о яка тумаре сърцескере, за те пенджарен сави си и надежда, карик колате призовинел тумен, саво си о барвалипе машкар о светиес Лескере славноне наследствосте,<sup>19</sup> тай кити превъзходно си Лескири сила карик аменде, о вярваща-според о действие Лескере могъщоне мощякоро,<sup>20</sup> коласа подействингяс андо Христа, като възкресингяс Лес таро муле тай тогяс Лес те бешел Пе десноне ригатар андо небеса,<sup>21</sup> дуре по-упре всеконе началствостар тай властятар, сила тай господство, тай всеко чинос, колеса именувинен пес ма само анде калке светосте, но ко бъдещода.<sup>22</sup> Тай всичко покорингяс телал о пире Леске тай поставингяс Лес шеро упран всичконастче е кантеряке,<sup>23</sup> която си Лескоро телос, изпълниме е пълнотаса Калкескераке, Ковато изпълнинал всичко анде саворенде.

## Chapter 2

<sup>1</sup>Тай съживингяс тумен, колато улен муле ашал тумаре престъплениенге тай безехенге,<sup>2</sup> анде коленде пиргиен декана според о вървежи калке светоскоро, андо съгласие е князиеса е въздушноне владениескоро, е духоскоро, ковато акана действинел андо роди е непокорноненгоро;<sup>3</sup> машкар коленде амеда саворе живингям декана амаре пътсконе страстиенде, като изпълнингям и воля е пътътири тай е помисленгири тай ко естество улам изложиме ко гневи, карто оклада.<sup>4</sup> О Дел обаче Ковато си барвала милоствяса, ашал и бари любов, коласа възлюбиянгяс амен,<sup>5</sup> даже като улам муле ашал амаре престъплениенге, съживингяс амен заедно е Христаса (по благодат синиен спасиме),<sup>6</sup> тай като съвъзкресингяс амен, тогяс амен те бешас андо небесна тана, андо Христа Иисуса;<sup>7</sup> за те покажинел презал о идна вековя, о несравненно барвалипе Пере благодатаке, чрез Пе лачипнасте карик аменде андо Христа Иисуса.<sup>8</sup> Соскето по благодат синиен спасиме чрез и вяра, тай то ма коркоре тумендар; давка си дари таро Дел;<sup>9</sup> ма чрез о дела, за тена похвалинал пес декой.<sup>10</sup> Соскето синяя Лескоро творение, създадена андо Хриса Иисуса за лаче деловиенге, саве о Дел отнангле определингяс те керас.<sup>11</sup> Далкеске, ден тумен годи, кай туме, декана езичникия ки пътъ, наречиме необрязана калкендар, колато наречинен пес обрязана-обрежиминаса ки пътъ, ковато керел пес вастенца,<sup>12</sup> анде колке времесте улен отделиме таро Христа, отстраниме таро израилово гражданство, тай чужденци карик о заветя е обещаниескере, без те овел тумен надежда тай би е Девлескоро андо светос.<sup>13</sup> А акана андо Христа Иисуса туме, колато декана улен дуре, синиен поставиме паше чрез о рат е Христаске.<sup>14</sup> Соскето Ов си амаро мири, Ковато кергияс таро дуи народя иек тай арагяс и машкаруни стена, която разделиналас лен,<sup>15</sup> като анде пе пътъти унищожингяс и вражда, о закони Лескере заповедиенца, изразиме андо постановления, за те създел анде Песте таро дуи иек нево мануш, тай чука те установинел мири,<sup>16</sup> тай иеке телосте те примиринал о дуида е Девлеса чрез о кръстос, като мударгяс лесте и вражда.<sup>17</sup> Тай като авел, благовестинел мири туменге, колато улен дуре, тай мири калкенге, колато уле паше;<sup>18</sup> соскето чрез Лесте о иекда, оклада иси амен достъпъти паш о Отца, андо едино Духос.<sup>19</sup> Далкеске туме на синиен вече чужда тай пришълцидес, а синиен съграждания е светиенге тай членовя е Божие семействоске;<sup>20</sup> понеже улен съградиме упран и основа е апостоленге тай е пророкиенге, сар крайъгълно бар си Коркоро о Христос Иисус,<sup>21</sup> анде Колесте о цело здание, глобиме, бариол храмиеске свято е Девлеске;<sup>22</sup> анде Колесте тумеда вградинен тумен заедно андо Духос за Божие обиталище.

## Chapter 3

<sup>1</sup>Далкеске ме, о Павел, затворники е Иисусеске е Христеске ашал туменге, о езичникия,<sup>2</sup> понеже шунгиен о наредиме таро Божие благодат, която си манге денди ашал туменге,<sup>3</sup> соскето по откровение ачили манге известно и тайна (carto по-упре накратко пишингиом туменге).<sup>4</sup> Далkestар, като четинен, апи ахалон сар проумингиом и Христово тайна),<sup>5</sup> която е предишноне поколениенге е манушескере родиесте на ули известно, карто акана чрез о Духос откривали Лескере святоне апостоленге тай пророкиенге,<sup>6</sup> а именно, кай о езичникия си сънаследниция, като съставлинен иек телос, тай си съпричастникия Лескере обещаниесте андо Христа Иисуса чрез о благовестие,<sup>7</sup> колеске ачилом служители според и Божие благодат- дари, ковато ди манге дендо ко действие Лескере силатар.<sup>8</sup> Манге, о най-нищожно саворе светиендар, диняя пес дайка благодат, те благовестинав машкар о езичникия о неизследимо Христово барвалипе<sup>9</sup> тай те осветлинав саворен анди наредба относно и тайна, която таро вековя ули гаравди андо Дел, о Създатели всичконаске,<sup>10</sup> тай е небесноне началствоненге тай властиенге те ачол пенджарди акана чрез и кантери и бутобразно премъдрост е Девлескири,<sup>11</sup> според о предвечно намерение, ковато Ов осъществингяс андо Христа Иисуса, амаро Дел,<sup>12</sup> анде Колесте иси амен дързост тай достъпъти увереностяса чрез и вяра анде Лесте;<sup>13</sup> Ашал далкеске молинав тумен тена обезърчинен тумен мере страданиендар за туменге, чука кай он си тумари слава.<sup>14</sup> Далкеске преклонинав ме кочия англал о Отец амаре Девлескоро о Иисус Христос,<sup>15</sup> Колестар пиравел по алав всеко бащинство ко небеса тай ки пув,<sup>16</sup> те дел тумен, според о барвалипе Пе славакоро, те утвърдинен тумен зоралесте чрез Лескере Духосте

## Chapter 4

андо андруно мануш,<sup>17</sup> те вселинел пес о Христос анде тумаре сърценде чрез и вяра, тай, вкоренена тай утвърдена анди любов,<sup>18</sup> те овен силна те ахальон заедно саворе светиенца со си и широчина тай и дължина, и височина тай и дълбочина,<sup>19</sup> тай те пенджарен и Христово любов, която превъзходинел всеко знание, за те изпълнинен тумен жи ки цело Божие пълнота.<sup>20</sup> А Калкеске, Ковато, според и действащо анде аменде сила, ащи керел несравнено по бут, отколкото мангас или мислинас,<sup>21</sup> Леске те овел слава анди кангери тай андо Христа Иисуса андо саворе поколения таро векос тай жи ко векос! Амин.

## Chapter 4

<sup>1</sup>Тай чука, ме, затворники е Девлеске, молинав тумен те живинен достойно за е званиеске, за колеске улен призвана,<sup>2</sup> съвършеноне смиренеса тай кротостяся, е дълготърпениеса, като търпинен тумен иек аверес с любов<sup>3</sup>тай старайнен тумен чрез и свръзка е мириескири те опазинен о единство е Духоско.<sup>4</sup>Иси иек телос тай иек Духос, карто улен призвана карик иеке надеждате тумаре званиескири:<sup>5</sup> иек Дел, иек вяра, иек кръщение,<sup>6</sup> иек Дел тай Отеци саворенге, Ковато си упрат саворенде, чрез саворенде тай анде саворенде.<sup>7</sup>А секаске амандар диняя пес благодат според и мярка далкескири, ковато о Христос диняя амен.<sup>8</sup>Далкеске пенел: "Като възлезингяс учипнасте, лилас множество пленикия, тай диняя дарования е манушенге."<sup>9</sup>(А давка "възлезингяс" со авер значинел, освен кай уло тай по-нангле ухлило андо по-телуне тана е пувякере.<sup>10</sup>Кавка, Ковато ухлило, си о Също, Ковато възлезингяс по-упре таро саворе небеса, за те изпълнинел всичко.)<sup>11</sup>Тай Ов диняя иек те овен апостола, авер пророкия, авер па благовестителя, а авер пастиря тай учителя,<sup>12</sup>с цел те усъвършенствинен пес о светиес за е делоске е служениеско, за назидание е Христовоне телоске;<sup>13</sup>жи кай аме саворе на ресас жи ко единство е вяраке тай о познаване е Божие Чавеске, андо пълнолетно мъжество, анди мярка е Христовоне пълнотаке,<sup>14</sup>за тена овас вече чаве, бутиме тай завлечиме всеконе балвалатар е учениеске, чрез е манушескири заблуда, андо лукавство, ко хохавне пирнипнадес;<sup>15</sup> но действаща истинно анди любов, те баривас всичконасте анде Лесте, Ковато си о шеро, о Христос,<sup>16</sup> Колестар о цело телос, сглобиме тай свържиме чрез о участие секоне съединениесте, според о съразмерно действие всеконе иеке частяко, бариол тай изградинел пес анди любов.<sup>17</sup>Давка пенав тай заявиав андо Дел, тена постъпинен вече, карто постъпинен о езичниия, според пере суетноне гогяса,<sup>18</sup> помрачиме андо разуми тай отстраниме таро животос е Девлеске ашал о невежество, ковато си анде ленде, тай ашал о закоравяване ленгере сърцеденге;<sup>19</sup> колато, нашалде чувство, предине пес ко сладострастие, те керен ненаситно секакво нечистота.<sup>20</sup> Но туме на пенджаргиен чука е Христас,<sup>21</sup> понеже шунгиен тай синиен сикавде Лестар (карто си и истина андо Иисуса)<sup>22</sup> те нангъон, относно о по-предишно тумаро поведение, о пурано мануш, ковато тleinел андо хохавне страстия;<sup>23</sup> тай те подновинен тумен таро обитаващо анде тумере гогяте Духос,<sup>24</sup> тай те уриен тумен е нева манушеса, създиме ко образи е Девлеске анди правда тай святост колато си тари истина.<sup>25</sup>Далкеске, като отчiven о хохаiba, хоратинен секой пе близонеса истина; сокето синяя частя иек авереске.<sup>26</sup>Гневинен тумен, но без те съгрешинен; о кам тена залезинел ан тумаре гневиесте;<sup>27</sup> нито ден тан е бенгес.<sup>28</sup>Ковато чоргяс, тена чорел вече, а по-лачес те трудинел пес, като керел пе вастенца варесо полезно, за те овел со отделинел калкескеда, ковато си анди нужда.<sup>29</sup>Нисави гнило дума тена иклол тумаре мостар, а само ковка, ковато си лачо за назидание според и нужда, за те принесинел благодат каалкенге, колато шунен;<sup>30</sup>тай ма наскърбинен е Святоне Божие Духос, анде Колесте синиен запечатиме за ко дииес е изкуплиениеско.<sup>31</sup>Всекакво огорчение, ярост, гняв, пишиба тай хулиба, заедно всеконе злобаса, те махнинел пес тумендар;<sup>32</sup>а овен иек карик авересте блага, милосърдна; простиен туменге иек авереске, карто о Дел андо Христа простиангяс туменге.

## Chapter 5

<sup>1</sup>Тай чука, подражавинен е Девлеске сар любезна чада<sup>2</sup>тай живинен анди любов, карто о Христос възлюбиянгяс амен тай прединяя Пес за аменге, сар приноси тай жертва е Девлеске за благоухание.<sup>3</sup>А блудство тай секакво нечистота или сребролюбие тена даже споменинен пес машкар туменде, карто препел светиенде;<sup>4</sup>нито лажакере или чуче приказки, нито подигравкес, колато си неприлична буя, а по-лачес благодарение.<sup>5</sup>Сокето лачес жанен давка, кай нисаво блудники, или нечисто, или сребролюбцос (ковато си идолопоклонники) нанай лес наследство андо тагарипе е Христаске тай е Девлеске.<sup>6</sup>Никой тена хохавел тумен чуче думенца; понеже ашал далке букиенге авел о Божие гняви упрат о роди е непокорненогро.<sup>7</sup>Тай чука, ма овен съучастниия ленге.<sup>8</sup>Чука като декана улен тъмнина, а акана синиен светлина андо Дел, живинен сар таро роди е осветлимененге<sup>9</sup>(сокето о плоди е Духоско състоинел пес андо всичко, ковато си благо, право тай истинно).<sup>10</sup>Опитвинен ковато си благоугодно е Девлеске<sup>11</sup>тай ма участвинен андо биплодна дела е тъмнинакере, а по-лачес изобличинен лен;<sup>12</sup>сокето давка, ковато гарадунесте керен о непокорна, си лажаке те хоратинел пес.<sup>13</sup>А всичко, ковато изобличинел пес, ачол явно чрез и светлина; понеже секо варесо, ковато ачол явно, си осветлиме.<sup>14</sup>Далкеске си пendo: "Ухти ту, ковато совес, тай възкръснине таро муле, тай ка осветинел тут о Христос."<sup>15</sup>Тай чука, внимавинен лачес сар живинен- ма сар неразумна, а сар мъдра,<sup>16</sup> като използвинен о благовремие, сокето о дииеса си каниле.<sup>17</sup>Далкеске ма овен безразсъдна, а проуминен сави си и Господно воля.<sup>18</sup>Тай ма макярен тумен моласа, о следствие колатар си разврати, а изпълнинен тумен е Духоса;<sup>19</sup>тай хоратинен туменге псалменца тай

химниенца, тай духовна гиля, като гилябен тай възпениен е Девлес ан тумаре сърцесте<sup>20</sup> като благодаринен винаги всичконасke е Девлеске тай е Отециеске андо алав амаре Девлеске о Иисус Христос,<sup>21</sup>тай подчининен тумен иек авереске анди дар таро Христа.<sup>22</sup> Ромнялен, покоринен тумен тумаре роменге, сар е Девлеске;<sup>23</sup> соскето о ром си шеро е ромняке, сарто о Христос си шеро е кангеряке (тай Ов си Спасители е телоскоро).<sup>24</sup> Но сарто и кангери покоринел пес е Христаске, чука о ромня нека покоринен пес андо всичко пере роменге.<sup>25</sup> Ромален, дехен тумаре ромниен, сарто о Христос възлюбингяс и кангери тай прединяс Пес за лаке,<sup>26</sup> за те осветинел ла, сарто очистингяс ла е водноне тоибнаса чрез о словос,<sup>27</sup> за те представинел ла Песке славно кангери, би петноско или бръчкакоро, или варесо подобно, но те овел свято тай непорочно.<sup>28</sup> Чука си длъжна о рома те дехен пе ромниен, сарто пере теловя. Ковато дехел пе ромня, пес дехел.<sup>29</sup> Соскето никой нисар нана намразингяс поро телос, а парварел лес тай грижинел пес леске, сарто о Христос е кангеряке;<sup>30</sup> понеже синям частта Лескере телостар -Лескере плътятар тай Лескере кокалендар.<sup>31</sup> Далкеске ка мукел мануш пе дадес тай пе дая тай ка привържинел пес карик пе ромнятет, тай о дуи ка ачон иек плът".<sup>32</sup> Давка си велико тайна; но ме хоратинав давка за е Христаске тай е кангеряке.<sup>33</sup> Но тай туме, всекой тумендар, те дехел пере ромня, сарто пес; а и ромни те дарал пе роместар.

## Chapter 6

<sup>1</sup>Чавален, покоринен тумен тумаре родителенге андо Дел, соскето давка си право.<sup>2</sup>"Почитине те дадес тай те дая"(ковато си и първо заповед обещаниеса),<sup>3</sup> за те овел туке лачес тай те живинес бут бреша ки пув".<sup>4</sup> Тай туме, о дада, ма дразнинен тумаре чавен, а възпитавинен лен анди дисциплина тай наставление Господно.<sup>5</sup> Слуги, покоринен тумен тумаре земноне господариенге дараса тай трепетиеса, анди простота тумаре сърцеске, сар е Христаске.<sup>6</sup> Ма керен бути само якенге, сар манушегодникия, а сар Христова, слуги изпълнинен тари душа и Божие воля;<sup>7</sup> тай слугувинен лаче воляса, сар е Девлеске, а ма манущенге;<sup>8</sup> понеже жанен, кай секой, слугас или свободно, ка получинел таро Дел о също лачипе, ковато керел.<sup>9</sup> Тай туме, о господаря, постъпвинен също чука ленца, като въздържинен тумен заплахендар; понеже жанен, кай упраш лендеда, тай упраш туменде иси Господари андо небеса, анде Колесте нанай лицеприятие.<sup>10</sup> Най-после, овен крепка андо Дел тай анди сила Лескере могъществоске.<sup>11</sup> Урявен тумен андо Божие всеоръжие, за те ащи устоинен мамуял о пирнипе е бенгескоро.<sup>12</sup> Соскето амари борба нанай мамуял о рат тай и плът, а мамуял о началства, мамуял о властя, мамуял о всесветска управителя е тъмнинаке, мамуял о духовна силес е нечестиескере андо небесна тана.<sup>13</sup> Далкеске лен туменге о Божие всеоръжие, за те ащи противостоинен андо зло диес, тай като надвинен всичконасте, те устоинен.<sup>14</sup> Бешен препасиме е истинаса презал тумаре думесте тай урявде анди правда броненоне нагръдниеске;<sup>15</sup> тай пиренца, урявде готовностяса чрез о благовестие е мириескоро.<sup>16</sup> А освен всичко давка лен о щити е вяракоро, колеса ка ащи мударен соси ягакере стрели е нечистивонескере;<sup>17</sup> Лен също о шлеми е спасениескоро тай о мечи е Духоскоро, ковато си о Божие словос;<sup>18</sup> Тай молинен тумен андо Духос ко всеко времес секоне молитваса тай молбаса, като овен бодра анде далкесте неуморноне постоянствоса тай молинеса за саворе светиенге,<sup>19</sup> тай за мангет, тай като путрав мо муй, те дел пес мангет словос, за те оповестинав дързостно и тайна е благовестииескири,<sup>20</sup> за колеске синиом посланици андо оковес, те хоратинав за леске смело, сарто подобавинел те хоратинав.<sup>21</sup> А, за те жанен тумеда мере букиенге, тай сар синиом, сичко ка пенел туменге о Тихик, о любезно прал тай верно андо Дел служители,<sup>22</sup> колес бичалгиом жи туменде нарочно далкеске- те ахальон амаро състояние, тай ов те утешинел тумаре сърца.<sup>23</sup> Мир и праленге, тай любов вяраса, таро Дел Отца тай о Дел Иисуса Христа.<sup>24</sup> Благодат те овел саворенца, колато искрено дехен амаре Девлес о Иисус Христос. Амин.

## Philippians

## Chapter 1

<sup>1</sup> О Павел тай о Тимотей, слугидес Иисус Христова, жи саворенде андо Христа Иисуса светиес, колато си андо Филипи, заедно е епископиенца тай е дякониенца:<sup>2</sup> Благодат тай мири туменге таро Дел, амаро Отеци, тай таро Дел о Иисуса Христа.<sup>3</sup> Благодаринав мере Двлеске секо дром, като даман годи туменге,<sup>4</sup> винаги анди секо мери молитва, като молинав ман саворенге туменге лошаласа,<sup>5</sup> за тумаре участиеске андо делос е благовестииескоро таро първо диес дори жи акана;<sup>6</sup> като синиом увериме именно анде далкесте, кай Кавка, Ковато почнингяс лачо делос анде туменде, ка усьвършенствинел лес жи ко диес на Иисуса Христа.<sup>7</sup> Тай право си те мислинав давка саворенге туменге, понеже синиен мангет ко сърцес, чука като туме саворе синиен съучастникия манца анди благодат, сарто андо оковес мере, чука анди защита тай андо утвърждение е благовестииеске.<sup>8</sup> Соскето о Дел си мангет свидетели сар мислинав саворенге туменге със сърдечна любов на Иисус Христово.<sup>9</sup> Тай далкеске молинав ман тумари любов те овел все по бут тай по бут изобилно просветиме тай всячески проницателно,<sup>10</sup> за те ащи различинен о лачипе, тай те овен искрена тай безупрвчна жи ко диес е Христоске,<sup>11</sup> изпълниме е плодовенца е правдакере, колато си чрез о Иисуса Христа, славаке тай хвалаке е Девлеске.<sup>12</sup> А мангав те жанен, прален, кай кавка, ковато ресло ман, помагингяс по бут е преуспяванеске е благовестииескоро,<sup>13</sup> чука кай ачило известно целоне преторяке тай саворенге околненге, кай синиом андо оковес е Христоске;<sup>14</sup> тай по бут таро прала андо Дел,

одързостиме ме успехиестар андо оковес, ачиле по-смела те хоратинен о Божие словос би дараса.<sup>15</sup> Десаве, наистина, проповединен е Христас тари зависттай любов карик и препирня, а десаве - тари лачи воля.<sup>16</sup> О иек керен давка тари любов, като жанен, кай синиом поставиме те защитинав о благовестие;<sup>17</sup> а около възвестинен е Христос таро съперничество, неискренено, като мислинен те прибавинен тъга карик ме оковинде\*. Тогава со? Само давка, кай по секакво начини, било прекердо или истинно, о Христос проповединел пес; тай далкеске ме лошанав, тай ка лошанав.<sup>19</sup> Соскето жанав, кай давка ка помагинел мере спасениеске чрез тумаре молитвате тай и подкрепа е Духоскири Иисус Христово,<sup>20</sup> според мо усърдно очакване тай надежда, кай нанай андо нищо те лажавкяраман, но карто винаги, чука акана, ка възвеличинав е Христос анде ме телосте пердоне дързостяса, било чрез о животос или чрез о мериба.<sup>21</sup> Соскето за мангте живинав си о Христос, а те мерав - придобивка.<sup>22</sup> Но ако живинав андо телос, давка значинел те овел плодоносно мо делос; тай чука, кова те избириинав<sup>23</sup>, на жанав, но синиом натясно машкар о дуи; понеже иси ман желание те жав тай те овав е Христос като давка ка овел бут по лачес;<sup>24</sup> но те ачовав андо телос си по-нужно туменг.<sup>25</sup> Тай като иси ман дайка увереност, жанав, кай ка ачовав так ка пребъдинав саворенца туменца за тумаре преуспяванеске тай лошали анди вяра;<sup>26</sup> чука кай чрез мере завръщанесте машкар туменде те ащи ашал мангте бут те хвалинен тумен андо Иисуса Христа.<sup>27</sup> Само живинен достойно е Христовоне благовестииеске, тай, ако авав тай дикав тумен, или па отъствинав, те шунав за туменг, кай бешен зоралесте иеке духосте тай сражавинен тумен сар иек за е вяраке е благовестииеске<sup>28</sup> тай кай андо нищо нана даран таро противники; ковато си доказателство за ленгере погибелаке, а туменг - за спасениеске, и то таро Дел;<sup>29</sup> соскето, относно о Христа, туменг си дендо ма само те верувинен анде Лесте, но те страдинен за Леске;<sup>30</sup> като пренакен презал и също борба, презал колате ме пренаклом, тай акана шунен, кай все още си анде манде.

## Chapter 2

<sup>1</sup>Тай чука, ако иси десаво насърчение андо Христа или десави утха тари любов тай обещание андо Духос, или десаво милосърдие или състрадание,<sup>2</sup> керен ми лошали перди, като синиен единомислена, като иси тумен единствено любов, иек духос тай единомислена.<sup>3</sup> Ма керен нищо таро съперничество или таро тъслевствие, но смиреномъдиенеса нека секой считинел околес по-упруно пестар.<sup>4</sup> Ма дикен секой само переске, но секой е чужданеске.<sup>5</sup> Те овел тумен анде туменде о също съзнание, ковато сине ковато сине андо Иисус Христос,<sup>6</sup> Ковато, карто сине андо Божие образи, пак на счетингяс, кай требе зоралесте те икерел равенство е Девлеса,<sup>7</sup> но откажисало всичконастар, като приемингяс образи слугаскоро тай ачило подобно манушесте;<sup>8</sup> тай като приемингяс манушеско образи, смирингяс Пес тай ачило послушно жи ко мериба, даже мериба ко кръстос.<sup>9</sup> Далкеске о Дел превъзвишигяс Лес тай подарингяс Леске алаб, ковато си упрат всеконе авре алавесте;<sup>10</sup> чука кай андо алаб е Иисусеске те преклонинел пес всеко коч таро небесна тай е пувякере, тай телал и пув о същества,<sup>11</sup> тай секо чиб те изповединел, кай о Иисус Христос си Дел, славаке е Девлеске о Отца.<sup>12</sup> Далкеске, любезна мере, карто улен винаги послушна ма само мере присъствиесте, но акана бут повече паш мере отъствиесте, изработвинен тумаро спасение дараса тай трепетиеса;<sup>13</sup> соскето о Дел си, Ковато според о благовестие Поро действинел анде туменде те манген давка тай те изработвинен лес.<sup>14</sup> Керен всичко би роптаниеско тай би препирняко,<sup>15</sup> за те овен биуокрина тай мазлоблива, непорочна Божие чада машкар о опако тай извратено поколение, машкар колесте блестинен сар светила андо светос,<sup>16</sup> като явинен о словос е животоскоро; за те овел ман соса те хвалинав ман андо дис е Христаске, кай на прастанилом напразно, нито трудсалом напразно.<sup>17</sup> Но макар кай принасинаман ме сар възлияние упрат и жертва тай о служение тумаре вяракоро, лошанав, тай саворенца туменца лошанав.<sup>18</sup> Чука също тумеда лошанен, тай манца заедно лошанен.<sup>19</sup> А надявинаман е Девлеске е Иисусеске те бичалав туменге сиго е Тимотейес, тай меда те утешинаман, като ахаловав тумаро състояние.<sup>20</sup> Соскето нанай ман никой авер единствене духосте манца, ковато те погрижинел пес искрено туменг.<sup>21</sup> Понеже саворе роден поро, а ма ковка, ковато си Иисус Христово.<sup>22</sup> А туме жанен лескири изпитано вярност, кай ов служингяс манца андо делос е благовестиеско, карто чадос пе дадеса.<sup>23</sup> Лес надявинаман те бичалав, щом ахаловав со ка ачол манца;<sup>24</sup> а уверено синиом андо Дел, кай ме коркоро сиго ка авав.<sup>25</sup> Счетингиом обаче нужненеске те бичалав туменге е пралес о Епафродит, моро съработници тай сподвижники, бичалдо тумендар те послужинел мангте андо нуждес;<sup>26</sup> понеже милинелас саворенге туменг тай тъжинелас, соскето шунгииен, кай уло наасвало.<sup>27</sup> Тай наистина ов боледувинел почти жи ко мериба; но о Дел покажингяс леске милост, тай ма само леске, но мангеда, за тена прибавинел пес мангте скръб упрат и скръб.<sup>28</sup> Далкеске по-сиго бичалгиом лес, тай, като дикен лес пак, те лошанен, тай ме те овав по-хари скръбиме.<sup>29</sup> Тай чука, приеминен лес андо Дел пердоне лошаласа; тай овен тумен салка на почит,<sup>30</sup> понеже ашал о Христово делос ов уло паше жи ко мериба, като изложингяс по животос ки опасност, за те доперел о недостиги тумаре услугенгоро карик манде.

## Chapter 3

<sup>1</sup>Впрочем, пралален, мере, лошанен андо Дел. Мангте нанай досадно те пишинав туменг са също, ов тумен предпазинел. <sup>2</sup>Пазинен тумен таро безнравствена учителя\*, пазинен тумен таро зла работниция, пазинен тумен таро хохавно обрязване\*, <sup>3</sup>соскето аме синям о обрежиме, колато е Божие Духоса кланинас амен тай хвалинас

амен е Христаса е Иисусеса, тай нана уповинас амен е пътятаке.<sup>4</sup> При все кай ме ащи е пътятакеда те уповинав ман. Ако декой авер мислинел, кай ащи уповинел пес е пътятаке, то ме още по бут, <sup>5</sup> като овав обрежиме ко осмо диес, таро Израилово роди, таро Вениаминово племес, евреини таро евреи, ко закони фарисей, <sup>6</sup> ки ревност гонители е кангеряко, ки правда, която си таро закони- непорочно. <sup>7</sup> Но давка, ковато сине мангे придобивка, сар загуба счетингиом лес ашал о Христа.<sup>8</sup> А още всичко считинав сар загуба ашал далке превъзходните варесоске - о познаване мере Девлескоро о Иисус Христос, за Колеске нашалгиом всичко тай считинав всичко за измет, само е Христас те придобинав, <sup>9</sup> тай те аракловав анде Лесте, без те овел ман за мере правдаке койка, която си таро закони, а койка, която си чрез и вяра андо Христа, демек, и правда която си таро Дел въз основа е вяраке, <sup>10</sup> за те пенджараав Лес, и сила Лескере възкресениескири тай о общение андо споделиба Лескере страданиескире, като ачовав уподобиме Лесте андо Мериба Леске, <sup>11</sup> тай дано десар те ресав о възкресение е муленгоро.<sup>12</sup> Ма кай сполучнигиом вече, или кай ачилом вече съвършено; но гонинав, дано уловинав давка, за колеске меда улом уловиме таро Христа Иисуса. <sup>13</sup> Пралален, ме на считинав, кай вече уловингиом лес, но иек керав - като бистрав со си палал манде тай стреминаман силно карик далkestе, ковато си англал манде, <sup>14</sup> мукаман карик и прицелно точка за е наградаке е Божие мере упрат призваниески андо Христа Иисуса.<sup>15</sup> Тай чука, аме, колато синям зреда, нека мислинас чука; тай ако мислинен туме варесо аверяче, о Дел ка откринал туменге лесда. <sup>16</sup> Само нека иси амен правилоске те живинас според далkestе, анде колесте реслам тай о също те мислинас.<sup>17</sup> Пралален, подражинен манге тай дикен калкен, колато живинен чука, сарто аме диням тумен примери. <sup>18</sup> Соскето мнозина, за коленгет бут дром пенгиом туменге, а акана ройбнаса пенав туменге, живинен сар враговя ко Христово кръстос; <sup>19</sup> коленгири сетнина си погибел, каскоро дел си о воги тай каскоро хваление си давка, ковато си лажакоро, колато отден пе гогя е пувякере букиенг.<sup>20</sup> Соскето амаро гражданство си ко небеса, катар жанас Спасителес, е Девлес о Иисус Христос, <sup>21</sup> Ковато чрез и сила, коласа покоринел всичко Песа, ка преобразинел амаро унижиме телос, за те ачол съобразно Лескере славноне телоса.

## Chapter 4

<sup>1</sup>Далкеске, любезна тай бут желана мере прала, мери лошали тай моро венеци, бешен зоралесте андо Дел, любезна мере. <sup>2</sup>Молинав е Евдияс, молинав е Синтихияс, те овен единомислена андо Дел. <sup>3</sup>Ва, тай тут молинав, искрено моро сътрудничес, помагине калке ромниенг, соскето трудисале андо делос е благовестиескира заедно манца тай е Климентиеса, тай околе мере съработнициенца, коленгере алова си анди книга е животоскири. <sup>4</sup>Лошанен всяко андо Дел! Пак ка пенав: Лошанен! <sup>5</sup>Тумаро самовъздържание те овел пенджардо саворе манушенг; о Дел си паше. <sup>6</sup>Ма беспокойнен тумен нисоске, но относно всеко варесо, молитваса тай молбаса пенен тумаре искания е Девлеске благодарениеса; <sup>7</sup>тай о Божие мири, ковато нисави годи наши схванинел, ка пазинел стража упрат тумаре сърценде тай тумаре мисленде андо Христа Иисуса.<sup>8</sup> Най-после, пралален, всичко, ковато си истинно, ковато си почтено, ковато си праведно, ковато си чисто, ковато си любезно, ковато си благодатно, - ако иси варесо добродетелно, тай ако иси варесо похвално, - давка зачитинен. <sup>9</sup>Давка, ковато сиклилен, тай приемингиен, тай шунгиен, тай диклен анде манде, лес керен; тай о Дел е мириеско ка овел туменца.<sup>10</sup> Ме бут лошанав андо Дел, кай акана най-после кергиен те процъфтинел наново тумари грижа за манг; за колеске наистина сине тумен грижа, но нана сине тумен благовремие. <sup>11</sup>На пенав давка ашал и осъкъдност; соскето сиклилом те овав доволно андо саворе да състояние те аракловав. <sup>12</sup>Жанав анди осъкъдностда, жанав андо изобилиеда те живинав; андо секо нещо тай андо саворе обстоятелства сиклилом и тайна те овав чало, тай те овав бокало, те живинав андо изобилие или анди осъкъдност. <sup>13</sup>За всичконасke иси ман сила чрез Колkestе, Ковато подкрепинел ман.<sup>14</sup> Но кергиен о лачипе, тай лилен участие анди скръб мери. <sup>15</sup> А тумеда, филипияня, жанен, кай като иклилом тари Македония тай почнингиом о делос е благовестиескиро, нито иек кантери, освен единствено туме, на диняс андо отношение ни те дел ни те лел манца; <sup>16</sup> соскето андо Солун иек-дуди дрома бичалгиен манг за ме нуждаке. <sup>17</sup> Ма кай мангав о подаръки, но мангав о плоди, ковато умножингиол тумаре сметкаке.<sup>18</sup> Но получингиом всичко тай иси ман изобилие, чаларгиоман, као получингиом таро Епафродит о бичалдо тумендар, благоуханно миризма, жертва приятно, благоугодно е Девлеске. <sup>19</sup> А моро Дел ка снабдинел всеко тумари нужда според Пере барвалипнасте анди слава андо Христа Иисуса. <sup>20</sup> А амаре Девлеске тай Отециеске те овел слава жи ко вечна векове. Амин.<sup>21</sup> Поздравинен секоне светияс андо Христа Иисуса, Поздравинен тумен о прала, колато си манца. <sup>22</sup> Поздравинен тумен саворе светиес, а особено калка, колато си таро кесарево кер. <sup>23</sup> И благодат е Девлескири о Иисус Христа те овел тумаре духоса. Амин.

## Colossians

## Chapter 1

<sup>1</sup>О Павел, е Божие воляса апостоли Иисус Христово, тай о прал о Тимотей, <sup>2</sup>жи ко свята тай верна прала андо Христа, колато си андо Колос: Благодат тай мири, туменге таро Дел, амаро Отеци тай о Дел о Иисус Христос.

<sup>3</sup>Благодаринас е Девлеске, о Отеци амаре Девлескоро о Иисус Христос ( като мислинас амен винаги туменге, <sup>4</sup>понеже шунгиям за тумаре вяраке андо Христа Иисуса тай за тумари любов карик саворе светиенде), <sup>5</sup>ашал и надежда,

която пазинел туменгे андо небеса, за колаке шунгиен по-нангле андо истинско словос е благовестие скоро, <sup>6</sup>ковато ало жи туменде; ов принесинел плоди тай бариол сарто андо цело светос, чука машкар туменде, таро диес, като шунгиен тай наистина пенджаргиен и Божия благодат, <sup>7</sup>сарто сиклилен амаре любезноне сътруднициестар о Епафрас, ковато си аменгे верно Христово служители; <sup>8</sup>тай известингяс аменге за тумари любов андо Духос. <sup>9</sup>Далкеске амеда, таро диес, като шунгиам давка, на престанинас те молинас амен туменгे тай те мангас таро Дел те изпълнингъон е пенджарибнаса Лескере волятар чрез и перди духовно мъдрост тай разбиране, <sup>10</sup>за те живинен достойно за е Девлеске, те овен Леске угодна андо всичко, като принесинен плоди андо всеко лачо делос тай барьон андо познаване е Девлеске, <sup>11</sup>подкрепиме пердоне силаса, според о могъщество Лескере славаке, за те издържинен тай търпинен всичко лошаласа; <sup>12</sup>като благодаринен е Отцаске, Ковато удостоингяс амен те участвинас андо наследство е светиенге анди светлина; <sup>13</sup>Ковато избавингяс амен тари власт е тъмнинаке тай преселингяс амен андо тагарипе Пере възлюбеноне Чавеске. <sup>14</sup>Анде Лесте иси амен изкупление, о оправдание амре безехенгоро, <sup>15</sup>анде Лесте, Ковато си образи е невидимоне Девлеске, първородно англал всеко създание; <sup>16</sup>понеже чрез Лесте уло създадено всичко, ковато си андо небеса тай ки пув, видимо тай невидимо, било престола или господства, било началства или власть, всичко чрез Лесте тай за Леске уло създиме; <sup>17</sup>тай Ов си англал всичконастте тай всичко чрез Лесте сплотинел пес. <sup>18</sup>Тай шеро е телоске, демек е кантеряке, си Ов, Ковато си о началос, първородно таро муле, за те овел Лес първенство андо всико. <sup>19</sup>Сокето о Отец благоволингяс те вселинел анде Лесте и съвършено пълнота <sup>20</sup>тай чрез Лесте те примиринел всичко Песа- тай о земна, тай небесна, като въдворингяс мири чрез Лесте е ратеса, чорди Лескере кръстосте. <sup>21</sup>Тай тумен, колато улен декана отстраниме Лестар тай ко разположение Лескере враговя ашал тумаре зла дела, <sup>22</sup>примирингяс акана чрез Лескере мерибнаса андо плътско телос Лескоро, за те представинел туменге англал Песте свята, непорочна тай безупречна, <sup>23</sup>ако ачон зорале тай непоколебима анди вяра тай непоклатима анди надежда, открита андо благовестие, ковато шунгиен, тай ковто уло проповедиме всеконе създанияске телал о небеса, колеске ме, о Павел, ачилом служители. <sup>24</sup>Акана лошанав андо страдания мере за туменге тай доперав о недостиги е Христовоне скърбенге анде мере телосте ашал Лескере телоске, ковато си и кантери; <sup>25</sup>колаке ме ачилом служители ки Божие наредба, възложиме манге ашал туменге, за те проповединав напълно о словос е Девлеско, <sup>26</sup>демек и тайна, гаравди за вековиенге тай поколениенге, а акана аракли Лескере светиенге; <sup>27</sup>коленге о Дел мангас те откринал со си о превъзходно барвалипе калке тайнакоро машкар о езичникия, демек о Христос анде туменде, и надежда е славакири. <sup>28</sup>Лес аме провъзгласинас, като съветвинас тай поучинас всеконе манушес целое мъдростяса, за те представинас всеконе манушес съвършено андо Христа. <sup>29</sup>Далкеске трудинаман, като боринаман според Лескере силате, която действинел мощно анде манде.

## Chapter 2

<sup>1</sup>Сокето мангав те жанен анде саве баре борбате синиом ашал туменге, тай ашал колкенге, колато на дикле ман лично, <sup>2</sup>за те утвърдинен пес ленгере сърца тай, сплотена анди любов, те придобинен андо пердо барвалипе съвършено разбиране, те пенджарен и Божие тай е Отециекири тайна, демек о Христа, <sup>3</sup>анде Колесте си гаравде саворе съкровища е премъдростиякере тай е знаниеско. <sup>4</sup>Давка пенав туменге, за тена хохавел тумен декой хохавне хоратенца. <sup>5</sup>Сокето, тена да овав туменца телом, пак духом синиом туменца, тай лошанав, като диков тумари порядъчност тай о постоянство тумаре вяракоро андо Христа. <sup>6</sup>Тай чука, сарто приемингяс е Христа Иисуса, о Дел, чука живинен анде Лесте, <sup>7</sup>вкоренена тай назидавана анде Лесте, утвърдиме анди вяра пери, сарто улен сикавде, тай изобилстваща (анде лате) благодарениеса. <sup>8</sup>Внимавинен тена запленинел тумен декой пе философияса, пе чуче хохаибнаса по манушкане преданиесте, ко първоначална учения е светоскере, а ма ко Христа. <sup>9</sup>Сокето анде Лесте обитавинел телесно и савори пълнота е Божествоскири, <sup>10</sup>туменда иси пълнота анде Лесте, Ковато си шеро всеконе началствоске тай властяке. <sup>11</sup>Анде Лесте улен обрежиме обрежибнаса ма таро вас кердо, а е обрежибнаса, ковато си таро Христа, като нангилен о плътско телос; <sup>12</sup>пароме Леса андо кръщение, анде колесте улен възкресиме Леса чрез и вяра андо действие е Девлеске, Ковато възкресингяс Лес таро муле. <sup>13</sup>Тай тумен, колато улен муле чрез тумаре прегрешениенде тай о необрежиме тумаро плътско естество, тумен съживингяс Леса, като простилингяс саворе амаре престъпления; <sup>14</sup>тай като заличингяс амаре противнициес андо постановления лескере закони, ковато уло аменге враждебно, махнингяс лес тай приковингяс лес ко кръстос; <sup>15</sup>тай като обезоръжингяс е началствонен тай е властиен, изложингяс лен явноне показиесте, като възтържествувинде уптал ленде чрез о кръстос. <sup>16</sup>Тай чука, никой тена осъдилел тумен далкеске, ковато хан или ковато пиен, или варесоске относно десаво празници, или новолуние, или събота <sup>17</sup>колато си сянка колкеске, ковато ка авел, а и същност си Христово. <sup>18</sup>Никой тена отнеминел тумари награда хохаибнаса, чрез прекердо смирене тай поклонение ангеленгоро, като вглабинел пес андо букя, колато нана дикляс, тай напразно надувинел пес пе плътсконе гогяса, <sup>19</sup>а на икерел о шеро - Христа, Колестар о цело телос, подържиме тай свържиме чрез о ставес тай о жилес пере, бариол с нарастване, дендо таро Дел. <sup>20</sup>Ако мулен е Христаса относно о първоначална учения е светоскере, то соске, сар кай живинен андо светос, подчининен тумен ко постановления, сар: <sup>21</sup>" Ма докоснине тут", " Ма вкусине", " Ма пипине" <sup>22</sup>(колато саворе аравгион тари употреба), по манушканесте заповедя тай учения? <sup>23</sup>Калка постановления наистина дикион мъдра андо своеволно

## Chapter 3

богослужение тай прекердо смирене, тай нещадене е телоске, но на струвинен нищо анди борба против о угодиба е телоске.

### Chapter 3

<sup>1</sup>Тай чука, ако улен възкресиме заедно е Христаса, роден давка, ковато си упре, кате бешел о Христос одясно е Девлеске. <sup>2</sup>Мислинен е упрунесье, а ма е пувякоро; <sup>3</sup>сокето мулен, тай тумаро животос си гаравдо е Христаса андо Дел. <sup>4</sup>Като о Христос, амаро животос, явисало, тогава тумеда ка явинен тумен Леса анди слава.<sup>5</sup>Далкеске мударен тумаре пувякере частя: блудство, нечистота, страсть, зложелание тай сребролюбие, ковато си идолопоклонство; <sup>6</sup>ашал колеске авел о Божие гняви упрали о роди е непокорненгоро; <sup>7</sup>анде коленде тумеда декана пиргиен, като живиненас анде ленде. <sup>8</sup>Но акана отчiven тумеда всичко давка: гневи, ярост, злоба, хулиба, лажакере хоратес тумаре муюндар. <sup>9</sup>Ма хохавен тумен иек аверес, понеже нангилен вече е пуране манушес лескере деловиенца, <sup>10</sup>тай ургиен тумен андо нево, ковато подновинел пес е придобивнаске е знаниеске ко образи Калкеске, Ковато създиняс лес; <sup>11</sup>кате нанай ни гръкос, ни юдеини, ни обрязване, ни необрязване, ни варварини, ни скити, ни робос, ни свободно; но о Христос си всичко тай андо всичко. <sup>12</sup>Тай чука, сар Божия избираме, свята тай възлюбена, уриен тумен андо милостърдие, благост, смирене, кротост, дълготърпение. <sup>13</sup>Претърпинен тумен иек аверес тай простиен туменгте, ако декас иси оплакване против декасте; сарто о Дел простиенгас туменгте, чука простиен тумеда. <sup>14</sup>А упрали всичконасте далкесте уриен тумен анди любов, която свържинел всичко андо съвършенство. <sup>15</sup>Тай нека царувинел анде тумаре сърценде о Христово мири, колесте улен призвана андо иек телос; тай овен благодарна. <sup>16</sup>О Христово словос те вселинел пес анде туменде барвалесте; пердоне мъдростяса учинен тумен тай увещинен тумен псалменца тай химниенца, тай духовна гиля, като възпейнен е Девлес благодатаса анде тумаре сърценде, <sup>17</sup>тай со да те керен, ко хоратес или ко делос, керен всичко андо алаб е Девлеске о Иисус, като благодаринен через Лесте е Девлеске о Отца. <sup>18</sup>Ромнялен, покоринен тумен тумаре роменге, сарто подобинел андо Дел. <sup>19</sup>Ромален, дехен тумаре ромниен тай ма огорчинен лен. <sup>20</sup>Чавален, покоринен тумен тумаре родителенге андо всичко, сокето давка си угодно е Девлеске. <sup>21</sup>Дада, ма раздразнинен тумаре чавен, за тена обезсърчинен пес. <sup>22</sup>Слути, покоринен тумен андо всичко тумаре земноне господариенге, като керен бути ма якенге, таро човекоугодничество, а сърдечноне простотаса, като даран таро Дел. <sup>23</sup>Со да те керен, керен бути таро сърцес, сар за е Девлеске, а ма сар за е манушенг; <sup>24</sup>понеже жанен, кай анди награда ка получинен таро Дел наследство. Сокето слугувинен е Девлеске о Христа. <sup>25</sup>Ковато керел неправда, ка получинел според пе неправдате, и то без лицеприятие.

### Chapter 4

<sup>1</sup>Господаря, ден тумаре слуген безпристрастно давка, ковато си справедливо, като жанен, кай туменда иси Господари ко небеса. <sup>2</sup>Постоянствинен анди молитва тай бдинен анде лате благодарениеса. <sup>3</sup>Молинен тумен още аменгеда, те путрел аменге о Дел вудар е словоске, те разгласинас и тайна, която си андо Христа, за колаке синииом андо оковес, <sup>4</sup>те изявинав ла чука, сарто требе те хоратинав. <sup>5</sup>Отнесинен тумен мъдро карик о авруне, като използвинен о благовремие. <sup>6</sup>Давка, ковато хоратинен, те овел винаги благодатаса, подправиме лонеса, за те жанен сар требе те отговоринен секаске. <sup>7</sup>Кити за манге, всичко ка пенел туменгте о любезно прал тай верно служители тай съработники андо Дел о Тихик, <sup>8</sup>колес бичалгиом жи туменде нарочно, за те ахальон моро състояние тай ов те уешинел тумаре сърца. <sup>9</sup>Бичалгъю леса е верноне тай любезноне пралес о Онисим, ковато си тумендар. Он ка пенен туменгте всичко за ате. <sup>10</sup>Поздравинел тумен о Аристарх, ковато си панло манца, тай о Варнавово пенякоро чаво о Марк (за колеске получингиен и поръчка: Ако авел паш туменде, приеминен лес), <sup>11</sup>тай о Иисус, наречиме Юст. Таро обрежиме калка си о единствена мере съработника за е Божие тагарипнаске, колато уле манге утеша. <sup>12</sup>Поздравинел тумен о служители е Иисеске Христеске о Епафрас, ковато си тумендар тай ковато всякога усърдно молинел пес туменгте бешен зреда тай напълно увериме андо всичко, ковато си и Божие воля. <sup>13</sup>Свидетелствинав за леске, кай трудинел пес бут туменгте тай калкенге, колато си анди Лаодикия тай андо Йерагол. <sup>14</sup>Поздравинен тумен о възлюбено лекари о Лука тай о Димас. <sup>15</sup>Поздравинен е прален, колато си анди Лаодикия, тай и Нимфа лакере домашноне кангеряса. <sup>16</sup>Тай като четинен кавка послание машкар туменде, нарединен те четинел пес анди Лаодикийско кантери; тай оковка, ковато си тари Лаодикия, те четинен лес тумеда. <sup>17</sup>Тай пенен е Архипиеске: Внимавине те изпълниес и служба, която приемингян андо Дел. <sup>18</sup>О поздрави пишинав ме, о Павел, ме собственоне вастеса. Помниен ме оковес. Благодат те овел туменца. Амин.

## 1 Thessalonians

### Chapter 1

<sup>1</sup>О Павел о Сила тай о Тимотей - жи ки Солунско кантери андо Дел о Отца тай о Дел о Иисус Христос: Благодат тай мири те овел туменде. <sup>2</sup>Винаги благодаринен е Девлеске саворенгте туменгте тай споменинас тумен андо молитвес амаре, <sup>3</sup>като дасамен годи непрестанно англал амаре Девлесте тай Отеци о делос тумаре вяракоро, о трудос

## Chapter 2

тумаре любовтаке тай о търпение тумаре надеждакоро анде амаре Девлесте о Иисус Христос.<sup>4</sup> Понеже жанас, пралален възлюбиме таро Дел, кай Ов избiringяс тумен; <sup>5</sup> соскето амаро благовестване машкар туменде на сине само хоратенца, но силаса, е Святое Духоса, тай баре увереностяса; сарто жанен саве докажисалам машкар туменде ашал туменге.<sup>6</sup> Тай туме ачилен подражатела аменгे тай е Девлеске, като машкар буте скърбенде приемингиен о словос лошаласа, която си таро Свято Духос; <sup>7</sup> чука кай ачилен примериеске саворе върващоненге, колато си анди Македония тай анди Ахая.<sup>8</sup> Соскето ма само прогласисало о Девлеско словос тумендар анди Македония тай Ахая, но разшунгяс пес тумари вяра андо Дел секате, чука кай нанай нужно тамте те пенас варесо за лаке.<sup>9</sup> Соскето коркоре он оповестинен аменге, саво достъпи сине амен паш туменде тай сар ирисален таро идола карик о Дел, за те служинен е живде тай истинсконе Девлеске,<sup>10</sup> тай те очаквинен Лескере Чавес таро небеса, о също Иисус, Колес възкресингяс таро муле, Ковато избавинел амен таро идещо гневи.

## Chapter 2

<sup>1</sup>Соскето коркоре туме жанен, пралален, кай амаро идване паш туменде нана уло напразно;<sup>2</sup> но улам по-нангле пострадала тай поругана андо Филипи, сарто жанен, одързостисалам анде амаре Девлесте те проповединас туменге о Божие благовестие машкар баре борбате.<sup>3</sup> Соскето анде амаре увещаниесте нана сине самоизмама, нито нечиста подбудес, нито лукавство;<sup>4</sup> но сарто улам одобриме таро Дел те поверинал аменге о делос е благовестиеско, чука хоратинас, ма за те угодинас е манушенге, а е Девлеске, Ковато изпитвинел амаре сърца.<sup>5</sup> Соскето, сарто жанен, нисар на употребингям ласкателна хоратес или гаравдо сребролюбие (о Дел си свидетели);<sup>6</sup> нито родингям слава таро мануша, било тумендар, било аверендар (ако те ашинеда те притежинас власт сар Христова апостола),<sup>7</sup> но улам блага машкар туменде сар кърмачка, като грижинел пес пе чавенге.<sup>8</sup> Чука, като сине амен горещо любов карик туменде, уло аменге драго те предас туменге ма само о Божие благовестие, но амаре души, соскето ачиленас аменге мила.<sup>9</sup> Соскето туме, пралален, помнинен амаро трудос тай усилие, сар, керас бути о диес тай ират, за тена овас тежест ни иекеске тумендар, проповедингям туменге о Божие благовестие.<sup>10</sup> Туме синиен свидетеля, тай о Дел също, сар свято, праведно тай безукорно икергям амен машкар туменде, о върваща,<sup>11</sup> като жанен сар увещинасас тай утешинасас всеконе иекес тумендар, сарто о дад - пе чадовиен,<sup>12</sup> тай заръчвинасас туменге те живинен достойно е Девлеске, Ковато призовинел тумен анде Пере тагарипнасте тай славате.<sup>13</sup> Далкеске амеда непрестано благодаринас е Девлеске, соскето, като приемингиен чрез аменде о словос е Божие посланиеске, приемингиен лес ма сар манушеско словос, а сар Божие словос, савото си наистина, ковато действинел машкар туменде, о върваща.<sup>14</sup> Соскето туме, пралален, ачилен подражателя е Божие андо Христа Иисуса кангериенге, колато си анди Юдея, понеже тумеда претърпингиен о също тумаре сънародниендар, сарто онда таро юдея;<sup>15</sup> колато тай о Дел о Иисус, тай о пророкия мударде, тай амен гонинде, е Девлеске на угодинен тай саворе манушенге си противна,<sup>16</sup> като забранинен аменге те хоратинас е езичниенге, за те спасинен пес. Чука он винаги допълнинен и мярка пе безехенгири; но о безгранично гневи ресло лен.<sup>17</sup> А аме, пралален, като осиротингям тумендар за хари време (кити за телесноне присъствиеске, а ма сърцеске), постараисалам още по бут, баре желаниеса, дано дикас тумаро мui.<sup>18</sup> Соскето манглен те авас паш туменде (поне ме, о Павел) иек-дуи дрома, но о Сатана попречингяс аменге.<sup>19</sup> Понеже коя си ами надежда или лошали, или венеци колеса хвалинас амен? На синиен ли туме англал амаре Девлесте о Иисус паш Лескере присъствиесте?<sup>20</sup> Соскето туме синиен ами слава тай лошали.

## Chapter 3

<sup>1</sup>Далкеске, като нащине вече търпинас, араклам за лачес те мукен амен коркоре анди Атина;<sup>2</sup> тай бичалгиям о Тимотей, амаро прал тай Божие служители андо Христово благовестие, те утвърдинел тумен тай те утешинел тумен относно тумари вяра,<sup>3</sup> за тена разколебинел пес никой калке скърбендар; соскето туме жанен, кай за далкеске синям определиме.<sup>4</sup> Соскето, като улам паш туменде, пенасас туменге предварително, кай ка претърпинас беди; ковато ачилода, сарто жанен.<sup>5</sup> Тай по дайка причина, като нащине вече те търпинав, бичалгиом те ахаловав за тумаре вяраке, тена изкусингяс тумен о изкусители тай амаро трудос те овел напразно.<sup>6</sup> Но акана, като о Тимотей ало паш аменде тумендар тай ангяс аменге лаче вестя за тумари вяра тай любов, тай кай винаги иси тумен лаче споменя за аменге тай манглен те дикен амен, сарто амеда тумен,<sup>7</sup> тогава, пралален, паш савори ами нужда тай скръб, утешингям амен туменге ашал тумари вяра,<sup>8</sup> понеже аме акана живинас, ако туме бешен зоралесте андо Дел.<sup>9</sup> Соскето, сар ачи досдатъчно те благодаринас е Девлеске за туменге ашал и савори лошали, коласа лошанас за туменге англал амаре Девлесте?<sup>10</sup> Ират тай о диес молинас амен най-усърдно те дикас тумаро мui тай те допълнинас давка, ковато на ресел тумаре вяраке.<sup>11</sup> А коркоро амаро Дел тай Отеци, тай амаро Дел о Иисус дано опринел амаро дром карик туменде.<sup>12</sup> Тай о Дел те керел те барийон тай те преизобилствинен анди любов иек карик авересте тай карик саворенде, сарто амеда преизобилствинас карик туменде,<sup>13</sup> за те утвърдинел тумаре сърца непорочно анди святост англал амаре Девлесте тай Отеци паш о присъствие амаре Девлеско о Иисус саворе Лескере светиенца.

## Chapter 4

<sup>1</sup>Тай чука, пралален, молинас тай увешинас тумен андо Дел о Иисус, сарто сиклилен амандар сар требе те живинен тай те угодинен е Девлеске (сарто живиненда), чука те преуспенин по бут тай по бут. <sup>2</sup>Соскето жанен саве заръкес диня тумен таро алав е Девлеске о Иисус. <sup>3</sup>Понеже давка си и Божие воля - амаро освещение: те въздържинен тумен таро блудство; <sup>4</sup>те жанел секой тумендар сар те лел песке ромня\* анди святост тай почест, <sup>5</sup>а ма анди страстно похота, сар о езичникия, колато на пенджарен е Девлес; <sup>6</sup>тай тена престъпил никой, тай те покваринел пе пралес анде калке варесосте; соскето са всичконаске далкеске о Дел си мъздовъздатели, сарто по-нангле пенгя туменге тай уверингя тумен. <sup>7</sup>Соскето о Дел на призовингяс амен карик и нечистота, а карик и святост. <sup>8</sup>Соскето, който отчивел давка, на отчивел е манушес, а е Девлес, Ковато дел тумен По Свято Духос. <sup>9</sup>А за е братолюбие се нанай нужно те пишинав туменге; соскето коркоре туме синиен сикавде таро Дел те дехен тумен иек аверес, <sup>10</sup>понеже чука керен саворе праленца ки цело Македония. Но молинас амен туменге, пралален, те преуспенин анде далкесте по бут тай по бут, <sup>11</sup>тай усърдно те стараинен тумен те живинен тихо, те керен тумаре бука тай те керен бути тумаре собственоне вастенца, сарто заръчиня туменге; <sup>12</sup>за те икерен тумен благоприлично англал о авруне тай тена овел тумен нужда нисостар. <sup>13</sup>Нана мангас, пралален, те ачон андо неведение колжене, колато мерен, или па те скърбинен сарто колженде, колато нанай лен надежда. <sup>14</sup>Соскето ако верувинас, кай о Иисус муло тай възкресингя, чука о муле андо Иисус о Дел ка привединел заедно Леса. <sup>15</sup>Соскето давка пенас туменге чрез о Господно словос, кай аме, колато ачовас живде жи ко Господно пришествие, нанай те изпреваринас е мулен. <sup>16</sup>Понеже коркоро о Дел ка ухлел таро небес повелително викиеса, тай гласос на архангел тай и Божие тръба; тай първо ка възкресинен о муле андо Христа; <sup>17</sup>после аме, колато ачилам живде, ка овас гробната заедно ленца андо облакя те посрещнинас е Девлес андо въздухи; тай чука ка овас винаги е Девлес. <sup>18</sup>Тай чука, насьчинен тумен иек аверес калке хоратенца.

## Chapter 5

<sup>1</sup>А за е брешене тай е времеске, пралален, нанай нужда те пишинел пес туменге; <sup>2</sup>соскето туме лачес жанен, кай о Господно диес ка авел сар чор ират. <sup>3</sup>Като пленен: Мири тай безопасност!, тогава внезапно ка авел гибел, сарто е бяннимаскере дука камне ромнякере; тай он нанай те нашен. <sup>4</sup>Но туме, пралален, на синиен анди тъмнина, кай те изненадинел тумен давка диес сар чор. <sup>5</sup>Соскето туме саворе синиен чаве е светлинакере\* тай чаве е диесескере\*, на синям тари ират, нито тари тъмнина. <sup>6</sup>Тай чука, тена совас, сар околненде, а те овас жантале тай трезвена. <sup>7</sup>Соскето, колато совен, ират совен, тай колато макярен пес, ират макярен пес; <sup>8</sup>а аме, като синям таро диес, нека овас трезвена, тай нека уряс за бронен нагръдник и вяра тай и любов, тай те товас шлемиеске и надежда е спасениескири. <sup>9</sup>Соскето о Дел определингяс амен ма за гневиеске, а те получинас спасение чрез амаре Девлесте о Иисус Христос, <sup>10</sup>Ковато муло аменге, чука кай аме, живде или муле, те живинен заедно Леса. <sup>11</sup>Далкеске насьчинен тумен машкар туменде тай назидавинен тумен иек аверес, сарто керен. <sup>12</sup>Тай молинас тумен, пралален, те признавинен калкен, колато трудинен пес машкар туменде сар тумаре настойникия андо Дел тай тумаре увешателя, <sup>13</sup>тай те почитинен лен твърде бут с любов ашал ленгоро делос. Живинен мирно машкар туменде. <sup>14</sup>Молинас тумен още, пралален, увешинен е безчиновиен, насьчинен е малодушнонен, поддържинен е слабонен, овен търпелива карик саворенде. <sup>15</sup>Внимавинен никой никаске тена иринел зло за зло; а винаги роден о лачо иек авересте тай саворенде. <sup>16</sup>Винаги лошанен. <sup>17</sup>Непрестанно молинен тумен. <sup>18</sup>Всичконаске благодаринен; соскето давка си и Божие воля за туменге андо Христа Иисуса. <sup>19</sup>О духос ма угасинен. <sup>20</sup>О пророчества ма презиринен. <sup>21</sup>Всичко изпитвинен; икерен о лачо, <sup>22</sup>а въздържинен тумен таро секакво зло. <sup>23</sup>А Коркоро о Дел е мириеско те осветинел тумен напълно; тай дано запазинен пес непокътната о духос, и душа тай о телос тумаро би порокиеско, жи ко пришествие амаре Девлеско о Иисус Христос. <sup>24</sup>Верно си Ковка, Ковато призовинел тумен, тай ка керел давка. <sup>25</sup>Пralален, молинен тумен аменге. <sup>26</sup>Поздравинен саворе прален святое целувкаса. <sup>27</sup>Дав тумен совела андо Дел те четинел пес давка послание саворе (святое) праленге. <sup>28</sup>И благодат амаре Девлескири о Иисус Христос те овел туменца. (Амин).

## 2 Thessalonians

## Chapter 1

<sup>1</sup>О Павел, о Сила тай о Тимотей жи ки Солунско кангери андо Дел, амаро Отеци, тай о Дел о Иисус Христос: <sup>2</sup>Благодат тай мири те овел туменде таро Дел о Отца тай о Дел Иисуса Христа. <sup>3</sup>Дължна синям, пралален, винаги те благодаринен е Девлеске за туменге, сарто си прилично, соскето тумари вяра бариол твърде бут, тай и любов секоне иекескири тумендар карик околненде умножинел пес; <sup>4</sup>чука кай коркоре аме хвалинас амен туменца машкар о Божия кангера за тумаро зоралипе тай вяра паш о саворе гонения тай неволес, колато понесинен; <sup>5</sup>ковато си доказателство за е Девлескере справедливоне съдоске, за те удостоинен тумен е Божие тагарипнаса, за колеске страдинен. <sup>6</sup>Понеже си справедливо англал о Дел те въздел скръб колжене, колато оскърбинен тумен, <sup>7</sup>а туменге, о оскърбиме, те дел утха сарто аменгеда, като явинел пес о Дел Иисус таро небес Пере силноне ангеленца, <sup>8</sup>анди пламенно яг те раздел възмездие колжене, колато на пенджарен е Девлес, тай колжене, колато

## Chapter 2

на покоринен пес е благовестиеске амаре Девлескоро о Иисус.<sup>9</sup> Салка ка приеминен наказаниеске те овен анди вечно погибел, лишиме таро присъствие е Девлескоро тай тари слава Лескере силатар,<sup>10</sup> като авел колке диеесте, за те прославинел пес анде Пере светиенде, тай те удивинен пес Леске саворе повярвала (сокето тумеда повервингиен амаре свидетелствоске).<sup>11</sup> Далкеске винаги молинас амен туменге, дано амаро Дел сметнинел тумен достойна за тumarе призваниееске тай те перел силаса секо лачо желание тай секо делос в вяраке;<sup>12</sup> за те прославинел пес анде туменде о алаб амаре Девлескоро о Иисус, тай туме анде Лесте според и благодат амаре Девлескири тай о Дел Иисус Христос.

## Chapter 2

<sup>1</sup> А относно о пришествие амаре Девлескоро о Иисус Христос тай амаро събиране паш Лесте, молинас тумен, пралален, <sup>2</sup> тена разклатинен тумен лесно, нито те смутинен тумен, било таро духос, било таро словос, или таро послание уж амандар бичалдо, като кай вече ало о диес е Девлескоро.<sup>3</sup> Никой тена хохавел тумен по нисаво начини; сокето давка нанай те овел, жи кай първо нана авел о отстъпление тай нана явинел пес о мануш е безехакоро, о осъдиме на погибел\* <sup>4</sup>ковато противинел пес тай превъзнесинел пес упрат всичконасте, ковато наречинел пес дел, или колеске отдел пес поклонение, за те бешел (сарто о Дел) андо Божие храми тай те представинел пес Девлеске.<sup>5</sup> На помнинен ли, кай още като улом туменде, пенгиом туменге давка? <sup>6</sup> Тай акана жанен со спиринел лес, за тена явинел пес несвоевременно.<sup>7</sup> Сокето и тайна е беззакониескири вече действинел, но само жи кай на премахнингиол ковка, ковато акана спиринел ла;<sup>8</sup> тай тогава ка открингиол о беззаконници, колес о Дел о Иисус ка мударел Пе москере дъхоса тай ла изтребинел е блясъкеса е пришествиескоро Поро.<sup>9</sup> Кавка, колескоро идване дължинел пес е действиеске е Сатанакереске, съпроводиме секоне силатар, знамения, хохавне чудеса <sup>10</sup>тай целоне хохаибнаса е неправдаке, машкар колженде, колато загивинен; сокето на приеминде те дехен и истина тай те спасинен пес.<sup>11</sup> Тай далкеске о Дел бичалел заблуждение е действинел машкар ленде, за те верувинен е хохаибнаске,<sup>12</sup> тай те овен осъдиме саворе, колато на повервиде анди истина, а дехинде и неправда.<sup>13</sup> А аме синям длъжна винаги те благодаринас е Девлеске за туменге, възлюбиме таро Дел прала, сокето о Дел отначало избирингяс тумен спасениееске чрез о освещение е Духоскоро тай е вяракоро анди истина,<sup>14</sup> за коле спасениееске призвингяс тумен чрез амаре благовестиесте, за те получинен и слава амаре Девлескири о Иисус Христос.<sup>15</sup> Тай чука, пралален, бешен зоралесте тай икерен о предания, колато сиклилен било амаре словостар, било амаре посланиестар.<sup>16</sup> А коркоро амаро Дел о Иисус Христос тай амаро Дел тай Отеци, Ковато възлюбингяс амен тай ки благодат диняс амен вечно утеша тай лачи надежда,<sup>17</sup> те утешинел тumarе сърца тай те утвърдинел тумен андо секо лачо делос тай словос.

## Chapter 3

<sup>1</sup> Най-после, пралален, молинен тумен аменге, те напредвинел о Господно словос тай те прославинав ман, сарто туменде,<sup>2</sup> тай те избавинас амен таро неразбрана тай нечестива мануша; сокето ма саворен иси вяра.<sup>3</sup> Но верно си о Дел, Ковато ка утвърдинел тумен тай ка пазинел тумен таро лукавия.<sup>4</sup> Тай уверена синям андо Дел за туменге, кай керен, тай ка керен давка, ковато заповединас.<sup>5</sup> А о Дел те насочинел тumarе сърца анди Божие любов тай анди Христово твърдост.<sup>6</sup> Заръчвиас туменге още, пралален, андо алаб амаре Девлеске о Иисус Христос те странинен секоне пралестар, ковато живинел безчинно, а ма ко предание, ковато приемингиен амандар.<sup>7</sup> Понеже коркоре туме жанен сар требе те подражинен аменге, сокето аме на живингям безчинно машкар туменде;<sup>8</sup> нито даром халам маро декасте, а трудоса тай усилиеса кергяма бути ират тай о диес, за тена овас анди тежест никаске тумендар;<sup>9</sup> ма кай нанай амен о право, а за те представинас амен примериеске, за те подражинен аменге.<sup>10</sup> Сокето като улам туменде, заръчвиасас туменге давка: Ако декой на мангел те керел бути, на требе те хал.<sup>11</sup> Понеже шунас, кай десаве постъпвинен безчинно машкар туменде, като на керен бути нищо, а ехминен пес чуждоне букиенге.<sup>12</sup> Салкенге заръчвиас тай увешинас лен андо алаб е Девлеске о Иисус Христос те керен бути тихо тай те хан песке поро маро.<sup>13</sup> А туменге, пралален, тена дотегнинел туменге те керен лачипе.

<sup>14</sup> Тай ако декой на покоринел пес амаре словоске чрез давка послание, забележинен лес тай ма киден тумен леса, за те лажал.<sup>15</sup> Обаче ма сметнинен лес за неприятелеске, а наставлинен лес сар прал.<sup>16</sup> А коркоро о Дел е мириескоро те дел тумен мири винаги тай секак. О Дел те овел саворенца туменца.<sup>17</sup> О поздрави мере собственоне вастеса, ковато си белеги андо секо послание, ме, о Павел, пищинав чука:<sup>18</sup> И благодат амаре Девлескири о Иисус Христос те овел саворенца туменца. (Амин).

## 1 Timothy

### Chapter 1

<sup>1</sup> О Павел, апостоли Иисус Христово, ки заповед е Девлеске, амаро Спасители, тай на Христа Иисуса, амири надежда <sup>2</sup>жи ко Тимотей, истинско моро чадос анди вяра: Благодат, милост, мири таро Дел Отца тай таро Христа Иисуса, амаро Дел.<sup>3</sup> Сарто молингиом тут, като жавас анди Македония, те ачос андо Ефес, за те заръчинес декаске тена

## Chapter 2

преден авер учение,<sup>4</sup>нито те занимавинен пес басненца тай безкрайноне родословиенца, колато помагинен по бут препирниенге, а ма за и Божие спасително наредба чрез и вяра.<sup>5</sup>А и цел калке заръкачири си любов таро шужо сърцес, лачи съвест тай нелицемерно вяра,<sup>6</sup>относно колато бука десаве, като на улучинде и цел, отклонисале андо празнословие,<sup>7</sup>тай мангел те овен законоучителя, без те ахалон нито со хоратинен, нито со твърдинен.<sup>8</sup>А аме жанас, кай о закони си лачо, ако употребинел лес декой законно,<sup>9</sup>като жанен давка, кай о закони си установиме ма за е праведненеске, а за е беззакониенге тай непокорненге, за е нечистивоненге тай грешниенге, за е неблагоговейненге тай скверненге, за е убийциенге е даденгере тай убийция даиенгере, за е човекубийциенге,<sup>10</sup>за е блудниценге, е извратоненге, о търгуваща робиенца, о хохавне, клетвопрестъпникия тай сичконаске авереске, ковато си противно е зорале учениеске.<sup>11</sup>според о славно благовестие е блаженоне Девлескоро, ковато уло манге повериме.<sup>12</sup>Благодаринав е Христеске е Иусеске, амаро Дел, Ковато диняс ман сила, кай счетингяс ман верненеске, тай поставиняс ман андо служение,<sup>13</sup>при все кай улом по-рано хулители, гонители тай пакостники. Но придобингиом милост, понеже, сар невежо кергиом давка андо неверие;<sup>14</sup>тай и благодат амаре Девлескири преумножисали карик манде вяраса тай с любов андо Христа Иуса.<sup>15</sup>Верно си давка словос тай заслужинел пълно приемане, кай о Христос Иус ало андо светос те спасинел е грешнен, колендар о главно синиом ме.<sup>16</sup>Но придобингиом милост по дайка причина, за те покажинел Иус Христос анде манде, о главно грешники, По саворо дълготърпение, примериеске колкенге, колато повервинен Лесте за вечноне животоске.<sup>17</sup>А е вечноне Тагареске, е безсмъртненеске, о невидимо, о единствено Дел, те овел чест тай слава жи ко вечна векове. Амин.<sup>18</sup>Кайка заръка предав туке, чадо Тимотее, според о пророчества, колато първо он посочинде, за те воювинес съобразно ленца сар лачо воини,<sup>19</sup>като иси тут вяра тай чисто съвест, колато десаве отчivте тай отпеле тари вяра;<sup>20</sup>лендар си о Именей тай Александър, колен прединиом ко Сатана, за те сиклон тена богохулствинен.

## Chapter 2

<sup>1</sup>Тай чука, увещинав ангел всичконасте те отправинен молбидес, молитвес, прошения, благодарения за саворе манушенге,<sup>2</sup>за тагаренге тай саворенге, колато си високопоставена, за те овел амен тихо тай спокойно животос андо пердо благочестие тай сериозност.<sup>3</sup>Давка си лачо тай угодно англал о Дел, амаро Спасители,<sup>4</sup>Колато мангел те спасинен пес саворе мануша тай те ресен те пенджарен и истина.<sup>5</sup>Сокето иси само иек Дел тай иек ходатай машкар о Дел -тай машкар о мануша, о мануш Христос Иус,<sup>6</sup>Ковато, сар своевременно свидетельство за далкеске, диняс Пес откупи саворенге;<sup>7</sup>за колеске ме улом поставиме вестители тай апостоли (истина пенав, нана хохавав), учители е езичниенге анди вяра тай анди истина.<sup>8</sup>Тай чука, мангав о мруша те молинен пес секоне танесте, като вазден васта свята, би гневиескоро тай съмнениескоро.<sup>9</sup>Чука о жувля те украсинен пес скромнене пременаса, лажаса тай целомъдриеса, ма кувде баленца тай златос или бисера, или скъпъла шея,<sup>10</sup>а лаче деловиенца, сарто подобава е жувленге, колато посветисале е благочестие.<sup>11</sup>И жувли те сиколол мълчаливо пердоне покорствоса.<sup>12</sup>А е жувляке на позволинав те поучинел, нито те владеинел уптал о мруш, но нека овел мълчаливо.<sup>13</sup>Сокето първо о Адам уло създиме, а после и Ева.<sup>14</sup>Тай о Адам нана хохавдил; но и жувли хохавдили, тай пели андо престъпление.<sup>15</sup>Но пак ой ка спасинел пес чрез о бяниба е чавенгоро, ако он пребъдвинен анди вяра, анди любов тай андо святост целомъдриеса.

## Chapter 3

<sup>1</sup>Верно си давка словос: Ако мангел декой епископство, лачо варесо мангел.<sup>2</sup>А о епископи требе те овел непорочно, иеке ромнякоро ром, самообладано, разбрано, порядъчно, гостолюбиво, способно те поучинел,<sup>3</sup>ма сикло мате разправиенде, ма побойники, а кротко, ма чингарало, ма сребролюбцос,<sup>4</sup>ковато управлинел лачес поро собственно кер, тай икерел пе чадовиен андо послушание пердоне сериозностяса;<sup>5</sup>(сокето, ако мануиш нана жанел те управлинел поро собственно кер, сар ка грижинел пес е Божие кангеряке?)<sup>6</sup>тена овел нево анди вяра, за тена възгордеинел пес тай перел телал о също осъждане е бенгеса.<sup>7</sup>Паш далкесте, ов требе те ползвинел пес лаче отзивиенца тай таро авруне, за тена перел андо укори тай анди примка е бенгеске.<sup>8</sup>Чука о дякония требе те овен сериозна, ма дуие чибенгере, тена дехен бут мол, тена овен лакома за гнуснене печалбаке,<sup>9</sup>те икерен чистоне съвестяса и тайна е вяракири.<sup>10</sup>Също онда първо те изпитвинен пес тай после те ачон дякония, ако окажинен пес непорочна.<sup>11</sup>Чука о ромня\* ленгере требе гте овен сериозна, ма клеветники, самообладана, верна андо всичко.<sup>12</sup>О дякония те овен рома секой иеке ромнякоро тай те управлинен лачес пе чадовиен тай пе кера.<sup>13</sup>Сокето калка, колато служинде лачес сар дякония, придобинен за песке лачо положение тай баро дръзвновение анди вяра андо Христа Иуса.<sup>14</sup>Надявинаман сиго те авав паш туте; а давка пишинав туке,<sup>15</sup>андо случай кай закъснинав, за те жанес сар требе те икерен пес о народос андо Божие кер, ковато си кангери е живде Девлеске, стълби тай опора е истинаке.<sup>16</sup>Тай би съмнениескоро, велико си и тайна е благочестиескири: Кавка, "Ковато явисало анди плът, докажиме чрез о Духос, дикло таро ангела, проповедиме машкар о народос, поврвиме андо светос, възнесиме анди слава."

## Chapter 4

<sup>1</sup>А о Духос изрично пенел, кай андо последна времена десаве ка отстъпинен таро вяра тай ка шунен хохавне духовиен тай бесовска учения, <sup>2</sup>чрез о лицемерие е манушенгоро, колато хохавен, колентири съвест претабили, <sup>3</sup>колато забранинен от прандеба тай заповединен въздържание таро ястия, колато о Дел създиняс, за те употребинен пес благодарностяса колкендар, колато верувинен тай пенджарен и истина. <sup>4</sup>Соскето секо варесо, създиме таро Дел, си лачо, тай нищо нанай отхвърлимнаске, ако приеминел пес благодарностяса; <sup>5</sup>понеже освещинел пес чрез о Божие словос тай молитва. <sup>6</sup>Анде далkestе като съветвинес е прален, ка овес лачо служители на Иисуса Христа, парвардо е хоратенца е вяракере тай о лачо учение, ковато следвингян жи акана. <sup>7</sup>А отчiv о скверна тай бабешка баснес тай обучине тут андо благочестие. <sup>8</sup>Соскето о телесно обучение си за хари полезно; а о благочестие си сичконаске полезно, понеже иси лес о обещание за акана, тай за о бъдещо животос. <sup>9</sup>Кавка словос си верно тай заслужинел пълно приемане; <sup>10</sup>понеже далкеске трудинас амен тай боринас амен, соскето надявинас амен ко живдо Дел, Ковато си Спасители саворе манушенге, а най-вече е вярващененге. <sup>11</sup>Давка заръчине тай учине. <sup>12</sup>Никой тена презиринел торо тернипе; но те овес е вярващененге примери андо словос, андо поведение, анди любов, анди вяра, анди чистота. <sup>13</sup>Жи кай авав, посветине тут ко четиба, ко увещаване тай ко поучаване. <sup>14</sup>Ма пренебрегнине и дарба, която иси тут, която диняс пес туке, съгласно о пророчество, чрез о ръкополагане таро презвитеря. <sup>15</sup>Анде далkestе ов прилежно, далкеске преде тут, за те ачол явно саворенге торо напредъки. <sup>16</sup>Внимавине за туке тай за те поучениеске, постоянствине анде далkestе; соскето, като керес давка, ка спасинес тутда, те слушателенда.

## Chapter 5

<sup>1</sup>Пуре манушес ма корине, а увешине лес сар дад, е по-тернен - сар прала, <sup>2</sup>е пуре ромниен - сар дая, е по-тернен - сар пения, съвършеноне чистотаса. <sup>3</sup>Почитине е вдовицен, колато наистина си вдовицес. <sup>4</sup>А ако десаве вдовица иси чаве или унукия, он нека сиклон първо те сикавен благочестие карик пе домашноненде тай те отден о дължимо пе родителенге; соскето давка си угодно англал о Дел. <sup>5</sup>А и истинско вдовица, която ачили коркори, надявинел пес ко Дел тай постоянноувинел андо молби тай андо молитвес ират тай о диес; <sup>6</sup>но койка, която живинел сладострастно, живди си мули. <sup>7</sup>Заръчине давка, за е овен непорочна. <sup>8</sup>А ако декой на грижинел пес перенге, тай особено за пе домашноненге, ов отричисало таро вяра, тай таро неверники си по-канило. <sup>9</sup>Те запишинал пес само сайка вдовица, която нанай по-теле таро пиндудеш бреша, която ули иеке ромеске ромни, <sup>10</sup>известно пе лаче деловиенца: ако парваргяс чадовиен, ако приеминелас страннициен, ако товелас о пире е светиенгере, ако помагинелас е страдашоненге, ако отделас пес секоне лаче делоске. <sup>11</sup>А е по-терне вдовицен ма приемине, соскето, като ленгере страстя иринен лен таро Христа, манген те пранденен, <sup>12</sup>тай перен телал о осъждане, соскето отметнисале таро първо поро убеждение. <sup>13</sup>А паш далkestе, он сиклон те бешен би букякоро, те перен кер керестар тай ма само те овен би букякоро, но бъбривада, като ехминен пес чуждоне букиенде тай хоратинен давка, ковато на требе те хоратинел пес. <sup>14</sup>По дайка причина мангав о по-терне вдовицес те пранденен, те биянен чавен, те управлинел кер, тена ден нисаво поводи е противникиес те хулинал; <sup>15</sup>соскето десаве вече отклонисале палал о Сатана. <sup>16</sup>Ако десаво вярващо, мруш или жувли, иси лен сродницес вдовицес, нека приглеждинен лен песке, тай и кангери тена обременинел пес, за те ащи приглеждинел е истинсконе вдовицен. <sup>17</sup>О презвитеря, колато управлинен лачес, нека удостоинен пес двойноне почитяса, особено колка, колато трудинен пес андо словос тай поучение; <sup>18</sup>соскето о Писание пенел: "Тена пандес о мui е волескоро, като вършенил"; тай : "О работники заслужинел пи заплата". <sup>19</sup>Против о презвитери ма приемине обвинение, освен ако нанай подкрепиме дуие или трине свидетелендар. <sup>20</sup>Изобличине англал саворенде колкен, колато съгрешинен, за те даран околада. <sup>21</sup>Англал о Дел, англал о Христа Иисуса тай англал о избириме ангела заръчинав туке те спазвинес калка заповедя би предубеждениеско, тай нищо тена керес пристрастииеса. <sup>22</sup>Ма сигяр те ръкоположинес никак, нито участвине чуждоне безехенде. Пазине тут чисто. <sup>23</sup>Ма пи вече само пани, но употребине хари мол ашал те стомахиеске тай те честоне боледувимнаске. <sup>24</sup>О безеха десаве манушенгере си явна отпреди тай изпреваринен лен ко съдос; а декаске авен палал ленде. <sup>25</sup>Чука о лаче дела десавенге си явна; тай колка, колато нанай, нанащи гаравен пес завинаги.

## Chapter 6

<sup>1</sup>Колато си телал о робско игос, нека считинен пе господариен достойна секоне почитяке, за тена хулинал пес е Девлескоро алав тай о учение. <sup>2</sup>А колка, колато иси лен вярваща господария, тена презиринен лен, соскето си прала; а дики по бут нека те керен ленге бути, соскето колка, колато ползвинен пес таро усърдие ленгоро, си вярваща тай възлюбена. Давка поучавине тай увешине. <sup>3</sup>тай ако декой предел авер учение, тай нана съобразинел пес е зорале хоратенца амаре Девлескере о Иисус Христос тай е благочестивоне учениеса, <sup>4</sup>ов възгордисало тай нана жанел нищо, тай иси лес мазорали склонност карик о споровия тай о препирни, колентар проиклон зависи, разпрес, хули, лукава подозрения, <sup>5</sup>кавги машкар о мануша развратноне гогиенца тай лишиме тари истина, колато мислинен, кай о благочестие си средство печалбаке. <sup>6</sup>А о благочестие, приемиме задоволствоса, си бари печалба; <sup>7</sup>соскето нищо нана ангъм андо светос, нито ащи икалас варесо. <sup>8</sup>а като иси амен

хабе тай шехия, нека овас доволна.<sup>9</sup> А колато ламтинен те барвалон, перен андо изкушение, анди примка тай андо бут глупава тай вредна страстя, колато потопинен е манушен андо разорение тай погибел.<sup>10</sup> Соскето о сребролюбие си корени секоне канилипнакскоро, карик колесте, като стреминде пес десаве, отклонисале тари вяра, тай пронижинде пес буте скърбенца.<sup>11</sup> Но ту, човече Божий, наш далке букиендар; тай следвине и правда, о благочестие, и вяра, и любов, о търпение, и кротост.<sup>12</sup> Подвизине тут анди лачи битка е вяраке; икер тут ко вечно животос, колеске улан призвано, като кергян и лачи изповед англал о мнозина свидетеля.<sup>13</sup> Заръчвинав тухе англал о Дел, Ковато оживинел всичко, тай англал о Христа Иисуса, Ковато англал о Понтийски Пилат засвидетелствингяс и лачи изповед,<sup>14</sup> те пазинес дайка заповед чисто тай безукорно жи ко явяване амаре Девлескоро о Иисус Христос,<sup>15</sup> ковато своевременно ка овел откриме таро блажено тай единствено Властители, Тагар е тагаренгоро тай Господ е господстващоненге,<sup>16</sup> Ковато коркоро притежинел безсмъртие, обитавинел анди непристъпно светлина; Колес нисаво мануш на диклас, нито ащи дикел; Леске те овел чест тай вечно сила. Амин.<sup>17</sup> Колкенге, колато притежинен барвалипе калке светосте, заръчине тена високоумствинен, нито те надявинен пес ко непостоянно барвалипе, а ко Дел\*, Ковато деламен всичко изобилно те насладинас амен;<sup>18</sup> те керен лачипе, те барвалон лаче деловиенца, те овен щедра, съчувстваща,<sup>19</sup> като киден песке съкровище, ковато ка овел лачи основа е бъдещеске, за те долен пес ко истинско животос.<sup>20</sup> О, Тимотее, пазине давка, ковато си тухе повериме, като отклонинес тут таро скверна празнословия тай противоречия е хохавне жанибнакскоро,<sup>21</sup> колесте, като предине пес десаве, отклонисале тари вяра. Благодат те овел туменца. Амин.

## 2 Timothy

### Chapter 1

<sup>1</sup>О Павел, е Божие воляса апостоли Иисус Христово, за е прогласяванеске о обещано животос, ковато си андо Христа Иисуса, <sup>2</sup>жи ко Тимотей, мо възлюбено чадос: Благодат милост, мири те овел туса таро Дел Отец тай таро Христа Иисуса, амаро Дел.<sup>3</sup>Благодаринав е Девлеске, Колеске служинав, сар ме прародителенде, чистоне съвестяса, като не-престанно споменинав тут андо молитвес мере ират тай о дис, <sup>4</sup>тай спомнинав мангите асвес, копнеинав те дикав тут, за те изпълнинав ман лошаласа.<sup>5</sup>Понеже припомнинав мангите тери нелицимерно вяра, която първо сине ла те мамате и Лоида тай те даяте и Евникия, а като синиом увериме, тай анде туте.<sup>6</sup>По дайка причина напомнинав тухе те разтарес и дарба таро Дел, която иси тут через о полагане мере вастенгоро.<sup>7</sup>Соскето о Дел диняс амен духос ма дараибнакскоро, а силакоро, любов тай себевладение.<sup>8</sup>Тай чука, ма лажа таро свидетелство за амаре Девлеске, нито мандар - затворници за Леске, но участвине андо страдания за е благовестие си сила, денди таро Дел, <sup>9</sup>Ковато спасингяс амен тай призовингяс амен святонае призваниеса, ма според амаре деловиенде, с според Пере намерениесте тай според и благодат, денди аменте андо Христа Иисуса англал о вечна времена,<sup>10</sup> а акана откриме через о явление амаре Спасителескоро о Христос Иисус, Ковато унищожингяс о мериба тай осиянгяс животос тай безсмъртие через о благовестие,<sup>11</sup> колеске ме улом поставиме, апостоли проповедници тай учители.<sup>12</sup>Далкеске чука страдинав. Но нана лажав, соскето жанав анде Касте поверилигиом, тай синиом увериме, кай Ов си силно те опазинел жи колке диеесесте ковка, ковато поверилигиом Леске.<sup>13</sup>Те овен тут образециеске о зорале хоратес, колато шунгян мандар, вяраса тай с любов андо Христа Иисуса.<sup>14</sup>Ковка лачо варесо, ковато уло тухе повериме, опазине через о Свято Духос, Ковато живинел анде аменде.<sup>15</sup>Ту жанес давка, кай саворе анди Азия ирисале мандар, машкар коленде си о Фигел тай Ермоген.<sup>16</sup>О Дел те покажинел милост карик о кер на Онисифор, соскето ов бут дрома подкрепинелас ман тай на лажалас ме оковендор,<sup>17</sup> а, напротив, като уло андо Рим, старателно родингяс ман тай араклас ман.<sup>18</sup>О Дел те делес те аракел милост англал о Дел анде колке диеесесте; а кити помагингяс мангите андо Ефес, ту жанес твърде лачес.

### Chapter 2

<sup>1</sup>Тай чука, ту, чадо моро, заяквине анди благодат, която си андо Христа Иисуса. <sup>2</sup>Тай со шунгиян мандар паш буте свидетеленде, давка преде верноне манушенге, колато те овен способна аверенда те сикавен.<sup>3</sup>Съчувствине андо страдания сар лачо воини Иисус Христово.<sup>4</sup>Никои служещо сар воини на заплетинел пес андо житетйска букия, за те угодинел калкеске, ковато запишингяс лес воиниеске.<sup>5</sup>Също тай ако състезавинел пес декой андо игрес, он нанай увенчиме, ако нана състезависало според о правила.<sup>6</sup>О трудещо се земеделцос требе първо те вкусинел таро плодове.<sup>7</sup>Размишлине уптал далкесте, ковато пенав тухе; тай о Дел ка делтут те ахалос всичко.<sup>8</sup>Помнише Иисуса Христа, таро Давидово потомство, Ковато възкръснингяс таро муле според мере благовестие;<sup>9</sup>за колеске страдинав жи ко оковес сар злодеицос. Но о Божие словос на вържинел пес.<sup>10</sup>Далкеске ме сичко издържинав ашал о избириме, за те получинен онда о спасение, ковато си андо Христа Иисуса, заедно вечноне славаса.<sup>11</sup>Верно си давка словос: "Соскето, ако мулам Леса, то ка живинасда Леса;<sup>12</sup>ако устоинас, то тай ка царувинас Леса; ако отричинас амен Лестар, Овда ка отричинел пес амендар;<sup>13</sup>ако синям неверна, Ов верно ачол; соскето наши отречинел пес Пестар."<sup>14</sup>Давка напомнине ленге тай заръчине ленге англал о Дел тена ден андо препирни, колендар нанай полза, а погубвинен е слушателен.<sup>15</sup>Старайнине тут те представинес тут одобриме англал о Дел работники, ковато нанай состар те лажал, като излагинес право о словос е истинакоро.<sup>16</sup>А о скверна

### Chapter 3

празнословия отбегвине, сокето, колато произнесинен лен, ка жан още по-дуре андо нечестие,<sup>17</sup>тай о учение салкенгоро ка разяждинел сар гангrena; колендар си о Именей тай о Филет,<sup>18</sup>колато отклонисале тари истина, като пленен, кай о възкресение вече ачило, тай разрушиен и вяра десавенгири.<sup>19</sup>Но и зорали основа, положиме таро Дел, бешел, като си ла кавка печати: "О Дел пенджарел Перен" тай: "Секой ковато изповединел е Девлеско алав, те отстъпинел тари неправда".<sup>20</sup>А анде иеке баре кересте о съдовя нанай само златна тай сребърна, но сървена тай пръстна; так о иек си за почтена употреба, а авер за непочтена.<sup>21</sup>Тай чука, ако декой очистинел пес калке заблуждениендар, ов ка овел съдос за почтена употреба, осветиме, полезно е Стопаниеске, пригответиме секоне лаче делоске.<sup>22</sup>Отбегвине о младежка страстия тай заедно калкенца, колато призовинен е Девлес таро чисто сърцес, следвине и правда, и вяра, и любов, о мири.<sup>23</sup>А избегвине тут таро глупава тай просташка разисквания, като жанес, кай породинен препирни.<sup>24</sup>А о Господно слугас на требе те препиришел пес, но требе те овел кротко карик саворенде, способно те поучинел, търпеливо;<sup>25</sup>кротостяса те увещинел е противникиен, тай дано те дел лен о Дел покаяние, за те пенджарен и истина,<sup>26</sup>тай те трезонгион, като избавинен пес тари примка е бенгескири, колестар си уловиме живде, за те керен лескири воля.

### Chapter 3

<sup>1</sup>А давка те жанес, кай андо последна диеса ка ачон усилена времена.<sup>2</sup>Сокето о мануша ка овен себелюбива, сребролюбива, надменна, горделива, хулителя, непокорна родителенге, неблагодарна, нечестива,<sup>3</sup>безърдечна, непримирима, клеветникия, невъздържана, свирепа, неприятела е лачипнаске,<sup>4</sup>предателя, буйна, надута, по бут сластолюбива, а ма боголюбива,<sup>5</sup>като иси лен наглед благочестие, но отричаща и сила лескири. Тай салкендар да цидетут!<sup>6</sup>Сокето лендар си колка, колато вмъкнинен пес андо кера тай хохавен е обременонен безехенца жувлен, водиме различноне страстиендар,<sup>7</sup>колато все учинен пес, а нисар наши ресен жи ко познание е истинаке.<sup>8</sup>Тай карто Яний тай Ямврий възпротивисале е Мойсейеске, чука онда противинен пес е истинаке, мануша покварноне гогяса, извратиме анди вяра.<sup>9</sup>Но он нанай те успениен по бут; сокето лендар безумие ка ачол известно саворенге, карто ачило е безумиеса калке дуиенгоро.<sup>10</sup>А ту последвиян моро учение, поведение, и цел, ми вяра, о дълготърпение, и любов, о зоралипе,<sup>11</sup>о гонения, о страдания, колато сполетинде ман анди Антиохия, анди Икония, анди Листра; саве гонения издържингиом! тай таро саворе лендар о Дел избавингяс ман.<sup>12</sup>Но тай саворе, колато манген те живинен благочестиво андо Христа Иисуса, ка овен гониме.<sup>13</sup>А нечестива тай хохавне мануша ка жан таро канило карик о по-канило, като хохавен тай си хохавде.<sup>14</sup>А ту постоянствине анде далкесте, ковато сиклилан тай за колеске улан убедиме, като жанес саве мунендар сиклилан,<sup>15</sup>тай кай от цикнърла жанес о свещена Писания, колато ащи умъдринен тут спасениеске чрез и вяра андо Христа Иисуса.<sup>16</sup>Саворе Писание си богоядъхновено тай полезно поучимнаске, изобличениеске, поправлиеске, наставлиеске, анди правда;<sup>17</sup>за те овел о Божие мануш усъвършенствиме, съвършено пригответиме за секоне лаче делоске.

### Chapter 4

<sup>1</sup>Заръчинав туке англал о Дел тай англал о Христа Иисуса, Ковато ка съдинел е живден тай е мулен паш Пе явимнасте тай Пе царувимнасте:<sup>2</sup>проповедине о словос, настоявине ко време тай без време, изобличине, порицавине, увещине, пердоне търпениеса тай непрестано поучаване.<sup>3</sup>Сокето ка авел време, като нанай те търпинен о зорало учение; но понеже манген те шунен новостя, ка киден песке учителен пере страстиендар, за те гъделичинен лендар слухи\*,<sup>4</sup>тай като иринен пе кана тари истина, ка иринен пес карик о баснес.<sup>5</sup>Но ту ов разбрано андо всичко, понесине страдание, извършине о делос благовестителеско, изпълнине жи ко крайос то служение.<sup>6</sup>Сокето ме вече ачовав жертва, тай о време ме жаибнаске ачол.<sup>7</sup>Ме подвизисалом андо лачо войнстване, о дром свършингиом, и вяра опазингиом;<sup>8</sup>от акана наоте пазине тут за мангे о венеци е правдакоро, ковато о Дел, о праведно Съдияс, ка въздел мангे анде колке диесесте; тай ма само манге, но тай саворенге, колато дехинде Лескоро явяване.<sup>9</sup>Постараине тут те авес сиго паш манде;<sup>10</sup>Сокето о Димас муклас ман, като дехингяс о светос акана; ов гело андо Солун, Кристент\* - анди Галатия, а о Тит анди Далмация.<sup>11</sup>Само о Лука си паш манде. Ле е Маркиес тай ан лес туза, сокето си манге полезно е служениеске.<sup>12</sup>А о Тихик бичал андо Ефес.<sup>13</sup>Като ка авес, ан о наметалос, ковато муклом анди Троада ко Карп, тай о книгес, а особено о пергаментия.<sup>14</sup>О медникири о Александър кергяс манге бут зло; о Дел ка иринел леске според лескере деловиенде;<sup>15</sup>лестар туда пазине тут, сокето ов бут противинел пес амаре хоратенде.<sup>16</sup>Ки първо мери защита никой нана лилас мери риг, а саворе мукле ман; дано тена счетинел пес ленге безехаке.<sup>17</sup>Но о Дел уло манца тай укрепингяс ман, за те прогласинел пес напълно о послание чрез манде тай те шунен саворе езичникия; меда улом избавиме таро муй е лъвоске.<sup>18</sup>О Дел ка избавинел ман секоне зло делостар е лукавонеске тай ка спасинел ман, тай ингалел андо небесно Поро тагарипе; Леске те овел слава жи ко вечна векове. Амин.<sup>19</sup>Поздравине е Прискила тай е Акила тай о Онисифорово кер.<sup>20</sup>О Ераст ачило андо Коринт, а е Трифомиес муклом насвало андо Милит.<sup>21</sup>Постараине тут те авес англал о евент. Поздравинен тут о Евл, Пуд, Лин, Клавдия тай саворе прала.<sup>22</sup>О Дел те овел тере духоса. Благодат те овел туменца. (Амин.)

## Titus

### Chapter 1

<sup>1</sup>О Павел, слугас Божие тай апостоли на Иисуса Христа, за подпомагане и вяра е Божие избраноненге тай ленгоро познание е истинаке, която си по благочестие, <sup>2</sup>служещо анди надежда е животоске, колато преди вечна времена обещингяс о Дел, Ковато нана хохавел, <sup>3</sup>а Пере временде явингяс о изпълнение далке Пере словоскоро чрез о послание, повериме манге ки заповед е Девлеске, амаро Спасители, <sup>4</sup>жи ко Тит, о истинско моро чадос ки общо амари вяра: Благодат тай мири те овел туса таро Дел Отца тай Христа Иисуса, амаро Спасители. <sup>5</sup>Муклом тут андо Крит по кайка причина, те товес андо редос о недовършите тай те поставинес презвитериен анде секоне градосте, сарто ме заръчингиом туке; <sup>6</sup>Ако декой си непорочно, иеке ромняке ром тай иси лес вярваща чада, колато нанай обвиниме андо разпуснато животос или непокорство, савка те поставинел пес. <sup>7</sup>Соскето о епископи требе те овел непорочно, сар Божие настойники, ма своеволно, нито гневливо, нито пияница, нито побойници, нито те овел лакомо гнусноне печалбаке, <sup>8</sup>а гостолюбиво, любители е лачипнинске, разбрано, праведно, благочестиво, самообладиме; <sup>9</sup>ковато те икерел о верно словос, според сарто уло сикавдо, за те ащи те увешчинел е зорале учениеса тай те опровергинел колжен, колато противоречинен. <sup>10</sup>Соскето иси мнозина непокорна, празнословия тай хохавне, а особено таро обрязана, <sup>11</sup>коленгоро муй требе те панлол, мануша, колато развращинен цела кера, като учинен гнусноне печалбаке далкесте, колесте на требе. <sup>12</sup>Иек лендар, десаво ленгоро пророки, пенгяс: " О критияния си винаги хохавне, зла зверовя, безделна лакомция." <sup>13</sup>Давка твърдение си верно. По далке причинате изобличине лен строго, за те овен зорале анди вяра<sup>14</sup>тай тена ден внимание юдейсконе басненде тай заповедия таро мануша, колато иринен пес тари истина. <sup>15</sup>Е чистоненге всичко си чисто, а за е осквернененге тай е невярващоненге ницо нанай чисто, но ленгири годида тай и съвест ленгири си осквернена. <sup>16</sup>Твърдинен, кай пенджарен е Девлес, но пе деловиенца отричинен пес Лестар, като си мелале тай непокорна, неспособна за савото да те уло лачо делос.

### Chapter 2

<sup>1</sup>Но ту хоратине давка, ковато прилежинел е зорале учениеске, именно: <sup>2</sup>о пуре те овен самообладана, сериозна, разбрана, зорале анди вяра, анди любов, андо търпение; <sup>3</sup>също о пуре ромня те овел лен благоговейно поведение, тена овен клеветникия, нито предиме бут те пиен мол, те поучинен давка, ковато си лачо; <sup>4</sup>за те сикавен е терне ромниен те дехен пе ромен тай пе чавен, <sup>5</sup>те овен разбрана, целомъдрена, къщовникия, те овен блага, покорна пе роменге, за тена хулинел пес о Божие учение. <sup>6</sup>Чука е терне ромен увешчине те овен разбрана. <sup>7</sup>Анде сичконасте покажине тут примери лаче деловиенге; анде те поучениесте покажине искреност, сериозност, <sup>8</sup>зорало тай безукорно хоратиба, за те лажал о противници, като нанай со канило те пенел аменге. <sup>9</sup>Увешчине е слуген те покоринен пес пе господариенге, те угодинен ленге андо сичко, тена противоречинен ленге, <sup>10</sup>тена присвоинен о чуждо, а те покажинен винаги съвършено вярност; за те украсинен андо всичко о учение е Девлескоро, амаро Спасители. <sup>11</sup>Соскето и Божие благодат, спасително саворе манушенге, явисали, <sup>12</sup>тай сикавел амен те отречинас амен таро нечестие тай таро светска страстия, тай те живинас разбрано, праведно тай благочестиво андо сегашно светос, <sup>13</sup>като очаквинен те събъднигиол амари блажено надежда, о славно явяване амаре великоне Девлескоро тай Спасители о Иисус Христос, <sup>14</sup>Ковато диняс Пес за аменге, за те изкупинел амен секоне беззакониестар тай очистинел Песке, люде за Пере притежаниеиске, ревностна лаче деловиенге. <sup>15</sup>Чука хоратине, увешчине тай изобличине пълновластно. Никои тена презиринел тут.

### Chapter 3

<sup>1</sup>Напомнине ленге те покоринен пес е началствоненгте тай е властиенге, те шунен лен те овен готова секоне лаче делоске, <sup>2</sup>тена злословинен никаске, тена овен крамолникия, те овен блага тай те покажинен съвършено кротост карик саворе манушенде. <sup>3</sup>Соскето амеда декана улам неразумна, непокорна, хохавде тай поробиме таро разна страстия тай удоволствия тай като живинасас анди злоба тай завист, улам мразиме, тай мразинасас амен иек аверес. <sup>4</sup>Но като явисали и благост е Девлескири, амаро Спасители, тай Лескири любов карик о мануша, <sup>5</sup>Ов спасингяс амен ма според о праведна дела, колато аме кергяма, а по Пере милост, чрез о окъпване, демек о неворождение тай о обновяване е Святое Духоскоро, <sup>6</sup>Колес излеингяс обилно упрат аменде чрез о Иисуса Христа, амаро Спасители, <sup>7</sup>тай, оправдиме чрез Лескири благодат, те ачовас според и надежда, наследникия е вечноне животоске. <sup>8</sup>Верно си давка словос. Тай ме мангав те настоящинес упрат далкесте с цел колка, колато повервинде андо Дел, те упражнинен пес старателно андо лаче дела. Давка си лачо тай полезно е манушенге. <sup>9</sup>А отбегвине глупава разисквания, родословия, препирни тай чингара относно о закони, соскето он си безполезна тай суетна. <sup>10</sup>След като съветвинес иек-дуи дрома е манушес, ковато сеинел раздоря, мук лес, <sup>11</sup>като жанес, кай савка мануш извратисало тай съгрешинел, тари коркоро пестар си одъксиме. <sup>12</sup>Като бичалав жи туте Артема или Тихик, постараине тут те аве паш манде андо Никопол, соскето решингиом оте те презумувинав. <sup>13</sup>Погрижине тут те

## Chapter 1

бичалес дроместе е законикиес о Зина тай о Аполос, чука кай нищо тена липсвинел ленге.<sup>14</sup> Нека сиклон амареда те упражнинен пес старателно анде салке лаче деловиенде, за тена овен безплодна за о посрещане е необходимоне нужденге.<sup>15</sup> Поздравинен тут саворе, колато си манца, Поздравине колкен, колато дехен амен анди вяра. Благодат те овел саворенца туменца. Амин.

## Philemon

### Chapter 1

<sup>1</sup> О Павел, затворники за Христа Иисуса, тай о прал Тимотей, жи амаре любезноне съработнициесте о Филимон <sup>2</sup>тай жи ки пен и Апфия, тай жи амаре сподвижнициесте о Архип, тай жи тере домашноне кангеряте: <sup>3</sup>Благодат тай мири туменге таро Дел, амаро Отеци, тай о Дел о Иисус Христос. <sup>4</sup> Винаги благодариав мере Девлеске, като споменинав тут ан ме молитвенде, <sup>5</sup> като шунав за тери любов тай за е вяраке, която иси тут карик о Дел о Иисус, тай която покажинес карик саворе светиенде. <sup>6</sup> Тай молинав ман о споделиба тере вяракоро те анел плодове, като пенджарен секо лачипе, ковато си анде туте андо Христа. <sup>7</sup> Соскето изпитвингиом бари лошали тай утеша ашал тери любов, понеже ободриненас пес о сърца е светиенгере чрез туте, прала. <sup>8</sup> Далкеске, макар те овел ман право баре дръзвновениеса андо Христа те заповединав туке давка, ковато подобинел, <sup>9</sup> пак ашал и любов предпочитинав те молинав тут. Тай чука, ме, ковато синиом о Павел, пуро, а акана затворники за Христа Иисуса, <sup>10</sup> молинав тут мере чадоске о Онисим, колес биянгиом анде ме оковане, <sup>11</sup> ковато уло декана безполезно за тuke, а акана полезно тукеда, мангеда; <sup>12</sup> колес бичалав туке напапале лично, демек мо самото сърцес. <sup>13</sup> Ме ка мангавас те задържинав лес паш манде, те служинел мангав вместо туте, като синиом андо оковес е благовестиеск, <sup>14</sup> но без те жанав торо мнение, на мангав те керав нищо, за тена овел торо лачипе по принуждение, а доброволно. <sup>15</sup> Соскето може би далкеске ов отльчисало тутар за хари време, за те приеминес лес завинаги, <sup>16</sup> ма вече сар слугас, но по бут слугастар-сар прал, особено скъпо мангав, а още по бут тuke, тай сар мануш, тай андо Дел!<sup>17</sup> Тай чука, ако считинес ман съдружнициеске, приемине лес сар манде. <sup>18</sup> Тай ако варесосте онеправдингяс тут, или дължинел туке варесо,нак давка мере сметкате. <sup>19</sup> Ме, о Павел, пишинав давка ме вастеса: Ме ка платинав! За тена пенав тuke, кай ту дължинес мангав тай коркоро тут. <sup>20</sup> Ва, прала, нека овел ман дайка печалба тутар андо Дел; ободрингян мо сърцес андо Христа. <sup>21</sup> Увериме анде тери послушност, ме пишинав тuke, тай жанав, кай ка керес тай по бут, отколкото пенав тuke. <sup>22</sup> Между другото, приготвинае мангав стая, понеже надявинав ман, кай ка овав туменге подариме чрез тумаре молитвенде. <sup>23</sup> Поздравинен тут о Епафрас, ковато си панло манца ашал о Христа Иисуса, <sup>24</sup> съшо мере съработниция: о Марк, о Аристарх, о Димас тай о Лука. <sup>25</sup> И благодат амаре Девлескири о Иисус Христос те овел е саворенгере духоса. Амин.

## Hebrews

### Chapter 1

<sup>1</sup> О Дел, Ковато бут дрома тай по бут начиня хоратингяс андо пуррано времес амаре даденге чрез о пророкия, <sup>2</sup> андо крайос калке диесенгоро хоратинел амене чрез о Чаво, Колес поставингяс наследници всичконаске, чрез Колесте кергяс о световия; <sup>3</sup> Ковато, като си сияние Лескере славаке тай отпечатъки Лескере съществоске тай като икерел всичко чрез Пере погъщоне словосте, след като извършигяс (чрез Песте) очистване е безехенге, бешло отдясно ко Величие андо висини, <sup>4</sup> тай ачило дики по-упруно таро ангела, кити о алав, ковато наследингяс, си по-упруно ленгерендар. <sup>5</sup> Соскето каске таро ангела пенгяс о Дел декана: "Ту синян Моро Чаво, Ме авдис биянгиом Тут." Тай пак: "Ме ка овав Леске Отеци, тай Ов ка овел Манг Чаво"? <sup>6</sup> А като па въединел е Пъвродненес анди вселена, пенел: "Тай поклонинен тумен Леске, саворе Божия ангела". <sup>7</sup> Тай за е ангеленге пенел: "Ковато керел Пере ангелен силна сар балвала тай Пе служителен сар ягакоро пламъки"; <sup>8</sup> а за е Чавеске пенел: "Торо престоли, о, Боже, си жи ко вечна вековия; тай о скриптири Тере тагарипнаскоро си скриптири правотакоро. <sup>9</sup> Възлюбингян правда тай намразингян беззакониен; далкеске, Боже, Торо Дел помажингяс Тут мироса лошалакоро по бут Тере съпраденде". <sup>10</sup> Тай пак: "Андо началос Ту, Господи, основиян и пув, тай делос Тере вастенгоро си о небес; <sup>11</sup> он ка изчезнинен, а Ту пребъдвинес; ва, он саворе ка овехнинен сар пуррано шехи, <sup>12</sup> тай сар наметалос ка свиинес лен, тай он ка овен измениме; но Ту синян о Също, тай Тере бреша нанай те съвършигиион". <sup>13</sup> А каске таро ангела пенгяс декана: "Беш отдясно Манг, жи кай положинав Те враговиен за Тере подножиеске"? <sup>14</sup> Нанай ли он саворе служебна духовия, бичалде те слугувинен колкенге, колато ка наслединен спасение?

### Chapter 2

<sup>1</sup> Далкеске аме синям длъжна тае внимавинас по бут колкеске, ковато шунгя, тена нашалас лес декана. <sup>2</sup> Соскето, ако о словос, хоратиме чрез о ангела, окажисало верно, тай секо престъпление тай непокорство получинел справедливо отплата, <sup>3</sup> то сар ка избегвинас аме, ако пренебрегнингям иек дики велико спасение? Спасение, ковато, отначало прогласиме таро Дел, потвърдисало машкар аменде калкендар, колато шундесас Лес; <sup>4</sup> като съсвидетствингяс ленге о Дел чрез о знамения тай чудеса, чрез разноне великоне деловиенде тай чрез о

## Chapter 3

раздаване е Святона Духоскоро според Пери воля.<sup>5</sup>Соскето ма ангеленге подчинингяс Ов о бъдещо светос, за колеске хоратинас; <sup>6</sup>но декой заявингяс декате, като пенгяс: "Со си о мануш, тай те помнинес лес, или човешко чаво, тай те посетинес лес?"Ту кергян лес само хари по-телуно таро ангела, славаса тай честяса увенчингян лес, тай поставингян лес упран о деловия Те вастенгере; <sup>8</sup>всичко подчинингян телал о пире леске". А като подчинингяс леске всичко, нана муклас нищо неподчинено леске; акана обаче още на дикас те овел леске всичко подчинено.<sup>9</sup>Но дикас е Иисусес, Ковато уло кердо хари по-телуно таро ангела, кай си увенчиме славаса тай честяса ашал о претърпяно мериба, тай е Девлескере благодатаса те вкусинел мериба секоне манушеске.<sup>10</sup>Соскето сине уместно Ковка, ашал Колеске си всичко, тай чрез Колесте си всичко, като привединел буте чавен анди слава, те усьвършенствинел чрез о страдания о Начинатели ленгере спасениескоро.<sup>11</sup>Понеже Ковка, Ковато освещинел, тай колка, колато освещинен пес, саворе си таро Иек; далкеске Ов нана лажал те наречинел лен прала,<sup>12</sup>като пенел: "Ка възвестинав То алаб Мелленгере; ка хвалинав Тут машкар о събрание".<sup>13</sup>Тай пак: "Ме Лесте ка уповинав ман". Тай пак: "Акеталом Ме тай о чаве, колато диняс Ман о Дел".<sup>14</sup>Тай чука, понеже о чаве си същества тари общо плът тай рат, то Ов, подобно ленде, лилас участие адно също, за те унищожинел чрез о мериба колкес, колес иси власт упран о мериба, демек о бенг,<sup>15</sup>тай те избавинел саворен колкен, колато ашал и дар таро мериба презал пе целоне животосте уле подложиме ко робство.<sup>16</sup>(Соскето наистина Ов на помагингяс е ангеленге, но помагингяс е Авраамовоне потомствоске.)<sup>17</sup>Далкеске требеше те определинопес всичконасте сар Пе праленде, за те овел милостиво тай верно първосвещеници анди служба е Девлеске, за те извършинел умилостивение е безехенге е люденгере.<sup>18</sup>Понеже тай Коркоро Ов пострадингяс сар изкушиме, ащи е изкушаваноненге те помагинел.

## Chapter 3

<sup>1</sup>Далкеске, свята прала, участниция андо небесно звание, размислинен за е Апостолеске тай о Първосвещеници, Колес аме изповединас, о Иисуса\*; <sup>2</sup>Ковато уло верно Колкеске, Ковато поставингяс Лес, сарто уло о Мойсей андо цело Лескоро кер. <sup>3</sup>Понеже Ов удостоисало славаса, по-бари тари Мойсеево, сарто кавка, ковато построингяс о кер си ки по-бари почит таро самото кер. <sup>4</sup>Соскето секо кер строинел пес декастар; а Кавка, Ковато сътворингяс всичко, си о Дел. <sup>5</sup>Тай о Мойсей уло верно андо цело Божие кер сар слугас, за те свидетелствинел за колкеске, ковато ка хоратинелас пес по-късно; <sup>6</sup>а о Христос уло верно упран Лескере кересте сар Чаво. Лескоро кер синям аме, ако икерас зоралесте жи ко крайос анди дързост тай надежда, коласа хвалинас амен.<sup>7</sup>Далкеске, сарто пенел о Свято Духос: "Авдие, ако шунен Лескоро гласос, <sup>8</sup>ма закоравинен тумаре сърца, сарто андо преогорчение, сарто андо диес е искущениеске анди пустиния,<sup>9</sup>кате тумаре дада изкусинде Ман, изпитинде Ман, тай дикле Ме дела саранда бреша. <sup>10</sup>Далкеске възнегодувингиом против далке поколениесте, тай пенгиом: Винаги заблудинен пес анде пе сърценде, он нана пенджарде Мере дрома;<sup>11</sup>чука заклевингиоман ан Ме гневиесте: Он нанай те ден анде Мере почивкатае.<sup>12</sup>Внимавинен, пралален, тена овел анде декасте тумендар нечестиво, невярващо сърцес, ковато те отстъпинел таро живдо Дел; <sup>13</sup>но увешинен тумен иек аверес секо диес, жи кай още си "авдие", тена декой тумендар закоравинел пес чрез и измама е безехакири.<sup>14</sup>Соскето аме участнинас андо Христа, ако удържинас зоралесте жи ко крайос амари първоначално увереност; <sup>15</sup>жи кай пенел пес: "Авдие, ако шунен Лескоро гласос, ма закоравинен тумаре сърца, сарто андо преогорчение".<sup>16</sup>Соскето кола, като шунде, преогорчинде Лес? Ма саворе ли колка, колато иклиле таро Египет чрез о Мойсей?<sup>17</sup>А против коленде негодувингяс саранда бреша? Ма против колкенде ли, колато съгрешинде тай коленгере труповя пеле анди пустиния?<sup>18</sup>Коленде още заклевисало, кай нанай те ден анде Лескере почивката? Ма колкенде ли, колато уле непокорна?<sup>19</sup>Тай чука, дикас, кай ашал о неверие поро он нанащине ден.

## Chapter 4

<sup>1</sup>Тай чука, понеже си амене мукло обещание де дас анде Лескере почивкатае, нека дарас, тена откринал пес, кай декой тумендар нана доресло жи лате. <sup>2</sup>Соскето тай аменгеда, сарто ленгеда, ангяс пес иек благовестие; но о словос, ковато он шунде, на принесингяс ленгне полза, понеже колка, колато шунде лес, нана съчетинде лес вяраса.<sup>3</sup>Далкеске аме, о повярвала, дас анде далке почивкатае; сарто пенгяс о Дел: "Чука заклевингиоман анде ме гневиесте: Он нанай те ден анде Мере почивкатае"; те овенас да съвършена Лескере дела още ко основаване е светоскоро. <sup>4</sup>Соскето декате пенгяс е ефта диесескесе чука: "Тай почивингяс песке о Дел ко ефтато диес Пе саворе деловиандар"; <sup>5</sup>тай пак далке танесте : "Нанай ете ден анде Мере почивкатае".<sup>6</sup>Тай чука, понеже ачол те ден десаве анде лате, а колка, коленге по-рано благовестисало, нана дине ашал о неверив\* поро, <sup>7</sup>далкеске Ов пак определинел иек диес, "авдие", сарто пенел след дики време чрез о Давид, сарто вече пенгям: "Авдие, ако шунен Лескоро гласос, ма закоравинен тумаре сърца".<sup>8</sup>Соскето, ако о Иисус Навиев делас лен почивка, о Дел нанай те хоратинелас палал далкесте авере диесескесе. <sup>9</sup>Следователно е Божие люденге ачол иек събота почивка\*. <sup>10</sup>Соскето ковка, ковато диняс анде Лескере почивкатае, ов почивингяс песке пере деловиандар, сарто о Дел Перендар. <sup>11</sup>Далкеске нека те постараинас амен те дас анде далке почивкатае, за тена перел декой, като следвинел о също примери е невериеиске.<sup>12</sup>Соскето о Божие словос си живдо, деятелно, по-остро секоне двуостропе мечиестар, пронижинел жи ко разделяне и душа тай о духос, о ставес тай и годи, тай родел о помислес тай о

## Chapter 5

намерения е сърдескере.<sup>13</sup> Тай нанай създание, ковато тена овел явно англал о Дел; но всичко си нанго тай разкрито англал о яка Калкеске, англал Колесте ка отговоринас.<sup>14</sup> Тай чука, като иси амен велико Първосвещеники, о Иисус о Божие Чаво, Ковато пренакло жи ко най-уче небеса, нека икерас давка, ковато изповедингям.<sup>15</sup> Сокето нанай амен савка първосвещеники, ковато тенаци състрадинел аменца анде амаре немощиенде, а иси амен Иек, Ковато уло сичконасте изкушиме сар аменде, без те араклол анде Лесте безех.<sup>16</sup> Далкеске нека пристъпвинас дързостяса карик о престоли е благодатаке, за те придобинас милост тай те аракас благодат, която те помагинел благовременно.

## Chapter 5

<sup>1</sup>Сокето всеко първосвещеники, като си лендо машкар о мануша, поставинел пес те принесинел даровя тай жертвес е Девлеске за е безехенге е манушенгере.<sup>2</sup> Савка първосвещеники аци състрадинел е невежноненца тай е заблудимененца, сокето тай ов коркоро си обикаламе немощиендар,<sup>3</sup> тай далкеске си длъжно те принесинел жертва е безехенге, сарто е люденге, чука песке.<sup>4</sup> А сарто никой на лел песте кайка почест, освен ако овел призвано таро Дел, сарто уло о Аарон,<sup>5</sup> чука о Христос на присвоингяс Песке и слава те ачол първосвещеники, а диняс ла Леске Ковка, Ковато пенгяс Леске: "Ту синян Моро Чаво, Ме авдиес биянгиом Тут";<sup>6</sup> сарто авере танесте пенел: "Ту синян свещеники жи ко векос според о чини Мелхиседеково".<sup>7</sup> Ов, андо диеса Пе пътъяке, като отправингяс силноне пищаса тай асвенца молитвес тай молбидес карик Колкесте, Ковато ацине избавинел Лес таро мериба, тай като уло шундо ашал о благоговение Поро,<sup>8</sup> ако те овеласда Чаво, пак сиклило послушаниесте чрез давка, ковато страдингяс,<sup>9</sup> тай като усьвършенствисало, ачило причина вечноне спасиеске саворенге, колато си Леске послушна,<sup>10</sup> като уло наименувиме таро Дел Първосвещеники според о Мелхиседеково чини.<sup>11</sup> Упрандалкесте сис амен те пенас бут букя, тай мъчна пояснимнасke; сокето бавно схванинен.<sup>12</sup> Понеже жи далке времесте туме требеше учителя те ачон, а иси тумен нужда те учинел тумен декой наново ко най-елементарна начала ко Божия словоса, тай реслен жи оте, те овел тумен нужда тудестар, а ма зорале хабнастар.<sup>13</sup> Сокето секой, ковато парварел пес тудеса, си неопитно андо словос е правдаке, понеже си невръстно;<sup>14</sup> а о зорало хабе си е пълнолетнененге, колато чрез о упражнение обучинде пе чувства те пенджарен о лачипе тай о канилипе.

## Chapter 6

<sup>1</sup>Ашал далкеске, нека мукас о първоначално учение е Христаске, тай нека стреминас амен карик и зрялост, като на положинас пак основаке пак о покаяние таро мул дела, и вяра андо Дел,<sup>2</sup> о учение е кръщениенге, за о ръкополагане, за о възкресение е муленгоро тай е вечноне съдоске.<sup>3</sup> Тай давка ка керас, ако о Дел позволинел.<sup>4</sup> Сокето колка, колато иеквар уле просветиме тай вкусинде таро небесно дари, тай ачила причастна е Святона Духоске,<sup>5</sup> тай вкусинде таро лачо Божие словос тай таро велика дела е бъдещоне векоскере,<sup>6</sup> а отпеле, невъзможно си пак те овен обновиме тай анде андо покаяние, жи кай разпинен второ дром анде песте е Девлескере Чавес тай опозоринен Лес.<sup>7</sup> Сокето и пув, която поинелас пес таро бришим, ковато перел често лате, тай която биянел чар, полезно калженге, за коленге обработвинел пес, получинел благословение таро Дел;<sup>8</sup> но ако биянел каре тай репея, ои си непотребно тай паше жи ко проклятие, тай и сетнина лакири си те овел тарди.<sup>9</sup> Обаче, те хоратинасда чука, надявинас амен относно туменге, любезна, за варесоске по-лачо, ковато ингалел жи ко спасение.<sup>10</sup> Сокето о Дел нанай неправедно, тай те бистрел тумаро делос, тай и любов, която покажингиен карик Лескере алавесте, като послужингиен тай още служинен е светиенг.<sup>11</sup> Тай мангас секой тумендар те покажинел о също усьрдие за пълно увереност анди надежда жи ко крайос;<sup>12</sup> тена овен ленива, а те подражавинен колкенге, колато чрез и вяра тай дълготърпение наслединен о обещания.<sup>13</sup> Сокето, като о Дел делас обещания е Авраамес, понеже на сине никой по-баро, анде колесте те халсовел, халас совел упран Песте, като пенгяс:<sup>14</sup> "Наистина ка благословинав тут пребут, тай ка умножинав тут тай преумножинав".<sup>15</sup> Тай чука, о Авраам дълготърпениеса получингяс о обещание.<sup>16</sup> Сокето сар о мануша хан совел упрана декасте, по-баро лендар, тай и совел, денди андо потвърждение, товел крайос секоне спориесте машкар ленде.<sup>17</sup> Далкеске о Дел, като мангелас те покажинел по-ясно е наследнициенге е обещаниескере, кай Лескоро намерение си неизменно, послужингяс песке клетваса,<sup>18</sup> тай чрез дуие неизменнене букиенде, анде коленде нанай възможно о Дел те хохавел, те овел амен баро насърчение амен, колато прибегнингям те икерас амен ки предстоящо надежда;<sup>19</sup> която за амаре душаке си сар зорали тай непоклатимо котва, тай която прониквинел анде далкесте, ковато си палал и завеса;<sup>20</sup> кате о Иисус, като предчетингяс диняс аменге, тай ачило Първосвещеники жи ко векос според о Мелхиседеково чини.

## Chapter 7

<sup>1</sup>Сокето давка Мелхиседек, салимско тагар, свещеники е Всевишноне Девлеске, ковато ресло е Авраамес, като иринелас пес таро поражение е тагаренгоро тай благословингяс лес,<sup>2</sup> колеске о Авраам отделингяс десятъки всичконастар - кавка, ковато ко значение лескере алавесте си първо тагар е правдаке, а после тай салимско

## Chapter 8

тагар, демек, тагар мириеске - <sup>3</sup>би дадескоро, би даяжко, би родословиескоро, без те овел лес началос диесенгоро, нито крайос е животоске, но оприличиме е Девлескере Чавесте, ачол завинаги свещеници.<sup>4</sup> Помислинен кити велико си кавка мануш, колеске о патриархи о Авраам диняс десятъки тари най-лачи пери плячка.<sup>5</sup> Колка таро Левиева потомция, колато приеминен о свещенство, иси лен заповед ко закони те лен десятъки таро народос, демек пе пралендар, макаар калка те проиклон таро чресла е Абраамеске.<sup>6</sup> Ов обаче, ковато нана проиклило ленгере родиестар, лилас десятъки таро Абраам, тай благословингяс колесе, колеске уле денде о обещания.<sup>7</sup> А биспориескоро о по-телуно благословинел пес таро по-упруно.<sup>8</sup> Тай андо иек случай о смъртна мануша лен десятъки, андо окова - кавка, за колеске свидетелствинел пес, кай живинел.<sup>9</sup> Тай чука те пенав, коркоро о Левий, ковато лел десятъки, диняс десятъки чрез о Абраам;<sup>10</sup> соскето уло още андо чресла пе дадеске, като о Мелхиседек ресло лес.<sup>11</sup> Тай чука, ако постигнинелас пес съвършенство чрез о левитско свещенство (соскето телал лесте о люде получинде о закони), сави нужда исине вече те вздел пес авер свещеници според о Мелхиседеково чини тай тена считинел пес според о Аароново чини?<sup>12</sup> Соскето, ако променинел пес о свещенство, по необходимост ачол промениба е закониескеда.<sup>13</sup> Понеже Кавка, за Колеске пенел пес давка, принадлежинел авере племеске, колестар никой на служингяс е олтариеске.<sup>14</sup> Соскето си известно, кай амаро Дел проиклило таро Юдово племес, а относно давка племес о Мойсей на пенгяс нищо свещеникиене.<sup>15</sup> Давка, ковато пенас, ачол още по-явно, чука като ко подобие е Мелхиседекиеске вздел пес авер свещеници,<sup>16</sup> Ковато установисало ма ко закони, изразиме анди пълтско\* заповед, а ки сила е безкрайните животоски; <sup>17</sup> соскето за Леске свидетелствинел пес: "Ту синян свещеници жи ко векос според о чини Мелхиседеково";<sup>18</sup> соскето по давка начини унищожинел пес и по-предишно заповед, ашал лакири слабост тай безполезност<sup>19</sup> (понеже о закони нана усьвършествингяс нищо), тай въвединел пес иек по-лачи надежда, чрез колате приближинас амен жи ко Дел.<sup>20</sup> Тай жи кити Ов нана ачило свещеници би совелакоро<sup>21</sup> Иисус обаче ачило би совелакоро чрез Окова който пенгяс Леске: Одел халас совел тай нанай те раскаинел пес Тусинян свещеници жи ко векос според о чини на Мелхиседек.<sup>22</sup> Жи дики по-лаче заветиеске о Иисус ачило поръчители.<sup>23</sup> Паш далкесте о поставиме свещеникия уле мнозина, соскето о мериба пречинелас ленге те продължинен анде пе чиносте,<sup>24</sup> но Ов, понеже пребъдвинел вечно, иси Лес свещенство, ковато нана пренакел аверенде.<sup>25</sup> Далкеске ащи съвършено те спасинел калкен, колато авен ко Дел чрез Лесте, понеже всякога си живдо, за те ходатайствинел ленге.<sup>26</sup> Соскето савка Първосвещеници требелас аменгеге: свято, невино, непорочно, отделиме таро грешна тай възвисиме упран о небеса;<sup>27</sup> Колес нанай нужда секо диес, сарто колка първосвещеникия, те принесинел жертвес първо Пере безехенге, после е безехенге е люденгере; соскето кергяс давка иеквар завинаги, като принесингяс Пес.<sup>28</sup> Соскето о закони поставинел първосвещеникиене немощните манушен; а о хоратес е клетвакере, която ули палал о закони, поставинен о Чаво, Ковато си усьвършенствано завинаги.

## Chapter 8

<sup>1</sup> А далkestар, ковато пенас, аке о главно: Амен иси савка Първосвещеници, Ковато бешло отрясно ко престоли е Величиееске андо небеса,<sup>2</sup> Служители е светилищеске тай е истинсконе скинияжко, която о Дел поставингяс, а ма мануш.<sup>3</sup> Соскето секо първосвещеници поставинел пес те принесинел даровя, тай жертвес; далкеске, нужно си Кавка Първосвещеници те овел со принесинел.<sup>4</sup> А ако сине ки пув, Ов нанаяс те овел свещеници, соскето иси свещеникия, колато принесинен даровя според о закони;<sup>5</sup> (колато служинен околкеске, ковато си само образи тай сенка е небесните букиенге, саро уло заповедиме е Мойсейеске, като ка керелас и скиния; соскето: "Внимавине", пенгяс леске о Дел, "те керес всичко ко образеци, ковато уло туке сикавдо ки планина"),<sup>6</sup> но ко делос о Христос получингяс служение дики по-превъзходно, кити о завети, колеске Ов си Ходатай, си по-превъзходно, сар узакониме упран о по-превъзходна обещания.<sup>7</sup> Соскето, ако ковка първо завети уло би недостатъкиескоро, о Дел нанай те родел тан второнеске.<sup>8</sup> А напротив, като порицавинел е израиляниен, пенел: "Аке, авен диеса, пенел о Дел, като ка склучинав е Израилевоне кереса тай е Юдовоне кереса нево завети; <sup>9</sup> ма савка завети, саво кергиом ленгере даденца андо диес, като долгиом лен таро вас, за те икалав лен тари Египетско пув; соскето он нана устоинде андо завети Моро, тай Ме муклом лен, пенел о Дел.<sup>10</sup> Соскето, ако о завети, ковато ка склучинав е Израилевоне кереса палал колке диесенде, пенел о Дел: ка положинав Ме закония анди годи ленге тай ка пишинав лен андо сърца ленге; Ме ка овав ленгоро Дел тай он ка овен Моро народос;<sup>11</sup> тай нанай вече те учинен секой пе съгражданес тай секой пе пралес, като пенен леске: Пенджар е Девлес; соскето саворе ка пенджарен Ман, таро цикно жи ко баро машкар ленде.<sup>12</sup> Соскето ка покажинав милост карик о неправдес ленгере, тай о безеха ленгере (тай о беззакония ленгере) нанай те помнинав вече".<sup>13</sup> А като пенел "нево" завети, Ов обявинел о първо за пуррано. А ковка, ковато овехтинел тай пурнил, си паше жи ко изчезниба.

## Chapter 9

<sup>1</sup> А даже ко първо завети исине постановления богослужениеескере, тай исине земно светилище.<sup>2</sup> Соскето ули пригответиме скиния, анди първо част колате уле о светилники, и софра, тай о присъствена маре; кайка част пенел пес Светилище;<sup>3</sup> а палал и второ завеса ули койка част тари скиния, която пенелас пес Светая светих,<sup>4</sup> кате уле и златно кадилница тай о ковчеги е заветиескоро, секатар ковиме златоса, анде колесте сине и златно

стомна, съдържащи и манна, о Аароново жезъли, ковато разцъфтигяс, тай о плочес е заветиескере;<sup>5</sup>тай упрали лесте сине о херувимия е Божие славакере, колато осениненас о умилостивилище; за коллеске нанай акана времес те хоратинас подробно.<sup>6</sup>Тай като калка бука уле чука приготвиме, анди първо част е скинияке о свещеникия денас постоянно те керен о богослужение;<sup>7</sup>а анди второ иеквар андо бреш делас само о първосвещеници, тай от ма би ратескоро, ковато принесинелас песке тай е безехенге е народоскере, керде таро незнание.<sup>8</sup>Далкеса о Свято Духос покажинелас, кай о дром за ко светилище на уло аракло, жи кай бешелас още и първо част е скиниякири,<sup>9</sup>която си образи е времеске акана, презал колесте принесинен пес даровя тай жертвес, колато нанащи керен е приносителес съвършено чисто анди съвест,<sup>10</sup>понеже състоинен пес само андо хабе, пииби тай разна умивания - преходна\* постановления, наложиме жи ко времес на преобразование.<sup>11</sup>Но понеже о Христос ало сар Първосвещеници е бъдещоне лачипнаске, Ов диняя презал и по-бари тай по-съвършено скиния, ма вастеса керди, демек ма таро настоящо творение.<sup>12</sup>Тай ма ратеса бузниенгоро тай телциенгоро, но Пе Собственоне ратеса диняя иеквар завинаги андо светилище тай придобингяс аменге вечно изкупление.<sup>13</sup>Соскето, ако о рат таро бузня тай таро телци тай о прахос тари телица, коленца поръсвиненас пес о осквернена, освещинел очистване е телоскоро,<sup>14</sup>то кити по бут о рат на Христа, Ковато чрез о вечно Духос принесингяс Пес би недостатъкиескоро е Девлеске, ка очистинел тумари съвест муле деловиендар, за те служинен е живде Девлеске!<sup>15</sup>Тай далкеске Ов си Посредникун неве заветиеске, чука кай чрез о мериба за изкупимнаске таро престъпления, извършиме ко първо завети, о призвана те получинен о обещиме вечно наследство.<sup>16</sup>Соскето, кате иси завещание, необходимо си те докажинел пес о мериба е завещателескоро.<sup>17</sup>Соскето о завещание дел анди сила само палал о мериба, ов нисар нанай лес сила, жи кай си живдо о завещатели.<sup>18</sup>Далкеске о първо завети нана уло утвърдиме би ратескоро.<sup>19</sup>Соскето, след като о Мойсей хоратингяс секо заповед таро закони англал целоне народосте, лилас о рат е телциенгоро тай е бузниенгоро, паниеса тал лоле вълнаса, тай исопи, тай поръсингяс и самото книга, тай целоне народос, като пенел.<sup>20</sup>"Кавка си о рат е заветиескоро, ковато заповедингяс туменге о Дел".<sup>21</sup>Паш далкесте ов ко също начини поръсингяс е ратеса и скиния, тай саворе богослужебна съдова.<sup>22</sup>А според о закони почти всичко ратеса очистинел пес ; тай би проливиме ратескоро нанай опрошения.<sup>23</sup>Тай чука, необходимо сине о образия е небесноне букиентре те очиствинен пес калке жертвенца, а самото о небесна бука - жертвенца, по-лаче калкендар.<sup>24</sup>Соскето о Христос диняя ма андо ръкотворно светилище, образи е истинсконеске, а самото андо небеса, за те явинел пес акана англал о Божие мүи за аменге;<sup>25</sup>тай ма те принесинел Пес бут дрома, саро о първосвещеници дел андо светилище секо бреш чуждоне ратеса;<sup>26</sup>(иначе Ов требеше те страдинел бут дрома таро създаване е светоскоро), а акана, андо крайос е вековиенге, явисало иеквар завинаги, за те премахнинел и безех чрез о пожертвване Песке.<sup>27</sup>Тай сарто си определиме е манушенге иеквар те мерен, а палал далкесте ачол съдос,<sup>28</sup>чука о Христос, като уло принесиме иеквар, за те понесинел о безеха мнозиненге, ка явинел пес второ дром, без те овел лес бути безехаса, за е спасениееске колкенге, колато жарен Лес.

## Chapter 10

<sup>1</sup>Соскето, о закони, като съдържинел анде песте само сенкя е бъдещоне лачипнаске, а ма о самото образи е букиенгоро, нисар нащи иекве същоне жертвенца, принесиме постоянно секо бреш, те керел съвършена колкен, колато пристъпинен те жертвинен.<sup>2</sup>Иначе он ка престанинен те принесинен лен; соскето о жертвоприносителя, иеквар очистиме, нанай те овел лен вече нисаво съзнание безехенге.<sup>3</sup>Но далке жертвенца секо бреш напомнинен пес о безеха.<sup>4</sup>Соскето нанай възможно рат таро юнци тай таро телци те махнинел безеха.<sup>5</sup>Далкеске о Хрисос, като диняя андо дел андо светос, пенел: "Жертва тай приноси нана манглан, но приготвингян Манге телос;<sup>6</sup>всеизгаряния тай принося е безехаке нанай Туке угодна.<sup>7</sup>Тогава пенгиом: Аке, аллом (анди свитъки е книгаке си пишими за Манге) те изпълнинаав Тери воля, о Боже".<sup>8</sup>Като пеняя първо: "Жертвес тай принося, тай всеизгаряния тай принося е безехаке нана манглан, нито си Туке угодна" (колато принесинен пес според о закони),<sup>9</sup>после пенел: "Аке, аллом те изпълнинаав Ти воля." Далкеса Ов отменинел о първо, за те постановинел о второ.<sup>10</sup>Калке воляса аме синям осветиме чрез о принасяне е Иисус Христовоне телоскоро иеквар завинаги.<sup>11</sup>Тай секо свещеници, като бешел тай служинел секо диес, принесинел бут дрома о съща жертвес, колато нисар нащи премахнинен безеха;<sup>12</sup>но Ов, като принесингяс иек жертва за е безехенге, бешло завинаги отдясно е Девлеске,<sup>13</sup>тай от тогава наоте жарел, жи кай положинен пес Лескере враговя за Лескоро подножие.<sup>14</sup>Соскето само иекве приносисе Ов кергяс съвършена завинаги колкен, колато освещинен пес.<sup>15</sup>А тай о Свято Духос свидетелствинел аменге далкеске, соскето след като пеняя:<sup>16</sup>"Аке о завети, ковато ка сключинав ленца палал колке диесенде, пенел о Дел: ка положинав Ме закония андо сърца ленге, тай ка пишинав лен андо гогя ленге", прибавинел:<sup>17</sup>"Тай ленгере безеха, тай о беззакония ленгере нанай те помнинав вече",<sup>18</sup>А кати иси о прощение калке букиенге, оте вече нанай приноси безехакоро.<sup>19</sup>Тай чука, пралален, като иси амен чрез о рат е Иисусескоро дързост те дас андо светилище,<sup>20</sup>ко нево тай живдо дром, ковато Ов открингяс за аменге презал и завеса, демек Пи пълът,<sup>21</sup>тай като иси амен велико Свещеници упрали о Божие кер,<sup>22</sup>нека пристъпвинас искреноне сърцеса анди пълно вяра, сърцеденца, очистиме чрез о поръсване тари лукаво съвест, тай телоса, истовдо шуже паниесте;<sup>23</sup>нека икерас непоколебимо и надежда, която изповединас, соскето си верно Ковка,

Ковато обещингяс пес;<sup>24</sup>тай нека грижинас амен иек авереске, за те поощринас амен карик и любов тай лаче дела,<sup>25</sup>като на престанинас те кидас амен заедно, сарто десаве иси лен обычай, а като увешинас амен иек аверес, тай дики по бут, кити дикен, кай о диес наближингяс.<sup>26</sup>Соскето, ако съгрешинас самоволно, след като пенджаргям и истина, на ачол вече жертва безехентири,<sup>27</sup>а иек даракоро очакване съдоске, тай ягакоро гневи, ковато ка погълнинел е противнициен.<sup>28</sup>Декой, ковато престъпингяс о Мойсеево закони, мерел безпощадно ки дума дуие или трине свидетеленг; <sup>29</sup>тогава, кити по-паро наказание, мислинен, ка заслужинел ковка, ковато потъпкингяс е Божие Чавес тай счетингяс простоне варесоске о рат е заветиескоро, колеса си осветиме, тай оскърбингяс о Духос е благодатакоро?<sup>30</sup>Соскето пенджарац Колкес, Ковато пенгяс: "Манге принадлежинел о възмездие, Ме ка отплатинав, пенел о Дел"; тай пак: "О Дел ка съдинел Пе народос".<sup>31</sup>Дараке си те перел мануш андо васта е живде Девлеске!<sup>32</sup>Припомниен туменг още е първоне дисенгте, като, след като просветисален, издържингиен бари борба муи мамуял мосте страданиенца,<sup>33</sup>ту опозоряване хуленца тай оскърбления, ту сар съучастникия калкенца, колато също чука страдинде.<sup>34</sup>Соскето туме състрадавингиен колкенге, колато уле андо оковес\*, тай лошаласа посрещниненас о разграбване тумаре имотиенгоро, като жаненас, кай иси тумен по-лаче тай траино имоти.<sup>35</sup>Тай чука, ма напуснинен тумари увереност, за колаке иси бари награда.<sup>36</sup>"Соскето си туменгте нужно те издържинен, тай, като извършинен и Божие воля, те получинен о обещано.<sup>37</sup>"Соскето още тръдрде хари време, тай ка авел Кавка, Ковато си те авел, тай нанай те бавинел пес.<sup>38</sup>А ковато си праведно англал Манде\*, ка живинел чрез вяра; но ако цидел пес напапале, нанай те благоволинел анде лесте Ми душа."<sup>39</sup>Аме обаче на синям колкендар, колато циден пес напапале тай погубинел пес, а калкендар, колато верувинен тай ленгири душа спасинел пес.

## Chapter 11

<sup>1</sup>А и вяра си те дес зорали уверенос анде варесосте, за колеске надявинас амен, убеденост анде букиенде, колато на дикион.<sup>2</sup>Соскето ашал лаке за е старовременноненге лачес свидетелствинелас пес.<sup>3</sup>Вяраса ахаловас, кай о световия уле създиме е Божие словоса, чука кай о видимо на ачило видимоне букиендар.<sup>4</sup>Вяраса о Авел принесингяс е Девлеске жертвa, по-лачи тари Каиново, чрез колате за леске свидетелствинел пес, кай си праведно, понеже о Дел свидетелствинел лескере даровиенг; тай чрез далке вярате ов палал пе мерибнасте още хоратинел.<sup>5</sup>Чрез и вяра о Еnoch уло преселиме, за тена дикел мериба, тай нана араклило, соскето о Дел преселингяс лес; понеже англал лескере преселимнасте уло засвидетелствиме за леске, кай уло угодно е Девлеске.<sup>6</sup>А би вяракоро нанай възможно те овел Леске угодно мануш; соскето, който авел ко Дел, требе те верувинел, кай иси Дел, тай кай Ов възнаградинел калкен, колато роден Лес.<sup>7</sup>Вяраса о Ной, предупредиме таро Дел букиенге, колато още на дикион, подбудиме таро сатрахопочитание, кергас ковчеги за спасимнаске пе кереске. Чрез далке вярате ов осъдингяс о светос тай ачило наследники е правдаке, която си чрез и вяра.<sup>8</sup>Вяраса о Авраам шунгяс, като уло призовиме те занакел ко тан, ковато ка получинелас андо наследство, тай тръгнингяс, без те жанел кате жал.<sup>9</sup>Вяраса заселисало анди обещано пув, сар анди чуждо, тай живингяс андо шатрес, сарто тай о Исаак тай о Яков, о наследникия заедно леса ко също обещание.<sup>10</sup>Соскето очаквинелас о градос, ковато иси лес вечна основес, колеско архитекти тай строители си о Дел.<sup>11</sup>Вяраса тай коркори и Сара добингяс сила те камниол анди пренакли възраст, понеже счетингяс вернонеске Колкес, Ковато обещисалосас.<sup>12</sup>Далкеске само иеке манущестар, тай ов замъртвиме, народисало множество, кити о небесна звезди тай сар и крайморско поши, ковато наши генелпес.<sup>13</sup>Саворе калка муле анди вяра, чука като на получиндесас о изпълнение е обещаниенгоро, но дикле лен тай приветствинде лен удурал, като изповединде, кай си чужденци тай пришълци ки пув.<sup>14</sup>А колка, колато хоратинен чука, явно покажинен, кай роден поро отчество;<sup>15</sup>тай ако наистина сине лен ки годи ковка отчество, колестар иклилесас, ка аракенас случай те иринен пес.<sup>16</sup>Но акана мантен иек по-лаче отчество, демек о небесно; далкеске о Де нана лажал лендар те наречинел пес ленгоро Дел, соскето приготвингяс ленге гради.<sup>17</sup>Вяраса о Авраам, като изпитвинас лес о Дел, принесингяс е Исаакиес жертвa. Ва, кавка, ковато получингясас о обещания, принесинелас пе иеке чавес,<sup>18</sup>кавка, колеске уло пендо: "Ко Исаак ка наименувинел пес торо потомство";<sup>19</sup>като разъдингяс, кай о Дел ащи възкресинел таро муле - катар получингяс лес обратно сар преобрази е възкресениескe.<sup>20</sup>Вяраса о Исаак благословингяс е Яковес тай е Исавес даже относно о бъдеща бука.<sup>21</sup>Вяраса о Яков, ко мериба, благословингяс саворен таро Йосифова чаве тай поклонисало е Девлеске като пропинелас пес ко крайос пе тоягаке.<sup>22</sup>Вяраса о Йосиф, ко мериба, споменингяс е иклиминаске е израиленг таро Египет тай диняс поръчка пе кокаленг.<sup>23</sup>Вяраса, като бияндило о Мойсей, лескере родителя гаравде лес трин масек, соскето дикле, кай уло красиво чаво; тай нана даранас тари заповед е тагарескири.<sup>24</sup>Вяраса о Мойсей, като ачило на възраст, откажингяс пес те наречинел пес чаво е фараониескере чаякоро<sup>25</sup>тай предпочитингяс те страдинел е Божие люденца, а ма те насладинел пес кратконе времеске е безехаке,<sup>26</sup>като разъдингяс, кай о укори е Помазаникиске си по-баро барвалипе таро египетска съкровища; соскето дикелас карик и бъдещо награда.<sup>27</sup>Вяраса напуснингяс Египет, без те дарал таро гневи е тагареске; соскето издържингяс сар иек, ковато дикелас е Невидимонес.<sup>28</sup>Вяраса установингяс е Пасха тай и поръсване е ратеса, за тена допринел пес жи ленде кавка, ковато погубинелас е първороднонен.<sup>29</sup>Вяраса о израиляния накле презал о Лоло морес сар ки суша, ковато опитисале о египтияния, тай таслиле.<sup>30</sup>Чрез и вяра о ерихонска стенес

## Chapter 12

пеле палал о ефта диеса обиколиба около ленде.<sup>31</sup> Вяраса и Раав и блудница на погинингяс заедно е непокорноненца, като приемингяс е съгледвачиен мириеса.<sup>32</sup> Тай со по бут те пенав? Соскето нанай те ресел ман времес те хоратинав за Гидеон, Варак, Самсон тай Ефтай, за Давид, още тай о Самуил, тай о пророкия;<sup>33</sup> колато вяраса побединенас тагарипнадес, разденас правда, получиненас обещания, панденас о мuya е лъвовиенгере,<sup>34</sup> мударенас и сила е ягакири, избегвиненас о остириес е мечиеско, таро слаба ачонас силна, ачонас храбра анди битка, ириненас андо бяг чужда войски.<sup>35</sup> Жувля приеминенас пе мулен възкресиме; а авер уле мъчиме, соскето, за те получинен по-лачо възкресение, он нана приеминенас те овен избавиме.<sup>36</sup> Авер па изпитвиненас подиграввкес тай бичувания, а още оковес тай тъмниец;<sup>37</sup> баренца уле мударде, триониеса претрита, мъкенца мъчиме; меренас заклана мечиеса, скитиненас пес андо овча тай андо коза кожес тай търпиненас лишения, бедствия тай страдания;<sup>38</sup> он, за коленге о светос на уло достоинно, скитиненас пес ко пустиниес тай ко планини, ко пещери тай ко рововя е пувяже.<sup>39</sup> Но саворе калка, ако сполучиндеда те свидетелствинел пес лачес за ленге ашал ленгири вяра, пак на получинде о изпълнение е обещаниеско,<sup>40</sup> соскето о Дел промислингясас аменгес варесо по-лачо, тай би амаро тена постигнинен съвършенство.

## Chapter 12

<sup>1</sup>Последователно амеда, като синям обикаляме салке баре облакиестар свидетеля, нека отчивас всеко теготия тай безех, ковато лесно оплетинел амен, тай нека, като устоинас, накас амаро предстоящо попище,<sup>2</sup> като дикас е Иисусес, о Начинатели тай Усьвършители амаре вяраке, Ковато, ашал Лескири предстоящо лошали, издържингяс кръстос, като презрингяс и лач бешло отдясно ко Божие престоли.<sup>3</sup> Соскето размислинен Калкеске, Ковато издържинел савка противопоставяне мамуял Песте таро грешна, за тена дотегнинел туменгте тай тена обхваниел тумен малодушие.<sup>4</sup> Нана съпроивисален още жи ко рат анди борба тумари против и безех.<sup>5</sup> Тай бистергиен о съвети, ковато увешинел тумен сар чаве: " Моро чаво, ма презирине о наказание таро Дел, нито отпер духом, като изобличинел тут Ов;<sup>6</sup> соскето о Дел накажинел колкен, колен дехел, тай марел секоне чавес, колес приеминел".<sup>7</sup> Ако търпинен наказание, о Дел постъпинел туменца сар чаве; соскето кова си давка чаво, колес лескоро дад нана накажинел?<sup>8</sup> Но ако нана накажинен тумен, сарто накажинен саворен околен, тогава синиен незаконно биянде, а ма чаве.<sup>9</sup> Освен давка, исине амен земна дада\*, колато накажиненас амен, тай почитинасас лен; нанай ли още по бут те покоринас амен е Отециеске е духовиенгте тай те живинас?<sup>10</sup> Соскето он за хари време накажиненас амен, според сарто уло ленге угодно, а Ов амаре ползаке, за те участвинас анде Лескере святоestate.<sup>11</sup> Нисаво наказание на дикиол ко времес те овел лошалаке, а за скръбяке; но после принесинел правда сар мирно плоди калкенге, колато обучисале чрез лесте.<sup>12</sup> Далкеске, "укрепинен о немощна васта тай о отслабнала почка",<sup>13</sup> тай керен тумаре пиренгте права дрома, за тена изкълчинел пес о кудо, а напротив, те изцелингиол.<sup>14</sup> Роден мири саворенца тай ковка освещение, би колескоро никой нанай те дикел е Девлес.<sup>15</sup> Тай внимавинен тена декой на ресел жи ки Божие благодат; тена поникнинел десаво горчично корени, тай те смутинал тумен тай о мнозинство те заразинел пес лестар;<sup>16</sup> тена овел декой блудники или нечестиво, сарто о Исав, ковато иеке ястиеске бикингяс по първородство;<sup>17</sup> понеже жанен, кай даже като мангелас по-късно те наслединел о благословение, ов уло отчивто, при все кай родингяс лес асвенца, соскето на араклас тан покаяниеске.<sup>18</sup> Соскето туме нана престъпнинен жи планинате осезаемо тай пламнало анде ятате, нито жи тъмнинате, мракиесте тай буряте,<sup>19</sup> нито жи тръбно звуки тай изричаща думес гласос, савка, кай колка, колато шунде лес, молинде пес тена хоратинел пес ленге вече дума:<sup>20</sup> (соскето нацине търпинен ковка, ковато заповединелас пес ленге: "Даже животно, ако допиринел пес жи ки планина, ка мударел пес баренца");<sup>21</sup> тай дики даракири сине и гледка, кай о Мойсей пенгяс: "Бут синиом даравдо тай изздрав");<sup>22</sup> но туме пристъпнинен жи ко хълми Сион, жи ко градос е живде Девлеске, о небесно Ерусалим, тай паш деш хиляда тържествуваща ангела,<sup>23</sup> паш о събори тай и кантери е първороднените, колато си запишими андо небеса, паш о Дел, о Съдияс саворенгоро, паш о духовя е усьвършенстваноне праведниенгте,<sup>24</sup> паш о Иисус, Посредники е неве заветиеско, тай паш о поръсиме рат, ковато хоратинел по-лачес таро Авелово.<sup>25</sup> Внимавинен тена запрезнинен Калкес, Ковато хоратинел; соскето, ако колка на избегнинде о наказание, като презринде Калкес, Ковато предупрединелас лен ки пув, то кити по бут нанай те избегнинас аме, ако ириненас амен Калкестар, Ковато предупрединел таро небеса!<sup>26</sup> Колескоро гласос разтърсингяс тогава и пув; а Ковато акана обещингяс, като пенгяс: "Още иеквар ме ка разтърсинаш ма само и пув, но о небесада".<sup>27</sup> А давка "още иеквар" значинел о премахване колке букиенгере, колато клатинен пес сар керде бука, за те ачон калка, колато нана клатинен пес.<sup>28</sup> Далкеске, понеже приеминенас тагарипе, ковато на клатинел пес, нека овас благодарна, тай чука те служинас угодно е Девлеске благоговениеса тай страхопочитаниеса;<sup>29</sup> соскето амаро Дел си яг, която пояждинел.

## Chapter 13

<sup>1</sup>Постоянствинен андо братолюбие.<sup>2</sup> Ма бистрен о гостолюбие; понеже чрез лесте декой, без те жанен, приеминде на гости ангелес.<sup>3</sup> Помнинен е панлен, сар кай синиен ленца заедно панле, о страдаща, понеже синиен умеда андо телос.<sup>4</sup> О прандеба нека овел на почит саворенгте тай о легло неосквернено; соскето о Дел ка съдинел е блудниен тай е прелюбодеициен.<sup>5</sup> Ма впримчинен тумен андо сребролюбие: задоволинен тумен колкеса,

ковато си тумен, соскето коркоро о Дел пенгяс: "Нисар нанай те мукав тут тай нисар нанай те бистрав тут"; <sup>6</sup>чуга кай дързостно пенас: " О Дел си манг помощики; нанай те дарав; со ка керел манг о мануш?"<sup>7</sup>Помнинен колкен, колато уле туменге наставнишка, колато хоратинде туменге о Божие словос; тай като садикен тумен анди сетнина ленгере начиниесте животоске, подражинен ленгере вярате. <sup>8</sup>О Иисус Христос си о също ибло, авдиец тай жи ко векос.<sup>9</sup>Ма увлечинен тумен ко разна чужда учения; соскето си лачес о сърцес те укрепинел пес благодатаса, а ма наредбенца ястиенге, колендар на получинде полза колка, колато водиненас пес\* лендар.

<sup>10</sup>Амен иси олтари, колестар нанай право те хан о служеща анди скиния. <sup>11</sup>Соскето тарен пес аври таро стани о телова е животноненгере, коленгоро рат о първосвещеници денгярел андо светилище сар жертва е безехенге.

<sup>12</sup>Далкеске о Иисус, за те осветинел е народос чрез Поро Собствено рат, пострадингяс аври таро градска портес.

<sup>13</sup>Тай чуга, нека иклас амеда паш Лесте аври таро стани, като понесинас позори за Леске. <sup>14</sup>Соскето ате нанай амен постоянно гради, но родас о бъдещо.<sup>15</sup>Далкеске чрез Лесте нека принесинас е Девлеске непрестанно хвалебно жертвата, демек плоди тари вуща, колато изповединен Лескоро алав. <sup>16</sup>А ма бистрен те керен благодеяния тай те споделинен околенца тумаре блага; соскето салка жертвес си угодна е Девлеске. <sup>17</sup>Овен послушна тай покоринен тумен тумаре наставнишкене (соскето он дбинен тумаре душенге сар отговорна за ленге), за те изпълнинен давка бдене лошаласа, а ма въздишкенца; соскето те бдинен въздишкенца, нанай те овел полезно туменге.<sup>18</sup>Молинен тумен аменгес; соскето синям уверена, кай си амен чисто съвест тай мангас те постъпвинас всичконастче честно. <sup>19</sup>А особено молинав ман туменге те керен давка, за те овав туменге по-сиго ириме.<sup>20</sup>А о Дел е мириеско, Ковато чрез о рат е иеке вечноне заветиеско ваздингяс таро муле е великоне Пастириес е овценге, амаро Дел о Иисус, <sup>21</sup>дано усъвършенствинел тумен андо секо лачо варесо, за те керен Лескири воля, като изработвинел анде туменде кавка, ковато си угодно англал Лесте, чрез о Иисуса Христа, Колеске те овел слава андо вечна вековия. Амин.<sup>22</sup>Тай молинав тумен , пралален, тена овел туменге паро кавка увещателно словос; соскето накратко пишигиом туменге. <sup>23</sup>Те жанен, кай амаро прал о Тимотей си мужло, колеса, ако ресел сиго, ка авав те дикав тумен.<sup>24</sup>Поздравинен саворе тумаре наставнишкен тай саворе светиен. Поздравинен тумен калка, колато си тари Италия. <sup>25</sup>Благодат те овел саворенца туменца. Амин.

## James

### Chapter 1

<sup>1</sup>О Яков, слугас е Девлеско тай е Девлеско о Иисуса Христа, жи ко дешудуи разчивте народост, Поздрави !

<sup>2</sup>Считинен лес за перди лошали, пралален мере, като перен разноне изпитаниенде, <sup>3</sup>като жанен, кай о изпитание тумаре вяракоро произвединел зоралипе.<sup>4</sup>А о зоралипе нека извършинел по делос съвършено, за те овен съвършена тай цела, без нисаво недостатъки.<sup>5</sup>Но ако декаске тумендар нана доресел мъдрост, нека мангел таро Дел, Ковато дел щедро саворен, без те коринел, тай ка дел пес леске.<sup>6</sup>Но нека мангел вяраса, без те съмнинел пес ни най-хари; соскето, ковато съмнинел пес, препел морескере вълненде, колато тласкинен пес тай чалавен пес таро балвала. <sup>7</sup>Савка мануш тена мислинел, кай ка получинел варесо таро Дел, <sup>8</sup>понеже си колебливо, непостоянно андо саворе пере дрома.<sup>9</sup>О прал, ковато си андо по-телуно състояние, нека хвалинел пес, като ка ваздел пес, <sup>10</sup>а о барвало - като смиринел пес, понеже ка прецъфтинел сар о цветос е чарякоро. <sup>11</sup>Соскето о кам изгревинел е изсушително балваласа, и чар шукиол, лакоро цветос окапингиол, тай и красота лакере изгледиескири изчезнинел: чуга о барвало ка повехнинел ан пе дроменде.<sup>12</sup>Блажено ковка мануш, ковато издържинел изпитание; соскето, като ка овел одобриме, ка приеминел венециеске о животос, ковато о Дел обецингяс колкенге, колато дехен Лес. <sup>13</sup>Никой, ковато изкушинел пес, тена пенел: О Дел изкушинел ман; соскето о Дел нана изкушинел пес таро зло тай Ов нисар нана изкушинел.<sup>14</sup>А ковато изкушинел пес, завлечинел пес тай хохавгиол пе собственоне страстиатар; <sup>15</sup>тай тогава и страст зачевинел тай биянел грехос, а о грехос, като развингиол напълно, биянел мериба.<sup>16</sup>Ма заблудинен тумен, любезна мере прала;<sup>17</sup>всеко дендо лачипе тай всеко съвършено дари си уптал тай ухлел таро Отца е светлинакоро, анде Колесте нанай изменение или сянка промянакири.<sup>18</sup>Тари собственно Пери воля биянгяс амен чрез о слово е истинакоро, за те овас иек види първо плоди за Лескере създания.<sup>19</sup>Тай чуга, любезна мере прала. Нека овел всеко мануш бързо те пунел, бавно те хоратинел тай бавно те гневинел пес; <sup>20</sup>соскето е манушеско гневи нана вършинел е Девлескири правда.

<sup>21</sup>Далкеске, като отчiven секакво нечистота тай преливащо злоба, приеминен с кротост о садиме слово, ковато апи спасинел тумаре души.<sup>22</sup>Овен обаче изпълнителя е словоскере, а ма само слушателя, те хохавен тумен.

<sup>23</sup>Соскето, ако декой овел слушатели е словеско, а ма изпълнители, ов препел манушесте, ковато дикел по естествено ми андо огледали: <sup>24</sup>дикел пес, жалпеске тай завчес бистрел саво уло. <sup>25</sup>Но който вникнинел андо съвършено закони, о закони е свободакоро, тай постоянноинел, ов, като нанай бистердо слушатели, но деятелно изпълнители, ка овел блажено анди дейност пери.<sup>26</sup>Ако декой считинел пес благочестиво, а нана обуздинел пи чип, но хохавел по сърцес, леско благочестие си суетно. <sup>27</sup>Чисто тай непорочно благочестие англал о Дел тай Отца, аке со си: те дикел мануш е сирачен тай е вдовищен анди неволя ленге тай те пазинел пес неопетнено таро светос.

### Chapter 2

<sup>1</sup>Пralalen mere, tena ikeren и vjara amare прославеноне Девлескири о Исус Христос с лицеприятие. <sup>2</sup>Соскето, ако дел ан тумаре синагогате мануш златноне ангрустяса тай шукаре шехиенца, а дел чорода оплесконе шехиенца, <sup>3</sup>тай дикен с почит каrik колкесте, ковато си е шукаре шехиенца тай пенен: Ту беш ате шукаре танесте; а е чорореске пенен: Ту беш оте, или : Беш ме пиренде, <sup>4</sup>нана керен ли различия машкар туменде тай нана ачон ли пристрастна съдиес? <sup>5</sup>Шунен, любезна мере прала: нана избириngяс ли о Дел колкен, колато си чоре андо светска букя, барвале вяраса тай наследниция е тагарипнаскe, ковато обещингяс калкенге, колато дехен Лес? <sup>6</sup>А туме опозорингиен е чорорес. Нали тумаре барвале угнетинен тумен тай влачинен тумен ко съдилища? <sup>7</sup>Нали он хулинен о почтено алав, колеса именувинен тумен? <sup>8</sup>Обаче ако изпълниен о царско закони според о Писание: „Те дехес те ближноес сар туте,” лачес керен. <sup>9</sup>Но ако дикен ко муи, грехос керен, тай таро закони осъдинен тумен сар престъпникия. <sup>10</sup>Соскето, който пазинел о цело закони, а съгрешинел иек варесо, ка овел виновно андо всичко. <sup>11</sup>Понеже Ковка, Ковато пенгяс: „Ма прелюбодействине”, чука кай ако нана прелюбодействинес, а па мударес, ачилен престъпники е закониескоро. <sup>12</sup>Чука хоратинен тай чука постъпинен, сар мануша, колато ка овен съдиме ко закони е свободаке. <sup>13</sup>Соскето о съдос си немилостиво каrik колкесте, ковато на покажингяс милост. И милост тържествувинел упраle о съдос. <sup>14</sup>Сави полза, пралalen mере, ако декой пенел, кай си лес вяра, а нанай лес дела? Ащи ли сайка вяра те спасинел лес? <sup>15</sup>Ако десаво прал или десави пен си нантг тай ачиле без ежедневно хабе, <sup>16</sup>тай декой тумендар пенел ленг: Жантуменге мириеса, дано овен такядре тай парварде, а нана ден лен со требел ленгере телоске, сави полза? <sup>17</sup>Чука и вяра, ако нанай дела, коркори пестар си мули. <sup>18</sup>А декой ка пенел: Тут си вяра, но ман си дела; ако ащи, покажине манг ти вяра без дела, но ме ка покажинав тuke mi вяра таро дела мере. <sup>19</sup>Ту верувинес, кай иси само иек Дел. Лачес керес; о бесовяда верувинен тай издран. <sup>20</sup>Обаче мангес ли те пенджарес, о суетно мануш, кай вяра, отделиме таро дела, си безплодно? <sup>21</sup>О Авраам, амаро отеци, нана оправдингяс ли пес чрез о дела, като принесингяс пе чавес о Исаак ко жертвеници? <sup>22</sup>Ту дикес, кай и вяра действинелас заедно лескере деловиенца тай кай таро деловя усъвършенствисали и вяра; <sup>23</sup>тай изпълнисало о Писание, ковато пенел: „О Авраам верувингяс е Девлеске; тай давка вменисало леске за правда;” тай наречисало е Девлескоро амал. <sup>24</sup>Дикен, кай чрез о дела оправдинел пес о мануш, а ма само чрез и вяра. <sup>25</sup>Чука също и блудница и Раав нана оправдингяс ли пес чрез о дела, като приемингяс е пратеникиен тай бичалгяс лен бързо презал авере дроместе? <sup>26</sup>Соскето, карто о телос, отделиме таро духос, си муло, чука и вяра, отделиме таро дела, си мули.

## Chapter 3

<sup>1</sup>Пralalen mере, ma ачовен мнозина учителя, като жанен, кай ка приеминас по-паро осъждение. <sup>2</sup>Соскето саворе аме буте букиенде грешинас; а ковато на грешинел андо хоратиба, ов си съвършено мруш, способно te обуздаинел о цело телос. <sup>3</sup>Ако товас о юзи андо муя е грастенг, за те покоринен пес аменге, ащи иринас ленгоро цело телос. <sup>4</sup>Аке, о корабядя, макар те овен дики баре тай те овен тласкиме таро силна балваля, пак твърде цикне кормилоса иринен пес на кате мангел о кормчияс. <sup>5</sup>Чука и чип си цикни част таро телос, но бут хвалинел пес. Аке, съвсем хари яг кити бут вешество тарел! <sup>6</sup>Тай и чип, кавка цело светос таро нечестие, си яг. Машкар амаре телесноне частиендар и чип си, която заразинел о цело телос тай тарел о цело кръгос амаре животоскоро, а коркори ой тарел пес таро пъкали. <sup>7</sup>Соскето секакво види зверовя, птицес, влечугя, тай морска животна укротинен пес тай укротена уле таро човечество; <sup>8</sup>но нисаво мануш наци укротинел и чип; буйно зло си, пердо си съмъртоносне отроваса. <sup>9</sup>Ласа благословинас е Девлес тай е Отцас тай ласа дас арманя е манушен, създиме е Девлеске ко подобие! <sup>10</sup>Таро също муи иклон благословения тай проклятия! Пралalen mере, давка нана требе te овел чука. <sup>11</sup>О извори мукел ли таро също отверстие гудло пани тай горчиво? <sup>12</sup>Възможно ли си, пралalen mере, и смокиния те биянел маслинес, или и лоза - смокинес? Чука също нанапци иек извори te дел лондо тай гудло пани. <sup>13</sup>Кова тумендар си мъдро тай разумно? Нека покажинел пере дела чрез по лачо животос, е кротостяса е мъдростякири. <sup>14</sup>Но ако си ан те сърцесте горчиво завист тай крамолничество, ма хвалинен тумен, та те хохавен против и истина. <sup>15</sup>Давка нанай мъдрост, която ухлел упраle, но си земно, животинско, бесовско; <sup>16</sup>соскето, кате иси завист тай крамолничество, оте иси бъркотия тай секакво канило варесо. <sup>17</sup>Но и мъдрост, която си упраle, англал всичко си чисто, после миролюбиво, кротко, умолимо, перди с милост тай лаче плодове, безпристрастно тай нелицемерно. <sup>18</sup>А о плоди е правдакоро сеинел пес мириеса таро миротворция.

## Chapter 4

<sup>1</sup>Катар иклон мариба тай катар крамола машкар туменде? Ма отар ли, тумаре слостиендар, колато воювинен анде тумаре телесноне частиенде? <sup>2</sup>Туме пожелавинен, но нанай тумен; ревнувинен тай завиждинен, но нанапци получинен; ден тумен тай марен тумен; но нанай тумен, соскето нана манген. <sup>3</sup>Манген, но нана получинен, соскето зле манген, за те разпилинен лес андо сластя тумаре. <sup>4</sup>Прелюбодействия! Нана жанен ли, кай о амалипе е светоса си вражда против о Дел? Тай чука, който мангел te овел амал е светоске, ачол врагос е Девлеске. <sup>5</sup>Или мислинен, кай би нуждакоро пенел о Писание, кай о "Дел тай жи ки завист ревнувинел за е Духоске", Ковато вложингяс те живинел анде аменде? <sup>6</sup>Но Ов дел иек по-бари благодат; далкеске пенел: „О Дел е

## Chapter 5

горделивоненге противинел пес, а е смиреноненге дел благодат".<sup>7</sup> Тай чука, покоринен тумен е Девлеске, но противинен тумен е бенгеске, тай ов ка напел тумендар.<sup>8</sup> Приближинен тумен жи ко Дел, тай ка приближинел пес Ов жи туменде. Товен тумаре васта, туме о грешна, тай очистинен тумаре сърца, туме о колеблива.

<sup>9</sup> Тъжинен, ридайнен тай ровен; тумаро асаиба нека иринел пес роибнаст тай тумаро лошаиба - тъгате.

<sup>10</sup> Смиринен тумен англал о Дел тай Ов ка възвишнел тумен.<sup>11</sup> Ма одумвинен тумен иек авересте, пралален; ковато одумвинел е пралес или съдинел пе пралес; одумвинел о закони тай съдинел о закони; а ако съдинес о закони, на синян изпълнители е закониеске, но съдияс.<sup>12</sup> Само иек си Законодатели тай Съдияс, Ковато ащи спасинел тай те погубинел; а ту кова синян, кай съдинес те близкенес?<sup>13</sup> Шунен акана туме, колато пенен: Авдис или тася ка жас андо еди-кова си градос, ка бешас оте иек бреш, ка търгувинас тай ка печелинас -<sup>14</sup> като туме нана жанел со ка овел тася. Со си тумаро животос? Сокето туме синиен пара, която за хари явинел пес тай после изчезнинел.<sup>15</sup> Вместо давка туме требе те пенен: Ако мангел о Дел, аме ка живинас тай ка керас кавка или ковка.<sup>16</sup> Но акана славно си туменге те хвалинен тумен. Всеко савка хвалене си зло.<sup>17</sup> Тай чука, ако декой жанел те керел лачипе тай нана керел лес, лескоро грехос си.

## Chapter 5

<sup>1</sup> Шунен акана, туме о барвале, ровен тай ридайнен ашал о бедствия, колато авен упрали туменде.<sup>2</sup> Тумаро барвалиле кернило, тай тумаре шея си хале таро молци.<sup>3</sup> Тумаро златос тай среброс ръждависало; тай ленгири ръжда ка свидетелствинел против туменде тай ка хал тумаре маса сар яг. Туме кидингиен съкровища ко последна диеса.<sup>4</sup> Аке, и заплата е работникиенгири, колато жънинде тумари нива, колатар лишингиен лен, пищинел; тай о пищес е жетвариенгере дине андо канна е Девлеске е силенгоро.<sup>5</sup> Туме живингиен ки пув разкошно тай разпуснато, угоингиен тумаре сърца дори андо дие на клане.<sup>6</sup> Осъдингиен, мударгиен е праведноес; тай ов нана противисало туменге.<sup>7</sup> Тай чука, пралален, ачовен зорале жи ко причество е Девлескоро. Аке, о земеделцос очаквинел о скъпоцено плоди тари пув тай търпинел за леске, жи кай задел о ранно, тай о късно бришим.<sup>8</sup> Ачовен тумеда зорале, укрепинен тумаре сърца; сокето е Девлескоро причество наближингяс.<sup>9</sup> Ма роптайнен иек против иекесте, пралален, за тена овен осъдиме; аке, о Съдияс бешел англал о вудара.<sup>10</sup> Пралален, лен примериеске за злостраданиееске тай зоралиннаке е пророкиен, колато хоратиненас анде Девлескоро алав.<sup>11</sup> Аке, обляжинас колкен, колато ачиле зорале. Шунгтиен за о търпение на Йов тай диклен и сетнина, въздиме леске таро Дел, кай о Дел си бут жалостиво тай милостиво.<sup>12</sup> А англал о всичко, пралален мере, ма хан совеля нито андо небес, нито анди пув, нито десаве авере совеляса; но нека тумаре хоратес те овен: „Ва, ва”, тай „Нака, нака”, за тена перен телал о осъждение.<sup>13</sup> Зле ли страдинел декой тумендар Нека гилябел хваления.<sup>14</sup> Насвало ли си декой тумендар Нека викинел е кангерякере презвитериен тай нека молинен пес упрали лесте тай те помажинен лес маслоса анде е Девлескере алавесте;<sup>15</sup> тай и молитва, която си вяраса, ка избавинел е страдалециес, о Дел капривдигнинел лес тай ако кергяс грехове, ка простиел пес леске.<sup>16</sup> Тай чука, изповединен иек авереске тумаре грехове тай молинен тумен иек авереске, за те оздравинен. Бари сила иси ки усърдно молитва е праведноеске.<sup>17</sup> О Илия сине мануш е същоне естествоса сар аменде; тай молисало усърдно тена дел бришим, тай на диняс бришим ки пув трин бреш тай шов масек;<sup>18</sup> тай пак молисало, тай о небес диняс бришим, тай и пув произведингяс по плоди.<sup>19</sup> Пралален мере, ако декой тумендар отклонинел пес тари истина тай иек иринел лес,<sup>20</sup> нека жанел, кай който ирингяс е грешноес таро заблудиме дром леске, ка спасинел душа таро мериба тай ка покринел множество безеха.

## 1 Peter

### Chapter 1

<sup>1</sup> О Петър, апостоли Иисус Христово, жи ко избираме пришелци, колато си пръсниме ко Понт, Галатия, Кападокия, Азия тай Витания,<sup>2</sup> избираме ко предуздание е Девлеске Отца, чрез о освещение е Духоске, за те овен послушна тай те овен поръсиме е ратеса Иисус Христово; благодат тай мири те умножингиол туменге.<sup>3</sup> Благословиме те овен о Дел тай о Отец амаре Девлескоро о Иисус Христос, Ковато според Пи бари милост възродингяс амен за живде надеждаке чрез о възкресение е Иисус Христоске таро муле,<sup>4</sup> наследствоске нетленно, неоскверняемо, тай ковато на повяхвинел, запазиме ко небеса за туменге,<sup>5</sup> колато е Девлескере силаса синиен пазиме чрез и вяра е спасениеске, готово те открингиол ко последно времес.<sup>6</sup> Анде коле блаженствосте лошанен, ако за хари време скърбинен акана (ако си потребно), андо разна изпитания,<sup>7</sup> с цел: изпитване тумари вяра, като си по-скъпоцено таро златос, ковато гининел, но пак изпитвингиол чрез и яг, те иклол за хвала тай слава, тай почест, като явинел пес о Иисус Христос;<sup>8</sup> Колес дехен, без те диклен Лес; анде Колесте, като верувинен, без акана те дикен Лес, лошанен неизкажиме тай преславное лошаласа,<sup>9</sup> като получинен о следствие тумаре вяракоро, о спасение тумаре душакоро.<sup>10</sup> За далке спасениеске преродинде тай изследвинде е пророкиен, колато проролувиненас за и благодат, която ули назначиме за туменге,<sup>11</sup> като издирвиненас кова или саво времес посочинелас о Христово Духос, Ковато сине анде ленде, като предизвестинелас о Христова страдания, тай палал ленде и слава.<sup>12</sup> Тай открисало ленге, кай ма за песке, а за туменге служиненас он анде далkestе, ковато акана известисало туменге

## Chapter 2

чрез колкенде, колато проповединена с туменг о благовестие чрез о Свято Духос, бичалдо таро небеса; анде колесте о ангела манген те надникнинен.<sup>13</sup> Далкеске препашинен тумен презало думо тumarе помисленгоро. Овен въздържиме тай те овел тумен перди надежда за и благодат, която ка дел пес туменг като явинел пес о Иисус Христос.<sup>14</sup> Сар послушна чаве, ма съобразинен тумен е първоне страстиенца, колато сине тумен андо време като нажаненас;<sup>15</sup> но сарто си свято Кавка, Ковато призовингяс тумен, чука овен свята тумеда андо саворе тumarе постъпкес;<sup>16</sup> соскето си пишими: „Овен свята, понеже Ме синиом свято.“<sup>17</sup> Тай ако призовинен сар Отеци Калкес, Ковато без лицеприятие съдинел според о делос секаске, то прекарвинен анди дар тumarо времес тumarе престоибнаксоро,<sup>18</sup> като жанен, кай ма преходноне букиенцар среброс или златос, синиен изкупиуме таро суетно животос предиме туменг тumarе дадендар,<sup>19</sup> а е скъпоценоне ратеса е Христаскоро, сар Бакро би недостатъкеско тай пречисто,<sup>20</sup> Ковато наистина уло предопределиме преди о създание е светоскоро, но явисало андо последно време туменг,<sup>21</sup> о повярвала чрез Лесте андо Дел, Ковато възкресингяс Лес таро муле тай диняс Лес слава, чука кай и вяра тай и надежда тумари те овен андо Дел.<sup>22</sup> Понеже очистингиен тumarе души покорствоса карик и истина, която анел жи ко нелицемерно братолюбие, дехен тумен иек аверес горещо, таро сърцес,<sup>23</sup> чука кай възродисален ма таро тленно семес, а таро нетленно, чрез о Божие слово, ковато живинел тай траинел жи ко векос.<sup>24</sup> Соскето „Всеко твар си сар чар, тай лакири савори слава сар цветос тари чар; и чар шукиол тай лакоро цветос окапинел,<sup>25</sup> но о словос е Девлеско траинел жи ко векос“; тай давка си о словос, ковато си туменг благовестиме.

## Chapter 2

<sup>1</sup> Тай чука, като отчивен всеко злоба, всеко лукавщина, лицемерие, завист тай всеко одумване,<sup>2</sup> пожелавинен, сар новородена младенци, о чисто духовно тут, за те барийон чрез лесте карик о спасение,<sup>3</sup> ако опитингиен, „кай о Дел си благо“. <sup>4</sup> Паш Колесте като авен, сар паш живде баресте, таро мануша отчивдо, а англал о Дел избириме тай скъпоценно,<sup>5</sup> тай туме, сар живде бара, съградинен тумен андо духовно кер, за те ачон свято свещенство, те принесинен духовна жертвес, благоприятна е Девлеске чрез о Иисус Христос.<sup>6</sup> Соскето си пишими андо Писание: „Аке, положинав андо Сион крайъгълно Бар, отбрано, скъпоценно; тай който верувинел анде Лесте, нанай те посраминел пес.“<sup>7</sup> За туменг именно, колато верувинен, си Лескири скъпоценност, а за калкенге, колато нана верувинен, „О Бар, ковато отчивте о зидаря, Ов ачило шеро е ъгълеско“, <sup>8</sup> тай, „Бар, анде Колесте те спънинен пес, тай Канара, анде Колате те съблазнинен пес“; соскето спънинен пес андо словос тай си непокорна, за колеске уле определиме.<sup>9</sup> Туме обаче синиен избириме родос, царско свещенство, свято, народос, народос, колато о Дел придобингяс, за те възвестинен о превъзходства Калкескере, Ковато призовингяс тумен тари тъмнина ан Пере чудесно светлинате;<sup>10</sup> туме, колато декана нана улен народос, а акана синиен Божие народос, нана придобингиен милост, а акана придобингиен.<sup>11</sup> Любезна, молинав тумен, сар прищълци тай чужденци андо светос, те въздържинен таро плътска страстия, колато воювинен против и душа;<sup>12</sup> те живинен благоприлично машкар о езичниция, чука кай он, макар те одумвинен тумен сар злодейция, те прославинен е Девлес андо времес, като ка посетинел лен, понеже дикен тumarе лаче дела.<sup>13</sup> Покоринен тумен ашал е Девлеске всеконе манушкане властиенге, било е тагареске, сар върховно владетели,<sup>14</sup> било е управителенге, сар бичалде лестар, за те накажинен е злодейциен тай те хвалинен е добротворциен.<sup>15</sup> Соскето дайка си е Девлескири воля, те панден о муха е невежоненгере тай глупавоне мануштенгере, като керен лачипе;<sup>16</sup> сар свободна обаче, неупотребяваща и свобода покривалоске е канилипнаске, а сар е Девлескере слуги.<sup>17</sup> Почитинен саворен; дехен о пралипе; даран таро Дел; почитинен е тагарес.<sup>18</sup> Слуги, покоринен тумен тumarе господариенге пълноне дараса, ма само е лаченге тай е кротконенте, но е опърничевоненгеда;<sup>19</sup> соскето давка си благоугодно, ако декой таро о съзнание за е Девлеске търпинел оскърбления, като страдинел несправедливо.<sup>20</sup> Соскето, сави похвално иси, ако понесинен търпеливо, като марен тумен ашал тumarе престъплениенге? Но като керен лачипе тай страдинен, ако понесинен търпеливо, давка си угодно англал о Дел.<sup>21</sup> Соскето далкескеда синиен призвана; понеже о Христос пострадингяс за туменг тай муклас туменг примери те следвинен Лескере стъпкес;<sup>22</sup> Ковато безех нана кергяс, нито араклили лукавщина андо муи Леске;<sup>23</sup> Ковато, като уло хулиме, хуласа нана иринелас; като страдинелас, нана заплашвинелас; но пределас По делос Калкеске, Ковато съдинел справедливо;<sup>24</sup> Ковато коркоро понесингяс ан Пе телосте амаре безеха ко каш, чука кай, като мулам е безехенге, те живинас е правдаке; Колескере ранаса туме оздравингиен.<sup>25</sup> Соскето сар овце служдениенас, но акана ирисален паш о Пастири тай о Епископи тumarе душенгे.

## Chapter 3

<sup>1</sup> Също чука тумеда, ромялен, покоринен тумен тumarе роменг, чука кай, даже ако декой лендер нана покоринен пес е словоске, те придобинен пес би е словоскоро, чрез о поведение пе ромниенгоро,<sup>2</sup> като дикен, кай туме живинен анди дар тай чистота.<sup>3</sup> Тumarе украшение тена овел април: кувде бала, кичиба златоса или урияба скъпоне шехиенца,<sup>4</sup> а о гаравдо андо сърцес животос\*, е нетленноне украшениеса кротконе тай тихоне духоса, ковато си скъпоценно англал о Дел.<sup>5</sup> Соскето чука декана о свята жувля, колато надявиненас пес ко Дел, украшиненас пес, като покориненас пес пе роменг;<sup>6</sup> сарто и Сара покоринелас пес е Авраамеске тай пенелас

## Chapter 4

леске господар. Тумеда синиен лакере чая, като керен лачипе тай нана даран нисаве заплашваниестар.<sup>7</sup>Чука също тумеда, о мруша, живинен благоразумно тumarе ромниенца, като сар по-слабоне сасъдос\*, тай отден почит ленге, сар на сънаследникенг е денде чрез и благодат животоске, за тена овен възпрепядствиме тumarе молитвес.<sup>8</sup>А най-после, овен саворе единомислена, състрадателна, братолюбива, милостива, смиреномъдра. <sup>9</sup>Ма възден зло за зло или хула за хула, а напротив, благословинен; понеже далкеске улен призвана, за те наслединен благословение.<sup>10</sup>Сокето, „Който мангел те дехел о животос тай те дикел лаче диеса, нека пазинел пи чип таро зло тай пе вуща хоратибаnstар; <sup>11</sup>нека отклонинел пес таро канилипе тай те керел лачипе; нека родел мири тай стреминел пес карик лесте. <sup>12</sup>Сокето о яка е Девлескере си упраle о праведна, чука о кана Лескере карик ленгере молитвате; но о муй е Девлескоро си против колкенде, колато керен зло”.<sup>13</sup>Тай кой ка керел туменге зло, ако синиен ревностна е лачипнаске?<sup>14</sup>Но даже ако пострадинен за е правдаке, блажена синиен; а „ленгере застрашимнаске ма даран, нито смутинен тумен.”<sup>15</sup>А почитинен ан тumarе сърцеденде е Христос сар Дел, като овен винаги готова те отговоринен (но кротостяся тай страхопочитание) саворенге, който получел тумен тumarе надеждаке.<sup>16</sup>Те овел тумен чисто съвест, чука кай андо всичко, колесте одумвинен тумен, те лажан колка, колато клеветинен тumarо лачо андо Дел животос.<sup>17</sup>Сокето си по-лачес те страдинен, като керен лачипе, ако си сайка е Девлескири воля, а ма като керен зло.<sup>18</sup>Сокето о Христос иек дром пострадингяс е безехенге, о Праведно за е неправедненг, за те привединел амен ко Дел, като уло мудардо ки плът, а оживотвориме ко духос;<sup>19</sup>колеса гело тай проповедингяс е духовиенг анди тъмница,<sup>20</sup>колато иек времес уле непокорна, като о Божие дълготърпение жарелас лен андо Ноева диеса, жи кай керелас пес о ковчеги, анде колесте малцина, тоест охто жене, избависале чрез о пани.<sup>21</sup>Ковато андо образи е кръщениескоро аканада спасинел тумен (ма о изтоуба е плътсконе нечистотаке, а о свидетелство карик о Дел за и чисто съвест) чрез о възкресение на Иисуса Христа;<sup>22</sup>Ковато си отদясно е Девлеске, като възнесисало ко небес, Колеске покорисале о ангеля, о власть тай о силес.

## Chapter 4

<sup>1</sup>Тай чука, понеже о Христос страдингяс ки плът, въоражинен тумен тумеда е същоне мислимнаса, кай о пострадало ки плът отчинингяс пес таро безеха, <sup>2</sup>за те живинен презал о останало андо телос време ма вече ко манушкане страстия, а ки Божие воля.<sup>3</sup>Сокето доста си о накло времес, презал колесте живингиен чука, сарто манген те живинен о езичникия, като прекарвингиен анди нечистота, андо страстя, андо винопийства, андо пирувания, андо макяриба тай андо омразна идолослужения. <sup>4</sup>Относно колато бука он тай чудинен пес, тай хулинен тумен сокето нана прастан ленца анди също крайност е развратиеске; <sup>5</sup>но он ка отговоринен англал Колкесте, Ковато сиго ка\* съдинел е живден тай е мулен. <sup>6</sup>Понеже далкеске проповединелас пес о благовестие е муленгеда, чука кай, като овен съдиме манушканесте анди плът, те живинен ко Дел андо духос.<sup>7</sup>А о крайос всичконаске наблизингяс; тай чука, живинен разумно тай трезвено, за те преден тумен молитвате.<sup>8</sup>Англал всичконасте те овел тумен усърдно любов машкар туменде, сокето и любов покринел множество безеха. <sup>9</sup>Овен гостолюбива иек карик авересте без роптане.<sup>10</sup>Според и дарба, която секой приемингяс, служинен ласа иек авереске сар лаче настойникия е многообразноне благодатаке е Девлескири. <sup>11</sup>Ако хоратинел декой, нека хоратинел сар савка, ковато прогласинел е Девлескере словеса; ако служинел декой, нека служинел сар савка, ковато действинел е силаса, която дел лес о Дел; за те славинел пес андо всичко о Дел чрез о Иисуса Христа, Колескири си и слава тай о господство жи ко вечна вековия. Амин.<sup>12</sup>Любезна, ма чудинен тумен е ятакере изпиттиеске, ковато авел упраle туменде, за те опитинел тумен, сар кай случвинел пес туменге варесо странно; <sup>13</sup>но лошанен, кай далкеса тумен иси общение андо страдание е Христаске, за те лошанен пребут тай като ка явинел пес Лескири слава.<sup>14</sup>Блажена синиен, ако опозоринен тумен за е Девлескере алавеске; сокето о Духос е славакоро тай е Девлескоро почивинел упраle туменде. (Карик ленде хулингиол, а карик туменде прославингиол.)<sup>15</sup>Никой тумендар тена страдинел сар убищос или чор, или злодейщос, или сар савка, ковато ехминел пес чуждоне букиенде.<sup>16</sup>Но ако страдинел декой сар християни, тена лажал, а нека славинел е Девлес далке алавеса.<sup>17</sup>Сокето ало о време те поччинел о съдос е Девлеске таро домочадие; тай ако поччинел първо амендар, сари ка овел и сетнина калкенгири, колато нана покринен пес е Девлескере благовестиеске?<sup>18</sup>Тай ако о праведно едва спасинел пес, ов о нечестиво тай о грешно кате ка явинел пес?<sup>19</sup>Далкеске калка, колато страдинен е Девлеске ки воля, нека преден пе души е верноне Създателеске, като керен лачипе.

## Chapter 5

<sup>1</sup>О презвитера, колато си машкар туменде, увешинав ме, ковато също синиом презвитери тай свидетели е Христоскере страданиенг тай съучастники анди слава, която иси те явингиол: <sup>2</sup>Пасинен е Девлескоро стадос, ковато си машкар туменде; надзириен лес ма таро принуждение, но драговолно, сар за е Девлеске; нито гнусноне печалбаке, но усърдиеса; <sup>3</sup>нито сар кай господарувинен упраle о паство, ковато повериинел пес туменге, а като покажинен примери е стадоске. <sup>4</sup>Тай като явинел пес о Пастиреначалники, ка приеминен венециеске, ковато на повехнинел, и слава.<sup>5</sup>Чука тумеда, о по-терне, покоринен тумен е по-пуренге. Ва, саворе иек авереске. Уриен о смирение; сокето о Дел противинел пес е горделивоненг, а е смиренонен дел благодат.<sup>6</sup>Тай чука,

смиринен тумен телал о мощно вас е Девлеске, за те възвисинел тумен своевременно; <sup>7</sup>тай всеко тумари грижа възложинен Лесте, сокето Ов грижинел пес туменге. <sup>8</sup>Овен трезвена, будна. Тумаро противници, о бенг, сар рикаещо лъвос, обикалянел, като родел кас те погълнинел. <sup>9</sup>Съпротивинен тумен леске, като бешен зоралесте анди вяра, като жанен, кай о съща страдания понесинен пес тумаре пралендар андо светос. <sup>10</sup>А о Дел всеконе благодатакоро, Ковато призовингяс тумен анде Пере вечноне славате чрез о Христа Иисуса, ка усьвършенствинел тумен, ка утвърдинел тай укрепинел тай ка керел непоколебима, след като пострадинен хари. <sup>11</sup>Леске те овел о господство жи ко вечна вековя. Амин. <sup>12</sup>Чрез и сила\*, о верно прал, сарто мислинав лес, пишингиом туменге накъсо, те увешинав тумен тай те заявинав, кай давка си и истинско благодат е Девлескири. Бешен зоралесте анде лате. <sup>13</sup>Поздравинел тумен и избириме заедно туменца кантери андо Вавилон, тай мо чаво о Марк.

<sup>14</sup>Поздравинел тумен иек аверес любезноне целувкаса. Мири саворенге туменге, колато синиен андо Христа Иисуса. Амин.

## 2 Peter

### Chapter 1

<sup>1</sup>О Симон Петър, слугас тай апостоли Иисус Христово, туменге, колато чрез и правда амаре Девлескири тай Спасители о Иисус Христос получингиен еднакво аменца скъпоценно вяра: <sup>2</sup>Благодат тай мири те умножингион туменге чрез о познаване е Девлеске тай е Иисусеске, амаро Дел. <sup>3</sup>Понеже Лескири божествено сила подарингяс амен всичко, ковато си потребно е животоскес тай за е благочестиеске, чрез о познаване Калкеске, Ковато призвингяс амен чрез Пере славате тай силате; <sup>4</sup>чрез коленде подаринде пес аменге о скъпоценна тай твърде баре обещания, за те ачон чрез ленде участникия андо божествено естество, като избегнингииен о произлизло тари страсти разтление андо светос; <sup>5</sup>ов по далке причинате положинен секакво старание тай прибавинен тумаре вяраке добродетели, е добродетелаке благоразумие, <sup>6</sup>тумаре благоразумиеске себеобузздание, те себеобузданиеске зоралипе, те зоралипнаскес благочестие, <sup>7</sup>те благочестиеске братолюбие тай те братолюбие斯基 любов. <sup>8</sup>Сокето, ако калка добродетеля араклон туменде тай изобилствинен, он нанай те мукен тумен безделна, нито бесплодна относно о познаване амаре Девлеске о Иисус Христос. <sup>9</sup>Но ковка, колесте он нана араклон, си коро, късогледо тай бистергяс, кай уло очистиме пе пуране безехендар. <sup>10</sup>Далкеске, пралален, постараинен тумен още по бут те затвърдинен тумаро призвание тай избириба; сокето, като изявинен далка добродетеля, нисар нанай те спънинен тумен. <sup>11</sup>Понеже чука ка дел пес туменге щедро достъпли жи коечно тагарипе амаре Девлеске тай Спасители о Иисус Христос. <sup>12</sup>Далкеске всякога ка овав готово те дав тумен годи далке букиенге, те жаненда лен тай те овенда утвърдиме анди истина, която акана икерен. <sup>13</sup>Тай мислинав, кай си право, жи кай синиом анде калке телесноне хижате\*, те подбудинав тумен чрез напомняне; <sup>14</sup>понеже жанав, кай сиго ка напуснинав ми хижа, сарто известингяс мангем амаро Дел о Иисус Христос. <sup>15</sup>Даже ка стараинав ман туме палал ме мерибнасте те ащи всякога те помнинен калка бука. <sup>16</sup>Сокето, като обявингям туменге и сила тай о пришествие амаре Девлеско о Иисус Христос, аме нана следвинасас пирнесте измислиме баснес, а улам очевиддия Лескере величие斯基. <sup>17</sup>Сокето Ов приемингяс таро Дел о Отца почест тай слава, като тари великолепно слава ало жи Лесте савкагласос: Кавка си Моро възлюбиме Чаво, анде Колесте си Моро благоволение. <sup>18</sup>Кавкагласос шунгям коркоре аме, кай ало таро небес, като улам Леса ки свято планина. <sup>19</sup>Тай чука, о пророческо словос по бут потвърдинел пес аменг; тай туме лачес керен, кай внимавинен лесте, сар светилоске, ковато светинел андо тъмно тан, жи кай зазорингиол тай и зорница изгрениел анде тумаре сърценде. <sup>20</sup>Тай давка те жанен англал всичконасте, кай нисаво пророчество андо Писание нанай собственно е пророкиеске обяснение е Девлеске воляке; <sup>21</sup>сокето нисар нана ало пророчество манушескере волятар, но (о свята) мануша хоратиненас таро Дел; движиме таро Свято Духос.

### Chapter 2

<sup>1</sup>Но исине хохавне пророкия машкар о люде, сарто машкар туменде ка овен хохавне учителя, колато ка въведенин тайно гибелна ересиес, като даже отречинен пес таро Господари, Ковато изкупингяс лен, тай ка навлечинен песке бързо погибел. <sup>2</sup>Тай мнозина ка последвинен ленгере похитлива деловя, ашал коле манушенге о дром е истинакоро ка овел хулиме. <sup>3</sup>Тари лакомия он ка възползвинен пес тумендар престориме хоратенца; но ленгири присъда, отдавна приготвиме, нана бавинел пес, тай ленгири погибел нана дреминел. <sup>4</sup>Сокето, ако о Дел на пощадинел ангелен, като съгрешинде, но чивкяс лен андо мраки е най-дълбоконе рововиенге тай прединял лен те овен вардена за е съдоске; <sup>5</sup>тай ако на пощадинел о пурано светос, но опазингяс още ефта жененца о Ной, възгласители е правдакоро, като нанесингяс потопи упрад о нечестиво светос; <sup>6</sup>чука също, ако Ов осъдинел на разорибнасте о градовя Содом тай Гомор, тай ирингяс лен прахосте, тай поставингяс лен примериеске колкенге, колато ка керенас нечестие, <sup>7</sup>а избавингяс е праведноне Лотиес, колеске досадингясас о развратно животос е нечестивоненгоро; <sup>8</sup>(сокето кавка праведно мануш, като живинелас машкар ленде, измъчинелас дисеса пи праведно душа, като дикелас тай шунелас ленгере беззаконна дела); <sup>9</sup>но жанел о Дел сар те избавинел е благочестивонен тари напаст, а е неправеднонен те икерел телал о наказание за е

## Chapter 3

съдноне диесеске,<sup>10</sup>а особено калка, колато нечистоне пожелавимнаса следвинен о плътска страстия тай презирирен и власт. Дръзка тай надменна, он нана даран те хулинен е славноте съществиен,<sup>11</sup>жи кай о ангеля, те овен да по-баре анди моц тай сила, на представинен хулно присъда против ленде англал о Дел.<sup>12</sup>Калка обаче сар животна би разумиеско, естествено биянде, за те овен ловиме тай изтребиме, хулинен букиенге, колато нана жанен, тай ка погининен анде пере развратиесте,<sup>13</sup>понасяща онеправдание, сар заплата пе неправдаке - люде, колато считинен удоволствиеске те пирувинен о диес. Он си петна тай позори; насладинен пес пе примамкенца, като си ко угощение туменца;<sup>14</sup>о яка ленгере си перда блудствоса тай непрестаноне грехоса; преластинен е неукрепноне душен; ленгоро сърцес си сикавдо лакомияте; он си чада е проклятиеске;<sup>15</sup>мукле о право дром тай заблудисале, като последвинде о дром на Валаам Восоров, ковато дехингяс и заплата е неправдакири,<sup>16</sup>но уло изобличиме пере беззакониеске, като лалоро осели захоратингяс манушескере гласоса тай спирингяс о денилише е пророкиеско.<sup>17</sup>Он си безводна кладенция, мъглес, тласкиме тари бурия, за коленге си пазиме мрачно тъмнина жи ко векос.<sup>18</sup>Соскето, като хоратинен надутоне празнословиеса, он е разтленностяся хохавен андо плътска страстия колкен, колато едват избегвинен таро живееща андо заблуждение.<sup>19</sup>Обещинен ленге свобода, а он коркоре си робя е развратиеске; соскето состар си победиме декой, далкеске ачол робос.<sup>20</sup>Понеже, ако, след като избегнинде е светоскири поквара чрез о познаване е Девлеске тай Спасители о Иисус Христос, он пак оплетисале анде ленде тай ачон победиме, ов ленгоро последно състояние ачило по-канило таро първо.<sup>21</sup>Понеже по-лачес ка овел ленге тена пенджаренас о дром е правдакоро, отколкото, след като пенджарде лес, те иринен пес тари предиме ленге свято заповед.<sup>22</sup>Ленца ачило давка, ковато пенел и истинно пословица: О риконо ирисало бе бълвочиесте; тай: О нанярдо баличо ирисало те валянел пес анди тиня.

## Chapter 3

<sup>1</sup>Аке, любезна, пишинав туменге кавка второ послание; а андо дуи пробудинав чрез о напомняне тумаро чисто разуми,<sup>2</sup>за те помнинен о думес, хоратиме по-нангле таро свята пророкия, тай и заповед е Девлескири тай Спасители, денди чрез о бичалде туменге апостола.<sup>3</sup>Англал всичконасте жанен давка, кай андо последна диеса ка авен подигравателя, колато пе подигравкенца ка пирен пере страстиенде тай ка пенен: <sup>4</sup>Кате си лескоро обещиме пришествие? Соскето, отсар поминисале амаре дада, всичко бешел песке чука, сарту уло таро началос е създаниеско.<sup>5</sup>Соскето он своеолю нана признавинен давка, кай чрез о Божие слово таро началос сине небес тай пув, образувиме таро пани тай чрез о пани,<sup>6</sup>ашал колеске о тогавашно светос, потопиме паниестар, загинингяс.<sup>7</sup>Чука чрез о също словос о днешна небес тай пув си пазиме ятаке, съхраниме жи ко диес е страшноне съдоске тай е загивимнаске е нечестивоне манушенг.<sup>8</sup>Още тай кавка варесо тена бистрен, любезна, кай за е Девлеске иек диес си сар хиляда бреша, тай хиляда бреша - сар иек диес.<sup>9</sup>О Дел нана бавинел давка, ковато обещингяс, според сарту декой ахалон о бавиба, но ашал туменге търпинел дълго време; понеже нана мангел те погининен десаве, но саворе те авен на покаяние.<sup>10</sup>А е Девлеско диес ка авел сар чор, като о небес ка пренакел бучимнаса, а о стихиес, нажежиме, ка стопинен пес, тай и пув, дай о дела лате ка таблон.<sup>11</sup>Тай чука, понеже всичко давка ка стопингиол, саве требва те овен туме? Требе те живинен свято животос, андо благочестие,<sup>12</sup>като очаквинен тай манген\* о идване е Девлескере диесеско, ашал колеске о небес, възпламенено, ка стопингиол, тай о стихиес, нажежена, ка разложингион!<sup>13</sup>А според Лескере обещаниесте очаквинас нево небес тай неви пув, анде колате те живинел правда.<sup>14</sup>Далкеске, любезна, като жарен далка бука, старайинен тумен те араклон чиста тай непорочна англал Лесте, мириеса анде тумаре сърценде.<sup>15</sup>Тай считинен о дълготърпение амаре Девлеско сар средство спасениеске; сарту амаро любезнозо прал о Павел пишингиас туменге, според и дадено леске мъдрост,<sup>16</sup>сарту пишинел анде саворе пере посланиенде, като хоратинел анде ленде за калке букиенге; анде коле посланиенде иси десаве бука, мъчна ахалимнаске, колато о неучена тай о неукрепнала изопачинен, сарту керен околеда Писаниенца, за пери погибел.<sup>17</sup>Тай чука, туме, любезна, като синиен предизвестиме далкеске, пазинен тумен, тена увлечиме таро заблуждение е беззаконикиенге, те отперен тумаре зоралипнастар.<sup>18</sup>Но барийон анди благодат тай андо познаване амаре Девлеске тай Спасители о Иисус Христос. Леске те овел слава акана, тай жи ко вечно диес. Амин.

## 1 John

### Chapter 1

<sup>1</sup>Кавка, ковато уло таро началос, ковато шунгя, ковато диклам амаре якенца, ковато наблюдавинасас тай амаре васта пипинде, за е Словоске е животоско<sup>2</sup>(соскето о животос явисало, тай аме диклам, тай свидетелствинас, тай възвестинас туменге о вечно животос, ковато сине андо Отца тай явисало аменг);<sup>3</sup>со диклам тай шунгя, възвестинас туменгеда, за те овел туменда общение аменца; апа амаро общение си е Отециеса тай Лескоро Чаво о Иисус Христос.<sup>4</sup>Тай давка пишинас туменге, за те ачол перди амари лошали.<sup>5</sup>Тай о известие, ковато шунгя Лестар тай възвестинас туменге, си давка, кай о Дел си светлина, тай анде Лесте нанай нисави тъмнина.<sup>6</sup>Ако пенас, кай иси амен общение Леса, а пирас анди тъмнина, хохавас тай на действинас според истина.<sup>7</sup>Но ако

## Chapter 2

пирас анди светлина, сарто си Ов анди светлина, иси амен общение иек авереса, тай о рат Лескере Чавеско о Иисус (Христа) очистинел амен всеконе безехендар.<sup>8</sup> Ако пенас, кай нанай амен безех, хохавас амен тай истина нанай анде аменде.<sup>9</sup> Ако изповединас амаре безеха, Ов си верно тай праведно те простишел аменгे о безеха тай те очистинел амен всеконе неправдатар.<sup>10</sup> Ако пенас, кай на грешингям, керас е Девлес хохавно тай Лескоро словос нанай анде аменде.

## Chapter 2

<sup>1</sup>Чавален мере, давка пишинав туменге, за тена съгрешинен; но ако съгрешинел декой, иси амен Ходатай паш о Отца- о Иисус Христос о Праведно.<sup>2</sup> Ов си умилостивение за амаре безехенге тай ма само амаренге, но за е безехенге целоне светоскере.<sup>3</sup> Тай далкесте синям увериме, кай пенджараас Лес, ако пазинас Лескере заповедя.<sup>4</sup> Ковато пенгяс: Пенджараав Лес, но нана пазинел о заповедя Лескере, хохавно си, тай истина нанай анде лесте.<sup>5</sup> Но ако декой пазинел о словос Лескоро, лескири любов карик о Дел си наистина съвършено. Далкестар жанас, кай синям анде Лесте.<sup>6</sup> Ковато пенел, кай пребъдвинел анде Лесте, коркоро си длъжно те пирел, сарто пирелас о Христос.<sup>7</sup> Любезна, нанай неви и заповед, която пишинав туменге, но си пурани заповед, която сине тумен таро началос; и пурани заповед си о словос, ковато шунгиен.<sup>8</sup> Но пак си неви и заповед, която пишинав туменге, ковато варесо си истинно тай анде Лесте, тай анде аменде; соксето и тъмнина пренакел тай и истинско светлина вече светинел.<sup>9</sup> Ковато пенел, кай си анди светлина, а мразинел пе пралес, ов жи акана си анди тъмнина.<sup>10</sup> Който дехел пе пралес, ов пребъдвинел анди светлина; тай анде лесте нанай съблазан.<sup>11</sup> А който мразинел пе пралес, ов си анди тъмнина, тай анди тъмнина пирел, тай нана жанел кате жал, соксето и тъмнина корягяс лескере яка.<sup>12</sup> Пишинав туменге, чавален, соксето простисале туменге тумаре безеха ашал Лескере алавеске.<sup>13</sup> Пишинав туменге, е даденге, соксето пенджарен Калкес, Ковато си таро началос. Пишинав туменге, младежя, соксето победингиен лукавия. Пишигиом туменге, чавален, соксето пенджарен е Отцас.<sup>14</sup> Пишигиом туменге, е даденге, соксето пенджарен Калкес, Ковато си таро началос. Пишигиом туменге младежи, соксето синиен силна, тай е Девлеско слово пребъдвинел анде туменде, тай победингиен лукавия.<sup>15</sup> Ма дехен о светос, нито со иси андо светос. Ако дехел декой о светос, и любов е Отециескири нанай анде лесте.<sup>16</sup> Соксето нищо, ковато си андо светос - и страсть е плътякири, о пожелание е якенгоро, тай о тщеславие е животоскоро, нанай таро Отца, но си таро светос;<sup>17</sup> тай о светос пренакел, тай всичко, карик колесте си лес похоти; а който керел е Девлескири воля, пребъдвинел жи ко векос.<sup>18</sup> Чавален, последно време си; соксето сарто шунгиен, кай авел антихристи, тай понеже акана иси бут антихристия, далкестар жанас, кай си последно време.<sup>19</sup> Амендар иклиле, но нана уле амандар; соксето ако сине амандар, ка ачонас песке аменда; но иклиле, за те ачол явно, кай он саворе нанай амандар.<sup>20</sup> А туме синиен помазана таро Свято тай жанен всичко.<sup>21</sup> Пишинав туменге ма кай нана жанен истина, но соксето жанен ла тай ахалиловенла, кай нисаво хохаiba нанай тари истина.<sup>22</sup> Кой си хохавно, ако нанай ковка, ковато отричинел, кай о Иисус си Христос? Ов си антихристи, ковато отринел пес таро Отца тай таро Чаво.<sup>23</sup> Никой, ковато отричинел пес таро Чаво, нанай лес о Отца; а ковато изповединел е Чавес, си лес о Отца.<sup>24</sup> А колкото туменге, ковка, ковато шунгиен таро началос, нека пребъдвинел туменде. Ако пребъдвинел туменде ковка, ковато шунгиен таро началос, тумеда ка пребъдвинел андо Чаво тай андо Отца.<sup>25</sup> Тай о обещание, ковато Ов диняс амен, си давка - вечно животос.<sup>26</sup> Пишинав туменге давка ашал калкенге, колато манген те заблудинен тумен,<sup>27</sup> а колкото туменге, о помазание, ковато приемингиен Лестар, пребъдвинел анде туменде тай нанай тумен нужда те сикавел тумен декой; далкеске, сарто Лескоро помазание учинел тумен всичконасте тай си истинно, а ма хохавно, пребъдвинел анде Лесте, сарто сикавгяс тумен те керен.<sup>28</sup> Чавален, аканада пребъдвинел анде Лесте, та, като ка явинел пес, те овел амен увереност тай тена лажас Лестар андо пришествие Леске.<sup>29</sup> Ако жанен, кай Ов си праведно, те жанен, кай секой, ковато керел правда, си Лестар бияндо.

## Chapter 3

<sup>1</sup>Дикен сави любов диняс амен о Отца, те наречинас амен Божия чада; а салкада синям. Далкеске о светос нана пенджарел амен, соксето Лес нана пенджарел.<sup>2</sup> Любезна, акана синям Божия чада тай още нана ачило явно со ка оvas; но жанас, кай като ка ачол явно, ка оvas подобна Леске, соксето ка дикас Лес, сарто си.<sup>3</sup> Тай секой, ковато си лес дайка надежда анде Лесте, очистинел пес, сарто Ов си чисто.<sup>4</sup> Секой, ковато керел безеха, керел безаконие; соксето и безех си безаконие;<sup>5</sup> тай жанен, кай Ов явисало, за те лел амаре безеха. Анде Лесте нанай безех.<sup>6</sup> Никой, който пребъдвинел анде Лесте, нана съгрешинел; никой, който съгрешинел, нана диклас Лес, нито пенджаргяс Лес.<sup>7</sup> Чавален, никой тена заблудинел тумен; който керел правда, си праведно, сарто о Христос си праведно.<sup>8</sup> Който керел безех, таро бенг си; соксето о бенг таро началос съгрешинел. Далкеске явисало о Божие Чаво, за те съсишинел о дела е бенгскере.<sup>9</sup> Никой, ковато си бияндо таро Дел, нана керел безех, соксето Лескоро зародиши пребъдвинел анде лесте; тай нанащи съгрешинел, соксето си бияндо таро Дел.<sup>10</sup> Далкестар пенджарен пес е Девлескере чада тай е бенгскере чада; който на керел правда, нанай таро Дел, също ковка, ковато нана дехел пе пралес.<sup>11</sup> Соксето и поръчка, която шунгиен таро началос, си давка: те дехас иек аверес;<sup>12</sup> тай тена оvas сар о Каин, ковато уло таро лукавия тай мударгяс пе пралес. Тай соксе мударгяс лес? Соксето лескере дела уле нечестива, а лескере пралескере - праведна.<sup>13</sup> Ма чудинен тумен, пралален, ако о светос мразинел тумен.<sup>14</sup> Аме

## Chapter 4

жанас, кай пренаклам таро мериба андо животос, сокето дехас е прален. Ковато нана дехел (пе пралес), ачол андо мериба.<sup>15</sup> Всекой, ковато мразинел пе пралес, си убиицос манушенгоро; тай туме жанен, кай анде нисаве убицосте манушенгоро нана пребъдинел вечно животос.<sup>16</sup> Далkestар пенджарас и любов, кай Ов диняс по животос аменге. Чука амеда синям дълъжна те дас амаро животос е праленге.<sup>17</sup> Но ако декой, колес иси в светоскере блага, дикел пе пралес анди нужда, а заключинел по сърцес лестар, сар ка пребъдинел анде лесте е Девлескири любов?<sup>18</sup> Чавален, тена дехас хоратенца или чибаса, а делоса тай андо действително.<sup>19</sup> Далkestар ка пенджарас, кай синям тари истина, тай ка успокоинас амаро сърцес англал Лесте<sup>20</sup> относно всичко, анде колесте амаро сърцес осъдинел амен; сокето о Дел си по-баро амаре сърцестар тай жанел всичко.<sup>21</sup> Любезна, ако амаро сърцес нана осъдинел амен, иси амен увереност спрямо о Дел;<sup>22</sup> тай со да те мангас, получинас Лестар, сокето пазинас Лескере заповедя тай керас давка, ковато си угодно англал Лесте.<sup>23</sup> Тай Лескири заповед си давка: те верувинас андо алав Лескере Чавеске о Иисуса Христа, тай те дехас иек аверес, сарто заповедингяс аменге.<sup>24</sup> Тай който пазинел Лескере заповедя, пребъдинел андо Дел тай о Дел- анде лесте; тай далkestар пенджарас, кай Ов пребъдинел анде аменде- ко Духос, Ковато диняс амен.

## Chapter 4

<sup>1</sup>Любезна, ма верувинен всеконе духос, но изпитвинен е духовиен дали си таро Дел; сокето бут хохавне пророкия иклиле ко светос.<sup>2</sup> Далkestар пенджарен е Девлеско Духос: всеко духос, ковато изповединел, кай и Помазано Спасители ало анди плът, си таро Дел;<sup>3</sup> а всеко духос, ковато нана изповединел е Спасителес, нанай таро Дел; тай давка си о духос е антихристиеско, за колеске шунгиен, кай авел, тай акана си вече андо светос.<sup>4</sup> Туме синиен таро Дел, чавален, тай победингиен лен; сокето по-велико си Кавка, Ковато си анде туменде, колkestар, ковато си андо светос.<sup>5</sup> Он си таро светос, далкеске светско хоратинен тай о светос лен шунел.<sup>6</sup> Аме синям таро Дел; който пенджарел е Девлес, амен шунел; който нанай таро Дел, нана шунел амен. Далkestар пенджарас о духос е истинакоро тай о духос е заблудимнаскоро.<sup>7</sup> Любезна, те дехас иек аверес, сокето и любов си таро Дел; тай всекой, ковато дехел, бияндо си таро Дел тай пенджарел е Девлес.<sup>8</sup> Ковато на дехел, нана пенджаргяс е Девлес; сокето о Дел си любов.<sup>9</sup> Анде далkestе явисали е Девлескири любов карик аменде, кай о Дел бичалгяс ко светос Пере Единородните Чавес, за те живинас чрез Лесте.<sup>10</sup> Анде далkestе състоинел пес и любов- ма кай аме възлюбингя e Девлес, но кай Ов възлюбингяс амен тай бичалгяс Пе Чавес сар умилостивение амаре безехенге.<sup>11</sup> Любезна, понеже чука възлюбингяс амен о Дел, то амеда синям дълъжна те дехас амен иек аверес.<sup>12</sup> Никой нисар нана диклас е Девлес; но ако дехас иек аверес, о Дел пребъдинел анде аменде тай Лескири любов си съвършено анде аменде.<sup>13</sup> Далkestар пенджарас, кай пребъдинас анде Лесте тай Ов анде аменде, сокето диняс амен Пе Духостар.<sup>14</sup> Тай аме диклям тай свидетелствинас, кай о Отец бичалгяс е Чавес те овел Спасители ко светос.<sup>15</sup> Който изповединел, кай о Иисус си е Девлеско Чаво, о Дел пребъдинел анде лесте тай ов андо Дел.<sup>16</sup> Амеда пенджарас тай повервингям анди любов, която е Девлес иси карик аменде. О Дел си любов; тай който пребъдинел анди любов, пребъдинел андо Дел, тай о Дел-пребъдинел анде лесте.<sup>17</sup> Анде далkestе усъвършенствинел и любов карик аменде, като иси амен увереност андо съдно диес, сокето сарто си Ов, чука синям амеда анде далке светосте.<sup>18</sup> Анди любов нанай дар, но и съвършено любов гонинел и дар; сокето и дар иси анде лате наказание тай който дарал, нанай усъвършенствиме анди любов.<sup>19</sup> Аме дехас Лес, сокето о Дел първо възлюбингяс амен.<sup>20</sup> Ако пенел декой: Дехав е Девлес, а мразинел пе пралес, ов си хохавно; сокето който нана дехел пе пралес, колес диклас, нанащи дехел е Девлес, Колес нана диклас.<sup>21</sup> Тай кайка заповед иси амен Лестар: Който дехел е Девлес, те дехел пе пралесда.

## Chapter 5

<sup>1</sup>Всекой, който верувинел, кай о Иисус си о Помазаници, си бияндо таро Дел; тай всекой, който дехел Колкес, Ковато биянгяс, дехел е Бияндес Лестар.<sup>2</sup> Далkestар пенджарас, кай дехас е Девлескере чада, като дехас е Девлес тай изпълнинас Лескере заповедя,<sup>3</sup> сокето кайка си е Девлескири любов: те пазинас Лескере заповедя; а Лескере заповедя нанай паре.<sup>4</sup> Сокето всичко, ковато си бияндо таро Дел, побединел е светос; тай кайка си и победа, която победингяс е светос, амари вяра.<sup>5</sup> Тай кой побединел е светос, aka нанай кавка, ковато верувинел, кай о Иисус си е Девлеско Чаво?<sup>6</sup> Давка си о Иисус Христос, Ковато ало чрез о пани тай о рат; ма само чрез о пани, но чрез о пани тай чрез о рат; тай о Духос си, Ковато свидетелствинел, понеже о Духос си и истина.<sup>7</sup> Сокето трин си, колато свидетелствинен:<sup>8</sup> О Духос, о пани тай о рат; тай калка о трин свидетелствувинен.<sup>9</sup> Ако приеминас о свидетелство е манушенгоро, о свидетелство е Девлеско си по-важно; сокето давка, си е Девлеско свидетелство, колеса о Дел свидетелствинел за Пе Чавеске.<sup>10</sup> Който верувинел анде Девлескере Чавесте, иси лес давка свидетелство анде песте; който нана верувинел андо Дел, кергяс Лес хохавно, сокето нана повервингяс андо свидетелство, колеса о Дел свидетелствингяс за Пе Чавеске.<sup>11</sup> Тай о свидетелство си давка, кай о Дел диняс амен вечно животос тай кай давка животос си андо Чаво Леске.<sup>12</sup> Кас иси о Чаво, иси лес давка животос; кас нанай е Девлеско Чаво, нанай лес давка животос.<sup>13</sup> Давка пишигиом туменге, колато верувинен андо алав е Девлескере Чавеске, за те жанен, кай иси тумен вечно животос тай те верувинен андо алав е Девлескере Чавеско.<sup>14</sup> Тай и увереност, която иси амен спрямо Лесте, си давка, кай ако мангас варесо по Лескере воляте, Ов

шунел амен;<sup>15</sup>тай ако жанас, кай шунел амен, за со да те мангас Леске, жанас, кай получиас давка, ковато манглам Лестар.<sup>16</sup>Ако декой дикел пе пралес, кай керел безех, която нана ингалел карик о мериба, нека мангел, тай о Дел ка делес животос, демек, колкес, колескири безех нана ингалел карик о мериба. Иси безех, която ингалел карик о мериба- нана пенав за леске те молинел пес.<sup>17</sup>Всеко неправда си безех; тай иси безех, която нана ингалел карик о мериба.<sup>18</sup>Жанас, кай всекой, бияндо таро Дел нана съгрешинел; но ковка, ковато бияндило таро Дел, пазинел пес тай о лукавия нана докоснинел пес жи лесте.<sup>19</sup>Жанас, кай аме синям таро Дел; тай о цело светос пашлол андо лукавия.<sup>20</sup>Жанас още, кай е Девлескоро Чаво ало тай диняс амен разуми те пенджарас е истиноне Девлес; тай аме синям андо истинно, демек, анде Лескере Чавесте о Иисуса Христа. Давка си о истинско Дел тай вечно животос.<sup>21</sup>Чавален, пазинен тумен таро идола. Амин.

## 2 John

### Chapter 1

<sup>1</sup>Таро презвитери жи ки избираме госпожа тай жи лакере чавенде, колен ме наистина дехав (тай ма само ме, но саворе, колато пенджарде и истина): <sup>2</sup>ашал е истинаке, която пребъдвинел анде аменде тай ка овел аменца жи ко векос: <sup>3</sup>Благодат, милост, мири те овен аменца таро Дел Отца тай таро Господа Иисуса Христа, о Чаво на Отца, анди истина тай любов.<sup>4</sup>Бут лошангиом, кай араклом десаве те чадовиендар те пирен анди истина, сарту приемингям заповед таро Отца. <sup>5</sup>Тай акана, госпожо, молинав тут, ма сар кай пишинав тухе неви заповед, но кайка, която сине амен таро началос: те дехас иек аврес. <sup>6</sup>Тай и любов си давка: те пирас Лескере заповедиенде. Кайка си и заповед, анде колате требе те пирен, сарту шунгиен таро началос.<sup>7</sup>Соскето бут измамниия дине андо светос, колато нана изповединен о идване е Помазаникескоро Спасители анди пълт. Савка мануш си измамници тай антихристи. <sup>8</sup>Пазинен тумен, тена нашален ковка, ковато изработингиен, а те получинен пълно награда.<sup>9</sup>Който престъпил о Христово учение тай на пребъдвинел анде Лесте, нанай лес о Дел; кавка, ковато пребъдвинел андо Христово учение, лес иси о Отца, тай о Чаво. <sup>10</sup>Ако декой авел паш туменде тай нана анел давка учение, ма приеминен лес туменде, тай ма поздравинен лес<sup>11</sup> соскето, който поздравинел лес, ачол участники анде лескере каниле деловиенде.<sup>12</sup>Иси ман бут те пишинав туменге, но нана мангав те пишинав книгаса тай мастилоса обаче надявинав ман те авав паш туменде тай муй моса те хоратинас аменге, за те овел тумари лошли перди.<sup>13</sup>Поздравинен тут о чада те избраноне пенякере. Амин.

## 3 John

### Chapter 1

<sup>1</sup>Таро презвитери жи ко любезно Гай, колес наистина дехав: <sup>2</sup>Любезни, молинаман те благоуспеинес тай те овес зорало андо всичко, сарту благоуспеинел ти душа. <sup>3</sup>Соскето бут лошангиом, като але десаве прала тай свидетелствинде за тере вярностяке, според сарту пирес анди истина. <sup>4</sup>По-бари лошали нанай за мангес далkestар, те шунав, кай мере чада пирен анди истина.<sup>5</sup>Любезни, ту керес верно бути андо всичко, ковато керес за е праленге, и то чужденциенге; <sup>6</sup>колато свидетелствинде англал и кангери за тери любов. Лачес ка керес те изпратинес лен сарту подобава англал о Дел; <sup>7</sup>соскето за е Христовоне алавеске иклиле, без те лен варес таро езичниция. <sup>8</sup>Далкеске аме синям длъжна те посрещниас салкен лошаласа, за те овас съработниция е истинаса. <sup>9</sup>Пишигиом няколко думес жи ки кангери; но о Диотреф, ковато дехел те началствинел машкар ленде, нана приеминел амаро увещание.<sup>10</sup>Далкеске, ако авав, ка напомнинав е деловиенге, колато керел, като злословинел против аменде. Тай като нана задоволинел пес далкеса, ов ма само кай коркоро на приеминел е прален, но възпириел калкен, колато манген те приеминен лен, тай гонинел лен тари кангери.<sup>11</sup>Любезна, ма подражавине е канилипнаске, а е лачипнаске. Ковато керел лачипе, таро Дел си; ковато керел канилипе, нана диклас е Девлес.<sup>12</sup>За е Димитрий свидетелствинел пес лачипе саворендар тай тари сама истина; а още амеда свидетелствинас; тай ту жанес, кай амаро свидетелство си истинно.<sup>13</sup>Сине ман бут те пишинав тухе, но нана мангел пес мангес те пишинав тухе мастилоса тай пероса,<sup>14</sup>а надявинавман сиго те диков тут тай ка хоратинас муй моса. Мири тухе. Поздравинен тут о амала. Поздравине е амален ко алова.<sup>15</sup>

## Jude

### Chapter 1

<sup>1</sup>О Юда, слугас на Иисуса Христа, а прал е Яковескоро, жи ко призвана, осветиме таро Дел Отца тай пазиме андо Иисуса Христа:<sup>2</sup>Милост, мири тай любов те умножинен пес туменге.<sup>3</sup>Любезни, макар те овела ман баро желание те пишинав туменге за амаре общоне спасениеске, счетингиом нужнонеске те пишинав тай те увещинав тумен те боринен тумен е вяраке, която иеквар завинаги ули предиме е светиенге.<sup>4</sup>Соскето машкар туменде вмъкнисале десаве мануша, колато отдавна уле посочиме, кай подлежинен ко осъждане, нечестивция, колато покваринен и благодат амаре Девлескири похотливостяса тай отричинен пес таро единствено Владетели тай о

Дел амаро о Исус Христос.<sup>5</sup> А мангав те дав тумен годи (чука като ахалилен вече всичко давка), кай о Дел, като избавингяс иеквар Пере народос тари Египетско пув, после погубингяс колкен, колато нана повервинде;<sup>6</sup> тай кай ангеля, колато нана запазинде ленгоро подобаващо положение, а напуснинде по собствено жилище, Ов икерел лен телал о мраки андо вечна оковес за ко съдос е великоне диеесеске;<sup>7</sup> карто о Содом, Гомор тай ленгере околна градовя, колато, подобно ленге, предине пес ко блудство тай перенас андо противоестествена порокия\*, си поставиме примериеске, като пиравен о наказание е вечноне ягакоро.<sup>8</sup> При все давка, ко също начини калкада пе суненца осквернинен и плът, презиринен и власт тай хулинен о славна същества.<sup>9</sup> А о архангел Михаил, като анди борба е бенгеса препириналес пес е Мойсейескере телоске, на посмеингяс те произнесинел против лесте хулително присъда, а пенгяс: О Дел те смъмринел тут!<sup>10</sup> Калка обаче хулинен всичко, со нажанен; а со жанен по природа, карто о животна би разумиеско, анде далкесте развратинен пес.<sup>11</sup> Горко ленге! Соскето пирен ко Каиново дром, ашал и печалба мукен пес андо Валаамово заблуждение тай погининен андо Кореево упорство.<sup>12</sup> Он си подводна скалес, като пирувинен туменца би дарацко анде тумаре дружелюбноне гощавкенде, тай пасинен коркоре пес; безводна облакия, пиравде таро балваля; есенна каща, бесплодна, дваж муле, изкорениме;<sup>13</sup> свирепа морска вълни, ко-лато измушен сар пеня пере билажакере дела; скитаща звезди, за коленгте о мраки е тъмнинако пазинел пес навеки.<sup>14</sup> За ленге пророкувингяс о Енох, е седмо таро Адам, като пенгяс: Аке, о Дел авел деше хилядоне Пере светиенца<sup>15</sup> те керел съдос упраш саворенде тай те обявинел виновненоне саворе нечестивиен за саворе нечестивоне деловиенге, колато андо нечестие керде, тай саворе жестоконе хоратенге, колато о нечестива грешника хоратинде против Лесте.<sup>16</sup> Он си роптателя, оплаквачия, колато пирен пе страстиенде (тай ленгоро муй хоратинел надуто), тай ашал и печалба ласкаинен е манушен.<sup>17</sup> Но туме, възлюбена, помнинен о хоратес, хоратиме по-нангле таро апостола амаре Девлескоро о Исус Христос,<sup>18</sup> сар пененас туменгте, кай андо последно времес ка овен присмивация, колато ка пирен пере нечестивоне страстиенде.<sup>19</sup> Он си, колато керен разцепления, плътска, колен нанай лен о Духос.<sup>20</sup> А туме, любезна, като назидавинен тумен тумаре пресвятое вяраке тай молинен тумен андо Свято Духос,<sup>21</sup> пазинен тумен анде Девлескири любов, като жарен и милост амаре Девлескири о Исус Христос за вечноне животоске.<sup>22</sup> Тай карик иекенде, колато си андо съмнение, овен милостива;<sup>23</sup> аверен спасинен, като икален лен тари я; а карик о трета покажинен милост, дараса, като жунган даже тай таро осквернено тари плът шехи.<sup>24</sup> А Колкеске, Ковато ащи пазинел тумен таро препъване тай те поставинел тумен непорочна анди лошли англал Пере славате,<sup>25</sup> е Единственоне Девлескири амаро Спасители чрез о Иисуса Христа амаро Дел, те овел слава тай величие, господство тай власт, тай англал саворе вековиенде, тай акана, тай жи ко саворе вековя. Амин.

## Revelation

### Chapter 1

<sup>1</sup>Откровение таро Иисуса Христа, ковато диняс Лес о Дел, за те покажинел Пе слугенге ковка, ковато иси сиго те ачол; а о Христос бичалгяс, тай араклас лес чрез Пере ангелесте Пере слугаске о Йоан,<sup>2</sup> ковато възвестингяс о Божие словос тай свидетелствингяс за Иисус Христос, тай всичко, ковато диклас.<sup>3</sup> Блажено ковка, ковато четинел англал колкенде, тай колка, колато шунен о думес калке пророчествоскере тай пазинен о пишими анде лесте; сокето о време си паше.<sup>4</sup> О Йоан - жи ко ефта кангеря, колато си анди Азия: благодат тай мири туменгте Колкестар, Ковато си, тай Ковато уло, тай Ковато ка овел\*, тай таро ефта духовя, колато си англал Лескере престолесте,<sup>5</sup> тай таро Иисуса Христа, Ковато си о верно свидетели, о първородно тари муле тай о началини е земноне тагаренгоро. Леске, Ковато дехел амен тай развържингяс амен\* амаре безехендар чрез Пе ратесте,<sup>6</sup> тай Ковато кергяс амен тагарипе таро свещеники Пере Девлеске тай Отеци, Леске те овел слава тай господство жи ко вечна вековя! Амин.<sup>7</sup> Аке, авел е облакиенца; тай ка дикел Лес секо як, тай колка, колато хевлярде Лес; тай саворе земна племена ка възридаинен за Леске. Чука си. Амин.<sup>8</sup> Ме синиом Алфа тай Омега, пенел о Дел, Ковато си, тай Ковато уло, тай Ковато ка овел, о Всемогъщо.<sup>9</sup> Ме, о Йоан, тумаро прал тай съучастники андо неволес тай андо тагарипе, тай анди устояване, колато си чрез о Иисуса (Христа), ульом ко острови, наречиме Патмос, ашал е Божие словоскете тай о свидетелство за Иисуса (Христа).<sup>10</sup> Андо Господно диес ульом андо изстъпление чрез о Духос; тай шунгиом палал манде силно гласос, сар тръбатар, ковато пенелас:<sup>11</sup> Со дикес, пишине книгите тай бичал лес жи ко ефта кангеря: жи ко Ефес, жи ки Смирна, жи ки Пергама, жи ки Тиатир, жи ки Сардис, жи ки Филаделфия тай жи ки Лаодикия.<sup>12</sup> Тай ирингиом ман те дикав Калкес\*, Ковато хоратингяс манг; тай като ирисалом, диклом ефта златна светилники;<sup>13</sup> тай машкар о светилники Иек сар о Човешко Чаво, урявдо дълго шехи тай препасиме около пе колиниесте златноне поясиеса;<sup>14</sup> а о шеро тай о бала Лескере сине парне сар парни вълна, сар ив, тай о яка Лескере - сар ягакоро пламаки;<sup>15</sup> тай о пире Лескере препенас лъскавоне медиесте, сар анди пещ пречистиме; а о гласос Лескоро сине сар гласос буте паниенгоро;<sup>16</sup> тай сине анди десница Леске ефта звезди; тай таро муй Леске иклолас двуостро мечи; тай о муй Лескоро светинелас, карто светинел о кам ан пе силате.<sup>17</sup> Тай като диклом Лес, пелом ко пире Леске сар муло; а Ов положингяс Пи десница упраш манде тай пенгяс: Ма дара; Ме синиом о Първо тай о Последно, тай о Живдо;<sup>18</sup> улом муло, тай аке, живдо синиом жи ко вечна вековя; тай иси ман о ключовя е мерибнаскере тай е адискере.<sup>19</sup> Пишине давка, ковато диклан, тай давка, ковато си, тай

## Chapter 2

давка, ковато си те ачол после.<sup>20</sup> Акетали и тайна е ефта звезденгири, колато диклан ан Ме десницате, тай о ефта златна светилникия: о ефта звезди си о ангела е ефта кангериенгере; тай о ефта светилникия си о ефта кангера.

### Chapter 2

<sup>1</sup>Жи ко ангели е Ефесконе кангеријако пишине: Давка пенел Ковка, Ковато икерел о ефта звезди ан Пе десницате, Ковато пирел машкар о ефта златна светилникия: <sup>2</sup>Жанав тере деловя, о трудос тай то търпение тай кай наци търпинес е каниле манушен, тай изпитингян колкен, колато наречинен пес апостола (а нанай), тай араклан лен хохавне;<sup>3</sup>тай иси тут, търпение заради алвеске издържингян тай нана уморисалан. <sup>4</sup>Но си ман давка против туте, кай муклан ти първо любов. <sup>5</sup>Тай чука, спомнине туке катар пелан тай покайне тут, тай действине според те първа деловя; тай ако ли не, ка авав паш туте (сиго) тай ка ваздав то светилники лескере танестар, ако на покайнес тут. <sup>6</sup>Но иси тут давка лачипе, кай мразинес о деловя е николаитиенгере, колато Меда мразинав. <sup>7</sup>Кас иси кан, нека шунел со хоратинел о Духос е кангериенгеле: Калкеске, ковато побединел, ка дав те хал таро каш е животоске, ковато си (машкар) Божие рай. <sup>8</sup>Жи ко ангели е Смирненсконе кангеријако пишине: Давка пенел о Първо тай о Последно, Ковато ачило муло тай оживингяс: <sup>9</sup>Жанав (тере деловя), тери скръб тай сиромашия (но пак синян барвало), тай сар клеветинен тут колка, колато наречинен пес юдея, но нанай, а си сатанинско сбогище.<sup>10</sup> Ма дара далкестар, колестар сиго ка пострадинес. Аке, о бенг сиго ка чивел декас тумендар анди тъмница, за те овен изпитиме, тай ка страдинен деш диес. Ов верно жи ко мериба тай Ме ка дав тут о венеци е животоско. <sup>11</sup>Кас иси кан, нека шунел со хоратинел о Духос е кангериенгеле: Ковато побединел, нанай те овел повредиме таро второ мериба. <sup>12</sup>Жи ко ангели е Пергамсконе кангеријако пишине: Давка пенел Кавка, Ковато икерел о двуостро мечи: <sup>13</sup>Жанав кате живинес\*, оте кате си о престоли е Сатанаско; тай икерес зоралесте Мо алав, тай на отречисалан тари вяра анде Манде даже андо диеса, като мударде Мере верноне свидетелес о Антипа мащкар туменде, кате живинел о Сатана. <sup>14</sup>Но иси ман хари варесо против туте, соскето иси тут оте десаве, колато икерен о учение е Валаамеско, ковато учинелас е Валакиес те поставинел съблазн англал о Израилева чаве, за те хан идоложертвено тай те блудствинен. <sup>15</sup>Чука също иси тутда десаве, колато икерен, подобно колкенге, о учение е николаитиенгоро. <sup>16</sup>Далкеске, покайне тут; тай ако ли не, ка авав паш туте сиго тай ка воювинав против ленде, е мечиеса, ковато иклол Ме мостар. <sup>17</sup>Кас иси кан, нека шунел со хоратинел о Духос е кангериенгеле: Калкеске, ковато побединел, ка дав тари гаравди манна; ка дав лес парно бар, тай ко бар нево алав пишими, ковато никой на пенджарел, освен ковка, ковато получинел лес. <sup>18</sup>Жи ко ангели е Тиатирсконе кангеријако пишине: Давка пенел е Девлеско Чаво, Колес иси яка сар ягакоро пламъки тай Колескере пире препен лъскавоне медиесте: <sup>19</sup>Жанав тере деловя тай и любов, и вяра, о служение тай то търпение тай кай те последна деловя си по бут таро първа. <sup>20</sup>Но иси ман против туте давка, кай търпинес е жувля и Езавел, която наречинел пес пророчица, те сикавел тай те хохавел Мере слуген те блудствинен тай те хан идоложертвено. <sup>21</sup>Тай диниом ла времес те покайнел пес, но ой на мангел те покайнел пес пе блудствоске. <sup>22</sup>Аке, ка чивав ла насвале танесте, а колка, колато прелюбодействинен ласа, ка потопинав анди бари скръб, ако на покайнен пес пере деловиенгеле. <sup>23</sup>Тай лакере чадовиен ка мударав мориеса. Тай саворе кангера ка пенджарен, кай Ме синиом, Ковато изпитвинав о андрунипе тай о сърца; тай ка въздав секаске тумендар според лескере деловиенде.<sup>24</sup> А туменгте, о останала андо Тиатир, колато на поддържинен кавка учение, тай колато на пенджарде о дълбини (сарто он наречинен лен) е Сатанаске, пенав: Нанай те наложинав туменгте авер товари; <sup>25</sup>но икерен ковка, ковато иси тумен, жи кай авав. <sup>26</sup>Тай калкеске, ковато побединел тай ковато пазинел Мере дела жи ко крайос, ка дав власт упран о народос<sup>27</sup>( тай ов "Ка управлинел лен железноне жезълеса; он ка строшинен пес сар грънчарска съдова"), сарто Меда получингиом власт таро Моро Отца. <sup>28</sup>Тай ка дав лес и зорница. <sup>29</sup>Кас иси кан, нека шунел со хоратинел о Духос е кангериенгеле.

### Chapter 3

<sup>1</sup>Жи ко ангели е Сардийсконе кангеријако пишине: Давка пенел Ковка, Колес иси о ефта Божия духовя тай о ефта звезди: Жанав тере деловя, кай алавесте синян живдо, но синян муло. <sup>2</sup>Ухти тай укрепине о останало, ковато си мерибнасте; соскето нана араклом тере деловя съвършена англал Мере Девлесте. <sup>3</sup>Помнине со приемингян тай шунгян, тай пазине лес, тай покайне тут, Тай чука, ако на ухкиес, ка авав сар чор; тай нанай те жанес анде коле сахатиесте ка авав упран туте. <sup>4</sup>Но иси тут неколко души андо Сардис, колато на оскверниинде пе шехя, тай он ка пирен Манца анде парне шехиенде, соскето си достойна. <sup>5</sup>Който побединел, ка уриел пес анде парне шехиенде; тай Ме нисар нанай те изличинав лескоро алав тари книга е животоскири, но ка изповединав лескоро алав англал Ме Отециесте тай англал Лескере ангеленде. <sup>6</sup>Кас иси кан, нека шунел со хоратинел о Духос е кангериенгеле. <sup>7</sup>Жи ко ангели е Филаделфийсконе кангеријако пишине: Давка пенел о Свято, Истинско, Колесте си о Давидово ключос; Ковато пуртел, тай никой наци пандел; тай Ковато пандел, тай никой наци пуртел. <sup>8</sup>Жанав тере деловя. Аке, поставингиом англал туте пуртердо вудар, ковато никой наци пандел, понеже, като си тут хари сила, пак пазингян Моро словос тай на отречисалан Мере алавестар.<sup>9</sup> Аке дав тут колкендар,таро стананинско сбогище, колато наречинен пес юдея, но нанай, а хохавен - аке, ка керав лен те авен тай те поклонинен пес англал те пиренде, тай те пенджарен, кай Ме възлюбингиом тут. <sup>10</sup>Понеже опазингян Мери заповед те

## Chapter 4

издържинес, то Ме ка опазинав тут таро сахати е изпитаниеско, ковато ка авел упрат и цело вселена те изпитвинел колкен, колато живинен ки пув.<sup>11</sup> Аке авав сиго; икер зоралесте ковка, ковато иси тут, за тена отнеминел никой то венеци.<sup>12</sup> Ковато побединел, ка керав лес стълби андо храми Мере Девлеско; катар нанай те иколл вече аври; тай ка пишинав лесте о алаб Мере Девлеско, тай о алаб е градиеско Мере Девлеско, о нево Ерусалим, ковато ухлел таро небес Мере Девлестар; ка пишинав Моро нево алаб.<sup>13</sup> Кас иси кан, нека шунел со хоратинел о Духос е кангериенге.<sup>14</sup> Жи ко ангели е Лоадийсконе кангеряко пишине: Давка пенел Амин, о верно тай истинско Свидетели, о Начинатели е Боже създanieско: <sup>15</sup> Жанав те деловя, кай на синян нито шудро, нито тато. Де те овесас ту шудро или тато!<sup>16</sup> Чука, понеже синян хладко, нито тато, нито шудро, ка избълвинав тут Ме мостар.<sup>17</sup> Понеже пенес: Барвало синиом, барвалилом нанай ма нужда нисостар, а нажанес, кай ту синян окаяно, нещастно, чоро, коро тай нанго,<sup>18</sup> то съветвинав тут те кинес Мандар златос, пречистиме ягаса, за те барвалос, тай парне шехя, за те уриес тут, кай тена дикиол о лажипе тере нангибнаскоро, тай благо мхлеми, за те макес те яка, за те дикес.<sup>19</sup> Колкен, колен дехав, Ме изобличинав тай накажинав; далкеске ов ревностно те покайнес тут.<sup>20</sup> Аке, бешав ко вудар тай хлопинав, ако шунел декой Мо гласос тай пуртел о вудар, ка дав паш лесте тай ка вечеринав леса, тай ов Манца.<sup>21</sup> Калкеске, ковато побединел, ка дав те бешел Манца Мере престолесте, сарто Меда победингиом тай бешлом Мере Отециеса Лескере престолесте.<sup>22</sup> Кас иси кан, нека шунел со хоратинел о Духос е кангериенге.

## Chapter 4

<sup>1</sup>Палал далкесте диклом, тай аке, пуртердо вудар ко небес; тай о предишно гласос, ковато шунгиомас те хоратинел манца сар тръба, пенгяс: Качине тут ате тай ка покажинав туке кавка, ковао требе те ачол после. <sup>2</sup> Ко сахати араклилом андо Духос, тай аке, ко небес сине поставиме престоли, тай ко престоли бешлас Иек. <sup>3</sup> Тай о Бешло препелас баресте яспис тай сардис; исине около о престоли дъга, наглед сар смарагди. <sup>4</sup> Тай около о престоли сине бишуштар престола, тай ко престола бешенас бишуштар старейшинес, урявде анде парне шехиенде, тай ко шере ленге златна венци. <sup>5</sup> Тай таро престоли и克лонас светкавицес, гласовя тай гърмежия. Тай англал о престоли таблонас ефта ягакере светила, колато си о ефта Божия духовя. <sup>6</sup> Тай англал о престоли сине варесо сар стъклено морес, подобно кристалесте, а машкар о престоли тай около лесте - штар жива същества, перда яженца англалда, палалда.<sup>7</sup> О първо живдо същество препелас лъвосте, о второ препелас телцосте, о трето сине лес мui манушеско тай о четвърто същество препелас летящоне орелесте. <sup>8</sup> Тай о штар жива същества, сине лен по шов крила, уле перда яженца около песте тай андрал; тай он на престанинен о диес тай ират те пенен: Свято, свято, свято о Дел Всемогъщо, Ковато уло, тай Ковато си, тай Ковато ка овел!<sup>9</sup> Тай като о живде същества принесинен слава, почит тай благодарение Калкеске, Ковато бешел ко престоли тай живинел жи ко вечна вековя,<sup>10</sup> дешуштар старейшинес перен англал о Бешло ко престоли, тай кланинен пес Колкеске, Ковато живинел жи ко вечна вековя, тай положинен пе венци англал о престоли, като пенен: <sup>11</sup> Достоинно синян, Господи тай Девла амаро, те приеминес слава, почит тай сила; сокето Ту създинян всичко, тай по Тери воля всичко съществувинел тай уло създиме.

## Chapter 5

<sup>1</sup> Тай диклом анди десница е Бешлеске ко престоли книга, пишиме андрал тай аврят, запечатиме ефта печатиенца. <sup>2</sup> Тай диклом, кай иек силно ангели прогласинелас високоне гласоса: Кой си достоинно те разгъниинел и книга тай те разпечатинел лакере печатя?<sup>3</sup> Тай никой, нито ко небес, нито ки пув, нито телал и пув, нащине разгъниинел и книга, нито те дикел ла. <sup>4</sup> Тай ме руниом бут, сокето никой нана араклило достоинно те разгъниинел и книга, нито те дикел ла. <sup>5</sup> Но иек таро старейшинес пенгяс манг: Ма ров; аке о Лъвос, Ковато си таро Юдово племес, о Давидово корени, победингяс тай ащи разгъниинел и книга тай те разпечатинел лакере ефта печатя. <sup>6</sup> Тай диклом машкар о престоли тай о штар живде същества. машкар ленде тай о старейшинес, кай бешелас Бакро, сар заклано, колес сине ефта шинга тай ефта яка, колато си о ефта Божия духовя, бичалде ки цело пув. Тай Ов ало, тай лилас и книга тари десница е Бешлеске ко престоли. <sup>7</sup> Тай като лилас и книга, о штар живде същества тай о бишуштар старейшинес пеле англал о Бакро, като секой икерелас арфа тай златна чашес, перда тамяниеса, колато си о молитвес е светиенгере. <sup>8</sup> Тай гилябенас неви гили, като пененас: Достоинно синян те лес и книга тай те разпечатинес о печатя лакере, сокето улан заклано тай Те ратеса изкупингян е Девлеске манушен всеконе родиестар, чиб, племес тай народи,<sup>10</sup> тай кергян лен амаре Девлеске тагара\* тай свещеники; тай он ка царувинен ки пув.<sup>11</sup> Тай диклом, тай шунгиом гласос буте ангелендар около о престоли тай о живде същества, тай о старейшинес; (тай ленгоро брои сине деш миля по деш миля тай миля по миля);<sup>12</sup> тай пененас високоне гласоса: Достойно си о Бакро, Ковато уло заклано, те приеминел сила тай барвалипе, премъдрост тай могъщество, почит, слава тай благословение.<sup>13</sup> Тай секо създание, ковато си андо небес, ки пу тай телал и пув, тай ко морес, тай всичко, ковато си анде ленде, шунгиом те пенел: Калкеске, Ковато бешел ко престоли, тай е Бакреске те овел благословение тай почит, слава тай господство жи ко вечна вековя.<sup>14</sup> Тай о штар живде същесва пенде: Амин! Тай о старейшинес пеле тай поклонисале\*.

## Chapter 6

### Chapter 6

<sup>1</sup>Тай диклом, като о Бакро путергияс иек таро ефта печая, тай шунгиом иек таро штар живде същества те пенел гласоса сар гръми: Ела тай дик! <sup>2</sup>Тай диклом, так аке парно грас; тай о яздещо лесте сине лес лъки; тай диняя пес леске венеци, тай ов иклило сар победители, за те побединел. <sup>3</sup>Тай като путергияс о второ печати, шунгиом о второ живдо същество те пенел: Ела тай дик! <sup>4</sup>Тай иклило авер грас, огнено лоло; тай е язденонеске лесте диняя пес те отнеминел о мири тари пув, тай о мануша те мударен пес иек аверес; тай диняя пес леске баро мечи. <sup>5</sup>Тай като путергияс о трето печати, шунгиом о трето живдо същество те пенел: Ела тай дик! Тай диклом, тай аке кало грас, тай о яздещо лесте сине лес теглилка андо вас леске. <sup>6</sup>Тай шунгиом варесо сар гласос машкар о штар живде същества, ковато пенелас: Иек хиникси пшеница за динариеске, тай трин хиниксия ечемики динариескел; а о кащуно масло тай и мол ма повредине. <sup>7</sup>Тай като путергияс о четвърто печати, шунгиом о гласос е четвъртоне живде съществоскоро, ковато пенелас: Ела тай дик! <sup>8</sup>Тай диклом, тай аке пепелявосиво грас, тай о алав е язденонеско алав сине Мериба, тай о Ади пирелас палал лесте; тай диняя пес ленге власт упран и четвърто част тари пув те мударен мечиеса, бокаса, мориеса, тай е земноне зверовиенца. <sup>9</sup>Тай като путергияс о пето печати, диклом телал о олтари о души колкенгере, колато уле заклана е Божие словоске тай за о свидетелство, ковато опазингиом. <sup>10</sup>Тай он пищиненас високоне гласоса, като пененас: Жи канна Господарю Свято тай Истинно, нанай те съдинес тай те въздес и живееноне ки пув за амаре ратеске? <sup>11</sup>Тай секаске лендар диняя пес по иек парно шехи тай пенгияс пес ленге те почивинен песке още хари времес, жи кай допълнигиол о брои ленгере съслужителенгоро тай о прала ленгере, колато ка овенас мударде сар ленде. <sup>12</sup>Тай диклом, като путергияс о шесто печати, кай ачило баро труси: о кам калило сар вретище тари козина, тай и цело луна ачили сар рат; <sup>13</sup>о небесна звезди пеле ки пув, карто и смокиния разлюлим силеноне балвалатар, метнинел пе незрелоне смокиниен. <sup>14</sup>о небес цидисало тай нависало сар свитъки; тай саворе планини тай островия ваздисале пе танестар. <sup>15</sup>Тай о земна тагара, о големци тай о хилядника, о барвале тай о силна, всеко роби тай свободно гаравде пес андо пещери тай машкар о скалес е планинакере; <sup>16</sup>тай пенен е планинене тай е скалене: Перен упран аменде тай гаравен амен таро муй е Бешлеске ко престоли тай таро гневи е Бакреске; <sup>17</sup>сокето ало о велико днес Ленгере\* гневиескоро; гай кой ащи устоинел?

### Chapter 7

<sup>1</sup>Палал далкесте диклом штартангела, бешле ко штар ъгъля е пувякере тай икеренас о штар земна балвала, за тена пудел нисави балвал нито ки пув, нито ко морес, нито упран деке кащесте. <sup>2</sup>Тай диклом авере ангелес те ваздел пес тари изток, колесте сине о печати е живде Девлескоро; тай ов пищингияс високоне гласоса карик о штар ангела, колене уло дендо те поврединен и пув тай о морес, тай пенгияс: <sup>3</sup>Ма поврединен и пув, нито о морес, нито о каща, англал те чалавас печати ко чеката е слугенге амаре Девлескере. <sup>4</sup>Тай шунгиом о брои е подпечатоненгоро - шел тай саранда тай штар хиляда подпечатиме саворе племенендар е израиленге: <sup>5</sup>таро Юдово племес - дешудуи подпечатиме; таро Рувимово племес - дешудуи хиляда; таро Гадово племес - дешудуи хиляда; <sup>6</sup>таро Асираво племес - дешудуи хиляда; таро Нефталимово племес - дешудуи хиляда; таро Манасиево племес - дешудуи хиляда; <sup>7</sup>таро Симеоново племес - дешудуи хиляда; таро Левиево племес - дешудуи хиляда; таро Исахарово племес - дешудуи хиляда; <sup>8</sup>таро Завулоново племес - дешудуи хиляда; таро Йосифово племес - дешудуи хиляда; таро Вениаминово племес - дешудуи хиляда подпечатиме. <sup>9</sup>Палал далкесте диклом, тай аке - баро множествос, колес никой нащине генел, секоне народостар тай таро саворе племена, люде тай езикия, стояща англал о престоли тай англал о Бакро, урявде анде парне шехиенде, палмовоне клонкенца ан пе вастенде, <sup>10</sup>тай пищиненас високоне гласоса, тай пененас: Спасение амаре Девлеске, Ковато бешел ко престоли, тай е Бакреске!

<sup>11</sup>Тай саворе ангела бешенас около о престоли, о старейшинес тай о штар живде същества; тай пеле пе мосте англал о престоли тай поклонисале е Девлеске, като пененас: <sup>12</sup>Амин! Благословение, слава тай премъдрост, благодарение тай почит, сила тай могъщество амаре Девлеске жи ко вечна вековя! Амин. <sup>13</sup>Тогава иек таро старейшинес захоратингияс, като пенгияс манг: Калка, о урявде анде парне шехиенде, кола си? Тай катар але?

<sup>14</sup>Тай пенгиом леске: Господине ту жанес. А ов пенгияс манг: Кавка си колка, колато авен тари бари скръб; тай товде пе шехя, тай парнядре лен андо рат е Бакреске. <sup>15</sup>Далкеске си англал о престоли е Девлеске тай служинен Леске о днес тай ират анде Лескере храмиесте; тай о Бешло ко престоли ка разпростринел Пи скиния упран ленде. <sup>16</sup>Нанай те бокалон вече, нито те ожаднинен, нито ка чалавел лен о кам, нито десаво пеки; <sup>17</sup>сокето о Бакро, Ковато си машкар о престоли, ка овел ленге пастири тай ка ингалел лен паш извориенде живде паниеса; тай о Дел ка косел секо асвин ленгере якендар.

### Chapter 8

<sup>1</sup>Тай като путергияс о седмо печати, ачило мълчание ко небес около екваш сахати. <sup>2</sup>Тай диклом, кай е ефта ангеленге, колато бешен англал о Дел, дине пес ефта тръбес. <sup>3</sup>Тай авер ангели ало, тай зачило ко олтари, икерелас златно кадилница; тай леске диняя пес бут тамяни, за те прибавинел лес карик о молитвес саворе светиенгере упран о златно олтари, ковато сине англал о престоли. <sup>4</sup>Тай о кадилно тув ваздисало англал о Дел таро вас е

## Chapter 9

ангелеске заедно е молитвенца е светиенгере.<sup>5</sup>Тай о ангели лилас и кадилница, пергяс ла ягаса таро олтари тай чикяс и яг ки пув; тай ачиле гърмежия тай гласовя, светкавицес тай труси.<sup>6</sup>Тай о ефта ангела, колато икеренас о ефта тръбес, приготвисале те затъбинен.<sup>7</sup>Като затръбингяс о първо ангели, пели градушка тай яг, ехмиме ратеса, колато уле чивте ки пув; тай иек трето тари пув табили, също иек трето таро каща табиле, табили всеко зелено чар.<sup>8</sup>Тай като затръбингяс о второ ангели, варесо сар бари планина, пламниме анди яг, чивгяс пес андо морес; тай иек трето таро морес ачило ратесте,<sup>9</sup>тай муле иек трето част таро одушевена същества, колато уле андо морес; тай иек трето таро корабия уле унищожиме.<sup>10</sup>Тай като затръбингяс о трето ангели, пели таро небес бари звезда, която таблолос сар факели, тай пели упран и иек трето ления тай упран о водна извория.<sup>11</sup>А о алав е звездакоро си Пелин; тай иек трето таро паня ачило пелини, тай бут мануша муле таро паня, сокето вгорчисале.<sup>12</sup>Тай като затръбингяс о четвърто ангели, иек трето таро кам тай иек трето тари луна, тай иек трето таро звезди, уле поразиме, тай те потъмниел иек трето лендар, тай иек трето таро диеес тена светинел, чука иек трето тари ират.<sup>13</sup>Тай диклом, тай шунгиом иеке орелес\*, ковато урятас машкар о небес тай пенелас високоне гласоса: Горко, горко, горко е пувякере жителенге ашал около тръбна гласовя таро трин ангела, колато още иси те затъбинен!

## Chapter 9

<sup>1</sup>Тай като затръбингяс о пето ангели, диклом иеке звезда, пели ки пув таро небес, колаке диняс пес о ключос тари бездънно пропаст.<sup>2</sup>Тай ой путергяс и бездънно пропаст; тай тув ваздисало тари пропаст сар тув тари бари пещ; тай о кам тай о въздухи потъмнинд таро тув е пропастяке.<sup>3</sup>Тай таро тув иклите скакалци ки пув; тай диняс пес ленге сила, сарто си и сила, която иси е земноне скорпиониен.<sup>4</sup>Но заръчисало ленге тена поврединен и чар ки пув, нито десави зеленина, нито десаво кащ, а само салке манушен, колен нанай о Божие печати ко чеката.<sup>5</sup>Тай позволисало ленге ма те мударен лен, а те мъчинен лен панч масек; тай ленгири мъка сине сар мъка скорпиониестар, като ужилинел е манушес.<sup>6</sup>Презал колке диеесенде о мануша ка роден о мериба, но нисар нанай те ащи аракен лес; тай ка манген те мерен, но о мериба ка нашел лендар.<sup>7</sup>Тай о скакалци препенас грастенде, приготвиме войнаке; тай ко шере сине ленге сар венци, подобна златосте, тай ленгере муха сине сар манушенгере муха.<sup>8</sup>Тай лен сине бала сар бала е жувленгере, тай ленгере данда сине сар лъвоскере.<sup>9</sup>Паш далкесте сине лен нагръдникия сар железна нагръдникия; тай о шуми ленгере криленгере сине сар шуми таро колесницес буте грастенца, като прастан марибнасте.<sup>10</sup>Сине лен опашкес сар скорпиониенгере, тай жила; а ан пе опашкенде сине лен сила те поврединен манушен панч масек.<sup>11</sup>Сине лен упран ленде тагареске о ангели е безднакоро, ковато на еврейски наречинел пес Абадон\*, а на гръцки наименувинел пес Аполион\*.<sup>12</sup>О иек "горко" накло; аке, още дуи "горко" авен палал далкесте.<sup>13</sup>Тай като затръбингяс о шесто ангели, шунгиом иек гласос таро роговя е златноне олтариеске, ковато сине англал о Дел,<sup>14</sup>кай пенел е шестоне ангелеске, колесте сине и тръба: Развържине е штаре ангелен, колато си панле ки бари река Ефрат.<sup>15</sup>Тай развържиме сине о штар ангела, колато уле приготвиме далке сахатиеске тай диеесеске, тай масек тай бреш, за те мударен иек трето таро мануша.<sup>16</sup>Тай о число е воюващоне конниценго сине дуи шел милиония; ме шунгиом ленгоро брои.<sup>17</sup>Тай о граста андо видение тай о яздеща ленде дикле пес салка: он пиравенас сар огнена, хиацинтова тай серна нагръдникия; тай о шере е грастенгере сине сар шере лъвовиенгере, тай ленгере мостар иклолос яг, тув тай сяра.<sup>18</sup>Таро калка трин язвес - тари яг, таро тув тай тари сяра, колато иклонас таро мухи ленге - уле избита иек трето таро мануша.<sup>19</sup>Сокето и сила е грастенгири сине андо мухи ленге тай андо опашкес ленге; понеже ленгере опашкес препенас сапенде тай сине лен шере, тай ленца поврединенас.<sup>20</sup>Тай о останала мануша, колато на сине избита таро калка язвес, на покайнде пес е деловиенге пе вастенгере, тай тена кланинен пес вече е бесовиенге тай е златноне, сребърна, медна, каменна тай кащуне идола, колато наши нито те дикен, нито те шунен, нито те пирен;<sup>21</sup>също на покайсале пе мударибнаске, нито за пе чародеяниене, нито за пе блудствонене, нито пе чорибнаске.

## Chapter 10

<sup>1</sup>Тай диклом авре силноне ангелес, ковато ухлелас таро небес, урявдо андо облаки; ко шеро леске сине дъга, лескоро мухи сине сар о кам, тай лескере пире - сар ягакере стълбовя.<sup>2</sup>Тай икерелас ан пе вастесте разгъните книжка; тай като положингяс по десно пиро ко морес, а о лево - ки пув,<sup>3</sup>пищингяс високоне гласоса сарто рикаинел лъвос; тай като пищингяс, о ефта гръмия издине пе гласовя.<sup>4</sup>Тай след като о ефта гръмия издине пе гласовя, ме ка пишинавас; но шунгиом гласос таро небес, ковато пенгяс: Запечатине давка, ковато хоратинде о ефта гръмия, тай ма пишине лес.<sup>5</sup>Тай о ангели, колес диклом те бешел ко морес тай ки пув, ваздингяс пи десница карик о небес <sup>6</sup>тай халас совел андо Живеещо жи ко вечна вековя, Ковато създиняс о небес тай со иси анде лесте, и пув тай со иси лате, тай о морес тай со иси анде лесте, кай нанай те овел вече бавиба,<sup>7</sup>но кай андо диеес е гласоске е седмоне ангелеске, като приготвинел пес те затръбинел, тогава ка изпълнингиол и тайна е Девлескири, сарто Ов благовестингяс Пере слугенге, о пророкия.<sup>8</sup>Тай о гласос, ковато шунгиом таро небес, захоратингяс манг пак, като пенгяс: Жа, ле и разгъната книжка, която си андо вас е ангелеске, ковато бешел ко морес тай ки пув.<sup>9</sup>Тай гелом ко ангели, тай пенгиом леске те дел ман и книжка. Тай пенгяс манг: Ле, тай ха ла

## Chapter 11

тай анде те вогиесте ка овел горчиво, но ан те мосте ка овел гудли сар авгин.<sup>10</sup> Тай чука, лилом и книжка таро вас е ангелеске, тай халом ла; тай ан ме мосте сине гудли сар авгин; но като халом ла, мо воги вгорчисало.<sup>11</sup> Тогава пенгяс пес манге: Требе пак те пророкувинес за буте люденге тай народоске, чиба тай тагара.

## Chapter 11

<sup>1</sup> Тай диняс пес манге тръстика сар тояга; тай пенгяс пес манге: Ухти мерине о Божие храми тай о олтари, тай колкен, колато кланинен пес анде лесте; <sup>2</sup> но о дворос, ковато си аври таро храми, мук тай ма мерине лес, соскето ов си дендо е народоске, колато ка стъпчинен о свято гради саранда тай дуи масек.<sup>3</sup> А Ме дуие свидетеленге ка дав те пророкувине иек миля дуи шел тай пиндудеш диеса, урявде андо вретище.<sup>4</sup> Давка си о дуи маслинес тай о дуи светилникия, колато бешен англал о Господари е пувякоро.<sup>5</sup> Тай ако декой мангел те поврединел лен, яг иклол таро муи ленге тай погълниел ленгере неприятелен; тай ако мангел декой те поврединел лен, чука ов требе те овел мудардо.<sup>6</sup> Лен иси власт те заключинен о небес, за тена дел бришим презал о времес, анде колесте пророкувинен; тай иси лен власт упраш о пания те иринен лен ратесте, тай те поразинен и пув секоне язваса, кити дром те манген.<sup>7</sup> Тай като свършинен по свидетелство, о зверос, ковато иклол тари бездно, ка воювинел против ленде, ка побединел лен тай ка мударел лен.<sup>8</sup> Тай ленгере труповя ка пашлон ко улицес е баре градоске, ковато духовно пенел пес Содом тай Египет, кате ленгорода Дел уло разпнато.<sup>9</sup> Тай мнозина машкар о люде, о племена, о чиба тай о народа ка дикен ленгере труповя трин диес тай екваш, тай нанай те позволинен те овен положиме ленгере труповя андо мимори.<sup>10</sup> Тай е пувякере жителя ка лошанен ленге, ка развеселинен пес тай иек авереске ка бичален песке подаръка, соскето калка дуи пророкия мъчиненас е жителен ки пув.<sup>11</sup> А палал о трин диес тай екваш диняс анде ленде жизнено дихание таро Дел тай он изправисале пе пиренде; тай бари дар долгяс колкен, колато дикенас лен.<sup>12</sup> А он<sup>\*</sup> шунде силно гласос таро небес, ковато пенелас ленге: Възлезинен ате. Тай възлизинде ко небес андо облаки; тай ленгере неприятеля дикле лен.<sup>13</sup> Тай ко сахати ачило баро труси, тай иек десето таро гради пело, тай муле андо труси ефта хиляда мануша; а о останала дараниле тай отдине слава е небесноне Девлеске.<sup>14</sup> О второ "горко" накло; аке, авел сиго о трето "горко".<sup>15</sup> Тай като затръбингяс о седмо ангели, разнесисале силна гласовя андо небеса, колато пененас: О световно тагарипе ачило тагарипе амаре Девлескоро тай Лескере Помазаникескоро\*; тай Ов ка царувинел жи ко вечна вековя.<sup>16</sup> Тай о бишуштар старейшинес, бешле англал о Дел пе престоленде, пеле пе муиенде тай поклонисале е Девлеске, тай пенде:<sup>17</sup> Благодаринас Туке, Господи, Боже Всемогъщи, Ковато синян тай Ковато улан\*, далкеске кай лилан Ти бари сила тай царувинес.<sup>18</sup> О народа разгневисале; но ало Торо гневи тай о времес те овен съдиме о муле, тай те дес и награда Те слутенге, о пророкия, тай е светиенге, тай колкенге, колато даран Тере алавестар, цикне тай баре, тай те погубинес колкен, колато погубинен и пув.<sup>19</sup> Тай путердило о Божие храми, ковато си андо небес, тай диклас пес андо храми о ковчеги е Божие заветиеске; тай ачиле светкавицес тай гласовя, гръмовя тай труси, тай силно градушка.

## Chapter 12

<sup>1</sup> Тай баро знамение явисало андо небес - жувли, урявди е камеса, е лунаса телал о пире лаке, тай ко шеро лаке венеци дешдушие звезденца.<sup>2</sup> Ой ули нечуучи тай пищинелас таро родилна дука, като мъчинелас пес те биянел.<sup>3</sup> Тай явисало авер знамение ко небес, тай аке баро лоло сап, колес сине ефта шере тай деш шинга, тай ко шере леске - ефта коронес.<sup>4</sup> Тай лескири опашка, като завлечингяс иек трето таро небесна звезди, чивгяс лен ки пув; тай о сап зачило англал и жувли, която ка биянелас, за те хал лакере чадос, щом биянел.<sup>5</sup> Тай ой биянгяс мrush чаво, ковато ка управлинел саворе народос железноне жезълеса; тай лакоро чадос уло грабнато тай ингалдо ко Дел, тай паш Лескере престолесте.<sup>6</sup> Тай и жувли нашли анди пустиния, кате сине тан, приготвиме таро Дел, за те парварен ла оте иек миля дуи шел тай пиндудеш диеса.<sup>7</sup> Тай ачили война ко небеса: о Михаил тай лескере ангела воювиненас против о сап; тай о сап воювинел заедно пере ангеленца;<sup>8</sup> обаче он нана надвиде, нито араклило вече тан ленге андо небес.<sup>9</sup> Тай уло ухлавдо о баро сап, ковка старовременно сап, ковато наречинел пес бенг тай Сатана, ковато хохавел и цело вселена; ухлавдо уло ки пув, ухлавде уле лескере ангела заедно леса.<sup>10</sup> Тай шунгиом силно гласос ко небеса, ковато пенелас: Акан ало о спасение, и сила тай о тагарипе амаре Девлескоро, тай и власт Лескере Помазаникескири; соскето уло ухлавдо о клеветники амаре праленгоро, ковато клеветинел лен о диес тай ират англал амаре Девлесте.<sup>11</sup> А он побединде лес чрез о рат е Бакрескоро тай чрез о словос пере свидетелстванеске; соскето нана дехенас по животос дики кай те нашен мерибнастар.<sup>12</sup> Далкеске веселинен тумен, небеса, тай туме, колато живинен анде ленде. Но горко туменге, пув тай морес, соскето о бенг ухлило туменде бут разяриме, понеже жанел, кай ачол лес хари временес.<sup>13</sup> Тай като диклас е сапес, кай уло ухлавдо ку пув, ов почнингяс те преследвинел е жувлия, която биянгясас мrushес чавес.<sup>14</sup> Тай дине пес е жувляке о дуи крила баре орелескере, за те урят ко тан анди пустиния, оте кате парварен ла временеске, временененге тай екваш временес, гаравди таро муи е сапеске\*.<sup>15</sup> Тай о сап измуクラス палал и жувли пе мостар пани сар река, за те завлечинел ла и река.<sup>16</sup> Но и пув помагингяс е жувляке, соскето и пув путергяс по муи тай погълнингяс и река, която о сап измуクラス пе мостар.<sup>17</sup> Тогава о сап разярисало против и жувли тай гело те воювинел против о останала лакере потомствостар, колато пазинен о Божия заповедя тай икерен о свидетелство е Иисусеске; тай о сап зачило ки морско поши.

## Chapter 13

<sup>1</sup>Тай диклом е зверос, ковато иклолас таро морес тай сине лес деш шинга тай ефта шере; тай ко шинга леске - деш коронес, тай ко шере леске - богохулна алава. <sup>2</sup>Тай о зверос, колес диклом, препелас леопардиесте, тай лескере пире сине сар пире мечкакере, тай лескоро муй - сар муй лъвоскоро; тай о сап диняс лес пи сила, по престоли тай бари власт. <sup>3</sup>Тай диклом иек таро шере леске, сар смъртно раниме; но лескири смъртоносно рана оздравингяс; тай и цело пув, учудиме, гели палал о зверос; <sup>4</sup>тай поклонисале е сапеске, сокето диняс пи власт е звероске; поклонисале е звероскеда, като пенде: Кой си сар калке зверосте тай кой ащи воювинел против лесте? <sup>5</sup>Тай диняс пес леске муй те хоратинел горделиво тай богохулно; диняс пес леске още власт те действинел саранда тай дуи масек. <sup>6</sup>Тай путергяс по муй те изречинел хулем против о Дел, те хулинел Лескоро алав тай Лескири скиния, а тай колка, колато живинен ко небеса. <sup>7</sup>Тай позволисало леске те воювинел против о светиес тай те побединел лен; тай диняс пес леске власт упраш секоне родиесте тай племесте, чиб тай народи. <sup>8</sup>Англал лесте поклонисале соси жителя саворе, колато живинен ки пув, секой, колескоро алав на уло запишиме таро създание е светоскоро анди книга е животоске е закланоне Бакрескири. <sup>9</sup>Ако си манушес кан, нека шунел. <sup>10</sup>Ако декой ингалел андо плени, тай ов андо плени ка жал; ако декой мударел мечиеса, овда требе таро мечи те овел мудардо. Ате си нужно о търпение тай и вяра е светиентири. <sup>11</sup>Тай диклом авре зверос, ковато иклолас тари пув; тай сине лес дуи шинга, препенас бакрескеренде, а хоратинелас сар сап. <sup>12</sup>Ов упражнинелас и савори власт е първоне звероскири анде лескере присъствиесте тай принудингяс и пув тай е живеещонен лате те поклонинен пес е първоне звероске, колескири смъртоносно рана оздравингяс. <sup>13</sup>Тай керелас баре знамения, жи оте, кай кергяс яг те ухлел таро небес ки пув англал о мануша. <sup>14</sup>Тай хохавелас и живеещонен ки пув чрез о знамения, колато сине леске позволиме е керел англал о зверос, като пенелас е живеещоненге ки пув те керен образи е звероске, ковато уло раниме таро мечи тай оживингяс. <sup>15</sup>Тай позволингяс пес леске те дел дихание е звероскере образиеске, тай е звероскоро образи те захоратинел; също чука те керел, кай те овен избита колка, колато нана кланинен пес е звероскере образиеске. <sup>16</sup>Тай принудинелас саворен, цикне тай баре, барвале тай чоре, свободна тай робя, те поставинел пес ленге белеги ки десница ленге или ленгере чекатенде; <sup>17</sup>за тенапци никой те кинел или те бикнел, освен ковка, ковато пиравел белегиеске о алав е звероскоро, или о число лескере алавескоро. <sup>18</sup>Ате си нужно мъдрост; ковато си разумно, нека сметнинел о число е звероскоро, сокето си число манушескоро; а лескоро число си шовшел пиндушен тай шов.

## Chapter 14

<sup>1</sup>Тай диклом, тай аке, о Бакро бешелас ко хълми Сион, тай Леса шел саранда тай штар хиляда, колато пиравенас Лескоро алав тай о алав Лескере Отециескоро, пишиме ко чеката ленге. <sup>2</sup>Тай шунгиом гласос таро небес сар гласос буте паниендар тай сар гласос гръмиеескоро; тай о гласос, ковато шунгиом, сине сар гласос башалненгоро, колато башаленас пе арфенца. <sup>3</sup>Тай гилябенас сар че ли неви гили англал о престоли тай англал о штар живде същества тай о старейшинес; тай никой нащине сиклол и гили, освен о шел саранда тай штар хиляда, колато уле изкупиме тари пув. <sup>4</sup>Он си колка, колато нана осквернисале жувленца, сокето си девствена; он си, колато следвинен е Бакрес, кате да те жал; он уле изкупиме машкар о мануша първоне плодовенге е Девлеске тай е Бакреске. <sup>5</sup>Тай андо муй ленге нана араклило хохаiba; он си непорочна. <sup>6</sup>Тай диклом авер ангели те урят машкар о небес, като сине лес о вечно благовестие, ковато те прогласинел е обитаващене ки пув тай секоне родиеске тай племеске, чиб тай народи. <sup>7</sup>Тай пенгяс силноне гласоса: Даран таро Дел, тай възден Леске слава, сокето ачило о сахати Лескере съдоске; тай поклонинен тумен Колкеске, Ковато кергяс о небес тай и пув, о морес тай о водна изворя. <sup>8</sup>Тай иек авер ангели, второ следвинелас лес тай пенелас: Пело, пело о велико Вавилон, ковато напоинтяс саворе народос тари мол пере разтарде блудствоса. <sup>9</sup>Тай авер, трето ангели пиредас палал ленде тай пенелас силноне гласоса: Ако декой кланинел пес е звероске тай лескере образиеске, тай приеминел белеги пе чекатесте или пе вастесте, <sup>10</sup>ов ка пиел тари мол е Божие гневиескири, която си приготвиме шужи анди чаша Лескере гневиескири; тай ка овел мъчиме ягаса тай сяраса англал о свята ангела тай англал о Бакро. <sup>11</sup>Тай о тув ленгере мъчениестар ка ваздел пес жи ко вечна вековя; тай колка, колато кланинен пес е звероске тай лескере образиеске, нанай те овел лен отдихи ни о диес, ни ират, нито декой, ковато приеминел о белеги лескере алавескоро. <sup>12</sup>Ате си нужно о устояване е светиенгоро, калкенге, колато пазинен о Божия заповедя тай и вяра андо Иисуса. <sup>13</sup>Тай шунгиом гласос таро небес, ковато пенелас: Пишине: Блажена от акана наоте о муле, колато мерен андо Дел. Ва, пенел о Духос, за те почивинен песке пе трудовиендар; сокето ленгере дела следвинен палал ленде. <sup>14</sup>Тай диклом, так аке парно облаки, тай ко облаки бешелас Иек, Ковато препелас е Човешконе Чавесте, тай сине Лес ко шеро златно венеци тай андо вас Леске остро сърпи. <sup>15</sup>Тай авер ангели иклило таро храми тай пищинелас силноне гласоса Калкеске, Ковато бешелас ко облаки: Прострине То сърпи тай жънине; сокето ачило о сахати те жънинес, понеже е пувякири жътва си презряло. <sup>16</sup>Тай Ковка, Ковато бешелас ко облаки, чигяс По сърпи ки пув; тай и пув ули пожъните. <sup>17</sup>Тай авер ангели иклило таро храми, ковато си андо небес, като икерелас овда остро сърпи. <sup>18</sup>Още аверда ангели, колес сине власт упраш и ят, иклило таро олтари тай пищингяс силноне гласоса калкеске, ковато икерелас о остро сърпи; тай пенгяс: Прострине то остро сърпи тай

## Chapter 15

оберине о драка е пувякере лозескоро, сокето лескере драка си вече узряла.<sup>19</sup>Тай о ангели чигяс по сърпи ки пув, оберингяс е пувякири дракин тай чикяс о кидиме андо баро лини е Божие гневиеске.<sup>20</sup>Тай о лини уло изтъпкано авери таро градос, тай рат затаудингяс таро лини жи ко юзди е грастенгере ко разстояние таро иек миля тай шовшел стадиес.

## Chapter 15

<sup>1</sup>Тай диклом ко небес авер знамение, баро тай чудно: ефта ангела, колато икеренас о ефта последна язвес, сокето ленца изчерпил пес о Божие гневи.<sup>2</sup>Тай диклом варесо сар стъклено морес, ехмиме ягаса, тай кай калка, колато побединдесас е зверос тай лескоро образи, тай о число лескере алавескоро, бешенас ко стъклено морес, тай икеренас Божия арфес.<sup>3</sup>Тай гилябенас и гили е Божие слугаскири о Мойсей тай и гили е Бакрескири, тай пенен: Велика тай чудесна си Тере деловя, Господи, Боже Всемогъщи; праведна тай истинна си Тере дрома, Тагара е вековиенгоро.<sup>4</sup>Кой нанай те дарал Те алавестар, Господи, тай те прославинел лес? Сокето само Ту синян свято; понеже саворе народя ка авен тай ка поклонинен пес англал Туте, сокето явисале Тере праведна присъдес.<sup>5</sup>Тай палал далкесте диклом, кай ко небес путердило о храми е скиниякоро е свидетелствоске;<sup>6</sup>тай о ефта енгела, колато икеренас о ефта язвес, иклиле таро храми, урявде шуже тай светлоне лененоне шехиенца, тай препасиме презал о колиня златна поясия.<sup>7</sup>Тай иек таро штар живде същества диня е ефта ангелен ефта златна чашес, перда е гневиеса е Девлескоро, Ковато живинел жи ко вечна вековя.<sup>8</sup>Тай о храми пердило тувеса тари слава е Девлеске тай Лескере силатар; тай никой нацине дел андо храми, англал те свършинен о ефта язвес е ефта ангеленгере.

## Chapter 16

<sup>1</sup>Тай шунгиом таро храми сильно гласос, ковато пенелас е ефта ангеленге: Жан тай излеинен ки пув о ефта чашес е Божие гневиескере.<sup>2</sup>Тай о първо гело тай чоргяс пи чаша ки пув; тай появисали канили тай лято рана колке манушенге, колато пиравенас о белеги е звероскоро тай колато кланиненас пес лескере образиеске.<sup>3</sup>О второ ангели чоргяс пи чаша андо морес; тай ов ачило ратесте, сар мударде манушестар, тай сичко живо андо морес муло.<sup>4</sup>О трето ангели чоргяс пи чаша андо реки тай андо водна изворя; тай ленгоро пани ачило ратесте.<sup>5</sup>Тай шунгиом о ангели е паниенгоро те пенел: Праведно синян Ту, Пресвято, Ковато синян, тай Ковато улан, сокето отсъдинян чука;<sup>6</sup>понеже он проливинде рат светиенгоро тай пророкиенгоро, то Туда динян лен те пиен рат. Он заслужинен давка.<sup>7</sup>Тай шунгиом (авер таро) олтари те пенел: Чука, Господи, Боже Всемогъщи, истинна тай праведна си Тере присъдес.<sup>8</sup>О четвърто ангели чоргяс пи чаша упрали о кам, колеске позволингяс пес те тарел е манушен ягаса.<sup>9</sup>А като пекле пес о мануша тари бари жега, похулинде о алав е Девлескоро, Колес си власт упрали колке язвенде, тай нана покаясале те отден Лес слава.<sup>10</sup>О пето ангели чоргяс пи чаша упрали о престоли е звероске; тай лескоро тай лескоро тагарипе потъмнигяс, тай о мануша данделенас пе чиба дукатар,<sup>11</sup>тай похулинде е Небесноне Девлес ашал о дука тай о ранес ленгере, тай на покаясале пе деловиенгре.<sup>12</sup>О шесто ангели чоргяс пи чаша упрали и бари река Ефрат; тай шукило лакоро пани, за те приготвинал пес о дром е тагаренге тари изток.<sup>13</sup>Тай диклом те иклон таро муи е сапеске тай таро муи е звероске, тай таро муи е хохавне пророкиеске трин нечиста духовя, прилична жабенде;<sup>14</sup>сокето он си бесовска духовя, колато, като керен знамения, жан ко тагара е целоне вселенакере, за те киден лен за е войнаке андо велико диес е Всемогъщоне Девлескоро.<sup>15</sup>(Аке, авав сар чор, Блажено ковка, ковато бдинел тай пазинел пе шехя, за тена пирел нанго, тай те дикен лескере лажипнадес.)<sup>16</sup>Тай кидинде лен ко тан, ковато на еврейски пенел пес Армагедон\*.<sup>17</sup>Тай о седмо ангели чоргяс пи чаша андо въздухи; тай таро храми иклило сильно гласос таро престоли тай пенгяс: Свършисало.<sup>18</sup>Тай иклиле светкавицес тай гласовя, тай гръмовя, тай ачило баро труси, небивало, от сар съществувинен о мануша ки пув, савка труси, дики сильно.<sup>19</sup>Тай о велико градос разделисало трине частиенде, тай о градовя е народоскере пеле; тай о Дел спомнигяс песке е великоне Вавилониеске, за те дел лес и чаша е моласа Пе яростноне гневиеса.<sup>20</sup>Тай секо острови нашло, тай о планини нана араклиле.<sup>21</sup>Тай едро градушка, пари около иек таланти, перелас таро небес упрали о мануша; тай о мануша похулинде е Девлес ашал и язва тари градушка, сокето и язва ули твърде бари.

## Chapter 17

<sup>1</sup>Тай ало иек таро ефта ангела, колато икеренас о ефта чашес, тай хоратингяс манца, като пенгяс: Ела, ка покажинав тухе о осъждане е баре блуднициакоро, която бешел буте паниенде;<sup>2</sup>коласа блудствиненас е пувякере тагара, тай е пувякере жителя макярде пес тари мол лакере блудствонестар.<sup>3</sup>Тогава , ов отнесингяс ман духом анде иеке пустинияте, кате диклом жувля, бешли лоле зверосте, учардо\* богохулноне алавенца, колес сине ефта шере тай деш шинга.<sup>4</sup>И жувли сине урявди андо пурпурно тай лоло, тай украсиме златоса, скъпоценоне баренца тай бисериенца, тай икерелас ан пе вастесте златно чаша, перди мелалипниса тай е нечистотиенца калкере блудствостар.<sup>5</sup>Тай лакере чекатесте сине пишими кавка алав: Тайна, Велико Вавилон, Дай е блуднициенгири тай е гнусотиентири ки пув.<sup>6</sup>Тай диклом, кай и жувли макяргясас пес таро рат е светиенгре тай

таро рат е Исусовоне мъченикиенге; тай като диклом ла, зачудисалом твърде бут.<sup>7</sup> Но о ангели пенгяс манг: Соске чудинес тут? Ме ка пенав туке и тайна е жувлякири тай е звероскири, която пиравел ла, тай си лес ефта шере тай деш шинга.<sup>8</sup> О зверос, колес диклан, уло, но нанайстало; обаче сиго ка иклол тари бездна тай ка жал анди погибел. Тай колка жителя е пувякере, коленгере алава нанай пишими анди книга е животоске таро създание е светоскоро, ка зачудинен пес, като дикен, кай о зверос сине тай вече нанайстало, но пак ка авел.<sup>9</sup> Ате мангел пес годи, колес иси мъдрост: о ефта шере си ефта хълмия, коленде бешел и жувли;<sup>10</sup> он си ефта тагара, колендар о панч пеле, тай о иек акана си, а окова още нана ало, тай като ка авел, требе хари те побешел;<sup>11</sup> тай о зверос, ковато уло тай нанайстало, ов си осмо тагар, ковато си таро ефта, тай жал анди погибел;<sup>12</sup> тай о деш шинга, колато диклан, си деш тагара, колато още нана получинде тагарескири власт, но иеке сахатиеске ка получинен власт сар тагара заедно е звероса;<sup>13</sup> лен иси иек цел тай ка преден е звероске пери сила тай власт;<sup>14</sup> он ка воювинен против о Бакро, но о Бакро ка побединел лен, сокето си Господ е господариенго тай Тагар е тагаренго; тай колка, колато си леса си призвана, избираме тай верна.<sup>15</sup> Пенгяс манг още: О паня, колато диклан, кате бешел и блудница, си люде тай множества, народя тай чиба.<sup>16</sup> Тай о деш шинга, колато диклан, тай о зверос ка намразинен е блудница, тай ка керен ла пусто тай нанги, тай ка хан лакири плът, а ла ка тарен анди яг.<sup>17</sup> Сокето о Дел вложингяс андо сърда ленге те керен Лескири воля, като говоринен пес тай преден пи царско власт е звероске, жи кай събъднингион о Божия хоратес.<sup>18</sup> Тай и жувли, колато диклан, си о баро градос, ковато царувинел упран о земна тагара.

## Chapter 18

<sup>1</sup>Палал далкесте диклом авере ангелес те ухлел таро небес, колес сине бари власт; тай и пув осветисали лескере славатар. <sup>2</sup>Ов пишингяс силноне гласоса, като пенелас: Пело, пело о Вавилон - и велико блудница тай ачили жилище е бесовиенге, свърталище секоне нечистоне духоскоро тай свърталище секаквоне нечистоне тай омразноне птицакоро; <sup>3</sup>сокето саворе народа пиле тари мол лакере разтарде блудствостар, тай о земна тагара блудствиненас ласа, тай о земна търговция барвалиле таро безмерно разкоши лакоро. <sup>4</sup>Тай шунгиом авер гласос таро небес, ковато пенелас: Икли латар, народос Моро, за тена участинес андо безеха лакере тай тена споделинес лакере язвес; <sup>5</sup>сокето лакере безеха ресле жи ко небес, тай о Дел спомнингяс песке лакере неправдес. <sup>6</sup>Възден лаке, сарто ой да въздиняс; ва, платинен лаке двойно според лакере деловиенде; е чашаса, коласа черпингяя, почерпинен ла двойно.<sup>7</sup>Кити прославингяс пес тай живинелас разкошно, дики мъкес тай печал ден ла; сокето ой пенел ан пе сърцесте: Бешав сар царица, на синиом вдовица тай печал нанай те диков. <sup>8</sup>Далкеске анде иеке диесесте ка авен лакере язвес, мори, печал тай бок, тай ой ка таблол анди яг; сокето могъщо си о Дел, Ковато съдинел ла.<sup>9</sup>Тай о земна тагара, колато блудствиненас тай живинде разкошно ласа, ка заровен тай ка заридайнен лаке, като дикен о тув таро тариба лакоро. <sup>10</sup>Удуран ка бешен ашал и дар таро мъкес лаке тай ка пенен: Горко, горко, туке, велико градос Вавилоне, могъщо градос, понеже анде иеке сахатиесте ка авел ти съдба! <sup>11</sup>Тай о земна търговция ка ровен тай ка жалинен лаке, сокето никой вече нана кинел ленгере стокес, <sup>12</sup>стокес таро златос тай сребро, скъпоценна бара тай бисерия, таро висон тай пурпурни, коприна тай лоло; тай секакво благоуханно\*каш, тай секаква изделия таро скъпоценено каш тай авгин, таро желязос тай таро мрамори; <sup>13</sup>тай канела, (ароматия) тамяни, мирис тай ливани; мол тай кашуну масло; чисто брашно тай пшеница: добитъки тай овце; граста, колесницес тай робя\*;тай манушескере души.<sup>14</sup>Оплодовия за коленге ти душа копнеинелас, изчезнинде тутар тай всичко изящно тай разкошно загинингяс тутар, тай нанай вече те аракеслен.<sup>15</sup>О търгуваща салже букиенца, колато барвалиле латар, ка зачон удуран ашал и дар лакере мъкендар тай ка ровен, тай ка жалинен, като пенен: <sup>16</sup>Горко туке, горко туке, граде велико, урявдо андо висони, пурпур тай лоло, тай украсиме златоса, скъпоценоне баренца тай бисериенца; <sup>17</sup>сокето анде иеке сахатиесте запустосало дики барвалиле! Тай секо корабоначалники, секо пътники ко морес, о морякия тай саворе, колато препитавинен пес таро морес, зачиле удуран<sup>18</sup>тай пищиненас, като дикенас о тув лескере тарифнастар, тай пенде: Кова градос препелас е великоне градоса?<sup>19</sup>Тай чорде прахос пе шеренде тай пищиненас роибнаса тай жалимнаса, като пененас: Горко, горко е великоне градоске, анде колесте саворе, колен сине корабя ко морес, барвалиле таро скъпоценностя лескере; сокето анде иеке сахатиесте запустингяс!<sup>20</sup>Веселинен тумен за леске, небеса, тай туме, светиес, апостола тай пророкия, сокето о съдос, колеса туме улен осъдиме, о Дел отсъдингяс леске.<sup>21</sup>Тай иек силно ангели лилас иек бар, баро сар водениично, тай чигяс лес андо морес тай пенгяс: Чука стремително ка овел сриниме о Вавилон, о велико градос, тай нанай вече те овел лес.<sup>22</sup>Гласос колкендар, колато башален арфенде, тай певециендар, таро башалне тай таро тръбачия нанай вече те шунел пес анде туте; тай нисаво художники, таро савото да е овел художество нанай вече те араклол анде туте; тай шуми воденицатар нанай те шуниол анде туте;<sup>23</sup> светлина таро светилос нанай вече те светинел анде туте; тай гласос таро младоженеци тай тари невяста нанай вече те шунел пес анде туте; сокето тере търговция уле баре ки пув, понеже чрез тере магиендер уле хохавде саворе народа.<sup>24</sup>Тай анде лесте араклило рат пророкиендар тай светиендар, тай таро саворе заклана ки пув.

## Chapter 19

<sup>1</sup>Палал далкесте шунгиом силно гласос сар баре множествостар ко небес, ковато пенелас: Алилуя! Спасение, слава тай сила принадлежинен амаре Девлеске; <sup>2</sup>сокето си истинна тай праведна Лескере присъдес; понеже Ов осъдинягсе великоне блудница, която разтляингяс и пув пе блудствоса тай отмъстингяс е ратеске Пере слугеноро, проляно лакере вастесар.<sup>3</sup>Тай второ дром пенгяс: Алилуя! Тай о тув лакоро ваздел пес жи ко вечна векова. <sup>4</sup>Тай о бишуштар старейшинес тай о штар живде същества пеле, так поклонисале е Девлеске, Ковато бешел ко престоли, тай пенде: Амин! Алилуя!<sup>5</sup>Тай таро престоли иклило гласос, ковато пенелас: Хвалинен амаре Девлес, саворе Лескере слуги, туме, колато даран Лестар, цикне тай баре.<sup>6</sup>Тай шунгиом сар гласос буте народостар, тай сар гласос буте паниендар, тай сар гласос таро силна гръмовя, колато пененас: Алилуя! Сокето о Дел, амаро Дел Всемогъщо царувинел.<sup>7</sup>Нека лошанаас тай веселинаас амен, тай нека отdas Леске слава; сокето ало о бияв е Бакрескоро тай Лескири ромни приготвисали. <sup>8</sup>Тай лаке позволисало те уриел пес светлоне тай чистоне висониеса; сокето о висони значинел о праведна деловя е светиенгере.<sup>9</sup>Тай пенел маанг: Пишине: Блажена калка, колато си поканиме ке бявескири вечеря е Бакреске. Тай пенгяс манг: Калка думес си о истинна Божия думес.<sup>10</sup>Тогава ме пелом англал о пире леске те поклонинаман леске; но ов пенгяс манг: Ма; ме синиом съслужители торо тай те праленоро, колато икерен о свидетелство е Иусеске; поклонине тут е Девлеске; сокето о духос е пророчествоскоро си те свидетелствинав е Иусеске.<sup>11</sup>Палал далкесте диклом о небес путердо, тай аке парно грас, тай Ковка, Ковато яздинелас лесте, наречинелас пес Верно тай Истинно, тай съдинел, тай воювинел праведно.<sup>12</sup>Лескере яка сине огнено пламъки, Лескере шересте сине бут коронес тай пиравелас пишиме алаб, ковато никой нажанелас, а само Ов;<sup>13</sup>тай уло урявдо шехиеса, обалеиме ратеса; тай Лескоро алаб сине о Божие словос.<sup>14</sup>Тай о небесна войски, урявде андо парно тай чисто висони, следвиненас Лес парне грастенде.<sup>15</sup>Лескере мостар иклолас остро мечи, за те поразинел леса е народос; тай Ов ка управлинел лен железноне жезълеса тай ка стъпчинел о винено лини е яростноне гневиескоро е Девлескоро о Всемогъщо.<sup>16</sup>Тай ко шехи тай ко бедро Леске сине пишиме алаб: Тагар е тагареноро тай Господ е господариеноро.<sup>17</sup>После диклом иеке ангелес, бешло андо кам; тай като пищингяс силноне гласоса, пенгяс саворе птиценге, колато урянаас андо небес: Елан, киден тумен за е великоне Божие вечеряк,<sup>18</sup>за те хан път тагаренгири тай пътъ хилиядникиентири, пътъ юнакиентири тай пътъ грастенгири тай колкенгири, колато яздинен ленде, дори и пътъ саворе манушенгири - свободна тай робя, цикне тай баре.<sup>19</sup>Тай диклом е зверос тай е земноне тагарен, тай ленгере войски, кидиме те воювинен против о Язденко грас тай против Лескоро войнство.<sup>20</sup>Тай о зверос сине уловиме, тай леса о хохавно пророки, ковато кергясас англал лесте знамения, коленца хохагяс колкен, колато приеминдесас о белеги е звероскоро, тай колато кланиненас пес лескере образиеске; он о дуи уле чивте живде анго огнено езерос, ковато таблол сяраса.<sup>21</sup>А о останала уле избита е мечиеса е Язденонескоро ко грас, е мечиеса, ковато иклолас таро муи Леске. Тай саворе птицес чалярде пес ленгере масендар.

## Chapter 20

<sup>1</sup>Тай диклом, кай ухлелас таро небес иек ангели, ковато икерелас ан пе вастесте о ключос е безднакоро тай иек бари верига.<sup>2</sup>Ов уловингяс е сапес, о старовременно сап, ковато си о бенг тай Сатана, тай панлас лес за иек миля бреша,<sup>3</sup>тай като чикяс лес анди бездно, заключингяс тай запечатингяс ла уптал лесте, за тена хохавел вече е народос, англал те свършигиион о иек миля бреша, палал колесте ов требе те овел мукло за хари време.<sup>4</sup>Тай диклом престола; тай калкенге, колато бешенас ленде, поверисало те съдинен; диклом о души колкенгере, колато уле обезглавиме ашал о свидетелстване поро е Иусеске тай ашал о Божие словоске, тай колкенгере, колато нана поклонисале е звероске, нито лескере образиеске тай на приеминде о белеги пе чекатенде тай пе вастенде; тай он оживинде тай царувиненас е Христаса иек миля бреша.<sup>5</sup>Окола муле нана оживинде, жи кай на накле о иек миля бреша. Давка си о първо възкресение.<sup>6</sup>Блажено тай свято ковка, ковато участвинел андо първо възкресение; уптал салкенде о второ мериба нанай те овел лес сила; а он ка овен свещеникия е Девлеске тай е Христаске тай ка царувинен Леса иек миля бреша.<sup>7</sup>Тай като накен о иек миля бреша, о Сатана ка овел мукло пе тъмницатар<sup>8</sup>тай ка иклол те хохавел е народос ко штар крайовя е пувякере, Гог тай Магог, тай те кидел лен войнаке - ленгоро брои си сар и морско поши.<sup>9</sup>Тай он разпростисале ки цело широчина е пувякири тай заобикалянде о стани е светиенгоро тай о обично градос; но яг пели таро Дел таро небес тай погълнингяс лен.<sup>10</sup>А о бенг, ковато хохавелас лен, уло чивто андо езерос тари ят тай сяра, кате си о зверос тай о хохавно пророки; тай ка овен мъчиме о дис тай ират жи ко вечна векова.<sup>11</sup>Палал далкесте диклом иек баро парно престоли тай Ковка, Ковато бешелас лесте, Колескере мостар нашле и пув тай о небес, тай нана араклило тан за ленге.<sup>12</sup>Диклом е муленда, баре тай цикне, бешле англал о престоли\*; тай иек книгес разгърнисале; разгърнисали аверда книга, която си и книга е животоскири; тай о муле сине съдиме според пе деловиенде ко пишиме андо книгес.<sup>13</sup>Тай о морес прединяс е мулен, колато сине анде лесте; тай о Мериба тай о Ади предине е мулен, колато сине анде ленде; тай он уле съдиме секой според пе деловиенде.<sup>14</sup>Тай о Мериба тай о Ади уле чивте андо огнено езерос. Давка - и присъда е огненоне езероскири - си о второ мериба.<sup>15</sup>Тай ако декой нана уло запишиме анди книга е животоскири, ов уло чивто андо огнено езерос.

## Chapter 21

<sup>1</sup>Тай диклом нево небес тай неви пув; сокето о първо небес тай и първо пув пренакле; тай морес насине вече.  
<sup>2</sup>Диклом о свято градос, о нево Ерусалим, те ухлел таро небес, таро Дел, пригответиме сар невяста, украсиме пе ромеске.<sup>3</sup>Тай шунгиом силно гласос таро престоли, ковато пенелас: Аке и скиния е Девлескири си е манушенца; Ов ка обитавинел ленца; он ка овен Лескере люде; тай коркоро о Дел, ленгоро Дел, ка овел ленца.<sup>4</sup>Ов ка косел секо асвин таро яка ленге, тай мериба нанай те овел вече; нито ка овел вече жалиба, ни роиба, ни дук; о първо пренакло.<sup>5</sup>Тай о Бешло ко престоли пенгяс: Аке, подновинав всичко. Тай пенгяс: Пишине; сокето калка думес си верна тай истинна.<sup>6</sup>Тай пенгяс манге: Сбъднисало! Ме синиом Алфа тай Омега, о Началос тай о Крайос. Е жадноес ка дав даром таро извори е паниескоро е животоскоро.<sup>7</sup>Ковато побединел, ка наслединел далка бука; Ме ка овав леске Дел тай ов ка овел Манге чаво.<sup>8</sup>А кити е даравненге, е невярващоненге, о мръсна, убийция, о блудна, о магиосници, о идолопоклонники тай саворе хохавне - ленгири участ ка овел андо езерос, ковато таблол ятаса тай сяраса. Давка си о второ мериба.<sup>9</sup>Тогава ало иек таро ефта ангела, колато икеренас о ефта чашес, перда е ефта последноте язвенца, тай захоратингяс манге, тай пенел: Ела, ка сикавав тухе е невяста, и ромни е Бакрескири.<sup>10</sup>Тай ингалгяс ман чрез о Духос иеке баре тай уче планинате, тай покажингяс манге о свято градос Ерусалим, ковато ухлелас таро небес, таро Дел,<sup>11</sup>тай сине лес Божествено слава; тай светинелас сар най-скъпоцено бар, сар яспис, прозрачно сар кристали.<sup>12</sup>Е градос сине бари тай учи стена, дешудо портенца, тай ко портес - дешудуи ангела, тай пишими упрана о портес алова, колато си о алова е дешудуие племененгере е израилиенг: <sup>13</sup>таро изток - трин портес, таро север - трин портес, таро юг - трин портес, тай таро запад - трин портес.<sup>14</sup>Тай и градско стена сиен ла дешудуи основна бара дешудуие алавенца ленде, о алова е дешудуие апостоленгере е Бакрескере.<sup>15</sup>Тай кавка, кате хоратинелас манца, сине лес меркаке златно тръстика, за те мериел о градос, лескере портес тай и стена лескири.<sup>16</sup>О градос сине четвъртито, дължинаса равно е широчинаса лескири; тай като мерингяс о градос е тръстикаса, иклило дешудуи миля стадиес. И дължина, и широчина тай и височина лескири си еднаква.<sup>17</sup>Мерингяс и стена лескири - шел саранда тай штар лактя; а давка сине манушескири мерка, употребиме таро ангели.<sup>18</sup>Лескири стена сине съградиме таро яспис, а о самото градос - таро чисто златос, подобно чистоне стъклости.<sup>19</sup>О основна бара е градсконе стененгере сине украсиме таро секаква скъпоценнна бара: о първо основно бар сине яспис, о второ - сапфир, о трето - халкидон, о четвърто - смарагд,<sup>20</sup>о пето - сардоникс, о шесто - сардис, о седмо - хрисолит, о осмо - берил, о девето - топаз, о десето - хрисопрас, о единадесто - хиацант, о дванадесто - амелист.<sup>21</sup>Тай о дешудуи портес сине дешудуи бисеря; секо порта сине иеке бисериестар; тай и улица е градоскири сине таро чисто златос, прозрачно сар стъкло.<sup>22</sup>Тай храми на диклом анде лесте, сокето лескоро храми си о Дел Всемогъщо тай о Бакро.<sup>23</sup>Тай е градос на сине нужда каместар, нито тари луна те осветинел лес; сокето и Божия слава осветинелас лес, тай лескоро светилос си о Бакро.<sup>24</sup>Тай о народос ка пирен лескере светлинате: о земна тагара ка анен анде лесте пери слава\*.<sup>25</sup>Лескере портес нанай те панден пес о диес (сокето ират нанай те овел оте);<sup>26</sup>тай ка анен анде лесте и слава тай и почит о народоскири.<sup>27</sup>Тай нанай те дел анде лесте нищо нечисто, нито ковка, ковато керел мерзост тай хохавел, а само о запишими анди книга е животоскири е Бакрескири.

## Chapter 22

<sup>1</sup>Палал далкесте о ангели сикагяс манге река паниеса е животоскоро, бистро сар кристали, която извиринаелас таро престоли е Девлеске тай е Бакреске.<sup>2</sup>Тай ко машкар ки улица леске, тай таро дурига е рекаке, сине каш е животоскоро, ковато биянелас плоди дешудуи дрома, като делас плоди секо масек; тай о шумес е кащескере уле за изцеление е народоске.<sup>3</sup>Нищо проклето нанай те овел вече; тай о престоли е Девлескоро тай е Бакрескоро ка овел андо градос, тай Лескере слуги ка служинен Леске.<sup>4</sup>Он ка дикен Лескоро ми; тай Лескоро алова ка овел ко чеката ленте.<sup>5</sup>Ират нанай те овел вече; тай нанай те овел лен нужда светлинатар таро светилос или таре камескири светлина, Сокето о Дел осветинел лен. Тай он ка царувинен жи ко вечна вековия.<sup>6</sup>Тай пенгяс манге: Калка думес си верна тай истинна; тай о Дел, Дел е духовиенгоро е пророкиенгере, бичалгяс Пе ангелес те покажинел Лескере слугенге давка, ковато требе сиго те ачол.<sup>7</sup>Тай аке, авав сиго. Блажено, ковато пазинел о думес е пророчествоске калке книгакоро.<sup>8</sup>Ме о Йоан синиом, ковато шунгиом тай диклом давка. Тай като шунгиом тай диклом, пелом те поклонинаман англал о пире е ангелескере, ковато покажингясас манге давка.<sup>9</sup>Но ов пенгяс манге: Ma! Ме синиом съслужители торо тай те праленгте о пророкия, тай калкенге, колато пазинен о думес калке книгакере. Поклонине тут е Девлеске.<sup>10</sup>Още пенгяс манге: Ма запечатине о думес е пророчествоскере калке книгакоро; сокето о времес лескере изпълнимнаскоро си паше.<sup>11</sup>Ковато керел неправда, нека керел за нангледа неправда; тай ковато си нечисто, нека овел за нангледа нечисто; тай о праведно нека керел за нангледа правда, тай о свято нека овел за нангледа свято.<sup>12</sup>Аке, авав сиго; тай Манца си Мери награда, за те отплатинав секаске според ленгере деловя.<sup>13</sup>Ме синиом Алфа тай Омега, о Първо тай о Последно, Началос тай Крайос.<sup>14</sup>Блажена, колато изтoven пе шехя\*, за те овел лен право те хан таро каш е животоское, тай те ден презал о портес андо градос.<sup>15</sup>А аври си о безнравствена\*, чародейция, о блудницес, о убийция, о идолопоклонники, тай секой, ковато дехел о хохаiba тай хохавел.<sup>16</sup>Ме, о Исус, бичалгиом Ме ангелес те засвидетелствинел туменгे давка е кангериенг. Ме синиом о корени тай о потомъки Давидово, и светло

утринно звезда.<sup>17</sup>Тай о Духос, тай и невяста пенен: Ела! Тай който шунел, нека пенел: Ела! Тай ковато си жадно, нека авел. Ковато мангел, нека лел даром о пани е животоскоро.<sup>18</sup>Ме заявинав секаске, колато шунен о думес е пророчествоскере анде калке книгате: Ако декой прибавинел варесо карик ленде, о Дел ка прибавинел упрали лесте о язвес, пишими калке книгате,<sup>19</sup>тай ако декой отнеминел таро думес калке пророческоне книгакере, о Дел ка отнеминел леске деловя тари книга е животоскири тай таро свято градос, колато си опишими калке книгате.<sup>20</sup>Ковка, Ковато заявинел давка, пенел: Ва, авав сиго. Амин! Ела, Господи Исусе!<sup>21</sup>И благодат е Девлескири о Иисуса Христа те овел е светиенца. Амин.